

Impresion buena, y no de los
prohibidos.

7-6



FD 152

FRANCISCI
VALLISII,

D E

SACRA PHILOSOPHIA,

*SIVE DE IIS, QUÆ IN LIBRIS
sacris physicè scripta sunt,*

LIBER SINGULARIS;

Cui subiunguntur duo alij, nempe

LEVINI LEMNII *de Plantis sacris,*

E T

FRANCISCI RVEI *de Gemmis.*

EDITIO SEXTA

Correctior, & iuxta Indicem expurgatorium reformat.



LVG DVNI,

*Res. 1139
R. 52623*

Sumptibus LAVRENTII ANISSON.

M. DC. LII.



A D
PHILIPPVM II.

Hispaniarum, Indiarum Regem potentissimum, Dominum suum,


FRANCISCVS VALLESIVS
Couarrubianus.



VM tibi me meaque omnia debeam (Rex potentissime,) non possum librum quempiam in lucem emissurus, de ullo alio patrono cogitare. Nam cum me tua Maiestas deterret, ea benignitas, & beneuolentia, quam in primis expertus sum, inuitat. Tanto igitur nomini dicatum volo librum de sacra Philosophia. Videbitur certè, estque munusculum tenue, tamen argumentum non indignum, est enim de iis quæ in sacris libris occurrunt, quæ ad Philosophiam pertinent: quo solo nomine quæ tua est in res omnes sacras pietas, recipere non dedignaberis. Ponderus meis humeris impar esse scio, tamen conatus tales haudquaquam possunt esse inutiles. Nam si quàm maximè videbor in re

*tanta parum præstitisse, hac ipsa causa alios
prouocabo, ut in argumento optimo & nouo tra-
ctato tenuiter laborent felicius. quod etiam mi-
bi debebitur quodammodo, qui quam alij per-
currerent, viam indicauerim. Ergo, Rex poten-
tissime, & bonorum studiorum unicum præsi-
dium, faue his incæptis, atque, si res exiget,
etiam authoritate defende.*





PROOEMIUM

*De iis, quæ scripta sunt Physicè in libris sacris,
sive de sacra Philosophia.*

QUAM plurima occurrunt in libris sacris ad naturam pertinentia, quæ plerique sic censent accipienda, quasi sanctissimus Dei spiritus, nihil ad naturam pertinens nobis voluerit interpretari; sed omnia ad salutem animarum referens, iuxta humanas sententias Philosophorum, aut etiam vulgarium hominum, proposuerit. Veterum Philosophorum plerique, ad quorum manus sacri peruenierunt, eos legebant velut alia quævis Philosophiæ monumenta, atque adeò ipsa Iudæorum & Christianorum dogmata, velut singularis cuiusdam scholæ Philosophorum, examinabant, certabantque, de eorum probabilitate conferentes cum aliis dogmatibus, quæ fuerunt innumera. Ego cur scri-
*Sacri libri cur scri-
pti.*
ptæ esse à viris Dei amicis, sancto afflatis spiritu, mihi persuasum, quia, ut testatù reliquit Ecclesiastes c. i. naturæ arcana noluit Deus reuelare nobis (quod ad vitam æternam obtinendū, quam quis de naturâ teneat opinionem, indifferens est) hanc occupationem pessimam, philosophandi, dedit Deus filiis hominum, ut occuparentur in ea. Tamen, cum quædam in ipso sermonum ductu texantur naturalia, ea omnia verissima esse existimo, utpote quæ à summè vero Dei spiritu dictata sint, & ab ipso naturæ authore fluxerint, quæ latere nihil potuit. Velut profectò, contexta sunt in libris quamplurima pertinentia ad historias, quæ & ipsa aliorum spectant, quàm ut antiquiorum facta, & gesta prælia, homines nouerint. Nemo tamen pius, & Catholicæ Ecclesiæ filius, putauerit, vel larum vnguem à veritate deuiare, aut rem aliter ac narretur, gestam esse. Cur non ergo eodem modo censeas de historia naturali? Noluit enim nos Deus naturales rerum causas, & ortus docere, utpote quas nos certò scire, non adeò referat ad æternam salutem: atque ob id de illis ne edisserat, sed cum obiter aliquid attingit, cur nos decipiat? Certè decipi non potest, neque decipere: siquidem summè sapiens, & bonus est. Atqui naturales rerum causas scire, ut non
est

Authoris
edita vo-
lumina.

Authoris
protesta-
tio

est ad rem æternam necessarium, ita neque quidquã lædit. Quapropter, vt neque nobis Deum aperire, ita neque celare fuit necessarium. Ob hæc ego mihi persuadeo, atque omnibus persuasum volo, vt omnem aliam doctrinam, quæ vera sit, ita naturalem, in his diuinis libris contineri, adeò, vt disciplinas omnes quamplurimum iuuari posse sperem, si doctissimi viri, aliis perlustratis, in eis præcipuè laborent, sua quique tractantes. Nam veterrimi Philosophi, horum lectione sunt plurimum adiuti, proinde ego, perfectis iam in omnes Auditorios Aristotelis de Natura, & quamplurimos Hippocratis, & Galeni de re medica, libros, commentariis, quod Deus concesserit vitæ reliquum, statui in his philosophari, cum quoniã nulla alia ratione censeo certi quidpiam de naturalibus haberi posse: tum quia nescio quo modo eorum lectio, etiam historica, aut Physica, animum pietate imbuat latenter. Quare huic lectioni consecrare senectutem, æquum est putare, scripta esse mihi hæcenus Philosophica, ad opinionem, hæc autem scribi ad veritatem. Nam enim author ipse est Deus, qui quoniam totius naturæ est principium & causa, constat interpretationem naturæ non aliunde posse melius incipere, quàm ab ipso. Volo tamen hæc in Dei gloriam potius, quàm mei nominis celebritatem, scripta, atque rei tantæ difficultatem, & humanæ mentis debilitatem agnoscens, testor ante omnia, nihil me in hoc, aut vlllo alio meorum operum asserere, nisi quatenus probeatur à sancta Romana Ecclesia, penes quam veritas est, & sapientia, quæ, vt dicitur Prouerb 9. *misi ancillas suas*, hoc est, naturales scientias, vt vocarent in arcem, vt me nunc naturalis Philosophia vocat in arcem, & ciuitatis mœnia, hoc est, lectionem sacrorum, in quibus tamen ita versabor, vt à Physicis quàm minimùm recedam; mihi enim magnopere probatur illud: *Ne sutor ultra crepidam*.

CAPVT PRIMVM GENESEOS.

IN principio creauit Deus cœlum & terram. Terra autem erat inanis & vacua, & tenebra erant super faciem abyssi, & spiritus Domini ferebatur super aquas. Dixitque Deus, fiat lux, & facta est lux. Et vidit Deus lucem quòd esset bona, & diuisi lucem à tenebris, appellauitque lucem diem, & tenebras noctem; factumque est vespere & mane dies vnus. Dixit quoque Deus, fiat firmamentum in medio aquarum, & diuidat

diuidat aquas ab aquis. Et fecit Deus firmamentum, diuisitque aquas, quae erant sub firmamento, ab his quae erant super firmamentum. Et factum est ita, vocauitque Deus firmamentum caelum, & factum est vespere & manè dies secundus. Dixit verò Deus, congregentur aquae, quae sub caelo sunt, in locum unum, & appareat arida, & factum est ita. Et vocauit Deus aridam, terram, congregationesque aquarum appellauit maria. Et vidit Deus quod esset bonum, & ait, Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram, & factum est ita. Et protulit terra herbam virentem, & facientem semen iuxta genus suum, lignumque faciens fructum, & habens unumquodque sementem secundum speciem suam. Et vidit Deus quod esset bonum, & factum est vespere & manè dies tertius. Dixit autem Deus, fiant luminaria in firmamento caeli, & diuidant diem ac noctem, & sint in signa, & tempora, & dies & annos, ut luceant in firmamento caeli, & illuminent terram, & factum est ita. Fecitque Deus duo luminaria: luminare maius, ut praesset diei, & luminare minus, ut praesset nocti, & stellas, & posuit eas Deus in firmamento caeli, ut luce-
rent super terram & praessent diei ac nocti, & diuiderent lucem à tenebris. Et vidit Deus quod esset bonum, & factum est vespere & manè dies quartus. Dixit etiam Deus, producant aqua reptile anima-
ue viuentis, & volatile super terram sub firmamento caeli, creauitque Deus cetera grandia, & omnem animam viuentem atque motabilem quam produxerant aqua in species suas, & omne volatile secundum genus suum. Et vidit Deus quod esset bonum, benedixitque eis, dicens: Crescite & multiplicamini. & replete aquas maris, auesque multiplicentur super terram, & factum est vespere & manè dies quintus. Dixit quoque Deus, Producat terra animam viu-
entem in genere suo, iumenta, & reptilia, & bestias terra, secundum species suas, factumque est ita. Et fecit Deus bestias terra, iuxta species suas, & iumenta, omne reptile terra in genere suo. Et vidit Deus quod esset bonum, & ait: Faciamus hominem ad imaginem, & similitudinem nostram, & praesit piscibus maris, & volatilibus caeli, & bestiis, uniuersaque terra, omnique reptili, quod mouetur in terra. Et creauit Deus hominem ad imaginem & similitudinem suam; ad imaginem Dei creauit illum, masculum & feminam creauit eos. Benedixitque illis Deus, & ait: Crescite & multiplicamini, & replete terram, & subiicite eam, & domina-
mini piscibus maris, & volatilibus caeli, & uniuersis animanti-
bus, quae mouentur super terram. Dixitque Deus: Ecce dedi vobis omnem herbam afferentem semen super terram, & uniuersa ligna quae habent in semetipsis sementem generis sui, ut sint vobis in escà,

De sacra Philosophia

*& cunctis animantibus terra, omnique volucri cæli, & vniuersis
qua mouentur in terra, & in quibus est anima viuens, ut ha-
beat ad vespendum, & factum est ita. Viditque Deus cuncta qua
fecerat, & erant valde bona, & factum est vespere & manè dies
sextus.*

Philoso-
phorū de
mundi
exordio
opinio-
nes;

De mundi
ortu Phi-
losoph.
sententia.

Mundi
perpetua
emanatio.

Nihil magis controuertitur inter veteres Philosophos,
quam sine corporeus & aspectabilis mundus, principio
temporis carens, fueritque semper qualis nunc esse conspicitur,
itaque semper fuerint hæc Luna, hic Sol, hæc Astra, & aliæ om-
nes mundi partes quæcunque videntur esse incorruptibiles, re-
liquarum verò species, æterna vicissitudine, seruata sint, & nunc
seruentur, an aliquando incœperit, eum aliquando omninò non
extiterit, rursum, an ab aliquo factus incœperit, an per seipsum
casu confluxerit. Atqui profectò, optimum id mihi esse videtur
totius Physicæ exordium, si quis velit resolutionum tenere ordi-
nem, qui discentium naturæ magis se accommodat, & petitio-
nis minùs indiget, quia incipit à postremis. de quibus pri-
mum omnium naturaliter contingit dubitare. Nihil autem est,
de quo priùs homines natura dociles, cum primùm ex puerili
ignoratione incipiunt emergere, dubitent, & per seipsos dubi-
tando contendant inuestigare, Deo arbitror ita volente, quia
nulla disquisitio citiùs fert in Dei optimi maximi, mundi sci-
licet opificis, cognitionem. Plato & Pythagoras, factum esse
mundum hunc aliquando à Deo censent, atque à nullo alio,
quàm ab ipsomet Deo, à quo factus est, posse ad interitum de-
duci, interitum verò nunquam, sed Dei voluntate perseuera-
turum, ita tamen factum, vt non ex nihilo, sed ex rudi quadam
materia, in qua sine ordine, omnia mundi huius exordia lati-
tauerint, eam verò materiam factam esse nunquam, sed exti-
tisse semper, & aliquando exornatam esse. Aristoteles, vt nul-
lus est futurus interitus mundi, ita nullum fuisse temporalem
mundi ortum, sed æternam quandam à prima causa emana-
tionem, & dependentiam. Epicurus, cœpisse mundum, interi-
turumque rursum, atque vtrumque sæpe, fortuitò, nunc coeun-
tibus aptè, nunc discedentibus corpusculis. Anaxagoras, teme-
rario etiam congressu, sæpè dissolutis quæ ineptè coierant, ali-
quando aptè coniuncta esse corpuscula homogenea bonasque
rerum formas non ampliùs dissolui, sed successiua generatione
æternùm seruari. Deus optimus maximus, in initio eorum,
quos per eos, quos elegit in Prophetas, ad homines habuit ser-
mones, nobis reuelat mundum hunc à se factum esse, neque
extitisse

extitisse semper, ut piis iam hominibus dubitandi nullus reli-
 ctus locus sit. Ut verò naturalis etiam Philosophia & ipsa per
 sese humana mens, ad contemplandam Dei veritatem, suam
 exiguum conferat suppellectilem, enitendum nobis est eorum
 quæ in his libris videbuntur, ad eam, aliqua ex parte, pertinere,
 naturales inuenire rationes. Præstabo quod potero, certò scēis,
 id ipsum, quantumcumque erit, ab ipso esse Deo. Sententia Pla-
 tonis hoc solùm dissidet à veritate, quòd ponit materiam æter-
 nam, à qua sit factus mundus temporalis. Cætera enim omnia
 vera sunt, & rationi congruentia, mundum scilicet hunc factum
 esse à Deo, ac proinde à nulla alia causa dissolui posse, quàm
 ab ipso Deo: ab eo verò posse, ut factus est, corrumpi. Plato di-
 cit dissolui in ea, ex quibus est compactus; nos verò dicimus
 posse à Deo in nihilum deduci, ut ex nihilo est factus. Itaque
in principio, id est, cùm nondum vllum fuisset tempus, neque
 vlla rerum corporearum extitisset, *Deus*, hoc est, prima causa,
 æterna, & immutabilis *fecit ex nihilo cælum, & terram, hoc est,*
 totum hunc mundi aspectabilis, & corporalis orbem, qui etiam
 in nihilū reduci ab eodem Deo posset; seruabitur verò in æter-
 num, eadem bonitate, qua factus est. Verùm quandoquidem
 multas continet assertiones propositus sermo, satius est sigilla-
 tim disputentur. Mundum hunc non esse ab æterno, sed incœ-
 pisse aliquando, constare videtur posse. Nam eius sunt partes
 duplices (de solis agitur hîc corporibus, ne de insensibilibus dis-
 putatio incertas reddat demonstrationes) quædam natura incor-
 ruptibiles, quæque eodem numero persistunt, ut cœlestia cor-
 pora: quædam corruptibiles & quæ similiū succēssione seruan-
 tur alioqui defecturę, ut homines, equi, arbores, ac denique om-
 nia, quæ intra cælum oriuntur. Res corruptibiles non possunt
 ab æterno esse; sunt verò necessarie mundi partes: ergo neque
 mundus omninò potest ab æterno esse. Propositio indicatur,
 quia res corruptibiles seruantur multitudine singulariū ordine
 succedentium; multitudo verò non potest esse infinita actu, sed
 potentia, non potest ergo ea succēssio ab æterno venire, (possit
 verò si Deus velit in æternum abire,) nam nullum corruptibile
 potest durare, nisi tempus finitum: ex finitis verò numero, &
 magnitudine, non potest constare nisi finitum: tempus verò ab
 æterno veniens, necessariò fuisset infinitum. Ergo necesse esset,
 quodcunque corruptibile venire ab infinitis numero similibus;
 fuisset igitur infinitus numerus singularium, numerum verò
 infinitum esse actu continet contradictionem; igitur fieri non
 potest, ut corruptibilium generatio veniat ab æterno. Ut verò

Platonis
& verita-
tis de mū-
di ortu
discrimen.

Mundi
partes du-
plices.

Infinitum
actu im-
possibile.

Continui
diuisibi-
litas.

Infinito
nihil ma-
ius.

in æternum abeat, non repugnat, quia multitudo adiectione finitorum, etsi adiectio nunquam cesseret, nunquam sit infinita, nisi potentia, hoc est, quod nunquam finiatur, neque cesseret adiectio: ut continuum potest diuidi diuisione nunquam finiendi; tamen congectione singulorum, nunquam posset esse congesta multitudo infinita. Eadem ratione monstratur, neque corpora cœlestia ab æterno esse (nisi fortè fuerunt æternum quiescentia, & cœperunt aliquando moueri) nam etsi neque oriuntur, neque intereant, mouentur semper successiuis circuitionibus, adiectione verò circuitionum constat earum numerus, quare esset iam numerus infinitus. Itaque constat posse dierum successiuam continuatione ordinem durare in æternum, si velit Deus. tamen venire ab æterno non posse, continetque re vera contradictionem, æternum & principio carens esse, quod vniquam mutabile sit. Sed forrè quispiam monstrationem non intelliget, & proteruiens dicet, non posse esse numerum certum & infinitum, tamen posse esse multitudinem incertam & infinitam, aut rursus, non posse esse infinitam multitudinem rerum simul existentium, posse tamen esse ordine præteritarum. Ob hanc enim causam, sunt qui dicant, repugnare, mundum ab æterno esse, & hominum animas immortales, timentes scilicet ne infinitæ iam animæ æterna hominum generatione, collectæ sint. Sed hi debiliter admodum intelligunt quam contradictionem contineat, numerum esse infinitum, non enim refert, res quarum est numerus, sint, an fuerint, nisi fortè censeat, ob id non posse esse eam rerum multitudinem infinitam, quod non sit locus quo capiantur, aut quibus nutriantur cibi. certè repugnantia in ipsius numeri natura est, qui si numerus est, non potest non esse numerabilis, par, aut impar, atque ob id finitus: neque potest esse numerus, qui non fiat adiectione vnitatis maior; infinito verò nihil maius, neque minus est numerus rerum præteritarum, quàm præsentium, verè enim idem est numerus dierum præsentis anni, & superioris, neque verò locus est dicendi, multitudinem esse quæ non sit numerus, multitudo enim omnis diuisibilis, & quanta; quanta verò quantitate discreta: quantitas verò discreta, & numerus, eadem res est, quapropter multitudo, etsi mihi possit esse incerta & innumerabilis, simpliciter verò & in sese nulla potest esse, nisi cerra & numerabilis. Verùm propter imperitos, & proteruos, monstratur hoc idem, ducendo ad inconueniens: hæc enim ratio facilius reuincit minus perspicaces. Pone contrarium, putà, ab æterno esse hunc Solem, & circa terram volutari, necesse est diem hodiernam ab infinitis

infinite diebus, ordine succedentibus, fluere: quapropter à superiorum dierum aliquibus, distabit hæc, tempus finitum, ab aliquibus, infinitum, nam si ab omnibus distaret finitum, totus ipse mundus habuisset initium: ab omnibus verò non distat infinitum (neque enim ab hesternis,) si igitur fuerit dies à quibus hæc distat, infinitum tempus, ab illarum quacunque incœpit dierum numerus qui additione unitatum factus fuerit infinitus; quare si ab ea die cœpisset fieri, ita ut singulis diebus pars proportionalis decederet, perfecta iam esset cōtinui diuisio: siquidem facta esset diuisio infinita, atque eadem ratione, qui ab hodierna die inciperet numerus, aliquando esset euasurus infinitus, fieretque infinitum ex finito additione finitorum: & esset infinitum inter duos fines, hanc scilicet diem, & illam à qua hæc distabat infinitum. Dices, non potest indicari dies, à qua hæc distaret, infinitum, à te certè non possit, sed rogo, an fuerit aliqua? si enim nulla fuit, neque mundus fuit ab æterno, sin autem fuit, ab illa incœpit numerus, tam quæcunque unitas quæ non est vltima, inchoat numerum. Dices, continent contradictionem hæc, atque ob id non potest intelligi dies quidam, à quo hic distauerit infinitum. Certè si fuerunt plures, in multis non potuit non esse aliquis, quare si posito mundo ab æterno, sit necessariò ut plures dies fuerint, à quibus hic distet infinitum & multis existentibus sit necessariò, ut eorum quiuis fuerit aliquis, à quo hic distet infinitum, & dato aliquo tali, sequuntur absurda, & contradictionem continentia, sit necessariò, ut id quod primò ponebatur, putà mundum ab æterno existere, contineat contradictionem, & censeatur impossibile, nam ob absurdum, quod colligitur, tolli debet quod primum ponebatur, non quæ fiebant, nam si concedis id quod accipiebatur, & tollis aliquid eorum quæ fiebant, cogeris concedere duas assertiones contradicentes, quia non potes non concedere, quod sit ex eo quod admittis, quia verò hoc idem tollis, concedes oppositum, & contradicens. Mundus igitur non potuit esse ab æterno. Sed hætenus processit mōstratio ex corruptibilibus mundi partibus, aut saltem mutationes aliquas subeuntibus. Sed si quis affirmet, ortus & interitus, atque omninò omnes mutationes, aliquando incœpisse, tamen fuisse ab æterno, & ante omnem mutationem, æterna cœlorum corpora, quiescentia, aut etiam corpora elementorum, ob cœlorum quietem ab omni mutatione vacantia, itaque, præcipuas mundi partes esse nunquam, moueri verò cœpisse aliquando atque inde cœpisse initium ortus & interitus, qui, inquam, diceret; Nunquid conuinci posset? posset certè, hac ratione. Aut corpora illa, quæ æternum quieue

Mundum
esse ab
æterno
contra-
dicit.

Operatio
procedit
à natura
& esse.

quicuerunt, fuerunt facta ab æterno, aut omninò non fuerunt facta; neutrum verò esse potest verum: ergo neque omninò potuerunt esse ab æterno. Nam si facta omninò non sunt, sit vt sint p̄r sese ab æterno, & esse proprio existentia. Quapropter nullum illorum ab alio pendeat, aut alio posterius sit, sed per se sint, & operentur ab æterno, (cùm operatio procedat à cuiusque rei natura, & proprio esse,) quare nulla illis prior causa sit, (si enim hæc effecta ab alio non sunt, nō sit vlla eorum causa,) quapropter mundus hic vniuersus, neque vnus erit, neque totus, neque perfectus, cùm non pendeat totus ab vnica virtute & causa, neque causæ omnes in vnam omnium primam referantur: sed sint multæ mundi partes à quibus non procedatur ad vllam aliam superiorem, & priorem, hoc verò fieri non potest: nam, aut illæ partes habent aliquam naturam siue essentiam communem, aut omninò habent nihil cōmune. Ex adeò diuersis, vt nihil commune dicatur de illis, nulla rap̄t potest conflari vnum: nam neque ordo esse potest inter omninò diuersa, ordo enim secundum aliquid commune est, dicimus enim inter Petrum & Franciscum ordinem quemdam esse iunioris & senioris, quā Doctores sunt, quia hic iunior, ille senior, tamen quā Petrus homo, & Franciscus doctor, aut quā Perrus doctor, & Franciscus Burgēsis, nullus ordo est, quia hominis, & doctoris & Burgēsis, non est vlla communis ratio. Si igitur dicas, illas partes à nulla causa pendentes, neque vlla posteriores nihil habere commune, tollis omninò mundum, quo sublato, nihil est: nam mundus, neque vnitæ causæ primæ, neque vnitæ essentiæ, neque ordinis, erit vnus. si verò nulla ratione vnus est, neque est omninò, quia ens, & vnum conuertibiliter dicantur. Si cō velis procedere stupiditatis, vt concedas mundum non esse ens, sed entia diuersa omninò, & æquiuocè dicta, mundum ponis rem omniū imperfectissimam, præterquam, quodd sensus ita dicere prohibet, cùm vnica & omnium perfectissima totius figura, & partiū positio, esse cernatur. Si verò concedis, partes illas mundi habere aliquā essentiam communem, constat, quandoquidem non sunt omninò eadem, habere eas aliquid commune, & aliquid diuersum. Est autē quod commune vnum, quæ diuersa multa. Illud ergo cōmune, prius erit illis omnibus diuersis, siquidē ex eo constant, hæc non: ergo erant illæ partes suo quæque ordine, primæ causæ, sed pendebant illæ omnes ab aliqua priori causā, à qua data erat eis communis illa essentia. Nullatenus ergo fieri potest, quin corpora omnia facta sint. Si verò facta sunt, non certē ab æterno tempore, sed aliquando: nam quod sit, ex non ente

ente fit, quod factum, ex non ente est factum. Ergo antequam esset ens, fuit non ens, seu non fuit ens, non ergo fuit semper, & ab æterno ens, sed aliquando ens, aliquando non ens. quod enim semper fuit, numquam est factum, quia quod fit, non est.

Non ens
entis
princi-
pium.

Neque cerè aliud est facere, quàm ei quod non est, esse tribuere. Verùm hoc ita habere, hoc modo melius intelliges. Nemo dicet Solem nunc fieri à Deo, quia nunc Sol non fit. Si verò Sol ab æterno est, numquam fiebat magis quàm nunc fit, quia numquam erat minus, quàm nunc est: nullo ergo modo potest esse ab æterno, quod factum est. Siquidem ergo satis monstratum est mundum esse factum, constat non esse ab æterno, sed in principio temporis, simul scilicet cum corporibus incipiente motu, & cum motu nascente tempore. Itaque in principio facta sunt cælum & terra. Si verò facta sunt in principio, aut facta sunt à seipsis sponte naturæ orientia, aut ab alio: à seipsis non potuerunt, quia quod facit, est actu, quod fit, non est actu. non magis ergo potest aliquid facere seipsum quàm esse simul & non esse. Superest facta esse ab alio. illud

Cælum &
terra fa-
cta sunt
non à sei-
psis.

verò aliud, aut non erat factum, aut æternum. si factum, illud rursum fuerit factum ab alio, & illud ab alio; pervenietur ergo ad aliquod æternum, à quo sint facta omnia, aut ibitur in infinitum. Si permittis ire in infinitum, redibunt omnia argumenta quibus monstrabatur non potuisse infinitas rerum generationes antecedere: ergo necesse est ponere æternum aliquod, & primum, à quo facta sint omnia, quæ facta sunt: illud verò, quia æternum, sit primum, quia primum, simplex, & unum; quod verò eiusmodi, omnes homines Deum esse dicunt. Deus igitur est, qui in principio fecit cælum & terram. Sed quo pacto fecit?

Latini di-
cunt mū-
dum fuisse
creatū,
non fa-
ctum.

Latini nolunt legere, *fecit*, sed *creavit*, significantes hoc verbo, fecisse ex nihilo. quod etiam ipsum videtur mihi monstrari posse eisdem argumētis nam si fecit ex aliquo, aut illud aliquid factum fuit, aut non: si factum fuit, rursum rogabo an ex nihilo. an ex aliquo, si ex aliquo, de illo rogabo rursum, ibitur iterum in infinitum, & redibunt argumenta numeri infiniti: si aliquando cœpit rerum fabrica ex nihilo, hoc est quod asseritur: si verò illud numquam est factum, redeunt argumēta eadem quæ de incorruptilibus mundi partibus proferabantur. eisdem igitur argumētis, quibus indicavimus, mundum esse factum, indicatur factum esse ex nihilo. Aded ridere lubet præstissimos illos Philosophos, qui ante mundi ortum ponebant alij corpuscula, quæ in immenso spatio sine ordine volutarentur: alij hæc ipsa corpora, velut in conturbata miscella latitantia. quid hi faciebant lucris? ut scilicet mūdus ab æterno fuisset de-

Mūdus ex
nihilo fa-
ctus.

Philoso-
phorum
ignorantia
de ortu
mundi.

formis

formis, & aliquando exornaretur. an minus est absurditatis & repugnantiae, in infinita multitudine motionū inordinatarum, quàm ordine succedentium, & in aeternitate corporis deformis, quàm pulchri? an nō satius erat pulchrum ab aeterno ponere? nam perfectio & pulchritudo prior est ipsi esse: imperfectio & deformitas, ipsi non esse. Ego cerè hac in re laudo Aristotelem, quod cū impossibilitatem (ut ita dixerim) aeternorum motuum, & corporum, non prouiderit, maluit ab aeterno esse pulchram hanc mundi faciem, quàm aliquando ex aeterna deformitate emeruisse: oportuit verò ipsum aeternitatem illam temporis meditari, reperisset siquidem, ut neque in corpore, neque in loco (hæc enim ille demonstrauit) ita neque in tempore infinitatem esse potuisse, siquidem est etiam tempus quantum, ut & corpus, & locus; si igitur omnia quantà finita, tempus quoque totum finitum est, & erit, quare factus est aliquando mundus ex nihilo. Porro fieri aliquid album, esse quale; fieri septipedale, est fieri quantum, huic loco accedere, est fieri hîc, fieri verò hominem, aut equum, est fieri hoc; fieri mundum, est simpliciter fieri, aut fieri ens: quia neque est fieri hoc aut illud, neque quantum, neque quale, sed fieri simpliciter: ut ergo quale sit ex non tali, ut album ex non albo, quantum ex non tanto, ut tripedale ex non tripedali; sic ex non hîc existente; velut Complutum venit qui erat Toleti: hoc aliquid, ex non hoc, ut homo ex non homine. ita necesse est fieri simpliciter, ex simpliciter nō ente, atque ita ex nihilo. Respondebis fortasse Platonice, factum esse mundum ex non ente simpliciter, non tamen proinde ex nihilo. Sed neque hoc dici potest, nam si ponis illud, ex quo mundus est factus, quodque ab aeterno erat, qualem materiam primam fingimus, ea ne intelligi quidē sine omni forma potest, nedum esse. Si enim ea, mera potentia, omni actu vacua erat, non poterat existere actu (nulla enim existentia sine essentia est,) sed potentia, potens virtute diuina educi ex nihilo, ut ex ea corporales formæ virtute naturali educerentur: interim tamen nihil existeret, præter ipsum Deū, qui in principio fecit cælum & terrā, ex nulla materia. Sed quo pacto facit? iubēdo fieri. Hoc quoque deridebant summi illi, & admirandi Philosophi, censentes Deū, velut fabrū quendam, aut sigulum esse. neque aliter, quàm quædam cōtorquendo, quædā producēdo, quædā pinfendo, & alia quædam machinando, sua opera effecisse: & quædam eorum per se, quædam per minores Deos. Verū si, ut monstratum est, fecit Deus omnia ex nihilo, constat, Deū ipsum per se fecisse omnia, quia potentiæ infinitæ est, ex nihilo facere, & ob id nulli finitæ poterat demādari. nō potest verò esse virtus infinita nisi vnica,

Laudatur
Aristoteles
ab au-
thore.

Materia
meta po-
tentia.
Existentia
sine
essentia
nulla.

Deus po-
tentia in-
finitus.

eaque prima & summa, neque enim in infinitis est maius. Si
 igitur fecit Deus ipse per sese omnia ex nihilo, non potuit fa-
 cere aliter, quàm iubendo: non enim educendo ex materia vlla,
 neque aliquid machinādo circa materiā, quæ erat nulla: neque
 erat quod operi repugnaret, neque quæ se minùs ductilē præ-
 sta ret, materia, quā elaboraret, nihil aliud esse potuit, illud fa-
 cere, quàm ex sua infinita fœcunditate, bonitate, potētia, & sa-
 pientia infinita, quæ in eo vnica & simplicissima res est, iubere,
 vt res fierent. esse autem primæ causæ fœcunditatē infinitā, hoc
 est, facultatē faciendi ex nihilo, neq; indigere, vt faciat, materia
 vlla, idque ponere, ob ipsius mūdi integritatē & perfectionem,
 necessariū esse, in Physicis quæstionibus monstraui mus: neque
 pigebit nunc repetere. Cerrē non est perfectus & pulcher mun-
 dus, nisi omne quod sit pulchrū, sit aliqua bonitas quæ velit; &
 omne quod scibile, sit sapientia quæ sciat; & quod possibile, po-
 tentia quæ possit. Nam quā aliquid possibile nō potuit, aut sci-
 bile ignorauit, aut pulchrū noluit, vel inuidit, mancū & i-
 sectū exierit opificiū, ipsum verò pulchrū, aut scibile, nemo de-
 finit ad bonitatē volentis, aut scientiam scientis. Sed pulchrum
 est quod rei cui accidit, ad propriā bonitatem obtinēdam, per-
 fectionem adiicit; & scibile, quod in sese habet principiū, vnde
 sciri possit; igitur neque possibile, quod simpliciter dicitur & nō
 ad aliquid, definiri debet ad potētiam, sed simpliciter possibile,
 est illud, quo facto & posito, nulla repugnantia sit, aut contra-
 dictio, tunc enim res per sese fuerit impossibilis, cū in ipsa est
 (vt ita dicamus) impossibilitas, externū verò quiddam fuerit, si
 ob id solum dicatur impossibilis, quod non sit causa quæ possit
 facere. Oportet igitur sit in rebus causa aliqua, quæ possit, quid-
 quid in sese repugnantiam nullam continet. At verò fieri ex
 nihilo, nō est simpliciter impossibile, sed impossibile cuidā vir-
 tuti finitæ, putā naturali, qua virtute esse aliam superiorem, &
 potentio rem, non est impossibile. Si igitur esse aliam virtutem
 maiore omni natura, quæ possit facere ex nihilo, nō est impossi-
 bile, est possibile: si verò est possibile, est etiā necessarium, quia,
 (vt Aristoteles acutissimè dicit) in æternis idem est quod possi-
 bile, & quod necessariū. necesse est igitur esse Deū, eumque per
 sese fecisse in principio temporis cælum & terram, iubendo vt
 ex nihilo fierent, neque est quod quēpiā perturbēt aniles du-
 bitationes, quid faceret Deus solus, in illa æternitate otiosus?
 cur non faceret hæc corpora multò antea; nā qui omnia habet
 intra se eminenter, nulla vnquā re caret, qui sibi est sufficien-
 tissimus, nūquam est otiosus. Iam verò mūdus, siquidem factus
 est in principio tēporis, cū in æternitate neque sit prius, neque
 posterius.

Causæ
primæ fœ-
cunditas.

Mundi
perfectio.

Possibile
quid sit.

Fieri ex
nihilo] ni-
hil à fini-
to potest.

Deus quid
ante mun-
dum.

posterius. fieri verò non potuit ab æterno, ob contradic-
tionem, quam aperuimus. non est ergo quod queramur non esse
factum antea. Sed relicta æternitate, accipies interrogationem
à tempore, in quo est plus & minus, prius & posterius, roga-
bisque, cur ut est nunc mundus sex mille annorum, non est
etiam decem mille, ut esset factus mundus quatuor millibus
annorum antequam factus est? ego te rursus rogo, an si ita
esset factus, non esset hæc tua dubitatio? neque rogares cur
non esset factus prius, certè esset eadem; quid si centum mille
nunc esset annorum mundus, ut aliquando erit, nisi intercipia-
tur tempus? esset certè eadem; quid si centies millenis mille?
tunc quoque. si igitur nisi ab æterno fieret, non posset abesse
hæc dubitatio; ab æterno verò fieri non potuit ad quem po-
tius pertineret momentum creationis indefinitum definire, ad
te qui dubitas, an ad Deum qui fecit; meritò ergo fecit in prin-
cipio, idque temporis principium fuit cum ipso creationis.
possit, verbum illud, *creare*, non habere eam vim, quam
diximus, sed esse utcumque facere, siquidem dicitur, *creavit*
Deus hominem, at verò non fecit cum ex nihilo, sed ex limo
terræ. sed neque alia viuentia fecit nisi ex terra aut aqua. Diuus
Augustinus censeat, omnia esse creata simul eodem momen-
to, seu in eodem nunc, illam verò partitionem dierum non
significare partes temporis, sed distinctionem, & gradus quos-
dam naturæ rerum: atque factum esse hominem ex terra,
non actu præexistente, sed existente potentia in ipso, velut
quiuis dicitur nostrum verè factus ex quatuor elementis, ta-
men si nulla terra, aut aqua erat actu id, ex quo facti su-
mus, sed semen & sanguis. Itaque ut unico intuitu tota fa-
cies, & eius omnes partes, in speculo exprimuntur, ita vni-
ca iussione Dei, constituisse totam hanc corpoream molem;
& in ea refulsisse illum diuinitatis fulgorem, quem voca-
mus naturam: cæterum quia non omnes Sancti hoc ita in-
telligunt, alia responsione est opus. Dei verbo, *creare*, ego
ita censeo, creare duplex esse, alterum & præcipuum, ex nihi-
lo facere: alterum sine materiæ dispositione facere, nam sub-
stantia non videtur aliter fieri posse, quàm generatione, aut
creatione: generatio verò non est nisi in materiâ disposita;
quæ igitur sine materiæ dispositione est, creatio vocari debet.
Quapropter siue ex nihilo omnia, siue ex nihilo quædam,
quædam ex materiâ non disposita, sed iubendo fecit, omnium est
Deus effector & creator. Fecit verò Deus, omnia quæ fecit,
valde bona, id est, suis singula formis perfecta, quia ipse valde
bonus est: & bonus omnia vult bona esse, quia nulla umquam
de

Mundus
cur non
prius fa-
ctus.

Creare
id.

Homo ex
terra.
Homo ex
elementis
factus.

Creare
duplex
est.

Substan-
tia quo-
modo
fit.

de re inuidia tangitur. voluit ergo omnia fieri valde bona, quoniam bonus; sciuit verò quæcunque voluit; & potuit quæcunque sciuit & voluit, quia vt est summè bonus, ita & summè sapiens & potens. Tria igitur sunt omnium rerum principia, potentia, sapientia & bonitas, quæ in prima causa vnicum, & idem principium est. innumera alia continet præscriptum caput, de quibus, quia scio non posse me pro dignitate dicere tacere mala, ac relinquere enarranda Theologis, quibus dedit Deus, in hoc sanctarum scripturarum paradiso liberius versari. Apponam verò quam mihi Deus dederit, sex dierum enarrationem; hinc capto initio: *vidit (inquit) Deus quod esset bonum, & ait: germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. & factum est ita & protulit terra herbam virentem, & facientem semen iuxta genus suum, lignumque faciens fructum, & habens vnumquodque sementem iuxta speciem suam.*

Videtur his verbis significari, nullam omninò esse herbam, neque plantam, quæ semen non proferat: siquidem omnia quæ terra producit, videntur esse creata à Deo, at verò nihil videtur Deus iussisse vt germinaret terra præter ea quæ semen proferunt. omnia ergo quæ terra germinat, semen proferunt. at verò videtur, huic assertioni experimentum repugnare: siquidem in arboribus Salix, Vlnus, Populus, & Fraxinus, & huiusmodi aliæ, nullum videntur habere semen. minutulæ & annuæ herbulæ, quibus prata omnia conuestiuntur, spontè nascuntur sine vlllo semine, & fungorum omnia genera, qui & ipsi nutrimentum & ortum ex terra capiunt, sicut etiam nullus flos, nullus fructus est, teste Dioscoride, sine quibus semen nullum esse possit. Quid ergo, an hæc non sunt creata à Deo? certè creata sunt omnia à Deo, sed, vt arbitror (nisi tamen aliter sancta censeat Ecclesia, ita enim facile assentiar) non omnia eodem modo: nam rerum, quæ ortui & interitui sunt obnoxie, quædam non aliter generari possunt quam à suo simili: vt homo ab homine, equus ab equo; quædam verò dissimilium causarum concursu generantur per accidens, vt quæ generantur per putrescentiam, aut etiam per concoctionem, aut per alterationes quasdam, quarum rerum generationes, non tam referuntur in vllam facientem causam, quæ proxima sit, quam in materiæ dispositionem. velut aurum non gignitur ab auro, aut argentum ab argento, aut omninò metallorum vllum ab eiusdem specie alio, neque lapis vllus à lapide. his enim rebus nulla seminalis virtus est, vt neque vllis earum, quæ vegetabilem non habent naturam. Plantarum etiam & animalium multis accidit, vt per accidens,

Tria rerum
principia.

De sanctarum
minibus
questio.

Generatio à simili
& dissimili.

Generationis
animalium
& plantarum
triplex modus.

neque à sui similibus generentur, atque in vtrisque (plantis inquam & animalibus) est triplex differentia. quædam enim (quæ scilicet sunt perfectissima) non aliter quàm per se, & à sibi similibus generari possunt, vt homo, equus, bos, & elephas, & nux, prunus, & palma, & pomifera omnia: quædam (quæ scilicet sunt vilissima) semper generantur per accidens; vt pediculi, & vermes & fungi, & alga. quædam sunt inter hæc, perfectione etiam media, quæ cum à similibus, & seminali vi generentur, sponte etiam nasci possunt; vt mures, qui habent vtranque generationem, & vesprium, & locustarum, ac scarabeorum genera. Herbas etiam aliquas, earum quæ semen afferunt, sponte nasci, ac sine semine posse, omnes existimant, inde capto argumento, quòd quibusdam in terris visæ sint denuò, atque vbi nullæ vnuquam tales fuerint innasci. velut Theophrastus, cap. 5. lib. 1. de Causis plantarum, narrat, laserem aliquando in Apturea ortum esse ex imbre quodè crasso, cum in ea mundi parte fuisset nunquam, & ibidem syluam quandam ingentem profuisse aliquando, vbi nulla antea fuisset. quanquam non desunt, qui horum etiam euentuum quærent seminali causam, velut Anaxagoras, qui censet ipsum ærem deferre ex aliis in alia loca semina, hincque fieri, vt hominibus id non sentientibus, fiant generationes quædam alicubi, quæ videbantur esse spontaneæ, cum tamen non sint alij causantur inundationes confluxusque aquarum, dicentes omnium digressionibus fieri, vt semina ex aliis in alias partes deferantur. Sed etsi hæc non ineptè dicantur, mihi videtur multò probabilius, siquidem in animalium genere sunt nonnulla quæ vtrunque habent ortum esse in plantis quamplurimas. nam ex semine solùm posse consistere, neque vllum habere accidentalem ortum, perfectioni tribuitur. at verò genus animalium perfectius multo, quàm plantarum est. plantæ ergo plures habent nascendi modos, neque tam tenentur conditione nascendi ex semine, quàm animalia. quod rursus vel hoc argumento constat, quòd animalia perfecta, non aliter quàm ex semine nasci possunt, plantæ verò etià hæc, quæ maxime semen proferunt, nascuntur etiam insitione, & plantatione, & germinatione, suntque illis omnes hæc productiones per se. itaque non est quod videatur inopinabile, plantas plerasque earum, quæ ex semine nascuntur, nasci posse spontè ex terra & aquæ fecunditate solum, cum id accidere videamus animalium non paucis. quin potius existimo, quæ omni careant semine, esse perpaucas: quæ possint spontè nasci quamplurimas, nam, vt Theophrastus rectè censet latitare potius quàm non esse seminis naturam, est arbitrandum. velut in thimo est semen, quod

Quædam
herbæ
nascun-
tur sine
semine.
Laseris
ortus.

Or- in-
gentis
syluz.

Seminalis
vis in
plantis.

Thimi fa-
licis &
vlni se-
men.

quod sensu percipi nequit, & in salice, & vlmo & eiusmodi aliis. sunt etiam quibus seminalis vis est in lacryma, vt iridi. atque generatim, vt Theophrastus inquit, ea facilius, atque ex minori principio valent generari, quæ imperfectiora sunt. quamquam ergo verisimile sit, quàm plurimas, & herbas & arbores, quæ carere videantur, habere semina vt de salice, & vlmo, dicebamus: non tamen proinde negandum, esse multas, quæ omninò non habeant, & nonnullas earum, quæ habent, sponte etiam oriri posse: cum illa triplex nascendi differentia notetur in animalibus, quæ genere quidem sunt perfectiora. ex dictis constat res quasdam esse, quibus (nisi illas Deus in illo mundi exordio fecisset) necessariò esset semper mundus cariturus, alias verò, quæ, etsi à principio factæ non essent, possent deinceps, ex ipsis mundi elementis naturaliter oriri. Nam elementorum, si vel vnum tollas, necesse est tolli omnia, ac cum illis etiam concreta corpora. quia cum primæ contrarietates, primo insint elementis, sintque ipsæ elementorum naturæ, sublatis elementis, tollerentur contrarietates primæ, atque his sublatis tolleretur rerum omnium generationes, cum hæ omnes agantur per alterationes mutuas. quæ nascuntur à contrarietatibus. quod verò sublato eorum quocunque, necesse sit tolli omnia elementa constat: quoniam si frigus omninò non est, neque calor sit. si quidem si calfactio nulla esse potest, neque calor omninò est: at verò si omninò non frigus, neque calfactio vlla est: neque refrigeratio, nisi calor: si quidem omnes contrarij motus, sunt inter eosdem terminos, contrario modo: vt calfactio à frigido in calidum; refrigeratio à calido in frigidum. Necesse est igitur, quocunque eorum sublato, alterum tolli. eadem ratio est humidi & sicci. Porro hæ duæ contrarietates, calidi & frigidi humidi & sicci, relationem quandam habent ad sese: sunt enim primæ actiue, secundæ passiuæ. quapropter utræque sine aliis, ad generationes rerum essent otiosæ & inutiles. omnes ergo necesse est in mundi exordio extiterint: quare, & prima corpora, quorū primæ illæ, seu virtutes, seu qualitates, sunt. necessariò ergo si modò futurus erat mundus, creata fuerint in initio elementa. quo autem modo postea dicemus. Iam verò cælestia corpora multò magis, & propter sese, & propter alias mundi partes. propter sese; quando quidem nisi diuina virtute essent in initio creata, cum nullum habeant ortum aut interitum naturale, nunquam deinceps oriri possent: propter alia verò, quoniam cum omnis aliarum rerum virtus ab illis gubernetur, nullæ prorsus naturalium mutationū sine illis esse posset. Necesse etiam est fecerit Deus ab initio ea omnia animalia, atque

Facta necessario in principio.

Contrariis sublatis tollitur.

Frigore sublato tollitur calor.

Motus contrarij inter quæ.

Corpora cælestia quorsum.

Facta necessario in principio.

omnino viuentia, quæ ex solo semine, aut germinatione generationem habent. nisi enim initio diuina virtute essent facta, nunquam deinceps oriri possent vt neque inodò, si omnes homines, aut equi, aut leones morerentur, esset vnde rursus oriri possent: nimirum non habent aliam generationem quàm ex semine. Ita etiam arbitror, si nuces omnes, cum toto nucum semine perirent, mundus esset in posterum ea planta cariturus. at verò metalla, & lapides, & ea siue animantia, siue plantas; quæ putrescentia quadam generari possunt, non par necessitas est, vt Deus fecerit ab initio: possent enim ipsa postea ex rebus aliis naturaliter oriri, velut nunc gignuntur mures & vermes, vbi nulli antea fuerint, atque metallum quodcunque, solis virtute gignitur ex terra & aqua. quapropter, ne mundus his careret, minùs videtur necessarium fuisse, vt Deus creandi vim apponeret, cum naturalis esset futura satis, atqui fortasse propositæ dubitationi iam respondimus, atque ob hanc causam, *Explicititer dixit Deus, producat terra herbam viucentem, sed viuentem, & facientem semen, & lignum pomiferum faciens fructum iuxta genus suum: ac repetit, cuius semen in semetipso sit super terram.* hoc est, quod non aliter oriri ex terra possit, quàm ex suo semine. fortasse etiam hanc ob causam, in tota mundi creatione, nulla fusilium, neque gemmarum, facta mentio est sed tantùm elementarium corporum, & cœlestium, & animalium nantium, & volantium, & terrestrium, & plantarum, quarum semen in semetipsis sit super terram, ac postremò hominis: quasi ex in initio creatis, reliqua essent naturaliter eruptura neque verò huic sententiæ repugnat, quod 18. cap. Ecclesiastici dicitur, *Deus qui semper est fecit omnia simul:* verè enim fecit omnia simul in illo mundi initio, non tamen omnia eodem modo, sed alia quidem ipsa per sese, alia in suis principiis. Extiterunt à principio omnes rerum formæ, aliæ quidem actu, aliæ potentia: quoniam iam inde omnes, aut erant actu, aut poterant naturaliter oriri. neque quidem hoc durum videri cuiquam debet, quod in quibusdam exemplis videtur posse demonstrari. cum enim sint quædam animalcula, quæ non aliam, quàm ex hominis morbis, ac excrementis generationem habent, vt pediculi, lentes, & acarus, animalculum inquam illud omnium minimum, quod scabiei est initium (aratorem vocant vulgò, & vulgares Chirurgi syronem) & lumbrici, tam lati, quàm rotundi, & ascarides vocati, & quædam alia animalcula innominata, quæ in quibusdam abscessibus, & in ossium carie reperta sunt, constat ea ab initio non extitisse: cum Adamus sine vlllo morbo creatus à Deo sit, atque adeò persistitit vsque dū peccauit, quod perfecta iam

Fusilium
& gemmarum
nulla mentio in
creatione.

Facta simul omnia.

Actu aut potentia
semper formæ
sunt.

Animalia ex excrementis.
Adamus sine morbo creatus.

iam mundi creatione, euenit. Itaque res quasdam vilissimas, & quæ ex putrescentia tantum fiunt, cuiusmodi quæ dicta sunt animalcula, & algæ, quæ putrescente aqua in lacunis gignitur, quæque sordes potius dicuntur quam res, ut inquit Arist. non dubito post exactam mundi creationem pullulasse an verò res aliæ, quæ adeò viles non sunt, poterunt tamen naturaliter eriri, ut metalla, lapides, & viuientia, quæ vtrunque ortum habent, ex semine inquam, & spontaneum, intra sex primos dies ornandi mundi gratia extiterint, an non, sed postea orta sint: haud habeo quod affirmem. Illud tamen mihi videtur probabilissimum, ea si in ipso mundi initio extiterunt, non tam creatione, quam properata generatione esse facta. nam receptissimum est illud Philosophorum axioma, naturam (multo magis Deum) nihil frustra facere. frustra verò apponeretur creator, ubi generatio naturalis esset satis. poterat verò Deus optimus maximus, exornandi statim ac perficiendi mundi gratia, earum omnium rerum ortum, alioqui naturalem, re adeò, ut statim erumperent cum creandis, etsi non eodem ortus genere. neque verò proinde non esset ille naturalis ortus, quia aucta celeritas non mutat speciem motus. si enim lapis descenderet, eadem celeritate qua Sol fertur, aut etiam prima sphaera, celeritas quidem illa, maior esset quam pro lapidis natura, motus verò nihilominus naturalis. ut ergo tria rerum genera esse diximus, ita nunc tria earum initia ponimus. quædam enim initio creata esse factaque ex nihilo aut sine materiae dispositione: quædam postea succreuisse; quædam inter hæc, extitisse quidem in initio: ortu tamen naturali. Moses verò ea tantum videtur narrasse, quæ primo modo extiterunt. creata scilicet per sese, ac non solum per sua principia. nam primo die fecit elementorum corpora, & lucem. secundo fecit firmamentum, hoc est, corpus illud totum cæleste, quod constat multis orbibus: tertio separauit aquam à terra, colligensque aquam in locum vnum fecit maria, terraque detecta creauit omne genus plantarum, quæ ex semine habent generationem: quarto fecit Solem, Lunam, & Stellæ, & posuit in firmamento ex eadem, arbitror, firmamenti substantia, non aliter ac hominem fecit ex terra: quinto fecit animalia omnia, natatilia & volatilia: sexto terrestria, cum quibus & hominem. At verò præter hæc, constat esse in mundo res quam plurimas, quæ intra sex primos dies non extiterunt. vnum enim non esset, cum nulla antecessit vindemia: neque oleum, cum nondum tulsæ oliuæ: neque mel, cum nondum apes mellificassent. nimirum hæc, & huiusmodi alia, creata sunt in suis principiis, ex quibus deinceps orta

Naturā
nihil frustra fecit

Motus
celeritas
nō mutat
speciem.

Tria rerū
initia.

Creata
sex diebus.

Creata in
suis principijs.

naturaliter sunt, vt etiam ex terra & aqua, fountibus ea cœlestibus corporibus, aut intra ipsos sex dies, aut postea, orta sunt metalla, & lapides, & bitumina, & herbæ sponte nascentes, ac denique alia omnia, quæ sunt habent seminalem ortum, neque fiunt à similibus, sed concursione aliarum causarum, per acci-

Ignis an
sit & quā-
do crea-
tus.

dens, producuntur. Videtur neque ignis facta esse, in hac narratione mentio. quæ propter existimare videtur quispiam posse, ne omnia quidem elementa facta esse in illo mundi exordio, sed tria tantum, ignem verò postea, concursione aliarum causarum, ortum esse. Iuuabit hanc opinionem antiquitas, quæ, vt aliarum rerum quàm plurimum, ita etiam huius, quarit inuentorem, quasi ignis non sit à principio in rebus, sed alicuius hominis industria postmodum factus: scilicet, vt & vinum. Plinius narrat, ignem è silice primùm inuentum esse à Pyrode, Cilicis filio: idem autor affirmat, primùm esse inuentum in Pyrpile. Si igitur inuentum hominum ignis est, non videtur à principio

Mu-
te dupli-
ces.

exstitisse. sed quo pacto potuit hic mūdus constare, præstantissimo & efficacissimo carens elemento? Cum sint duæ mundi partes, altera humilior ac imperfectior, corporibus constans ortui & interitui obnoxiiis: altera sublimior ac perfectior, constans corporibus incorruptibilibus, humiliores & ignobiliores em, oportuit primò fieri, quasi fundamentum & mundi exor-

Ignobilio-
ra primò
creata.

diū. natura enim ita comparatū est, vt principia sint viliora, atque ad perfectiora, in cuiusvis rei opificio, procedatur. atque illam quidem oportuit primò fieri impolitam & incultā, postea exornari, ita enim & natura & ars procedit, ab obscuris quibusdam & rudibus delineamentis, ad exactiorem formam. neque

Ars na-
turā imi-
tatur.

Artis &
naturæ
progres-
sus.

verò non est hoc optimum argumentum: nam vt ars naturam imitatur, ita natura diuinitatem, à qua fluxit: vt ergo artificialia opera imitantur naturalia, ita est rationi consonum, naturalia imitari diuina opificia. Quapropter ex eo ordine, quem rerum natura tenet, rationem diuini opificij volētes inuestigare, haudquaquàm errabimus: ipse enim Deus est naturæ parens. Proinde primo die, facta est tota generabilium & corruptibilium

Elemen-
torū im-
puritas.
Elemēto-
rū confu-
sio.

um sphaera, constans elementorum corporibus, terra, inquam, aqua, aëre, & igne: illis verò, neque puris, & syncerissimas naturas retinētibus. neque seorsū positis, & ordine collocatis, neque illustratis vllō cœlesti lumine, sed intra obscurum aërem aqua & terra permistis, atque intra hæc omnia, igne inuisibiliter incluso, qui inter cætera, fouebat aquas reddebatque fluxiles, ne frigore concreverent, moxque, ac Cahos hoc extitit, fecit Deus lucem, per quam reddita sunt corpora illa aspestabilia, factusque est dies primus. verum vt hæc distinctius eloqua-

mur

mur, oportet quædam, de elementorum naturis, enarramus. Elementa prima, principiis rerum naturalium, materiæ inquam & formæ adeo proxima sunt, ut per sese, & omni mixtione vacantia, nullibi munda sint, aut fuerint unquam, aut etiam esse possint. nam cum eorum naturæ definiantur per summas qualitates, & consistentia corporis, mixturam quandam desideret, & contrarij mixturam, quia mera humiditas nullam consistentiam haberet, mera siccitas nullam compactionem & continuitatem, nihil penitus syncerum existere in corporibus potest. Quapropter elementa prima intelliguntur, definitis seorsum eorum naturis, suntque potentia in rebus concretis, actu vero nullibi. quod quia intellexit Galenus in com. primi de natura humana, elementis primis nullas formas substantiales attribuit, sed pro his, qualitates primas, affirmans ea constare ex materia prima, & calore, frigore, humore, aut siccitate, aut harum binis qualitatibus. itaque terra hæc quam incolimus, & aqua qua utimur, aerque quem inspiramus, elementa mera non sunt, sed corpora simplicissima eorum, quæ extant, & elementorum naturis. quo factum est, ut eorum nomina dentur ipsis elementis, quæ mente potius intelliguntur, quam re vera subsistunt. aut certe, si simplicium elementorum sunt illa nomina, priora hæc corpora, quæ videmus, non sunt appellanda hæc, sed, ut Plato dicit in Timæo, talia. nimirum non terra, sed terreum corpus: non aqua, sed aqueum: ita & æreum, & igneum. ridiculum enim quod quidam pueriles Philosophi affirmant, oportere, ut quodcunque elementum sit alicubi purum in propriis scilicet regionibus. Vbi enim talis sit aqua; an in mari, ubi salissima, & piscibus scatens? Elementa itaque prima, potentia sunt in corporibus, actu nusquam. neque vero expedit, ob concreta enim sunt illa necessaria: per sese nihil esset inutilius. Verum etsi elementa actu non sint, maximè viget eorum natura in his elementis, quibus utimur, terra inquam, aqua, aère, & igne, quæ ordinem eum amant naturaliter, ut sint crassa sub tenuibus. atque proinde, sicubi confusa ac conturbata sunt, mox in unum megitur terra, aerque emergit, & interfluit aqua. Ignis quoque, ut maximè communis Philosophorum opinio fert, effertur naturaliter in supremum locum, atque proinde proximum cælo locum tenet. aut, ut ego existimo, is solus inter omnia corpora, nullum potius locum præ alio amat, neque in ullam fertur, nisi per accidens motu materiæ, quæ occupat, aut tractus à lumine (ab hoc enim naturaliter trahitur) sed velut quædam mundani huius corporis anima, totum occupat, per means per omnia, ut omnia fecundet, ac quodammodo viuificet.

Qualitates elementorum formæ.

Elementa actu nullibi.

Elementorum nomina.

Ignis motus.

Ignis anima mundi.

Cōcoctio
à quo.

Aqua
principiū
frigidorū.

Aqua
genera-
tionis
mater.
Ignis pa-
ter.

Mare fœ-
cundissi-
mum.

Aqua
principiū
frigidorū.

Ignis per
omnia
fusus.

Ignis est
spiritus
ille in-
cumbens
aquis.

Aqua cur
fluxilis.

Nam cū omnes naturales ortus agantur concoctione qua-
dam, quod caloris est opus, constat sine eo omnia futura steri-
lia: aquam præcipuè, quæ ab omnibus ferè Philosophis censetur
esse primum frigidorum. vt verò ortus tribuuntur calori, vt ef-
ficiēti causæ, ita tribuuntur humido crassiori, qualis aqua est,
vt materiæ. atque hac ratione efficitur, vt aqua ob humidita-
tem crassam, qua abundat, sit velut mater omnis generationis:
ignis verò pater per calorem. Rerum ergo generationes, maxi-
mè adscribi debent aquæ ab igne fœcundatæ. ita sit, vt nisi hæc
duo adhibeantur principia, omnia sterilecant. velut terra, nisi
irrigetur primum, ac deinde concalescat. Ipsum quoque mare,
quod omnium mundi partium est fœcundissimum, vt mirabi-
lis rerum, tam viuendum, quàm vita carentium, quæ in eo gi-
gnuntur, differentia indicat, si calore destitueretur, futurum
esset penitus generationis ineptum, & concretum frigore. quin
& tota mundi aqua, nisi, à quo concalescit, igne funderetur, fu-
nderetur, & glacies. Si enim primum frigidorum esse rectè dici-
tur, nulla frigiditas potest illi esse præter naturam. videmus
verò eam aliquando concrefcere frigore: haberet ergo id se-
cūdū naturam semper, nisi aliquid accederet, quod funderet.
quid verò aliud potius sit quam ignis, qui caloris omnis prin-
cipium cū sit fouet, atque fœcundat, facitque, animalium &
aliarum rerum ortui & conseruatione, idonea atque consenta-
neum est censere, aquam per hyemem, absentia ignis potius
concrefcere, quam præsentia frigidi aëris, vt putant, qui aërem
statuunt primum frigidorum. verum in eam aded diffidentem
à communi sensu opinionem incidunt quia hanc ignis, per res
omnes delationem non assequuntur. Ignis itaque per omnia
permeat, alimētum ab illis accipiens (quia sunt illi omnia sub-
strata vt materia, vt mirus dixit Aristoteles) aquæ verò ab eo
accipiunt calorē genitalem, & motum, ac fluxilitatem. Itaque
ignē fouente & incubante aquas rerum omnium aguntur ge-
nerationes. Hæc verò disertissimè docuit Hippoc. lib. i. de die-
ta, his verbis: *Constituuntur quidē igitur tum animantia omnia
alia tum homo ipse ex duobus, differentibus quidē facultate, concor-
dibus verò & commodis vsu, igne inquam & aqua. hac autē ambo
simul sufficientia sunt, tum aliis omnibus, tum mutuo sibi ipsis, utrū-
vis verò seorsum, neque sibi ipsi, neque ulli alteri sufficiēs est. vim igitur
ac facultatē utrumque ipsorum talem habet. ignis enim omnia
mouere potest, aqua verò omnia per omnia nutrire. particulatim
verò utrūque superat & superatur (hoc est, pugnant mutuo inter se,
utroque eorū partim vincente, partim victo) ad summum ac mini-
mum quantū eius fieri potest (hoc est plus aut minus, vt quocunque*

eorum

eorum potest) neutrum enim superare penitus potest. hanc ob causam sanè, igni quidē, ubi ad extremitatem aqua pervenerit (hoc est, ubi penitus cōsumpta humiditas est) deficit alimentū (ita evanescit ignis cū ventum est ad cineres) evertitur igitur eo, unde nutriri potest (hoc est, serpit in alias materias quarens alimentum) aqua verò ubi ad extremitatē ignis pervenit (hoc est ubi penitus exclusit ignem) deficit motus (quia concresecit in glaciem, sitque immobilis.)

Vides quā disertè Hippocrates dicat, aquam accipere fluxilitatem, motum, ac fecunditatem ab igne; ignem verò ipsam ferri per omnia, atque alimentum ex omnium humiditate capere, & generationes omnes his duobus principiis attribui. hoc idem est quod hīc insinuat hīs verbis, *Et spiritus Domini ferebatur super aquas, seu, incubat aquis.* ambo enim hęc significat

dictio Hebraica. insinuat verò vtrumque, ignem scilicet ferri per aquas, easque fouere ac incubare. meritò verò spiritus appellatur, quia ignis, corporum omnium maximè videtur ad spiritualium substantiarum naturam accedere est enim tenuissimus, & visum ac omninò sensum fugiens, nisi cū, ob raritatem quam occupat, densitatem apparet, vt in ignito carbone, & fumo ardente. In his enim ipsis, cū rarescunt, disparer, vt cū dissipatur fumus. contrā, cū eius ignis, qui intra nubem invisibilis continebatur, circumstanti frigore densatur materia, is emicat, abiens in fulgur, aut etiam fulmen. itaque est tenuissima quædam & insensibilis substantia, vt quædam eorum anima, per alia permeans neque apparens, nisi cū densatur cum materia. hanc substantiam à principio fecit Deus. cū verò multo tempore homines igne non indigerent sensibili, vtpote neque carnibus vescentes, neque fructus assantes aut elixantes, eo caruerunt. vsque dum inuenerunt rationem retinendi eius in materia densa, in qua appareret, fieretque vtensilis. Meritò itaque inter corpora omnia hic maximè dicitur spiritus. Domini verò ob magnitudinem virtutis, & præstantiæ. est enim phrasis diuinæ scripturæ, Domini, aut Dei vocari, quæ magna, aut præstantia. hīc igitur spiritus, hoc est, hęc substantia, tenuissima, ac perfectissima, ferebatur, incubans & fecundans aquas. per hunc spiritum factæ sunt aquæ fluxiles, alioqui futuræ, vt diximus, concretæ: in quam sententiam dictum est illud Psalmi, *stabit spiritus eius, & fluent aquæ*, sed quia Physici nunquam acquiescunt vllis dogmatis, sine monitione, hanc adhibeamus oportet, quoad nostra fieri possit, indicemúsque, ignem non habere vllam regionem, in quam seorsum feratur, separatus ab aliis corporibus. Primum quidem illa, quam Hippocrates adhibuit, non levis est

Ignis necessitas.

Vnde ignis alimentum capiat.

Ignis natura insensibilis.

Fulgur.

Ignis vsus quando cæperit.

Aqua per ignem facta fluxilis.

Ignis
nullibi se-
peratus.

Ligna cur
superna-
rent.

Ignis mo-
tus.

10.

Calor so-
lis quid.

procedit enim ab experimento siquidem videmus nullibi ignē manere, nisi illi suppetat materia unde alatur, eaque consumpta statim deficere, vt dissipato fumo & consumpto oleo, flammam; siccatis vsque ad cineres lignis, prunas. at verò in sua regione seorsum ab aliis omnibus positus, omni alimento esset destitutus, sed ex motu eius corporis. multò euidentius monstratur, quod propositum est. si enim supremū appeteret locū, in eum ferretur naturaliter. si autem ferretur, efferret etiam secū alia, quæcūque ei essent agglutinata atque vt lignū quod ob naturalem raritatem, aeris nonnihil habet inclusum, ascendit per aquam ita etiam quod ignitū esset, ascenderet per aërem (tanto enim leuior esset ignis aëre, quāto aër aqua) at verò nō ita fit: euolarent enim ex prunariis aut foco prunæ omnes: vt scilicet magnæ etiam trabes emergunt è profundissimo flumine. tantum autē abest, vt quæ sunt imbuta igne, euolent, vt nerantillum illis ignis ponderis detrahat. frustum epim ferri aut lapidis ignitum, non minùs deprimit lancem quam frigans, et substantiæ decisum illi sit, dum viretur. non ergo ignis, sursum potius fertur quàm deorsum, sed materiam sequitur atque cum densis, lapillis, ferro, aut carbonibus, descendit: cum exhalatione ignita qui fumus ardēs est, ascendit: cōparet verò dum dēsam tenet materiam, ea extenuta, aut dissipata, disparet. sed & ex vsu, in quem res omnes naturales semper diriguntur. cōstare videtur posse, quod asserimus. quē enim rebus vsū præstaret ignis, supremam mundi regionem tenens, seiunctus à reliquis corporibus? non enim calorem, cū media regio frigidior quàm infima esse cognoscatur, actiones verò naturales contingant per medium: sine calore verò nihil præstare possit at verò permeans per alia omnia, calefacit, &, vt dictum est, liquat, fundit ac mouet: quædam alia densat, concoquit atque ad ortum deducit, atque in humoribus quos elaborat omnis naturalis ortus parens est. At dices, id me falso igneo calori tribuere, quò sit solaris; igneum enim potius vire, ac per siccitatem in marem trahere omnia, & interitum. Ita est sanè, solaris calor est qui hæc præstat, ipse verò solaris calor, nihil est aliud quàm calor ignis, solis fulgore, quo naturaliter trahitur, vt ita dixerim, modificatus. nam sol, cum sit corpus incorruptibile, necessariò sit expers qualitarum corruptiuarum, caloris, inquam, frigoris, humoris, ac siccitatis. non possit ergo calfacere, nisi per aliud & accidente quodam. Quid verò sit illud, cuius accessu calorem inferat, potius quàm quod à Philosophis omnibus statuitur, per se, ac primò calidum. Si enim Sol per accidens calidus est, ignis vero quòd primò ac per

per se, necesse est causam caloris illius, ad hunc referri. est verò hoc ipsius etiam ignis naturæ valdè congruens. Cùm enim inter elementaria corpora, igneum solum cœlestem imitetur fulgorem: ipsum verò ita, vt plurimi veterum Philosophorum, ob eam similitudinem astra ignea esse suspicati sint, sit valde consentaneum, vt similitudinis illius causa, faciliè trahatur ignis cœlesti lumine: quod etiam vestigium quoddam, diuinitatis eius corporis, est. Maxima ergo ignis pars, cum lumine Solis circa terram voluitur, comitaturque circumeuntem diem. quod indicant illa verba cap. i. Ecclesiastes. *Oritur Sol, & occidit, & ad locum suum reuertitur, ibique resurgens, gyrat per Meridiem, & flectitur ad Aquilonem, lustrans vniuersa in circuitu, pergit spiritus, & in circulos suos reuertitur.* His verbis apertè dicitur, spiritum illum, quem indicatum est esse ignem, circuire simul cum ipso Sole: nam nomine spiritus, non est verisimile, vocari Solem ipsum: nam præterquàm quòd esset repetitio inutilis, vocari ita non potest: nam neque quòd tenuis, neque quòd inuisibilis, neque quòd animatus & viuens, cum horum sit. circuit itaque ignis, vt ipse Sol, estque eius comes. Quo fit, vt dies, atque omninò lux omnis, calida: nox, atque omninò tenebræ, frigida sint. hic ipse igitur est Solaris calor, qui cùm ad materiam accedit moderatus, coquit, ac nutrit: alioqui, si copiosus, atque destitutus humore accedit, etiam vrit: vt non rarò messes, ante tempus, ob pluuiæ inopiam, & defectum etesiarum. Vnde rursus constat, non esse aliam diuinitatem Solari calori, sed eundem penitus esse & igneum. Itaque multis iam argumentis probabilissimum effecimus ignem esse illum spiritum domini, qui in ipso mundi exordio, generationum præstans initium, incubabat aquis. est verò ignis symbolum diuini amoris, qui Deus ipse est. vnde sublimior alius, quid ad me non spectat, nascitur sensus. His positis, ad enarrationem primæ diei, videmur iam posse accedere. *In principio, hoc est, in ipso tēporis initio, creauit* (hoc est, fecit de nouo ex nullis præexistentibus) *cælum & terram.* cæli nomen, tum in tota scriptura diuina, tum in hoc ipso capite, significat aërem, aut incorruptibile illud & maximū corpus quod superstat. Constat verò si quidem dicitur, *dominamini piscibus maris & volatilibus cœli.* nō sunt autem volatilia, nisi in aëre. & iterum, *vocauit Deus firmamentum cælum.* Firmamentum verò non est aër, sed firmum illud, æternum, & stabile corpus, in quo posuit Deus duo luminaria, & stellas omnes. cùm autem duo hæc significare possit ea vox, in narratione diei primæ significat aërem, quia firmamentū fecit Deus in die secunda. Fecit itaque Deus in prima die aërem

Ignis Solis
lem se-
quitur.

Ignis
diuini
amoris
symbolum.

Cælum
quid.

Firma-
mentum
quid sit.

aërem & terram, vt verò insinuet, non hæc duo solum elementa facta esse in illa die, neque hæc ante alia, sed quatuor corpora simul, velut vnum Chaos: addit, *Erat autem terra inanis & vacua, & tenebra super faciem abyssi* hoc est, aquarum: & *sphritus Domini*, hoc est, ignis, ferebatur per aquas, itaque cum primum fecit cælum & terram, fecit & abyssum, & ignem, erantque ea in prima illa die adedò confusa ac conturbata, vt terra commista cum aqua intra ipsum aër esset. cum verò aquæ maior quàm terræ moles sit; secundum superficiem videbatur esse tota aqua, vt quoddam lutum, atque ita erat terra inanis, hoc est, nulla gignens ex sese animalia, & *vacua*, hoc est nullis plantis ornata: & *erant tenebra super faciem abyssi*, qui scilicet tenebat intra se totam terram: nam cum essent iam corpora, quæ lucem poterant recipere, nondum habebant tamen, constet esse tenebras. ignis verò inuisibiliter permeabat per aquas secundare iam inde eas incipiens, ac prohibens quominus crescerent, vt gelu. hæc cum ita se haberent, creauit Deus lucem, per quam ea corpora in conspectum venire posse cœperunt, diuisitque Deus lucem à tenebris, quia non illuminauit totam eam molem æquè, sed ab altera superficie appposito lumine, ab opposita corpus ipsum faciebat tenebras, vt & nunc. gyrante verò lumine totum id corpus, factus est vespere & mane dies vnus. In die secundo fecit Deus firmamentum, firmum inquam illud & solidum cœli corpus, neque diuisionem, neque raritatem, neque omninò alterationem vllam recipiens corruptiuam: posuitque illud firmamentum in medio aquarum, fecitque vt diuideret aquas ab aquis, eas scilicet quæ sunt sub firmamento, ab iis quæ supra firmamentum. De his aquis, quæ supra firmamentum sunt, dubitatur quàm plurimum. Sunt qui dicant aquas supra firmamentum, vocari eas, quæ pluendo decidunt in terram, illasque, ab his quæ supra terram sunt separari cœlo, hoc est, aëre. verum falluntur, quia etsi cœli nomen de aëre, & de superno illo & incorruptibili corpore dici possit, firmamenti verò non ita. sed firmamentum illud solum est in quo sunt luminaria & stellæ. itaque haud dubiè supra cælum sunt aliæ aquæ. sed quo pacto; supra cælum enim hoc, quòd conspiciamus, nihil aliud esse potest, quàm sedes Beatorum, quam quidem tantò præstantiorem, & mutationis minus participem esse oportet, quàm cælum; quâto ipsum quam elementaria corpora. quare vt elementaria sunt motus & alterationis participia, cœlestia motus solius, ita sedem Beatorum esse oportet corpus purissimum, & mutationis, & omnis motus expers. at verò si aqua esset, aut ex aqua, recipere posset

Lucis
creatio.

Aquæ su-
pra firma-
mentum.

alte

alterationem, atque à contrariis pati, siquidem frigus & humiditatem haberet naturaliter, & cōtrarias illis qualitates, posset, præter naturam, recipere: certè eodem argumento, quo Aristoteles monstrauit, astra non esse ignea, monstratur cœlum illud supremum aqueum non esse, sed vt fatemur, cœlum & astra ignea esse, igne quodam cœlesti, qui præstantioris quàm elementaris est naturæ, fulgore solùm referens illum, non etiã calore, & siccitate, ita dicemus, cœlum illud, quod plurimi hanc ob causam vocant Crystallinum, aqueum esse, aqua quædam cœlesti, quæ puritate aquam referat, non tamen frigore aut humore, atqui nomen ignis & aquæ, non propriè dicuntur de vtrisque, sed analogia quadam, vt si duplex ignis (non genere sed secundum analogiam) elementaris & cœlestis, & aqua quoque duplex. Vt itaque astra vocamus æthereos ignes, ita quod supra firmamentum est, vocamus cœlestes aquas, aut aquas, quæ supra cœlos sunt, quas in Psalmo inuitat Dauid ad laudes Domini duobus itaque diebus fecit Deus elementaria corpora, & totum cœlum: duobus sequentibus exornatis postremis duobus repleuit ea animalibus: exornauit vero priùs eam mundi partem, quam priùs fecerat (elementarem inquam) *dixit itaque Deus, congregentur aqua, quæ sub cœlo sunt in locum vnum, & appareat arida, & vocauit Deus aridam terram, & congregationes aquarum maria*, hæc congregatio aquarum in locum vnum, ita vt terræ facies appareret, ac nunc appareat, celebratur plurimùm in sacris eloquiis quasi argumentum maximum potentiæ Dei: mirum enim est, vt quod supra naturam esse videatur, terram grauiorem multò & minorem aqua, ab ea non obrui, turgentisque & elatissimos maris fluctus, intra certos fines sese continere, neque in totam terram, quæ longo interuallo subistere videtur, sese effundere. Verùm hoc æquè est argumentum sapientiæ & potentiæ, non enim violentiã continet Deus terram supra aquas, aut cohibet aquas quo minùs fluant, sed ita composui ab initio, vt naturaliter eueniat, sitque, nisi Deus disponat aliter, in æternum citra violentiam, duraturum: nimirum fecit, non quidem terræ solius globum (hic enim necessariò aut innataret, aut sub aqua totus mergeretur) sed ex terra & aqua globum vnicum, cuius centrum, mundi etiam centrum est: non ita, vt eiusdem globi medietas altera, aut pars tertia terræ sit, reliquum aquæ, (ita enim etiam mergeretur terra sub aqua) sed terra & aqua ita sese continent mutuò, vt vtriusque sit idem centrum, quod & totius mundi: id verò sit terra integrum globum reddente, eum verò non solidum, sed maxima parte interiùs, & ad superficiem, cauum:

Astra
ignea,Cœlum
Crystallinum.
Duplex
ignis,Aquæ &
terræ globus.

cauum: amplissimaque illas cavitates replente aqua. quo fit ut terræ facies & maris, eiusdem globi sint superficies. ut verò non corruat in sese tota terra, & in mundi medium subsidens, exprimat aquam, cum sit cavitatibus plena, causa est, longè maior soliditas, quam habet in profundis, quàm ad superficiem quod iis qui aperiunt puteos, aut defodiunt mineralia, liquidò constat: cum multò infra speciem sentiatur lapidescere. fecit ergo Deus in terra ingētes sinus, intra quos colligi iussit aquas, ut apparet arida: atque ut id ita manere posset, fecit firmissima fundamenta terræ. Postea terram exornauit herbis virentibus, ac facientibus semen, & arborib. pomiferis, & omnibus quorum semen in semetipsis est ut autem explicuimus. Dei quarta fecit Deus duo luminaria, Solem scilicet & Lunam, & Stellæ omnes, posuitque astra ea omnia in firmamento, ut diuiderent diem ac noctem, & essent in signa, & tempora, & dies, & annos. Quoniam in firmamento posita sunt astra, constat facta esse ex ipsa firmamēti substantia, alioqui necesse esset eam firmamēti partem, quæ erat ubi quodcunque astrum positum est, redactam esse in nihilum, cum cœli partes abscedere non possent aliæ ab aliis, ut denuò nascentibus astris loco cederent, & indiuisibiles sint natura, & neque densitatem, neque rarefactionem recipere possint. at verò Deus, nihil unquam eorum quæ fecit, redegit in nihilum, fecit ergo luminaria illa ex substantia firmamenti. Quoniā autē inquit, ut essent in signa & tempora, & dies & annos, qui Astrologiæ iudicariæ sunt studiosi, accipere hinc tentant argumentum certitudinis dicentes, Deum fecisse astra ut essent in signa, hoc est significationem præberent mortalibus imminentium casuum, verum, quia ea Astrologiæ pars vanitatis insinuat, à plerisque piissimorum & sapientissimorum, satius est intelligere, dictum esse in signa & tempora, quasi in signa temporum. nimirum motus astrorum, præcipuè Solis & Lunæ, definiunt tempora. ut dies est circuitio solaris: hora vigesima quarta eius circuitio pars, annus motus integer Solis per totum Zodiacum mensis motus Solis per vnicum Zodiaci signū, aut motus Lunæ per totum Zodiacum. tempora etiam quatuor anni definiuntur accessu & recessu Solis nimirum. tempus, ut Arist. docet, est numerus qui nameratur motu: motus verò est numerus, quo numeratur tempus ut numerantur horæ per transgressiones gnomonis à lineis ad lineas, & dies per circutiones Solis. non tamē quia fecit Deus astra in signa temporum, statuendum est, ut vulgus Philosophorum censet, tempus ipsum esse motum cœli. nam, ut Plato inquit, tempus est imago æternitatis.

Astrorum
creatio.

Cœli &
astri dif-
ferentia.

In signa
facta.

nitatis, in numero fluens. in quod idem aliis verbis dixit Aristoteles, Aternitatem esse nunc stans, tempus verò nunc fluens. ille verò fluxus, seu illa duratio, quod ipsum tempus est, non aliter numerari potest, quàm per motum. In motibus autem, nullus tam idoneus calculus est, quàm cœlestis, ac præcipuè solaris, quia maximè omnium regularis, & immutabilis, minimè possit calculus fallere. omnibus etiam mortalibus idem conspicuus, vt nullum aliud habere possit mundus totus, commune horologium. Scimus tamen numerari etiam vtcunque horas clepsydris: quin & menses & annos horologio Ianeli. verum est, hæc omnia horologia ad primum illud referri, vtpote ad priorem motum stabiliorem, & sui similiorem: atque nisi ad illud referantur, non posse esse certam computationem temporis: cum alij omnes motus sint irregulares, & in subiecto corruptibili. nihilominus in quocunque motu est duratio numerabilis, quod tempus est. Quapropter nullam repugnantiam continet, fuisse ante cœlum, & ante Solem, res. Sed si hæc vocantur luminaria, quasi luminis fontes, factaque sunt vt separent diem à nocte, diuidantque in dies, quo pacto potuerit esse lux tres dies ante Solem? ipsi dies quo pacto potuerunt numerari? Quod quidem id fieri potuerit, nulli videri debet dubium, quia quæcunque potest Deus facere per causam secundam, facere potest per sese. Si enim rectè monstratum est antea (vt certè mihi videtur) factum esse hunc mundum ex nihilo, constat Deum, à quo factus est, nulla, ad quippiam faciendum, indigere secunda causa: siquidem neque ad faciendum totum, indiguit vlla materia. At verò cur ita fecerit, ac non potiùs solem principio, per eum lucem & dies, dignum consideratione est. primum quidem, pro hac dubitatione non est satis dicere, quòd multi, isque grauissimi sacrae Scripturæ interpretes dicunt, omnes mundi partes factas esse simul in eodem instanti. Nam etsi ita esse concedatur, est necesse, hac serie narrationis, ordinem aliquem indicari naturæ. non enim temerè hæc dicuntur ante illa facta, cum præcipuè etiam dierum numero distinguatur ille ordo. Si ergo quæ priùs facta dicuntur, priora etiam esse natura oportet, nulla necessitas cogit affirmare, in eodem instanti facta esse, quin potiùs consentaneum magis esse videtur, mundum in tempore futurum, temporalem habere creationem: atque in eam, hebdomadam vnā infumi, quandoquidem omnia sæcula, multitudine hebdomadarum constant. vnitas ergo hebdomadis, meritò sit principium multitudinis hebdomadarum, hoc est, omnium sæculorum

Cœli regularitas.

lux ante solem.

Sol cur non primus creatus.

An totus mundus in instanti.

Hebdomadarum principium.

Deus
causa li-
bera.

sæculorum. neque verò hoc ullam arguit primæ causæ debilitatem non enim eam causam naturalem ponimus, quæque faciat semper quantum potest, sed liberam & sapientissimam, quæ facit ut maximè expedit, atque omnia pulcherrima & concinna, in numero, pondere, & mensura. Quapropter verba illa capituli 18. Ecclesiastici, *qui vivit in æternum creavit omnia simul.* ego ita interpretor, Creatæ esse omnia intra illam hebdomadam, perfectumque esse mundum, ita ut nulla eius pars princeps, quæque à creatione habitura esset initium, deesset. Nam ut initio capituli secundi dicitur, *perfecti sunt cœli, & terra, & omnis ornatus eorum, complevitque Deus die sexta opus suum,* quibus verbis facilè refelli potest sententia quorundam Astrologorum, qui stellam illam, quæ superiori anno qui erat septuagesimus tertius supra millesimum & quingentesimum, apparere cœpit in genu Cassiopeæ, duravitque per magnam præsentis anni partem, affirmarunt esse novam, creatamque de novo: non minùs quam deceptus est Hipparchus, novam stellam se putans deprehendisse: quod narrat Plinius lib. 2. cap. 2. nondum enim fuisset perfectus omnis ornatus cœlorum, si illa stella in hoc usque sæculum caruisset mundus, essetque iam mutilus nunc, ex quo desit apparere Itaque fuisset nunc, & creatio, & annihilatio, cum scriptum sit 3. cap. Ecclesiastes, *didici quod omnia opera Dei perseverent in perpetuum,* durasset verò illa stella minùs annò. Rem profectò fuisse admiratione dignissimam, vel ex opinionibus, in quas viri doctissimi coniecti sunt, intelliges. Cum enim nullam stellam primæ magnitudinis, qualis ea esse videbatur, ibi vnquam extitisse scirent, videretur verò, quicquid id esset quod appareret, supra Solem esse, quod nullam haberet paralaxim: alij stellam quidem esse, eamque novam, affirmabant: alij (facilius hoc rati) esse cometam genitum intra ipsum cœlum, atque inde agnosci, cœlum non esse alterationis incapax, ut censetur, sed, quia hoc mihi durissimum videtur, illud prorsus falsum censeo, stellam illam à mundi principio ibidem extitisse, ac nunc extare, exiguum adeò, ut videri, nisi debilitèr, non possit: tuncque visam esse incrementum usque ad primam magnitudinem, ob aliquam mediæ mutationem, quæ tandiu duravit: cum enim cœli partes non sint æquè crassæ, ut via lactea, & Lunæ maculæ & ipsa astra indicant, fieri potuit, ut ea stella, per proprium stelliferi motum, inciderit in partem aliquam proximi cœli, densiorem reliquis: per quam densatum lumen, maioris stellæ exhiberet speciem, deinceps verò inde decedens, videretur esse minor, ut nunc quidem, aliquando videtur exigua, aliquando nulla, ut

Stella
nulla de
novo.

Stella
anni.

Via la-
ctea.

aer habet. Facta itaque sunt omnia simul intra primam hebdomadam, sed alia ante alia, ut ego existimo, non natura solum, sed etiam tempore. cur verò lux ante Solem, rursus dicere aggrediamur. Sol non illustrat totum hunc orbem, sed eam solum partem, quæ motui subiecta est. nam quandoquidem in quarto orbe situs est, substantque illi tres tantum, superstant verò plures: siquidem planetarum alij tres, insuperque stellatus & nona spæra, atque qui his superstant, tantò sunt crassiores, quanto sublimiores, constat Solis splendorem non posse sedem Beatorum attingere, aut adeò languidum, ut illa futura esset obscura. constat verò eam non posse esse lumine vacuam, quia cum corpus luminis receptiuum sit, esset in tenebris, si lumine careret. quid verò magis absurdum, quam putare Beatorum sedem tenebrosam esse, aut omninò parum lucidam, idque lumine ab imperfectiori mundi parte emendicatio? cum enim sint tres mundi partes, suprema, ima, & media: media tantò imperfectior est quàm suprema, tantò perfectior quàm infima. media est cælum quod mouetur, corruptioni verò non est obnoxium; suprema verò est cælum purissimum, & omni vacans motu, in quo sunt etiam beatam ducentia vitam, ut Aristoteles dicit, absurdum ergo illam aut lumine carere, aut ab imperfectiori emendicare. non est ergo ita, sed tantò est fulgentior, quàm solaris orbis, quantò sublimior: idque lumen à Sole non accipit, sed ab ipso supernæ illius ciuitatis rege Deo, ut scriptum est in capite penultimo Apocalypsis, ubi ita habetur: *Et ciuitas non eget Sole neq; Luna, ut luceant in ea. nam claritas Dei illuminauit illam & lucerna eius est agnus.* Sed neque in hoc mundi orbe, qui subiacer mutationibus, est omnis lux à Sole. nam ignis etiam effundit lucem, & animalium etiam oculi præcipue quorundam. hoc si ita est, constat lucem priorem esse natura Sole. quia non potest esse Sol sine luce, potest tamen esse lux sine Sole, ut in sede Beatorum, & ab igne. Si igitur lux prior est Sole, & alterum ante alterum fieri oportuit, consentaneum erat fieri lucem ante Solem. oportuisse verò non fieri simul, hinc rursus constabit. Consentaneum est rationi, idque ordo exigat, ut in omni structura, seu opificio, procedatur ab imperfectioribus ad perfectiora. non decuit igitur Solem præstantissimum huius corporei & mobilis mundi membrum, ante alia creari: quin potius omnem corruptibilem partem, & cælum ipsum, fieri prius, lucem verò in ipsa prima die oportuit, quia, ut dictum antea est, hæc tribuit rebus vitam, ignem generationem omnium parentum, per omnia circunducendo. Si ergo

Lux ante Solem.

Solis lux quousque pertingat.

An omnis lux à Sole.

Lux causa via.

melius fuit, ab ipso principio generationis, incipere aquarum fecunditatem, ipsamque rerum naturam pullulare, quam per tres dies esse omnia otiosa, tenebrosa, & Chaos, satius profectò fuit, in medio hebdomadæ fieri Solem, in medio astrorum, ut omnium regem collocandum, ut lucem tueretur, imperareturque aliis omnibus corporibus: lucem verò fieri à primo die, ut mundi vitam, dumque nondum erat Sol, ab ipso mundi parente pendere: non aliter ac in hominis cuiusque ortu (qui non hac solùm in re, sed in multis aliis, similis est ortui totius mundi) euenit, ante cor gigni vmbilicum & hepar, & in illis facultatem esse vitalem. pendentem à matre, tametsi in animali iam integro, non aliunde quàm à corde ea facultas esse potest. ita inquam, lux quæ in mundo iam perfecto à Sole pendet, in illo inchoato, pendeat à Parente. Usque ad diem quartam, ita actum est. Creatis iam in quatuor primis diebus omnibus quæ vita carent (dictum enim antea est, plantæ ~~et~~ virentes, non viucentes) processum est ad viucentia: natantia, & volantia, die quinta: sexta, serpentina, & progredientia. quorum vltimus factus est homo, ut omnium rector, & dominus: nisi ipse paulò post, veri Domini imperium detrectando è domino fecisset seruum. Itaque duobus primis diebus fecit duas mundi partes, sphaeram hanc corporum corruptibilium, & illam incorruptibilem. neutram verò exornauit, neque perfecit. duobus sequentibus exornauit eas, eodem ordine quo fecerat, corruptibilem, separando elementa, vestiendoque terram omni fruticum genere: incorruptibilem, luminaribus, velut gemmis, exornando duobus vltimis creauit viuentium omnia genera: aquatilia primùm, deinde terrena; atqui, quoniam primis duobus diebus, nihil fecit perfectum & exornatum, cum in singulis sequentium quatuor dicat Moses, *vidit Deus quòd esset bonum*, primo & secundo die id non dixit: scilicet, quod factum fuerat primo & secundo die, nondum erat bonum, id est, perfectum, & plenè exornatum, sed imperfectum & inchoatum. Quoniã verò primo die fecit lucem, quæ, ut dictum est, natura prior est Sole, ac proinde nulla creatura corporali posterior, sed suo genere perfecta, hanc laudare oportuit. Proinde in primi diei narratione, Moses non dixit, *vidit Deus quòd esset bonum*: sed *vidit Deus lucem quòd esset bona*, reliquum verò eius diei opificium non laudauit, neque omnino quod factum est die secundo. Occurrere possit hîc dubitatio, cur ut totius mundi fabricam ab imperfectioribus inchoauit, non ita, singulorum, & animalium & arborum primùm quidem semina creans, deinde ex illis ipsa nasci iubens. huius verò

Homo cur
vltimus
creatus.

causa

causa est, quòd semen generationis est causa, ipsum verò generare animalium perfectiorum (eadem est ratio arborum) est : quapropter naturalis ordo poscebat, vt semina post perfecta fierent animalia. est enim homo hominis causa præcipua & effectrix, semen instrumentalis & materialis. naturaliter verò prior est causa præcipua, quàm instrumentum : & effectrix quàm materia. Porro animal quodcunque, prius esse natura quàm suum semen, docet Aristoteles cap. 7. duodecimi Metaphysicorum, his verbis. *sperma namque ex aliis prioribus perfectus est, neque sperma primum est. sed quod perfectum est, veluti hominem priorem spermate esse, non illum qui ex eo generatur, sed alium ex quo ipsum sperma est.* hanc ipsam ob causam, factus est vir ante mulierem, vt capite vndecimo epistolæ primæ Pauli ad Corinthios dicitur : *Non enim vir ex muliere est, sed mulier ex viro. etenim non est creatus vir propter mulierem, sed mulier propter virum.* Videri possunt alicui, verba hæc, Physicè consideranti, improbable aliquid. *Quia* & secundum naturam eueniunt aduersum, continere. Siquidem non videtur rationi consonum, idem esse ex quo, & propter quod aliquid fiat. nam id ex quo, videtur pertinere ad materiam : propter quod, ad finem, & cuius gratia. materia verò & finis in causis, videntur plurimum dissidere. alterum enim est quid imperfectissimum, putà materia : alterum quid perfectissimum, optimum, & diuinissimum, putà finis. quomodo igitur colligit Diuus Paulus, vir ex muliere factus est, quia mulier facta est propter virum ; imò verò videtur melius fortasse dicturus, vir factus est ex muliere, quia mulier propter virum : vt scilicet ligna congerimus propter ignem, quia ignis ex lignis fit. quapropter videtur, neque hoc dici satis Physicè, neque secundum naturæ rerum conditionem effectum esse, quod cap. 2. Geneseos narratur, vt scilicet vir fieret ante fœminam : sed oportuisse, vt fœmina velut imperfectius quiddam constaret prius, ac deinceps opificio crescente, & perfectionem consequente, ex ea fieret vir, vt scilicet, sit prius embrio, & deinde ex illo homo, hæc certè fuit sententia Pythagoricorum, & Pseusippi, qui dictis agumentis, vt narrat Aristoteles duodecimo Metaphysicorum, cap. 7. censebant semen natura prius esse animali aut planta, quæ ex illo fieret. quia, vt illis videbatur, quod optimum & pulcherrimum ; non potest esse in principio, sed potius extenuibus principiis inchoatæ res perfectiores euadunt. quapropter iuxta horum sententiam, neque arbores, arbusta, & herbas viuentes, oportuit fieri in principio, sed

Anima-
lia ante
semina.

Vir ante
fœminam
quare.

Mulier
propter
virum.

De semi-
ne quid
Pythago-
ras.

eorum femina, atque ex eis illa deinceps: neque virum ante
 foeminam, sed foeminam primum, & ex ea virum deinde nasci.
 si enim alterum ex altero fieri oportebat, ac non ambos simul,
 vicem viri supplere Deum foecundantem mulierem, vt nasce-
 retur vir, erat magis consentaneum, quàm foeminæ, vt ex viro
 nasceretur foemina. hoc enim passionis & imperfectionis est,
 illud efficaciz & perfectionis. Videtur huic opinioni facere,
 opificium totius mundi, quod ab inanimatis ad vtrunque
 viuientia, & ab his ad sentientia, & ab his ad rationalem pro-
 cessit creaturam, atque omninò ab imperfectioribus ad perfe-
 ctiora. Cur non igitur perinde in singulis rerum generibus fa-
 ctum sit? hæc videntur pro Pythagoricis & Pseusippo dici posse,
 & præscriptis verbis D Pauli obici. Nihilominus Aristoteles
 loco citato ex Metaphysicis, contrariam statuit assertionem,
 licet, quid optimum & pulcherrimum esse rerum principium.
 quod quidem primum in vniuersitate manifestum est. quia
 non potest, vt quàm participatione boni, quod inest primo, facta
 esse possunt reliqua omnia. nam, aut mundus hic totus ab
 æterno extat qualis nunc est, aut aliquando factus est, cùm
 antea non extiterit. non posse esse ab æterno quidpiam, eo-
 rum, quæ commutationis, aut vtrunque motus alicuius sunt
 receptiua, monstratum antea est. superest ergo, aut omninò
 nihil ab æterno esse, aut solum principium aliquod impatibile,
 atque immobile, vt omninò nihil fuerit ab æterno, fieri non
 potest, quia nulla potentia, neque actiua neque passiua præ-
 existente, ne intelligi quidem potest, effectum esse aliquid.
 Quando igitur mundus hic corporalis, quem conspiciamus,
 est nunc, non est autem ab æterno, necesse est aliqua actiua,
 aut passiua, aut vtraque, ab æterno extiterint. passiua siue
 actiua necesse quidem potest, quia fieri non potest, quod
 nulla res potest facere. effectiuam igitur virtutem fuisse ab
 æterno necesse est, siquidem factus est mundus. illi autem vir-
 tuti nihil potuit esse coæternum extra ipsam, quia essent duo
 per se entia diuersa natura: ita verò neque maneret mundi
 vnitas, neque perfectio, neque omninò mundus. nulla ergo
 erat ab æterno futuri mundi materia, alioqui esset dualitas in
 principio, quod fieri non poterat. quia non potest esse dualitas,
 qua non sit prior aliqua vnitas. omnium ergo ptimum fuit
 quod vnum, idque fuit virtus omniũ effectrix, sine vlla materia.
 nulla ergo ex re fecit, sed ex seipso, constat verò quòd non ex
 se vt ex materia, siquidem nihil habebat passiuæ potentiz, sed
 vt ex exemplari. vtraque ergo ratione constat illud principium
 esse quod summum bonum, & quia fecit omnia præcipue ex
 nulla

Principiũ
 resũ quid
 optimum.

Æternũ
 vnum so-
 lum.

nulla materia: & quia ex seipso vt exemplari. nam si fecit, ha-
 buit in se se actu bona omnia, quæ reliqua poterant recipere.
 quod enim facit, facit qua actu habet id, quod accipit, id quod
 fit. si verò ex nulla materia, virtutis infinitæ erat. omnis enim
 finita certæ cuiusdam materiæ dispositionis necessitate tene-
 tur. Si igitur aliarum omnium rerum habuit perfectiones
 omnes, & virtute infinita est, certè nullam admittit imperfe-
 ctionem, quia imperfectio omnis perfectionem aliquam ex-
 cludit. vbi ergo nulla perfectio deest, nulla est imperfectio.
 illud ergo ex quo vt exemplari, & vt effectrice causa, facta est
 rerum vniuersitas, omnium est optimum. si autem omnium
 optimum, necesse est, & omnium esse finem. siquidem finis
 omnium in bono est, & ipsa bonitas est ratio finis, & cuius
 gratia necesse est. ergo illud ipsum exemplar, ex quo facta
 sunt omnia, fecisse omnia propter seipsum, propter bonum
 scilicet, quod capite 16. Prouerbiorum aperte dicitur. *Omnia propter seipsum operatus est Deus.* Si quidem igitur ipse
 ex seipso vt ex exemplari, propter seipsum fecit, verissimè dicitur
 cap. 21. Apocalypsis, *Ego sum a & ω principium & finis.* Ita-
 que in vniuersitate, constat principium esse quod optimum,
 atque inde reliqua deriuari. Sed in quocunque rerum genere
 perinde habent, estque, quod perfectius & melius, etiam prius: Perfectū
imperfec-
tū prius.
 velut arbor & homo (eadem est ratio cuiuscumque viuientis, seu
 virentis, cuius est semen iuxta genus suum) prior est semine:
 semen verò posterius quiddam. nam illud est generationis in-
 strumentum, generatio verò est perfecti seu animalis, seu
 omnino vegetabilis, actio. Vt igitur natura prius est quod
 vtitur quàm id quo vtitur, & artifex quàm instrumentum, ita
 ipsum animal quàm semen. hoc verò, vt posterius quiddam, ex
 illo deciditur, ita etiam in sexu euenit. mas enim vt perfectior, Mas per-
fectior
fœmina.
 ita prior natura est quàm fœmina. nam cum eiusdem sint
 naturæ, soloque discreta sexu, sitque sexus fœmineus, vt
 Aristoteles docet 4. de generatione animalium, læsio quædam,
 & quoddam detrimentum, seu, vt quis dixerit, quædam muta-
 tio virilis sexus, constat fœminæ generationem esse velut mu-
 tilationem, & debilitationem viri. constat verò necessario,
 quid integrum & perfectum, prius esse quàm debile & muti-
 latum. quia quod mutilatum, fit integri mutilatione. vt ergo
 homo sanus natura prior est quàm mancus: quia hic fit illo
 hoc modo læso; ita secundum naturam effectum est, vt si quod
 fuit totius generis initium, id esset à mare, illo verò per-
 cussio, fœmina fieret, vt debilius quiddam, necessarium tamen
 propter ipsum virum nimirum vir est quod firmum, & proinde
efficax,

efficax, fœmina quod debile, ac proinde receptivum, & pati
 idoneum. finis autem est in eo quod melius. igitur fit, vt, velut
 in re quacumque natura constanti, materia propter formam
 est, forma verò causa efficiens & finis, ita in quocumque ge-
 nere cuius est sexus, mas sit causa præcipue effectiua & finis,
 fœmina verò, qua fœmina sit, passiva. dixi *qua fœmina*: quia si
 quæ illi vis est & efficacia, id masculinæ perfectionis inest par-
 ticipatione, vt fœminæ verò sola debilitas, patibilitas, & mu-
 rilatio. nimium mas & fœmina idem animal est, facit verò
 fœminam defectus, quare qua tali nihil efficacix, sed sola pas-
 sio inest. Cùm igitur causarum omnium, intentione prima sit
 finis, effectiõis autem ordine, quæ efficit, constat matrem na-
 turæ ordine esse priorem fœmina, efficit quia & intentione,
 quia fœmina propter virum. Si enim solis viris posset constare
 humanum genus, neque indigeret sexu debiliore ad generatio-
 nem omnino nullæ factæ essent mulieres (nisi fortè per impo-
 tentiam, & monstra quædam) illud enim nostri principium,
 quod & luminum bonum esse indicauimus. boni gratia semper
 operatur, bonæque omnia esse vult. si ergo fœmina facta est
 propter virum, vt propter optimum sui generis, oportet verò
 principium esse quod optimum, constat appositissimè atque
 admodum Philosophicè dictum esse à Diuo Paulo, mulierem
 factam ex viro, quia propter virum, maximèque congruere
 hæc cum Aristotelica doctrina ex 12. Metaphysicorum. neque
 verò ex dictis difficile sit respondere Pythagoricorum argu-
 mentis & Pleusippi. id enim quod dicunt (principium scilicet
 rerum esse quod imperfectissimum & minimum de materiali
 principio solum verè dicitur, & fit panis ex frumento, & ex cæ-
 mento domus. nos verò de principio effectiuo intelligimus &
 exemplari, quod idem indicatum est esse finem & cuius gratia.
 homo ergo factus est ex vilissimo principio vt materia, ex li-
 mo inquam terræ, tamen vt effectiuo ex diuino exemplari, per
 quod, & cuius gratia facta sunt omnia, fœmina verò ex viro,
 propter quem etiam facta est: quia non erat bonum esse eum
 solum, vtpote periturum, nisi per debilitatem mulieris, facta
 conceptione similium conseruaretur. est enim, vt loco citato
 Diuus Paulus dicit, mulier ex viro, vir tamen non sine muliere,
 sed per mulierem. omnino enim & à principio, fœmina ex viro,
 deinceps autem per singulos, viri per mulieres seruantur. ita-
 que hominis ortus (ita autem & aliarum rerum omnium natu-
 ra constantium) ex vilissimo principio materiali incepit, ef-
 fectiuo verò optimo & sui generis præstantissimo, à quo &
 propter quod factus est. ita & tota rerum vniuersitas ab imper-
 fectissimis

Forma &
 finis & ef-
 ficiens
 idem.

fectissimis suis partibus vt reliquorum omnium futura materia inchoata est, effecta autem est per optimum illud æternum & diuinissimum principium, ex quo etiã vt exemplari, & propter quod facta sunt omnia. Neque verò (vt obiciebatur) si fecit Deus alterum ex altero, vt fœminam ex viro, necesse est alterius vicem suppleuisse, neque enim ex viri perfecti semine fieri mulierem voluit, vtpote quam non oportuit esse filiam viri (ne deinde ex turpi congressu inciperet generatio naturalis) sed ex latere decisam, vt sociam, & alteram hominis partem quasi vir & fœmina eadem caro futura esset, & alter idem, vtrumque itaque fecit ipse Deus, non tamen æquẽ primò, sed alterum ex altero, vt ex quodam principio perfectiori, & exẽplari; nimirum, vt fecit virum ad imaginem & similitudinẽ suam, ita mulierem ad imaginem & similitudinem viri, atque proinde, vt caput viri est Deus per Christum, ita caput mulieris est vir: atque quoniã vir ex Deo, & fœmina ex viro suam accepit perfectionem, merito vir gloria Dei est, & fœmina gloria viri, vt scilicet *Vir est gloria Dei.* patris, & discipulus magistri, & optimum quodque opificium artis, & cuiusque imaginis pulchritudo, sui exemplaris. cur igitur arbores, fructus, & herbæ facta sint antequam sua semina, & vir ante mulierem, curque mulier ex viri latere decisa, dicta vtcumque est naturalis causa. non enim spero me, vel minima ex parte cõsequi posse quæ in his & aliis sacrae Scripturæ locis latent, vel quæ ad solam naturã spectant arcana. de quibus solis est hæc commentatio. altiora enim quæ hîc sunt sacramenta, perquirent Theologi, quorum altissimis contẽplationibus humiliores has nostras seruire volumus, vt viro fœminã. Succedit verò mox dictis dubitatio, cur siquidem mōstratum est, sexum masculinum natura priorem esse fœminino, quod hîc velut ex illo mutilato fiat, non perinde Deus in aliis animantibus efficiendis se gessit atque in homine, masculos scilicet efficiens prius & ex illis fœminas, sed nulla sexus distinctione, aquis terræque imperauit dicens, *Producant aqua reptile anima viuens, & natatile & volatile super terrã sub firmamento cœli. & rursum, Producat terra animam viuentẽ in genere suo, iumento & reptilia & bestias terra secundum species suas:* certè nō in vno aut altero, sed in omni genere viuentiũ, quibus est sexus differẽtia, mas, vt perfectior, ita est natura prior quàm fœmina, nimirum vt singulorum animalium sunt duo latera, dextrũ & sinistrum, quorum dextrum & perfectius, & prius est quàm sinistrũ (definitur enim dextrum mouendi principio, sinistrum sine ita cuiusque generis talis est duplex sexus, masculinus, qui perfectior est & natura prior, neque certè exẽplũ est valde dissimile. nam

Mulier
non ex se-
mine.

Vir est
gloria
Dei.

Dextrũ
definitio.

vt à dextro incipit animalis progressio, & sinistro finitur, ita generatio à mare inchoatur, & perficitur in muliere. itaque vt dextrum sinistro, ita masculinū feminino prius est. tamen satis fuit id in vnius, eiusque præstātissimi animantis ortu indicare, in aliis multò magis præstitit materialem significari naturam, nihilque in illis esse Diuinum, & supra corporalem essentialē separabile, & immortale, vt in homine, sed omnia, secundum se tota, educi de potentia materiæ. Hoc enim significans dicit, *Producant aqua reptile, & nauile, & volatile super terram, & terra producat iumenta, & reptilia, & bestias*, hominem verò, etsi ex terra fecit, non tamē iussit terræ vt produceret, sed ipse apud sese Deus statuit illum facere, dicens: *Faciamus hominem*, vsque adeò habent magnam energiā verba singula. Sed hīc rursus dubitatio alia subit. Cū volatilia ex aqua potius fecerit quàm ex terra, cū præter quædam illorum genera, perpauca sint quæ submergantur aut natent, omnia verò terræ insideant, cūq; ~~est~~ a volatu, ibique nidificent, dormiant, oua incubent, pullos excutiant. si igitur inde animantia fieri oportuit vbi viuunt, ex terra potius quàm ex aqua videntur debuisse fieri volatilia, aut saltem ex aëre: ex aqua verò minimè, vtpote in quam eorum plurima nunquam descendunt, maximè cū plurima eorum victum ex terra capiant (perpauca enim eorum sunt ichthyophaga, vt aquilæ vnum genus) Hippocrates enim & Medici omnes vno ore affirmant, ex eisdem nos fieri, quibus nutrimur. Prætereà si substantiā eorum & temperiē consideres, videbuntur ex terra potius quàm aqua esse facta. tamen enim magna ex parte tenuior substantia est volatiliū quàm terrestrium. tamen eorū quædam duriorē & crassiorē habere videntur quàm horum multa, vt vultur & accipitrū genera, quàm arietes, atque adeò omnia in commune, vt sunt quàm terrestria tenuiora, ita & sicciora. siccitas verò plurimum dissidet ab aquæ natura, à terra non dissidet. Sed quoniam terra vt sicca, ita & crassa est, quod tenue & siccum igneum potius videtur. Cōgruit ergo volatiliū natura cum igne maximè, cū terra aliquatenus, cum aqua minimè, facta ergo fuerint, si habitaculum spectes, ex aëre: si temperiē, ex igne: sin minùs, ex terra: cum qua vtraque ratione conueniunt ex parte, nimirum partim viuētia in ea, & partim illi temperiē similia secundum siccitatem scilicet: ex aqua verò nulla ratione videntur fuisse efficienda. Esse qualem diximus eorum naturam ex Hippocrate licet discere, qui lib. 6. Epidemicōn sectione sexta, inquit, *bilis vt dicebam de auiibus, quod biliosa. quo pacto ergo potuerunt biliosam naturam ex aqua recipere? Medici quoque omnes carnes volatiliū censent*

Esse ex
quibus.

Siccitas.

Aues
igneæ.

ſent eſſe tenuiores & ſicciores. quin & gancones teſtimonium
tali naturæ præbent, quidā enim eorum non ſatis aſſis veſcun-
tur, nulli verò niſi cū ſunt pingues: vt ſcilicet leui aſſatione,
& pinguedine, temperetur naturalis earum carnum ſiccitas.
Vnde ergo quis coniectet, aues eſſe ex aqua natas? Ariſtoteles
cap. 4. lib. 4. Meteorum indicauit, in igne aut aëre nullum ani-
mal gigni, ſed in aqua aut terra omnia, eò quod corpora omnia
ſolida, ex ſicci & humidi craſſi commixtione, generentur, quæ
ſunt terræ & aquæ, atque ita corpora omnia concreta, aut ad
aquā, aut ad terram pertinere, quod ad ſubſtantix modum at-
tinet. Itaque tametiſi ponātur elementa quatuor, corpora verò
ſolida, ex craſſis eſſe: ex tenuibus, aëre inquā & igne, accedere
illis temperamenta & virtutes. ſiquidem igitur ex quocunq-
ue quatuor elementorum animalia, fieri poſſent, aeri, vaga ex aere
fieri, fuiſſet conſentaneum: cū verò id aeris ſubſtantia non
ferat conſentaneum mox è duobus craſſis, ex quibus fiunt
omnia, ex eo maximè facta eſſe quod aëri eſt proximum, cuius-
modi eſt aqua. Nolo nunc de aëris temperie diſſerere, neque
difficilem contentione ingredi. Stoici enim affirmant eſſe ſum-
mè frigidum. Peripatetici ſummè ferè calidum. Mihi ſemper
uiſus eſt nihil eſſe inſigniter, ſed temperatum quiddam, & me-
diocre. ſed hoc nunc habeat vtcunq-ue, commutandi facilitate
proximam eſſe dico aquam aeri, idque ob ſubſtantix modum.
nam aqua in aerem abit extenuata, & aer in aquam denſatus,
nulla intercedente generatione, niſi fortè vaporis. facta itaque
dicimus volucra in aerem euolutura ex aqua vt ex ipſius aeris
materia futura vt etiam ex aqua vapores, ipſius aeris proxima
materia. ita enim euolant etiam ex aqua vapores, ipſius aeris
materia futuri; niſi rurfum denſati in pluuiam præueniant de-
ſcendere. Diuus Auguſt. lib. 2. de Geneſi ad litteram, addit vola-
tilia non volare per ſublimem aerem, qui ſerenus tranquilluſ-
que eſt: ſed per hunc turbidum & craſſum, terræ proximum,
qui excipit vapores omnes terræ & maris, & in quo pluuiæ
concreſcunt, ita vt ea eius pars, aqua potiùs extenuata, quàm
aer eſſe videatur atque ita principium ex quo ſunt factæ aues,
& habitaculum earum, ſimile ac ferè idē eſſe. inſinuat ergo Au-
guſtinus, natatilia & volatilia facta eſſe ex aqua: illa verò ex
craſſa quæ in mari fluctuat; hæc ex tenui, quæ in aere volitat.
tamen corpulentia auium craſſum etiam deſiderat principium:
iuxta id quod ex Ariſtotele accepimus. neque verò quia non
ſunt volatilia temperie aquæ, non ſunt facta ex illa, non enim
ex ſimilibus res fiunt, ſed ex contrariis, & ea non fiunt ex ma-
nente tali, ſed ex alterata aqua exemplo eſt ſal, qui non ſolūm

In aëre
nihil gi-
gnitur.

Aëris
temperies.

Aëris ma-
teria pro-
xima.

Aues in
qua parte
aëris vo-
lent.

Piscium
tempera-
mentum.

Vesica ca-
rentia.

Habentia.

eam faciliè emollitus soluitur, tamen temperie est siccus & calidus. Itaque ex aqua facta sunt natatilia & volatilia: illa verò est minùs alterata, hæc est alterata magis: proinde pisces temperamento etiam sunt similes aquæ, aues contrariæ: tenuior verò substantia quàm terrestribus vtrisque est. Attestantur huic cõmuni ortui, multa, quæ piscibus & auib. communia sunt, quibus à terrestribus discrepant. vtraque enim sunt ouipara (præter pauca quædã natantium, quæ & ipsa intra sese pariunt oua) hæc viuipara. vtraque etiam vesica carent, & partim nullo, partim exiguo potu vtuntur. terrestria omnia habent vesicam, & mingunt, & vtuntur copioso potu. Porro squammæ & plumæ ad aquam videntur pertinere, præ pilis, hi verò ad terram, generationem enim his tribuunt omnes, & Physici & Medici, ex fuliginibus, quarum est terrea & exusta natura: Illis verò ex pituitosis crassisque excrementis. argumento sunt quidam morbi, per quos crustæ quædam squammis similes, cuti adhærent. eæ enim in crudorum & crassorum excrementorum circa cutem præsentiam, referuntur: squammarum verò & plumarum materiam esse aquam, quæ mingenda foret, author est Aristoteles, vt multis aliis in locis, ita tertio de partibus animalium, cap. 7. quod idem de alimento pennarum auium dixit pluries in eodem opere. Itaque non parum videtur cum rerum ipsarum naturis consonare, vt volatilia & natatilia ex aqua facta sint, velut terrestria ex terra inanimatorum, itaque & animatorum omnium ortus primus ita constitit.

C A P V T II.

Ex cap. 2. Geneseos.

Iste sunt generationes cœli & terra, quando creatae sunt in die quo fecit Dominus Deus cœlum & terram, & omne virgultum agri, antequam oriretur in terra, omnemque herbam regionis, priusquam germinaret. His verbis, intelligit Philo ludæus significari rerum omnium ideas, & causas exemplares: quod non aliorum videatur posse dicere, virgultum agri antequam oriretur in terra & herbam regionis antequam germinaret, nisi vt insinuaret, factum fuisse virgultum antequam oriretur è terra, intelligibile scilicet & incorporeum, exemplarque huius materialis, quod postea è terra ortum est. ita etiam & res alias omnes quæ corporeæ creatæ sunt, existisse antea incorporeas, at verò si virgultum antequam oriretur in terra significat virgulti

gulti ideam, videntur hæc verba significare, fecisse Deum virgulti (ita verò & aliarum rerum omnium) ideas, atque aded totum mundum intelligibilem, antequam res ipsas sensibiles, deinde has ab illis, velut ab exemplari, deduxisse. id verò falsum est. nam si exemplares causæ factæ essent, earum oporteret esse alia exemplaria, & illorum rursus alia, atque ita procedetur in infinitum, aut perueniretur ad æterna, omnique carentia, principio, exemplaria. quæ si sunt, mox ab illis, citra aliorum exemplarium generationem fieri deducique possunt res sensibiles, & omnes mundi partes. Ideæ ergo, & exemplares rerum causæ, extra Deum nullæ sunt, sed in ipsius Dei substantia. id quod Platonem quoque sensisse, haud dubium est, siquidē dicit. *Rursus cōsiderandum est, an mūdi faber sit imitatus exemplar: id ne quod semper idem & simile est, an id quod genitum fuerit, atqui si pulcher est hic mundus, & opifex mundi bonus, sempiternum ceriè exemplū maluit imitari: sin secus, quod ne dictu quidem fas est, generatum exemplar, est, pro æterno, sequutus.* hæc Plato. ex quibus constat, exemplar rerū, quæ factæ sunt in substantia, esse opificis. nihil enim Plato æternum esse censet, præter Deum. nam minores Deos, & factos, & dissolubiles, nisi benignitate Dei Optimi Maximi seruariantur, esse autumat. mundi igitur intelligibilis, nulla temporalis genesis est, sed tantum huius sensibilis. Quapropter, ponere vlla rerum exemplaria creata, absurdum est, alioqui fecisset Deus hominem, deinde Petrum & Ioannē. id verò fieri non potest, quia in definitione & essentia hominis est, vt constet corpore & anima. ac sine eis, ne intelligi quidem potest, nedum esse. vt neque simitas esse potest, vbi nō sit nasus, quia in definitione simitatis est nasus, cum sit nasi caritas. quo pacto ergo homo, quin sit animal? aut quo pacto animal, quin sit corpus; corpus autem non Mathematicum, quia non esset sensitiuum: si autem corpus Physicum, certè & hoc: siquidem vniuersalia per materiā fiunt hæc. non potest igitur esse homo, qui non sit aliquis homo. sed vniuersale in rebus creatis, est ratio vniuersalis in omnibus existens, cogitatione separabilis. exemplar verò ad quod facta sunt singula, est æterna illa notitia rerum omnium, quam Deus semper apud se habuit, ab æterno conceptam, factam autem nunquam. Constat etiam ex verbis his capituli octauī Prouerbiarū, *Dominus possedit me in initio viarum suarum antequā quidquā faceret à principio.* si enim ea à Deo esset facta. quomodo posset à Deo possideri, antequam quidpiam fieret? esset enim ipsa facta. non est itaque facta, est tamen eadem ab æterno concepta, siquidem addit, *ab æterno ordinata sum, & ex antiquis antequam*

Exemplar
mundi æ-
ternum.

Sapientia
ab æter-
no.

antequam terra fieret. Nondum erant abyssi. & ego iam conceptus eram, & c. 24. Ecclesiastici dicit ipsa Sapientia, Ego ex ore altissimi prodiui, primogenita ante omnem creaturam. Itaque Dei sapientia per quam facta sunt omnia quæ facta sunt, facta esse non potest, concepta verò ab æterno, quæ est ipsum Dei verbum, Dei sapientia, hæc verò in Deo (ut & alia omnia quæ in ipso sunt) nullatenus accidentalis, sed ipsamet diuina substantia est. hanc in Deo necesse est ponere, alioqui fecisset Deus omnia, nesciens quid faceret, velut, cæcutiens, & temere aliquid agens: factaque essent omnia casu, præter intencionem agentis; hoc verò est impossibile, quia aut hæc faciens volebat alia facere, quæ non fecit, aut nihil volebat, sed necessitate hæc fecit: si primum, Deus fuerit causa per accidens mundi. quod si ita est, non potest esse causa præcipua, quia omne quod fit per accidens, reducitur ad aliam causam per se. Mundi ergo esset, præter Deum, alia causa per se, & præcipua. illa ergo potius esset Deus. quapropter Deus non potest ita fecisse mundum, si verè necessitate fecit. Nulla causa est quòd non fecerit ab æterno. at verò monstratum antea est, mundum non esse ab æterno, igitur superest Deum ab æterno habere apud sese notitiam rerum omnium creandarum, atque fecisse tales quales agnoscebat, illamque notitiam esse exemplar per quod facta sunt omnia. atque cum illamet notitia sit ex substantia Dei, diuinitus enarrata est mundi creatio in Euangelio Ioannis, ducta scilicet ab exemplari causa, & æternis ideis, In principio (hoc est Deo) erat verbum, & verbum erat apud Deum, & Deus erat verbum, omnia per ipsum facta sunt. Præter hoc verbum nullæ sunt ideæ, neque causæ exemplares mundi, neque in tota hac narratione mihi videtur Moses, exemplaris causæ rei vilius meminisse, præterquam hominis, de quo inquit, ad imaginem Dei creauit illum. Propriè quidem, quia ad illud exemplar, quod est verbum Dei. id verò est imago substantiæ Patris. hoc ipsum fuit exemplar aliarum omnium rerum, siquidem omnia per ipsum facta sunt. fortasse satis fuit hic exponere causam exemplarem hominis, ut eadem intelligeretur esse totius mundi. quandoquidem in substantia hominis sunt omnes mundi partes, ut nihil verius à Philosophis dictum sit, quàm hominem esse microcosmum. quod non ita intelligens Philo. cõmentatur illud esse dictum de anima hominis, illique soli fuisse Deum ipsum exemplarẽ causam, corpus verò atque reliqua corporalia, facta esse ad exemplaria creata. proinde in 1. cap. creationem animæ, quæ præcipua hominis pars est. atque ut censet Plato in dialogo de natura hominis, & Auicenna in mahat, solus est homo, traditam esse, vbi dicitur,

Exemplar
hominis.

Micro-
cosmus.

An sola
sit anima
creata.

dicitur, *Ad imaginem Dei fecit illum*, in hoc 2. cap. tradi corporis creationem, vbi nulla imaginis Dei fit mentio, sed dicitur, *formauit igitur Dominus Deus hominem de limo terra, & inspirauit in faciem eius spiraculum vite*. Verba verò Philonis in li. Philonis de mundi creatione somnia.
 bello de opificio mundi, sunt hæc. *Quod autem in anima quoque par inerat præstantia, manifestum est, nullo enim creato exemplari, in ea facienda vsus videtur, sed solo, ut diximus, suo ipsius verbo, ideoque narratur, effigiem & imitamentum fuisse, hunc hominem inspiratum in faciem*. Hæc Philo: quibus apertè dicit, hominem inspiratum in faciem illius statux, quæ ex luto constitit, esse animam, eamque sine creato exemplari factam esse, effigiem & imitamentum Dei: corpus verò, atque adeò alia, facta esse ad exemplaria, quæ erant in vrbe intelligibili, quam primo die, de sententia illius, fecit. neque verò non ita sentit, quia paulò antea dixerat, mundum intelligibilem esse verbum Dei. Vrbis intelligibilis Philonis.
 nam non vtrumque id dicit, sed mundum intelligibilem, esse verbum Dei iam facientis mundum; urbem verò intelligibilem (hæ sunt causæ exemplares) esse ratiocinationem Architecti, cogitantis iam verbum mente conceptam, condere. Itaque ille ponit verbum Dei, idque æternum, illud verò, non ab æterno, sed cùm iam vellet mundum condere (ita vt solent artifices) excogitasse intra se mundum quendam seu urbem intelligibilem, ad cuius exemplar condidit hanc visibilem. audiamus verò eius verba. *Quod sicut liberat* (inquit) *apertioribus uti vocabulis, nihil aliud dixerit esse mundum intelligibilem, quam verbum Dei iam mundum condentis, neque intelligibilis vrbs est aliud quid, quam illa architecti ratiocinatio, cogitantis iam urbem, mente conceptam, condere*. Itaque ponit mundum intelligibilem, quod dicit verbum Dei iam condentis mundum, & in eo urbem intelligibilem illam effigiem mundi tunc conceptam, cum iam conderetur, atque in ea vrbe fuisse exemplaria omnium, præterquam animæ, quæ non ad exemplaris vllius creati, sed ad Dei ipsius imitamentum, facta est. Ex dictis nascuntur duæ Iudæorū opinio de sapientia.
 opiniones, quæ malè Philosophantium Iudæorum sunt, vna, esse sapientiam quandam creatam, quæ ante mundi opificium facta est, atque per eam alia omnia, illam scilicet mente conceptam urbem intelligibilem. Cui opinioni fauere videntur quæ maximè illa verba cap. i. Ecclesiastici, *Prior omnium creata est sapientia, & fons sapientie verbum Dei. & rursus, Vnus est altissimus & creator omnium omnipotens, & rex potens, & metuentus nimis, sedens super Thronum illius, & dominans Deus ipse creauit illam*. Alia opinio est, mentem humanam, siquidem non ad exemplar creatum est facta, ex substantia esse ipsius Dei, in quam

Philonis
reprobatio.

Spiritua-
lis substantiæ crea-
tio.

Dei Thronus.

Bonum.

quam Philo quoque videtur lapsus, quia ita inquit. *Omnis homo, iuxta mentem, diuino verbo est cognatus, beata illius natura sigillum, siue particula quadam, siue splendor, & quasi radius.* Verum hæc omnia plena sunt absurditate. nam, vt monstratum est, exemplares mundi causæ, non possunt non esse æternæ, vt Deus ipse, ac proinde, neque aliud quàm ipse Deus. quare nulla vrbs intelligibilis, nulla sapientia creata esse potest, per quam omnia facta sunt, neque omnino quidquam, quod non sit ipsum verbum. nã, præter dicta, si illa vrbs intelligibilis aut illa sapientia erat in verbo, neque ex substantia ipsius verbi, atque adeò ipsum verbum, erat profectò quiddam illi accidens, & tempore superueniens. constat verò, Deum incapacem esse alterationum. nihil ergo aliud fuit per quod omnia fierent, quàm ipsum verbum Dei. Atqui illa verba Ecclesiastici, de generatione æterna sapientiæ diuinæ intelligi, etsi abusiue accipiar, nomen creationis, constat ex adiunctis. Hæc enim sunt *verba capitis, Omnis sapientia à Domino Deo est, & cum illo fuit semper, & est ante æuum.* de hac sapientia dicuntur alia omnia. super cuius thronum dicitur sedere Deus dominans, super thronum scilicet sapientiæ illi coæternæ, & consubstantialis, quæ est suum verbum, per quod facta sunt omnia: nam si velimus eo loco, nomine sapientiæ creatæ, intelligere intellectualem substantiam Angelorum, ne ita quidem quadrabunt reliquæ. quadrarent enim fortasse illa, *Prior omnium creata est sapientia.* si quidem spiritualis substantia censetur creata ante corporalem: sed non illa, *ipse creauit illam, & effudit illam super omnia opera sua,* hoc est, & creauit omnia opera sua, effundens sua bona ex æterno illo sui thesauri promptuario, super omnia illa. nimirum bonum est sui ipsius diffusuum, atque ita summum bonum summè se effudit. effusione igitur illius diuinæ sapientiæ, quæ ab æterno est apud Deum, atque ipse Deus, facta sunt omnia. quapropter, vt neque animæ, ita neque corporis, neque omnino rei vllius creatæ fuit creatum exemplar, sed omnium increata. vt verò imitamenta non sunt ex substantia exemplarium; sed ad similitudinem illorum, ita neque anima facta est ex substantia Dei, sed ad imaginem & similitudinem, vt & totus homo, & aliæ omnes res creatæ, suo quæque gradu, vt bonitas illa, quæ exemplariter erat in verbo, plus aut minus, in quamcunque se effudit. itaque anima rationalis, atque humana mens, multò plus accepit illius bonitatis, quàm aliæ animæ, non tamen ex substantia Dei est magis quàm illæ. atque sapientia illa, quæ prior omnium creata esse dicitur, est per quam facta sunt omnia: at verò per intellectualem

lem, & incorpoream Angelorum substantiam, nullæ res creatæ sunt, nisi verò etiam placeat cum Platone & Philone (ambo enim huius sententiæ sunt) illud colloquium, *Faciamus hominem ad imaginem & similitudinem nostram*, fuisse inter Deum Deorum & minores Deos, hoc est, Angelos, alloquente illos Deo, atque ad hominis opificium prouocante. Id verò est absurdum, quia cui esset communicata facultas creandi, communicata esset facultas infinita, nulli verò creaturæ infinita virtus cōmunicata est, atque an possit communicari, merito à Theologis dubitatur à probabiliore sententia negante. Nulla igitur creatura cooperta est cum Deo in creatione. quare superest, ut illud colloquium intra ipsum Deum habitum sit, apud quem erat verbum, per quod omnia facta sunt, & infinita bonitas, seu amor, quo sese effudit per omnia opera sua. Quod igitur ad causam exemplarem attinet, ita habet, neque in tota tractatione Moses illius meminit, nisi in his verbis, quibus ad imaginem & similitudinem Dei dicitur factus esse homo. neque vltimorum, siue exemplarium creatio, seu Genesis temporalis fuit, quidquid Philo velit. Interpretemur ergo, quid sibi velint illa verba in initio huius capituli præscripta. *Hæ sunt generationes cœli & terra. quando creata sunt, in die quo fecit Dominus cœlum & terram, & omne virgultum agri, antequam oriretur in terra, omnemque herbam regionis, antequam germinaret.* Aristotelicorum omnium, & partis magnæ Platoniorum, opinio est, mundum hunc à Deo factum esse, ita tamen, ut nunquam fuerit, sed factum esse ab æterno: quod ego antea refutaui, indicans fieri non posse, ut quod factum est, aliquando infectum non fuerit. huic opinioni occurrat Moses, ac ne quis falleretur, putans, etsi Deus fecerit virgulta & herbas, ac denique omnia, nunquam tamen non fuisse virgulta ex terra orta, & herbam germinantem, inquit, *Fecit Dominus omne virgultum agri antequam oriretur ex terra, & omnem herbam regionis, antequam germinaret.* quasi diceret, fecit Deus hæc omnia in mundi initio, cum antea nunquam virgulta essent orta ex terra, neque herba germinasset. itaque cum antea nunquam extitissent, nisi in exemplari, facta sunt denuò omnia, & rerum omnium species, quæ in priori illo sæculo, hoc est, in illa æternitate, erant in mundo intelligibili, inuisibiles, visibiles in hoc temporali sæculo fecit Deus apparere, quod disertissime dixit Paulus cap. II. epistolæ ad Hebræos, his verbis, *Fide intelligimus aptata esse secula verbo Dei, ut ex inuisibilibus visibilia fierent.*

Virtus infinita incommuni-
cabilis
creaturæ.

Mundus æternus
& factus.

CAPVT III.

Ex cap. 2. Geneseos.

Nomine
an suis
rebus cō-
gruentia.

LEgimus, *Omne enim quod vocauit Adam anima viuentis, ipsum est nomen eius: appellauitque Adam nominibus suis cuncta animantia.* Quæ verba non videntur oscitanter prætereunda, oritur enim ex illis, magna illa & antiqua dubitatio, an sint rebus sua nomina eis naturaliter congruentia, an nulla sint talia, sed consensione hominum, atque ad colloquendum libitum consent omnia. si enim suis nominibus appellauit Adam: cuncta, videntur habuisse nomina antequam appellarentur, alioqui non vocauerit illa suis nominibus, sed dederit illis nomina: quod si antequam appellarentur ab Adamo habebant nomina, non sunt nata ex appellatione & vltimo, sed ex rerum naturis: naturaliter ergo congruunt rebus sua nomina, non voluntate hominum. in hanc sententiam videtur multis argumentis ferri Plato in Cratylo, siue de recta nominum ratione. Huic quæstioni videtur esse coniuncta illa alia, an nominibus insita sit vis aliquid efficiendi, siue boni siue mali, an nihil aliud, quàm significant. si enim sunt naturales rerum imagines, non sit inopinabile posse naturaliter aliquid efficere, vt & res ipsæ: si verò nihil est verbis cum rebus præter hominum placitum, nulla illis inesse vis naturalis potest, siue facultas. si igitur indicari possit, vim inesse verbis aliquid efficiendi, indicatum etiam putari oportet, esse ea naturaliter coniuncta rebus, significaretque non ex placito solum, sed naturaliter, habere autem verba vim talem, auctoritate Medicorum eorundemque Philosophorum præstantium constare videtur posse; qui, vt pharmacis, ita etiam verbis quibusdam, ad quosdam morbos vti iubent: neque verbis solum prolatis, sed & scriptis, ægroto alligatis, aut suspensis. Plinius lib. 28. Naturalis historiæ, cap. 2. quæstionem hanc disceptans, multa narrat ad hanc partem pertinentia, velut Vlysses (narrante Homero) profluium sanguinis, vulnerato femore, inhibuisse carmine, Theophrasto authore sanari ischiadicos carminibus, authore Catone, laxatis membris auxiliari carmen. Marco Varrone, podagricis: Ætius lib. 8. cap. 50. ita inquit, *Ad educationem eorum qua in tonsilas deuorata sunt, statim te ad agrum desidentem conuertere, ipsumque tibi attendere iube, ac dic, Egredere os, si tamen os, aut festuca, aut*
quid

Morborū
superstitionis
curationes.

quid tandem existit, quemadmodum IESVS CHRISTVS ex sepulchro Lazarum eduxit, & quemadmodum Ionam ex certo, atque apprehenso ægri gutture dic, *Basilius martyr CHRISTI dicit, aut ascende, aut descende.* Tralianus incantationes plurimum posse iuuare asserens, cap. 4. lib. 6. autoritate Galeni suam sententiam confirmat, ita dicens: *Præterea etiã diuiniſſimus Galenus, qui ne esse quidem incantationes putauit, longo tempore multoq; usu plurimũ ipsa posse deprehendit. audi igitur verba ipsius, quæ de medica Homeri tractatione reliquit. habent autẽ ea in hunc modum, nonnulli igitur putant incantationes anicularum fabulis esse persimiles, quemadmodum ego quoque diu existimaui, temporis autem processu ab ipsis, quæ euidenter apparent, parẽ persuasus sum, vim ipsis inesse, nam in percussis ab scorpio adiumentum sum expertus, nihilo autem minus in ossibus gutturis infixis, quæ incantatione statim expuebantur: ac multa præclara singula habent incantationes, cùm institutum consequuntur.* hæc Tralian. ex Gal. qui licet nunc non extet, extitisse tamen verè, autoritate Traliani cõ-
batur. Extat quidem in Galeni scriptis libellus quidam de incantatione, is verò non est genuinus, tamen est alicuius non contemnendi authoris; apud Quintum Serenum legimus inscriptã modo quodam certo vocẽ hanc Abracadabra, & charta lino inclusa atque collo suspensa, sanare hemetriteum. multa alia huiusmodi occurrent scripta & apud Græcos, & Latinos, atque apud Arabes Medicos. Iam verò inter vulgares nihil magis usu receptum, quàm quibusdam recitationibus (Hispani vocant *ensalmos*) morbos quosdam, aut etiam omnes, curati videntur autem hoc ita se habere, vel hoc argumento, quòd si verba quædam sunt noxia, aut etiam mortifera, possint etiam esse alia salutaria. at verò omnes homines videntur naturaliter timere maledictiones, & imprecationes, & venefici vtuntur diris carminibus. multaque passim narrantur exempla morborum, per imprecationes, fascinationes, venefica verba, & alia eiusmodi, illatorum. possint ergo & Medici vti verbis salutaribus, ac benedictionibus, minùs quàm pharmacis ad morborum curationes. si igitur verba vim habent efficiendi quidpiam, velut ignis vrendi, non sint tantum ex colloquentium placito significantia id quod quispiam cogitet, sed naturam quampiam habeant communem cum ipsis rebus, ob quam, & ipsis congruant naturaliter. his argumentis censent plurimi (in quibus Platonem etiam pono) non temere his vocibus has, illas illis significari, sed naturaliter nomina rebus aptari suis. Non tamen omnia æquè, neque quæcunque, neque enim Hispana, neque Gallica, neque verò Latina, neque Græca quæcunque,

Hemetritei curatione.

Hebrai-
carum
vocū vsus
in sacris,


Zoroa-
stres Prin-
ceps Ma-
gorum
Cabali-
stæ.

Serpentis
astutia.

Exorcistæ
& eorum
virtus.

Angelica
saluatio.

sed vt Plato censet citato Homero, quibus loquuntur Dij : & vt alij , primæua illa quibus Adam putatur esse vsus , hoc est, Hebræa. eam ob causam dicunt , in Ecclesiasticis hymnis retineri semper verba quædā Hebræa, vt *Alleluia, Osanna, Sabaoth, Epheta*, & alia eiusmodi, quæ sanè (dicunt) verterentur etiam in Latina, vt alia omnia, nisi vis quædam & efficacia illis naturaliter inesset. hanc sequuti sunt sententiam Magi, quorum princeps putatur fuisse Zoroastres rex Bactrianorum, Nini contemporaneus, quique naturalem esse suam Magiam contendunt, & inter Hebræos vocari Cabalistæ, qui suam doctrinam, iactant à secretioribus Dei reuelationibus fuisse deriuatam, promittunt se verbis & characteribus miraculosa quædam opera edituros videtur autem his fidem etiam facere, de incantationibus, sæculis omnibus concepta opinio. Si enim (vt ex Atali sententia narrat Plinius) prolata hac voce, *duo*, visus scorpio cohibetur ne vibrare ictus possit. sique (vt ait Poëta) *frigidus incantando rumpitur anguis*. qui possit negari naturalis verborum vis? aut cur non poterunt rectè apud omnes gentes adhiberi salutare incantationes aduersus morsus rabidorum canum, & venenatorum omnium ictus, atque adeo aduersus ipsas feras? Neque vetò vanum esse videtur, quod de incantationibus feritur, siquidem Psal. 57 ita cecinit Regius vates. *Furor illis secundum similitudinem serpentis, sicut aspidus surda & obdurantis aures suas. quæ non exaudiet voces incantantium, & venefici incantantis sabienter*. Ecce vt diuino oraculo confirmari videatur vis, & facultas incantationum, & incantatoris sapientia, & calliditas serpentis obturantis sibi aures, ne audiat voces incantatoris. adeo igitur naturalis est verborum potentia, vt etiam ab irrationalibus naturaliter agnoscat, atque aduersus eam naturaliter sese muniant; constat verò aduersus noxas, quæ naturales non essent, non fuisse naturam belluas armaturam, neque daturam instinctam, quo se ab illis tuerentur. Hieremias quoque cap. 8. ita scripsit, *Ecce ego mittam vobis serpentes regulos, quibus non est incantatio* videtur autem comminatio hæc innuere, aliis serpentibus esse incantationes. hanc sententiam videtur etiam iuuare authoritas Ecclesiæ, quæ iubet exorcistas vti conceptis verbis, quasi illis, dæmones fugandi virtus quædam præcipuè iussit. quod etiam spectare dicat quis illud Evangelij, *In nomine meo dæmonia eiicient*. non enim iam in ieiunio, solum & oratione dicit, sed *in nomine meo*, quasi ipsa nominis IESU prolatio, efficaciam habeat ingentem. præterea illa crebra recitatio, qua Ecclesia & fideles singuli vtuntur, illæ, nunc ter, nunc quinquies, nunc quinquagesies, nunc pluries repetitæ, salutationes Angelicæ, aut dominicæ preces, quid aliud innuunt,

quàm in ipsa verborum Sanctorum recitatione, vim quandam esse animæ salutarem? alioqui si non ob ipsorum verborum vim, sed orandi Deum gratia recitarentur, quorsum recitaretur eadem pluries; videtur ergo his omnibus argumentis fieri, inesse verbis ipsis vim quandam naturalem, partim noxiā, partim salutarē, idque nunc corporibus, nunc animabus, nunc vtrisque, atque ita analogiā habere cum rebus, quarum sunt, quod præscripta Geneseos verba innuebant. Verum etsi tam multa congerant vani & supersticiosi, magi, & Cabalistæ & qui se putant diuinissimos, Platonici, falsum est prorsus, & ab omni ratione alienum, vim esse per se vllam verbis, aut aliam, quàm significandi ex hominum placito. Nam, vt eidem, cui illi, viæ insistamus, si verbis ipsis nihil est commune cum rebus, neque ipsa quidpiam sunt aliud, quàm ita diuerberatus aër, neque alia causa est, qua hæc has, illa illas, res significant, quàm hominum, ab eorundem voluntate profecta consuetudo, nulla vis esse potest nominibus per se. Quid autem aliud est loqui,  per quasdam linguæ motiunculas, res quasdam innuere, vt inter Magorum & Cabalistarū reprehensio. Linguæ vsus. colloquentes constitutum est? nimirum: vt quidam (multi præcipue) consueuerunt, suas sibi mutuo cogitationes aperire varia digitorum motitatione. hoc solum interest, quòd lingua accommodatissima est omnium nostri corporis partium, ad significantum quod mente conceptum est, ob illam mirabilem mobilitatem, & quia in ipsa via spiritalis posita, eius diuerberatione, sonitus edit multiplices, auditui hominis, etiam eminus, occurrentes, itaque, est hæc particula paratissima, ac maximè idonea, cui homines demandent munus innuendi inuicem, quæ mente conceperint: quia nulla tor, tamque varias motiunculas subire potest, eaque sola voces effingit multiplices, vnde & aspectabiles, & audibiles nascuntur differentię: neque quidem casu factum est, vt lingua ad hunc vsus extiterit accommodata, sed ipsa natura ita est comparata, mollis scilicet, ac substantia volubilis, multis ad radicem musculis prædita, superposita laryngi, supposita palato, circumsepta dentibus, vt expiratum per laryngem aërem excipiens, & ad palatum & dentes multifariam allidens, posset multiplices edere sonitus, quibus pro suo arbitratu, posset homo homini significare, incognoscibiles alioqui cogitationes. accommodatior ergo multò est ad innuendum lingua, quàm manus, aut pes, aut vlla alia particula, velut autem, vtcunque tu moueas digitos, nihil intelliget alter, nisi inter ambos conuenerit, vt hæc motiuncula huius, illa illius rei nota sit, ita neque vtcunque crepas ore. neque enim Hispanus Gallum, neque hic Germanum, neque ille Arabem, neque

Latinus Græcum, neque Græcus Hebræum, loquentem inrel-
ligit. quia, scilicet, non sunt docti eundem sermonem. nimirum
sermo non constat natura, sed consuetudine. alioqui ut est

Infans si-
ne docto-
re quo
idiomate
loquutus.

omnibus gentibus vna eademque natura, esset idem sermo:
sed non ita est, quin potius multiplex, & ut consuetudo. falsum
enim ac ridiculum, quod sibi quidam Philosophiæ ignari per-
suaferunt. si quis ab infantia nullum omnino doceretur sermo-
nem, futurum ut loqueretur Hebraicè, sermonem scilicet, in-
natum hominibus. Nam si sine doctore, ut alia quàm plurima,
innasceretur sermo iste hominibus, innasceretur profecto,
etiam si alium sermonem discerent, essentque omnes duplicis
sermonis. Si enim sermo quem prius homo didicit, non prohi-
bet quominus discat alium deinde, sed sciunt multi bifariam,
trifariam, aut etiam quadriariam loqui: multò minùs prohi-
beri posset qui ex ipsa natura pullularet, ab eo qui esset com-
paratus studio. quin potius, si vllus sermo hominibus esset na-
tura, non possent esse ad alios dociles, quia quid intus ma-
net, prohibet extraneum. ut ergo natura fecit hominem prorsus

Homo
cur natu-
ra iners.

inertè, ut esset ad omnes artes habilis, necesse est, fecerit omni
sermone carentem, ut possit omnes discere. videmus verò plu-
res homines, ad alios multos sermones habiliores, quàm ad
Hebræum, quod quidem nullatenus fieri posset: nam in id quod
naturale illis est, sponte feruntur res omnes. Ex dictis igitur
constat loqui quidem naturale esse hominibus, quia natura, ut
ex ipsa linguæ formatione cognouimus, in hunc usum eam de-
stinauit. hoc autem aut illo sermone uti, studio ac doctrina

Sermo
quomodo
naturalis.

Idiomatū
origo.

euenit. & ipsa quidem idiomata, vsu ac tacita consensione ho-
minū, nata sunt præter septuaginta illa, quæ ad turrim Babel
in diuisione linguarum orta sunt, quorū Deus ipse voluit esse
author & doctor. non quòd illa potius, quàm quæ deinceps vsu
extiterunt, cognationem vllam haberet cum natura, sed quòd
ad breuem & expeditam distributionem gentium, expediret
esse multilingues. dilexit verò Deus, quæ ipsi placuit. ita cū
hominum vitæ nihil posset esse vtilius, neque iucundius quàm
suas sibi inuicem cogitationes communicare, neque quidquam
magis naturale, quàm scientiæ desiderium, & scientia compa-
retur docendo ac discendo: docere verò ac discere non contin-
gat aliter, quàm conceptionum mentis communicatione: ipso
naturæ impulsu feruntur in loquelam, quia, ut indicatum est,
nulla neque potior, neque facilior excogitari potest ratio in-
nuendi. inuenerunt igitur primū loquelam, quo verbis signi-
ficarent animi conceptiones. deinde, quia sermo haberi non
poterat, nisi ad præsentem, ac statim ac emissus est, effluit, exco-
gitata

Loquelæ
inuentio.

gitata

gitata scriptura est, quasi verba missilia, & permanentia quibus
 & cum absentibus. atque aded cum posteritate loqui contin-
 geret. loqui, inquā, hoc est verba illis significare, ac sermonem
 præsentare. quoniam enim scriptura, inuentione posterior est
 loquela, sit vt loquela per se significet omnes conceptiones, &
 scriptura loquelam, nimirum hæ duæ Scripturæ, homo & *ἀν-
 ὄρωπ*. eandem rem significant, sed non per eandem vocem;
 lectæ enim diuersum admodum sonant, per diuersas enim vo-
 ces significant eandem rem, & ingerunt menti eandem noti-
 tiam: velut etiā per diuersas scripturas significari potest eadem
 vox, vt per has, *ἀνθρῶπ* & *ἀνθρώπος*. eodem igitur modo se
 habent scripturæ ad voces, quo voces ad cogitata Atqui, neque
 hic ordo, vt sermo discatur ante scripturam, atque proinde
 scriptura per vocē significet, potius quā vox per scripturam,
 necessitatem habet naturalem, ita vt nullatenus possit contrā
 fieri. Sed ob facilitatem potius ita euenit, & quia citius ho-
 mines nullo sensu orbatī, habiles ad loquendum, quā ad scri-
 bendum. posse verō omnino contrā fieri, apertè indicauit Pe-
 trus Pontius, Monachus Sancti Benedicti, amicus meus, qui (res
 mirabilis) natos surdos docebat loqui, non alia arte, quā do-
 cens primum scribere, res ipsas digito indicando, quæ charac-
 teribus illis significarentur, deinde ad motus linguæ qui charac-
 teribus responderent, prouocando; itaque vt audientibus à
 loquela, ita auribus captis, rectius incipitur ab scriptura. neu-
 trum igitur habet necessitatem naturalem. Sed videtur ex rei
 natura esse eadem ratio sermonis & scripturæ præter maiorem
 loquendi facilitatem, in iis qui omnibus sensibus vtuntur. qui
 verō carent auditu habere possint scripturam loco sermonis;
 acceditque illis rerum diuinarum notitia ex visu, vt aliis ex au-
 ditu, cuius ego rei testis sum, in discipulis illius amici mei. Ita-
 que est sermo, velut scriptura affluens, & scriptura velut sermo
 manens. at verō scribendi nullā rationem constare natura, sed
 vfu & arte, manifestum est: nam neque cuiusque hominis est
 scribere, neque hominum omnino fuit semper, sed post aliquot
 mundi sæcula excogitātū, diuersum admodum apud diuersos,
 vbiq; magno labore discitur. ita igitur de loquela & verbis
 censere consentaneum est: nulla scilicet verba significare aliter,
 quā ad libitum eorum qui primum eis vfi sunt. quod (si nihil
 aliud) ipsa idiomatum mutabilitas indicat. nullus enim est, qui
 non vel in suo sæculo, videat, vbiq; gentium quædam verba
 antiquari, quædā nouari. vt facile sit intelligere, nisi scripturæ
 beneficio seruata essent, nullum omnino verborum, quibus an-
 tiquissima sæcula vfa sunt, suam significationē fuisse retenturū.

Scripturæ
inuentioSermo
& scriptu-
ræ cōpar-
ratio.Surdi lo-
qui docentur

Conserua-
tio rerum.

non igitur eorum significationes natura constant, sed vsu. nam præter dicta, res omnes ab eisdem seruantur causis, à quibus fiunt. seruantur verò significationes verborum omnium, vsu, alioqui per obliuionem peritura, igitur & nata sunt ex voluntate vtentium, non ex natura. neque quidem obstat, verba quædam quibusdam rebus, ob quasdam causa, tributa esse (quod maximè facit Socrates in Cratylō) vt homo quia ex humo φωνή quasi φῶς ὄψ. nā deriuatiua deducuntur ex primitiuis, ipsa verò

Deriuatiua.

primitiua & simplicia non alia ex causa significant res quarum sunt, quàm ex placito authorum. igitur & deriuatiuorum & compositorum significationes referuntur ad voluntatem vtentium quin & illa etiam nomina, quæ ob similitudinem quandam sonitus conficta sunt (Grammatici vocant Onomatopœiam) vt clangor. tinnitus, bombus βαρβορῆμῆς significant ad libitum vtentium. quia si illa eadem nomina tributa essent rebus longè diuersis, aut illis eisdem rebus nomina longè diuersa, & non colloquentium vsus, nulla neque similitudine, neque dissimilitudine obstante. itaque & voces omnes & scripturæ significant ad libitum, quapropter ex ipsa natura nul-

Vocū si-
gnifica-
tio.

lam vim habent significandi, nedum efficiendi quidpiam: sed significant solū, quia ita conuenit inter colloquentes, plures, aut pauciores. Nulla igitur naturalis ratio est, qua verba aut characteres possint morbum inferre, aut sanitatem, aut aliud quidpiam efficere, eorum quæ Magi pollicentur, & Cabalistræ. quod si quædam nomina Hebræa, in Sacris hymnis retinentur incommutata, id quidem non fit, quod Deus Sabaoth, verbi gratia, maius quidpiam sit, quàm Deus exercituum, sed (vt Plinij vtat verbis) externa & ineffabilia verba audientium animos magis mouent, semper quid aliud immensum expectantes, ac dignum Deo mouendo. itaque facit id Ecclesia, vt peregrinarum vocum recitatione magis animus inflammeretur, quia vulgares facilè contemnuntur. quo etiam fortasse consilio sanctissimus Papa noster Gregorius decimus tertius, prohibuit horarias preces vulgari sermone recitari, ne scilicet vulgares voces vulgus contempnat, quod inauditas solet demirari. hanc verò esse causam retinendi eas voces, non quod Hebrææ sint, constat, siquidem & Græcæ retinentur quàm plurimæ, vt Kyrie Eleyson, ὁ Θεός, Athanates, Ischyros, & alia eiusmodi certè nihil hoc aliud est, quàm, quod sancta Ecclesia, omni ratione curat secundum hominum conditionem, nos ad pietatem, & rerum diuinarum æstimationem prouocare, alioqui verbis ipsis nulla naturalis vis inest. Quapropter incantationes vanæ sunt, ac superstitiosæ quæque de

illis

Chara-
cteres ni-
hil infe-
runt mor-
bo, nec sa-
nitati.

illis narrantur, falsa aut maligna : maligna die, quo cacodæmonis interuentu fiunt : falsa, quæ cum non fiant, delusa, sibi persuadet vulgi credulitas. falsum est igitur, cautando rumpi angues, falsum quoque eos sibi obturare aures, ne audiant quod incantatores vel Plinius per derisum narrat dicens, *Non pauci etiam* (credunt res serpētū reprehenduntur) *serpentes ipsas incantari, & hunc vltimū illis esse intellectū,* scilicet) *contrabique Marforum cantu Merito ergo illa impostura damnatur diuinis oraculis, & interdicitur fidelibus. Deuter. 18. ita habetur : Quando ingressus fueris terram, quam Dominus Deus tuus dabit tibi, caue ne imitari velis abominationes illarum gentium, neque inueniatur in te qui lustret filium suum, aut filiam, ducens per ignem, aut qui ariolos sciscitetur, aut obseruet somnia atque auguria, neque sit maleficus, neque incantator, neque qui pythones consulas, neque diuinos, & quærat à mortuis veritatem, omnia enim hæc abominatur Dominus, & propter istiusmodi scelera deleuit eos in introitu tuo. Itaque abominatur Dominus incantationes, iuxta lustrationes aliorum, & pythones, usque ad id, ut ob eas dicat se deleuisse illas gentes. Rursus Paralip. 2. c. 33. Manassæ regis ita recēsentur, maleficis artibus inserviebat, habebat secum magos & incantatores, multaque mala operatus est eorū Domino. Isa. 87. Venient tibi (alloquitur Babylonē) duo hac subitō in die una sterilitas & viduitas, uniuersa venerunt super te propter multitudinem maleficiorum tuorum, & propter duritiem incantatorum tuorum vehementem. Hæc Isaias. Si verò vis talis data esset verbis à Deo, non esset profecto incantatorum ars abominabilis ipsi magis Incantationes, quam medicina. velut enim incantator nunc vtitur incantationibus aduersus morbos & venena, nunc ad maleficia, ita & medicina, nunc componit medicamenta salutaria, nunc deleteria, non tamen proinde medicina est Deo abominabilis, sed gratissima : quoniam scilicet possumus ea vtiliter vti, quandoquidem igitur incantatio est Deo abominabilis, naturalis non est, sed, ut dixi, vana, aut maligna. Res ergo iam exigit, ut interpretemur carmina illa Psal. 57. quæ in subsidium incantationum citata sunt. Inter alios philosophandi modos, quibus antiquitas ad notandum hominum mores, vta est, non fuit in postremis, qui per confictas quasdam fabellas, aliud quiddam allegoricè significabant. quem tenuerunt Æsopus, & Cyprius, & Lybicus, & alij multi Philosophi & Poëtæ, inter antiquos; inter iuniores quoque, omnes qui emblemata scripserunt. multa verò, quæ ab antiquissimis illis, ad innuendum figuratè aliud aliquid, conficta sunt, incautè sunt accepta à posteris, & eorum sanè nonnullis eruditissimis, quasi simpliciter, ac Fabularum sine vlla figura, dicerentur. velut, inquit Æsopus, castor vtilitas,*

præter cæteros quadrupedes in aqua durare fertur, & eius genitalia ad artem medicam vtilia esse, hic vbi videt se à venatoribus captū iri, ipse genitalia præcidit, atque in sequentes proiciens, hoc modo euadit incolumis. hæc conficta sint, ad significandum hominibus, prudentes si esse velint, pio adipiscenda salute, nullam esse habendam rationem fortunarum: non defuerunt plurimi, qui affirmarent, eam esse, reuera, castori à natura inditam prudentiam. Ita etiam factum est in fabula de serpente & incantatore, cū enim antiquitus cōficta esset, ad arguendam impietatem eorum, qui à veritate auditum auertunt, nolentes, neque consiliis neque exhortationibus, ac multò minùs reprehensionibus aures præbere, non defuerunt qui opinarentur, id quoque esse verum, eamque esse serpentis naturalem versutiem, verū re, vt habet, intellecta, planèque perspecta, dicit Philosophus, hominem qui in naufragij periculo, merces vestēsque, & omnem supellectilem, mittit in mare, similem esse castori præcidenti sibi testes, cū vrgetur à venatoribus, qui tamen Philosophus arguendus non est, quòd affirmet, castorem sibi testes secare, non enim affirmat, sed per moralem fabulam docet homines prudentiam, tale etiam est quod in Psalmo facit David, scilicet interpretatus est parabolam ad arguendam pertinacem intemperantiam eorum, qui audire recusant veritatem, neque quidquam audire sustinent, nisi quod ad suam voluptatem spectat, prurientes auribus, & ad sua desideria coaceruantes sibi magistros, fabulæ itaque moralis, seu parabolæ interpretationem, continent dicti Psalmi carmina. nimirum intemperantes homines sunt similes serpentibus, quia obturant aures suas, ne audiant voces incantatoris sapienter incantantis, hoc est, concionatoris qui docet veram sapientiam, & per hanc incantationem, incantat morbos animi, neque verò in hoc solum scripturæ loco, sed in multis aliis occurrunt morales fabulæ seu apologi, seu parabolæ, seu vtunque vocare lubet, quæ allegoricè aliud innuunt, quàm litera sonet. quinimo nullus est modus vtilis philosophandi, eorum qui ab hominibus ad componendos mores excogitati sunt, qui non reperiatur exactius in sacris. Quis enim vnquam acutius aut eloquentius vltus est fabula, quàm Ioatham ad Sichemitas ex montis vertice (narratur cap. 9. Iudicum) vbi non solum inducit loquentes beluas, vt Æsopus, sed etiam arbores. dicens: *iuverunt ligna vt ungerent su per se regem, dixeruntque oliua, impera nobis, qua respondit, nunquid possum deferere pinguedinem meam, qua & Dij vtuntur & homines, & venire vt inter ligna promouear; dixeruntque ligna ad arborē ficum, veni, & super nos regnū accipe, qua respondit*

respondit eis, nunquid possum deserere dulcedinem meam, fructus-
que suauissimos, & ire, ut inter cetera ligna promouear; loquutá-
que sunt ligna ad vitem, veni & impera nobis, quæ respondit eis,
nunquid possum deserere vinum meum, quod latificat Deum & ho-
mines, & inter cetera ligna promoueri dixeruntque omnia ligna ad
rhamnum, veni & impera super nos, quæ respondit eis, si verè me
vobis regē constitutis, venite, & sub umbra mea requiescite: si au-
tem non vultis, egrediatur ignis de rhamno & deuoret Cedros Li-
bani. Significatur verò his verbis, iniqua promotio Abimelech
in regem. Sunt alia his similia exempla, quæ tamen præteriens
redeo ad pensum. Reprehendit itaque, ut dixi, Dauid duriciem
ac pertinaciam eorum, qui non fassinent audire exhortationes,
interpretatione allegorica moralis fabulæ, quam antiquissimi
Philosophi ad increpationem hominum, confinxerant. Vocati
verò incantationes, disputationes atque exhortationes provo-
cantes ad virtutem, etiam à Philosophis; videre possis in Charmi-
de, seu dialogo de temperantia, vbi Socrates narrans quod u-
dierat à quodam medico Thrace, hæc scripsit: *Anima verò me-
delas esse dicebat incantationes quasdam: eas Præclaris rationibus
contineri, quibus anima temperantia tribuitur, quæ incerta, atque
presente, facile esse sanitatem capiti, totique corpori tribuere, Ille
igitur cum medelam incantationesque doceret, iussit ut nullis
precibus motus, alicui contra capitis dolorem remedium adhi-
beret, nisi prius animam incantationibus ipsis purgandam com-
misisset.* his verbis manifesta satis est sententia Socratis, mor-
bos corporis non curari incantationibus per se, sed morbos
animi. Sed & vocari eos homines, qui magnis animi morbis
teneantur, nominibus beluarum, consonum est dictis Philoso-
phorum. Siquidem Plato (allegoricè fortasse alludens ad illud
Psal. 48. *Homo cum in honore esset, non intellexit, comparatus est
iumentis insipientibus, & similis factus est illi, & ad illud Prou.
n. 18. Leo rugiens, & ursus esuriens, princeps impius*) in calce dia-
logi de Natura (præter plura quæ decimo de Republica, sue de
Legibus habentur) ita reliquit scriptum. *Animum autem genus ex
rostro ita est aptè formatum, ut pro pilis pennas acciperet, in hoc illi
homines transeunt, qui simplices & innocentes cum sint, leues ta-
men sunt, & frustra in rebus sublimibus curiosi, quique adeò fatui
sunt, ut oculorum iudicio confisi, hac altissima quaque firmiter de-
monstrari posse non dubitent; gressilium verò ferarum genus ex his
notum hominibus, qui à Philosophia penitus alieni, ad cælestia
nunquam penitus aculos erexerunt, eoque volutionibus illis quæ in
capite peragi solent, nunquam vsi sint, sed illas animæ partes se-
quuti, quæ in ventre & pectore dominantur, ex his utique studiis*

Incantatio-
nes quid.

anteriora membra & capita, ob ipsam cognitionem humi penitus deflexerunt, in longum productum, ac diuersum corporis verticem tenuerunt: quandoquidem ibi propter desidiā singulorum collisi sunt & fracti circuitus, & idē quod quatuor pedum, ac etiam plurimum est instituta figura, & insipientioribus Deus, maiorem, ex pedibus multis, atque progressu, occasionem praestet, per quam magis etiam descedantur ad terram, eos autem qui horum insipientissimi erant, corpusque in terram penitus prosternebant, quasi nihil ultra pedibus opus foret, in corpora carentia pedibus, & humi serpentina permutauerunt. His, & aliis quae deinceps sequuntur, verbis, Plato differit, homines per animorum vitia transire in corporum diuersa genera, quod plerique allegoricē dictum existimant. si verō id dicit allegoricē, quod similes facti sint illis, constat belluarum nominibus apertissimē significari homines insipientes, & improbos, atque adē serpentium omnium nequissimos, qui ne audire quidem sustinent sapientium consilia, hinc igitur haud dubiē nata est illa moralis fabula, ad quam alluditur in Psalmo, serpentem obturare sibi aures, ne audiat verba incantatoris. Reuera autē incantationes nullam vim habent aduersus naturales feras, aut serpentes, sed aduersus homines, qui ob ferinos mores, illis nominibus appellantur: neque aduersus corporis morbos per se, sed animi. Atqui, nullus est, ex plebe, qui audiens Orpheum, sua cithara solitam serpentium & ferarum omne genus ad se trahere, non intelligat, illum suis poematis, feros homines, & seorsum deerrantes, velut cicurasse, atque ad humanam societatem, & oppida allexisse, cū has veritates sapientes fabulis obumbrarent, insipiens vulgus non intelligens, in opinionem de morbis per incantationem curandis, & fugandis, aut necandis feris & serpentibus, lapsus est, impostores verō & circulatores, & videntes in sua commoda indocti vulgi credulitate, multa se facere huiusmodi profitentur. re vera tamen incantationum ad solos morbos animi vis est per se: atque ad hos curandos eis vtitur Ecclesia cationibus scilicet, & recitationibus precum pluries repertis, velut euoluendis vocatis rosariis, & recitandis, ac canendis hymnis, & horariis precibus. nimirum his pro more Ecclesiae faciendis, praestatur obsequium Deo, & auocatus ab aliis rebus animus, ad illum liberius euolat, ea verō vis non est verborum materialium, neque characterum, sed quia rerum sanctarum sunt, ut neque ipsum sanctissimum nomen I E S V, quod ad omnia est efficacissimum, vim eam habet materialiter, sed quia Deum significat Saluatorem. de exorcistatum etiam verbis perinde dicendum:

Animarū
transmi-
gratio.

Orphei
cithara.

Iesu no-
minis effi-
cacia.

dicendum, esse scilicet vim fugandi dæmones in illis, quæ res quædam sunt, aut ita sonant, aut talibus descripta figuris, sed quia ita significant. neque ea quidem verba fugare, torquere, aut premere dæmones vi vlla naturali, sed Dei concursu, cui placuit, in bonum hominum, ad fugandam hanc pestem, ita inuocari, & vim talem initiatis, impertiri. ex his autem omnibus non fit, vt vlla vis naturalis sit verbis, neque vt aliud quidpiam possint, quàm significare, atque id ex hominū placito. quapropter, si magi Pharaonis insusurrando aliquid, aut characteres aliquos describendo (vt nunc quoque qui se magos profitentur, & inter Iudæos Cabalisticæ) fecerunt colubros & ranas, & dæmonum scientiam, ad arcana quædam naturæ potiùs, quàm ad verborum vim vllam, referti debet, quid quòd tot, tamque docti Medici, quin & Galenus ipse, alioqui adeò rigidus Philosophus, affirmant tot morbos verbis quibusdā, & incantationibus cedere, idque sibi esse longo experimento confirmatum; certè vt ex ignoratione veri Dei, retenta solū incerta diuini cultus recordatione nata idololatria est, ita ex ignorantione moralium incantationum, quas fabulis obumbrauerant antiquissimi sapientes, retenta tantū nominis memoria, natæ sunt istæ superstitiosæ incantationes, atque hoc, cum aliis multis, errore disseminato, vbi sunt homines sæpè incantationibus aduersus morbos, atque adeò confidentiùs non rarò quàm medicamentis, accedit, quòd aliquando leuissimis hominibus, & qui admittunt incantatores, utilis quodammodo est sua credulitas, quia (vt inquit author libelli de incantatione, qui est inter Galeno adscriptos) *quando mens humana* (hæc sunt ipsius authoris verba) *rem amat aliquam, licet naturaliter non iuuat in illa sibi eam prodesse certificat. ex sola autem mētis intentione corpus res illa iuuat. verbi gratia, si quis incantationem sibi prodesse confidat, qualiscunque sit eum tamē iuuat.* Hæc ille, quibus verbis innuit, incantationes aliquando prodesse ad pellendos morbos ob confidentiam infirmi, nimirum vt timor & mœstitia, ac desperatio plurimos morbos augent, & ægrotos lædunt, ita confidentia & alacritas plurimos subleuant, & ipsa imaginatio per eos animi motus, morbos tollit, aut saltem minuit, aut cum minimè, in eis qui vehementissimè confidunt, opinionem efficit sanitatis; verū hanc incantationum vtilitatem, constat ex accidenti esse ob affectus animi, eius qui curatur, non per naturalem verborum potentiam. nonnulli ergo ob inscitiam, verè ac per se vtilis esse putantes; nonnulli verò etiam docti, & perti Medici, ægrorum stultitiæ concedentes (velut qui insaniam) incantationibus vtī permittant, etsi

Pharaonis Magi.

Galenus delusus.

De incantatione.

Imaginationis vis ad morbos tollendos.

Nomina
ab Adamo
posita.

cas per se nihil posse certè sciant. Nomina itaque nihil habent cum rebus præter significationem, quæ ex solo consensu, manifestò, aut tacito ipsorum hominum nascitur, neque sunt nomina rebus alia ratione sua. Adam verò dicitur appellasse res nominibus suis, id est, propriis & maximè congruentibus, non omnes, sed viuentes vt animalia omnia, quia, vt qui linguæ Hebrææ sunt periti optimè norunt, indidit illis nomina, quæ proprietates & naturas eorum maximè exprimerent: quæ nomina constat deriuata esse ab aliis primitiuis, quæ ad placitum Adæ sunt rebus data, & posteritatis consensu recepta, atque huc vsque, vsu, & Sanctarum scripturarum beneficio, seruata. de fascinatione seorsum dicetur alio loco.

CAPVT IV.

Ex capitibus primo & secundo Geneseos, & trigesimo septimo Ezechielis.

CVM natatiliū, volatiliū, reptiliū, & progredientiū, Irrationaliū tamen animalium creationem narrat Moses, his vsus est verbis: *Dixitque etiam Deus, producant aqua reptile anima viuentis, & volatile super terram sub firmamento cæli, & rursum: Dixit quoque Deus, producat terra animam viuentem in genere suo, iumenta & reptilia, bestias terra secundum species suas: cū tamen ageret de hominis creatione, inquit, Formauit igitur Dominus Deus hominem, de limo terra, & inspirauit in faciem eius spiraculum vitæ, & factus est homo in animam viuentem.* Quæ verba magnum continent naturæ arcum, indicauit enim apertè, illud quod tantopere inter Philosophos controuersum est, hominis animam non esseeductā ex materiæ potentia & fecunditate, velut animas irrationalium, sed extrinsecus accessisse, naturæ immaterialis participationem: non quidem nascentem intrinsecus ex materia, sed diuina vi extrinsecus in illam immerfam, & mirabili quodāmodo ei alligaram, & substantia quædam cū sit incorporea, potens per se subsistere, factam esse corporis formam, hac de re dubitant multi, in suam perniciem plus satis Philosophi, nisi potius belluas dicere consentaneum magis est, eos, qui se belluis hac in te præstare, neque intelligunt, neque credunt. hinc pendet quæstio de nostræ animæ immortalitate, de qua, etsi in commentariis, quæ in libros Aristot. scripsi, dictum mihi satis est, tamen

Anima
immortalis.

tamen tentandum nunc quoque videre iuxta præsentis operis institutum, quantum possit naturalis ratio consequi, eius quod Deus Opt. Max. hoc loco reuelauit per Moſen, vt hac ſaltem ratione, ſi fieri poſſit, belluini Philoſophi è ſua impietate inci-
pianſ auocari. porro perpendere oportet hæc verba. *Inſpirauit in faciem eius ſpiraculum vitæ, & factus eſt homo in animã viuentem.* His verbis aperrè indicatur, illud ſpiraculum quod extrinſecus inſpiratum eſt, non eſſe mentē ſolam, & vim intelligen-
di, aut omnibus hominibus eandem, vt cenſent quidam Philoſophi, aut aliam in aliis, quæ ſuperueniat homini iam ſentien-
ti & habenti animam, ſed illud ipſum eſſe ipſam animam, qua homo ſentit, & viuirt, itaque non duas, ſed eandem eſſe in ho-
mine apimam, qua ſentit & intelligit. nam qua intelligit, eſt quæ extrinſecus acceſſit inſpirata. Vocat verò eam ſpiraculum vitæ & per eam dicit factum hominem in animam viuentem.
tenemur itaque aſſerere, hominis animam neque fluxiſſe ex materia potentia, neque ab ea eſſe inſeparabilem, ſed ſubſtan-
tiam quandam incorpoream ſeparabilem, & in poſterum æter-
nam, eandemque eſſe corporis formam, & animam qua homo ſentit. non tamen propterea tenemus etiam dicere, eandem eſſe formam vegetabilem, non enim Moſes more Ariſtotelico vocat, ea etiam, quæ tantum vegetantur, viuertia, & eorum actum animam, ſed morre Stoico, qui & comuni hominum ſenſui propinquior eſt; ea ſolum viuertia vocat, quæ ſentiunt & mouentur, eorum formam animam, reliqua vocat virentia, & producentia fructum, ac ſemen ſecundum genus ſuum, non tamen viuertia. itaque Veritas Catholica non cogit nos aſſerere, ipſam animam qua ſentimus, mouemur & intelligimus, eſſe in nobis principium vegetandi, nedum & formam actumque primum ipſarum partium corporis homogenearum, vt oſſium, carnis, & neruorum, quod plurimi etiam affirmant, putantes abſurdum eſſe in eadem ſubſtantia multas formas ponere. Ego verò ſequutus quod & rationi magis conſonum, & diuinis etiam oraculis, vt ego exiſtimo, congruentius eſt, affirmo eſſe in nobis ante animam formas merè corporales homogeneorum, quibus oſſa, carnes & nerui differunt, non minus perfectò (niſi me meis ſenſibus credere noluat) quam aurum, argentum & plumbum: his bene temperatis accedere actum quandam perfectiorem: corporalem eum quoque, & velut naturam quandam meliorem (ita enim placet vocare, potiùs quam animã) qua nutriuntur: omneſque hos actus educi ex potentia materiæ his poſtremo accedere extrinſecus animam, quæ nobis vim ſentiendi & intelligendi præſtet, non enim intelligendum eſt

Anima ex quo.

Formæ plures in vno.

Formæ animã præcedunt.

Adami
statua lu-
tea.

Homoge-
neorum
forma in
homine.

est illud corpus hominis, in quo spirauit Deus spiraculū vitæ, fuisse statuam quandam luteam, eamque accessione illius spiritus factam esse carneam & ossicam, sed corpus quoddam ex ossibus, nervis, carne & cute non quidem aridis, sed floridis ac virentibus, immobile tamen adhuc & sensus expers & hæc accedente spiritu recepisse. Iudicat id visio Ezechielis c. 37. cum enim vellet ei Deus ostendere resurrectionem mortuorum, dimisit in medio campi pleni aridis ossibus, quibus non statim accessit spiritus, qui virorem & reliqua omnia præstaret, sed primū quidem accesserunt ossa ad ossa, vnumquodque ad iuncturam suam, & super ea nervi & caro ascenderunt (virescentibus scilicet iam partibus) & extenta est eis desuper cutis, & adhuc spiritum non habebant, vsquedum ingressus est in ea spiritus, & reuixerunt, & steterunt super pedes suos. Itaque esse ossis, neruorem, & carnis, & curis & earum partium vigor, non præstatur ab spiritu qui extrinsecus accedit, atque immortalis est, sed à formis corruptibilibus & merè corporalibus, quæ ad animam quidem rationem habent dispositio- num materiæ, & ob id animæ accessione non tolluntur, sed simul cum ea manent hac in re seruientes illi, quod seruant, quam ea desiderat, in corpore temperiem, & formationem. Si autem hæc sententia diuinis eloquiis est consona, cur non putetur etiam esse consona rationi; cur vellemus miseros Philosophos à Fide Catholica detertere, plus quàm veritas ipsa postulet imperantes cedere, nihil enim est quod eos adeò conturbet, quàm substantiam separabilem & incorpoream, esse actum corporis. nam actus rei est ipsa rei essentia seu ipsum quod quid erat esse rei. Hoc verò vix intelligi potest, quo pacto sit corporis, quod à corpore separabile. conuirescere hæc perturbatio, si his concedimus, animam non esse actum corporis quàm corpus, sed quàm sensitiuum & intelligens. non anima corpori præstat esse corpus, neque verò ossi esse os, neque nutrirī, quod materiale etiam est & elementorū imitator naturam. sed hæc per corporales formas habenti, præstat sensum & intellectionem, quæ spiritalis videtur esse naturæ. neque sancti Aristoteles animā finiens actum corporis simpliciter esse dixit, sed adiecit potentiam vitam habentis. quod est, actū esse corporis, non quàm corpus, sed quàm potest vitales actiones edere. Colligimus itaque ex hoc sacre scripturæ loco duas assertiones, primā, esse in nobis animam separabilem, & nunquam interituram: alteram, hanc ipsam esse animam qua sentimus & mouemur. Distinctioris doctrinæ gratia, vtrumque seorsum aggrediemur monstrare. Socrates, vt licet videre in Phædone, secundam

secundam hanc non venit in dubiū neque in id vsque tempus hominibus vlla subiecit dubitatio, an esset in nobis eadem animam sentiēdi & intelligendi principiū. Aristoteles primus cepit ab anima mentem distinguere, animæ sensū mēti intellectum tribuens, vnde accepta occasione, posteri de ea re acriter disputauerunt censuerūque quā pluri, animam & mentem res esse diuersas numero, alterāque cū homine mori, alterā manere. quapropter, vt dixi, vtraque quæstio erit nobis seorsū examinanda. Primæ quæstionis Socrates duos articulos esse fecit, primū, an anima sit à corpore separabilis: alterū, an sit immortalis. quādo quidem Cebes dubitationē quandā ingessit, dicens, fieri posse, vt anima diuturnior viuaciōrque esset quā corpus, atque aliquando maneret à corpore separata, fuissetque fortasse antequā in corpus mergeretur, non tamen ob id esset omnino immortalis, sed postremò aliquādo etiā cū homine moreretur, ob hanc suspicionē Ceberis. Socrates, postquā, vt sibi videatur, monstrauerat animā diuturniorē esse corpore, & ab eo separabile, denud est aggressus monstrare esse immortalē, atque geminam quæstionē esse fecit, quanquā ea re vera, simplex est & vnica. Si enim anima substantia est à corpore separabilis, immortalis etiā necessariò est. nam ortus & interitus naturalis, corporearum tantū rerum sunt, quæ incorporeæ sunt, non habent Physicā compositionem, ac proinde dissolui non possunt, nisi ab eo solum à quo sunt colligatæ (vt inquit Plato) putā ab ipso Deo. ab eo verò per se summè bonus cū sit nihil extingueretur, aut dissipabitur: sed eius voluntate perseuerabunt in æternum, quæcumque ab eo solo facta sunt. Hæc aded vera sunt, vt nemo iam sit, quem timor corripiat Ceberis: quod sibi omnes persuaferint, animam, si semel possit subsistere à corpore separata, merè esse incorpoream (corpus enim nulla ratione esse potest alterius corporis actus) atque aded immortalē. quare nobis hac de re simplex quæstio erit. atqui Socrates cū geminam fecerit primam partem, putā diuturniorem esse animam corpore, insufficiēter probauit: alteram, putā esse omnino immortalē, ei qui non considerauit, procedere disputationem proposita priori assertionē videbitur probare etiā sophisticè. nam summa ratio monstrationis primæ independet, quod nostrum scire reminisci quoddam sit. quod etsi probabilitatem quandam per se fert, falsum esse monstrauit Aristoteles. Iam verò secunda est, quia corpus viuit per animam, & anima per se, necesse esse animam semper viuere, neque posse mori. Velut quia concreta corpora calida sunt, per ignem, ignis verò primò ac per se, necesse est eū semper calere, neque posse refrigerari.

Quorum
principiū.

Ceberis
de anima
sententia.

De animæ
immortalitate.

Ignis semper
per calidus.

huic

Anima
quomodo
causa vi-
ta.

huic argumentationi, qui ex aduerso assereret animam nullam substantiam separabilem esse, sed formam tantum corporis viuentis, responderet negans animam viuere primo ac per se, sed ne viuere quidem, sed esse vitæ causam vt formam, viuere verò hominem per animam, non vt est calidus per ignem, sed vt ipse ignis est calidus per calorem, qui tamen calor calidus non est, qui verò semel recepisset, esse animam substantiam quandam corpore antiquiorem, potentem per se exillere, vt videbatur Socrates, cum in eam agumentatione venit, indicasse, cogereetur profectò concedere, hominem viuere per animam per se primum, atque ideo eam mori. non posse, meritò ergo diximus, vnicam questionem esse hanc, & eius decisionem ex prima assertionem pendere, puta animam hominis esse separabilem à corpore. quod quia à Socrate non satis monstratum est quòd nostrum discere reminiscētiā esse non probatur, aliis rationibus vtar, si quæ videbuntur esse firmissimæ, in iis quas produxerint inniores, aut mihi nunc dederit Deus. Certè probabiles rationes sunt excogitatæ quamplurimæ, monstrationi verò proximæ, si quæ ea est profectò, qua Arist. est vsus, scilicet homo actionem aliquam habet, ad quam nullo corporali organo vtatur, eius anima incorporea est, & seperabilis: nam constat animam hominis esse eius formam: forma verò cuiuscunque rei est principium & causa actionum omnium eius, ergo anima est præcipua causa actionum omnium hominis, vritur verò organis corporeis ad eas obeundas: si quam ergo habet homo, quæ sine vlllo organo corporali agatur, eā operatur anima per se. talis ergo est ea forma, vt possit aliquid agere, etiam si esset sine corpore, si verò agere & esse, ac viuere posset sine corpore. Dices fortasse, esse aliquid; quod anima existens in corpore possit facere corpore non vtens, tamen extra corpus nihil posse facere, quia ne esse quidem potest. velut ego nō vtor cerebro ad pulsus arteriarum, tamen sine capite pulsare non potero, quia neque viuere. Itaque per accidens esse corpus necessarium ad eam actionem, quæ sine organo corporali agatur, vt viuatur scilicet anima. Verum hoc de illis tantum rebus dici posse constat, quæ aliis indigent vt seruentur, aliis vtuntur vt operentur: de anima & corpore non ita, sed si anima corpore non eger vt operetur, multò minùs vt seruetur: & argumentum ita rursus procedit, si aliquid potest agere anima nullo vtens corpore, habet in sese, ac præter corpus, naturam & principium agendi illud. omnis autem vis agendi fuit ex aliquo esse, ergo principium aliquod habet in sese existendi, id ergo retinebit etiam si separetur à corpore. separari enim etiam po-
terit

Anima
sine cor-
pore.

terit secundum illud. nam quod anima agit nullo vtens corpore, non agit quâ forma corporis, forma enim rei non operatur quidpiam per se, sed est principium operandi ipsi rei cuius est. si ergo anima agit aliquid per se, quâ id agit non est corporis actus, sed substantia aliqua à corpore separabilis, quare & incorruptibilis. erit igitur anima geminæ quodammodo naturæ, qua corporales & per corpus exercet actiones forma corporis; qua spirituales & nullo vtēs corpore, substantia incorporea separabilis & immortalis. si verò est in anima aliquid immortale, constat ipsam animam immortalem esse, atque separatione corporis tantum priuari eis actionibus, quas obit per corpus velut artifex priuatus instrumentis. Propositio ergo satis est euidentis videndum verò an re vera sit aliqua actio hominis, cuius nullum sit corporale organum. tales cerè sunt duæ, intellectus & voluntas. quod ita constat: euenit hominem intelligere atque cognoscere cōtrarium, ei quod sensus omnes corporales, siue externi, siue interni, dicant, & velle cōtrarium ei, quod appetunt corporales omnes potentia: ergo neque intellectus neque voluntas, ea scilicet, penes quam est liberum arbitrium, est corporalis potentia. nam nulla potentia corporalis dicat, stellam esse maiorem terrâ: intellectus dicat esse maiorem: ergo intellectus non est corporalis. neque vllus vnquam appetitus corporalis appetere potest dolorem, neque languorem; voluntas hominis sapè appetit hæc (vt ieiunia & verbera) ergo voluntas hominis non est corporalis. ad intelligendum ergo aut volendum nullo corporali instrumento vtitur anima. Porro euenit aliquando disputare de re, separata omni conditione materiali, vt de homine, nulla ratione habita loci, magnitudinis, coloris aut figuræ, aut alterius cuiuspiam conditionis corporalis & sensibilis, ergo potentia quâ id agitur, nullo corporali organo vtitur. nam cum cognitio agitur aliquo organo corporali, facultas nihil aliud percipit quàm organi passionē. organi verò corporalis passio, non possit esse sine corporis conditionibus. quare neque facultas per eam perciperet, nisi accidentia corporalia; quæ igitur percipit sine corporeis accidentibus incorporea est. Præterea, ad eò videtur euidentius esse in nobis aliquam substantiam incorpoream, separabilem, & æternam, vt vel quia in dubium vertitur, & vocatur in disputationem, necessarium sit ita esse. nam si in nobis nihil esset nisi corporeum & caducum, vnde orta esset nobis ea dubitatio, aut omnino cogitatio de æternis & incorporeis, magis quàm belluis; omnis enim cogitatio, aut ab obiectis orta est, aut interius ex nobis ipsis suppullulat. immortale & incorpo-

Natura
gemina.

Liberum
arbitriū.

Cogita-
tionis
princi-
pium.

E

reum

reum nihil nobis obici potest, dum in hac vita sumus, nam ipsæ spirituales substantiæ, si quando hominibus volunt apparere, corporales species induunt. Si ergo in nobis nihil lateret tale, nullum omninò principium esset cogitandi de incorporeis & æternis: nam finge Deum fecisse ab initio omnes homines sine oculis, quis vnquam disputasset, an color esset fulgor quidam, an superficiæ extremitas in corpore terminato; vel an calor esset visibilis per species quas effunderet, an per facultatem, quæ ab oculis emitteretur; nunc verò disputatur de incorporeis substantiis, & æternis, & de modo quo intelligunt & operantur: est ergo in nobis vis aliqua ea agnoscendi, quæ non potest esse corporea, sed incorporeum aliquid & æternum, cuius præcipuè ea facultas est, & vnde naturaliter suppullulat omnibus gentibus, diuinorum, immortalium, & incorporeorum cultus, & desiderium. igitur haud dubium est esse in nobis mentem immortalem. neque locus est dubitandi, an Arist. ita putauerit, putauit enim procul dubio. An verò ea mens, anima, per quam sentimus & mouemur, sint diuersæ, hæc mortalis, illa immortalis, iuxta sententiam Aristotelis, ac re vera, an sint partes diuersæ eiusdem animæ immortalis, id videtur posse in dubiū vocari. In qua disputatione ita videtur procedendum. Aut illa mens (si non esset eiusdem animæ, qua sentimus, pars) esset in omnibus hominibus eadē, aut in aliis alia. eadem numero in omnibus, non videtur posse, nam etsi idem homo ponatur in multis locis esse, non tamen poterit, idem cū sit, cōtraria habere simul, velut vno loco esse albus, alio niger secundum eandem partem, & eodem tempore, tamen humana mens quadam in hoc homine scit, quæ in alio ignorat, & est huic bona, illi mala mens: non est ergo eadem numero. Si verò est vnicuique sua, quandoquidem ea nullo corporeo vtitur instrumento, non sit corporis actus, neque sit in homine vt forma in materia, sed vt natura in naue, vel vt intelligimus esse in orbibus cœlestibus spirituales alias substantias. Si verò ita est, homo duo sit supposita diuersa, illud animal *λογον*, ex corpore & anima sensitiua conflatum, vt equus, & bos: aliud substantia illa per se quidem subsistens quandoquidem si forma corporis non est, neque corpus est illi materia, sed adest, velut cæcodæmon aliquādo tenet humanum corpus. nō ergo erunt eadem vtriusque, neque totius ex vtroque conflati eadem actiones, neque cōmunes, sed vtrique suæ. sentiet sanè illud animal, intelliget illa mens, homo tamē non intelliget, magis quàm sues, in quos sunt immissi dæmones, hæc autem omnia sunt absurda. non est ergo ita: sed anima illa tota

qua

Anima
assistentis
refutatio.

Anima
quādo in-
perfecta.

qua sentimus, mouemur, & intelligimus, substantia est incorporea, æterna, & separabilis, habet tamen mirabilem naturam præ aliis omnibus intelligentiis, quod cum sit substantia potens per se subsistere, potest etiam corpori ita temperato & formato hæreere vt forma, & per corporalia organa, esse illi principium sentiendi & mouendi: atque intelligit, quæ separabilis, sentit & mouet, quæ forma. quare cum à corpore recedit, illud retinet, hoc amittit. atque ideo, à corpore separata, imperfecta quodammodo est, quia exercere non potest multas earum virium, quas natura habet, sentiendi scilicet & mouendi: sed dices, humanum corpus habet temperiem & compositionem meliorem, quàm aliorum animantium corpora, & ad viuendum accommodatiorem, ergo dum in vtero geritur, vbi primùm talem temperiem & compositionem attingit, orietur necessariò ex materiæ potentia forma sensitua, ita vt necessariò, etsi eo momento Deus nullam rationem immergeret, esset futurum quoddam animal, idque perfectius aliis irrationalibus. Si igitur sensitua forma necessariò oritur ex illius materiæ potentia, frustra datur rationali animæ pars sensitua. erit enim otiosa sensitiuarum altera, aut vtentur duæ eisdem organis. Certe nisi Deus immergeret in humanum corpus rationalem animam, illud verò nihilominus temperiem & compositionem acciperet talem, oriretur naturaliter forma aliqua sensitua: nunc verò non oritur, quia eodem temporis momento, quo commodam compositionem corpus consequutum est, inspirat in illud Deus spiraculum vitæ, quod simul sensitua & intellectiua anima est, eo verò inspirato, materia non profert aliud, vt neque vlla alia res producit, quod productum inuenit. Itaque non profert quam proferret formam sensituiam, quia præuenit accedere illud spiraculum vitæ, quod non minùs sensitua anima est, quàm quæ ex materiæ potentia oriretur. Monstratum itaque esse videtur animam hominis esse incorpoream, & separabilem, non ex materiæ potentia ortam, sed extrinsecus accedentem, eandemque esse in nobis sentiendi & intelligendi principium, etsi non eodem modo. Considerare autem superest, an anima antiquior sit corpore, vt Plato censet, atque creata priùs, in corpus deinde immittatur, an in ipso creetur corpore, neque vnquam antea sit, quàm teneat corpus. Nullam esse arbitror naturalem rationem & viam, qua alterutrum monstrari possit, quia, vt Aristoteles dicit, post mortem non reminiscimur, hoc est, scire non possumus, an nostræ animæ præextiterint, & sæpe ab aliis corporibus decesserint, quia etsi id factum esset, non

Anima antiquior corpore.

Potentia
prior
actu.

possemus recordari, quod omnium rerum corporalium in singulis decessibus essent deleta phantasmata: itaque Aristoteles etiam existimauit, præsentis dubitationis nullam nos posse monstrationem comparare. Sequentibus verò nobis hac in parte, quod est probabile, videtur præter rationem ponere animam antiquiorem corpore. nam anima quæ anima forma est, formæ verò quæ forma, non est aliud esse, quàm esse formam non est ergo consentaneum esse prius animam quàm sit forma, forma verò actu non est nisi in materia, ergo non est prius quàm sit in materia, sed in ipsa creatur. Porro secundum naturæ ordinem prior est potentia, quàm actus, quia potentia via est ad actum, materia verò est potentia, forma actus, ergo materia generatim prior est quàm forma, & antiquior: igitur & hæc materia, quàm hæc forma, corpus inquam quàm anima. quoniam verò corpus omne dissolubile, anima verò, ut monstratum est, immortalis sit, ut posterius, corpore corrupto anima maneat, usque dum, vi diuina, eidem rursus vnita, tribuat immortalitatem. hanc ob causam Moses hominis ortum narrans. dixit: *inspirauit in faciem eius spiraculum vitæ*, hoc est, dedit illi spiritum, quo viueret. Ezechiel verò cum rationem Palingenesiæ, seu resurrectionis exponeret, dixit iussu Dei quatuor ventis, *Veni spiritus & insuffla super interfectos istos, & veniui eant*. Iubet itaque mortuorum spiritus, quasi separatos, & adhuc manentes, redire in sua corpora, atque à quatuor ventis venientes congregari. Sunt itaque hæc eadem, quæ diuina tradunt eloquia, partim naturali ratione indicata, partim confirmata probabiliter. Esse scilicet in homine vnicam animam (nam alendi principium animam non appello) eamque non oriri ex materiæ potentia, sed à Deo inspirari, non quidem seorsum factam prius, sed creatam in ipso corpore, separabilem & æternam, atque manentem post interitum, sed quoniam huic conremplationi coniunctum est, de brutorum animis, quid sacra innuant, adiciamus.

C A P V T V.

Capite 9 Geneseos dicitur: *Omne quod mouetur & viuit Cerit vobis in cibum. quasi olera virentia tradidi vobis omnia, excepto quod carnem cum sanguine non comedetis, sanguinem enim animarum vestrarū requirā de manu cunctarum bestiarum.* Rursum 17. Leuitici, ter repetantur hæc verba: *Anima omnis carnis in sanguine est.* Rursum 12. Deuter. *Hoc solum caue, ne sanguinem*

sanguinem comedas, sanguis enim eorum pro anima est, & idcirco non debet animam comedere cum carnibus. His verbis Philo, libello quod deterius priori insidietur, intelligit dici, animam Anima affluens sanguis. esse ipsum sanguinem. cuius sententiæ fuerunt inter Philosophos nonnulli, ut Critias, cuius meminit Arist. 1. de Anima. quoniam verò 2. cap. Geneseos dictum est, inspirasse Deum in faciem hominis spiraculum vitæ, atque illud esse animam quia viueret: quibus verbis aperte significatur, animam hominis esse illum spiritum inspiratum a Deo. componens hæc duo loca. dicit, esse in homine duas animas: alteram carnis, per quam homo animal fit, hanc esse ut in brutis sanguinem: alteram hominis quæ homo est, hanc esse illud spiraculum incorporeum, separabile, & æternum: ob idque dicere Moysen, inspiratum esse in faciem, quò id non sit per totum corpus, & in sensatissimas etiam partes dispersum, ut sanguis, sed sublimen corporis partem teneat, quo superna cælestiæque contemplerur. Sed cum monstratum antea sit, eandem esse unicamque in homine animam, qua sit animal & homo, hoc est, qua sentiat & intelligat, non potest nunc hæc Philonis interpretatio probari. neque verò dicere possumus, brutorum animas esse sanguinem, hominum verò non. nam 4. cap. Geneseos dicitur, *Vox sanguinis fratris tui clamat ad me*, id verò dicitur de sanguine Abel, quasi anima Brutorum anima. Abel clamaret, & effusus sanguis. quid ergo dicemus? certe non videtur necesse intelligere, quia dicitur, *Anima omnis carnis in sanguine est*, essentiam ipsam animæ esse in sanguine, seu animam esse ipsum sanguinem, necesse tamen est, sanguini esse cum anima aliquid præ aliis corporis succis: aut sanguinem esse aliquid animæ quod alia quæ in nostro corpore continentur, non sint, cuius gratia dicatur, anima esse in sanguine, potius quàm in vlllo aliorum. id verò quid sit oportet inuestigare. Primum omnium sanguis, anima carnis non est. Anima enim est forma corporis viuentis: corpus verò non potest esse forma corporis. forma enim & materia partes sunt rei, ut principia. non ut partes quantæ, quapropter ex materia & forma constat res secundum se totam, neque qua forma & materia possunt esse separabiles aut dissitæ. Sed neque pars animantis propriè videtur esse posse sanguis (dico verò partem propriè esse, quæ est animata, non ut capilli, & extremi vngues) nam sanguis est alimentum commune partium Sanguis non est pars viuensis. omnium corporis, nulla autem partium videtur parte alia animantis nutriri. neque videtur consentaneum rationi, ut inter eiusdem animantis partes ea pugna sit, ut aliæ alias conficiant. porro sanguis non est continuatus cum solidis partibus,

sed ut liquor quivis alius in vase continetur: non facit ergo cum illis vnum per se, & unitate formæ. Porro nemo hominem, minorem fieri, aut mutilari putat cum sanguis emittitur: oporteret verò si is esset pars. sed si nihil horum est sanguis, quid superest ut sit aliud quam alimentum; non enim est excrementum, sed si id tantum, quid potius est quam pituita, bilis, melancholia, lac, medulla ossium, semen, communis ros, quæ etiam nutriunt. Certè in ratione alimenti præstat plurimùm aliis succis sanguis, quia solus potest nutrire partes omnes: alij verò succi, partim non nisi cum quodam sanguine misti, ut bilis utraque, partim non nisi quasdam partes, ut pituita pituitosos, chylus vocatus ventriculum, lac mammas, medulla ossa, semen testes. est itaque antonomasticè, ac ratione quadam potiori, sanguis alimentum animalium, atque ideò cum nutritione servatur eorum vita, videtur non ineptè dici, carnis animam, hoc est, viam, in sanguine esse, hoc est, sanguine servari. Verùm cum nutritio non sit animantium propria, sed communis cum his rebus qua Moses non vocat viuentes, sed virentes, ut indicatum antea est, leue esse videtur nutritionis esse materiam, ut anima in eo esse dicatur: consentaneumque est, aliud prætereà esse aliquid in eius natura, cuius gratia ita dicatur. Certè, ut Galenus dicit, sanguis non tantum præstat corpori alimentum, sed calor etiam naturalis perseverantiam in eo ob-
tinet, quia fouet, servatque naturalem calorem sanguine præditorum, quod vel inde intelliges, quòd effusione sanguinis refrigerantur. quamquam hoc contradictionem videtur posse accipere. siquidem Aristoteles censet (atque Hippocrates alicubi videtur eiusdem esse sententiæ) sanguinem esse subiecto frigidum, calere verò calore cordis & spirituũ. atque adeò Galenus ipse, etsi subiecto calidum esse censeat, tamen eius frigiditatem calore cordis fieri concedit. si igitur sanguis aut subiecto calore cordis fieri concedit. si igitur sanguis aut subiecto frigidus est, aut saltem minùs calidus quàm cor, non servat ipse cordis calorem, nisi fortè per accidens, ut vestes aut medicamenta, quæ recal faciunt partes, à quibus calorem acceperunt. Atque hoc quidem, ut ego existimo, consentaneè dicitur, & res ita habet, nisi sanguinis nomine intelligamus sanguinem ut in animantibus existit, spiritu scilicet plenum, eiusque admistione calentem, & fluentem. atqui oportet ita intelligere, semper enim intra sua vasa talis est, in arteriis quidem magis, in venis minùs, utrobique tamen spirituosus. quia semper cum sanguine spirituum copia effunditur, hisque evanescentibus cõcretis ubi effusus est nisi sit corruptus. spirituosus ergo est ex quo caloris naturalis perseverantiam obtinet.

Succi quo
modo nu-
triant.

Sanguis
alimentum
est.

Sanguis
natura
frigidus
calorem
semper
servat.

& in quo anima, hoc est, vita, est quia, scilicet facultas vitalis, quæ uiuentium propria est (neque communis cum uiuentibus, ut nutritio) in naturali cordis calore consistit. hic uero sanguine & spiritibus seruatur. Sed dices, nondum uideri hæc esse satis, ut anima in sanguine dicatur esse, neque sanè priùs uideri esse posse satis pro dignitate explicata hæc uerba quàm indicetur animam ipsam aliquo modo in eo esse. Certè hoc quoque indicari potest. nam nisi anima in sanguine spirituosus est, quo pacto possint in eo esse eius actiones? at uero sunt. nam quid est, quod ferueat per iram, fugiat per timorem, per mœstiriam pigrescat, per gaudium effundatur, per pudorem in faciem occurrat, quàm sanguis & vitales spiritus? necesse igitur est animam cuius sunt hi affectus, in sanguine esse aliquo modo, quo in nulla alia re, earum quæ ad corpus nostrum pertinent: siquidem nulla alia ita mouetur per animæ affectiones. si uero, ut indicatum est, non est sanguis ipsa anima, non est in eo animæ essentia, ut humanitas in homine, atque si ne animatus quidem est sanguis, non est anima in sanguine, ut in corde, cerebro, & aliis partibus, ut inquam in subiecto proprio: subit uero sanguis motus, qui primariò ipsius animæ sunt, est igitur in eo anima ut in instrumento proprio ipsius. dico autem ut in instrumento proprio ipsius: quia cum sint duplices motus in animante quidam dicuntur esse corporis, ut ambulare, & clamare, quidam animi per se, ut irasci, gaudere, morrere, timere, & erubescere: horum est sanguis cum spiritu fluens instrumentum proprium. atque ita anima in eo est modo quodam diuiniore, quàm in ullo alio instrumento: non quidem per informationem, aut per præsentiam, sed per potentiam, & operationem, quia nulla alia in re manifestius quàm in eo operatur, quin potiùs uidetur ipse sanguis, animæ proprias operationes operari, esseque uelut alia quædam anima corporalis & manifesta, exprimens suis actionibus, illam primam & ueram animam, quæ per se est nobis ignoscibilis. Vigebis tursus dicens, fieri non posse, ut sanguis moueatur motibus animæ per se, nisi animatus sit, aut ipsamet anima, nunc uero uidetur, motus illos subire per se. neque enim sanguis ita mouetur, quòd trahatur, pellatur, aut mittatur ab aliquibus corporis organis, sed quòd per sese sequatur imaginationem, quasi percipiens animæ ipsius conceptiones. Certè hæc admiranda sympathia sanguinis cum anima est, ut hæc percipit, ille mouetur. Indicat porrò ea res, diuinitatem quandam in anima animantium perfectorum, quæ sanguine prædita sunt, & illos habent animi motus, maiorem, quàm sit in rerum

Anima
quomodo
in sanguine
ne.

Motus
animalium
duplex.

Sanguinis
& animæ
sympathia.

Animæ
vis.

imperfectiorum formis: posse scilicet mouere, vi imaginatio-
nis, materiam deiunctam, & cuius actus ea non sit, illaque uti
ut instrumentum proprio suorum motuum. hanc fortasse ob
causam, Auicenna maiorem adhuc virtutem (ut par est) ra-
tionali animæ volens tribuere, putauit, posse eam hoc idem
in materia extra corpus longèque consistente, circa omnem
contactum Physicum, facere. Ea verò sententia non probatur.
neque sanè sanguis ab anima, sine contactu mouetur, sed
Mathematicè tangitur à viucentibus partibus: Physicè, hoc
est, per virtutem ab anima: est enim, ut dictum est, anima
in sanguine per operationem & virtutem. hanc ob causam,
volens Deus Optimus Maximus, homines quàm maximè à
cædibus, & iniuriis abstinere, curauit, ut à sanguinis effu-
sione super terram, & esu, abhorrent. estque hoc quodam-
modo simile symbolis Pythagoricis, quibus præcipiebatur ali-
quid, ut aliud insinuaretur, velut iubebat ille abstinere à fa-
bis, quò abstinerent à comitiis. voluit verò Deus, ut sangui-
nis effusione tantum vterentur ad expiationem animarum: ut
quoad fieri posset, anima pro anima redderetur. nimirum
sanguis est quodammodo altera anima, ut explicatum est. Ex
dictis facillè constat (de quo Theologi solent dubitare) animal
neque perfectum, neque integrum sine sanguine futurum.
quia erit in eo anima, impos actionum vitalium, utpote pro-
priis orbata instrumentis, sanguine inquam & spiritu. his de
anima dictis, non intempestiuè, de corporis nutritione, & vitæ
tutela, differemus.

Animal
non per-
fectū sine
sanguine.

C A P V T VI.

De ligno
vitæ dis-
putatio.

Capite 3. Genescos ita habetur, *Nunc ergo, ne fortè mittat
manum suam, & sumat etiam de ligno vitæ, & comedat,
& viuatur in æternum, emisit eum Dominus de paradiso volupta-
tis, ut operaretur terram, de qua sumptus est.* His verbis aper-
tè significari videtur, si Adamus vesci potuisset fructu arboris
vitæ, futurum ut viueret in æternum. An verò id vlla ratio
Physica ferat, examinandum. Viuentia omnia nutritione serua-
ri, nisi nutrentur, mox interitura, nutritionemque capi ex
alimentis, adeò notum est experimento, ut dubitent Physici, an
possit, eorum salua vita, nutritio intercipi, vel momentum tem-
poris. Atqui nutritio est nouæ substantiæ repositio, pro ea quæ
continenter absuntitur, quæ causa sit eius absorptionis, non
adeò constat. Plurimi enim Philosophi, naturalem calorem
causantur

causantur, eundem scilicet qui nutritionis est causa: ergo calorem igneum, qui in nobis, leuibus ex causis, frequentur accenditur, & externas causas, quæ nos perpetuò afficiunt, consumptionem nostri facere affirmo: naturalem calorem contra, seruare & augere, verum de hac quæstione alibi est mihi disputatum, modò nihil interest: siue enim naturalis calor veterem substantiam absumit, & nouam reponit: siue siccant corpora externæ causæ, & naturalis calor substantiam reponit, stat eadem dubitatio. Afferendum enim est, corpora viuentia, accessione eius substantiæ, quam accipiunt ex cibis, seruari: & cibos alios aliis esse meliores, plus ac melius nutrientes: alios deteriores, ac nutrientes minus: & meliorum vsu diutius seruari corpora, deteriorum verò, venire citius ad interitum. An verò cibi vllius bonitas sufficere possit, quòd vllum viuentium, sine interitu, seruetur in æternum: an semper viuere, viuentium ex alimento naturæ repugnet: vel quòd eorum mortali vitæ mori intimum, ac necessarium sit: vel quòd ipsa ratio alimentum vim tantam non admittat, id est, quòd vertitur in controuersiam. si enim hoc natura rerum non fert, dicemus benedictionem fuisse in ligno vitæ, vt qui eius fructu vteretur, in æternum viueret, aut illud æternum, longum potius significare, quàm nunquam finiendum tempus. sin autem fert, dicemus fuisse naturam. primum quidem, ipsi viuentium naturæ non videtur repugnans, carere interitu: non enim nisi quia genita sunt. monstrauius verò antea, totum quoque mundum factum esse, & posse sine interitu seruari. porò Galenus, qui in Phisicis magnæ authoritatis censeretur, genitum omne aliquando interiturum, nullam monstrationem habere posse, affirmat, sed sola inductione probari. id verò si ita est, non repugnat ipsi geniti rationi, non mori. alioqui, illa ipsa ratio, qua non mori repugnaret, posset esse medium monstrationis, qua colligeretur moriturum. Galenus meminit sophistæ cuiusdam Ægyptij, qui assererat, homines non mori necessitate naturali, sed ignorantia faciendorum, atque de ea re scribere librum cœperat, quasi quis nunc affirmaret, fieri posse naturaliter, vt homines seruarentur in æternum si fructus ligni vitæ daretur copia, mori verò, quòd is fructus ignoretur, aut iussu Dei, à Cherubim indicatur. Multò minus videtur hoc repugnare naturæ alimentum. quia alimentum nomen est materiæ, atque vt Aristoteles dicit, rei victæ non effectricis causæ, non enim cibus nutrit, quòd faciat aliquid, sed quòd mutetur in substantiam nutriti. in materia verò non desideratur virtus. neque facultas vlla, sed dispositio, & copia. velut igitur ignis, si suppedietur ligna ardere apta,

Ciborum
differen-
tia.

Genita
non ne-
cesse est
interire.

Mortis ne-
cessitas.

Futura
nunquam.

nunquā deficiet, nec clychui flamma extinguetur, si suppetat oleum; ita viuere possit animal, si abundet idoneus cibus, aut saltem mortis causa non in ipso cibo sit, ab hoc enim quid petas aliud, quā ut sit materia. Nihilominus videtur manifestum, naturaliter non posse non mori, quod uiuit ex alimento, quocunque utatur, vel hoc solo argumento, quod nullum talium vnquam exitit, quod non moreretur, nam si nunquam exitit, neque erit quidem, nam circulo semper redeunt tempora, & cum circulari mutatione totus semper agatur mundus, eadem continenter abeunt & redeunt, neque est quidpiam eorū, quæ naturaliter fiunt, quod non fuerit antea: quod disertissimè dixit Ecclesiastes, c. i. his verbis *Quid est quod fuit ipsum quod futurum est. quid est quod factum est ipsum quod faciendū est. Nihil nouum sub sole. nec ualet quisquā dicere: Ecce hoc recens est, iam enim præcessit in sæculis. quæ fuerūt ante nos.* Itaque quod nūquam factum est, nec erit quidem (id intelligo de rebus cōstantibus natura, non enim perinde est de casu, aut arte factis) quod verò nunquam sit, neque potest fieri naturaliter. nulla enim est naturalis potentia, quæ nunquam ad actum deducatur. igitur Philosophi vel hac sola ratione tenentur concedere, fieri non posse, ut quod uiuit ex alimento, non moriatur, quod nunquam factum est: atque eodem argumento constat, nihil eorum quæ naturaliter oriuntur, posse non perire. neque quidquam obstat quod de mundo dicebatur. mundus enim non est naturaliter ortus, sed factus à Deo, causa infinitæ virtutis, & libera, à qua extingui potest, seruari tamen eius bonitate. Natura verò, nihil eorum quæ facit, seruare potest, nisi tempus certum, quia finitæ virtutis est, neque libera causa. ceterum hoc argumento, posteriori solū, ut dicunt Dialectici, indicatur, non posse fieri id de quo queritur: qua tamen causa id fieri non possit, non explicatur. Quapropter, ut hoc quoque, si fieri potest, explicetur, aliunde petendum principium est. Non videtur autem aptius peti posse, quā ab eo quod in obiectione quære batur. Cur scilicet ignis accessione materiæ possit in æternum seruari, atque ab eo, quantum agitur in eius natura cresceret in immensum. homo autem & planta non possit, utcunque patiatur cibo, seruari, nisi certum quoddam & finitum tempus, neque comparare nisi certam & definitam molem. Huius si inuenta idonea ratio fuerit, simul habebitur & monstratio à priori necessarij interitus eorum quæ genita sunt. Constat verò, eius rei causam esse, indifferentia nutritionis uiuentium & ignis. Ea est ignem, & alia inanima, neque augeri, neque nutrirī nisi secundum partes materiales: uiuentia verò secundum

secundum formales, hoc est, illa nutrir accensione partium magnitudinis, diuersarum & dissitarum à præexistentibus: hæc verò non ita, sed alimento ita præexistentes in assumpto & commutato, vt non afferat nouas, sed seruet veteres, aut etiam augeat. Atqui, per illam improprie vocatam nutritionem, non tam seruatur idem corpus, quàm gignitur aliud & aliud, neque aliter existens idem, quàm fluuius: per nutritionem verò propria durat idem. quapropter in æternum seruari non potest, ignis verò potest. vt homo specie idem, seruatur successionem multorum, sed cur idem existens, vt hic homo, aut hæc morus, non potest propria nutritione in æternum seruari, nondum diximus. incipiamus verò ab ipsius nutritionis ratione, ea est reparatio naturalis humidi quod intus perit. ex alimento, quod & commutatur, & penitissimè in partes alendas assumitur distributum, & effigitur, itaque humiditas naturalis continenter dissipatur, alioqui non indigerent corpora alimento: non ambigitur autem an indigeant, sed an id sufficiat, vt non moriantur. Itaque indigent alimēto, & siccantur, siue à suo ipsorum calore, siue ab externis causis, maximque ab aëre, qui, aut calore absorbit humorem, vt in æstate, aut frigore exprimit calidū, cum quo abit & humor, vt arescunt arbores præ frigore in hyeme, & res omnes flante Borea siccantur. vtcūque de hac quæstione censeas, concedes siccari semper viuientium corpora, alimento verò fieri, ne arescant citò, velut quæ deciduntur, & radicibus abstracta, alimento priuantur ligna, ea enim videmus, humi iacētia, breui siccari, aded vt non possint germinare rursus, etsi humi figantur: quod eorū mortis indicium est; moriuntur ergo decisa ligna, breui siccata, nō alia causa, quàm quod priuentur alimento, non enim iugulantur, vt truncari homines, aut aliquid aliud patiuntur quod eis moriendi causa sit (viunt enim rami singuli, & germinant, si ante ariditatem figantur) sed arescunt quod priuentur alimento. alimentum ergo reparando humidam substantiam, facit, ne arescant corpora, alioqui breui, præ siccitate, interitura. si igitur humectatio ab alimento accedens, æqualis esse potest siccationi, quæ ab aliis causis obstat vtiq; poterit, quominus corpus siccetur: si maior, facere vt etiam euadat humidius: si verò necessariò est maior motus, quem subit corpus ab externis, eo quem à cibo, necessariò siccabitur corpus semper, ac postremò morietur. alimentum verò, tantummodò obstat, ne tam citò. Atqui, maiorem motum esse quem cient externa, primū quidem, experimento constat, quia multò citius siccatur decisum lignum, & homo cibo priuatus, quàm reficitur rigatū & cibus. deinde,

Nutritio
quorum
fit.

Corporis
exsiccatio.

Alteratio
duplex.

Thapsia.

Motus
difficul-
tas & fa-
cilitas.

Ciborum
differen-
tia.

multis etiam rationibus videtur id esse necessarium. nam cum eueniat, duobus modis alterare corpus, aut simpliciter alterando, aut gignendo substantiam alteram, constat illud facilius esse, ac citius fieri, hoc difficilius, & fieri tardius. nam facilius sicces corpus, admouens thapsiam, aut euphorbum, aut ignem, quam iubens uti tibi assis, & milio, aut eruo: & humectes citius balneo aquæ, quam esu lactis aut piscinæ: cum ergo siccantur semper corpora externis; non ob substantiæ repositionem, sed alterata, humectentur verò à cibo, non aliter quam repositione substantiæ, necesse est lentorem motum fieri à cibo, quam ab externis. portò motus, qui incipit ad eodem ipso quod mouetur, non potest non esse tardior; quam qui ab ipsa mouente causa incipit. quia cum id quod mouet principium mouendi accipit, ab eo ipso quod mouendum est, operosior, & difficilior est motio. velut facilius est corpora calfacere igne, quam thapsia: quia thapsia non potest vrere, antequam à re ipsa vrenda calfacta sit: ignis verò nihil aliunde recipiens, statim vrit. Externæ causæ pleræque vi propria, & quâ actu tales, siccant: alimenta non humectant, nisi conficiantur prius ab ipso viuientis corpore. necesse est igitur humectationem à cibo tardio rem motum esse, siccatione ab externis, atque ob id, citius aut tardius, tamen postremo viuientia omnia mori. Certè hæc, quæ proposuimus, verissima sunt. putà, maiorem & celerio rem esse motum, qui alterando agitur, & principium accipit à facultate, quæ actu inest causæ mouenti, quam qui repositione substantiæ, & initium duci ab ipsius patientis actione. si conferantur æquales mouendi causæ: si verò conferantur inæquales, aliter potest euenire, nam magis calefcet corpus afflicta thapsia, quam si moretur in tepente sole: & humectabitur magis, multo esu recentium vuarum, lactis, piscium, & lactucæ, quam modica lotione, nimirum conferuntur magnæ causæ cum exiguis. verum si conferrentur æquales, eueniret semper, quod propositum est. Vnica igitur superest dubitatio. An possit cibus vllus esse tantò potentior humectando, quam causæ omnes externæ siccando, ut eius motus illarum possit mutui præuallere, atque ita seruari animal sua cinteritu: & an talis fortasse fuerit fractus ligui vitæ. non certè. nam externæ causæ, siccando absument partem substantiæ humidæ. necesse est ergo ut dum absument tantam, reliquam alterent secundum qualitatem, reddântque siccio rem & durio rem: cibus ergo aut reponet solùm substantiam humidam, aut reliquas etiam, & quæ supersunt, alterabit secundum qualitatem si substantiam tantum reponit, quantumuis reponat codiosè, reddentur in die sicciores

sicciores partes animantis, atque ita quoque ibunt in interitum
 (vt certè sit) secundùm molles partes, & quæ abundanter re- Causarum
 ficiuntur, aliquando factæ humidiores: secundùm solidas verò, externa-
 quæ ob siccitatem & soliditatem naturalem, siccantur multùm rum vis.
 & reficiuntur exiguum, semper sicciscentes. sin autem cibus
 non reficit solùm, sed qualitati etiam obstitit, non nutrit so-
 lùm, sed etiam alterat, neque alimentum solùm est, sed etiam
 medicamentum; si verò est medicamentum, corpori sano mor-
 bum faciet, morbum verò faciens, mortem attulerit citiorem:
 sin autem corpus morbosum fuerit, ita quoque morietur. nulla
 igitur ratio est naturalis. qua possit corpus cibus quispiam in
 æternum à morte liberare. Quid ergo dicemus de homine Immorta-
 semper victuro, nisi peccasset: & de fructu arboris vitæ, quo litis ar-
 qui vesceretur, in æternum viueret. Certè homo nisi peccas- gumentū.
 set, nunquam fuisset moriturus, siquidem per peccatum intras-
 se mortem sacra canunt eloquia. tamen, etsi non peccasset, fuisset
 mortalis: non enim idem est; neque per peccatum factus est
 mortalis qui mortalis nō esset, sed moriturus, qui mortalis iam
 esset. Sed quo pacto non esset moriturus, qui esset mortalis; cer-
 tē volūtate Dei, sicut de toto orbe etiam ex sententia Platonis
 dicebatur, extingui posse, & redigi in nihilum ex quo est fa-
 ctus, tamen voluntate Dei semper perseueraturum. ita quoque
 homo, qui mortalis erat, & redigi naturaliter poterat in suum
 cinere, n. & voluntate Dei viueret semper, nisi peccatum obsti-
 tisset non est itaque per peccatum factus mortalis, sed qui cum
 erat innocens voluntate Dei seruabitur, ob peccatum tradi-
 tus est suæ mortalitati quo modo mortalis cū esset à mor-
 te præseruabatur, Deus scit, non possum apertè dicere; magnam
 verò partem eius præseruationis fuisse in fructu ligni vitæ, ipse
 dicit. duorum igitur alterum videtur consentaneum, aut fru-
 ctum illum fuisse ciborum omnium, qui vnquam extiterint
 præstantissimum atque vim habuisse naturalem seruandi ho- Æternū
 mines diutissimè. diutiusque quam post peccatum, voluerit pro lōgo.
 eos Deus viuere (significauit verò ita illud, *in æternum*, tempus
 longum, vt in multis aliis locis) Deūque antequam id exple-
 retur tempus, fuisse eos in vitam æternam translaturum: aut
 habuisse vim tribuendi vitam æternam. habuisse verò eam non
 natura, sed benedictione: nam cū antea monstratum sit,
 Deum habere vim infinitam, & nulli naturæ legibus teneri,
 atque adeò ipsam naturam nihil aliud esse, quam exiguum
 quendam diuinitatis fulgorem, quid obstat, quominus possit, si
 velit, ipsis corporibus, quibus dedit naturam, facultatem aliam
 tribuere superiorem? vtrumuis igitur facere potuerit Deus,
 vtrum

utrum videatur magis consentaneum, disputent Theologi, excedit enim id in eum institutum. Haftenus mihi de mundi opificio, animæ immortalitate, & hominis, aliorumque omnium viuientium interitu dictum est: quod ad naturales vitæ fines spectat, adiiciamus.

CAPVT VII.

Capite 6. Geneseos: *Non permanebit spiritus meus in homine in aeternum, quia caro est, eruntque dies illius centum viginti annorum.* His verbis videtur significari, à temporibus Noë hominum vitam, Dei præcepto, quod oportet esse inuiolabile, ad centum viginti annos esse contractam, reclamatur verò vita Abraham, qui vixit centum septuaginta quinque, & vxoris eius Saræ, quæ vixit centum viginti septem, & eorum filij Isaac, qui vixit centum octoginta, & nepotis Iacob, qui vixit centum quadraginta septem, ac multò magis eorum qui inter Noë & Abraham, vixerunt ferè 400. annos omnes. hanc ob causam quidam verba illa cap. 6. Geneseos interpretantur dicta, non de singulorum hominum vita, sed de totius mundi duratione vsque ad diluuium: itaque verba illa dicta esse ad Noë, centum viginti annos ante diluuium, prædicique, non quantum posset vita cuiusque hominis produci, sed quantum superesset, vsque ad totius carnis interuersionem, hoc est, vsque ad diluuium. Mihi verò non probatur ea interpretatio, sed dixerim potius, vsque ad diluuium, hominum vitas, Dei voluntate, fuisse multò longiores, in posterum, eiusdè præcepto fuisse contractas ad centum viginti annos. neque verò hoc debet Philosophos deterrere, neque censendum, aut hanc breuitatē esse naturæ morbum, aut illam vitæ longitudinē, fuisse supra naturā. si enim, vt ipsi multis argumentis, neque inevidentibus confirmant, Deus est actionū omnium naturalium causa prima, necesse est naturā rerū plus aut minus posse, vt ei Deus aspirat. Cur autē illa verba non possint ad diluuium pertinere, dicamus, primum quidē, quia non est reuelatum Noë tanto prius. Iam enim habebat Noë filios, qui cum eo sunt ingressi in arcam, putà, Sem, Cham, & Iaphet, cum ei est reuelatio facta: siquidem hæc sunt Dei ad illum verba: *Ecce ego adducam aquas diluuij super terrā, vt interficiam omnem carnem, in qua spiritus vita est subter cælum, & vniuersa, quæ in terra sunt, consumentur, ponamque fœdus meum tecū. & ingredieris arcā tuā & filij tui, vxor tua, & vxores filiorū tuorū tecum.* Itaque cum

Explican-
tur verba
supradi-
cta.

cum reuelatio est facta, habebat iam filios, qui etiam duxerant uxores. at verò erant quingentorum annorum Noë, cum genuit Sem, Cham, & Iaphet, cepit verò fieri diluuium ruptis fontibus & apertis cœli cataraëtis, anno sexcentesimo vitæ Noë. non ergo est prænunciatum diluuium centum viginti annis antequam fieret. quapropter non est illa legitima interpretatio. sed cum finem statuit hominum vitæ. Confirmatur hoc verbis Moïsis, capite trigésimo primo Deuteronomij, qui causam reddens qua illum mori oporteret, neque posset amplius viuere, dicit, *centum viginti annorum sum hodie, non possum ultra egredi & ingredi.* Est itaque Dei iussu centesimus vigésimus annus vltimus clymaëticorum, & quo longissima vita hominis concluditur. ante hunc est centesimus, clymaëticus etiam ipse. nam decimo octauo capite Ecclesiastici dicitur, *Numerus dierum vitæ hominum, ut multum, centum anni.* neque immerito dixi longissima, est enim alia vitæ productio, & plurimis communis, ita longè breuior, cuius clymaëticus vltimus est octogésimus primus, qui numerus constat nouies nouem. Breuiorem & pluribus communem vitæ periodum exposuit David, dicens, *Vita hominis septuaginta anni.* in potentatibus octoginta amplius labor & dolor quos eodem vitæ fines, septuagésimum scilicet, & octogésimum statuisse Solonē, Diogenes Laërtius narrat. longissimam itaque periodum vitæ describit, quod modò enarramus, diuinum oraculum. Annos clymaëticos, id est, scalares, vocauit antiquitas, quosdam, quibus obseruatum est, plurimorum vitas finire, quòd sint illi anni, velut gradus quidam scalæ humanæ vitæ. hi sunt quasi fatales moriendi fines, non absimiles diebus decretoriis morborum. nimirum vt Plato in dialogo de Natura docet (quod ab eo accepit etiam Galenus) habent morbi suas ætates, similes ætatibus hominum, atque suos etiam naturales fines. vt ergo sunt duplices morbi: alij acuti, alij chronici, quorum vtrique habent suos decretorios, non tamē eosdem, sed acutorum decretorij sunt dies impares, præcipuè septennarij: chronicorū vigésimi, vt sexagésimi, octogésimi, centésimi: ita sunt duplices vitæ productiones, quædam plurimis cōmunes, quædam paucis, iisque viuacissimis, contingentes. vtræque habent suos clymaëticos, seu mauius dicere decretorios annos, prioribus quidem sunt, qui per septennia numerantur, & per nouennia, quorum præcipui sunt, quadragésimus nonus, qui constat septem septenniis, & sexagésimus tertius, qui constat nouem septenniis: post hunc septuagésimus, quia decem septenniis: postremus octogésimus primus, quia constat nouem nouenniis. posterioribus sunt decre-

Anni clymaëtici.

Morborū ætas.

Dies decretorij.

Duplex vitæ productio.

decretorij, qui numerantur per decennia, vt centesimus, quorum postremus est vigesimus supra centesimum. neque certe huic numero exigua vis inest, neque vanum est in naturalibus rebus (etsi quibusdam videtur) numerorum habere rationem: siquidem fecit Deus omnia, in numero, pondere, & mensura. dignitas verò dicti numeri inde est, quòd constat tribus qua-

Ternarij perfectio. ternarij dragenariis; quadragenarij verò quaternis decenniis: ternarius verò est primus numerus perfectus qui rationem habet for-

mæ, & maris, & generationis, ac perfectionis, & indiuisibilitatis. quaternarius continet denarium, qui continet ternarium, binarium & vnitatem; vno verò & duobus & tribus & quatuor fiunt decem, decem autem sunt omnia. nulli enim hominum sunt, qui vltra decem numerent. itaque & quatuor-

Quaternarij vis. sunt omnia. quare quaternus denariorum, hoc est, quadragenarius sit totum cum toto coalescente. totum verò est quod perfectum. hoc ergo ter redeunte, completur perfectissimum

tempus, tribus perfectissimis numeris conflatum ternario, & quaternario, & denario. neque verò non indicat satis aperte diuina historia, hanc esse præcipuam perfectionem huius numeri, quòd constet tribus quadragenariis, in vita Moïsi. Ea enim hos habuit tres articulos. Nam quadraginta annos moratus est in Ægypto, totidem fuit in Madian, totidem duxit populum per desertum. postremus itaque finis viuacissimorum est vigesimus supra centesimum: minus viuacium, octogesimus perfectus, qui finitur octogesimo primo. Non ita tamen sunt hi humanæ vitæ fines, vt necessitate naturali moriantur in illis omnes, neque possint vlllo modo vltius viuere, sed quòd plurimi intra eos moriantur, atque pauci quidam vlt-

Pauci extra 80. annum sunt rebus gerendis idonei. rius viuentes nullis iam rebus, gerendis sint idonei hoc verò ita esse intelligendum constat ex ipsis diuinis eloquiis. Psalmo enim dicitur: *Vita hominis septuaginta anni, in potentatibus octoginta, amplius labor & dolor.* Moïses quoque loco cit. haud dixit, *centum viginti annorum sum hodie, nō possum amplius viuere, sed non possum vltra ingredi & egredi,* hoc est, laborare, & militiam exercere. itaque Deus dicens, erunt dies illius anni centum & viginti. haudquaquam inenitabile moriendi tempus sanxit, sed viuendi fines, quasi qui iam gerendis rebus idoneus non sit, non amplius viuat. sed cum labore & dolore moriatur. ne-

que verò quia non est statim à diluuiο contracta adedò vita, sed qui inter Noë & Abraham vixerunt ferè omnes quatercentum, negandum est eam legem de vita non vltra 120. annos producenda, latam esse tunc. lata enim est reuera, obseruaturque, atque obseruabitur semper, quandiu homines nascentur & interibunt.

interibunt. non tamen statim lata obseruari cœpit, sed ob mû-
di necessitatem, vsque dum in eam multitudinem, quæ replere
posset terram, creuerunt, dispensatione diuina vixerunt diutius,
vbi mundi necessitati factum est satis, lapsa est natura in con-
stitutos à Deo fines. Itaque verba illa, *Erunt dies illius centum
viginti annorum*, naturalem viuendi legem cōtinent: illa verò,
Crescite & multiplicamini & replete terram, benedictionem, &
legis illius dispensationem, quâ, mundo iam hominibus pleno,
cessante, manet, persistitque natura, in illa viuendi lege, neque
ea in re ab antiquis illis seculis mutatio fit, vt sine vlla dubita-
tione constare potest, legenti Hebræorum, & Romanorum, &
nostrorum monumenta. eadem enim omninò ætates, & iidem
vitarum fines, antiquum verò est homines suum interitum de-
plorantes, censere cum suo seculo deterius agi, & superioribus
inuidere, est verò hoc vt antiquum, ita & vulgare: nam eorum
qui nullius manifesti morbi vi intereunt, per pauci non attingunt
70 annum: plerique talium attingunt octogesium, rari
quidam, nunc quoque superant centesimum.

CAPUT VIII.

Capite 6. Geneseos: *Cumque cœpissent homines multiplicari
super terram, & filias procreassent, videntes filij Dei filias ho-
minum quod essent pulchre, acceperunt sibi uxores ex omnibus quas
elegerant, & paulo post, Gigantes autè erant super terram in die-
bus illis, postquàm enim ingressi sunt filij Dei ad filias hominum, ille-
que genuerunt, isti sunt potentes, à seculo viri famosi.* Aliæ sunt
loci huius enarrationes non ineptæ, mihi verò multò magis
arridet, vocari hîc dæmones filios Dei nam hæc est phrasis Dæmones
sacrarum literarum; siquidem c. 1. libri Iob ita habetur: *Qua-* cur dicun-
dam die, cum venissent filij Dei, vt assisterent coram Domino, af- tur filij
fuit inter eos etiam Sathan. Itaque haud dubiè vocantur in sa- Dei.
cris filij Dei, qui apud Platonē, Dij minores, aut dæmones: ita
enim inducit Plato alloquentem Deum in Timæo, *Dij Deorum,*
quorum opifex & pater ego sum, itaque dæmonum patrem se vo-
cat apud illum Deus, & illos consequens est, vocare filios Dei,
quid ergo? confirmamus ea quæ in sacris habentur libris verbis
Platonicis ceu antiquioribus & potioribus? absit, sed susplica-
mur, Platonem multos sacrorum libros legisse, indèque tran-
stulisse multa in suam Philosophiam, eorum plerâque non
bene intelligens (neque enim poterat) illam ergo filiorum Dei
appellationem, arbitror cum ex his locis accepisse: vt verò in-
F duceret

duceret Deum alloquētem filios suos de rerum opificio com-
mēdantēque illis animalium, & hominis maximē formatio-
nem, deceptum esse illis verbis capitis primi Genesios. *Facia-
mus hominem ad imaginem & similitudinem nostram* Videtur
enim illic Deus alios alloqui, hortarique ad hominis fabricam,
quæ tamen verba diuinissimum contineant sacramentum, quod
ille non est assequutus, intellexit tamen, ut mihi videtur bene

An demo-
nes mulie-
res ament
& congre-
diantur.

randi occasionem præbet hic locus. nam quī poterant dæmo-
nes adinare mulierum pulchritudinem, & cum illis congregi
An est illis ea natura ut tanquam homines possint mulieribus
potiri, & formosis delectari, magis quam deformibus; quid
verò & homines possunt talibus congressibus generari, aliena
quidem videtur esse hæc omnia ab spiritali & incorporea sub-
stantia & natura adeò dissidente. videntur verò affirmare elo-
quia diuina non solum natos esse homines ex illis congressi-
bus, sed eos quidem potentes Gigantes, & à sæculo viros famo-
sos, quasi Diis genitos, Omnis etiā Gentilitas celebrauit

Gigantum
ortus.
Heroes.

Heroas hoc est semideos, natos scilicet ex feminis & Diis aut
viris & Deabus. atqui quoniam durabat adhuc in memoria
hominum illorum, qui non longè aberant à diluvio Gigan-
tum fama, viros omnes egregios censebant esse ab aliquo
Deo, aut Dea genitos, ut Herculem à Ioue: Achillem à Te-
thyde, à Venere Æneam, deinceps & Alexandrum ab Homone,
hinc tam multa fabulæ hinc tam multa adulteria ad Deos re-
ferebantur, quæ, quandoquidem dæmones illi colebant pro

Dij gen-
tium.

Dii, eosque vocabant Tethydem, Porcini, Saturnum, Rheam,
Iouem, Iunonem, Cupidinem, & Venere, ut apud Platonem
legimus in Timæo, siquidem congregi cum mulieribus, & ge-
nerare possunt, fortasse non erant prorsus fabulosa, & men-
titæ: sed ex certis rerum euentibus orta. Multis etiā publicis
testimoniis constat certissimè, hoc etiā sæculo deprehensas
esse mulieres, quæ dæmonibus sub hominum specie familiaris-
simè utebantur, qui cum illis rem habebant, congregiebanturque frequenter, ut cum propriis vxoribus: viros quoque

De demo-
nibus in-
cubis &
succubis.

quibus feminea specie succumbebant dæmones: vocanturque
hanc ob causam tales dæmones alij quidem incubi, alij suc-
cubi, quos quidem ego (ut dixi) suspicor tam multis fabulis
inter gēres dedisse principium, & incubos quidē Deorum, suc-
cubos Dearum peperisse opinionem sed quo pacto fieri possint
hæc, considerandū Platonici censebant dæmones animalia quæ-
dam rationalia & immortalia esse, corporū tenuium, & aereo-
rum, morum verò humanis similibus, irasci enim & placari,
atque

atque amicitias inire, & odia cum hominibus exercere. esse enim cenſet Apuleius (in quem Auguſtinus inuehitur 8. de ciuitate Dei) dæmones quorundam hominum oſores, quorundam amatores, animo paſſiuo, hoc eſt, non tranquillo iudicio, ſed ea animi affectione, quam vocamus amorem. vnde ſic vt iuxta illa Philoſophorum placita, ſint laſciui & delectentur ludis ſcenicis, & exoptent muliebres amplexus, & cantilenas amatorias, quibus ſua ipſorum crimina decantentur. horum ſi vera eſſet opinio, ſublata eſſet è medio prima dubitatio, diceremus enim, tales cum eſſent, captos eſſe amore pulchrarum mulierum, atque hominum more, potitos eorum amplexibus, & voluptate quam inde caperent. ſuper eſſet ſolùm altera dubitationis pars, quæ potuerint generare homines, homines cum non ſint. Cæterum Apuleij ſententiam verum non eſſe, neque Philoſophiæ conſonam, vel ex primis eius rudimentis facile intelligi poteſt. nam infra cœleſtes orbes, nulla corpora eſſe poſſunt, ſecundùm ſe tota incorruptilia. dicunt vero illi, degere dæmones in aëre. præterea, ſi dæmones, vt illi affirmant, habent corpora ex puriſſimo aëris, & ſereno elemento coalita, nihil terrenæ ſoliditatis habentia, non poſſunt frui voluptatibus Venereis, quia voluptas Venerea ad tactum pertinet, tactum verò Plato æquè ac Ariſtoteles & Empedocles, & Galenus, & alij omnes Philoſophi, attribuunt terræ, vt auditum aëri guſtatum aquæ, viſum igni, iuxta illud citatiſſimum Empedoclis carmen, *Sentimus terram tellure, liquore liquorem, aëre aëream ſubſtantiam, ignem quoque cernimus igne.* quod igitur corpus nihil habet terrenæ ſoliditatis, neque tactu ſentire poteſt, neque capere Venereas voluptates. Si quæ voluptate, ea maximè videntur potiri poſſe, quæ ex muſico accedit concentu, quod is ſenſus ad aërem pertineat quapropter videri poſſit alicui conſentaneum, ob id Sautem, vt narratur 1. lib. Regum, cum à dæmone diſcerperetur, pulſante Dauide citharam, iuuari, quod dæmon ſuauiſſimo concentu placatus miſceſceret. cæterum neque hoc eſt Philoſophiæ conſonum, neque dæmones ſi ui poſſe vlla alia voluptate corporali: nam fieri non poteſt auditio, quin verberatio aëris externi, in partem aliquam ſubſtantię ſentientis tranſmitat (quid enim reſert innumeros colores eſſe oppoſitos, niſi cryſtallino humore recipiantur? aut quid intereſt illo humore recipi, an calceo, an ungibus extremis, aut pilis, niſi illa pars noſtri eſſet, haberetque in ſeſe ſentiendi principium) quod ſi quæ pars ſubſtantię dæmonis verberationem ab aëre reciperet, diſtrahi vtique ea, diſcerpique poſſet, quare & corrumpi. non

An dæmones generare poſſint.

Voluptas Venerea.

ergo secundum se totos essent incorruptibiles dæmones, qui potius essent iam olim eorum plurimi surdi, ob patiendi asiduitatem, & excellentiam multorum sensibilium: atque cum tandiu vixerint, fortasse iam essent surdi omnes: quare neque ita potiri iam possent ea voluptate. Dæmones itaque nulla corporali voluptate frui possunt, neque omnino sentire corporum enim corruptibilium est omnis sensus: maximè tactus, cuius obiecta sunt qualitates commutatrices rerum omnium natura constantium, calor inquam & frigus, quidquid enim tactum habet, vim habet discretivæ calidi & frigidi. non potest autem calorem sentire, quod non caleseat, neque frigus, quod non frigescat. calefcere autem aut frigescere nihil potest, quod corruptibile non sit, quia mutatio temperamenti via est ad interitum, & ea solum pati possunt intemperiem, quæ ex talibus sunt concreta: concreta verò ex contrariis actiuis, dissolubilia sunt. Animalium ergo immortalium natura (si quæ essent talia) longissimè abesset à voluptatibus corporalibus, maxime à Venereis; non possent ergo dæmones talibus tangi, ne si corporales quidem essent, ut Platonici putauerunt: maxime cum omnino sint sine corporibus, ut alio loco huius operis, concedente Deo, indicabimus. quid ergo superest ex hac disputatione? Certè, nullos magis quàm Platonicos, à dæmonibus esse delusos; qui non intelligentes eorum vafriciam, quod in nequitiam oportebat referri, in eorum naturam, præter omnes Philosophiæ leges, referebant, & putantes vera esse, quæ dæmones mentiuntur, in falsas de eorum natura opiniones incidebant. nimirum, dæmones neque his neque illis figuris videri unquam possunt, neque ullos mortalium amant, neque vlla corporalis pulchritudinis specie capiuntur, neque musicis concentibus delectantur, neque congregi possunt cum mulieribus multoque minùs generare. tamen hæc omnia simulant, missisque modis ementiuntur, ut nobis sese inferant, & ita à veri Dei cultu, & legum, tum divinæ tum etiam naturalis observatione, homines anerrant qua arte, ante diluvium, totum ferè hominum genus reddiderunt belluis immanius, & absurdius. mulieres enim dæmonum factæ sunt concubinae. *Ex omni caro corrumpat viam uæ.* obli-que, ut suspicor, homines naturalis legis, præpostera congregiebantur. Sed & nunc, omnes malefici, necromantici & maleficæ illæ, quæ stryges, seu lamia vocantur (Hispanè *brusas*) tenentur hoc infami crimine convictus cum dæmone. incunt enim cum dæmonibus amicitias (proh dolor!) renuntiantes gratiæ Dei, & ignorantissimi hominum, figmentis delectantur, & sordidissimæ mulierum ex diabolicis illis

Dæmones
nulla cor-
porali vo-
luptate
fruantur,

Intempe-
rantes.

Platonici
à dæmo-
nibus de-
lusi.

Lamiarū
cū dæmo-
nib. fami-
liaritas.

illusionibus quærunt carnales voluptates. sed quo pacto hæc mentiantur dæmones, nondum aperimus. præbent se conspiciendos his aut illis formis, pulchris quidem aut turpibus, ut ex usu illis est, ad eas quibus tunc temporis parant technas, corporibus hinc inde conquisitis ex circumfluo aëre, aut, quæ in illo voluntur, corpusculis: aut nonnunquam etiam ne id quidem faciunt, sed corporis speciem, in solis hominis intuentis oculis consingunt, ut se vera homo nullum corpus videat, sed sibi videatur videre. ut autem congregiatur ac coëat, perinde facit, ficticia constat corpora, aut velut oculos, ita tangendi organum deludit, passionem illi inferens talem, qualem à veris obiectis solet tubire. ita verò constat mulieris corpus easdem voluptates capturum, ac si verissimus esset corporum congressus, res enim, ipsæ non sentiuntur, neque animam attingunt, nisi per passiones propriorum instrumentorum sensuum has passiones si mentiri sciat dæmon, nihil refert ad sensus, voluptatem verarum an falsarum rerum obiectu id fiat. sed quo pacto generant; cerè non generant, neque id dicitur in sacris eloquiis, sed *ingressi sunt filij Dei ad filias hominum, & illæ genuerunt*. Itaque illis ad eas ingressis, ipsæ genuerunt, & ex proprio semine, & ex seminibus hominum, quæ cum petulant in illa totius carnis corruptione effunderentur, receptabantur à succubis, & in uteros earum, quæ sese illis subdebant, immittebantur, ea celeritate, ut genitivus spiritus non dissiparetur. iam verò, ut homines potentes, famosi pariter ac superbi, & nequissimi, ex turpibus illis congressibus nascerentur, naturali etiam causa, arbitror euenisse. Ea verò est, quod cum dæmones mendacissimi, hanc de sese opinionem studeant ingerere, quod generarent, curabant omni arte, ut grandes, robustissimi, ferocissimi, superbissimi, ac nequissimi nascerentur, ut parentum similitudini imputaretur. præterquam quod tales illi vellent esse omnes homines, qua verò id arte efficere possent, dicam: immittebant in uteros, neque quaecunque, neque quantulumcunque semen, sed plurimum, crassissimum, calidissimum; spiritibus affluens & feri expers. id verò erat eis facile conquirere, diligendo homines calidos robustos & abundantes multo semine quibus succumberent: deinde & mulieres tales quibus incumbereut: atque utrisque, & viris inquam & fœminis, voluptatem solito maiorem afferendo. tantò enim abundatiùs emittitur semen, quantò cum maiori voluptate excernitur. poterant verò illi voluptatem augere, & titillando plurimum, & imaginationi plurima ad rem faciendā repræsentando. maxima enim pars Venercorum motuum

De congressu dæmonum cum mulieribus.

Quale semen dæmonum.

Veneri
morus
vnde.

Gigantes
cur pessi-
mi.

ab imaginatione fluit. quo fit vt religiosi viri, & Deo adeò de-
diti, vt imaginationem etiam compescant, eiusmodi motus nō
præsentiscant. robusti ergo & grandes, vt nascerentur, ita pote-
rant dæmones procurare. vt verò essent pessimi, poterant ma-
gica arte corrumpere semen, atque ad eam temperiem trans-
ferre, vt cum robore corporis, in omne vitiorum genus pareret
propositionem, nimirum receptissimum ab omnibus illud Ga-
leni, *Animi mores corporis sequi temperaturam*, his addiderint nu-
gaces Astrologi potuisse dæmones ad illos congressus observa-
re quosdam aliorum concus & aspectus, qui tales homines
nati essent gignere.

C A P V T I X.

Capite 9. Genescos: *Arcum meum ponam in nubibus, &*
Ceri signum fœderis inter me & terram: cumque obduxero
nubibus cœlum, apparebit arcus meus in nubibus cœli, & recor-
dabor fœderis mei quod pepigi vobiscum, & cum omni anima vi-
uente, qua carnem vegetat, & non erunt vltra aqua diluuij ad
delendam vniuersam carnem.

De Iride
multa.

Videri possit alicui hæc legenti, ante diluuium, & initum
fœdus cum Noë, nunquam fuisse eum cœli arcum, quem Iri-
dem appellant, sed tunc primùm, in signum fœderis, positum
esse Dei iussu in nubibus; atque eo magis, quòd cap. 43. Ec-
clesiastici dicitur, *Vide arcum, & benedic ei qui fecit illum, val-*
de speciosus est in decore suo, gyraui cœlum in circuitu glorie sue,
manus excelsi aperuerunt illum. Quibus verbis videtur signifi-
cari ipsius Dei esse opificium, potius quam naturæ. Ego verò
non ita censeo, sed apparuisse etiam sæpe ante diluuium (ne-

An Iris
ante di-
luuium
fuerit.

que enim deerat vlla naturalium causarum eius, cum essent so-
lares radij, oppositæ nubes) Deum verò, cum iniret fœdus cum
Noë, & eius posteris, ac pacisceretur, non futurum iterum vn-
quam diluuium, quo inundaretur tota terra, iussisse Iridem
signum esse: designasse verò eam potius, quam aliud quidpiam,
eorum quæ in nubium regione apparent, vocanturque meteo-
ra, quia ea naturaliter interuentum imbrum nota est, neque
verò quia ipsa per sese, ac sua matura talis erat, nō erat apta vt
signum talis fœderis statueretur à Deo, quinimò hac ratione
potius fuit statuenda. Cum enim Deus author ipsius naturæ
sit, atque adeò ea tota fluxerit ab eius voluntate, atque ea vir-
tus, quam vocamus naturam (vt alibi diximus) sit in rebus

corpo

corporealis quoddam velut vestigium diuinitatis, nihil magis consentaneum, quàm vt vratur Deus ad faciendum, aut significandum aliquid in naturalibus, atque hæc cum eius voluntate & præceptis consonent. ipse enim à principio futura omnia præuidens, suo verbo totâ condidit naturam. quid ergo mirum, si naturalia eo semper ductu decurrentia, quo ab illo principio dirigebantur, in illius præcepta & iussiones semper incidant? atqui, hic est plerumque suauissimus & ordinatissimus diuinarum iussionum concentus. tamen aliquando (ratio quidem) vt euidentius hominibus suam diuinitatē ostendat, præter earum naturam, aliquid imperet rebus. nunc verò iuxta illius naturam iussisse, vt Iris signum esset mundi nunquam amplius imbris delendi, ex eius naturalibus causis erit apertissimum. De cuius generatione, vt licet videre apud Galenum libello de historia philosophica (hic liber Galeni est) non admodum discrepant Philosophorum sententiæ. Nam etsi quodammodo euarient, omnes tamen postremò in hanc veniunt, esse colores quosdam apparentes, mixture splendoris Solis & opacitatis obiectæ nubis : apparere verò circulari figura, ob figuram Solis ipsius. semper enim apparet Iris ex aduersus Solis, percussis scilicet eius radiis ab opposita nube : apparere verò tres illos colores, puniceum, viridem, & rubrum, quod ex splendido cum maiori opaco fiat rubrum, cum minori viride, cum minori adhuc puniceum. Igitur in exteriori ac superiori parte Iridis, quæ ad extremitatem, ac peripheriam nubis spectat, puniceum apparere: quod ea parte tenuior ac minus opaca nubes, radios minus repellat, & melius penetretur, in interiori & inferiori contrarias ob causas apparere rubrum: inter hæc, ob mediocres causas, viridem: absolui verò hæc meritò totâ hanc colorum differentiam triade, vt alia quæuis maioris & minoris differentia, principio, medio, ac fine. Metrodorus cum Solis radij nubem intrarint, nubem viridem, radios purpureos apparere dicit. Sed hoc dicat vt lubet. illud inter omnes conuenit, fieri radiis solaribus nubem aliquatenus penetrantibus, aliquatenus percussis. necesse est ergo apparere, vbi apparatus quidam est pluuie (alioqui aut nullæ sint nubes, aut eæ adeò tenues, vt more aeris penetratæ radios non repellant) is verò non adeò magnus, neq; pluuie ingentis. Si enim totum cælum esset nubibus obductum, neq; vlla parte pateret Sol, nulli radij in oppositâ cœli partē abirent: neq; si nubes obiecta, esset densa admodum, penetraretur à radiis aliquatenus, sed tota appareret atra ob opacitatem. fit ergo Iris ab aduerso Sole mittente radios in nubem non delam, significat ergo naturaliter, quod & iussu Dei

Quomodo
Iris generetur

Tres Iridis colores quando fiunt.

imbrem nequaquam obrutum mundum, quî enim possit, cum neque cœlum totum obductum nubibus sit, neque quæ adsunt, sunt valde densæ? verba Ecclesiastici suo loco enarrabuntur.

CAPVT X.

Capite 18. Geneseos, *Erant autem ambo senes prouectaque atatis, & desiderant Sara fieri muliebria.* De Abrahamo & Sara cum genuerunt Isaac, dicuntur hæc verba, quibus significatur, eius conceptionem fuisse portentosam, ratio verò qua hoc ita habet, naturalis est: nam ita est natura comparatum, ut neque senes generationi sint idonei, neque mulier, cui menstrua fluere deberint. Rectè autem dicitur, *erant autem ambo senes productæque atatis, & desiderant Sara fieri muliebria.* Si enim alter senex esset, vir scilicet, mulieri verò non desissent fieri muliebria, aut etsi desissent, non esset vetula, sed iuenculæ adhuc desissent præter naturam, & ob morbum, non esset mirabile gignere. nam senes ex iuenculis gignere, quotidie euenit, etsi vetulas ex iunioribus, non ita. mulieres enim quibus per ætatem defecerunt menstrua, concipere, neque ex senibus, neque ex iuuenibus possunt: quibus verò defecerunt per morbos, euenit non rarò senescentes concipere, antequam appareant. ergo senex centenarius ex muliere nonagenaria, non poterat naturaliter generare; eius verò causa non erat in viro (ille enim plures postea filios genuit ex Cethura) sed in fœmina, cui ob senium defecerant menstrua. hæc ergo omnia physicè dicuntur, eorum verò ratio pendet ex menstruorum natura, & eorum causis. Menstrua vocantur euacuationes sanguinis, quæ singulis mensibus fluunt ex vulua. dicuntur hæc ipsa muliebria, quia solis mulieribus inter omnigenas feminas fluunt: aut quia (ut inquit Aristoteles) nullis æquè atque his, huius causam esse constat, quia nullum animal æquè sanguineum est, atque homo: nam & inter ipsas mulieres, quæ maximè sunt sanguineæ illis maximè abundant. quòd vero homo sanguine magis abundet, merirò euenit, quandoquidem optimam præ cæteris habet temperiem, & ideò optimo succo generando maximè idoneam. causa itaque talis euacuationis sanguinis redundantia est, ut autem sanguis in fœminis, plus etiam quam in viris redundet, duplex est causa. altera necessaria, altera quæ posita est in fine. necessaria est, temperies frigida & humida, cutis densitas, & vita otiosa. temperies frigida, non quidem quòd ea plus eius succi generet quàm calida, sed quòd minus dissipet, humida cum humoris redundantia semper

Saræ sterilitas.

Mulieres quando concipere desinant.

Menstrua quid.

Duplex causa cur sanguis plus in mulieribus redundet quàm in viris.

semper coniuncta est, merito ergo humida, & frigida (quæ tamen non admodum frigida sit) habet redundantiam quæ non dissipetur, ac proinde euacuatione indigeat manifesta. densa autem curis, & otiosa vita, tollunt dissipationem succorum, & corpora replent. Causa quæ posita est in fine, est bonum prolis. nimirum oportuit talem esse mulieris naturam, ut redundaret sanguine, qui satis esset gignendo foetui, & nutriendo infanti, ea enim est materia generationis foetus, quæque sola, ut cæset Aristoteles, eius materia est, viro vim tantum & efficaciam præstante per semen: ut verò censent Medici, quorum sententia hac in parte videtur probabilior, non sola, maxima tamen ac præcipua: quia ea & ortum primum præbet partium carnosarum, & nutritionem deinceps omnium. atque ut vir præstat efficaciam plurimum, ita materiam minimum. femina contra, ut minimum efficaciam, ita materiam plurimum; præstat verò ea minimum, præter sanguinem. sanguis igitur mulieribus totam ferè præstat generationis materiam, & ob hanc præcipue sunt illa foecundæ. hoc ita esse aperte constat, quia neque gerentibus utero, neque lactantibus fluunt euacuationes menstruæ, his, quia sanguis qui alioqui redundaret, abit in lac: illis, quia insumitur in foetus generationem. neque enim causari possumus ingredientibus utero, viarum defectum. sunt enim, præter eas, quæ alimentum foetui deferunt, aliæ quædam venæ, in os uteri subeuntes, per quas citra foetuum læsionem, raris quibusdam fluunt, etiam utero gerentibus, vel quod ipsæ redundant plurimo sanguine, vel quod foetus sint debiles. itaque fluunt menstruæ euacuatione, quibus sanguis redundat, & ea ipsa redundantia facit ut sint generationi aptæ, hinc fit necessariò, ut eo vitæ tempore solum fluant, quo sunt aptæ concipere; atque ut concipere aptæ non sint, quibus fluere desierunt. nimirum incipiunt fluere mulieribus in initio pubertatis, quatuordecimo, quindecimo, aut usque ad decimum septimum annum, quibusdam etiam citius aut tardius. Ita etiam desinunt non omnibus eodem tempore, sed ferè inter quadragesimum & quinquagesimum annum. Concipiunt itaque, cum incipiunt sanguine redundare: desinunt, cum ob senium incipiunt laborare sanguinis penuria. ut ergo antequam fluere incipiant, concipere non possunt, quod materiam copiam nondum habeant: ita neque postquam cessauerunt, quod iam careant, eandem ob causam videmus, viragines quasdam, mulieres scilicet temperamento viris similes, quibus ob id menses, aut paucissimi aut nulli fluunt, steriles esse, quamquam profectò ne hæc quidem adeò absint à concipiendi potentia, quam senes, quibus naturaliter fluere

Materia generationis.

Generationis efficiens.

Menstrua quibus fiuntur.

Tempus menstruum.

Viragines mulieres.

desierunt: quia iuuenes in humidius transferri posse temperamentum quodammodo, monstrant Medici: senes vero non posse reiuuenescere, plus satis constat. neque certè alia ratione, cui cessauerunt iam naturaliter menstrua, concipere posset, quàm reiuuenescens nam præter causas infœcunditatis puel-
larum, & senum, quas in materiæ penuria posuimus, sunt aliæ nihilo minores, in ipsorum vterorum affectione, nimirum quibus nondum fluxerunt, nondum vterus dilatatus & satis capax est; quibus cessauerunt, siccus iam contractus & durior. est verò pars nervosa, quæ naturaliter nescit reiuiescere. igitur haud dubiè fieri non potest, vt cui naturaliter desierunt muliebria, naturaliter concipiat. dico autem naturaliter desisse cui fluebant antea (quibusdam enim viraginibus, vt dixi. nūquam fluxerunt) neque ob morbum vllum, sed ob senilem siccitatē desierūt fluere. talem porro fuisse Saram, cū singulariter Dei beneficio concepit Isaac, constat cū annorum esset nonaginta.

CAPUT XI.

TRigesimo capite Geneseos: Tollens ergo Iacob virgas populeas, virides, & amygdalinas, & ex platani, ex parte decorauit eas, detrahitque corticibus, in iis quæ spoliata fuerant, candor apparuit. illa verò quæ integra fuerant, viridia permanserunt, atque in hunc modum color effectus est varius. Posuitque eas in canalibus vbi effundebatur aqua, vt cū venissent græges ad bibendum, ante oculos haberent virgas, & in aspectu earum conciperent. factumque est, vt in ipso calore coitus, oves inuenerentur virgas. & parerent maculosa & varia & diuerso colore respersa. Diuisitque gregem Iacob, & posuit virgas in canalibus ante oculos arietum & ouium, vt in earum contemplatione conciperent. quando verò serotina admissura erat, & conceptus extremus non ponebat eas. Et hæc sunt ea quæ erant serotina, Laban, & quæ primi temporis, Iacob. Mirabilem quendam euentum continent verba hæc, quæ duarum nobis dubitationem occasionem præbent. prima est, quam ob causam contemplatio virgarum variegatarum in ipso calore coitus fœtus variegatos esse fecerit: secunda cur Iacob virgas eas gregi opposuerit, in matutino potius congressu quàm vespertino. An quòd in matutino congressu, quàm in vespertino contemplatio rerum oculis obiectarum plus valeat ad similitum fœtum ortum: an quòd is congressus fœcundior sit, an ob vtrumque. Nullus Philosophorum vnquam, huius euentus causam, in ipsum intuitum reiecit, sed in imaginationē, neque ob id factum esse quisquam putat, quòd in virgas oculorum

lorſſi acies intenta eſſet : ſed quòd viſio internos moueret ſenſus, atque gregis coeuntis imaginatio circa illa variegata verſaretur. Itaque conſent omnes, vel hoc vnico exemplo (quam multa alia narrantur his ſimilia) imaginationem rei cuiuſpiam in ipſo congreſſus tempore vim magnam habere , vt factus ei ſimiles fiant , eius verò cauſa non eſt dictu facile. Si enim eiufdē facultatis eſſet de re aliqua cogitare, & generare, aut ad eandem corporis partem pertinerent, fortalſe tolleretur aliquid admirationis : nunc verò facultas cogitādi ad animam pertinet ſentientem, generandi verò, aut ad aliam animam, aut ad aliam animæ partem, aut vt Stoici dicebant, ne ad animam quidem, ſed ad naturam porrò, facultas cognoscendi à Medicis omnibus collocatur in cerebro, gignendi in teſtibus, partibus adeò diſſitis. itaque quod cognoscitur, concipitur ſenſibili animæ parte, cuius ſedes cerebrum eſt, quod gignitur, vtero. quid habent hæc commune, vt iuxta mentis, aut ſenſuum internoꝝum cogitationem, generatio variet ? Imprimis conſtat imaginationem & generationem eiufdem eſſe animantis actiones, ſiue ab eadem anima fluant, ſiue à diuerſis : atqui, quia facultates à quibus fluunt, eiufdem ſunt ſuppoſiti; ad quod actiones omnes referuntur primo, tātā ſympathia eorum eſt (vt & aliarum omnium facultatum, quibus gubernatur animal) vt mutuo ſeſe ad actiones permoueant, & paſſiones. hinc fit , vt cū genitales partes ſemine redundant, imaginatio libidinoſis ſceat phantaſmatis, ob corporis vitium , rurſum etiam , vt cū ob morbum animi imaginatio in rebus libidinoſis volutatur, genitales partes, etſi alioqui non redundarent, turgeant , & irritentur , tantus eſt imaginationis & genitricis facultatis conſenſus. Porrò anima, quæ nihil aliud eſt, quàm eſſentia corporis animati, vt Ariſtoteles dicit ſecūdo de generatione animalium, quæ ipſam tantū eſt actus corporis, ab eo inſeparabilis, huiusmodi eſt quæ ſenſitiua vt nihil poteſt agere ſine corporali inſtrumento, ita neque pati. Si enim ipſa per ſeſe aliquam haberet ſiue actionem , ſiue paſſionem , ſecundū eam ſeparari poſſet. nunc verò non poteſt : ſed vt formæ ligni , aut lapidis, nihil euenit agere, aut pati, ſed ligno ipſi: ita neque formæ equi, aut bouis, ſed equo, aut boui. tametſi ergo dicimus , animam equi cogitare, imaginari, aut omninò ſentire: abuſiue quodammodo id dicimus , quia ex anima id potiùs quam ex materia fluit propriè tamen dicitur, equum cogitare, imaginari, atque ſentire & mouere ſeſe ſentire, atque vtcunq; cognoscere, iuxta eam Philoſophorum ſententiam , quæ maximè probatur, quoddā pati eſt. id verò peti, nihil eſt aliud, quam animā ipſam quodam

Imaginationis vis ad formandum ſortum.

Facultatū ſedes.

Facultatum ſympathia.

Anima immortalis quid.

Brutorum opera.

Anima
quodam-
modo
omnia.

quodammodo fieri illud ipsum quod agnoscitur: quapropter anima quodammodo omnia est, quia cum omnia possit agnoscere, omnium quodammodo speciem potest recipere. non quidem recipit ipsa per sese, sed cum corpore: ut neque sentiat per se, sed cum corpore, siquidem monstrauiamus, nullam eam habere per se, neque actionem neque passionem. igitur ipsum animal quod agnoscit, fit quodammodo, secundum partes etiam corporales, simile ei quod agnoscitur: non quidem secundum partes corporales, quæ corporales, materialesque sunt, sed quæ sunt formaliter (ut dicunt) instrumenta sensuum. non enim oues ipsæ cum contemplarentur variegatas virgas, fiebant variegatæ corporaliter, ut cernentibus tales viderentur: fiebant tamen quodammodo (quæ scilicet secundum sensuum organa, actu cognoscebant) variegatæ. itaque animal actu cognoscens, secundum organa corporalia, fit spiritaliter simile rei quæ agnoscitur, quod autem gignit, facit sibi simile: nam hoc ipsum est gignere. si ergo quod actu agnoscit aliquid, est ei actu simile & quod gignit simile sibi facit, quod simul cõtemplatur aliquid, & gignit, gignet aliquid simile ei, quod cõtemplatur, quia tale est ipsummet. hoc autem ut eueniat, necesse est ut contempletur in ipso calore coitus, ut simul & generet & contẽpletur. non enim animal generat simile sibi, secundum id quod fuit aut erit, sed quod est tunc actu. Sed dicēs, corporales species, quæ in animali cernuntur, ut magnitudinem, figuram, & colorē, merito deferri cum semine, utpotē materiali principio. istas verò, siue species, siue similitudines spirituales, etsi in corporibus sint, non videri posse ita deferri. certē istæ species, siquidē in organis corporalibus recipiuntur, ut indicatū est, non possunt esse omninò spirituales, ad spiritalium verò naturam magis accedunt, quàm quæ cernuntur, quia sunt sensibilibus quædam insensibiles effigies, atque cum spiritaliter quodammodo in generante sint, in eo quod gignitur, ob diuinam vim seminis, corporaliter imprimuntur. Ea vis est, ut Arist. dicit accedendi ad omnia quod nihil aliud est, quàm semen esse, quod vim habet efficiendi membra omnia, animantis cuius est, veluti in semine humano, potentia sunt partes omnes hominis, quia omnes natum est facere, aut ex sanguine fœmineo, aut ex seipso: in equino eadem ratione sunt omnes partes equinæ. neque solum est differentia seminum, secundum differentiam generis, ut ex equino equina; ex humano humana fiant, sed & singulorum, ut semen Petri ad partes Petri natum sit accedere, potius quàm alterius. eam vim accepit ab anima generantis, potius quàm à corpore. factiux enim omnes facultates à forma fluunt, passiuæ à materia.

Cognos-
centis &
cogniti si-
militudo,
Fœtus si-
militudo.

Semen
quodam-
modo a
anima.

ria. quod ergo effectiuum in semine, est ab anima, & quod generat, secundum animam potius generat, siquidem id facere est. generari verò à corpore formando primum incipit, siquidem id pati est, & accipere. transfert ergo vim effectiuam generantis, quæ animæ præcipue est, in corpus rei generandæ. Consentaneum est ergo vt ea potius deferat ex generante, quæ illi secundum animam insunt, quàm quæ secundum corpus, eaque in corpus potius rei generandæ transferat, quàm in animam. Igitur consentaneum etiam, vt in corpore geniti corporaliter fiat, quod in generante erat spiritualiter, quapropter fiet, vt ab albo animali nigrum cogitante, nigrum generetur, potius quàm à nigro, cogitante album. Ex dictis faciliè constat, vim hanc & efficaciam cogitationis, in brutis potius esse quàm in hominibus. hominum enim mens diuina cum sit, & soparabilis, multa meditatur sine instrumento corporali, atque cum corporali instrumento vtitur, vt illi minus hærens, minores illi infigit affectiones. itaque hanc imaginationis vim in prole permutanda, multò magis licet experiri in animantibus mutis, quàm in nobis, quo fit, vt quod de ouibus, animalibus insensatissimis, narratur, sit naturæ rerum maximè conforme. Animaduertendum verò, eam vim, non maribus solùm aut fœminis, sed vtrisque inesse, & tunc maximè tale aliquid euenturum, cum contigerit vtrumque, marem dico & fœminam, in ipso calore coitus, de eadem re efficaciter cogitare, vt tunc contigit. Ita enim dicitur, *Et posuit virgas in canalibus ante oculos arietum, & ouium, vt in earum contemplatione conciperent.* Est verò hoc valde consonum illi Philosophorum sententiæ, quæ maximè probatur, & statuit, vtrumque parentem efficientem vim & materiam conferre ad generationem, vterque ergo cum vim faciendi præstet, & amborum congressu vna quædam potentior causa fiat, vis permutandi imaginatione fixrum, vtrique inerit aliquatenus, euidenter tamen ea permutatio non fiet fortasse, nisi cum contigerit ambos in eo congressus momento, eandem rem imaginari. Vt ergo exempla euentuum huic similium, multa non sint, duplex videtur esse causa. Altera quòd vtrumque in eadem imaginatione fortiter hære, non nisi fortuito & raro accidit. Altera, quòd hoc in animalibus mutis, potius quàm hominibus, natum est fieri: quæ non possunt nobis suas imaginationes narrare. sunt nihilominus nonnulla exempla. D. Aug. 18. de ciuitate Dei, c. 5. in hanc ipsam causam refert, quòd apud Ægyptios nunquam deficeret bos quidam, maculis quibusdam candidis insignitus, quem Apim vocabant, & pro Deo colebant. Censet enim

Genera-
tionis ef-
ficiens.

Exēplat.

dæmo

Apis tau-
rus.

Congres-
sus matu-
tinus.

Somnij
utilitates.

dæmones id fecisse, ad decipiendos Ægyptios phantasiā ta-
lis tauri, quam solam cerneret, vaccæ concipienti ostentantes:
*Vt libido (inquit) eius attraheret, quod in eius fœtu iam corporaliter
appareret.* quibus verbis nihil aliud potest Augustinus innuere,
quàm quod ego explicui. nam libidinem vaccæ attrahere, quod
in eius fœtu deinceps corporaliter appareret, quid aliud sit,
quàm vaccam in ipsò feruore coitus (spiritaliter concipere for-
mam, & speciem, quæ deinceps in fœtu corporaliter exprime-
retur? Galenus quoque libello de theriaca ad Pisonem, narrat,
mulierem quandam intuitu pulcherrimæ picturæ, pulchrum
infantem ex deformi patente concepisse: *visu (inquit) opinor,
natura imaginem transmittente*, quæ verba obscura admodum
sunt: non enim explicat, quomodo vsus imaginem trāsmitat
naturæ, sed mihi dictum iam est. Quod ad alteram dubitatio-
nis partem attinet, his dictis, facilius sit explicare, videntur haud
dubiè Iacob, vtraque causa, virgas in congressu matutino
potiùs quàm vespertino, gregi obiecis- se: quod scilicet eo con-
gressu copiosior conceptio fiat, & quòd imaginatio in eo sit
efficacior, nascuntur ambo hæc, & ex animalium victu, & ex
natura temporis. Ex animalium victu, quia natura compara-
tum est, vt animalia omnia (præter pauca quædam, in quibus,
quia contrà faciunt, contrà etiam eueniet, quod nunc dicimus)
noctu dormiant, interdiu vascantur, & laborent. Coitus ergo
matutinus est à somno, ante cibum, vespertinus à cibo ante
somnum. quapropter manè semen concoctius est, & cerebrum
in quo imaginatio præcipuè viget, expeditius, liberius, & ma-
gis fulgens. Somnus enim concoctionem ciborum maximè
iuuat, & cerebri vapores absomit, vigorémque præstat anima-
li vncatæ à Medicis facultati, cuius opera sunt, sentire & mo-
uere. igitur & semen ob concoctionem meliorem, erit fœcun-
dus, & imaginandi vis, ob recentem refectionem spirituum (re-
ficiuntur enim somno) & deeneratione cerebri, erit efficacior.
vesperi contra semen (vt neque alius succus) concoctionem
tantam non acceperit, caput vaporibus ex ventre multis &
crassis grauatum, & velut obtenebratum sit, & facultas longa
iam vigilia defatigata euenient ergo contraria. Ex natura etiā
temporis nascitur hoc idem. Nam vt veterrimis etiam Philo-
sophis, & qui ante Hippocratem fuerunt est celebratissimum,
& rationi maximè consonum, temporum differentia pluri-
mum valet ad mouendum animalium corpora, atque adedò res
omnes alterationi subiectas. atque cùm astorum motus, ac-
cessusque & recessus, tempora varient, Sol præcipuè id facit.
vnde euenit, vt diei cuiusque partis quatuor, manè, meridies,
vesperum,

vesperum, & nox media, quatuor anni partibus respondeant, veri, æstati, autumnno, & hyemi. quia ut motum, quem Astrologi vocant proprium, toto anno complet Sol, ita quem vocant motum raptus, complet singulis diebus: atque ut motu illo accedit & recedit secundum cœli amplitudinem, ita hoc secundum longitudinem, & ut hyeme plurimum à nobis abest, ita nocte media, & ut æstate proximus, ita in meridie, & ut autumno abit ita vesperi, & ut vere venit, ita mane. est ergo matutinum tempus verno, & vespertinum autumnali simile. ut ergo corpora degunt vere saluberrimè, & maximè valent, autumno insaluberrimè degunt, & languent maximè, ita etiam summo mane, optimè, vesperi, pessimè habebunt, ad omnia quidem, maximè verò ad generationem: nam vere omnia oriuntur, autumno ralescunt, & intereunt. anima itaque & corpus sunt mane vegetiora, quare & imaginatio erit fortior, & semen fecundius vesperi contrà.

Anni partes.

Anni partium cum dici partibus comparatio.

CAPUT XII.

Capite 34. Geneseos: Et ecce, die tertio, quando gravissimus *vulnerum dolor est, arreptus, duo filij iacob, Simeon & Levi fratres Dina, gladiis, ingressi sunt urbem confidenter. Cur vuln* *Vulnerum dolores*
rum dolores soleant esse tertio die gravissimi, ad Medicum tertio die
pertinet considerare. Dubitet verò hoc loco quispiam, an *graviissi-*
universum ita habeat, sitque omnis vulneris dolor die tertio *mi.*
gravissimus, an illorum tantum vuln
agebatur, præcisi inquam præputij: atque alterutrum horum
fit, cur potius tertio quàm secundo, aut primo, aut sequen-
tium aliquo. Hippocrates libello de fracturis, iuxta Galeni
divisionem commentario tertio, ita reliquit scriptum: Ter *Specilli*
tio & quarto die vulnera omnia minimè sunt exagitanda, & ut *quando vi-*
in summa dicam specilli quoque omnes admonitiones vitandæ his *tandi.*
diebus sunt, omniaque alia quibus vulnera irritantur, in totum
enim tertius & quartus dies in plerisque vulneribus exacerbatio-
nes parit, & quæ in inflammationes & sordes incitantur, & qua-
cunque in febres tendunt. unde magni admodum momenti si
quod aliud, documentum hoc est, nam quæ sunt in mediendi
arte gravissima, quibus id non sit commune? non enim perti-
net ad ulcera tantum, sed ad alios quoque morbos complu-
res. His verbis Hippocrates satis apertè docet, non in his
aut illis, sed in omnibus etiam ulceribus solere dolores ter-
tia & quarta die fieri graviores, nam de ulceribus, quæ cum
fracturis

Dolores
cur die
tertio
grauissi-
mi.

fracturis fiunt, agens ad omnia vlcera, quin etiam ad omnes morbos sermonem transtulit: significans, vlcera omnia magna & notatu digna (exigua enim vlcera nullas solent afferre exacerbationes) solere diebus, tertio & quarto, fieri grauiora. Causam verò huius rei proximam ipse insinuauit, dicens, *Et qua in inflammatione & sordes incitantur & quacunque in febres tendunt.* nimirum, quia inflammationes & fluxiones, & febres, diebus tertio & quarto solent vulneratis partibus superuenire. prima enim die, qua quis vulneratus est, dolor tantum esse solet ex ipsa carnis diuisione, dum vulneratur, aut particula tractatur Chirurgi manibus, à curatione verò citò conquiescit, cessante scilicet dolendi causa, quia dolor non fit cum sceta iam est pars, sed cum secatur. Cum enim dolor sit sensus rei corruptentis, moueat verò sensum non facta iam, sed quæ sit passio, mox ac cessat externa causa, manet pars sine dolore, atque (nisi in paucis quibusdam, quos contingit esse paratissimos) sine febre, vsque dum noua alia causa dolendi aut febricitandi accedat, vsque dum scilicet, conuocata ad partem malè affectâ fluxione, succrescat inflammatio, aut sordes multa, atque ob hæc nonnunquam etiam febris. proxima itaque dicti euentus causa hæc est. cur autem non ante tertium superueniat fluxio, aut non diutius protrahatur (quæ prima propositæ dubitationis pars est) nondum diximus: neque verò Hippocrates dixit, neque Galenus in cōmentatione apposuit nisi fortè eam Hippocrates insinuauit dicens: *Non enim pertinet ad vlcera solum, sed alios quoque morbos complures.* Nimirum eadem esse videtur causa in vlceribus, & in aliis omnibus morbis pendentibus ex materia, & habentibus exacerbationes (cum vlcera, non ob ipsam propriam essentiam, sed ob fluxiones exacerbentur) ea est natura humorum, qui commoti, & exagitati, morbos faciunt, & augent. fiunt enim morborum circuitus, siue quotidiani, siue tertiani, siue quartani, cum sunt in corpore partes quædam paratæ recipere, quædam mittere, apparatus recipientium est, dolor, aut debilitas: mittentium, multitudo succorum, aut vitiosa qualitas, vlcerata ergo particula parata est recipere, debilis enim est necessario, neque sine dolore; nisi ergo corpus reliquum vacuatissimum & purissimum esse contigerit (ita enim fortasse nunquam redibunt magni dolores) nihil deest ad humorum influxus, ipsis verò seruantibus suas naturas, influet die secundo pituita. succus mitis, moderatus, minimèque imitans; tertia die bilis flaua. succus acer, mordax, & impensè calidus, cum quo ob dolorem, necessariò accurrit sanguis, paritque phlegmones & febres, quæ cum mitescere intra diem non possint

Vlcerum
exacer-
bationis
causa &
tempus.

Morborū
circuitus.

possint, sed cum citissime intra viginti quatuor horas, ut quæ à causis externis ortum habent, necessario incidunt in diem sequentem, qui est quartus ab accepto vulnere. hæc itaque est causa qua vulnere dolores solent die tertia exacerbari. atque eadem cauta Chirurghi, ut Hippocrates monet, post primam seu admotionem labiorum, seu consutionem (ut res exiger) non debent usque ad diem quartum vlcera irritare, neque aliter tangere, quam leuiter, quæ inflammationem arcent, ad-mouendo.

CAPVT XIII.

CAp. 46. Geneseos: *Cunctæque anima quæ ingressæ sunt cum Iacob in Ægyptum, & egressæ sunt de femore illius, absque vxoribus filiorum eius sexaginta sex.* Hæc eadem verba repetuntur in initio Exodi. Egressos esse ex femore Iacob dicit filios & nepotes, qui ab eo geniti sunt. Causam habet ea phrasis naturalem, in hominum & genitalium partium compositione. nimirum vasa seminalia, quæ meliorem ac puriorem deferunt sanguinem in testes, ut in ipsis semen fiat, sunt venæ quædam, quæ ortæ ex venis, quæ in lumbis discissæ in crura iam descendunt, antequam in tres ramos, qui per crura decurrunt, distribuuntur, recurrunt per femora in testes in viris, & in mulieribus in vterum nam venæ quæ ex caua eo ferè loco quo sibi sunt renes mittuntur in testes, sinistra quidem venit ex emulgente vocata, quæ serosum sanguinem in renem deferret, atque ob id ipsa quoque serosam materiam in testem transfert: dextra vero non multò post exortum emulgentis. quare ne ipsa quidem satis expurgatum deferret sanguinem, saltem non adeò ac venæ, quæ multò post ortæ, ex ipsis femoribus recurrunt, quæ ob id est verisimile, etsi non adeò multam materiam atque superiores, quia minores multò sunt, tamen præstare vtiliorem ad generationem sæcundi seminis, meritò ergo in sacris eloquiis generatio ad femora refertur. ut & Iacob in Iudæ benedictione dixit. *Non auferetur sceptrum de Iuda, neque dux de femore eius,* & hanc ipsam ob causam s. cap. Numerorum, inter adulteræ maledictiones, illud præcipue præcipiebatur sacerdos dicere, *Ingrédiantur aquæ multa in ventrem iuum, & utero putrescente putrescat femur.* ut scilicet, per quæ quis peccat, per eadem puniatur. ut dicitur 11. cap. Sapientiæ.

Generatio
ad femora
refertur.

Seminis
differen-
tiz.

Adultera
maledic-
tio

CAPVT XIV.

CAp. 3. Exodi: Ait Moses ad Deum, Ecce ego vadam ad filios Israel, & dicam eis: Deus Patrum vestrorum misit me ad vos. Sidixerint mihi, quod est nomen eius? quid dicam eis? dixit Dominus ad Moysen, Ego sum qui sum; & sic dices filiis Israël. Qui est, misit me ad vos. Itaque rogatus Deus quod sit nomen suum, respondit, qui est, David quoque secundum eundem spiritum Deum alloquutus inquit Psal. 92. à seculo tu es atque adeò Iesus servator noster, diuina autoritate, qua & deturbauit eos. respondit (quærentibus se, ego sum, sed cur potius dicitur Deus esse, qui est, quàm qui bonus, siquidem vt ipsemet dicit in Euangelio, solus Deus bonus est; aut quàm qui sapiens, aut quàm qui fortis, siquidem hæc omnia est æquè infinitè, & æquè primò? Certè huius rei causam à nullo meliùs accipies, quàm à D. Dionysio, c. 5. de Diuinis nominibus, quod inscribitur de ente. illi ergo volo accepta referri, quæ à me dicentur in hac quæstione. Cùm dicitur, qui est, duo licet nobis intelligere, aut simpliciter qui est, aut qui semper est vtrouis modo intelligas, est maximè consentaneum, vocari Deum, qui est, potius quàm aliud quiduis. primo quidem modo, quia cùm Deus definiri, aut nominari non possit secundum substantiam & essentiam propriam, quia ea à nullo viuientium agnosci potest, necesse est nominetur ex bonis, quæ creaturis communicat: quæ quidem omnia, quandoquidem creaturis non sunt simpliciter, sed quodammodo, necesse est esse in Deo modo quodam eminentiori: quoniam autem, etsi sint in Deo omnia æquè perfectè, & primò, non tamen omnia æquè communicantur omnibus, sed quædam pluribus, quædam paucioribus, æquum est nomen tribui Deo, ab eo quod communicat omnibus; illud verò tantum est, esse. nam intelligere tribuit paucis, sentire aliquantò pluribus nutrirì & crescere pluribus adhuc: esse verò omnibus. secundo autem modo dicitur Deus, qui est, hoc est, qui semper est, quia cùm alia omnia creatis rebus tribuat habere aliquatenus, omnia enim & sunt, & bona quodammodo sunt, tamen æternum esse nulli accidit, nisi soli Deo, vt mōstratum mihi est in initio huius operis. Coniunctis ergo vtrisque, dicitur Deus, qui est, quia esse omnibus rebus tribuit, & esse semper, sibi soli habet, nam aliud quiduis est aliquando ens, aliquando non ens, solus verò Deus simpliciter ac semper ens. hoc etiam assequuti videntur Philosophorum optimi. nam Arist. cap. 4. lib. 3. de Physica doctrina, Diuinum & Deum, asserit dixisse plurimos Philosophos, quod æternum,

Dei nomina.

Est, dupliciter dicitur.

Deus indefinibilis.

æternum, immortale, & nulli interitui obnoxium. Plato quoque in dialogo de Natura, ita differit de Diuina essentia. *Dicimus de illa, est, erat, & erit, sed illi re vera solum esse competit.* Quapropter garrulitatem esse puto Platoniorum quorundam, affirmare, ex sententia Platonis, vnum & bonum esse priora ente, atque adeò Deum non dici ens, quia scilicet Plato in Parmenide, in suppositione prima dicit, *Nullo igitur modo est ipsum vnum, & rursum. Non itaque ita est ut sit vnum, esset enim iam ens & essentia participes.* verum quandoquidem ipsemet Plato loco citato ex Timæo dicit, *illi re vera solum esse competit,* constat illum censere Deum esse re vera, non autem esse ut reliqua, quæ non re vera, sed quodammodo sunt, in tempore scilicet, & cōposita. Deus verò modo quodam eminentiori, & per se est extra omne tempus, & citra vllius essentia participationem, sed vnum & simplicissimum. quod nihil aliud est, quàm quod nostri Theologi dicunt apertius; ens dici analogicè de Deo & creaturis. ita verò dicuntur & alia omnia eius nomina, Vnum, verum, & sapiens: quia secundum nullum illorum habet vllam communem essentiam cum re alia extra se, neque continetur in vlla entis Cathegoria. Omnia enim illa dicuntur de Deo æquè primo, & eminenter, quin potius sunt in eo ea omnia vnum. vnde dictis de causis, quas ex Dionysio accepimus, satius est Deum nominari per ipsum esse, quod ipsius Dei testimonio hoc loco constat. Esse verò legitimam Platonis enarrationem, eam quam diximus, cuius legenti dialogum illum patebit. non enim ille aliam causam adhibet, qua vnum non dicatur esse, quàm quòd esse tempus præsens contineat, & quòd ens participatione alicuius essentia fiat; illa verò duo non congruunt Enti ut vnum est, sed ut multa, quæ creata sunt. itaque Deus non est, ut sunt hæc: atque ipsum esse, ut de his & illo dicitur, non est vniuocum, ut verò Deus est, non accidit illi prius vnum & bonum quàm ens, alioqui nulla ratione minus esset vnum, quàm habens quædam alia aliis priora. sed in Deo adeò non est prius & posterius, adeò omnia illa nomina significant vnum, ut ne ratione quidem differant, nedum possint prioris & posterioris ratione differre. ita mihi videntur multi Platoniorum facere, ne intelligendo, ut nihil intelligant, qui parum abest quin dicant cum insipiente, *Non est Deus.*

Ente quæ priora.

Entis analogia.

CAPVT XV.

EXodi 15. *At ille clamauit ad Dominum, qui ostendit ei lignum, quod cum misisset in aquas, in dulcedinem versa sunt.*

De ligno
in aquas
à Mose
missio.

Cum hoc legimus magna subit dubitatio, an lignum in aquas missum, naturali quapiam facultate dulcedinem intulerit, an id voluntate Dei, & miraculo effectum sit, in figura maioris cuiuspiam sacramenti. atque plerisque hoc videtur probabilius, primùm quidem, quia nemo, neque Medicorum, neque qui naturalem historiam scripserunt, talem facultatem vquam videtur agnouisse. neque facilè videtur dici posse, aut excogitari, quam passionem inferret id lignum aquæ, vt amaritudinem eleuaret, cum præcipuè in Historia scholastica, ex sententia Hebræorum, dicatur id lignum fuisse amarissimum, & mortiferum; deinde, neque si talem vim habere potest lignum, potest ea in magnum flumen, aut ingentem locum vt, habet enim modum quemdam facultas omnis naturalis, cumque secundum magnitudinem eius quod facit, & accipientis, non enim si magnes trahere potest ferrum, continuò possit trahere mentem ferreum, neque ferri exiguum quantuluscunque lapis, sed tantus tantum, omnes autem naturæ fines videtur excedere tantam aquæ molem, à ligno non maiori, quàm vt à Mose posset apprehendi, & in aquas mitti, tantam recipere alterationem nihilominus videtur necessarium fateri, secundum naturalem aliquam facultatem, illud esse effectum, quandoquidem cap. 39. Ecclesiastici in confirmationem operum medicinalium, & virtutum medicamentorum, & commendationem artis dicitur, *Nonne à ligno indulcata est aqua amara.* Nisi autem naturali aliqua ligni facultate id factum esset, quale obsecro esset argumentum; certè tale, ac si diceret: magna vis medicinæ est, quia infusio aquæ benedictæ, & admotio Crucis, & reliquiarum Sanctorum, ad omnes morbus prodest. immò verò ob hoc ipsum dicent multi, opus non esse medicina: quod scilicet vita & mors, sanitas & morbus, penes Dei voluntatem esse videatur, non penes artem vllam Respondent à contraria sententia Ecclesiasticum proferre illud exemplum, vt ex eo quod miraculosè Deus fecit per lignum, indicaret omnia etiam illa quæ naturaliter efficiuntur per creaturas, ad Deum esse referenda Mihi verò videtur id exemplum indicaturum, non solùm à Deo esse tributas rebus virtutes, sed suspicionem etiam illarum, nullas omninò esse naturales ipsarum rerum, sed à Deo ipso effici quiduis, vt immisso ligno

De medicina.

ligno in aquas factæ sunt dulces. quapropter censendum potius videtur, naturali aliqua ligni virtute effectum esse illud. Aque autem dulcedo:
 iuvat plurimum hanc sententiam, quod Hebraicæ linguæ periti dicunt, iuxta suum idiomata legendum potius fuisse, *Clamavit ad Dominum, qui docuit illum lignum*, quod quid aliud est, quàm docuisse illum ligni facultatem, & virtutem? Certè cùm Deus ostenderit Mose lignum, quo aquas dulces efficeret, necesse est indicasse illi lignum tali præditum facultate, aut simul indicasse lignum, & illi tamen facultatem indidisse, cùm eam nullatenus haberet antea, aut nulla facultate data ligno, ipsummet Deum, cùm iniectum à Mose est, aquas reddidisse dulces. hoc vltimum nihil penitus haberet cum medicina, neque vllum argumentum in artis laudem, aut fidem, capi posset. nam mera Dei voluntate res esset acta. supersunt igitur priora duo. Rursum si lignum tali præditum erat facultate, aut tali tantæque erat præditum, vt naturaliter, nihilque denuò apponente Deo, posset tantam, adeò amaram aquam, reddere potui aptam, aut eam Deus, naturalem alioqui, ligni vim, nouo quodam intuitu auxit, atque fortiozem fecit. Quod horum fecerit Deus, non possum vlla monstracione indicare. nam his omnibus modis solet in homines beneficia conferre atque qui dicet, Deum tribuisse ligno facultatem, qua antea caruerit argumentum fidei artis medicæ, ita concludet. quandoquidem Deus tribuere potuit ligno facultatem adeò mirabilem, alterandi scilicet magna flumina, non est diffidendum quin herbis, lapidibus, ac metallis, alterandi nostra corpora dederit vires, vt, scilicet, argumentum sit à maiori, multò autem firmitus argumentum, & ad rem ipsam propiùs accedens sit, ab exemplo, ita scilicet, non est contemnenda medicina, quasi magnam vim non habeat transferendi ægrotantium corpora in pristinam sanitatem maximas enim vires habent res quamplurimæ, pluris modis afficiendis res alias. Exemplo est lignum, quod aquas amaras reddidit dulces. ob hæc mihi videtur magis consentaneum, lignum illud naturali vi aquas fecisse dulces. atque de ea facultate dixerim ego duorum alterum, aut esse secretricem aquæ, & exustæ terræ, similem ei qua acetum fundens lac, serum fecerit (nulla enim ratione melius possit aqua ex salsa dulcescere, quàm secreto sale, atque ita neque ex amara quàm secretis terræ valdè exustæ partibus, talium quippe admistione sit amarus sapor) aut esse tractricem partium amararum, gratia similitudinis (si modò credimus dicentibus fuisse amarissimum lignum) atque alliciendo ad sese, imbibendoque amaras aquas partes illam dulcem & potui aptam reddidisse. Crediderim

sanè eam facultatem , quæcunque in ligno fuerit , plus solito tunc , annuente Deo , valuisse : velut medicamenta existimo nonnunquam , plus quàm aliàs , valere , ob gratiam Numinis , nimirum Deus prima causarum est , quare aliarum quæcunque ita mouere poterit , vt ipse exordiatur motum . ita enim euenit , in causis omnibus , quæ ordine positæ sunt .

CAPVT XVI.

Secundo capite-Leuitici : *Omnis oblatio , qua offertur Domino , absque fermento fiet , neque quidquam fermenti ac mellis adolebitur in sacrificio.* Paulò infrà , *Quidquid obtuleris sacrificij sale condies , & rursus , In omni oblatione offeres salem.* Mirum est , tol-
 lenne fuisse , non solùm in veri Dei , sed etiam falsorum Deorum sacrificiis , sale vti , quod quidem intelliges ex Plinio lib. 31. c. 7. vbi de salis laudibus agens , inquit , *Maximè autem in sacris intelligitur eius auctoritas , quando nulla conficiuntur sine mola salsa.* Quapropter suspicor eam consuetudinem fluxisse à primis illis nascentis mundi sacrificiis , quæ Deo Optimo Maximo offerebant , & inde in omnium gentium sacros ritus deriuatam esse , cõsentaneum enim est censere , falsos illos sacrorum ministros , à veris sacerdotibus accepisse eam consuetudinem , Dæmonibus id poscentibus , quòque maximè fieri posset , diuina sibi offerrentur sacrificia : potiùs quàm veri Dei cultores , falsorum ritus esse imitatos . Verum itaque esse fatemur , quod Plato in dialogo de Natura dicit : *Sal Deo amicum corpus.* quod cum præ-
 senti loco maxime congruit . poscit enim Deus in omni oblatione offerri sibi salem , quasi sibi gratum & amicum corpus . sed quo pacto potest salis corpus esse gratum , & amicum Deo potiùs quàm fermenti & mellis (quæ tamen duo respuit Deus) aut alterius cuiuspiam rei ? videri possit alicui , esse vllam causam naturalem , velut fortè aliquam sympathiam , aut antipathiam diuinæ naturæ cum his , aut illis corporibus , ob quam his delectetur , ab illis abhorreat . quia & dæmones , qui sunt etiam incorporei , quibusdam corporibus allici , quibusdam fugari quasi experimento confirmatum affirmat omnis antiquitas . quin & vocati exorcistæ , suffitu rerum fœtidarum , vt caprini stercoreis , & admotione rutæ , & hypericonis , quæ ob hanc causam fuga dæmonum appellata est , vtuntur . Tobjæ quoque suffitu exusti iecoris fugauit dæmonem , idque præcepto Raphaëlis , eò vsque procedunt nonnulli eorum , qui de dæmonibus sunt philosophati , vt eorum quosdam affirmant rebus qui

Salis vsus
in sacris.

Exorcista-
rum vis.

quibusdam delectari, quas alij habeant exosas, itaque multorum sententia est, esse rebus incorporeis cum corporeis familiaritatem, aut dissidium. unde fieri videtur posse, vt Deus quibusdam corporibus, plus quam aliis, delectetur, cum præcipue quædam alia loca sacra scripturarum, hoc idem videantur innuere. nam in libro Iudicum capite nono ita est scriptum. *Nunquid possum deferere vinum meum, quod latificat Deum & homines?* itaque innuit sacra eloquia delectari Deum sale & vno, offendi verò fermento, & melle. quid sibi volunt hæc; aut quæ est causa? Dæmones quidem ob hæc, & his similia censebant omnes Platonici, corporeos esse, & alios terreos, alios aqueos, alios igneos, aëreos alios: quod illi huic, alij illi corpori habeant naturam propinquorum, & eò maximè delectentur. fiet sanè necessariò ex horum sententia, vt quia cum elementis his aut illis habent naturalem familiaritatem, cum concretis etiam quibusdam habeant sympathiam, aut antipathiam quandoquidem concretum quodcunque corpus, ad hoc aut illud elementum pertinet, vt multis in locis, præcipue quarto libro meteorum indicatum est. Aristotelis quoque placitis mihi videtur consonum, nihil esse in rebus quod per se subsistere possit omnino incorporeum, præter primam causam. quia ille asserit omne, quod mouet moueri, vsque ad primam causam, quæ sola mouet & non mouetur; & nihil moueri quod non sit diuisibile & corporeum. Ex quibus assertionibus fit, vt prima solum causa sit incorporea. Nam si omnis causa præter primam mouetur, & omne quod mouetur est corporeum, omnis causa præter primam corporea est. Omnium ergo Philosophorū placitis videtur consonum, Dæmones esse corporeos: quâquam id profectò verum non est. Nam aut haberent corpora elementaria, hoc est, naturæ corporaliū elementorum (terræ dico, aquæ, aëris, & ignis) participia, aut cœlestia, velut Aristoteles innuit secundo de Generatione animalium cap. 3. de animabus, quas velut substantias quasdam, separabiles eo loco imaginatur, differens his verbis: *Sed enim omnium animarum seu virtus siue potentia, corpus aliud participare videtur, idque magis diuinum quam ea que elementa appellantur. Verum prout nobilitate aut ignobilitate anima inter se differunt, ita & natura eius corporis differt. Inest enim in semine omnium, quod facit vt secunda sint semina, videlicet, quod calor vocatur, idque non ignis, non talis facultas aliqua est, sed spiritus, qui in semine spumosoque corpore continetur, & natura quæ in eo spiritui est proportionè respondens elemento stellarum.* Hæc Aristoteles. Sed, si dæmones elementaria haberent corpora, pari quidem possent ab his

Deus quibus delectari dicatur

An dæmones habeant corpora

corporibus quæ penes nos sunt , & voluptate ac dolore ab illis affici : si verò hæc , & corrumpi , essentque natura sua mortales, quod cuius videatur esse absurdum ; sin autem haberent corpora cœlestia , aut cœlestibus hac in re similia , quòd immortalia essent , essent ita quoque inalterabilia , & voluptatis & doloris incapacia, quia dolor & voluptas sensus quidam est, ille tristis, hæc iucundus : sensus verò actus , sine sensorij alteratione non est. igitur ponere corporales dæmones, nisi etiam ponas mortales , quò delectentur aut doleant obiectu rerum corporearum, superuacaneum est , & insufficiens, quapropter Apuleius libello de Deo Socratis , cuius meminit Diuus Augustinus octauo de ciuitate Dei , contradictionem inuoluit in dæmonum definitione, dicens, eos esse genere animalia, animo passiuâ, mente rationalia , corpore aerea , tempore æterna. genere enim animalia esse dicit, quòd corporibus constent & animis , animos verò eorum passiuos , quòd irascantur iniuriis irritati, & donis placentur, & gaudeant honoribus, ac denique eisdem, quibus hominum animi , perturbationibus agitentur. si verò animalia sunt, atque ita timore, mœstitia, & gaudio afficiuntur , non possunt non habere etiam corporis patibilia. nam motus huiusmodi corporales sunt , feruētque cor per iram, contrahitur per timorem & mœsticiam , effunditur gaudium. quòd si dicas in homine esse has passiones corporales , in dæmonibus verò pertinere ad solum animum , esseque aliud genus, iræ, timoris, mœstitiæ , & gaudij , sit vt illorum animi nullas actiones per corpora exerceāt (quas enim potius quàm has ?) quare non magis erunt illorum corporum actus , neque animalia efficient , quàm animæ intra restaceas ollas conclusæ : neque ex illis corporibus & animabus constarent supposita , cùm actiones non essent totius compositi : sed animæ ipsæ per se , essent supposita , corpora verò ferrentur ab animabus, vt vasa fictilia quæ ab inclusis animalculis transferuntur. præterea, si sunt corpore aerea, non possunt non habere contrarietatem cum terreis , & cum omnibus elementis, ac concretis corporibus communem materiam, quare & corruptilia necesse est sint. quòd si hîc quoque fingas aliud aeris genus, à corruptibili hoc quo suffundimur, diuersam, primùm quidem non est iuxta ipsius Apuleij mentem , siquidem quia aerei sunt dæmones , affirmat in aere & infra cœlum ipsos viuere. huius igitur aeris, quem incolunt, habebunt naturam, non alterius, quem non incolunt, hic verò corruptibilis est , & quæcunque eo constant, necesse est esse corruptibilia. Portò, si alio aere impatibili cōstant, nullum habent sensum : quia sensus nullus agi potest

Sententia
Apuleij
de dæmo-
nibus.

potest quin proprium sentiendi instrumentum patiantur à sensibilibus : insensibilia verò corpora non sint animalia , neque problematum , quæ proponebantur , qui scilicet fiat vt quibusdam rebus delentur , alias habeant exosas , reddita est vlla causa . satius ergo est existimare , incorporeos illos esse , vt sunt natura indissolubiles , quare Diuus Augustinus (vt hoc quoque dicam obiter) octauo de Ciuitate Dei , capite 15 . vbi ita scripsit : *Abste vt ista considerans animus veraciter religiosus , & vero Deo subditus , ideò arbitretur demones seipso esse meliores , quòd habeant corpora meliora .* vbi , inquam , hæc dicit Augustinus , ne putetur concedere demones habere corpora meliora , sed negare hanc consequutionem habent corpora meliora , ergo sunt meliores . porrò in verbis illis Psalmi ceterisimi textij , *Qui facis Angelos tuos spiritus , & ministros tuos ignem vrentem* , nomina illa spiritus , seu aer , & ignis significant metaphoricè substantias corporeas magnæ virtutis , ac potentie , non tamen quòd verè aerei aut ignei sint , nam præter dicta quantum , non est in ratione substantiæ , sed accidens quoddam illius , vt igitur est in rerum vniuersitate substantia quanta , sic etiam aliqua non quanta , ea autem non sit solùm quæ incorporea & infinita ; nam inter corporeum finitum & incorporeum infinitum , medium est incorporeum finitum , aut incorporeum infinitum . Corporeum infinitum esse omninò non posse , multis eidentibus argumentis indicauit Aristoteles . superest igitur vt sit incorporeum finitum . Esse verò Deum virtute infinitum , indicatum mihi est in hoc ipso opere ; superest ergo præter ipsum , esse substantias aliquas incorporeas , easque finitas . Itaque censendum non est Angelos esse corporeos , neque suffitu torqueri , aut bonis odoribus allici , aut rei cuiuspiam naturalis contactu dolere , aut delectari , nihil enim horum sine contactu fert natura : contactus verò corporum tantum est , sed vanum esse ac supersticiosum quidquid eiusmodi moliuntur exorcistæ , mendacissimòsque demones hominibus illudentes , ea omnia mentiri . Multò minùs quispiam possit censere , Deum Optimum Maximum vlla voluptate sensus affici , aut vllò colore : siquidem omnium Philosophorum consensu est incorporeus , & omninò immobilis , nullamque mutationem subiens : quæ autem opera sua sunt , omnia amat , & nihil eorum , quæ fecit , odio habet ; quia omnia sunt valde bona , vt primo capite Geneseos & 38 . Ecclesiastici scriptum est . Quid ergo dicemus de sale , corpore adedò Deo amico , & de vino quo lætatur , & de fermento & melle quæ interdicit in sacrificiis , & de multis aliis corporibus , quæ in libris sacris dicuntur , alia gratum ,

Dæmones
quibus al-
liciuntur.

Grata &
ingrata
Deo.

Sal cuius
rei sym-
bolum.

Mellis
usus.

Fermen-
tum.

Pañum
salis.

Mel cuius
rei sym-
bolum.

alia ingratum Deo odorem expiare? Certè nihil aliud, quàm substantias has corporales, res alias quasdam nobis indicare, quas prima adesse, partim abesse, oportet in sacrificiis. Nimirum sal symbolum esse videtur integritatis, & incorruptionis, ac proinde innocentiae, contra fermentum, corruptionis & impuritatis: vinum, charitatis: mel, voluptatis & deliciarum, quia sal, vt experimento constat, atque Aristoteles 26. sectione problematum docet, siccat, ac proinde incorrupta seruat quaecunque eo condita reponimus. fermentum verò nihil est aliud, quàm massa facta acidior: constat verò eum saporem ex rebus antea integris, debilitatione naturalis caloris, & accessione caloris alterius præter naturam fieri, quæ alteratio corruptio est. Fit itaque ex massa fermentum, vt ex vino acetum, atque ita fermentat massam, augeri & rarefcere faciens, vt acetum fermentat terram: quod opus refertur ad partes illas, quæ calorem præter naturam contraxerunt in illa corruptione. Adicit præterea fermentum pani saporis gratiam, quod aciditatis illius moderatæ mistione facit, velut idoneo quodam condimento. Rectè hæc explicuit Plinius lib. 18. cap. 11. dicens, *Fermentum sit ex ipsa farina qua subigitur, priusquam addatur sal ad pultis modum decocta, & relicta donec acescat. vulgò verò (hic est hodie usus) neque subferuescunt, sed tantum pridie asservata materia vtuntur.* Hæc Plinius. quibus docet fermentum acore & corruptione massæ, seu pultis fieri: salis verò admistione, prohiberi eam corruptionem, vt certè aliam omnem putrescentiam. Merito ergo id, cuius natura & essentia constat corruptione, symbolum peccati est: quia corruptio & putrescentia via est ad naturalem cuiusvis corporis interitum, vt peccatum animi, & quod natura aptum est cohibere omnem putrescentiam, symbolum est iustitiæ, quæ tollit peccata: oportetque hoc adesse sacrificiis, illud abesse. Huc spectat quod Deus dixit ad Aaronem cap. 18. Numerorum, *Pañum salis est sempiternum eorum Domino tibi, ac filiis tuis.* Vocat enim pañum salis pañum sacrificiorum, quo pepigerat scilicet Deus, in æternum se daturum ius offerendi sacrificia Levitis. vocat verò id pañum salis, id est, sacerdotij, quia à nulla oblatione aberat sal: aut, vt alij interpretantur, pañum salis, id est, pañum perpetuum, quia sal tollit corruptionem. porro mel symbolum deliciarum esse, ob dulcedinem, constat; delicias verò ingratas esse Deo, & deliciosos homines non præstare Deo grata sacrificia, constat etiam, quia, vt Aristoteles inquit secundo Ethicorum capite tertio, ob voluptatem res improbas agimus, & ob dolorem res posthabemus honestas. vnde fit, vt, vt qui Dei sit futurus

amicus,

amicus, voluptatis contemptor, & doloris patiens esse debeat, aut contemptor vtriusque, ad amplexandum dolorem, & dimittendam voluptatem. amant ergo sacrificia salis incorruptionem & mordacitatem: respuunt verò fermenti corruptionem, & suauitatem mellis. hæc itaque Deus verus, has ob causas, circa sacrificia ita disponebat. Cacodæmones autem, vt diuinitatem simularent, Dei æmulatores in rebus quibusdam efficiebantur: non tamen in omnibus: quia non ferebat eorum nequitia, quin atrocita quædam à suis miserrimis mancipiis postularent, velut hominum cruorem, & viscera. Sed neque quod Tobias fecit, vt iecoris odore dæmon fugaretur, censeo esse naturale, sed eam benedictionem datam à Deo iecori, vt nunc datur aquæ. Contigisse verò illud etiam in figura, vt significaretur, exuendam esse concupiscentiam in sanctis conubiis. Iecur enim symbolum concupiscentiæ est. huiusmodi sunt omnia legis antiquæ præcepta: significant enim in sensu allegorico, aliud quàm in literali, quem modum docendi imitari sunt multi veterum Philosophorum, præcipuè Pythagoras, cuius adhuc extant symbola multa, quale est illud quod ad præsentem disputationem facit, *Salem apponito*. nimirum in rebus gerendis semper apponi iubebat salem, hoc est, prudentiam, & integritatem. Hieroglyphica etiam ratio scribendi, quam Ægyptij sacerdotes tenuerunt in sacris, similem continebat sapientiam. quam etiam in veri Dei cultu quadamtenus retineri videmus. nam est in templis Dei multus vsus ignis & aquæ; quia, arbitror, hæc hieroglyphicè munditiem indicant, causa verò qua indicent est, quòd hæc duo sint, quæ corpora omnia à sordibus mudent. quia verò emundandi corpora habent vim naturalem, benedictiones quoque emundatorias animorum, his præcipuè Deus tribuit, igni dico & aquæ. corporeis verò & incorporeis substantiis nulla naturalis est sympathia: nedum aliis rebus cum Deo: cui nihil cum illis est commune in essentia.

Dæmones
quibus fugantur.

Iecur
cuius rei
symbolū.
Pythagorica
symbola.

Ignis &
aquæ vsus
in sacris.

CAPUT XVII.

L Euitici cap. i. ita scriptum est, *Et sus cum vngulam non diluat, non ruminat.* quatuordecimo autem Deuteronomij, *Sus quoque quoniam diuidit vngulam, & non ruminat, immunda erit.* Quod quidem multum diuque me torfit, non intelligentem, qui fieri posset, vt sus diuidere & non diuidere vngulam diceretur, vsque dum apud Aristotelem reperi

aper

Suum dif-
ferentia.

apertissimam huiusmodi dissolutionem. Ille siquidem c. 1. l. 2. de Historia animalium, hanc animalium differentiam statuens ita inquit: *Quadrupedum autem quæ sanguine constant, eademque animal generant, alia multisida sunt, quales hominis manus pedesque habentur, sunt enim, quæ multiplici pedum fissura digitentur, ut Canis, Leo, Panthera; alia biseula sunt, quia forcipem proungula habent, ut oues, capra, cerui. equi fluuiatiles: alia infissi sunt pede, ut quæ solipedes nominantur, ut equus, mulus. genus sanè suillum ambiguum est. Nam & in terra Illyricorum, & in Paonia, & nonnullis aliis locis, sues solipedes gignuntur* Hæc Aristoteles. Ex quibus apertè constat, sues partim quidem findere, partim non findere ungulam, utroque tamen, & qui findunt, inquam, & qui secus, esse immundos, quia neutri ruminant. Alij igitur utraque ratione immundi sunt, & quia neque ruminant, neque findunt ungulam, de quibus 11. Leuitici agitur, suntque Illyrici sues, alij altera tantùm, quia scilicet etsi findant ungulam, non ruminant. de quibus agitur 14. Deuter. suntque nostrates sues.

C A P V T X V I I I.

Circunci-
fio.
Horus
Apollo.

Leuitici c. 12. *Mulier, si suscepto semine peperit masculum, immunda erit septem diebus, iuxta dies separationis menstrua. Et die octauo circumcidetur infans; ipsa verò triginta diebus manebit in sanguine purificationis suæ. Omne sanctum non tanget, neque ingreditur in sanctuarium, donec impleantur dies suæ purificationis. Sin autem foeminam pepererit, immunda erit duobus hebdomadibus iuxta ritum fluxus menstrui, & sexaginta sex diebus manebit in sanguine purificationis suæ. Cumque expleti fuerint dies purificationis suæ, pro filio, siue pro filia, deferet agnum, &c. cap. 15. Leuitici, Mulier, quæ redeunte mense patitur fluxum sanguinis, septem diebus separabitur. Mos circumcidendi Iudæis solùm erat antiquitus, nisi etiam fortasse sacerdotibus Ægyptiorum, ut Horus Apollo Niliacus in hieroglyphicis insinuat, dicens, Cynocephalum fuisse notam sacrificij, quia nascitur circumcissus. Circumcisionem verò sacerdotes (inquit) magno studio peragebant. quod quidem si ita erat, haud dubiè Ægyptij acceperunt ab Hebræis. Non enim Hebræi ab Ægyptiis, sed à pacto quod fecit Deus cum Abrahamo capite decimosexto Geneseos. Nisi etiam fortasse naturalis legis sacerdotes, ut signo quodam pietatis, circumcisione utebantur, atqui Abrahami circumcisio noua non fuit, sed à Deo denuò probata, & sancti*

sanctificata. Vtunque hoc habeat, consuetudo imponendi nomina die octauo plurimis aliis gentibus fuit. Causam naturalem reddit Aristoteles, capite vltimo libri septimi de Historia animalium, his verbis, Plurimi, antequàm exactus sit dies septimus, intereunt, & hanc ob causam tunc nomina imponuntur, tanquàm saluti iam pueri magis credamus. Itaque imponuntur nomina die octauo, quia antequàm exactus sit septimus, parum constat an fœtus sit perfectus & vitalis, an imperfectus, abortiuus, neque vitalis, exemplo fuit filius primus Dauid ex Bersabee, qui die septima mortuus est, vt secundo Regum narratur. Magnam vim esse hebdomadæ, in iis quæ ad fœtum intra vterum formationem, & in lucem iam editorum vitam pertinet, Hippocrates probat multis in locis, maximè autem libello de carnibus, multis argumentis, statuens hanc assertionem, vitam hominis septem dierum esse primum quidem quòd septima dies certam firmamque iam perfectæ conceptionis notam præstet, quia, vt Aristoteles capite tertio libri nuper citati dicit, si in septimum diem intus (hoc est intra vterum) permanserit genitura, conceptum iam esse certum est. Atque vt Hippocrates loco citato affirmat, quod conceptum est, si intra septem excedit dies, nullam præ se fert delineationem; si verò post septem, in aquam immisus, oculorum, oris, & pudendorum quandam non ineuentem delineationem ostendit. Hanc ob causam dicit Aristoteles, qui intra septem dies sunt, non vocantur abortus, sed effluxiones. Nam ante septimum ne fœtus quidem, neque embrio putatur esse, sed semen. Itaque conceptio certa septem dierum est, & quod immisum in vterum, in certam firmamque conceptionem non peruenit, intra septem dies effluit, & perit. Ita etiam recens natos dies septima probat, nam plurimi eorum qui vitales non sunt, intra hebdomadam pereunt. Adultis etiam hominibus est vita septem dierum, quia vt dicit Hippocrates libello de carnibus. Si quis septem diebus nihil edere, aut bibere velit, plerique quidem in ipsis moriuntur, sunt tamen qui illos transmittunt, & tamen moriuntur. Ieiunum enim intestinum in his diebus concreuit, moriunturque etiam illi. Hanc ob causam ego iudico, misisse Deum die sexta cibum Danieli in lacu Leonum existenti, ne scilicet, si septimam attingeret, periret fame. Nam etiam in his quæ miraculosè agit, habet Deus rationem aliquam naturæ, ne plura quàm opus sit eueniant miracula. Itaque & conceptio, & argumentum vitalis ortus, & duratio vitæ hominum sine refectione septem dierum est, vt certè mundi totius fabrica septimo die est conclusa.

Nominis
octauo
die im-
ponendi ra-
tio.

Septena-
rij ratio
in vita.

Sine cibo
quousque
vita du-
ret.

Hominis
ortus
quid imi-
tetur.

In quàm plurimis enim rebus, hominis ortus mundi creationem imitatur, nimirum est microcosmos. Meritò ergo, atque iuxta hominum naturam, iussit Deus pueros die octauo circumcidi, quasi iam victuros. Interim iubet mulierem quæ peperit masculum, immundam esse septem diebus iuxta dies separationis menstruæ, hoc est, continere sese secundum legem eius cui menstrua fluunt, quæ capite decimoquinto huius eiusdem libri scripta est his verbis, *Mulier, quæ redeunte mense, patitur fluxum sanguinis, septem diebus separabitur.* Hoc quoque secundum rei ipsius naturam præcipitur, quia hic etiam est finis fluxionis menstruæ naturaliter euenientis. Quæ enim ultra hebdomadam prorogatur, symptomatice est, & morbi soboles. Quamquam enim, ut libello de superfætatione dicit Hippocrates, multis tempus eius purgationis tres sunt dies, plerisque tamen, ut ipsemet dicit, multò plures, duplum scilicet, hoc est, usque ad septimum, quo ea cessat, velut morbi etiam acutissimi. Neque sanè ultra tres vel quatuor dies prorogari præter naturam est, nisi etiam ultra septem prorogetur, tametsi multò salubriores & fecundiores sint, quibus non ultra tres durat. esse verò potest etiam naturale, usque ad septem, etsi minùs vtile. sed est etiam in naturalibus plus aut minus bonum. Hoc verò ita habere, Hippocrates lib. 1. de morbis mulieribus docet, dicens: *Quibus verò in natura est, ut plures quàm quatuor dies purgantur. & menses valde multi prodeunt. hæc tenues sunt, & fœtus earum tenues, & emarcescunt.* Itaque optimus menstrorum finis, duorum, aut trium, aut ad summum quatuor dierum est: naturalium verò vltimus, septem. Meritò igitur mulier, quæ redeunte mense, patiebatur fluxum sanguinis, septem diebus separabatur, & ob hanc ipsam causam quæ pepererat masculum, septem diebus quasi immunda esse iuebatur. Circuncidebatur verò puer die octauo, quasi exactum iam esse septimum, magnam vim haberet ad vitæ securitatem: post septenarium verò maximam vim habent in affectionibus fœtum qui geruntur vtero, & infantium recens in lucem editorum, quadragenarii: atque ut intra septem dies fieri diximus effluxiones feminis, cum conceptio non perficitur: ita intra quadraginta plurimi sunt abortus, ac corruptiones. Quod Aristoteles capite tertio, septimi de Historia animalium, his verbis dicit *Effluxiones vocantur, quæ intra septimam diem corruptiones sunt, abortiones autem quæ intra quadragesimum.* Et quidè plurimi fœtus intra tot numero dies deprauantur. Hippocrates quoque libello de partu septimestri ita scriptum reliquit: *Dicunt autem & abortus plurimos in primis quadraginta diebus fieri,*

Quadra-
genarii
numeri in
fœtu.

feri, sed & reliqua conscripta his accidere in quadraginariis. Rur-
sus paulò infra eodem libello: At verò quadragenary primum in
fœtibus iudicant; quisquis enim primos quadraginta dies tramiserit,
abortus effugit ex omni causa contingentes. plures autem sunt in
primo quadragenario abortus, quàm in aliis omnibus. Itaque ex sen-
tètia Hippocratis & Aristotelis, quos hac in re sequutus etiam
est Galenus, ut intra septem dies fiunt seminis effluxus. ita
intra quadraginta abortus: atque ut recens nati solent intra
septem dies petire, ita qui hos effugiunt, alium, eumque pro-
ximum periculi finem habent, quadraginta dies: atque ut su-
pra septem dies contentum intra uterum semen esse, certa est
conceptionis nota, cum verò transit prægnationis quadrage-
sima dies, abortus periculum maximum recessit: ita cum recens
natus (respondent enim vitæ principia principiis generationis)
attigit octauum diem, homo iam vitalis est: cum quadagesi-
mum, robustior, viuacior, & sapientiæ iam particeps est. In-
dicio est, quòd eorum qui euaserunt, septimum multi moriun-
tur intra quadagesimum, à quadagesimo vero incipiunt iam
pueri ridere, quasi firmiores iam facti, & sapientiæ quæ-
dam exordia ostentantes. Docet hoc Hippocrates in calce
libelli de partu septimestri. Merito ergo, atque ut natura
ipsa poscebat institutum est, ut puer die octauo circuncide-
retur, mäter verò ingrederetur in Sanctuarium, illum Deo
oblatura quadagesimo. Nimirum circuncidebatur die
octauo, ut qui iam non imperfectus fœtus, sed homo vitalis
esse cognosceretur. deferbatur in templum quadagesimo,
ut qui magnum recens natorum periculum euassisset, & ro-
boratus iam esset, & sapientiæ indicia per se ferret: interim,
ut mater ante diem circuncisionis immunda esset, iuxta dies
separationis menstruæ, dies septem iuebantur, quia id tempus
est naturale menstruæ purgationis, ita inter diem circuncisio-
nis & delationis in templum iuebatur manere in sanguine pu-
rificationis suæ dies triginta, quia tot dies solet durare expur-
gatio iis quæ mares peperunt. Quod faciliè intelliges ex his
Hippocratis verbis, quæ libello de natura pueri scripta sunt,
Atque hac mihi de hoc dicta sint. & factus iam est puer, & ad hoc
peruenit, fœmella quidem quadraginta & duobus diebus ut lon-
gissime, primam coagmentationem ac coarticulationem accipiens:
masculus verò ut longissimè in triginta diebus: ut plurimū enim hoc
tempore, aut paulò breuiori, aut paulò longiori articulatio ipsis cōtin-
git. Nam & purgatio fit à partu ut plurimū, in fœmellis quidem die-
bus quadraginta & duobus, atque hac tardissima est, & perfecta:
Pacauerit autē periculo etiam si in viginti quinque diebus purgetur:

Abortus
quando
fiant..

Fœtus
formatio-
nis tem-
pus.

Expurga-
tio à par-
tu.

in

in masculo verò purgatio fit diebus triginta, atque hæc tardissima, & perfecta, circa tamen periculum fuerit mulier, etiam si in viginti diebus purgeret. Hæc Hippocrates, quibus docet tēpus formationis pueris respondere tempori purgationis matris, atque quia mares in vtero citiùs formantur quàm fœmellæ, proinde & eas quæ mares pepererūt, purgari citius, esseque tempus formationis pueri, & purgationis eius quæ marem peperit triginta dies. Quod attinet ad purgationem eius quæ marem peperit, verissimum est & iis quæ in lege Domini dicuntur maximè consonum. Quod verò attinet ad tēpus formationis maris & fœmellæ, & ad æqualitatem temporis formationis fœtus & purgationis matris, neque admodum firmum, neque certum est, sed contingit ita, & aliter. Neque hoc latuit Aristotelem aut Hippocratem. Nam Arist. cap. 3. libri citati, ita inquit: Purgationes autem accidunt plurimis cūm conceperint ad tempus quoddam scilicet triginta dierum, maximè si concepta fœmina est, quadraginta si mas. A partu etiam purgationes eodem numero dierum consequi volunt, quamquam non ita diligenter eveniunt. Hæc Aristoteles. Locus haud dubiè corruptus est, legendum enim triginta dierum, maximè si conceptus mas est: quadraginta si fœmina. Nam dicit tempus expurgationis à partu, æquale esse tempori expurgationis, quæ fit initio conceptionis, constat verò iuxta omnium sententias longiorem expurgationem esse à partu fœmellæ, quàm masculi. At verò Aristoteles non admodum certam esse eam expurgationis cū expurgatione æqualitatem, dicit: Quare neque formationis fœtus cū expurgatione à partu, adedò exacta erit æqualitas. Videtur enim tempus expurgationis, quæ initio conceptionis fit, respondere tempori formationis, quanquam neque hic erit adedò certa æqualitas, ut neque in tempore toto prægnationis mulieribus, neque in vllis eius partibus firmum quidquam ac certum est.

Expurgationis à partu maris & fœmellæ differentia.

Quo tempore fœtus in vtero movetur.

Quapropter Aristoteles paulò infrà inquit: Mares magna ex parte circa quadragesimum diem, dextro potiùs latere movetur: fœmina sinistro, circiter nonagesimum. Nihil tamen certi in his affirmare licet. Sed enim hæc, & reliqua huiusmodi, ut differunt eò quòd magna ex parte, & eò quòd magis ac minùs accidit, sic accepimus. Hæc Aristoteles. Hippocrates quoque libello de alimento, cū recensuisset multa variaque partus tempora, & formationis, motus, & editus tempora, & eorum proportionnes, adiecit, Non est. & est: insinuans nihil eorum esse perpetuum, sed quodcunque fieri posse, ita aut aliter. Verba verò Hippocratis sunt hæc: Ad figurationem soles triginta quinque, ad motum septuaginta, ad perfectionem ducenti & decem. Alij tradunt
formam

formā quadraginta quinque, ad motum septuaginta sex, ad exitum ducenti & decem Alij sic, ad formam quinquaginta, ad primum saltem centum, ad perfectionem trecenti. Alij sic, ad discriminationem quadraginta, ad transitum octoginta, ad elapsum ducenti quadraginta, non est, & est. His verbis Hippocrates, ut in commentatione eius loci explicuimus, narrat multas Medicorum sententias de tempore partus naturalis, & de temporibus quibus foetus formationem acciperet, inciperet moueri, & exiret in lucem, ac de proportionem temporum, quibus illæ mutationes insignes contingerent, eisque narratis, dicit, nihil in illis esse perpetuum, sed posse fieri quodcumque illorum, & non fieri. Hoc idem docuit libro secundo de morbis popularibus sectione tertia, easdem sententias narrans. Nimirum, ut Aristoteles dicit capite quarto citati iam sæpe libri; cum cætera animalia omnia, singulari ac simplici modo partum suum perficiant. certum enim pariendi tempus statutum est singulis generibus, homini vni datum multiplex. Nam & septimo mense, & octauo, & nono parere potest, & quod plurimum decimo, nonnullæ etiam & vndecimum tangunt. Itaque consensu probatissimorum auctorum constat neque partus muliebri, neque mutationum insignium quæ foetui accidunt, formationis dico, & motus, esse simplex & statutum tempus, sed varium & multiplex. Neque solum homini non est certum tempus horum, sed neque sexui vlli. Nulla enim est sexui nascendi differentia siue inquam mas sit, siue foemella. Nam tamen Aristoteles dicit, foeminam sæpius in vndecimum mensem incidere quàm marem, huncque sæpius fieri septimestrem, tamen experientum repugnat: adeoque minus certi quidquam est in rebus quàm veteres putarunt, ut nostro sæculo nata sit foemella haud dubiè quinquemestris, quæ adhuc viuit, plusquam duodecim iam annos nata, cuius gracilitas ac reueritas maior quàm mulieribus esse consueuerit, indicat, certam esse de eius ortu fidem, præter quam quod multis domesticis, neque inevidentibus argumentis constitit: vsque adè in Physicis alterationibus vix quidquam est omninò aut impossibile, aut necessarium. Quid ergo, an nihil est in rebus quæ ad foetus & puerperas spectant certum, ac firmum? sanè nullum est tempus certum, quo mas aut foemina figuram accipiat in vtero, neque quo moueri incipiat, neque quo in lucem exeat, neque quo mulier vtero gerens, statim à conceptionis initio expurgetur, neque quo expurgetur quæ peperit, siue marem siue foeminā: sed hæc omnia tempora, multiplicia & varia sunt. Illud tamen certum est, mares citiùs figuram recipiendi

Vario tē-
pore mu-
lier pare-
re potest.

Puella
quinque-
mestris.

& mouendi vim quàm fœminas, & eas quæ mares conceperunt breuiiores habere expurgationes, & eas quæ prægnationis initio fiunt (quamquam has non omnes mulieres habent) & eas quæ à partu. Horum omnium eadem est causa, humidior scilicet, frigidior, & excrementosior natura fœminæ. Quoniam enim talis est: ex frigidioribus, & humidioribus principiis gignitur. Humidiora verò principia, ineptiora sunt ad recipiendam figuram propriam, quàm sicciora: frigidiora verò quàm calidiora ineptiora sunt ad motum. Necessè est ergo fœminæ quàm mares tardiùs accipiant figuram, & moueantur: non tamen proinde & tardiùs edantur in lucem, sed eisdem temporibus quibus mares: quia quantò tardiùs accipiunt figuram & mouentur, tanto, postquam formata sunt, citiùs veniunt ad incrementum. Quod Hippocrates docuit secundo Epidemicòn, & rursus sexto. Sunt verò eius verba in calce sectionis tertie lib. 2. *Quod citiùs discretum & motum est, augetur rursus segniùs, & in longius tempus.* In calce sectionis secundæ libri sexti dicit, *Concretum est, constituit citiùs, postquam motum est, desinit & tardiùs augetur, & pluri tēpore.* Aristoteles hoc interpretatur de eo incremento, quod mares & fœminæ recipiunt editi iam in lucem vsque ad cōsistendi ætatem. Monstratum verò à me est in eius operis commentariis, de eo etiam incremento intelligi quod intra vterum accipiunt, postquam moueri cœperunt, vsque dum vtero exeunt. Quod vel ipsa authoris verba aperrè sonant. Itaque etsi mares æquale tempus gerantur vtero, fœminæ verò tardiùs accipiunt figuram, & mouentur dictam ob causam. Atque ob eandem, quæ fœminas pepererunt diutiùs sunt immundæ, & longiores habent purgationes. Nam cum mulieres humidiores & excrementosiores sint quàm viri, & earum principia quàm ex quibus viri fiūt, cōstat ab iis etiam mulieribus cōcipi, quæ aut natura sint, aut tunc forè cōtigerit esse excrementosiores. Indigebunt igitur tales expurgatione diuturniori. Cum verò non sit idem statutumque tempus expurgationis omnibus, neque quæ mares, neque quæ fœmellas pepererint, sit verò periculosum minùs durare expurgationē quàm natura poscebat, & morbosum durare plus, necessè est tempus aliquod esse vltra, & citra quod naturalis non censeatur expurgatio. Id rectè dicit Aristoteles esse in ea quæ marem peperit, à viginti vsque ad triginta dies. Nam & experimentum subscribit eius sententiæ. Scire tamen expedit, iis quæ pepererunt duplicem ex vtero vacationem succedere, primam sanguinis copiosè fluentis, vt singulis mensibus mulieribus solet. secundam aliorum excrementorum cum exiguo sanguine

Cur mulieres quæ fœmellâ pepererunt diutiùs sunt immundæ,

Puerperarum vacatio.

fluentium paulatim. vtraque est ei quæ marem peperit, breuior. Est verò secunda cùm longissima triginta dierum, prima septem. Hanc ob causam iussit Deus eam quæ peperit marem, esse immundam diebus septem, & octauo circumcidere puerum, vt iam vitalem mox triginta diebus expurgari: iis exactis ingredi in Sanctuarium, & offerre Deo puerum. Sed euenit hic dubitare, si septem solum diebus erat futura in separatione quæ marem peperisset, deinde triginta in purificatione, mox itura in templum, & puerum oblatura, quæ fieri poterat, vt oblatio pueri non ante quadragesimum à partu diem ageretur. Videtur enim futura die trigesimo & septimo. At verò consueuisse esse quadragesimo, communis omnium sententia est, & Ecclesia Sancta id testatur, festum purificationis Mariæ celebrans secundo Februarij, qui est quadragesimus à natali Domini. Quidam respondent rationem computandi esse, vt dies primus detur partui, septem sequentes separationi, mox alius circumcisioni, deinde triginta expurgationi, his exactis aliud oblationi pueri, atque ita fieri quadragesima. Verùm hoc non est consentaneum. Primùm quia circumcisio incideret in diem nonum, atque circumcisionis festum secundo Ianuarij celebraretur, potius quàm primo: deinde quia pueri circumcisio non prohibet matrem eadem die expurgari. In Græcis codicibus iuxta versionem septuaginta interpretum, quam sequutus est D. Augustinus, legitur: *Ipsa verò manebit triginta tribus diebus in sanguine mundo suo.* Quæ lectio eleuat dictam dubitationem: nam septem & triginta tribus fiunt quadragesima. Atqui quoniam Philosophi, vt ex dictis constat, triginta dierum censent esse maximè legitimum tempus expurgationis ei quæ peperit marem, dicimus præcipisse Deum vt mulier antequam in templum domo abiret, & puerum deferret, maneret domi septem dies ob expurgationem primam, triginta ob secundam, tres insuper propter infantem: ne scilicet ante quadragesima exiret domo puer. Iuxta versionem autem D. Hieronymi dicemus, mulieres quidem manere solitas domi dies triginta tres post septem primos, quo compleretur ante pueri oblationem primus quadragenarius, Mosem verò præcepisse manere diebus triginta, insinuantem illos esse purificationis, reliquos tribui pueri incolumitati. Nimirum quadragenarius primus dierum celebratissimus est ab omnibus Medicis, censeturque habere vim magnam ad retinendos in vita pueros. Eam quæ peperit foeminam, explere voluit Deus duos quadragenarios antequam in Sanctuarium ingrederetur, vtpote duplo longiori

Festum
Purifica-
tionis.

Vnitatis
perfectio.
Binarij
imperfe-
ctio.

indigentem expurgatione. Ob idque dedit expurgationi primæ duas hebdomadas, secundæ dies sexaginta sex, vt coniunctis vtrisque fierent octoginta, qui duobus constant quadragenariis: qui numerus imperfecto & foemineo sexui maximè congruit, vt vnitatis virili. Quia vnitatis perfectio & forma est, binarius principium diuisionis, & materia. Ego itaque diuinam sequutus auctoritatem, eam quæ marem pepererit, profluuium muliebri vocato, aut vlllo alio morbo teneri hanc ob causam non censeo, nisi diem quadregesimum euacuatio superauerit, neque eam quæ foeminam, nisi octogesimam. Etiam si Hippocrates loco citato libelli de genitura, & rursus lib. i. de morbis muliebribus dicat, longissimam expurgationem eius quæ pepererit marem, esse dierum triginta, & eius quæ foeminam, quadraginta duorum.

C A P V T XIX.

De Lepra.

CAP. 13. *Leuit. Loquutusque est Dominus ad Moysen & Aaron, dicens, Homo in cuius cute & carne ortus fuerit diuersus color siue pustula, aut quasi lucens quidpiam, id est, plaga lepra, adducetur ad Aaron, sacerdotem, vel ad vnum quemlibet filiorum eius, aut cum viderit lepram in cute, & pilos in album mutatos colorē, ipsumque speciem lepra humiliorem cute, & carne reliqua, plaga lepra est & ad arbitrium eius separabitur. Et paulò post: Si obscurior fuerit lepra, & non creuerit in cute, mundabit eum, quia scabies est. Lauabitque homo vestimenta sua, & mundus erit.*

Immunditiei vitæ
dæ præcepta.

Quandoquidem præceperat Deus tantopere immunditiam omnem vitare, corporalem quidem & externam, quo significaret multo magis immunditiam omnem vitandam esse, & amandam conscientia puritatem, cibos omnes immundos interdixit, permisit verò mundis vti, & quod ad corporum affectiones pertinebat, eorum qui morbis tenerentur permittens conuictu vti, eos qui non tam morbis, quàm immunditiis, vt leprosos homines, & gonorrhœa, siue profluuium seminis laborantes, & mulieres quibus fluere menstrua, iussit separare: eos quidem qui essent suspecti recludere, apertè immundos ab aliorum cœtu separare, & extra castra reicere. Quæ omnia plena sunt magnis mysteriis. Significant enim omnia hæc quæ vitare Deus iubet, prauas animorum affectiones, quas oportet veri Dei cultores cauere. Et ille quidem populus quibus lex in scriptis tradita est, corporalia illa & externa obseruabat:

uabat : nos verò quibus non soluta, sed adimpleta traditur, sequentes potius spiritum quàm literam, intelligimus omnem animi immunditiam vitandam, & conuictum cum immundis. Summa verò rei est, vitari debere omnem turpitudinem, & immunditiam. Atque cùm sint duplices corporum passionēs, quædam quæ actiones lædunt, ac proinde morbi propriè sunt, atque ita affecti, ægrotantes, vt febris, pleuritis, & phenitis, & lethargus : quædam quæ non tam morbi, quàm turpitudines quædam sunt, quia non tam lædunt actiones, quàm pariunt fœditatem quandam, vt lepra, & gonorrhœa, & profluvium menstruum, morbos non iussit Deus deuitare, sed deformitates & turpitudines. fortasse quia vbi pura conscientia est, infirmitates & morbi nihil lædunt. Hippocrates libello de affectionibus ita inquit: *Lepra & pruritus, & scabies & impetigines, & vitiligo, & alopecia à pituita fiunt : sunt autem talia turpitudines magis quam morbi.* Itaque hanc ob causam lex hæc lepræ lata est. Vitia cutis quæ fœditatem afferunt, sunt in triplici genere : maculæ enim sunt, aut vlcera, aut asperitates, aut duo horum, aut omnia simul Vitia coloris seu maculæ, vocantur Græcis leucæ, & alphi, Latinis vitilignes seu morpheæ, Arabibus guada seu alguada. Hæc cùm summam tenent cutem, nihil adiiciunt aliud, sed sunt solùm maculæ, alba, aut nigra : vocaturque vitiligo alba, aut nigra: cùm altius partem tenent, mox adiiciunt asperitates exiguas fursuri similes, & Græcis vocatur pfora, Latinis scabies: aut maiores ac velut squamas & vocatur Græcis lepra. Arabibus barràs, seu albarràs, & hæc quoque est alba aut nigra, vt fit à pituita salsa, aut à melancholia. & propriè quæ nigra est vocatur lepra, quæ alba lichen seu impetigo, quæ eadem vocatur aliis lepra volatilis, quia serpit, videturque volare per partes. Si non solùm tenetur cutis altiusculè, sed etiam venæ & caro, fit morbus qui vocatur Græcis elephas. Arabes verò, & vulgus, vocant hunc lepram, albarràs nigrum, dicunt lepram antecedere. Elephantem verò vocant Arabes hunc eundem morbum cùm tenet crura, vt sæpe solet. Itaque leucæ seu alphi, seu vitiligo, seu morphea, seu guada, & scabies, seu pfora, & lychènes, seu impetigines, seu volatilis lepra, seu barràs album, & lepra, seu barràs nigrum, & elephas, seu lepra vulgò vocata, & Arabibus, vitia & turpitudines externi corporis habitus sunt fiuntque alia ex aliis, intentione & remissione diuersa, nascunturque ex redundantia pituitæ, aut melancholiæ. Hæc omnia vitia communi appellatione, vbi ingrauescentia recedunt à simplici scabie, vocantur lepræ genera, & iudicium ferre quàm gravis sit aut secus ea

Passiones
corporum
duplices.

Vitiligo.

Scabies.

Vnitatis
perfectio.
Binarij
imperfe-
ctio.

indigentem expurgatione. Ob idque dedit expurgationi primæ duas hebdomadas, secundæ dies sexaginta sex, vt coniunctis vtrisque fierent octoginta, qui duobus constant quadragenariis: qui numerus imperfecto & scæminco sexui maxime congruit, vt vnitas virili. Quia vnitas perfectio & forma est, binarius principium diuisionis, & materia. Ego itaque diuinam sequutus auctoritatem, eam quæ marem pepererit, profluuio muliebri vocato, aut vlllo alio morbo teneri hanc ob causam non censeo, nisi diem quadregesimum euacuatio superauerit, neque eam quæ scæminam, nisi octogesimam. Etiam si Hippocrates loco citato libelli de genitura, & rursus lib. i. de morbis muliebribus dicat, longissimam expurgationem eius quæ pepererit marem, esse dierum triginta, & eius quæ scæminam, quadraginta duorum.

C A P V T XIX.

De Lepra.

CAp. 13. Leuit. Loquutusque est Dominus ad Moysen & Aaron, dicens, Homo in cuius cute & carne ortus fuerit diuersus color siue pustula, aut quasi lucens quidpiam, id est, plaga lepra, adducetur ad Aaron, sacerdotem, vel ad vnum quemlibet filiorum eius, aut cum viderit lepram in cute, & pilos in album mutatos colorē, ipsumque speciem lepra humiliorem cute, & carne reliqua, plaga lepra est & ad arbitrium eius separabitur. Et paulò post: Si obscurior fuerit lepra, & non creuerit in cute, mundabit eum, quia scabies est. Lauabitque homo vestimenta sua, & mundus erit.

Immunditiei vitæ
da præcepta.

Quandoquidem præceperat Deus tantopere immunditiam omnem vitare, corporalem quidem & externam, quo significaret multo magis immunditiam omnem vitandam esse, & amandam conscientie puritatem, cibos omnes immundos interdixit, permisit verò mundis vti, & quod ad corporum affectiones pertinebat, eorum qui morbis tenerentur permittens conuictu vti, eos qui non tam morbis, quàm immunditiis, vt leprosos homines, & gonorrhœa, siue profluuio seminis laborantes, & mulieres quibus fluerent menstrua, iussit separare: eos quidem qui essent suspecti recludere, apertè immundos ab aliorum cœtu separare, & extra castra reicere. Quæ omnia plena sunt magnis mysteriis. Significant enim omnia hæc quæ vitare Deus iubet, prauas animorum affectiones, quas oportet veri Dei cultores cauere. Et ille quidem populus quibus lex in scriptis tradita est, corporalia illa & externa obseruabat:

tiabat : nos verò quibus non soluta, sed adimpleta traditur, sequentes potiùs spiritum quàm literam, intelligimus omnem animi immunditiam vitandam, & conuictum cum immundis. Summa verò rei est, vitari debere omnem turpitudinem, & immunditiam. Atque cùm sint duplices corporum passiones, quædam quæ actiones lædunt, ac proinde morbi propriè sunt, atque ita affecti, ægrotantes, vt febris, pleuritis, & phenitis, & lethargus : quædam quæ non tam morbi, quàm turpitudines quædam sunt, quia non tam lædunt actiones, quàm pariunt fœditatem quandam, vt lepra, & gonorrhœa, & profluvium menstruum, morbos non iussit Deus deuitare, sed deformitates & turpitudines. fortasse quia vbi pura conscientia est, infirmitates & morbi nihil lædunt. Hippocrates libello de affectionibus ita inquit: *Lepra & pruritus, & scabies & impetigines, & vitiligo, & alopecia à pituita fiunt : sunt autem talia turpitudinis magis quam morbi.* Itaque hanc ob causam lex hæc lepræ lata est. Vitia cutis quæ fœditatem afferunt, sunt in triplici genere : maculæ enim sunt, aut vlcera, aut asperitates, aut duo horum, aut omnia simul Vitia coloris seu maculæ, vocantur Græcis leucæ, & alphi, Latinis vitilignes seu morpheæ, Arabibus guada seu alguada. Hæc cùm summam tenent cutem, nihil adiiciunt aliud, sed sunt solùm maculæ, alba, aut nigra : vocaturque vitiligo alba, aut nigra: cùm altius partem tenent, mox adiiciunt asperitates exiguas fursuri similes, & Græcis vocatur pfora, Latinis scabies: aut maiores ac velut squammas & vocatur Græcis lepra. Arabibus barràs, seu albarràs, & hæc quoque est alba aut nigra, vt sit à pituita salsa, aut à melancholia. & propriè quæ nigra est vocatur lepra, quæ alba lichen seu impetigo, quæ eadem vocatur aliis lepra volatilis, quia serpit, videturque volare per partes. Si non solùm tenetur cutis altiuscule, sed etiam venæ & caro, fit morbus qui vocatur Græcis elephas. Arabes verò, & vulgus, vocant hunc lepram, albarràs nigrum, dicunt lepram antecedere. Elephantem verò vocant Arabes hunc eundem morbum cùm tenet crura, vt sæpe solet. Itaque leucæ seu alphi, seu vitiligo, seu morpheæ, seu guada, & scabies, seu pfora, & lichenes, seu impetigines, seu volatilis lepra, seu barràs album, & lepra, seu barràs nigrum, & elephas, seu lepra vulgò vocata, & Arabibus, vitia & turpitudines externi corporis habitus sunt fiuntque alia ex aliis, intentione & remissione diuersa, nascunturque ex redundantia pituitæ, aut melancholiæ. Hæc omnia vitia communi appellatione, vbi ingrauescentia recedunt à simplici scabie, vocantur lepræ genera, & iudicium ferre quàm gravis sit aut secus ea

Passiones
corporum
duplices.

Vitiligo.

Scabies.

infectio est discernere inter lepram & lepram, quod ad sacerdotem pertinebat, ac nunc quoque spiritualiter pertinet. Describuntur ergo hîc quædam notæ; quibus discerni possint qui grauitè, & qui leuiter infecti sunt: & qui faciliè curentur, aut curationem non admittant: vt qui simplici tantùm scabie deprehenderentur laborare, mundi iudicati dimitterentur: quos spes esset fore vt mundarentur, recluderentur, aut ad arbitrium Sacerdotis (hoc est, quantum sacerdoti videretur esse satis, separarentur: qui iam esse viderentur desperatæ emundationis, omninò separarentur & reicerentur extra castra. Tria signa scribuntur hîc maligni vitij, & ob quod oporteret ita affectos homines ab aliorum consortio separari, quæ eadem apud Medicos scripta reperias, & causas habent naturales. Duo eorum sunt lichenum, seu lepræ volatilis, seu albarràs albæ, seu alphi, quem maligniorem esse quàm leucem dicunt: pilos qui ex leprosa cute nascuntur in album mutari colorem, & ipsam lepram humiliorem reliqua cute. Tertium est vitiliginis albæ, seu alguadà, seu leucæ, quæ plerunque leuius malum est, aliquando, verò etiam est grauius, & fit alphis. Illud est maculum dilatari ac crescere, ac transire in cute priores terminos, hoc est, amplificari, ac extendi vitium illud. Apud Auicennam quoque reperias hæc eadem scripta cap. 9. tractatus secundi, sen. septimæ, lib. 5. his verbis, *Ambigua verò est differeptia inter alguadà qua est morphea arba, & albarràs malam, & differentia quidem inter utrasque est, quòd pili oriuntur super alguadà, & sunt pili nigri & flauis, & nascuntur super albarràs, albi non alij: & est cutis magis depressa, & vehementius defossa quàm cutis reliqui corporis.* paucis interpositis in eodem capite dicit, *Quoniam de morphea (hæc est vitiligo, seu guadà) quadam est vehementis elongationis à colore corporis, & de ea est qua est propinquior ei, & est magis salua. Et in ea qua est submersa & non rubet, neque sanguinè emittit (hæc sunt signa pessima vitiliginis, & lepra iam malitia aqualis) & est vehementis dilatationis capiens locum magnum non est spes, & similiter illa qua omni hora incipit in additione.* Ecce vt Auicenna describat his eisdem signis pessimum albarràs album, hoc est malignos lichenes, seu album, seu lepræ quoddam genus, & malignam morpheam, aut leucem, quæ in malignitatem lepræ iam abiit. Porro lucidum candorem notam esse lepræ, constat ex verbis vltimis capitis quinti libri quarti Regum, vbi dicitur, *Egressus est ab eo leprosus quasi nix.* Causas horum non est difficile inuenire. Cùm enim lichenes illi maligni à falsa pituita nascantur, sola vel cum atra bile mista, necesse est vbi partis temperies admodùm labefactata est, & in

ipsum

Tria signa
maligni
vitij.

Indicia
vitij.

ipſius excrementi naturā velut mutata, ſalutem admodum eſſe cutem, & proinde ſiccā & contractā, ac reliqua cute quæ ſana eſt humiliorem. Porro, cū orta atteſtemur iis ex quibus oriuntur, vbi cutis ob pituitam ita erit facta candida, vt ipſum ſubſtantiæ modum mutauerit in candidiorem, pilos quoque ex ſeſe naſcentes candidos reddet. Quod morphea, ſeu vitiligo maligna creſcat, eadem cauſa eſt quam Auicenna quoque poſt nuper citata verba appoſuit, ita dicens: *Et ſimiliter illa quæ omni hora incipit in additione, quoniam complexio eius eſt fortis, conuerſens illud quod ad eam vadit ad ſuam ſimilitudinē, & propter illud eſt mala valde.* Ex dictis facilē intelligentur præſcripta verba; poteruntque explicari phyſicē. Aſſerri iubet ad ſacerdotem quemcunque cui mutatus ſit cutis color, aut innatæ puſtulæ aut quaſi lucens quidpiam, quaſi ſcilicet fulgentes furfures, aut ſquamæ. Nam hæc omnia poſſunt eſſe initia vitij abeuntis in malignum, & in aliquod lepræ genus. Iubet etiam cū viderit ſacerdos in cute lepram talem, vt pili qui inde naſcantur, in album mutati ſint colorem, & ipſa lepræ ſpecies ſit humilior cute & carne reliqua, ſeparari hominem, quia plaga lepræ eſt: nimirum maligni lychenes. Sin autē fuerit tantū lucens quidam candor in cute, neque tamen cutis fuerit humilior carne reliqua, & pili adhuc retineant colorem priſtinum, nondum conſtat malignum eſſe vitium. Verū quia ſæpe ab iis initiis proceditur in malignum, non vult cum mox dimitti vt mundum hominem, ſed recludi per hebdomadam, eāque exacta ſacerdotem conſiderare, an ultra creuerint, & maculæ dilatatæ ſint: ſiquæ non creuerint, rurſum recludi aliam hebdomadam, qua rurſum exacta, ſi obſcurior fuerit lepra, neque creuerit in cute, hoc eſt, non ſe dilatauerint maculæ, & ſigna lepræ facta ſint obſcuriora, ſcire iubet lepram veram non eſſe, ſed pſoram, ſeu ſcabiem, ac proinde dimitti hominē locis veſtimentis. Scabiei remedia. Mundus enim eſt, hoc eſt, non eſt leproſus, ſed ſcabiſus ſolū, quod leue eſt, & ſolo veſtium muſdiſſimarum, linearum, uſu, & probo victu liberabitur, præmiſſa, ſi opus ſit, aliqua corporis euacuatione additur dictis.

Quod ſi poſtquā à ſacerdote viſus eſt, & redditus munditie, iterum lepra creuerit, adducetur ad eum, & immunditia condemnabitur.

Peſſimum eſt cū morbi alicuius exordia ſeſe inſinuauerint antea, quæ poſtea deſtitiffe viſa fuerint, hominem in eum ipſum morbum incidere. Nam iteratus morbus, magnum corporis apparatus, & in eum propenſionem ſignificat, ſubſeſeque in vitioſa corporis natura morbi velut radicē. Morbus verò in Recidivæ malum.

quem corpus valde propensum est, facile abit in habitum. Merito ergo immundus & leprosus censetur, cui mundato iam semel lepra redit. Quia verisimile est, id non ex prauo victu, quo paulò ante usus fuerit homo, aut leui aliqua occasione, sed ex firmata in corpore Cacochymia nasci. Itaque vt incrementum macularum, ita & repetitio, suspectum & malum signum est, censeturque merito, quæ semel repetiit, sæpè repetitura lepra, neque vnquam futurus homo tutus ab immunditia, quare immunditiæ condemnabitur.

Plaga lepra si fuerit in homine, adducetur ad sacerdotem, & videbit eum, cumque color albus in cute fuerit, & capillorū mutauerit aspectū, ipsa quoque caro viua apparuerit, lepra vetustissima indicabitur, atque inolita cuti. Contaminabit ergo eum sacerdos, & non recludet, quia perspicua immunditia est. Si autē effloruerit discurrens lepra in cute, & operuerit omnem carnem à capite vsque ad pedes, quidquid sub aspectum oculorū cadit, considerabit eum sacerdos, & teneri lepra mundissima indicabit, eò quòd omnis in candorem versa sit, & idcirco homo mundus erit. Quando verò caro viuens in eo apparuerit, tunc sacerdotis iudicio polluetur, & inter immundos reputabitur. Caro enim viua si lepra aspergitur, immunda est. Quòd si rursus versa fuerit in alborem, & totum hominem operuerit, considerabit eum sacerdos, & mundum esse decernet.

Duo alia
signa le-
præ.

Duo alia præter dicta describuntur hîc lepræ signa: alterum vetustissimæ & incutabilis, ac proinde perspicuæ immunditiæ: alteram mundissimæ ac facillimæ solum pessimum in lepra esse, dicit, *si caro viua sit aspersa lepra*, hoc est, si non solum in cute sit macula alba, aut lucens cum squammis, & ea sit humilior reliqua cute, sed etiam ipsa caro viua sub cute sit similiter infecta, sit scilicet alba & modum substantiæ carniæ amiserit. Id verò lepræ vetustissimæ & cutis inolitæ esse constat, quia non solum sit pituita salsa excreta ab expultrice vi in cutem, sed subiecta etiam carne in vitiosi succi naturam mutata. Grauius ergo est hoc quàm cutem humiliorem reliqua cute fieri, & capillos candidos. Quia ea infectione solius cutis fieri possunt, grauius verò est infectam etiam esse subiectam & viuam carnem. Hoc an ita habeat, an inquam ipsa subiecti caro sit leprosa, iubet Auicenna citato capite explorare puncta acu carne: *Si enim* (inquit) *punctura acu extrahit sanguinem, est guaradâ (ea est, vt diximus, leuior affectio) si non sanguinem, sed humiditatem aquosam, est borras, & hoc* (inquit) *non sanatur.* Rursum explorare iubet fricatione, dicens, *Et iterum quarebat post fricationem, est ad spem declinuis, & ad hoc vt sit morphæa: & qua non rubet per eam, est mala.* Nimirum ubi subiecta caro

Explora-
tio lepræ.

caro

caro est munda, acu sanguis extrahitur, & fricatione allicitur in cutem: vbi verò ipsa viua caro est secundum suæ substantiæ modum mutata, velut etiam in iis quī vocantur Leucophlegmatici, extrahitur Ichor quidam, seu sanies aquosa, & cutis fricata non rubet. Talem dicit Auicenna non sanari, qui hoc loco dicitur esse non recludendus, quasi qui sanescere facile posset, sed contaminandus, hoc est, separandus, quasi contaminatus, quia apertæ immunditiæ est. Hoc idem docuit Paulus Ægineta libro quarto capite quinto, docēs distinguere leucem medicabilem ab immedicabili. qui locus mihi videtur esse corruptus, & ex dictis facile posse restitui. Ita enim legitur: *Huius nota & significationes sunt huiusmodi: Acu pungito in superficie cutis leucem non ultra cutem, quod si non nisi sanguis exeat, incurabilis non est morbus: si lacteus quidam humor profluit, curatione non admittit. Vel laneo pāniculo aspero ipsam perfrica: quod si rubicundior fiat, curari potest: si in eodem colore manet, incurabilis esse censenda est.* Vide ut Paulus eadem dicat de Leuce, quæ Auicenna de guadà & morphea. legendum verò est haud dubiè, vbi, *quod si non sanguis exeat, quod si sanguis exeat.* Nam curationem admittentis lepræ est exire sanguinem: non admittentis, exire lacteam, aut aquosam humiditatem. Est autem in Græco facillimus lapsus, & emendatio etiam, nam pro *ei pñ* legendum *ei idp*. Hæc eadem signa curabilis & incurabilis alopeciæ scripsit Galenus primo de compositione secundum locos. Rectè autem monet Paulus, ne multum figatur acus ultra cutem: ita enim nulli non exierit sanguis, sed satis magnū signum erit firmatæ iam lepræ, transfixa cute sanguinem nullam exire. Auicenna itaque hac in parte sequutus est Paulum. Vterque hac in te mihi videtur errare, quod velut lenius quiddam & minùs malum commemorent, sanguinem puncta acu à cure non exire, quàm pilos fieri albos: cum tamen hîc Propheta Moses grauius esse ostendat, dicens, *Cumque color curis mutatus fuerit, & capillorum mutauerit aspectum, ipsa quoque caro viua apparuerit.* Commemoratur enim hoc postremò velut omnium grauiissimum atque in initio capitis, eos quibus cutis alba, & humilior cure reliqua, & dealbati essent capilli, separari iussit ad arbitriū sacerdotis: nunc verò adiiciens, *Et caro viua apparuerit, dicit, Contaminabit eum, quia aperta est immunditia:* tanquam grauius quiddam dicens Paulum verò & Auic. contrarium insinuassee constat, quia infixæ acu sanguinem non exire tribuit Paulus leuce, Auicenna guadà & morpheæ capillos albos fieri Paulus tribuit alphi & Auicenna barràs. constat verò leucem quam alphi apud

Excremē-
ta quando
debeant
esse co-
piosa.

Paulum, & quadā quam barrās apud Auicennā: leuiorem esse morbum, atque leucem Pauli esse quadā Auicennā, & alphum barrās. Nos verò sequuti veritatem dicimus, in his omnibus vitiis cutis, quæ hoc loco lepræ nomine intelliguntur, minus esse graue mutari colorem solius cutis, quàm capillorum etiam. grauius verò quàm vtrumque, ipsam iam viuam carnem lepra respersam esse, ita vt transfixa cute sanguis non exeat, & fricata cute non appareat rubor. Mundissimæ lepræ signum esse dicitur, cū lepra discurrens per totum corpus, operit totam carnem à capite vsque ad pedes, quidquid sub aspectum oculorum cadit. Quod sanè, vt est verissimum, ita naturalis quoque rationi esse consentaneum facilè intelliget, quicumque medicinæ tantillum degustauerit. Nam quantò excrementa abundantius extrorsum per cutem emittuntur, tantò internas partes minùs possunt lædere, & tantò maior naturalis facultatis potentia significatur. In vitiosis ergo corporum dispositionibus & cacochymiis, exigua quædam in cute efflorescere, signum malum est, quia impotentia expultricis significatur, & vt causa, parum confert, parum enim est quod corpore exit. Quare meritò timetur malū partibus altioribus. Vbi verò contrà, plurimum est quod extra cutem traditur vndique à capite ad pedes totum interius corpus manere purum est consentaneum, perinde accidit in vocaris variolis, & morbillis, scabie, & aliis quibusuis exanthematis. Nihil enim potius censent Medici, quàm vt pro multitudinis ratione aut cacochymix, abundanter erumpant. In hanc sententiam scripta sunt quàmplurima ab Hippocrate multis in locis, apertissimè verò, & quod ad locum præsentem maximè facit, scriptum est lib. 2. Epidemicā sect. 2. his verbis, *Sed & quæ sub cutem abscedunt foras tubercula, velut putrescentia, & quæ separantur, aut vlcus, aut eiusmodi pustula, aut squamma, aut defluuium capillorum, vitilignes lepra aut eiusmodi, quæ abscessus sunt acernatim fluentes, & non semirepētes.* His verbis Hippocrates docet, has omnes excretiones excrementorum in cutem esse debere copiosas, non semisientes, quia per copiosas excretiones manet mundum interius corpus. Vides vt hæc omnia præterquàm quòd morborum animi curationi rectè accommodantur, sunt physicè scripta, vt etiam quæ sequuntur.

Caro autem & cutis in qua vlcus natum est, & sanatum, & in loco ulceris cicatrix alba apparuerit siue subruf, adducetur homo ad sacerdotē. qui cū viderit locum lepra humiliorem carne reliqua, & pilos versos in candorē, contaminabit eum: plaga enim lepra orta est in ulcere. Quod si pilus coloris est pristini, & cicatrix subobscura,

& vicina carne non est humilior, recludet eum septem diebus, & si quidem creuerit, adiudicabit eum lepra: sin autem steterit in loco suo, vlcera est cicatrix, & homo mundus erit. Caro autem & cutis quam ignis exusserit, & sanata albam siue rufam habuerit cicatricem, considerabit eam sacerdos, & ecce si versa est in alborem, & locus eius reliqua cute est humilior, contaminabit eum, quia plaga lepra orta est in cicatrice. Quod si pilorum color non fuerit immutatus, nequo humilior plaga carne reliqua, & ipsa lepra species fuerit subobscura, recludet eum septem diebus, & die septimo contemplabitur. Si creuerit in cute lepra, contaminabit eum: sin autem in loco suo candor steterit non satis clarus, plaga combustionis est, & idcirco mundabitur, quia cicatrix est combustura.

Nihil hîc aliud dicitur noui, quàm solere in iis qui parati sunt ad lepram, occasionē præstare gignendæ illius vlcera, siue quæ sponte sint nata, siue quæ iniusta, eò quod soleat cicatricibus innasci. Neque mirum, quia sponte nascuntur vlcera in partibus debilibus, ob prauos succos in eas motos, & quæ semel vlcera sunt, etsi cicatrice obducantur, manent debiliores. Quapropter & ipsa vlcera solent sæpe in ipsis partibus nouari, & materia lepræ in eadem parte emergere. Orta verò lepræ casta Notæ le-
dem notas habet quas in reliquis partibus: nimirum macula præ.
serpens, & profundior reliqua cute, & pili mutati in candidum, veræ, ac malignæ lepræ notæ sunt contrariæ, mundæ scabiei. Quanquam enim in magnis profundorum vlcerum cicatricibus nullus pilus oriri soleat, eò quod non cutis, sed velut crusta & callus innascatur: tamen in sponte nascentem vlcerum cicatricibus tenues cutes fieri solent, talesque, vt, nisi corpora sint cacochyma, nullæ maneant maculæ, & omnia vlcerum vestigia euanescent. Quare talibus cicatricibus innascitur vil- Cicatrix
lus, vt cuti reliquæ. Considerandum verò hætenus, cum notas de pilis.
lepræ scriberet, non nisi candidæ maculæ meminisse, nunc verò dicere, Et in loco vlcera cicatrix alba apparuerit, siue subrufa. Illud nomen, subrufa, omnes interpretantur quasi dicatur subrubra: atqui macula lepræ in reliqua cute candida fit, in cicatrice verò relicta ex vlcere sponte ortis fit aliquando subrubra, eò quod sanguis quo pars nutritur, malè ob eius debilitatem mutetur, quæ causa macularum est.

Vir siue mulier in cuius capite vel barba germinauerit lepra, videbit eos sacerdos, & siquidem humilior fuerit locus carne reliqua, & capillus flauus solitòque subtilior, contaminabit eos, quia lepra capitis ac barba est. Sin autem viderit locum macule æqualem vicina carni, & capillum nigrum, recludet eos septem diebus & die 7. intuebitur. Si enim creuerit macula, capillus sui coloris est, & locus

locus plaga carni reliqua equalis, radetur homo absque loco macula & recludetur aliis septem diebus. Si die septimo visa fuerit stetitisse plaga in loco suo, nec humilior carne reliqua, mundabit eum, lotisque vestibus suis mundus erit. Sin autē post emundationem rursus creuerit macula in cute, non quæret ampliùs utrū capillus in colorem flauum sit commutatus, quia apertè immundus est. Porro si steterit macula, & capilli nigri fuerint, nouerit hominem sanatum esse, & confidenter eum pronunciet mundum.

Indicium
malignæ
lepræ.

Achores.

Eadem ratio est dignoscendi malignā lepram ab scabie munda in capite & barba, & in aliis corporis partibus: nimirum quæ humilior est reliqua cute, & capillorum mutat aspectum, & sese effundit ac serpit maligna est, aut etiam quæ cum videretur esse munda, rursus emergit, redit, & serpit. Quæ contraria prorsus habet, nullatenus est maligna, vt certè de alia etiam lepra dictum est. Illud solū interest, quodd in reliquis partibus, lepra affectæ cum sunt, pili mutantur in albos, in capite & barba in flauos & tenues. Huius causa est, quodd capitis lepræ innasci solent achores, & ceria vocata, Medicis vulgò, ac quibusdam etiam Arabum Medicorum vocatur tineæ. sunt verò vlcuscula quædam manantia succum quendam liquidiori melli similem: quod apertè indicat tali etiam sanie imbutam esse illis capitis cutem. Meritò ergo tales inde capilli nascuntur, tenues inquam & flauī, vt certè è reliquis partibus quæ salsa pituita imbutæ sunt, nascuntur albi. Causa illius, est bilis flauæ tenuis cum salsa pituita permissio, aut etiam cum portione aliqua atræ bilis. Res est certè experimento cognita, iis mulieribus præcipuè quæ tineæ laborauerint, auro similes capillos oriri.

Vir siue mulier in cuius cute candor apparuerit, intuebitur eos sacerdos, si deprehenderit subobscurum alborem lucere in cute, sciat non esse lepram, sed maculam coloris candidi, & hominem mundum.

Vitiliginū
à lepra
differen-
tia.

Hic statuitur differentia inter maculā simplicem coloris candidi, eam scilicet quam vitiliginem albam vocant Latini, & Arabes gaudā, & inter lepram, aut deteriorem corporis infectionē, hoc est, pra uos lycheuas, lepram particulariter vocatam, & elephantem, qui lepra est deterior, & achora: nimirum vbi nihil aliud est quā candor quidam subobscurus, lucens in cute, neque scilicet humilior est plaga reliqua cute, neque pili nascuntur albi, neque tenues & flauī, neque serpendo crescit, hæc est vitiligo & non lepra, & homo mundus est.

Vir de cuiusvis capite capilli fluunt, caluus & mundus est, & si à fronte ceciderint pili, recaluastrer & mundus est: sin autem in caluitio,

caluitio, siue in recaluatione, albus vel rufus color fuerit exortus, & hoc sacerdos viderit, haud dubie eum lepra condemnabit, qua orta est in caluitio.

Caluities quædam naturalis dispositio est, quædam præter naturam & ex morbo orta. Quæ naturalis est, fit ob siccitatem cutis tegentis synciput. Velut enim ex arida terra, & duris lapidibus nullæ herbæ nascuntur, ita neque ex dura crustæ simili facta cutis nascuntur vlli pili. Et ij ipsi qui inerant deficiente humore arescunt, extenuantur secundum radices, & excidunt. Eam verò esse causam naturalis caluitiei constat, siquidem contraria causâ nunquam caluescunt neque pueri, neque mulieres, neque eunuchi, quibus scilicet humiditatis, temperamentum redundat. Causam qua quibusdam ea cutis pars successit, Hippocrates sexto Epidemicon sectione tertia, reicit in cerebrum, quod scilicet quibusdam extenuetur eo loco consistens substantia cerebri, fiatque minor quàm vt tangere possit ossa, & id accidere posse iuxta frontem, vbi angustior cerebri pars est: in aliis capitis partibus non ita. Atque ob id secundum synciput fieri caluitiem. Certè probabile est, quibus exterior anterioris capitis pars siccior est, esse etiam & interiorem siciorem, ac proinde contractiorem, & ossa minùs attingere, atque ea rursus causa fieri ossa, & per ea cutem aridiorem, non tamen necessarium est. Mille enim inæqualitates temperamenti, secundum exiguas etiam & proximas particulas fieri euenit. Est tamen semper naturalis caluitiei causa naturalis siccitas, & durities cutis syncipitis. Ob id, quibus ea pars siccior est, seuescentibus fit caluitium, nimirum senescentibus naturaliter subrepat partium ariditas. Quæ verò fit præter naturam, & ex morbo, aliquando quidem vocatur à Medicis caluities, velut in aphorismo trigésimo quarto libri sexti, vbi dicitur, *Quibus caluis varices sunt magna, ij rursus capillati sunt.* Ibi enim de præter naturam caluis sermonem haberi constat, vt Galenus docet in commentario, quia caluitium naturale curationem nō admittit. Rarò verò vocantur id caluitium, sed alopecia, aut ophyasis. Alopecia quidem, si secundum ampla loca, ophyasis, si circulatim excidat pili. Fiunt hæc ob vitiosos succos corrumpentes radices capillorum. Atqui in malignitate, aut abundantia eorum succorum magna differentia est secundum magis aut minus. Est aliquando tanta, tamque maligna ibi cacochymia, vt inter leptæ species annumeretur alopecia, ea verò cacochymia, nulla potiùs nota significatur, quàm maculis in debili parte obortis albis vel rufis. Ea enim significant cutis infectionem à falsa pituita, aut à bile

Caluitiei
non ob-
noxij.

Alopecia,
Ophyasis.

Duobus
modis
homo fit
caluus.

bile ea quæ solet facere achoras, quas in lepris etiam esse diximus. Has ipsas notas cacochymia & alopecia recenset Galenus primo de compositione pharmacorum secundum locos cap. 1. quod est de alopecia, caluitie & ophyasi, his verbis: *Quales autem sint corrupti humores, ex colore cutis capitis cognoscet: aliquibus mutata albior apparet, aliquibus nigrior, aut pallidior.* Duobus ergo modis fieri potest ut homo caluus sit, & immundus, aut quod ipsemet succus prauus qui lepram parit, capillos corruperit, quod in malignis alopeciis euenit, ut videmus nonnullos ex achoribus factos caluos; aut quod in caluitio, alioqui naturali orta sit lepra. Vtrumuis fiat, significabitur, maculis cutis. Quod itaque hoc loco dicitur, est, eum cui à capite excidant capilli, nullo alio accedente vitio, caluum esse hominem, atque si solum excidant à fronte, vocari recaluastrum, non tamen ob id immundum esse: si verò in caluitie, aut recaluatione albus vel rufus color sit exortus, lepræ esse signum, quæ orta sit in caluitio.

Quicumque ergo maculatus fuerit lepra, & separatus est ad arbitrium sacerdotis, habebit vestimenta dissuta, caput nudum, os veste contactum, contaminatum ac sordidum se clamabit. Omni tempore quo leprosus est ac immundus, solus habitabit extra castra.

Hoc idem reperies præceptum apud Paulum lib. 4. cap. 1. ubi de victu agit laborantium elephante, quæ quidem est pessimæ lepræ species, cuius hæc sunt verba: *Quoniam autem in contagiosis est hæc passio non minus quam pestis. habitandum iis est longissime ab urbibus, in mediterraneis, & frigidis, & parum habitatis locis. Atqui si fieri possit, etiam inde transeundem in loca proxima, & ob seipsos, & ob alios, qui, ut par est, ibi erunt cum minori malo. Nam & ipsi conuenientiori fruuntur aëre, & non communicabunt aliis malum.* Hæc Paulus. Quibus præcipit, ut qui immandi sunt ab urbibus in vicos, seu villas, quæ loca sunt minus frequentia habitatoribus, recedant. Atque ad eò si fieri possit, etiam inde abeant in proximos agros, idque faciant, sui & eorum, quos eis est necessarium adesse, gratiâ. Nimirum morbus est contagiosus non minus quam pestis. In locis verò hominibus vacuis, & frigidioribus, ubi limpidiores perflant venti, ipsi fruuntur meliori aëre, & malum iis, qui illis necessario adsunt (non enim possunt ab omnibus destituti viuere) minus communicant. Hoc eodem consilio in pestilenti tempestate, homines primum recedunt à frequentissimis urbibus, deinde etiam per apertos campos vagantur, seorsum alij ab aliis. Huc etiam spectant quæ Moses hoc loco præcipit. Nimirum, quædam horum oportet leprosos agere sui gratiâ, quædam

Vestendi
& viuendi
ratio.

dam aliorum, quædam vtrorunque. Sui quidem gratiâ habere vestes dissutas, nuda rasâque capita, vt expirarent putidi vapores; gratiâ verò aliorum, habere os contactum veste, & clamare se contaminatum, & sordidum. quia nullo modo magis potest hominem inficere homo immundus, quàm expiratione quæ per os agitur. Admoniti ergo clamoribus, alij non accedent, si qui verò accedunt, testis ore minus inficientur: vtrorumque verò gratiâ, habitare extra castra.

Vestis lanea siue linea, quæ lepram habuerit in flamine atque sub tegmine, aut certè pellis, vel quidquid ex pelle confectum est, si alba vel rufa macula fuerit infecta, lepra reputabitur, ostendeturque sacerdoti. Qui consideratam recludet septem diebus & die septimo rursus aspiciens, si deprehenderit creuisse, lepra perseuerans est; pollutum iudicabit vestimentum, & omne in quo fuerit inuenta & idcirco comburetur flammis. Quod si eam viderit non creuisse, precipiet, & lauabunt id in quo lepra est, recludetque illud septem diebus alius, & cùm viderit faciem quidem pristinam non reuersam, nec tamen creuisse lepram, immundum iudicabit, & igne comburet, eò quòd infusa sit insuperficie vestimenti, vel per totum lepra. Sin autem obscurior fuerit locus lepra postquam vestis est lota, abrumpet eum & à solido diuidet. quòd si ultra apparuerit in his locis, quæ prius immaculata erant lepra volatilis & vaga, debet igne comburi. si cessauerit, lauabit aqua ea quæ pura sunt secundo, & munda erunt.

Si verè dictum est à Paulo, lepram, in morbis contagiosis esse non minus quàm pestem, siquidem videmus pellis seminaria, vestibus, domibus & cubilibus, & etiam supellectilibus quibuscunque hæerere consueuisse (per hæc enim omnia accidit fieri infectionē) constat & lepram posse, & vesti hæerere, & domui, esseque posse, & domum, & vestem, vt pestilentē, ita & leprosam. Verùm domum aliquā duobus modis euenit esse pestilentem. Aut enim ipsa ex se separata est ad gignendum eum morbum, læditque incolas, velut domus malè perflabiles, & quæ similes sunt suffocatis tuguriis: aut ipsa quidē domus, ab aliquo, aut aliquibus incolarum qui laborauerint peste vitata est, & postea ipsa alios qui in ipsam succedāt, lædit. Itaque aut domus per sese est salubris, aut quòd inquinamenta, seu seminaria contagionis receperit. An & leprosam vestem & domum fieri euenit duobus his modis, an altero, & quod eorum oportet inuestigare. Non enim aliunde rectius videmur posse ad præscriptæ orationis enarrationem procedere. Eius verò disquisitionis hoc est principium. Morbi contagiosi sunt, quos qui habent aliis communicant: constat verò eam morbi communicationem non posse fieri

Contagia.

Morbi
contagio
contactu
aliis com-
munica-
tur.

fieri sine contactu, ut neque ullam omnino naturalem passionem, contactus verò esse potest sine medio, aut medium aliqua alteratione transmittente. Contactus sine medio, partium solum externarum, & quæ ad cutem pertinet esse potest. Alteratio non potest transmitti per medium, quæ vim generandi similem morbum habeat, quin ex corpore malè affecto substantia aliqua in corpus inficiendum deferatur. Nam si medium tantum aut caleseat, aut refrigeretur, siccetur, aut humectetur, aut aliam quampiam qualitatem nudam, ac sine substantia suscipiat, alterabitur similiter proximum corpus, non tamen proinde suscipiet morbum corporis longè positi. Hanc ob causam Galenus, non solum cum homo ab homine læditur, sed & cum provincia à provincia, dicit id fieri delatis pestilentiaë seminibus per aërem; hoc est, malignè putrescentibus vaporibus, seu corpusculis. Itaque cum contagione inficitur corpus quodpiam non proximum, necesse est à corpore in corpus putidum aliquid deferri, id verò potest transmitti, aut per respirationem, altero inspirante quod expiraverit alter, aut per insensibilem illam evaporationem, quæ ex toto corporis habitu plus minusve semper fit. Hinc sequitur morbos omnes qui ad cutem pertinent, aut ad respirationis instrumenta, si cum aliqua maligna succorum qualitate & putrescentia sint, esse contagiosos, quia cutis contactu proximo, & insensibili evaporatione instrumenta respirationis, respiratione faciliè inficiunt. Ob hæc cōtagiosa esse oportet omnia scabiei & lepræ genera, & exanthemata omnia malignitatis aliquid habentia, ut morbillos, & variolas, atque phthisim, sed & peripneumoniam, & pleuritidem, ac grauedinem quoque nonnunquam: cum scilicet, cum maligna aliqua materiæ qualitate consistunt. Sunt etiam contagiosi alij, qui etsi neque ad cutem, neque ad instrumenta respirationis spectent, tamen ob malignam succorum intra corpus putrescentium qualitatem, faciunt malignos vapores & expirari, & exhalari per corpus. Huiusmodi est febris pestilens, & morbus vocatus Gallicus, per quem aliquando nullum in cute vitium est. Itaque contagio omnis respiratione aut exhalatione fit. Id verò nonnunquam evenit, vaporibus qui expirantur aut exhalant, mox occurrentibus homini alteri, aut rei alteri, in qua asseruantur. Atque ita quidam homines inficiuntur ab hominibus, quidam à rebus aliis quæ ab hominibus inquinatæ sunt, velut à veste, à cubili, à domo, à sede, à poculo, poculum quidem, & domus, & sedes, non adeò solent lædere atque vestis, quapropter eis uti non est adeò periculosum, veste verò periculosissimum,

Morbi
contagiosi.

vestium
infectio.

cum

cum in aliis, tum vel maximè in vitis cutis. Nam vestis excipit sudorem, & inuisibilem expirationem ferè totam, ac per eam effunditur in ambientem aërem, per quem & cubili occurrit, & sedi, & partibus domus; vestis verò non solum recipit hæc, sed etiam aliquando in cutis vitis, inquinatur sanie & sordibus. Fieri ergo hoc pacto vestem lepra infectam facile est, nimirum si putridam sanie eluerit à leproso, quam alteri affricando similem infectionem generet. Hoc idem videtur posse accidere domui, quamquam tenuius, quam vesti. Atqui vestis inquinata, non solum seruabit inquinamenta, sed etiam putrescet, eodem modo quo leprosi hominis cutis, nimirum putrescere potest ut & cutis, & putrescentia non dissimili. Quapropter præter rationem non est, maculas in vestibus similes fieri & crescere putredine serpente, ut crescit etiam in eis tinea, ubi situ obsitæ sunt, & non ventilantur si verò indicatum est, posse vestem ita putrescere mutato putrescendi principio ab hominis cute; itaque vestem & cutem posse putrescere eodem modo, quid prohibet quominus & ab eadem causa possint affectionis principium recipere, si modò est aliqua causa quæ utrique possit admoueri; ceterè esus leguminum, aut aliarum rerum prauis succi, parere potest elephantem aut lepram in cute, non tamen in veste, nisi per cutem. in Epidemialibus verò constitutionibus per quas morbi aliqui tales populariter grassantur, & efficiens morbum causa est aëris intemperies, cur non possit vestis putrescentiam accipere ab aëre ipso, quam accipere posse diximus à cute? Tamen enim, res adeò diuersas, differre naturis ac temperamentis opus sit, atque ita passionibus earum ab eadem causa non sint omninò similes. tamen ob communem naturam, qua sunt omnia, & animata, & inanimata putredini obnoxia, possint accipere putrescentias non omninò dissimiles, sed analogas. Neque verò nouum est in tempestatibus insalubribus, & magnis aëris intemperiebus, inanima etiam, corpora multifariam putrescere, & ex multiplici rerum putrescentia imminentis pestis accipi significationem, ex aquarum foetore, vestium tinea, vinorum acescentia & animalculorum quæ putredine generantur magno prouentu: vestes verò & ligna, atque adeò parietes, aeris alterationes sentire res est notissima Nam flante Austro hæc omnia putrescunt, Aquilone à putredine liberantur: adeò hæc est res manifesta ut mulieres ad flantem Aquilonem soleant vestes suspensas distendere, ut seruentur incorruptæ, Itaque haud est rationi aduersum in vestibus, domus lignis, aut lapideis putrescentiam aliquam analogam hominum

I

lepræ

Legumi-
nū noxa.

Auster.
Aquilo.

lepræ generari: præcipue per magnas abientis aëris intemperies, & morbosas constitutiones. Atque ita affecta seu vestis, seu domus, noxia erit hominibus, & passionem eam afferet vtentibus, quæ eius infectioni est analoga. Atque ita possit esse vestis aliqua leprosa, etsi ea nullus antea leprosa, vsus sit, atque sit domus aliqua non solum insalubris, sed & hunc aut illum morbum nata patere, vt leprosa domus, quæ incolas afficiat lepra, suntque vt morbi quidam proprii quibusdam oppidis, quos vocent Medici patrios. ita & proprii quibusdam domibus, quos licet appellare domesticos. Quare vbi in domo quapiam morbi frequentes fiunt, seu idem morbi genus repetit, aut apprehendit plures, consultum sit domum mutare, vt vrbibus etiam exeunt, qui in eis degunt insalubriter. Quod verò ad vestes attinet, nihil certè melius neque potius ad omnia cutis vitia, quàm vti mundissimis, nouis, aut lotis crebrò: vsque ad eò vt sola mundities soleat esse satis ad curationem: vt contrà qui sordidis, & putrescentibus iam vestibus vtuntur, rarò sunt liberi ab scabie, & pediculis, & immunditiis eiusmodi, etiam si nullus vnquam scabiosus eisdem vestibus vsus sit. Nimirum potest vt vestis à cute, ita & cutis à veste infectionem recipere, & vtrunque seorsum putrescere, & ambo sordida cùm sunt, computresciant sese mutuo. Vitare ergo oportet vestes putrescentes, sordidas atque maculatas. Possunt enim vestes putrescere, & variis quidem putrescendi modis, vt varia vitia, nostræ cutis vitiiis analoga in eis oriri possint. Hinc fit vt rationi etiam consonum sit, fieri in veste siue lanea, siue linea, siue pellicea lepram, & habere easdem notas, quas in homines cute, maculam scilicet albâ, vel rufam, non ortas scilicet, ob liquores aliquos qui infusi sint, velut lac, aut ius aut oleum, sed sponte & sine causa manifesta, & crescere eodem modo, ac cætera habere, vt cutem, & similem esse rationem dignoscendi. Nam præter dictas, est in laneis aut pelliceis quædam peculiaris causa ob morbos animalium, ex quibus lana, aut pelles detractæ sunt. Nam scitum est illud, vestes ex lana morticinorum pediculos facere, ita verò & morbidorum alias infectiones. Qui verò alias scilicet aut infelicitates in domibus aut vestibus ponunt, & aspectus astrorum causantur, quibus sunt factæ, nugantur haud dubiè: dictæ verò sunt naturales causæ.

Morbi
patrij.

Munditiæ
vis.

Vestium
putredo.

Pediculo-
rum gene-
ratio.

CAPVT XX.

L Euitici 14. capite: Locutusque est Dominus ad Mosem & Aaron, dicens. Cum ingressi fueritis terram Chanaan, quam ego dabo vobis in possessionem, si fuerit plaga lepra in adibus, ibit cuius est domus nunciatus sacerdoti, & dicet; Quasi plaga lepra videtur mihi esse in domo mea. At ille precipiet ut efferantur vniuersa de domo, priusquam ingrediatur eam, & videat utrūm leprosa sine immunda fiant omnia quæ in domo sunt; intrabitque postea, ut consideret lepram domus, & cum viderit in parietibus ipsius quasi valliculas pallore siue rubore deformes, & humiliores superficie reliqua, egredietur ostium domus, & statim claudet illam septem diebus, reuersusque die septimo considerabit eam: si inuenerit creuisse lepram, iubebit erui lapides in quibus lepra est, & proiici eos extra ciuitatem in locum immundum: dum autem ipsam radi intrinsecus per circuitum, & spargi puluerem rasura extra urbem in locum immundum, lapidesque alios apponi pro his qui ablati fuerint, & luto alio liniri domum. Sin autem postquam eruti sunt lapides, & puluis elatus, & alia terra lita, ingressus sacerdos viderit reuersam lepram, & parietes respersos maculis, lepra est perseverans, & immunda domus: quam statim destruent, & lapides eius ac ligna, atque vniuersum puluerem proicient extra oppidum in locum immundum, quod si introiens sacerdos viderit lepram non creuisse in domo, postquam denuò lita fuerit, purificabit eam reddita sanitate.

Disputatum paulò anteà est de lepra quæ vesti, & domui, & rebus aliis inanimatis accidere potest, indicatumque non esse id à Physica ratione alienum: sed nunc quoque aliquid, ut res intelligatur meliùs, addetur. Constat res omnes corruptioni obnoxias, communem habere naturam cum animatis (atque adeò cum hominibus) & communem rationē pariendi. Nimirum constant eisdem elementis, iisque contrariis: quamquam præter communem, habeat vnumquodque suam naturam, & præter elementa prima, habent animalia sanguine prædita alia elementa minùs multis communia; & posteriora, putà quatuor succos: sanguinem dico, piritam, bilem, & melacholiam, Succi quatuor. & singulæ animalium partes, præter naturam communem, quæ communicant inter se, & cum rebus omnibus corruptibilibus, habent suā quæuis, quæ & ab aliis partibus differūt, & à rebus inanimis, hæc natura est in proprio cuiusque temperamento, & cōpositione. Atque, ut agere potest res animata & quæcunque eius pars, quædam quæ viuens: ut sentit, & mouetur libere

Adiones
& passio-
nes mo-
tus.

Febels.

Phlegmō.

animal, cor pulsat, ventriculus coquit, qua animalis pars quædam, qua res quædam est, vt alia quæuis, velut cadit ab alto præcipitatus homo, non minùs quam lapis, aut lignum, & manus aut pes hominis refrigerat, aut calefacit rem aliam cui admoetur, non certè qua hominis pars, sed vt fomentum: ita pati etiam euenit animal, aut quamcunque eius partem, quædam quæ animal est, aut animantis pars, quædam qua res quædam, vt alia quæcunque corruptibilis. Nam delirat homo quæ rationalis, conuellitur aut resoluitur quæ motiuus: fastidit cibos quæ sensitium quoddam animal: vititur verò igne, madescit aqua, duratur frigore, vt & lignum, & corium, & lutum seu testa. Cùm igitur passionibus quædam accidant animantibus non quæ animantia sunt, constat eas omnes pati posse etiam res alias quæ animantes non sunt. Febrem ergo non patietur domus, neque vestis, neque cubile, neque mensa, neque sedes, quia cordis passio est, ea verò cor non habent. quare neque linquntur animo, neque patientur syncopè, neque sanè laborabunt phrenitide, neque lethargo, quia neque mentem habent, neque dormire possunt: neque tenebuntur fame aut fastidio cùm sensum non habeant alimenti. neque pleuritide aut nephritide tentabuntur, cùm neque latus habeant, neque renes: neque omninò laborabunt phlegmone quæ sanguine carent, quia phlegmon à sanguine fit, at verò scindi, perforari, vri, ac putrescere, non minùs potest pellis, pannus, linteus, lignum, lapis, & res quæuis eiusmodi, quàm hominis os, caro, & cutis. Cùm ergo scabies, & lepræ, & macularum genera omnia, quæ (vt nuper ex Medicorum veterum sententia diximus) non tam sunt morbi quàm deformitates, seu putrescentiæ quædam cutis, seu putrescendi modi, non est quòd non possit in rebus etiam inanimatis apparere, præcipuè vbi à causa aliqua communi gignuntur, & populariter grassantur, aëre enim, qui solus communis popularium morborum potest esse causa, vt in initio commentationum primi Epidemicon Hippocratis indicaui, tangit vndique atque circumstat inanimata æquè atque animata. Non sanè erit omninò eadem affectio ab aëre, animatorum & inanimatorum, quia non erit idem utroque apparatus: sed neque ipsa animata patiuntur eodè modo: differentia enim nonnulla erit lepræ, hominis, bouis, ouis, & suis: nimirum hæc omnia facit euariare (etiam cùm efficiens causa eadem est) diuersus rerum apparatus. Brunt tamen ex earum omnium rerum affectiones, analogæ & propinquæ, adèò vt animatorum diuersæ naturæ & inanimatorum cum animatis possit esse contagium. Meritò ergo passionum propin quarum
similes

similes sint dignotiones, & curationes, quod respiciens Moses eandem adhibere curam, & rationem dignoscendi iussit, siue lepra sit humanæ cutis, siue vestis, siue parietum domus: nimirum id vitium non viuientium solum est, quia non tam morbus quàm putrescentia quædam est. Et ægrotare quidem sola viuentia possunt, putrescere verò omnia præter ignem, ut docuit Arist. Haftenus de lepra.

Ignis im-
putribilis.

CAPVT XXI.

Leutici 25. cap. Numerabis quoque tibi septem hebdomadas annorum, id est, septies septem, quæ simul faciunt annos quadraginta nouem, & clanges buccina mense septimo, decima die mensis, propitiationis tempore, in uniuersa terra vestra. Sanctificabisque annum quinquagesimum, & vocabis remissionem cunctis habitatoribus terra tua, ipse est enim Iubileus.

Cùm vellet Deus sæculorum ordine decurrentium fines quosdam statuere, ut diuenditæ possessiones ad priores dominos deuoluerentur, redirentque alia post alia sæcula, per quinquagenos annos computationem eorum fieri voluit, quia quinquagesimus continet, & finit septem septennarios annorum, qui sunt quadraginta nouem, quæ in lege magna naturæ ratio habita esse videtur. Nam cùm mundus totus nullas naturales habeat ætates, siquidem neque interitum habet naturalem: habent tamen res omnes in mundo quasdam viciitudines & mutationes, secundum quas mundus ipse ætates habere dicitur. Hæ ætates partim sunt fatales, partim legales: fatales sunt, mutationes quædam contingentes articulis, & momentis à Deo destinatis, completo scilicet eo annorum numero quem Deus Optimus Maximus apud se habebat, velut regna, & imperia diuersarum gentium, & vicissitudines imperandi & seruiendi, incœperunt ac deserunt certis quibusdam annis, quorum numerus ab æterno erat apud Deum, dispensante omnia eius prouidentia. Legales velut hæ repetitiones rerum omnium diuenditarum quas per quinquagenarios annos fieri semper, lege sancitum erat. Mirum verò quod & in numerandis fatalibus mutationibus, & in condendis legibus ad annorum curricula pertinentibus, videtur in sacris literis (in quibus nihil non est perfectum & concinnum) semper habita ratio septennarij numeri. Nimirum septimanis dierum redeuntibus tota vita, & sæcula omnia, ac totus mundi decursus constat, & hebdomadibus annorum redire voluit Deus & terræ sabbata.

Iubilei
considera-
tio.

Mundi
ætates.

Septenna-
rij ratio
in vita.

Hebdomadarum principii.

Clymaterici dies.

& hebdomadarum hebdomadibus, annos Iubilei. hæc verò omnia sunt legalia. Sed & fatale tempus aduentus Domini nostri IESU CHRISTI, à tempore quo Cyrus edicto iussit reædificari templum, aut quo Isaias reædificandum prophetavit, numeratum est per hebdomadas annorum, Daniel. 9. Atqui hæc fatalia & legalia, respondent etiam naturalibus. Nam vt mundus totus septem diebus consistit, ita homo septem diebus formatur, & vsque ad septem dies sine refectioe durat, & ætates hominum per septennia recipiunt mutationes, & tota hominum vita septenniis numeratur. Vnde solenne fuit antiquissimis Philosophis clymatericos, seu scalares annos vocare quosdam, quibus frequentius quàm aliis mori homines soleant: ij verò sunt qui septenniis clauduntur: in quibus præcipuè quadragesimus nonus, & sexagesimus tertius: quòd primus constet septem septenniis, secundus nouem septenniis. Vocabant veteres (tetigit hoc Plinius lib. 7. cap. 49. atque nos quoque antea super cap. 6. Geneseos diximus,) hos annos scalares, quòd vita hominis, velut per scalæ cuiusdam gradus ascenderet: gradus verò essent ipsa septennia, & singulis gradibus, in ipsis insignibus vitæ mutationibus, contingeret multos decedere, velut in mortem præcipitados; nouis illis articulis vitæ occurrentibus morbis, præcipuè verò ex septimo & nono gradibus. Ac proinde celeberrimi clymatericorum esse dicuntur quadragesimus nonus, & sexagesimus tertius, & experimento dicitur cognitum, his temporibus plurimorum hominum vitas concludi. Quare consonum naturæ etiam fuit, hunc eundem finem sæculi vnus statui, & numeratis quadraginta nouem quasi iam finito vno sæculo, res nouas rediri, & diuendita restitui suis familiis. Clymaterici etiam numeri videtur obseruata lex in Danielis Prophetia: ita enim dicitur: *Post hebdomadas sexaginta duas* (putà sexagesima tertia hebdomada) *occidetur CHRISTVS.* Magna profectò pulchritudo & perfectio est in numeris, atque Deus vt fecit omnia in pondere & mensura, ita & gubernat, quòd cap. 11. Sapientiæ dicitur, quo in loco (si Deus concesserit) plura de hac re, & de Philosophia Pythagoricorum disputabuntur.

CAPVT XXII.

CAp. 27. Num. Prouideat Dominus Deus spiritum omnis carnis, hominem qui sit super multitudinem hanc.

Philosophi omnes qui palingenesiam afferebant, censentes animantium omnium esse communes animas (in quibus fuerit Pythagorici, atque ut ego censeo, Platonici, & ut ex Auicenna libello qui Atabice inscribitur Almahar, accepimus, nunc quoque sunt omnes Mahometani) locum hunc in suam sectam traherent, affirmantes esse spiritus communes omnis carnis, hoc est, animalium omnium, atque omnibus esse spiritus, hoc est, spiritales quasdam animas, separabiles, & valentes inde migrare, siquidem Deus esse dicitur spiritum omnis carnis, carnem enim vocari in sacris eloquiis non humanam solum, sed belluinam etiam constat: siquidem cap. 9. Geneseos dicitur, *Omne quod mouetur & vivit, erit vobis in cibum, quasi olera viuentia tradidit vobis omnia, excepto quod carnem cum sanguine non comedetis.* Ibi carnis nomine caro animalium, quæ homini in cibos data sunt, intelligitur. videtur ergo hinc quoque affirmari, omnium carne præditorum animantium esse communes spiritus, aut saltem si non communes, singulis generibus eorum suos. omnibus tamen spiritus aliquos, seu spiritales animas quibus viuunt. verum hæc omnia falsa sunt, & absurda. Animas enim quæ simul & actus corporis, & spiritus quidam separabiles sunt, soli habent homines: reliquorum animæ nihil sunt aliud, quam actus corporum sanguine viuentium. Hoc autem loco, *Omnis carnis* nihil aliud est, quam si diceretur, *omnium hominum*, ut apud Isaiam, *Et sciet omnis caro, quia ego Dominus saluans te.* & rursum, *Videbit omnis caro salutare Dei nostri,* & in Psalmo, *Ad te omnis caro veniet.* Neque alicubi videtur omnis caro, significare aliud, quam omnes homines. Nomen verò spiritus in sacris literis sæpissimè significat spiritalia animæ dona, velut capite 11. libri Numerorum dicebatur, *Descenditque Dominus per nubem, & locutus est ad eum, auferens de spiritu qui erat in Mose, & dans septuaginta viris.* non enim abstulit à Mose partem animæ, sed transtulit ad eos spiritum Prophetiæ. Hoc etiam significato, dicitur spiritus sapientiæ, intellectus, & timori Domini. Hoc etiam modo petebat Eliseus dari sibi spiritum Eliæ, non enim animam. Dicitur ergo, ut lego existimo, *Deus spirituum omnis carnis*, quia distribuit omnibus hominibus spiritalia dona, ut vult nugacissima verò palingenesia, nullum hinc accipere potest adminiculum.

Spiritus
liu confi-
deratio.

Differen-
tia animæ
hominis à
brutorum.

Spiritus
pro dono.

CAPVT XXIII.

DEuter. cap. 4. *Ne forè decepti faciatis vobis sculptam similitudinem, aut imaginem masculi vel fœmina, similitudinem omnium iumentorum qua sunt super terram, vel auium sub cœlo volatiliū, atque reptiliū qua mouentur in terra, siue piscium qui sub terra morantur in aquis.*

Pisces an
sub terra.

Terra
globus.

Eadem verba scripta sunt c. 20. Exodi. Euenit dubitare, cur pisces dicantur esse sub terra, si sunt in aquis, cū aqua, iuxta Philosophorum sententiam, vt est tenuior ac lenior, ita & superior quā terra. Certè si aqua super terram sita esset, inundaret totam terram, effluens & quærens partium suarum æqualitatē: sin autem terra supra aquam locata esset, rueret, & ita sub aqua sese mergeret (nam quo pacto terræ pondus supra aquam sustentaretur?) atque terra non posset aqua irrigari, quod ad generationes rerum est apprimè necessarium. Nulla ergo alia ratione potuerunt terra & aqua ad sese mutuò aptari, vt generationi subseruirent, quā ex ambabus sese mutuò secundū magna spatia penetrantibus, vnico conflato globo, & eadem vtriusque existente torunda superficie, ita vt neutra sub sit neque super stet, & vtraque contineat & contineatur. Ita enim neque terram in aquam ruere, neque aquam terram euenit inundare, sed irrigare solū, & fœcundare. partimque patet Soli aqua, vt copiosus inde eleuetur vapor, densatus postea in aquam descendens: partim terra, generationi spirantium animalium & vitæ idonea, si verò hoc ita habet, vnicusque globus constat terra & aqua, vt vel vmbra indicat in eclipsibus lunæ, & eadem est terræ & aquæ superficies, constat, quæcunque intra aquam degunt, esse sub terra, quæ repentina adhærent terræ, esse in terra, quæ verò cruribus hærentia per terram gradiuntur esse super terram, pisces igitur morantur super terra, cū præcipuè sub ipsa aqua, intra terræ cauernas se recondant.

CAPVT XXIV.

Eunuchi.

CAp. 23. Deut. *Non intrabit eunuchus attritis vel amputatis testibus, & abscisso veretro in Ecclesiam Domini.*

Antiquitus vtebantur Principes eunuchis ad custodiam mulierum, vnde & nomen illis datum, est, *ὑποφύλακες* enim Græcis est idem, quod Latinis cubilium custodia, seu custos. Hanc ob causam multi proprios filios tenellos adhuc, eunuchos faciiebant, quò scilicet seruirent principibus. Paulus lib. 6. docet modum

modum faciendi, quem Græci vocabant ἐνὸς ἑσθίου. Erant verò faciendi multi modi. Quidam enim fiebant excisione testium, quidam veretris etiam cum testibus qui mingeabant fistula anea, ut nunc quoque quibus ob morbum ea pars est secta, quidam fiebant testiculorum attritione. ea verò erat, Puello in balneo demisso, paulatim testiculos atterere, usque dum velut dissipati evanescerent, atque contorquere, ut vena que alimentum illis desert, velut nodo interciperetur, atque ita illi tabescerent. Itaque erant eunuchi testibus excisis, solis, aut etiam cum veretro. Et contritis, qui propterea vocabantur Thlibæ. Thlibæ. Hoc dicit Paulus. præstare exsectos contritis, quòd hi appetere venerem non desinant. Hos omnes prohibebat Moses Ecclesiam ingredi, quasi mutilatos, & imperfectos homines. Alij ab Spado. his sunt, qui vocantur spadones, hi enim nullius partis patiuntur mutilationem, sed naturale quoddam vitium: quod qui habent, congrredi possunt, & erigunt, instigantur ad Venerem: ob flexuram verò, aut conniuentiam vitæ, non possunt emittere, atque idèò neque generare.

CAPUT XXV.

Vigesimo secundo Deuter. Si duxerit vir uxorem, postea odio habuerit eam, quasieritque occasiones quibus dimittat eam, obiciens ei nomen pessimum, & dixerit, uxorem hanc accepi, & ingressus ad eam non inveni virginem: tollent eam pater & mater eius, & ferent secum signa virginittatis eius ad seniores urbis qui in porta sunt, & dicet pater, filiam meam dedi huic uxorem, quam quia odit, imponit ei nomen pessimum, ut dicat, non inveni filiam tuam virginem, & ecce hac sunt signa virginittatis filie mea, expandent vestimentum coram senioribus ciuitatis.

Ex his verbis constat, apud Hebræos fuisse in more positum, ut mulieres vitis desponsatæ, abstinerent ab eorum congressu, usque dum ab eis ducerentur, tuncque substrato linteo coirent, quo virginittatis signum, hoc est, virginis corruptione profluens sanguis, in illo colligeretur: atque id linteum daretur puellæ parentibus, quod illi acceptam (non arbitror sine multis testibus) asseruarent, ut virginittatis filiæ, usque in nuptialem diem asseruatæ, testimonium. Sed euenit hoc loco dubitare, quid intersit inter virginem & corruptam: quæ sint illa claustra virginittatis, quorum dilaceratione sanguis effluat. si enim nulla sunt, haudquaquam videtur necessarium, ut corrumpenda virgine sanguis effluat: sin autem necessarium non est, fallax & periculosa erat ea ratio diiudicandi, qua explicato

De virginittate multa.

Virginis explorandæ ratio.

Virginis
aperiendæ
ratio.

Nympha
virginæa.
Sarcosis
vteri.

vestimento, seu linteo, in quo primùm coierant, vti iuebant senes. Certè vt cuius dissectionis perito constare potest (quainquam sunt quidam dissectores, qui esse in ore vteri virginibus membranam quandam annuli forma affirmant) nulla pars est in vteri ore, aut ceruice, quæ virginitatis custodia sit & in corruptione pereat, sed angustia tanta, & symphysis, seu coalescentia labiorum tanta, vt sine dilaceratione partium quæ symphysi coierant, admittere virile membrum non possit: quare necesse est sanguis effluat. Atqui tanta coalescentia earum partium, vt sine dilaceratione id non admittat, naturalis est. Multis verò per morbos, aut vitiosam naturam tanta est obturatio, vt corrumpi facile non possint, aut si corrumpantur quatenus possint concipere, non tamen deinde dehiscant ad eò eis vteri, vt possint parere, nisi aperiantur ab obstetrice. Nonnullæ ad eò magnam adstrictionem eius partis habent, vt vel menstruæ expurgationi impedimento sit. Obturantur verò seu clauduntur vteri ora, vel symphysis (vt dictum est) magna, vel oboita ibi re aliqua præternaturam, vt caruncula, aut membrana. Adnasci enim solèt multa ori vteri, quæ excisione indigent, vt vocata Nympha, & vocata Sarcosis, caro scilicet inde prominens, in modum caudæ, & thimi, & condylomata. Horum excisiones, & clausuras aperiendi rationem, docet Paulus libro sexto: horum verò nunc meminimus, vt diceremus, conclusiones has omnes, quæ re aliqua ibi orta, siue carne, siue membrana, quæ ad eò dura quibusdam mulieribus ibi est, vt sit quasi quædam cartilago, siue tubercula, vitia esse naturæ, siue morbos: virginitatem verò in naturali quadam, & satis superabili partium adstrictione, & symphysi, seu coalescentia esse, ob eamque corrumpenda virgine, sanguinem necessariò effluere. Hinc fit, vt esse possint, sintque re vera medicamenta ad emendandam virginitatem, quæ adstringunt scilicet, & corrugant partem nouæ nuptæ. Ergo vbi primùm cum viro coisset, non erat præter naturam linteæ contemplari, atque vbi sanguine essent infecta, velut virginitatis indicia asseruare. Vt enim nihil haberent sanguinis, duorum alterum esse in causa poterat, vel quòd mulier corrupta ad thalamum accessisset, vel quòd ob vteri nimiam clausuram, aut etiam ob viri frigiditatem corrumpi non potuerit, tuncque huius rei periculum esset faciendum, ostentata muliere obstetricibus & Chirurgis, vt constaret, an tunc quidem, an antea fuisset corrupta. Hæc ita habere facile intelliges, si perlegeris libellum Galeni de dissectione vuluæ, ac multò magis dissectionem vaginalis vteri faciens.

CAPUT XXVI.

DEnter. cap. 30. *Si ad cardines cœli fueris dissipatus, inde te re-*
trahet Dominus Deus tuus, & assumet.

His verbis nihil aliud significatur quàm si diceret, si ad extremas terræ regiones, quæ sub polis Arctico, & Antarcticis sitæ sunt, relegeris, inde te in tuam patriam reuocabo. Sunt enim duo mundi poli, puncta cœli quiescentia, in quibus, & circa quæ, velut cardinibus quibusdam voluitur cœlum totum. Constat homines dissipatos, non mitti in cœlum, neque in ipsos polos cœli, sed cardinum cœli, seu polotum nomine, significari regiones sub illis sitas. Hæc verba antiquitas omnis putaret dicta per hyperbolem: quandoquidem tota sibi persuaserat è quinque orbis regionibus, quarum duæ extremæ sub polis essent, circulis arctico, & antarktico, finitæ, alia media inter tropicum Cancrî & Capricorni, aliæ duæ mediores, hæc scilicet quam incolimus inter tropicum Cancrî & circulum arcticum, & alia ei respondens inter tropicum Capricorni & circulum antarcticum: duas tantum has mediores, esse hominum habitationi idoneas: tres alias inhabitabiles mediam æstu, extremas frigore. His addebant Christiani, ne eam quidam quæ nostræ regioni respondet, vltra Capricornum, sitam habitari. cum enim ab vno Adamo omnes homines fluxerint, si per mediam illam regionem, quæ sub Zodiaco est, inter tropicos penetrare nullo modo possent, fieri non posset vt vltra & citra illam homines essent, sed ea tantum mundi in parte in qua Adamus creatus esset. Hanc ob causam Diuus Augustinus putauit, omninò nullos esse Antipodas. si igitur quinque mundi partiū aut vnica, aut duæ tantum hominibus essent habitabiles, nulli posset habitare sub polis, quare neque ad cardines cœli relegari, neq; reuocari inde. Quapropter antiquitas verba hæc, *Si ad cardines cœli fueris dissipatus inde reducā te*, non aliter acciperet dicta ac illa, *Si ascēdero in cœlum, illic es, si descēdero in infernū, ades*. non scilicet quòd possint homines transire ad cœli cardines, magis quàm in ipsum cœlū ascendere, sed per hypothesim impossibilem, vt ita significaretur, quàm esset Deus paratus populum suum reuocare: quod scilicet vel ex mundi cardinibus esset reuocaturus, si ed posset dissipatus mitti. Tempus verò rerum omnium magistrum, euidenter indicauit illum antiquitatis errorem, neque vllam mundi partem cœli causa inhabitabilem esse, sed omnia coli, vltra, citra, & inter

De mundi
polis.

Quinque
orbis re-
giones.

Antipo-
da.

inter tropicos, ac citra circulos arcticum & antarcticum: neque hominum dispersionem intra tam angustos fines sterisse, sed in vniuersum terræ orbem, esse factam: atque quamquam alij aliorum ob magna locorum dissidia sint obliti, tamen Dei prouidentiam, eos, more eius qui seminat, hac & illac, quoquò versus diffudisse, ita vt nulla pars hominibus alendis idonea, sine Adami semine relinqueretur. Hanc disseminationem, nulla neque memoria hominum, neque historia cognitam, nobis in hoc sæculo, velut digito indicauit, secundi Adami, hoc est, **I E S V** Domini nostri seminis, hoc est verbi Dei disseminatio. Iam enim Christicolæ, Dei prouidentia omnia machinante, perlustrarunt Orientem & Occidentem: transilierunt vtrunque tropicum, viderunt antarcticum polum: ac penetrauerunt versus arcticum nauigantes, arcticum circulum; quo pertingunt, vt nobis referunt, in extremo Nouergię, Friumachia, & Iub ipsomet polo, Simachia (author est Olaus Archiepiscopus) videruntque hæc omnia ab hominibus habitari: quibus & Euangelium plurimas iam in locis prædicauerunt. Itaque iam fieri incipit (quo d verbis præscriptis insinuabatur) vt qui dissipati, ac segregati à conuictu populi Dei sub cœli cardinibus habitabant, nunc ad veram fidem, & Ecclesiæ vnitatem reuocentur: speramusque breui futurum vt cum magna **I E S V C H R I S T I** gloria, sanctissimum eius nomen vbique colatur, & vt videant omnes gentes salutare Dei nostri. Neque certè omnes antiquos latuit habitari posse totum orbem. Nam Auicenna, vt erat philosophus eximius, intellexit fen. secunda primi, doctrina secunda, capite octauo, locum sub linea æquinoctiali, habitationi hominum longè opportuniorem esse, quàm qui sub tropicis: duobus argumentis. Primo, quòd Sol citiùs recedat à capitibus ibi habitantium, bisque in anno, nunc in hoc, nunc in illud latus: à capitibus verò habitantium tropicos tardiùs multò, ac in anno semel. causa verò celeris recessus ab æquinoctiali, est ascensus obliquus Zodiaci; tardi verò à tropicis, ascensus rectus. Hinc fit, vt minori tempore fiant maiores dierum in longiores, & breuiores mutationes, circa æquinoctia quàm circa solstitia. Atque adedò hinc nomen solstitiis datum est, quòd in illis stare videatur Sol, vt declinat lentè. Secundo, quod in eo loco nunquam est dies nocte maior, sed æqualis semper; quare cùm sit dies splendoris & caloris, nox tenebræ & frigoris mater, in causarum æqualitate erit omnium mediocritas & temperies. Cùm igitur sint tres caloris causæ, vicinia, reëtitudine, & mora Solis, reëtitudine & mora multò plus possunt, quàm vicinia. Omnes enim

Astrologi

Orbis totus habitabilis.

Tres causæ caloris.

Astrologi norunt, in æstate longius abesse à nobis Solem, quia est in aure, quàm in hyeme, quia est in opposito auxis : tamen quia rectitudo radiorum, & dies maior est, calent tantò magis omnia per æstatem. Cùm ergo sub æquinoctiali citius ac pluries declinet Sol, & dies nunquam sint longiores noctibus, commodior multò sit ibi habitatio quàm sub tropicis, atque adeò omnium commodissima : quod nostri iam habent perspectissimum. Simili etiam argumento suaderi potest (etsi id nondum sit adeò perfectum) sub ipsissimis polis posse homines habitare. est enim in eo loco totus annus dies vnica, quandoquidem æquinoctialis linea, eorum horizon est. habent ergo conspicuum Solem menses sex, & totidem latentem. itaque & in mundi medio, & in extremis, æternum æquinoctium est, tamen hoc interest, quòd sub polis nunquam recedit Sol ab horizonte ultra viginti gradus, ac proinde nox tota crepusculi sunt (nam & apud nos vsque dum triginta gradus mergitur sub horizonte Sol, crepusculum est) ac licet dicere ibi nullam esse noctem, sed tempus totum Solis, aut crepuscula. cùm ergo ea regio vincat proximas, ac reliqua Septentrionales, plus dierum longitudine, quàm rectitudine radiorum vincatur, & vicina multò minùs frigida, & habitationi opportunior sit, quàm ille. Qua causa mihi persuadeo, vt quæ est sub æquinoctio, commodior est quàm quæ sub tropicis, ita eas quæ sub polis, commodiores esse iis quæ sub circulis arctico & antarctico. Quòd si mediam & extremas regiones habitationi idoneas esse indicatum est, constat totum terrarum orbem habitabilem esse. duas enim reliquas, & mediocres constat habitabiles esse, siquidem earum altera est hæc quam incolimus, cui reliqua, & quinta similis prorsus est. nisi igitur pars quæpiam ob soli incommoditatem est inhabitabilis, ob cæli tamen & Solis positum, nulla est in toto orbe. Labet hoc loco admirari Dei. Opt. Max. sapientiam, ex Solis corporis omnium quæ vita carent præstantissimi positu & cursu. Eo enim illum loco aptauit, & eum cursum incessanter tenere iussit, quo solo poterat omnes mundi partes habitationi facere idoneas, & vtrique mundi lateri virtutem suam iustè ac æqualiter impertiri. Ferrur enim Sol per mundi medium inter duos cardines, non ita tamen, vt per eandem lineam semper latus, æqualiter ab vtroque semper distet; sed latus obliquè, nunc in hoc, nunc in illud inclinet : ita tamen vt inæqualis illius distantia æqualitas, temporum æqualitatem quandam faciat. Ita fit vt omnibus virtutes largiatur, per vicissitudines rerum generationi necessarias. Si enim Sol citra, aut ultra æquinoctialem lineam

semper

Æstius
caloris
causa.

De sole
multa.

semper consisteret, oppositi poli partibus nunquā illucesceret. Quapropter, sub æternis tenebris, haudquaquam esse possent hominibus alendis & seruandis aptæ, & poli alterius partibus nunquam occultaretur, quare alterum mundi latus nesciret noctem, alterum diem. Neutrum verò amat hominum vita, neque terræ natura; quæ luminis & vmbrae, caloris & frigoris vicissitudine fecundatur. Præter hæc, ea mediætas mundi, intra quam Sol se semper contineret, vrgeretur calore, multò plus, ac secundum partes longè maiores quam opposita altera frigore: neque partes mundi æquè distantes à polis & à mundi medio, æqualibus gauderent diebus & noctibus. Quapropter haudquaquam Sol mundi partibus omnibus virtutes suas impertiretur, secundum æquabilitatem, & iustitiam, vt nunc facit: quam tamen iustitiam distribuendi virtutes æqualiter secundum latera, si, vt Galenus animaduertit, aded natura seruauit in-formandis, regendisque humani corporis partibus, multò magis seruari in maioris mundi formatione oportuit. Si verò Sol per ipsam lineam æquinoctialem semper ferretur, ita vt neque in hoc, neque in illud latus inclinaret, nulla ratione deterius posset mundo & hominum vitæ seruire, quia partes sub polis sitæ, neque diem neque noctem haberet vllam, sed in horizonte Solem semper, cuius dimidium spectarent, quod parum omninò abest ab æterna nocte. Neque Sol in horizōte semper volutatus, posset satis calefacere, ac fecundare terras, quas nunc cum viginti tres gradus supra horizontem eleuetur, tamen calefacit tenuiter. Iam verò terra mundimedia, rectum semper supra se Solē sustinere non posset, sed vreretur: atque hæc & aliæ omnes mundi partes, cum nullis potirēt vicissitudinibus, sed eodem modo semper afficerentur, nequaquam possent generationibus esse aptæ. Non enim potest idem, & eodem modo habens tempus, sementi & messi, neque vindemiæ, & putationi esse aptum. Nimirum vt omnis generatio est ex contrariis in contrarium, ita inter contrarias versari causas debet, quia contrariorū contrarias esse causas necesse est. Nisi igitur Sol per mundi mediū ferretur obliquè, nunc in hoc, nunc in illud latus nutās, nequaquam esset mundus hic idoneus generationibus. Quid ergo superest, an vt obliquitas Solis minor esset, aut maior quàm nunc est: sed ponamus primum esse minorem, velut v. g. recessus Solis ab æquinoctiali, quàm nunc sunt viginti trium graduum, esse si placet tantum decem, quid fieret? Primum quidem oportet Zodiaci ipsius amplitudinē, quæ nunc duodecim graduum est, ad proportionem contrahi: in tanta autem Zodiaci angustia, duplo plures congregerentur Planetæ in ecliptica, ac
duplo

Genera-
tio in
quo.

duplo plures fierent eclipses, & virtutū cœlestium subtractiones, quod non videtur citra noxam accidere. Præterea, quanto minor esset Zodiaci obliquitas, tãtò essent minores temporum vicissitudines, & tantò minus tempora à temporibus dissiderēt. quapropter sub æquinoctiali, vbi parum nunc tempora dissidēt, haudquaquam esset sufficiens ad generationes vicissitudo, ac ferè perinde esset atque si per æquinoctialem semper volueretur: si verò obliquitas esset maior quàm nunc est, vt si v.g. recessus Solis ab æquinoctiali qui nunc est viginti trium graduū, esset quadraginta, illæ solum mundi partes quæ sub Zodiaco essent, coli possent: reliquæ sustineri non possent, partim tantam temporum diuersitatem, partim tantum Solis recessum. Natura enim animantium cùm nihil quod sit nimium sustinere possit, omnium minimè sustinet causarum contrarietatem. quare si extrema Moscouiæ pars multò fieret frigidior quàm est, haud esset habitationi idonea. maius enim esset id frigus, quàm vt viuere quidpiam in eo posset. Sed neque Africa, si vt nunc æstate æstuans, hyemes haberet quales Germania, habitari posset, quia tantam mutationem aëris haudquaquam possent homines sustinere. si verò Sol recederet gradus quadraginta ab æquinoctiali, nunc in hanc, nunc in illam partem, gentes quæ sub Cancris tropico degerent, aut viginti gradus distarent à tropico, æstuant vt nunc Africa intima, ac nihilominus hyemes haberent quales Germania: recederet enim ab eis Sol centum gradibus, ipsi verò Germani, ac multò magis qui sub circulo essent arctico, haudquaquā possent hyemis frigus sustinere, quia recederet ab eis Sol multò magis, nunc verò malè sustinent. Cùm igitur quæ habitationi sunt futurae idoneæ mundi partes indigeant mutationibus, non quibusuis, sed quibusdā si Sol per angustiores versaretur circulum, minores essent vicissitudines temporum, quàm vt generationi rerum essent satis: si per ampliores, maiores quam vt sustineri possent. Deus verò hæc exactissimè computauit, vnde argumentū accēpit gloriæ Dei David Psal. 9. dicens: *Cœli enarrant gloriam Dei, & rursum, In Sole posuit tabernaculum suum & ipse (Sol scilicet) tanquam sponsus* (hoc est, pulcher & ornatus) *procedit de thalamo suo à vertice cœli exultauit ut gigas ad currendum viam* hoc est, fertur citra defatigationem mirabili celeritate, *à summo cœlo*, hoc est, ab Oriente, *egressio eius, & occursum eius vsque ad summum eius*, hoc est, vsque ad Occidentem, *neque est qui se abscondat à calore eius*, hoc est, eum tenet cursum, & eo semper circulo voluitur, vt nulla mundi regio sit quam non illustret, calefaciat, & fecundet, facietque plus aut minus, satis tamen habitationi idoneam.

CAPVT XXVII.

CAp. 9 Iudicum: Nunquid possum deferere vinum meum quod
 latificat Deum & homines; rursum Psal. i. c. 3. Vt educaſ pa-
 nem de terra, & vinum latificet cor hominis, & panis cor hominis
 confirmet. & c. 35. Prou. Date ſicera mœrentibus, & vinum iſ
 qui amaro ſunt animo, bibant & obliuiſcantur egeſtatis ſua, &
 doloris ſui non recordentur amplius.

De vino
 multa.

Potionum
 genera.

Panis.

Mayz.

Vinum, quod eſt Noë inuentum, eſt ſuccus vix maturati-
 one perfectus. Ita dico, quia recens expreſſus, neque per eam
 ebullitionem quam ciet naturalis ipſius calor perductus ad
 perfectionem, muſtum potiùs eſt & potui minimè aptum, ac
 ſi quis poter, noxium. Multæ aliæ potiones ſunt illi nōnihil ſi-
 miles quibus in penuria homines pro illo vtuntur, vt quæ no-
 ſtris Cantabris vocatur *Sidria*, quæ *Ceruſio* Belgis, quæ Ger-
 mani *Medo*, quæ omnes potiones vno nomine Hebræo vocari
 poſſunt *Sicera*. Id enim nomen tribuebatur potioni omni, quæ
 poteſt inebriare vini more. Atque ob id datur mœrentibus &
 in magno aliquo labore conſtitutis vinum, aut ſicera ad obli-
 uionem egeſtatis & doloris. Quatenus hoc faciendum aut ca-
 uendum ſit, Theologis mitto dicendum, ad me tantum ſpe-
 ctat, quod pertinet ad naturam. Itaque potiones ſunt multæ, ex
 multarum rerum ſuccis paratæ, & ſimplices & compositæ,
 ſola tamen ea quæ ex ſucco ſit vix, vocatur vinum. Ita etiam
 antonomastiçè, ac propriè vocatur panis, qui paratur ex farina
 triticea ſubacta cum aqua: qui verò paratur ex aliorum fru-
 mentorum, aut leguminum (nam ex his omnibus parari ſolent
 in caritate annonæ) farinis, aut cum alio ſucco, dicetur panis
 cū adiecto vt panis hordeaceus, typhaceus, fabaceus, aut apud
 Indos ex mayz (ita illi vocant quoddam genus frumenti, ex
 quo parabant ſibi panes) aut panis dulciarius, aut lacticiuus;
 panis verò ſimpliciter, eſt qui ex triticea ſit farina cum aqua.
 Inter ea omnia quibus veſcuntur homines, panis & vinum te-
 nent primas, quia alij omnes cibi dati ſunt hominibus ad deli-
 cias, & ad abundantiam: hi verò ad neceſſitatem & ſufficien-
 tiam, & his maximè vtuntur homines. Nullis cum maiori malo
 carere poteſt, & nullis magis contenta eſt natura: quia ſunt
 omnium optimè parabiles, mortalibus omnibus maximè com-
 munes, optimè omnium nutrientes: non tamen panis & vinum
 eodem modo, neque eiſdem de cauſis, ſed panis, quia ſubſtan-
 tiam

tiam habet bene crassam, boni succi, & cum substantia nostra bene agglutinetur, habetque tantò plus alimenti, quantò medicamenti minus, cum sit moderatum quiddam, neque calidum, neque frigidum, neque humidum, neque siccum, neque facultate vlla medicamentosa, vr expurgandi, aut sistendi, aut laxandi, aut aliud eiusmodi faciendi, sed si quid tantillum inclinat in calidum, quo natura gaudet & fruitur. Itaque est panis pro omnibus cibis, quia mediocritatem tenet omnium, & tenuium, & crassorum, & facultatum medicamentosarum maxime expers, vt sit mere alimentum. Has ob causas symbolum est omnis escæ, ac totius nutritionis, petentesque huic corpori necessaria alimenta, solum panem iubemur petere, quem quotidianum vocamus, quia corpora indigent quotidiana refectione. Neque satis est, si quantum corpulentissimus athleta sanguinis habeas; & succorum intra venas repositum nisi recenti refectione quotidie vtaris, quæ quidem necessitas, ex spirituum facili dissipatione nascitur. Has ob causas Eliæ fame pereunti, panem quidem solum eumque quotidie mittebat Deus per coruum. Vinum non nutrit tam firmiter quàm panis, tamen multò citius, quia non est tam aptum in densam, solidam, firmamque substantiam abire, tamen abit citissimè in vitales spiritus, ac satis citò in sanguinem tenuem & calidum. Hinc fit, vt optimè maximeque secundum eorum naturas, dicatur panis confirmare cor hominis, & vinum laxificare, quia euenit his quæ & aliis cibis, vt scilicet quò citius nutriunt, eò citius dissipetur quàm præstiterint substantia contra quò tardior, eò firmior refectio sit, & diutius duret; in eam enim sententiam scriptum ab Hippocrate est, *Eorū quæ celeriter nutriunt, celeres quoque sunt excretiones.* Quæ ergo tardius nutriunt, solidius præstant robur, potestque qui eis vsus sit, diutius sine alia refectione persistere, pugnare, arare, aut aliud quiduis laboris sustinere: quæ verò nutriunt citò, præstant alacritatem, refectione illa facili spirituum, reuocant ab exolutione, & deliquio, si quod est: itaque exhilarant, robur verò & ad sustinendos labores vim non præstant, etsi quis impleatur, quia dissipantur faciliè. Igitur quod maximè firmat, roboratque si modò vnicus cibus capiendus sit, est panis (quò spectat illud capituli 28. primi Regum, *Et robur non erat in eo qui non comederat panem tota die illa:* nimirum, vt dictum est, ad robur indigemus pane, eoque quotidiano) quod maximè exhilarat, vinum: exhilarat verò cum ebrietatem affert, quia obliuisci facit paupertatis, & doloris, denique omnes molestias, curasque facit deponere. Nam vt

Panis bene modè
ratus.

Vini natura.

Hippocrates libello de flatibus inquit, *Ebrii. fiunt presentium malorum obliuioſi, ac futurorum bonorū ſecunda ſpe beantur.* Vnde conſtat hilaritatem maximā ex vino, initium quoddam ebrietatis eſſe. Tameſi etiam citra vllam ebrietatis, ſeu dementiæ partem, lætitiā afferre poteſt mediocrem. Nam c. 31. Eccleſiaſtici dicitur, *Vinum ad iucunditatem creatum eſt, & non ad ebrietatem initio.* Eſt igitur iucunditas ex vino citra omnem ebrietatem, cauſæ verò illius ſunt, dicta ſpirituum vitalium reſectio, quorum penuria quia laborant melancholici, triſtes eſſe conſueverunt, & quòd calefacit, laxat, funditque cor: quem eundem motum illud per lætitiā ſubit. Vt enim per triſtitiā contrahitur, & torpeſcit, ita per lætitiā laxatur & titillat, cuius morus, calor ſuauiſſima accommodatiſſima cauſa eſt. Quòd ergo vinum lætiſcet, has habet cauſas manifeſtas, præter indicibilem quampiā ſympthiam, quā fortāſſe habet cum corde, quæ in eiùs ſubſtantiæ modo conſiſtet, cūm ad iucunditatem creatum ſit ab initio. Quòd lætiſicare Deum quoque dicitur, maius aliquod ſuſpicor habere ſacramentum, enarrandum Theologis: mihi illud occurrit, quandoquidem dicitur Deus in initio Geneſeos, vidiffe cuncta quæ fecerat, delectatusque quòd eſſent valde bona conſonum eſt, vt tantò intuitu rei cuiuſque magis delectetur, quantò ea eſt melior: aut (vt meliùs dicam) tantò res quæcunque ſit potior, quantò Deo magis placuerit. quapropter perinde ſit dicere, rem aliquā lætiſicare Deum, & eſſe optimā: eſt verò vinum optimum, niſi quis eo vtatur ad ebrietatem, facit enim ad iucunditatem; & ad ſanitatē animæ & corporis, & ad vitæ æquitatem, & bonos mores. Ita enim dicitur capite nuper citato Eccleſiaſtici. *Exultatio anima & corporis vinum moderatè potatum, ſanitas eſt anima & corporis ſobrius potus, & rurſum: Æqua vita eſt hominibus, vinum in ſobrietate,* nimirum vt cap. 30 eiùsdem libri dicitur, *Multos occidit triſtitia.* His cauſis Seneca libro de tranquillitate vitæ, ad eam obrinendam, ebrietatem laudat, exemplo Catonis Solonis, & Archeſilai, qui illi indulſerunt Sunt verò illius hæc verba, *Nonnunquam & uſque ad ebrietatem veniendum, non vt mergat nos, ſed vt deprimat curas: eluit enim curas, & animo animum mouet, vt morbis quibuſdam, ita triſtitia medetur.* Hæc ille. Nobis tamen neque ſanitatis, neque hilaritatis cauſa procedendum uſque ad ebrietatem vnquam eſt, neque quæ ad mores ſpectant, petenda à Medicis, neque Philoſophis; niſi quatenus cum diuina conſonā ſapientia, quæ tantum permittit vinum in ſobrietate.

Melâcho-
lici cur
triſtes.

Cur vinū
lætiſcet.

Ebrietatis
ex anti-
quis com-
mendatio.

CAPVT XXVIII.

CAp. 16. lib. 1. Regum ita est scriptum. *Ecce spiritus Dei malus exagitat te. lubeat dominus noster rex, & serui tui, qui coram te sunt, quarens hominem scientem psallere cithara, ut quam arripuerit te spiritus Domini malus, psallat manu sua, & leuius feras.*

Duplex hic occurrit naturalis dubitatio. prima, An Dæmones possint morborum, qui alioqui in succorum & tēperamentorum, aut etiam compositionis vitia referantur, esse causæ. Deinde, An eadem auxilia desiderent illi morbi, ac cum sine Dæmonis operâ orti sunt. Nam si Sâul melancholiæ morbo tenetur, haud dubiè consultum esset, iuxta medicinæ præcepta tibicines quærere & Citharædos, qui musica instrumenta pulsando animum illi demulcerent. nam cum metus & tristitia ita sint huius pessimi morbi accidentia, ut etiam fiant illius augendi causa, nulla ratione meliùs succurritur, quàm omni genere delectamenti; abigendo mœstitiam, & euocando mentem à rerum terribilium consideratione: vsque adeò ut cum morbus nondum est admodum inueteratus, neque succus plurimum redundat: sola iucunda viuendi ratio soleat esse satis ad recuperandam salutem: præstare verò musicam magnam animæ hilaritatem, Ecclesiasticus dicit ter aut quater, cuius in c. 40. sunt hæc verba, *Vitium & musica letificant cor.* meritò igitur musica mœstis, quales maximè sunt melancholici, naturaliter succurrit. si verò Sâul non humore agitabatur melancholico, sed Dæmone, quæ causa esse possit, ut citharæ pulsatione iuaretur, & leuius eam exagitationem ferret? An Dæmon mitescit musica? Hanc ob dubitationem, plurimi nihil hîc censent fuisse naturale, sed diuina vi effectum, ut pulsante Dauide citharam abigeretur Dæmon, non tam ob soni numeros, quàm ob diuinos hymnos quos ille cantando recitabat. Iraque diuinis Psalmis, ut exorcismis abigit Dæmonem. Ego quidem hoc non nego, neque dubito illa ratione, vim verbi Dei, & Davidicæ Prophetiæ significatam esse: nihilominus censeo, naturalem quoque causam cum diuina illa coniunctam esse, atque admirandum illum effectum. in vtramque referendum fuisse. Hoc indicabo faciliè, productis in medium quibusdam Aui-cennæ verbis, ex cap. 18. fen. 1. tract. 4. quod est de melancholia, ea verò sunt hæc: *Et quibusdam Medicorum visum est, quòd melancholia contingat à Dæmonio, sed nos non curamus, cum Phisicam docemus, si illud contingat à Dæmonio, aut non contingat, postquam dicimus, quòd si contingat à Dæmonio, tunc contingit ita*

Morbi à
Dæmoni-
bus quo-
modo cu-
randi.

Melācho-
liæ reme-
dia.

Musices
vis.

ut conuertat complexionem ad choleram nigram, & sit causa eius propinqua cholera nigra, deinde sit causa illius Dæmonium, aut non Dæmonium. His verbis Auicenna inquit, nihil referre ad curationem, siue Dæmon sit qui melancholica inferat accidentia, siue non: eò quòd non possit ea inferre, aliter quam per ipsos melancholicos succos. Itaque causam proximam semper ad ipsos succos deuolui, atque eum ablatione causæ proximæ, necesse sit tolli morbum, vtentibus nobis naturalibus auxiliis, & causam tollentibus, necesse erit tolli morbum, etiam si Dæmon eum excitauerit. Ratio sanè hæc, partim quidem rectè procedit, partim tamen deficit quandoquidem, vt morbus qui pendet ex causa, nisi sublatione causæ proximæ non tollitur: ita neque ipsa causa proxima, nisi sublatione prioris: etiam si sit externa, modò non recesserit. velut si Sol bilem excussit, atque ita febrem fecit, tolli non possit febris nisi bile euacuata, aut consumpta: sed neque hæc penitus euacuari aut consumi, nisi ægrotus à Sole recedat, & in frigidiorem locum se transferat. si verò iam recessit, solum superest vt euacuetur bilis. Igitur eodem modo, si quis Dæmon, melancholicum succum agitando & augendo, melancholica intulit symptomata, iam recessit, solum superest, vt naturalibus agatur auxiliis, aduersus morbum & causam humoralem: si verò adhuc immanet, necesse sit simul vti remediis quæ Dæmonem abigant, & quæ melancholicum succum euacuent, & compescant. Effectum itaque hæc ratione est, non vt omninò sit indifferens, siue sit morbi causa Dæmon, siue secus, vt volebat Auicenna; tamen, vt quæcunque auxilia naturalia curare possunt morbum, cum is à Dæmone non pendet, possint etiam aliquatenus subuenire cum pendet. Si ergo cantilenæ, & musicorum instrumentorum concinnus sonitus, placare naturaliter possunt melancholicorum sæua symptomata cum eo morbo quis laborat, possint certè eodem modo, & eadem prorsus causa, cum eius morbi author Dæmon est. Verùm hoc ipsum quod aliquatenus videtur iam esse demonstratum, euadet longè euidentius, si hæc dubitationes prius explicatæ sint. Prima an malus Dæmon possit morborum causa esse; secunda, quomodo? tertia, an sint aliqua naturalia remedia, quæ per se, ipsos abigant Dæmones, an non, sed spiritualibus solum agendum aduersus eos sit, vt Ieiunio, & Oratione? His enim decisis, facilè eò quòd volumus perueniet disputatio. Antiquissimas esse has dubitationes, neque Christianis solùm aut Iudæis, sed & Mahometanis & Idololatræ agitari solitas constat. Primùm quidem ex eo Auicennæ loco quem produximus, deinde & ex libro de morbo sacro, qui nomine

Hippocrates circumfertur, toto enim eo libro disputatur aduerlus affirmantes, Epilepsiam ad Dæmonem referri, & eos, qui eo malo teneantur, solere in domum fugere, aut aliter à multorum conspectu se subtrahere, persentientes inuadi sese à Dæmone, atque adeò contendentes eiusmodi, non medicinalibus auxiliis, sed expiationibus esse curandos. censet verò is author, eam opinionem non aliunde, quàm ex ignorantione naturalis epilepsiae, causae nasci: plausibilem verò esse vulgo, eò quòd morbus videatur esse mirabilis, & ab aliis diuersus: atque quòd expiatio minùs molesta curatio esse videatur quàm quaecunque medicinalis, aut chirurgica. Atqui profecto, ut qui Philosophiae sunt ignari, ob multarum rerum naturalium ignorantiam fieri solent creduli, & superstitiosi: ita qui Physicæ plus satis sunt dediti, rebus omnibus quæ corpora non sint, aut eorum motus, periclitantur diffidere. Nunc verò cum de Dæmonibus tam multa à Philosophis disputata sint, non video cur quispiam, quantumuis rigidus Philosophus esse velit, tollat è medio Dæmones, nullamque causae rationem in morbis excitandis & torquendis corporibus eos habere censeat. Nam hæc cōsecutio nihil valet, potest melancholia & epilepsia ut quiuus alius morbus, citra Dæmonem fieri, ob succos ita aut aliter motos aut vitiatos: ergo non potest fieri per Dæmonem. At verò neque hæc. Quiuus morbus talis sit ab humore & causa naturali, ergo nullus sit à Dæmone, quia is ipse morbus qui fit à Dæmone, sit per causam naturalem, si Dæmon non aliter quàm per ipsos humores, infert tales morbos, habetq; Dæmon vicem causae externae, ut dictum est. nisi verò negetur, Dæmonem posse mouere succos: at verò moueri corpora ab spiritualibus substantiis, neque Arist. quidem, qui minimè de Dæmonibus est philosophatus, negauit. Ille enim causas omnes corporum motrices reducit vsque ad indiuisibilem & incorpoream. Itaque posse fieri, ut Dæmonis præsentia morbos exciter, neque quidpiam in hac assertionem Philosophorum placitis esse repugnans indicatum est. At verò esse re vera ita, superest indicemus. Primùm quidem literarum sacrarum testimonio, deinde & argumento ab ipsis rebus accepto. D. Lucæ cap. 8. ita scriptum est: *Occurrit illi vir quidam, qui habebat Dæmonium iam temporibus multis, & vestimento non induebatur, neque in domo manebat, sed in monumentis. & paucis interpositis, multis enim temporibus arripiebat illum, & vincebatur catenis, & compedibus custoditus, & ruptis vinculis agebatur à Dæmonio in deserta.* Ex hac narratione facile constabit cuius, qui vel summis labiis degustauerit medicinam, hunc hominem laborasse ea maniae

An morbi
per dæ-
mones
exciten-
tur.

Lycanthropia.

specie, quæ vocatur à Medicis Lycanthropia, seu lupina insania. His enim præcipuè accidentibus definitur is morbus quòd ita affecti domi contineri non possunt, sed circa sepulchra frequenter vagantur. Iam verò eum, cuius mentio fit 9. cap. Martii, constat fuisse epilepticum, ita enim dicitur: *Et attulerunt eum, & cum vidisset eum, statim spiritus conturbavit illum, & elisus in terram volutabatur spumans.* constat verò elidi in terram, ac volutari, & neri spumam circa os, certissimas notas

Epilepsia signa.

esse Epilepsia. Quin etiam (quod aliquantò videtur rarius) constat 13. cap. D. Lucæ, puellam quandam convulsionem spinæ accepisse à Dæmone: qua laboravit decem & octo annos. Manifestum ergo est, quanto in errore sint, qui quòd indicauerint, eum qui defertur ad exorcistas, teneri epilepsia, aut

Cathocus.

cathoco, aut melancholia (iis enim morbis frequenter tenentur) aut alio quòvis morbo, putant se iam indicasse, non esse id à Dæmone: cum his exemplis constet, eos morbos quandoque fieri à Dæmone. Neque verò cum Dominus noster inter mortales ageret, vexabant hominum corpora Dæmones, ac non etiam nunc vexant. Non enim sancta Ecclesia quæ diuino regitur spiritu, vteretur exorcismis, ac crearet quotidie exorcistas, nisi vexarentur nunc quoque hominum corpora à Dæmonibus. sed & ex his quæ homines fide digni, & verbis, & scriptis testantur, facile indicatur, esse etiam hoc tempore talium malorum causas immundos spiritus. Nam ferunt, horum multos respondere, appositissimè loqui, linguis alioqui ignotissimis, vt rusticum & ignorantissimum Latine, Græcè, aut Chaldaicè: præterea iustos ac coactos ab exorcistis, significationes de se euidentes præbere immundos spiritus, & homines ab eis detentos multa diuinare, & narrare, quæ in remotissimis mundi partibus agantur. quæ sanè constat nullatenus habere posse Physicam causam. Verissimè enim dictum est illud ab Aristotele, siquid aliud, intellectum hominis non posse aliter intelligere, quàm phantasmata intuentem; atque adedò nihil

Exorcistarum vis.

in eo esse posse, quod prius non fuerit in sensu. Cum igitur anima rustici nullum, ne minimum vnquam conceperit Græci sermonis phantasma, vnde possit eius intellectus nunc abstrusissimas phrasas eius idiomatis haurire? Est certè intellectio, animæ rationalis actio propria quamque citra organa corpora potest exercere, vnde & separabilis esse cognoscitur: ea verò, etsi per ipsissimam mentem citra organa agatur corporalia, non tamen dum anima in hoc corpore est, citra corporalia phantasmata. Illud enim intelligere, est de vniuersalibus, & à materia seiunctis cogitare: seiunguntur verò à corporalibus
phan

Intelligendi modus.

phantasmatis, vi intellectus agentis Quorum ergo nulla unquam concepta sint phantasmata, nulla potest esse intellectio. Iam verò ut intellectio esse non potest eorum, quorum nulla fuerunt phantasmata, ita neque recordatio, quorum non fuerit imaginatio, neque imaginatio, quorum non fuerit sensus. Ergo quæ alibi agantur certò cognoscere nullus potest: per nullam enim internarum potentiarum, cum talium nullus antecesserit sensus. Dixi verò certò cognoscere, quia temerè, casu quodam aliquid prædicere, aut præcogitare, garrulis euenit, & iis qui variis imaginationibus æstuant, ut mare. Scio quosdam Philosophos minùs exactos, & qui admirationi magis student quàm veritati, censuisse admirandas has vires esse humoris melancholici, fierique posse, atque adedò solere; ut quidam (in quibus scilicet is succus abundat) loquantur linguis ignotis, diuinent, quin etiam citra contactum moueant aliena corpora, cogant pluias, excitent procellas, atque adedò eò vsque procedunt quidam, ut in nescio qua naturali quarundam animarum præstantia, vim mirabiliora opera efficiendi constituent. Verùm ex dictis constat horum assertiones deuolui ad assertiones illas Platonicas, Intelligentem animam non esse corporis actum, & ut Aristoteles loquitur, entelechiam, sed assistere ut intelligentiam cælo: nostrosque animos sciuisse quidem antea omnia, discere verò nihil aliud esse quàm recordari. Ita enim, quandoquidem intelligens anima neque corpus naturale sit, neque naturalis corporis actus, non teneatur legibus causæ naturalis, sed possit mouere sine contactu, & quia priùs omnia nouerat, possit extra materiam diuagata, aut quietem agens per somnum, subtrahensque sese à sensuum perturbationibus, ut illi philosophantur, per sese scire, quæ à nullo sensuum acceperit. Verùm dictas assertiones constat sapientium omnium consensu censi iam absurdas, & esse dogmatibus ecclesiasticis dissonas. Igitur qui vaticinantur, siue per ea insomnia, quæ vocantur diuina, siue vigilantes, qui ignotis antea loquuntur linguis, ope spiritus cuiuspiam id faciunt siue boni, siue mali. Cum verò torquere hominum corpora ad immundos potiùs spiritus spectet, constat eos qui torquentur simul tale quidpià faciunt, teneri à spiribus immundis, atque spiritus immundos talium morborum causas esse. Sed quo pacto esse possint dicamus. Dæmon causa est externa morborum. Non enim intra corpus ipsū latèter nascitur, sed extrinsecus accedit morbos illaturus, eos igitur qui pendent ex materia, non aliter infert, quàm aliæ causæ, procacitæ; putà mouèdo internas, ut melancholicum morbum, augendo melancholicum succum, & cum qui inerat

Phantasmata.

Melancholia vis.

Vaticinia vnde.

commouendo, deferendoque in cerebrum, & internorum sensuum sedes vapores nigros. Augere verò potest melancholiam eam quæ naturaliter generatur, detinendo ne expurgetur; aut quascunque exurentes causas admonendo, Epilepsiam verò, Apoplexiam, Paralyfim, aut Catochum, deferendo crassos succos; ac per eos cerebri ventres, aut ipsas neruorum radices obstruendo. Cæcitatem, aut surditatem eodem modo, excrementa ad oculos, aut aures aceruando: quāquam hæc duo mala sine interna causa facere per sese possit, neruos visorios aut auditorios comprimendo, quominus per eos facultas sentiendi transmittatur; aut cæcitatem quidem humorem aquæ qui crystallino oppositus est agitando: surditatem, detinendo aërem congenitum (hunc enim existimo proprium esse audiendi instrumentum, vt & Aristoteles) quominus moueantur. Vt enim nisi humor crystallinus colorum fulgoribus intinguatur, agi non potest visio: ita neque nisi internus aer externi excipiat motitationem, auditio. Itaque aqueum humorem tranquillum esse expedit, vt rectè agatur visio, & actem internum agitari, vt auditio. Multa alia mala sunt huiusmodi, quæ aut per seipsum possit Dæmon facere, per internas causas. quapropter ad tollendum ea mala, quæ per sese faciet, solis exorcismis sit satis vti: ad ea verò quæ per internas causas, medicinalibus pariter auxiliis vtendum erit. Non ergo erit semper satis fugasse Dæmonem, nisi morbum etiam cures (vt neque satis semper sit ad tollendam febrem, quam peperit ira aut labor, mitescere, aut quietem agere) neque vnquam satis sit naturalibus instare remediis, nisi Dæmonem fuges quò fortasse respiciens Hippocrates in prognostico dixit: *Si quid etiam est in morbis diuinum, illius quoque oportet discere prouidentiam.* Nimirum refert ad curationem, & ne hoc ignoras & solum naturalem causam suspicatus, ineprè prædicat. Sed an sint aliqua naturalia remedia, quæ per sese in ipsos dæmones ferantur, & illis naturaliter aduersentur, dignum est consideratione. Videtur enim consentaneum, in ipsis naturalibus rebus esse quasdam Dæmonibus gratas, quasdam ingratas, & quibusdam allici quibusdam fugari naturaliter, vt capite septimo, & quintodecimo huius libri disputare cœpimus) siquidem inter omnes gentes, quia expiationibus curare morbos huiusmodi tentauerunt, res quasdam cauere iusserunt, & quibusdam vsi sunt, idque diuinitatis ipsius morbi causa dicentes se facere. Nam Hippocrates in illo libello de morbo sacro (nimirum erant etiam inter idololatrias qui expiamentis tentarent curare) ita scripsit. aduersus expiatores: *Ceterum qui primi* (loquitur de Epilepsia) *hunc morbum sacrum*

Humoris
Crystallini
agitatio
visum
impedit.

Expiationis
inuenio.

promittit

pronunciarent, tales mihi hi fuisse videntur, quales etiam nunc sunt Magi, & Expiatores, & Circulatores, qui se vehemēter pios esse simulant, & amplius quid scies. Hi itaque consilij ac mentis inopes pratercentes diuinitatē, cum nihil haberent quod exhibitum prodesset, ut ne manifesta fieret eorum ignorantia, sacrā hanc esse affectationem pronunciarunt, & rationibus idoneis collectis curationem constituerunt sibiipsis securam, expiamenta offerentes, & incantamēta, & à balneis abstinere iubentes, & à cibis multū, velut ex marinis quidē à mulo & melanuro, mugilique, ac anguilla: ex carnibus verò à caprina, ceruina, suilla, ac canina: ex volucribus autē, à Gallo, turture, ac oide: ex oleribus à menta, allio, & cspa. pallium praterea nigrum habendum non esse, neque in caprina pelle decumbendū, neque eandem gestare oportere, neque pedē supra pedem habendum esse, neque manum supra manum. Hæc illo in loco. Ex quibus intelligimus, Magos illos siue expiatores, qui inter gentes versabantur, cum morbum diuinum, hoc est, à Dæmone esse censerent, res quasdam interdixisse, ut naturaliter noxias iis, qui ita laborarent. Quis etiam hoc tempore scimus, multos exorcistas solere suffitu quarundam rerum uti, ut ipsi dicunt ad torquendum fugandumque Dæmonem ipsum. Nimirum dicunt, cum molestissimē ferre suffitum cornu caprini, & cuiusvis sterco-
ris, præcipuē humani, & ruta, ac hypericone (quem ob id fugam Dæmonum appellant) fugari. Sed quod maioris nomen-
ti esse videtur, & eius quod propositum est maiorem fidem
facere, Tobias iunior suffitu iecoris cuiusdam piscis, iussu sancti Raphaëlis, fugauit Dæmonem, qui septem viros illo priores interfecerat. Videtur itaque his testimoniis effectum, pro
ipsomet Dæmone fugando, esse naturalem quandam curationem. Nihilominus ut nuper citatis capitibus indicauimus, si
Dæmones penitus sunt incorporei, ut certē sunt, nullam à corporibus naturaliter passionem possunt accipere: sed neque si
corporei essent (nisi etiam essent corruptibiles) voluptate aut dolore affici possent: quia neutrum horum potest esse sine sensu, neque sensus esse potest, nisi cum organis, habentibus communem naturam cum ipsis sensibilibus. Quapropter corruptibilium rerum sensitiua, corruptibilia esse corpora necesse est. Nisi igitur Dæmones corporei & corruptibiles sint (quales certē non sunt) neque voluptate neque dolore affici possunt naturaliter ab vlla qualitate corporali. dixi naturaliter, quia
prima causa, quam nullis naturæ legibus teneri in Physicis fuisse demonstraui, potest corporibus præstare vim attingendi etiam incorporea. ea verò vis non fuerit naturalis, sed superior, ut igni torquendi diabolus & angelos eius, & benedictæ

Quas res
dæmō
fugiat.

aquæ eisdem fugandi & abluendi mentes. Huiusmodi quandâ virtutem tributam esse hepati illius piscis, quo Tobias usus est, crediderim. Aliorum verò quæ proposita sunt, aliæ sunt causæ.

Balnea
quibus in
terdicta.

A balneis suspicor circulatores illos arcere solitos ægrotantes, quo sublata maxima ac notissima talium morborum curatione, maior expiationibus autoritas accederet. Nimirum melancholici morbi, quales sunt plerunque quos Dæmon ciet, nullo auxilio magis quàm balneo curari solet, atque eo magis quàm vlllo alio Medici vtuntur. Tollebant ergo hoc, vt viderentur tollere totam curationem naturalem. Cibos illos omnes interdici ægrotis idoneum erat ob ipsos morbos, quandoquidem ob crassitiem, aut melancholicum substantiæ modum, aut acrimoniam erant noxiij. Imponebant verò illi hac in re vulgò, id quod erat naturale ad diuinam causam referentes. Nigro indui

Pallij ni-
gri vsus
interdi-
ctus.

pallio, ad melancholicas passionem non est vtile: manum habere supra manum, aut pedem supra pedem, otiosi & cogitabundi est, quod etiam melancholicis obest, indui pelle caprina, aut in ea decumbere, proprietate quadam esse noxium epilepticis Tralianus capite proprio tradidit. At verò quòd suffitu cornu caprini, & stercoreis torqueatur Dæmon, dicunt causam esse, quòd contemni se non ferat, cùm sit superbissimus. Ego verò existimo, ventum esse illis in eam opinionem, quia vt Medici omnes testantur, illarum rerum suffitu epilepsia manifestatur. statim ergo ac epilepticus illis suffitur, corripitur paroxismo, aut si

Hypericò.

paroxismo tenetur, ingrauescit. illi verò putant irritari Dæmonem. Rutam & Hypericonem salutare herbas esse ad dictos morbos, res est apertissima: cuius præcipua causa est, quòd flatibus absumunt, atque ita humores sedant, qui magna ex parte flatuum agitatione perturbantur, vt libello de flatibus probat Hippoc. si modò ipse est ille liber. Itaque vtuntur quibusdam rebus, quas (cùm ad morbos illos curandos conferant) censent conferre ad fugandos Dæmones, & aliis quibusdâ quæ nocent, hac ratione putantes se torquere Dæmonem, cùm torqueant potius miseros ægrotantes. Hæc cùm ita se habeant, constat ex his omnibus quæ dicta sunt, verisimile esse, plurimos eorū, qui Dæmonis opinione ad exorcistas deferuntur, Dæmonem non habere, sed morbis aliquibus eorum qui dicti sunt, teneri & præ inopia consilij, cùm tentatæ sint aliæ curationes antea, neque sufficiat, deferri ad illos id quod merito ab Hippoc. lib. de morbo sacro reprehenditur: esse tamen etiam aliquos, quibus talium morborum causa est Dæmon, illisque curationem naturalem non esse satis, conferre tamen, non ipsos Dæmones per se, sed ob morbos aut eorum symptomata, aut internas causas, quas Dæmon ciet.

Dæmones
quos in-
nadant.

Exemplo

Exemplo est Saül, qui cùm à Dæmone torqueretur, suauitate Dauidicæ citharæ delinitus mitius ferebat: nimirum, vt melancholico occupatus morbo. Neque enim est quòd quispiam sibi persuadeat, Dæmonem esse qui musicæ suauitate captus miresceret, atque adedò illum torquere sineret. Hoc enim refutatum iam antea est, disputatumque de ea re aduersus quosdam Platonicos c. 16. huius operis, in explicatione. c. 2. Leuitici, quod bis iam citauimus. Solum fortasse superest, quòd hoc loco quispiam dubitet, qua ratione fiat, si Dæmones nihil habent commune cum vlllo corpore, vt melancholicos homines magna ex parte innadant, aut melancholicos ipsi morbos inferant. Mihi quidem videtur ad eorum nequitiam referendum, non ad naturam: nimirum melancholicus succus, maximè omnium paratus est in insaniam & desperationem adigere, quæ illi nequam maximè exoptant.

CAPUT XXIX.

L Ib. 3. Regum cap. i. ita habetur: Et rex David senuerat, habebatque ætatis plurimos dies, cùm operiretur vestibus, non calefiebat, dixerunt ergo ei serui sui, quaramus domino nostro regi adolescentulam virginem, & stet coram rege, & foueat eum, dormiatque in sinu suo, & calefaciat dominum nostrum regem. Quasi igitur adolescentulam speciosam. in omnibus finibus Israël, & inuenerunt Abisag Sunamitidem, & adduxerunt eam ad regem, erat autem puella pulchra nimis, dormiebatque cum rege, & ministrabat ei, rex vero cognouit eam.

Cùm quis satis vestibus operiatur non calefieri, naturalis caloris defectum significat, quia vestes non calefaciunt calore proprio quo acti sunt, vt ignis, neque quo potentia, vt medicamenta, sed solū retentione, ac quodam percussu caloris nostri: nimirum nostri caloris vi, expirat semper vaporosum quiddā ac calidum ex nostris corporibus, quod vocat Galenus calidum effluuium. illud vestes detinent, ac circa nostram cutem gemitum, faciunt sistere, atque ita calefaciunt, præterquam quòd externum frigus arcent, vt & domus parietes, & tecta. Cùm igitur corpus non calefit vestibus, nō potest alia esse causa, quàm quòd non est calidū effluuium, atque eò magis, quòd externum frigus sæper arcent, vtcūque habeat corpus. Igitur si ne sic quidē calefit, constat corpus esse valde frigidū, ac nihil, aut quàm minimum calidi spirare. Vt autē hoc eueniat duplex potest esse

Vestium
vñs.Calidum
effluuiū.

causa

Caloris
frigus.

Senes ca-
lescendi
ratio.

causa. aut enim ipsum innatum calidum affectum est, vt per magnum rigorem euenit, etiam valde calido inueni, aut per sese est tenue & exiguum, in senē verò, neque rigore, neque horrore occupato, neque alia vlla passione præter naturam, constat ab exiguitate & tenuitate caloris naturalis, quæ ipsius extremæ senectutis omnes naturaliter est, nasci, cum verò Dauid tanta caloris naturalis penuria laboraret, nullum salubrius consiliū excogitari potuit, quàm quod serui eius ceperunt quærentes virgunculam formosam, quæ in sinu eius dormiret, videbanturque legisse Galenum lib. 7. Methodi. vbi imbecillitatem frigidi cum siccitate ventris curans, inquit. *Ex iis verò quæ extrinsecus applicantur, boni habitus puellus vna sit accubans, vt semper abdomen eius contingat.* Multò itaque melius illi consuluerunt, quàm si cum magna vestium mole onerassent, aut multo igne lectum concalefecissent, aut inuoluissent senem totum linteis igne concalefactis, aut oleis calidis inunxissent, aut etiam sinapismis aut rubrificantibus; ac multò magis quàm si vino meraciori ingurgitauissent: quia nullus calor naturali nostro magis conformis, aut esse, aut excogitari potest, quàm qui feruet in pueruli aut adolescentulæ corpore: nimirum humanus ille est, & ob ætatem vicens. Itaque perinde est ac si senili corpori puerilem calorem manu admoveas, cuius solùm defectu illud laborabat, nulla ratione potiùs videaris tribuere illi quod deest. Verum hoc vt apertiùs iudicemus, quid intersit calorem simpliciter dicas, an naturalem calorem, oportet explicare.

Ignis duplex.
Caloris
vis

Nam Stoici (vt apud Ciceronem libr. 2. de Natura Deorum, videre est) censuerunt (quorum etiam sententiam hac in parte multi secuti sunt) vt duplex à Platonici ignis statuitur, cœlestis & elementaris, ita etiam esse in rebus duplicem calorem, alium quidem cœlestem vt solarem, qui omnia generet, foueat, & ducat incrementum: alium igneum, qui omnia dissipet atque absumat. Atque in primo quidem genere esse calorem naturalem rerum omnium viuentium, in altero calorem ignis quo vtimur. Solis enim calore foueri terram, & fruges omnes tum nasci, tum ducit ad incrementum, igne verò admoto consumi omnia: ita calore nostro ac naturali coctiones omnes agi generarique ac nutrirī omnes in nobis partes, alieno verò & præter naturam, vt febrili, ad rabem deduci, esseque hos calores (quadoquidem aded efficiant contraria) longè diuersos, alterum quidem natura cœlestem, alterum elementarem. Ego verò cœlestem calorem nullum esse existimo, nisi est etiam frigus aliquod cœleste, quod nullus

An sit calor cœlestis.

nullus ponit. Omni enim calori frigus contrarium est: neque minus admota niue refrigerantur, quæ à Sole quàm quæ ab igne sunt concallescunt. Quod si non minus solari quàm igneo contrarium frigus est, nisi illi idem est calor, frigus duo habet contraria: si autem alterum frigus etiam est, idque cœlestis, certè cœlum non minus sit corruptibile quàm aër, cum contrariorum sit capax, & vtriusvis secundum naturam habeat, alterum præter naturam pati possit. Non igitur est calor vllus cœlestis, sed ut omne frigus ex elementis est, ita & calor omnis. quin potius hæc est ratio cœlestis ignis, quod lucidus sine calore est. Itaque cum ignis statuatur duplex, lux communis vtrique est, differentia verò in calore & eius vacuitate. Atqui profectò calor quem Sol infert, ad elementarem ignem refertur (ut aliis locis diximus) qui splendoris analogia allectus, cum Sole circumfertur. Nam præter dicta, si calor naturalis non est igneus, sed à cœlo tributus omnis calor naturalis talis etiam sit, neque solùm humanus, sed & qui omnium animalium; neque horum solùm, sed & omnium stirpium, neque certè harum solùm, sed & omnium quæ suo calore servantur, & admoto igne corrumpi possunt, cuiusmodi esse videmus succos omnes, ut lac, vinum, mel, oleum florum omnium ac herbarum succos siue destillatione, siue compressione extractos. Quod enim horum non corrumpitur, cum proprius calor tabescit? aut non potest admoto igne penitus absumi? Igitur his quoque est calor cœlestis, quandoquidem ab eo servantur, cum corrumpi possint ab externo, atque adeò tantò citius, quantò habent propriis minus. Vinum enim natura robustum & calidum sustinet magnum aëris calorem sine corruptione: frigidum verò & languidum vel à repente aëre vertitur in acetum. Quod si inanima & fluentia habent cœlestem calorem, cur non & solida, ut metalla, & gemmæ, ac denique quacunque vi frigoris & caloris possunt deduci ad interitum? si enim vi frigoris interire possunt, proprii caloris retentione servantur: si autem servantur proprio, & corrumpuntur alieno calore, proprium habent à cœlo: hæc enim erat causa, qua naturalis cœlestis statuebatur. At verò ut vi frigoris & caloris intereant, necesse est accidat omnibus quæ concreta sunt ex vocatis elementis. Nam quod calidi & frigidi contemperatione constat, vtriusque excessu necesse est interire, quia mediocritatem vterque excessus corrumpit. Fit igitur ex dictis, ut rerum omnium concretarum naturalis calor sit cœlestis. Vnde rursus fit, ut ignis elementum non sit, siquidem in mistis non servatur virtus eius, quæ enim nisi calor; quod si ignem

Vini ro-
bur.

An ignis
sit elemē-
tum.

Caloris
differētia.

Caloris
auxilia.

è numero elementorum tollis, necesse est tollas & aquam, alioqui mistis non fiet, sed corruptio, quia erunt duo frigida, aqua scilicet & terra contra vnum calorem aeris, & duo humida, aqua scilicet & aer, contra vnam siccitatem terræ: non ergo erit mediocritas, neque attemperatio. Quòd si aquam tollis quoque, necesse est tollas omnia, quia terra & aer non sunt bene miscibilia sine crassa aquæ humiditate. Necesse est igitur calorem proprium rerum omnium igneum esse, aut elementa, & missionem è rebus penitus tolli, ac longè aliter de natura rerum statuere, atque hætenus ab omnibus Philosophis qui in pretio fuerunt. Quæ igitur est differentia caloris naturalis, & præter naturam, si vterque est elementaris: certè quæ frigoris naturalis & præter naturam: ita etiam & humiditatis & siccitatis, quòd scilicet proprius est aut alienus, estque cuiusque rei proprius calor, qui secundum naturalem eius missionem moderatur, & qui mediocritatem excessit, iam est alienus. Atqui calor internus rei, ab exterius accedente quoque aliquando corrumpitur, aliquando iuuatur. Atque ut iuuetur, facit similitudo duplex: altera quæ in eius intensione est, ut scilicet non valde excedat, altera quæ in subiecto, ut scilicet similis sit substantia corporis quod admoventur. Si enim aridioris, aut humidioris admodum substantiæ est, & si non superest intensione, alter vret, alter putrefaciet, vtraque ergo ratione fit, ut nihil vtilius possit admoueri quibus calor naturalis extinctus penè est, quàm corpusculum pueruli aut iuenculæ calidioris. Nam is calor in substantia est simillima, & nisi eueniat febricitare, humani caloris gradum non superat. Neque quidem præter rem erat speciosum queri, quandoquidem iucundiores fierent ita amplexus, abessetque omne tædium, atque ita foueretur magis senem, non aliter ac elinguntur suauiores cibi, ac medicamenta minimè insuauia, ne venter respuat. Quòd si frigidum iam semen multis vestibis obruas, onerabis quidem plus, calefacies verò nihilo magis: quia vestes parum calefaciunt, nisi sit internus calor quem cohibeant. Si verò linteis calidis inuoluas, aut lectum ipsum admoto calefacias igne: primum quidem is calor cum siccior sit, siccitatem auget senilem, & calorem alioqui exiguum dissipat: deinde cum is calor præter naturam insit ipsis linteis, citò deficit, simulque cum illis refrigeratur rursum corpus: si verò oleis calidioribus, aut aliis medicaminibus ademptis velis calfacere, nec sic quidem proficies multum, quia medicamenta profunt quatenus ab ipso naturali ac proprio nobis calore deducuntur ad actum: id verò nisi calor possit, medicamenta nihil efficiunt, aut

etiam

etiam refrigerant. Quòd sit multa affricatione, aut igne fiant acta calida, eadem ac maiora afferent incommoda, quæ & calefacti ad ignem lintei. Iam vero nihil arbitror stultius, quam senibus caloris augendi gratia, vinum abundanter, merum præcipuè indulgere. Quantò enim vinum calidius est per sese, tantò maiori ventris ac viscerum omnium calore opus est ut superetur: alioqui à minori acescit, crudumque succum auget, unde & calorem naturalem suffocat, & morbos innumeros parit, ac mortem properat. Quare vinum esse lac senum, non valde probo; censeo potius, senibus sensim esse dandum dilutius, usque dum in extremo senio constitutis toto vino detracto, detur pro eo nulla aut decocta aqua, satius enim est permittere calori naturali sensim venire ad naturalem interitum quam vino obruere & senectam facere miserabiliorem, & breviorē. Rectè itaque procuratus calor est Davidi seni: quod præcipuè ea in ætate effectum est, qua non potuerit virginem agnoscere: alioquin multò magis laxisset congressus, quam contulisset a mortuo.

Vinum senibus interdicitur.

CAPUT XXX.

L Ib. 4. Reg. c. 3. dicit Eliseus Propheta: Nunc autem adducite mihi psalter: cumque caneret psalter, facta est super eum manus Domini, & ait: Hæc dicit Dominus, facite alveum torrentis, &c.

Itaque facta super eum manus Domini, hoc est, correptus seu afflatus diuino spiritu, vaticinatus est. Id vero ut fieret, postulauit adduci sibi psalterem, ad cuius cantum facta est super eum manus Domini. Quæ sanè verba magnam habent cõtempplarionem. Si enim cantus & musicus concentus vim quãpiam habent ad vaticinandum, ipsa vaticinatio naturalis est, hoc est, ex naturalibus procedens causis. Nam concentus, naturalis quædam est causa. Videntur itaque (spiritus vaticini) naturaliter allici concentu, aut anima per eam naturaliter ad vaticinandum disponi. Quod sanè ita esse, Quintus frater in 1. lib. de Diuinatione Ciceronis, ex sententia grauissimorum Philosophorum, quam eo loco tutabatur, iis verbis asseruit: Ergo & ij quorum animi spiritibus corporibus euolant, atque excurrunt foras ardore aliquo inflammati, atque incitati, cernunt illa profecto quæ vaticinantes pronunciant, multisque rebus inflammantur tales animi, qui corporibus inhaerent, ut ij qui sono quodam vocum, & Phrygiis cantibus incitantur. Maximi ergo momenti fuit, rigidissime examinare vim quã habet hæc res, atque adeò totã de diuinatione doctrinã, quandoquidem maxima sacrorum liberorum pars

De vaticiniis multa.

Carmina Phrygia.

Prophe

Prophetia constat. quod maximum est fidei nostræ firmitas, iuxta illud 2. Petr. 1. *Habemus firmiorem propheticum sermonem, cui benefacitis attendentes.* Si verò vaticinandi vis naturaliter hominibus accideret, qua ratione fidei, quæ de supernaturalibus habetur, argumentum esse posset? Vniuersim de diuinatione plurimum disputatum est à vteribus Philosophis Stoicis asserentibus esse re vera omnia ea diuinationum genera, quibus gentes omnes utebantur, ad eò ut neque auspicia, auguria, neque sortes, neque iudiciariam Astrologiam, quam scientiam Chaldæorum vocabant, repellerent. Epicurei ea omnia deridebant, putabantque esse imposturas quasdam, per credulitatem, & timiditatem hominum inuentas. Diogenes à quo fluxerunt Cynici, cum intueretur vitæ gubernatores, Medicos, atque Philosophos, dicebat animalium omnium sapientissimum hominem esse: cum autem inspiceret somniorum interpretes, coniectores, & vates, huiusmodi, dicebat nihil se stultius existimare homine. Itaque & Cynici deridebant hæc omnia. Peripatetici quædam asserebant. Quod ut apertius exponamus, ab ea partitione incipiemus, qua Cicero vititur in libris de Diuinatione. Omnia diuinationum genera, quibus homines uti tentauerunt, ad duo rediguntur: vnum quod ad artem quampiam videtur pertinere, alterum quod arte caret, videturque potius constare natura. In primo genere sunt auguria, & auspicia, & obseruationes portentorum, & astrologia iudiciaria, & missiones sortium, & prognostica medicinæ, & physionomia, cuius chiromantia pars est. In secundo genere sunt insomnia, vatum furores, & oracula, & Pythonum ex ventre responsa, & omnis necromantia. Rursum horum quæ in secundo genere continentur, quædam extrinsecus petuntur, ut oracula, & Pythonum, & mortuorum responsa. quædam in ipsa nostra anima esse videntur, ut insomnia, & furores vatum. Porro ipsi somniantes aut furentes, vocantur Platonici Vates; qui verò interpretantur, vocantur Prophetæ, itaque vates non intelligere quæ dicunt: Prophetas verò exponere quæ dicunt vates; quamquam in sacris libris hic omnium vsus non ita obseruatur, siquidem Cayphas dicitur prophetasse, cum nesciret quid diceret. Ergo nos quoque nunc indistinctè vocamus, siue vaticinari, siue prophetare, præsentire, aut prædicere quæ futura sunt. Stoici ut dicere cœpi, nihil horum repellebant, sed omnium gentium hac in parte credulitati fauentes, censebant & auspicia, & auguria, & portenta, & scientiam magnorum, & sortes, aliquid continere in sese certi & firmi, atque ad eò vanum non esse eis uti,

De diuinatione multa.

De diuinatione opiniones.

Diuinationum genera.

Stoici vaticinia habuerunt.

& auspiciatò quiduis aggredi, quod in vita esset magni momenti, aut inire prælium, uxorem ducere, aut aliud quiduis facere. Itaque non nisi præter rationem dimitti posse, contemplationem dextri & sinistri volatus auium, lugubris, aut hilaris cantus, & extorum in sacrificiis. Præter hæc etiam, esse vim quandam quibusdam hominibus, & in quibusdam locis vaticinandi: nunc dormientibus, nunc furore percitis: esse quoque Deorum de futuris rebus responsa. Primum quidem argumentum, & quod vniuersum de omnibus concludebatur, accipiebant ex communi omnium gentium consensu, qui (vt alibi dicit Cicero) lex est naturæ. Vix autem reperiri poterat gens vlla, ad quam Romanorum nomen peruenisset, quæ non haberet eas omnes prædicendi artes, & apud quam non narrarentur fuisse vlla vaticinia. De singulis verò ita argumentabantur (eligam quæ videntur firmissima) primum quidem auspices, augures, & portentorum, & astroium obseruatores, & sacerdotes qui considerabant exta, non temerè proferebant quidquam; neque nisi consideratis quibusdam signis, vtentesque quibusdam artibus, non aliter ac Medici, consideratis in facie, & spiritu, & decubitu noctis, prædicunt hunc moriturum, victurum illum: atque agricolæ consideratis volatu auicularum, & ranarum cantu, & grunnitu suum, præsentunt plueri, & nautæ, piscium consideratis saltibus, & maris colore, instantem procellam. Vt ergo nemo est qui hæc præfensionum genera vt naturalia non recipiat, ita nemo esse debet qui illa repellat. Nihil enim videtur interesse, præterquam quòd eorum causæ videntur ignorari. Si verò (inquiunt) experimento res constet, vt omnium gentium videtur vsu probati, etsi ignoretur causa, non est detrahenda fides, sed censendum omninò esse aliquam, quia nihil sine causa fit. Iam verò diuinationem illam aliam, quæ veriùs diuinatio dicitur, quæque sine vlla arte intra nos esse videtur; dormientes, aut furentes, asseritur exemplis multis, quia præter vetera quæ narrabant quamplurima, vix vllus incidet in hanc lectionem. quia non audiuerit multa ad hanc rem pertinentia. Post exempla verò addebat Cratippus hoc argumentum, quod sibi persuadebat esse firmissimum. *Quodcumque animal vel semel in tota vita vidit cælum, aut omninò colorem, fulgoremve aliquem, etiamsi centies millies videre nequiuert, aut videndo deerrauerit, necesse esse habeas vim facultatemque cernendi: nam quod ea omninò orbatum est nunquam videre poterit.* Ergo & quicumque homo, vel semi præfenserit diuinaueritque futura, etiamsi errauerit ea in re pluries, habet in sese facultatem diuinandi. At vero nemo neget

De diuinatione per somnia.

plurimos somniaſſe aliquando, aut etiam vigilantes dixiſſe res futuras, quæ verè conſequutæ ſunt. Porro (dicunt) vt naturaliter tributa eſt animæ viſ quædam ſentiendi præſentia, quæ dicitur ſenſus, & alia ſentiendi præterita, quæ eſt memoria, ita oportet tributam eſſe aliam futurorum, putà vim diuinandi. Collocant itaque ſenſum, & imaginationem, quæ ſine ſenſu temporis eſt, inter memoriam & diuinationem. His argumentis, & aliis multis (quæ vt minùs naturalia ſciens prætermitto) affirmabant eſſe in humanis mentibus vim quandam diuinandi, quæ plerumque langueret, nonnunquam verò excitaretur vehementer, aut calore quadam intrinſecus excitato, vel vehementi motu, vel lino, vel ſtatu aliquo diuino talè habente naturam, cumque vel ex terræ quibuſdam locis non continenter, ſed ex temporibus quibuſdam exhalare, ac ſeſe, non in omnes, ſed in natura magis paratas mentes interere, illiſque diuinationis, velut quædam, citra eum calorem vel ſtatum, obturata foramina referare, ab eius quoque facultatis uſu mentem præſentia rerum externarum, inter quas verſamur ſemper interturbari, proinde tunc maximè poſſe, cum externis relictis rebus per ſe mouetur, vt in ſomno, aut cum elata eſt, vt cum muſico concentu detinetur. Licet tibi hæc legere vt multis aliis in locis, ita apud Plutarchum libello de defectu oraculorum. Quibus plurimum videtur adſtipulari factum Eliſci, ſiquidem petiit adduci ſibi pſalter, vt vaticinaretur. Epicurei omnia diuinandi genera deridebant, cenſentes nihil eorum quæ omnino non ſint, ſciri poſſe, futurorum verò nullum eſſe adhuc, ſed quoniam neque præterita iam ſunt, meliùs videtur ratio hæc ita concludi poſſe. Quæ neque ſunt, neque fuerunt vnquam, nullo modo ſciri poſſunt; nam neque per ſe vt quæ actu ſunt, neque per ſui ſpecies, ac velut veſtigia quæ reliquerint, vt quæ præterierunt: nulla eſt igitur diuinandi ratio. Cenſebant ergo, eorum quæ præcognita prædictæue per quoduis diuinationis genus eſſe narrantur, plurimas eſſe vulgi ineptias, aut ſacerdotum impoſturas: imperitæ verò multitudini, prætextu pietatis & religionis facilè perſuaderi, nonnulla caſu euenire, vt ſcilicet euenire potuit aliud quiduis. Neque enim neceſſariò non euenit quod prædictum eſt, ſed & cum non euenit, potuit euenire. Peripatetici, vt Cicero refert, omne id genus diuinationum, quod artis alicuius erat particeps, tollebant, vt Epicurei; id verò quod arte caret, vt diuinationem dormientium, & furentium, & eorum qui morti proximi ſunt, concedebant, vt & Stoici. Plato vtrunque mihi videtur recepiſſe, alterius verò cauſam reieciſſe in Dæmones, alterius in naturam

Epicurei
diuinationes deri-
dent.

Peripatetici quid
de diuinatione.

Opinio
Platonis.

ram. Nam in conuiuio siue de Amore, differens de natura Daemonum, quos inter homines & Deos censet intercedere, inquit: *Per hanc vaticinium omne sacerdotumque diligentia circa sacrificia, expiationesque, & incantationes, & diuinatio omnis, atque magica.* idem in dialogo de Natura, vaticinium statuit in iecore, censens scilicet diuinandi vim tributam esse hominibus à natura, & ea vi tunc maximè eos vti, cum minimè vti possunt prudentia: sunt verò eius hæc verba: *Quod autem dementia humana Deus diuinandi vim dederit, illud argumento esse potest, quod nemo dum sana mentis est, diuinum & verum vaticinium ullum assequitur, sed cum vel somno prudentis vis prapedita est, vel oppressa morbo, vel diuino aliquo raptu à sua sede dimota fieri diuinatio solet.* In Apologia idem Plato Socratis nomine, dicit eos qui proximi sunt morti solere diuinare. Pythagoram narrat Laërtius diuinatione per auguria esse vsum, & inter symbola scripsisse, *diuinationem omnem honora.* Aristoteles quoque sect. 30. problematum, causas quibus Sibyllæ & bacchantes, & vates fiunt, reicit in calorem quem in mentis sede ciet atra bilis, eius verò sunt hæc verba: *Multi etiam propterea quod ille calor sedi mentis in vicinio est, morbis vesania implicatur, & lymphatici fiunt; unde Sibyllæ, & bacchantes, & diuino spiritu afflati fiunt. cum non morbo, sed temperie naturali fiunt.* Ex his verbis constat, Aristotelem censere, vel saltem eo loco affirmare (nam vt hoc obiter dicam, eius viri sententia propria malè petitur ex problematis, quia in eorum dissolutione sæpe vtitur alienis placitis) esse in hominum mentibus naturalem facultatem futura præsentendi; eam verò incitari calore, in quibusdam quidem morbofo, eosque dici maniacos, phrenericos, aut symphaticos: in aliis verò naturali, quod scilicet atra bile, eaque calida, naturaliter iuxta mentis sedem, hoc est, in cerebro abundant, eaque causa fieri Sibyllas & vates, atque adeò prophetas, sed & in libro de mundo ad Alexandrum, extant hæc Aristotelis verba, quæ plurimum dictis de naturali diuinatione videntur fauere. *Atque etiam per multa spirituum genera plerisque in locis terra ostio patefacta sunt, quorum quidem spirituum alij aduentantes instigant, alij in mediam tolerare faciunt, & alij vaticinari, vt in Delphis & in Lebadiæ.* Itaque constat Philosophos omnes, præter Epicureos, qui non adeò sunt à multis existimati sapientes, censuisse esse aliquam diuinandi facultatem, hominum mentibus insitam naturaliter, etiamsi ea facultas non nisi in raris quibusdam esset conspicua. Nam etsi de artibus illis diuinatoriis, aruspicum scilicet, & augurum, sortilegorum, Chaldæorum, &

Aristotelis opinio.

Lymphatici & Sibyllæ.

Diuinatione esse censent Philosophi.

Magorum, & Sacerdotum, & similibus dissentirent, aliis has quoque habere aliquid naturale putantibus, aliis esse vanas prorsus, & nihil habere certi, retineri verò propter mores patrios, ne tollantur simul leges, Platone asserente ea quoque diuinandi genera, non tamen naturales habere causas, sed fieri Dæmonum interuentu; tamen de ea diuinatione, quæ citra omnem artem in nobis ipsis sita esse videtur, quales Sibyllarum, Prophetarum & somniantium, omnes præter dictos, consensiebant, naturaliter esse in ipsis nostrum mentibus. Ex sacris eloquiis dubitare meritò posset, quam sententiam colligas. Nam cap. 23. Numer. Balaam afflatus diuino spiritu, & laudes populi Israëlitiçi commemorans, inquit, *Non est augurium in Iacob, nec diuination in Israël*, itaque quasi augurium & diuination omnis sint vana, aut malorum Dæmonum interuentu fiant, dicit, non esse horum quidpiam inter fideles. Hanc ob causam Saül, dum bonum ageret coram Deo, erasit è terra Israël magos, & ariolos, & habentes Pythones in ventre interfecit. Itaque omnes qui utebantur artibus diuinatoriis, aut magos & ariolos è terra relegauit: admittentes verò malos Dæmones intra sese, interfecit. Hæc itaque omnia partim sunt censenda vana, partim praua, quòd partim sunt imposturæ, partim agantur, interuentu malorum Dæmonum, quod idem vel ex nostris legibus constare potest, quibus impostores omnes, qui utcumque diuinationem profitentur, relegari iubentur, videntes autem diaboli opéra, vel comburi, iuxta id arbitror quod Saül initio sui regni fecisse narratur, cap. 28. primi Regum. itaque videtur omnis diuinatione populo Dei esse interdicta. Alia tamen ex parte videri possunt non minùs, sed plus etiam quàm gentes vsi omni genere diuinationis. Nam in secundo genere (ut ab hoc nunc incipiam) esse videntur visiones omnes Prophetarum & prædictiones, quæ non semper & utcumque, sed effatis numine quibusdam occasionibus fiebant, velut cùm Saüli obuius fieret cuneus Prophetarum, insiluit super eum spiritus Domini, & prophetauit in medio eorum: itaque velut furens repente se coniecit medium inter Prophetas, prophetauitque cum illis; cuius rei nouitas prouerbiū peperit, *Saül inter Prophetas*, ut narratur cap. 10. primi Regum. Elisæus loco citato ad cantum psaltis prophetare cœpit. In hoc genere etiam erant somnia, & somniorum interpretationes, Ioseph, & Danielis. In primo genere esse videbantur missiones sortium, quæ quàm maximè videntur probari in sacris, siquidem 16. Prouerborum dicitur, *sortes mittuntur in sinum, sed à Deo temperantur*. Iosue cap. 7. suæ historiæ habetur, *Mittens sortes primum*
per

Diuinatione
populi
Dei inter-
dicitur.

Augurij
vsus in sa-
cris.

per tribus, deinde per domos, postremo per singulos, reperit Acham filium Chaim, esse anathema. Diuus quoque Matthias electus est in Apostolatam missis sortibus inter eum & Ioseph: ut narratur capite primo Actuum Apostolorum. Augurio videtur etiam usus Eliseus, qui lethaliter iam agrotans, prophetauit Ioe regi Israel, fore ut vinceret Syriam ter, eod quod terram saeculo ter percussisset: si autem pluries percussisset, fuisse deuicturam eam usque ad consummationem. Itaque ex numero iaculationum videtur praesensisse numerum victoriarum: non aliter ac Calchas Agamemnoni narratur, ex numero passerum praedixisse numerum annorum belli Troiani. Sed & 40. cap. Geneseos scriptum est, Iosephum solitum esse augurari in scypho, in quo bibebat: atque ideo ipsemet dixit, *An ignoratis, quod non sit similis mei augurandi scientia?* Necromantiae etiam exemplum esse videtur in sacris. Nam Saul cum consultus Deus ei non responderet neque per somnia, neque per sacerdotes, neque per Prophetas, curauit ut Pythonissa sibi fuscitaret Samuelem, quem consuleret. Observationis etiam auium & inspectionis extorum, formam videtur praeseferre illud, quod Deo imperante fecit Abrahamus, quod narratur cap. 15. Geneseos his verbis: *Et respondens Dominus, Sume, inquit, mihi vaccam triennem, & capram trimam, & arietem annorum trium, turturem quoque & columbam. qui tollens vniuersa haec, diuisit ea per medium, & utrasque partes contra se alitrinsecus posuit, aues autem non diuisit: descenderuntque volucres super cadauera, & abigebat eas Abraham, cumque Sol occumberet, sopor irruit super Abraham, & horror magnus & tenebrosus inuasit eum, dictumque est ad eum, scito pranosens, quod peregrinum futurum sit semen tuum in terra non sua, &c.* Videtur sane in hoc oraculo, & inspectionem extorum fuisse, siquidem diuisit per medium tria illa animalia, & eorum partes contra se alitrinsecus posuit auium quoque habitam rationem, siquidem descenderunt super cadauera: porro accessisse diuinationem ex insomnio, siquidem post soporem dictum est ei quod semini eius erat euenturum. Arti quoque Chaldaeorum, hoc est, Astrologiae iudiciariae, fauere videtur illud, quod capite quinto libri Iudicum scriptum est, *De caelo dimicatum est contra eos, stella manentes in ordine, & cursu suo aduersus Sisaram pugnauerunt.* Si enim ob infelicem stellarum in caelo manentium ordinem Sisara deuicta est, potuit certe prauiuso eo stellarum ordine suam calamitatem praesentire. Sed & chiromantici habent in sacris, quo se tueantur: siquidem capite 37. libri Iob ita habetur: *Qui in manu omnium hominum signat, ut nouerint*

Necromantiae exemplum in sacris.

De Astrologia iudiciaria.

singuli opera sua. Iam verò oraculis nulli homines videntur magis vti quàm Israëlita. Nam Dauid consuluit Deum c. 5. lib. 2. Samuelis : *Si ascendam contra Philisthæos & tradas eos in manus meas ? qui respondit , non ascendas contra eos , sed gyra tergum eorum , & venies ad eos ex aduerso pirorum.* Consulebant etiam per Prophetas : nam cap. 16. secundi Paralipomenon , dixit Iosaphat ad regem Israel : *Consule obsecro in præsentiæ sermonem Domini.* Congregauit ergo rex Israël Prophetarum quadringenta viros , & dixit ad eos : *In Rhamoth Galaat , ad bellandum ire debemus , an quiescere ?* postea horum responso non contentus , accersiri iussit Michæam. Quæ igitur diuinationo non erat in Israel ? Certè primæ de diuinatione questioni , An scilicet sit vlla diuinationo , nullus locus relictus est. Est enim re vera diuinationo aliqua , vsique ea sunt non tantùm populus Dei , sed & aliæ gentes : nam vt fuerunt Prophetæ inter Hebræos , fuerunt & inter Græcos , & Latinos Sibyllæ , & Balaam prophetauit inter gentes , & responsa accipiebant Idololatæ à suis Diis . nam præterquàm quòd nimis esset proteruum , negare omnia quæ de Ammone loue , & Delphico Apolline celebrauit antiquitas , Rex Ochozias misit nuncios ad Belzebub Deum Acharon consulendum de sua salute , quasi scilicet ad respondere solitum . Quapropter facesset stulta Epicureorum derisio , qui omnia siue de sacrificiorum inspectione , siue de diuinatione ex insomniis , siue de Prophetiis , siue de oraculis , ac prorsus de quouis diuinationis genere , vbi terrarum esse dicebantur , censebant esse meras nugas , ac non solùm non esse vllam diuinationem naturalem , sed ne esse quidem posse : qui hac vna causa mihi videntur laudandi , quòd scirent , quid ex suis placitis esset consequens . Nam illi nullam vim naturalem diuinandi esse censes , cùm & nullos Deos qui rebus humanis prospicerent , esse putarent , sed (vt rectè Cicero intelligit) per derisum dicerent , eos esse imagines quasdam per aerem vagantes , non poterant vllam diuinationem recipere . Nos ergo quibus ex tam multis testimoniis doctissimorum ac grauissimorum auctorum , ac quod firmissimam fidem facit , scripturæ sacræ , constat esse re vera , fuisseque semper inter mortales futurarum rerum præsensiones , disputandum est , quæ diuinatio sit (posita enim sunt plurima illius genera) atque quæcunque esse probetur quàm habeat causam , an naturalem , an diuinam . Disputetur primum quidem vniuersim , perinde per singula genera . hinc sumpto initio . Quicunque futura tentant prædicere , aut ex consideratione causarum , signorumve procedunt , aut sed sine vllis signis aut argumentis , quasi res ipsas per se videant ,

Epicureorum derisio arguitur.

videant, id faciunt: illud pertinet ad coniecturam, hoc ad diuinationem. Rursum, coniecturarum quædam sunt coniunctæ cum vera prudentia, quædam sunt vanæ, ut scilicet ipsæ, siue causæ, siue notæ, ex quibus ratiocinatur. sunt ut coniecturæ quibus Imperator in bello, & civilis utitur in administranda Republica, & Medicus in curandis morbis, & nauta in soluenda à portu, aut retinenda naui, & agricola in mittendis seminibus, coniunctæ sunt cum prudentia, quia cum naturali ratione, aut diuturna experientia rerum secundum naturam contingentium. Quibus verò utuntur Auspices, aut Augures, aut extorum inspectores, aut pullarij, aut obseruatores portentorum, ut videtur pleijsque, vanæ sunt. Neque in volatum animum, neque in extis hostiarum, neque in pastu pullorum, neque in casu contingentibus portentis, videtur posse esse vlla naturalis significatio exitus bellorum, aut mortis ut principium, aut eiusmodi aliarum rerum, quarum gratia hæc obseruabantur. Diuinitio propriè vocata, aut vaticinatio, aut prophetia, nulla esse potest (quidquid granissimi illi Philosophi dicant) merè naturalis; cur dicam merè, explicabo postea. Nam qui diuinat, aut tunc primum illud didicit, aut antea quoque sciebat non animaduertat tamen tunc quidem discere non potuit, quia cum non dedicerit colligens ex præexistenti aliqua cognitione causarum, aut signorum, aut cuiuspiam corporalis passionis quam acceperit, neque omnino collegerit ratiocinando ex aliis assertionibus (id enim non diuinare, sed, ut diximus, coniectare esse oportet. ex ipsius obiecti præsentia scientiam comparauerit: ut verò quod neque omnino est neque fuit, non potest esse præsens obiectiue, igitur superest, ut qui diuinat eius quod diuinat notitiam semper apud se habuerit; id verò nulli finitæ facultatis menti contingere potest. Neque igitur vlla potest esse naturalis diuinitio. Nam facultas diuinandi si quæ est, non est quorundam, ita ut aliorum non sit; neque futurorum quædam diuinari possunt, quædam non possunt: sed ea facultas erit per sese omnium futurorum, ut memoria est per sese omnium præteritorum, & quantum in ea agitur, quidquid futurum est diuinari possit. Neceffe est ergo, si quæ diuinandi facultas naturaliter inest humanæ menti, in ea esse rerum omnium futurarum species, & notitiam.

Quoniam verò præsentia omnia & præterita aliquando fuerunt futura, tuncque pertinuerunt ad diuinandi facultatem, necesse est ea quoque sint in anima quæ eam habeat potentiâ; ergo necesse est habeat humana mens in sese species & notitiam rerum omnium, præsentium, præteritarum, & futurarum:

Vanæ diuinationes.

Diuinitio non est merè naturalis.

id verò fieri non potest, neque per infusas rerum species, neque per participationem idearum, neque aliter, cum sit finitæ ac certæ virtutis. Nam. ut qui non est potentiæ infinitæ, non potest omnia facere, ita neque qui non est infinitæ sapientiæ, potest omnia scire: sit ergo, ut non possit esse in homine vlla naturalis facultas diuinandi. Ponere enim calorem quendam, siue bilis atræ, siue flatus cuiuspiam, auræve talis, quæ incitando mentem instiget ad diuinationem, nisi prius explices, quæ ratione possit mens ipsa diuinare; an euoluendo quas in se habet notitias, an recipiendo quæ accedant extrinsecus, inutile est. Si enim ipsa diuinatio esse non potest, neque vlla sit in mente diuinandi vis; ea verò si non est, calorem vel afflatum ponere, ut diuinetur, perinde est ac si quis putet hominem natura cæcum, cuiusdam splendoris accessione posse videre. Quidam neoterici hoc argumentum sibi videntur effugere, ponentes humanam mentem per se, ac nisi corporeis impedimentis teneretur, omnisciam esse, ac proinde cum aliquando dimissis rebus corporeis, quasi vinculis soluta euagatur, per sese etiam sine vllis obiectis res aliqui occultas, aut futuras, agnoscere. Sed hi conditionem animæ alligatæ corpori non norunt, quæ nisi per sensus receperit, agnoscere nullo modo potest: & ipsam humanæ cognitionis rationem tollunt, quæ nihil est aliud quàm quodammodo ab obiectis pati. Præterquàm verò quod tam multa receptissima à Philosophis placita perdunt, non vident se finitæ formæ perfectionem adscribere infinitam. Scire enim præcipua mentis perfectio est, & quod plurimum est scientia, eò maior; quæ ergo omnium, infinita ea, cum non nisi in prima causa (quam infinitæ potentiæ, sapientiæ, & bonitatis esse alibi prius, & in hoc ipso opere monstrauimus) esse possit, constat neque scientiam futurorum posse esse, nisi penes primam, & infinitæ sapientiæ intelligentiam, penes quam, ut inquit Plato, *neque est, erat, & erit, sed est*. Igitur neque certa, neque ambigua prædictio rerum futurarum, taliumque, ut earum non potuerit esse vlla certa coniectura ex rebus sensibilibus, neque eæ possint secundum aliquam corporalem passionem significari, euidenter attestantur primæ veritati, quæ penes primam intelligentiam est, neque minùs quàm miracula confirmare eam possunt apud homines: imò plus etiam, quia multò melius possent Cacodæmones sensibus nostris illudendo miracula ementiri, quàm certò & sine fraude, futura prædicere. Sine fraude dico, quia hac etiam in parte tentauerunt imperitissimæ rerum diuinarum gentilitati imponere, & veri Dei opera utcumque imitari: nimirum, ut ille respondebat ex propitiatorio, vera, certa,

&

Futuro-
rum cõ-
gnitor so-
lus Deus.

Dæmones
Dei simia.

& omni fraude vacantia verba, & veris Prophetis vera suggerebatur ita illi aut ex idolis, aut per pseudopphetas respondebāt nunc ambigua, & quæ in vitamuis partem flecti possent, nunc nuga, nunc mendacia. Ambigua, vt quidquid eueniret illi prædixisse putarentur; quale est illud, *Aio te Æcaciā Romanos vincere posse*: nugacia, vt quæ ipsis manifesta esse possunt, & hominibus occulta respondentes, ipsos in admirationem rapiebant, putantes quòd scirent occulta, posse etiam scire futura. quod tamen longè differt. huiusmodi est illud. Cùm quidam ad oraculum missus esset, tenens manu placitam syngrapham, in qua scripta erat hæc interrogatio, *Virum mauis tibi bouem immolari, album, an nigrum*, ipsi neque interroganti quidquam, neque verò scienti quid manu gereret, bis ad autem responsum est, *album*: quæ res magnam Amoni autoritatē conciliauit, quasi potenti de quacunque re consuleretur, respondere. ea verò res nihilò maiorem admirationem afferre debuit, quàm si aperta voce interroganti, qualem vellet immolari bouem, responsum esset, *album*. Cur enim Dæmonum natura ad agnoscendas voces, quàm literas censeatur esse aptior. cùm non magis auribus, quàm oculis præditi sint? mendacia suggerebant pseudopphetis ad decipiendum. Exemplo est id quod euenit Achab regi Israël, cui quadringenti ferè Prophetæ, spiritu mendacij instigari responderunt, fore vt debellaret & bello caperet Remoth Galaad, cùm tamen ille bello illo esset casurus, & eius exercitus dissipandus. Itaque vera & certa futurorum prædictio, ac prophetia, inspirationis à summo Deo, per se, aut per bonos Angelos facta, euidens argumentum est, falsa verò, aut incerta, aut pertinens ad res præteritas, occultas tamen, vt furtorum, aliorum facinorum detectio (hanc enim etiam vocant diuinationem, quin & prophetiam, vt constat ex cap. 13. Lucæ vbi dicitur, *vetauerunt eum & percutiebat faciem eius, & interrogabant eum dicentes, prophetiza qui est qui te percussit?*) hæc inquam inspiratione fieri potest prauorum Dæmonum, cuius inspirationis, nonnunquam ipsi diuinatores sunt conscij, vt cùm consulto, & præ impietate cum illis pepigerunt: nonnunquam ipsi etiam ignorant. Atque ignorantium nonnulli putant se à Deo Optimo instigari, velut quadringenti illi Prophetæ, qui deceperunt Achab: nonnulli neque an extrinsecus veniat vlla inspiratio, an intrinsecus in ipsis orta sit ea præsenso, norunt. atque bene hi præcipuè sunt, per quos sibi multi Philosophorum persuasere, esse hominibus secundum naturam vim aliquam & facultatem occulta & futura diuinandi. Cùm enim diuinationē videant & inspirationem non

Dæmonū
responsa.

An facultas diuinandi sit naturalis in hominibus.

agnoscant, causantur naturam. Certè longè facilius, ac suasibilius est, Dæmonem tacitè rem quampiam phantasiæ representare, quàm esse vim naturalem agnoscendi futura, quæque nondum sint, & occulta, quorum formæ per organa sensuum non subierint, cùm hoc adedò naturæ ipsius animæ, & conditioni humanæ cognitionis indicatum sit repugnare; illud verò sit per facile: agitatione enim specierum rerum præteritarum, quæ in memoria sunt repositæ, possunt fieri futurarum rerum, aut occultarum spectacula: id verò nisi rarò & casu quodam fiat (in plerisque enim eorum quæ narrantur, casus & credulitas pepererunt diuinationis opinionem) à Dæmone fit. Itaque omnis propriè vocata diuination, quæque nullam habet adiunctam coniecturam, fit à Dæmone bono aut malo, neque est in hominibus vlla naturalis facultas diuinandi, neque vllus sensus futurorum. Argumentum verò, cui Cratippus maximè fidebat, nullius momenti est. Si enim nemo, neque dormiens neque vigilans quidpiam futurorum præsentit, neque prædicat (præter afflatus Dæmonum) nisi casu, non certè quia prædicat, prædicendi facultatem cognoscerut habere. quod enim sit casu, sit per accidens, quod à facultate, sit per se: non ergo à facultate quod casu. Casu verò fieri raras illas quæ narrantur diuinationes, constat, quia quod per se & à facultate fit, semper aut plerunque: quod casu, fit rarò, aut semel: malè ergo ille colligit, si vel semel prædictum sit quod postea eueniat, esse facultatem nobis diuinandi. Neque illud aliud quod de memoria, cui facultatem diuinandi volunt opponi, rectè concluditur. Neque enim quia præsentium & præteritorum est sensus, oportet vt & futurorum sit, cùm præsentium, & præteritorum sit vnde accipiantur certæ species, futurorum non sit, nisi per accidens, ex ipsis præsentibus, & præteritis. Non est itaque vera diuination naturalis: nihilominùs habet etià in diuinatione partem aliquam natura, idque duobus modis: vno quidem, quòd quædà vocatæ diuinationes sunt meræ naturales: altero, quòd ipsa etiam propriè vocata diuination, & prophetia, ob naturales quasdam causas, accedit potiùs huic quam illi, hoc aut illo tempore, hoc aut illud agenti, hoc aut illo modo disposito. primus ergo modus primùm explicetur, deinde alius. De Astrologia & Physiognomia, cuius Chiromantiæ prædictio pars est, quandoquidem artium quarundà esse videntur, certum est seorsum disputare, an fide aliqua sint dignæ, an prorsus sint vanæ, vt etiam de Nectromantia, ne tam multa vno cap. inuoluamus. Super sunt auguria, seu auspicia, & extorum inspectio nes, portentorum interpretationes, sortes, & insōnia. Augurij & auspicij nomē propriè

priè dicitur de diuinatione, quæ ex cantu aut volatu, aut pastu
 auium, procedit: latius verò patente nomine, etiam de ea quæ
 ex aliis quibuscumque rebus casu incidentibus, vt quòd hoc aut il-
 lud nomen auditum est, quòd talis aut talis homo occurrit,
 agenti iter, quòd hinnit equus, aut cespitans cecidit, quòd in
 mensa sal excidit aut vinum effusum est, quòd tactus baculus
 bene in terram cecidit aut malè, & innumera alia, quæ neque
 vlla constant ratione, neque eadè apud omnes sunt, sed quæ sibi
 quisque fingit. Ex torum inspectionibus utebantur sacerdotes
 in sacrificiis idolorum, vtque animalium quæ immolabantur,
 erant viscera integra aut vitiosa, ita bene aut malè ominabantur
 iis quorum gratia sacrificia fiebant. Vtraque horum erat prorsus
 vana, ac ex superstitione hominum profecta; si quid verò
 maius in his eueniebat, quàm vt casu fieri cèseri posset, id omne
 (vt Plato etià author est loco quem citauimus) Dæmonum
 interuentu fiebat ideòque meritò datum laudi est Saùli, quòd
 eraserit à terra Israël omnes Ariolos, simul cum Magis, & Py-
 thonem habentibus. Nihil occurrit in sacris quod augurij ali-
 quam speciem præ se ferat, nisi fortè illud quod Eliseus respon-
 dit Ioè regi, victurum scilicet ter, quòd terram ter percussisset
 iaculo: id verò non ita oportet interpretari, quasi triplex iacu-
 latio triplicis victoriæ augurium præstiterit, sed quòd Eliseus
 eam recepiisset reuelationem à Deo, fore vt Ioe toties vinceret
 Syriam, quot ab eo iussus mitteret iacula: hæc verò diuinatione
 non ex augurio, sed ex diuina reuelatione processit. Iam verò
 quòd Abraham vaccam, capram, & arietem per medium se-
 cuit, sacrificium fuit, non extorum inspectio. abigebat verò vo-
 lueres non auguriū captans, sed sacrificij reuerentia. Iam verò
 Ioseph putabatur ab Ægyptiis augurari in scypho, cum tamen
 ille re vera nihil tale faceret, sed esset & prudentissimus conie-
 ctator, & propheta iisse vt se magis dissimularet apud fratres,
 ad opinionem Ægyptiorum interrogauit, *An ignoratis quòd non
 sit similis mei in augurandi scientia?* nihil sanè affirmans, sed illos
 terrens, ac fingens esse alium. Portentorum interpretationes va-
 nas omninò non esse constat: siquidem Deus Optimus Maxi-
 mus, gubernationem rerum humanarum penes se esse, vbi ma-
 gnæ aliquæ earum mutationes instant, portenta quædam fa-
 ciens iudicare solet. Velut cum placeret Domino transferre
 imperium Assyriorum in Medos, facta est portentosa illa visio
 manus scribentis in pariete, *Mene, Thecel, Phares*, quod interpre-
 tatus est Daniel, non certè aliter quàm per propheticum quem
 habebat spiritum. Porro cum mundi ageretur redemptio, &
 reconciliatio hominum cum Deo, & mutatio sæculorum,

Scyphus
 augura-
 tionis.

Portenta.

Interpre-
tatio eclip-
sis Apol-
lophanis.

ac filius Dei moreretur, tenebrae sunt factae super yniversam terram horis tribus, & velum templi scissum, & lapides collidebantur mutuò, & surrexerunt plurimi à monumentis: quorum interpretatio per sanctum Spiritum facta est Ecclesiae. Porro interpretatio illa portendens illius eclipsis Apollophanis Philosophi in Heliopoli agentis (vt narrat Diuus Dionysius in epistola ad eundem Apollophanem) minimè fuit vana, qui interrogatus quid de ea indicaret, respondit: *Diuiinarum rerum vicissitudines*. qui mihi videtur maius quiddam, quàm humana sapientia consequi posset dixisse, ac fortasse prophetauit hic quoque, nesciens quod diceret: dixit verò rem verissimam. Nunquam enim tanta rerum diuiinarum vicissitudo facta est, quàm tunc, cum cessare cœpit scripta lex, & idolorum cultus cadere, atque omnia cedere legi gratiae, initiumque accipere regnum Dei. Quoniam verò Deus non Christianarum rerum solum, sed humanarum omnium prouidentiam habet, & gubernationem, vt ex eo quod contingit Balthasari palam sit, non est quòd fidem abrogemus iis, quæ de Romanorum, & aliarum gentium portentis narrantur, vt neque iis quæ Iosephus accidisse narrat paulò ante excidium Ierusalem, cum præcipue libro secundo Machabæorum capite quinto, ante illud templi & Ierusalem excidium, quod fecit Antiochus, dicantur quadraginta diebus apparuisse per aerem tam multa portenta. Verùm in hoc quoque præsensiois genere, sunt innumera vana, & falsa. Vana quidem, quoniam ea quæ vt portenta narrantur, leuia sunt, vel casu facta, & quæ non tunc primùm, aut solum accidunt, sed tunc considerantur, quòd nouæ aliquæ res consequutæ sint, velut narrant Boeotios Thebaïdæ vidisse ex magno ac denso cantu gallinaccorum victoriam esse Thebanorum; fuisse verò, vt scitè dicit Cicero, portentum, si cecinissent pisces: falsa verò plurima sunt eorum, quæ in Principum obitu narrantur accidisse: ea enim, vt & diuinos titulos & honores, largita est illis adulatio. Itaque portenta, & eorum interpretationes, etsi magna ex parte, non tamen omninò vana sunt. quandoquidem, vt indicatum est, nonnulla sunt portenta diuina voco, quæ voluntate Dei, aut interuentu Dæmonum fiunt. sunt enim etiam multa huiusmodi, vt quæ faciebant Magi Pharaonis concertantes cum Mose, quos tamen confudit Deus in Ciniphibus re omnium vilissima, vt inde palam fiat hominibus, Dæmones ne minutula quidem posse, nisi Dei permissione facere. Quoniam verò Deus in suæ prouidentiae, & gubernationis argumentum facit aliquando portenta illi superbissimi, Dei quo ad possunt æmuli, nonnunquam in aëre tumultus

Victoria
cantu gal-
linacco-
rum.

Dæmones
Dei æmu-
li.

tus cient, voces emittunt, aut phantasmata fingunt, cum vident aliquid noui instare: præsentunt verò id per coniecturas, ut sunt quàm nos perspicaciores. Huiusmodi esse puto, quod auis dicitur clamasse ad Romanos, ut à Gallis cauerent. sunt itaque eorum quæ de portentis dicuntur, quædam vana (coniungo nunc cum vanis falsa) quædam diuina. Sed & naturalia etiam sunt portenta, quorum est etiam naturalis aliquando interpretatio. vocantur enim potentia ea etiam, quæ etsi naturaliter fiant, ob raritatem admirationem aliquam faciunt, velut mulæ partus & fœtus monstruosus. Hæc omnia censet vulgus hominum significare res nouas, velut dicunt Zoroastrem dentatum exisse in lucem, ac mox risisse, qui magicæ inuentor dicitur fuisse. Verùm hoc quod de Zoroastre ferunt, nescio, ut habuerit: monstruosos verò & portentosos partus siquidem causas habent naturales, constat, ob necessarias potius causas circa materiam contingentes fieri, quàm ut quidpiam futurorum significant. naturales verò interpretationes sunt naturalium portentorum, velut Pherecydes magister Pythagoræ prædixit fore terræ motus, eò quod defecisset aqua in iugi puteo, & similibus his portentis admonitus Anaximander, dicitur Lacedæmoniis prædixisse instare magnos terræ motus, quod ita re ipsa consequutum est, ut vrbs corruerit tota. Ita etiam insolitus ranarum, murium & reptilium prouentus, præmonstrant pestem. Tamen re verà hæc & eiusmodi aliæ præfensiones, non magis diuinationes sunt, quàm quibus Medici, agricolæ, & nautæ uti solent. Sortes nihil possunt habere naturale, quia ipsa ratio bene mittendi sortes, in eo maximè consistit, ut tollatur omnis causa siue naturalis, siue voluntaria, ita aut aliter cadendi, sed res tota, aut casui, aut occulto motui, eique diuino committatur. Si enim quis in vas mittens pilulas, aliquam facit aliis maiorem, aut parum versat, ut possit extrahere, quam velit; aut si qui sponderit cuius calculus prius cadat, faciat suum grauiorem, hæc non sortes, sed imposturæ sunt: si verò omnis naturalis motus, & deliberationis causa absit, verè fors est. Igitur per sortes nihil futurorum potest præsentiri, neque occultorum agnosci naturaliter: potest verò Deus per has, ut multis aliis modis sensibilibus, quarum velit rerum significationem præstare, ut præstitit Iosue, & Petro cum consulentibus: tuncque verissimum est quod in Prouerbiis dicitur, *sortes à Deo temperari*. Hoc quoque sunt imitati mali Dæmones, respondentes iis qui eos consulunt per sortes. Ex dictis constat sortes mittendas non esse, nisi cum Deus se ita respondere velle reuelauerit, quod sanctissimis illis

Romæ
auis clamo-
re ser-
uata.

Terræ-
motus
prædi-
ctus.

Pestis
prænun-
tiationes.
Sortium
confide-
ratio.

Infomnia.

Præsen-
sionis ra-
tio.

Duplex
præsen-
sionis ratio.

viris accidisse credo; aut cum nullum humana prudentia locum habet. Nam tunc quoque verisimile est, si res sint magni momenti. Deum qui humanas res non negligit, nisi peccata obstant, sortes temperare: alioqui vanæ aut superstitiosæ sunt, quia imprudentissimæ fortunæ, aut nequissimis Dæmonibus committuntur. Dormientibus fieri possunt futurorum, & eorum quæ occulta sunt reuelationes, ac fortasse etiam magis quam vigilantibus, ut postea dicemus. Sed & citra has, est quædam naturalis diuinitas ex insomniis, de qua ab omnibus ferè Philosophis disputatum est, atque à me nunc iuxta illorum placita, est agendum. Res quarum per somnum potest præsentio fieri, quædam à nobis sunt agendæ, aut sustinendæ, quædam omnino extra nos futuræ sunt, neque in nobis ullum sui principium habituræ. Nostræ quidem actiones aut passionem sunt, velut si ego iturus sum Romam, Rex futurus, febricitaturus, aut moriturus: extra nos sunt, ut si futurum est nauale bellum, occupanda quæ nunc obsidetur Goleta, aut fugandi Turcæ, aut futura ingens procella, aut largus imber. Porro eorū quæ extra nos sunt, quædam talia sunt, ut cum eorum causis nullā habere possimus compassionem, aut talia, ut possimus. Atqui ut non possimus cum eorum causis compassionem habere, aut ex natura rerum nascitur, aut ex tanta distantia, ut nullus contactus esse possit (scimus enim actiones nullas naturales sine contactu fieri) ut à causis futuræ eras hinc pluuia, possum ego pati humectatus, emollitus, atque vexatus fluxionibus quod palā faciunt podagrici, & qui hernia laborant: tamen à causis futuri belli, aut interitus Pontificis, aut fugæ Turcarum, ob ipsarum rerum naturam, nullam ego possum accipere passionem corporalem. Neque certè Madriti agens à causis futuræ Romæ pluuia, aut futuræ hinc anno sequenti, distantiam loci, aut temporis, rerum huiusmodi à quarum causis nullum accipere possumus passionem, nulla neque dormientibus, neque vigilantibus esse potest naturalis præsentio, nisi per coniecturas. Sed cum euenit quempiam vigilantem cogitare, aut dicere, vel dormientem somniare, aliquid quod postea re vera fiat duorum alterum necesse est; aut id fortuito fieri, non aliter, ac cum nobis de aliquo homine loquentibus ille supervenit, aut à Deo cui omnia futura conspicua sunt, aut à sagacissimo coniectore Dæmone factam esse reuelationem. Aliarum verò rerū, quarum principium intra nos est, aut à quarum causis pati possumus præsentio multò melius ac facilius accidit dormientibus, quam vigilantibus. Nam duplex ratio est qua res tales præsentimus, quid facturi simus, consultando quid facere nos postea expediat

expediat: quid passuri, sentiendo in nobis exigua imminentium passionum initia. Primo modo admonemur sæpè per insomnia quid simus facturi. Nam sæpè de rebus agendus cœpta interdum cogitatio, per somnum continuatur, inveniunturque tunc temporis accommodatissima ad finem media, quæ cum expege- factis placent, opere exequimur, putantes nos à Deo admoni- tos quid facto opus sit, causa verò talis euentus est naturalis, Nam vtrunque dictorum, consultatio scilicet & sensus minu- tularum passionum, melius multò accidit dormientibus quàm vigilantibus, si modò somnus placidus sit, neque multis cras- sisque vaporibus conturbetur: tunc enim velut in agitata con- tubataque aqua multæ variæque redduntur rerum imagines, nulla verò certa ac conspicua. Cùm verò somnus est modera- tus, neque perturbatus multis animi moribus, aut morbofo ap- parato, aut crapula, dicta illa accidunt melius, quia anima intro se celligens, & nullis externis sensibilibus motionibus distra- cta, melius ac perspicaciùs consultat. Argumento est, quòd qui de rebus maximis cogitare volunt, in silentio, obscuris, con- clusisque cubilibus, & sæpè etiam oculis id faciunt. Nimirum subtrahunt sese ab externorum sensu, vt cogitationi vacent. Constat verò nulla ratione magis animam vacare ab externis sensibus, quàm dormiendo, non verò ita vacat ab internis, si- quidem somniat, quòd Hippocrates libello de insomniis signi- ficauit, his verbis: *Cùm corpus dormiit, anima vigilat.* Eandem ferè ob causam fit vt minutulæ passionēs, quæque vigilantes latent à dormientibus sentiantur, videanturque illis esse multò quàm sint maiores. nimirum somnus habet ad vigiliam rationē, quàm

noctis ad diem, tenebræ ad lucem, silentiū ad clamores: at verò cō-

stat noctu & silentibus cunctis, strepitus vel exiguos videri ma- gnos interdum, & vbi est magnus strepitus, magnos etiā latere, addè vt qui iuxta Nilum erant sunt, dicantur esse surdi. Horum verò causa est duplex. In ipsa anima, quòd sensus coniunctus semper est cum imaginatione, quæ cum animaduersione ope- ratur, distrahitur verò ob aliorum sensibilibus magnitudinem aut potentiam. In ipso organo, quòd vbi multæ recipiuntur fi- guræ aliæ alias obscurant, velut in aqua indicatum est. Itaque anima per somnum attentius cogitat quàm per vigiliam. & mi- nutulas passionēs maiores esse indicat. Sunt verò hæ passionēs, & à causis internis, vt ab humoribus, & flatibus, & ab externis, vt ab aëris intemperie. Hinc fit, vt ex insomniis possimus multa de imminetibus morbis, aut latentibus morborum causis, præfagire; nonnulla etiā de externis, vt de procellis, imbris, & eiusmodi. Porro scire oportet, velut cum vigilantes loquimur,

Ratio
somnia ad
vigiliam.

Somniorū
interpre-
tatio.

Pluuiam
quæ præ-
buntient.

Sympto-
mata
morborū.

aut cogitamus, aliquando id facimus per proprias appellatio-
nes aut notiones, aliquando per figuras, velut per similitudi-
nes, & allegorias; ita etiam somniare, atque ita aliquando opus
non est interprete somniorum, sed illud ipsum quod somnia-
tur significatur, vt si quis somniat se febricitare, est quod ti-
meat febrem, & qui esurit somniat se comedere, & qui sitit
bibere; vt dicitur Isaia 23. Aliquando opus est interprete, qui
calleat similitudines, & translationes, velut si quis somniat
terram vri, aut præ vstione findi, est quod timeat febrem. si quis
somniaat se esse languidissimum, est quod timeat paralytim; si
somniaat sibi fieri crus lapideum, cruris paralytim timebit. Per-
inde etiam accidit in externis: si quis somniat largum imbrem,
neque in sese catharrum, aut illius agnoscat exordia, imbrem
prælagiet. Hoc idē prælagiet, si somniat se videre multos qui
latē terram irrigent. Neque mirum videri debet pluuiam som-
niare signum esse pluuiæ; si enim videmus imminentem plu-
uiam, cornicem, delphinos, sues, araneos, & innumera alia ani-
malcula ita afficere, vt ex eorum cantu, saltu frequēti, grunni-
tu, & errabundis motib facile eam prænoscamus; quid mirum
est nostra corpora aliquatenus etiam affici, affecta verò ita, vt
humectata, quid mirum de pluuiā somniare; vt scilicet redun-
dāte semine somniant de Venereis, redundante bile de præliis,
& quibus plena vesica est, de lacubus, & fluminibus cogitante
anima quæ appetit aut fugit; si verò mirum non est somniare
de pluuiā, cū ea imminet, neque impossibile sit, vigilantem
imaginari (tametsi rarius hoc sit, quia, vt dictum est, minutulas
passiones dormientes sentimus magis, quā vigilantes) vnde
factum esse arbitror, vt Auicenna, & si qui alij eius sententiæ
sunt, quod vim habet signi, vim causæ habere putantes, asse-
ruerint animam hominis vim habere mouendi externa, & quæ
longè posita sunt: nonnullos enim cogitantes de pluuiā, eam
fecisse: cū tamen iuxta dicta verisimilius sit, illos quod insta-
ret pluuiā, de ea cogitasse. Ecce modos & causas diuinationis
naturalis ex insomniis, quæ vt in reliqua vita alicuius, ita in
medicina maximi momenti est. Plerunque enim internæ illæ
passiones, ex quibus nascuntur insomnia, morborum aut sym-
ptomatum initia sunt. Insomnia etiam diuina, quæ esse dixi-
mus rerum quæ in nobis principium nullum habere possunt,
neque nobiscum vllam sympathiam, sunt plerunque allegori-
ca: atque ita ratio ea interpretandi, eadem est quæ & natura-
lium allegotarum: nimirum per enodationem allegoriæ, velut
explicari solent ænigmata. Atque vt in his explicandis fuit
alij alijs prudentiores, ita & in interpretandis insomniis. Quo
fit,

vt sit sapè somnium diuinum, interpretatio vero naturalis: nonnunquam interpretatio quoque diuina: cùm scilicet eadem diuinatione opus est ad interpretationem, atque ad insomniũ. Velut insomnia Ioseph videntis manipulum suum consurgere, & fratrum manipulos coram illo eadere, & iterum Solem & Lunam & vndecim stellas adorare illum, diuina fuerunt haud dubiè; interpretatio verò facilis, & quæ mox succurrit. primi quidem fore vt fratribus imperaret: secundi, vt ab illis, & patre & matre adoraretur, quod multò post euenit. Diuina etiam fuerunt insomnia præpositi pincernarum, & principis pistorum Pharaonis (cap. 40. Geneseos) & insomnia ipsius Pharaonis: interpretationes verò non est necesse per reuelationem, sed per prudentem coniecturam esse factas, tametsi prudentiam illam Ioseph dono Dei habuit, vt & Salomon sapientiam gubernandi: atque illo loco Geneseos coniector vocatur Ioseph, non Propheta, Daniel vero non potuit Nabuchodonosor respondere (cap. 2. Danielis) nisi per diuinam inspirationem, quandoquidem reuelauit ei somnium quod exciderat, & apposuit interpretationem, quod euidentissimum fuit argumentum reuelationis diuinæ, vel ipsis Magis Nabuchodonosor asserentibus, qui ita responderunt: *Sermo quem tu quaris, rex, grauis est, neque reperietur quispiam qui indicet illum in conspectu regis, exceptis Diis, quorum non est cum hominibus conuersatio*, hoc est, nemo potest cogitationes hominis, & somnia scire nisi Deus Opt. Max. ac per illum boni spiritus, qui non conuersantur cum hominibus huiusmodi, cum Magis scilicet, & Ariolis, itaque ista responsio esse non potest nisi Prophetæ summi Dei; atque ita Daniel oratione impetrauit à Deo reuelationem, quam nocte accepit per visionem, Somnij etiam ipsius Danielis, quod cap. 7. narratur, interpretatio diuina fuit, vt ex ipsa constat narratione. Itaque duplex ratio est diuinandi ex insomniis, quædam naturalis, quæ duas habet causas, estque re vera quædam coniectura procedens ex naturalibus signis, quæ præstantur in somnis: quædam diuina, quæ ex reuelatione procedit, atque cùm ea reuelatio Dei est per se, aut per bonos Dæmones, est verè prophetica. Multi etiam sunt, qui præter hæc putantur ex somniis diuinare, eò quòd aliquando consequuntur sit, id quod futurum esse somniauerint, nonnunquam ita, vt euentus maximam afferat admirationem: tamen re vera illud casu sit: euenitque hominibus somniabundis, cuiusmodi sunt multi atrabiliarij. nimirum illi cùm plurima eaque varia somnient, fit casu, vt aliquando in res, quæ futuræ verè sunt incidant, vt (inquit Aristoteles) qui

Duplex
diuinandi
ratio.

diem totum iaculatur, aliquando collimat, etiam si iaculandi peritus non sit. Neque sanè adeò mirum est, cùm tam multi homines semper somnient, aliquem aliquando incidere in rem futuram. Neque minus haberet admirationis, si nulla vnquam incidisset. Neque minori disquisitione indigeret, cur non posset fieri id quod ab aliquo somnium esset. Cur igitur nunc miramur, si aliquando fiat? itaque verè diuinandi, hoc est, prænoscenti futura citra coniecturam, & quæ nullam in nobis habere possit passionem sui indicatricem, nulla facultas naturalis in nobis esse potest: tamen diuinandi quodammodo, per insomnia quidem magis, sed & per vigiliam aliquatenus est in nobis quædam facultas: ea verò malè à Platone collocatur in iecore. Nam cùm diuinare quodammodo sit contrarium ipsi memorari, ad eandem animæ partem pertinere necesse est, putà ad sentientem, quam Plato (vt & omnes Medici) in cerebro ponit: in hepate verò, aut nullius principium est, aut appetentis solum: itaque etsi appetitiua plurimum insomniorum principium, & causa sit, velut cùm quis cibi laboras penuria, somniat se comedere affatim multa, & semine redundans, congregi cum mulieribus, inde tamen non fit, vt eiusdem sit facultatis aut partis, appetere & somniare, sed vt facultatum & partium animæ ac corporis tanta sit sympathia, quæ, vt hoc ita multis aliis argumentis asseritur. Sed redeamus ad p̄sum. Cùm ergo per omnia genera indicatum sit, diuinationes quasdam esse vanas, quasdam naturales, quasdam diuinas, vanis quidem non utebatur Israël, vt Balaam prophetado dixit, naturalibus utebatur vt aliæ gentes. diuinis melius multò quam alij omnes: etiamsi aliis quoque populis dedit Deus veros Prophetas, qui aduentum suum illis, & alia quàm plurima demonstrabant; vt Græcis & Romanis Sibyllas: Orientalibus populis Balaam. Verùm hoc intererat, quòd Israël (nisi cùm adulterabatur) non utebatur Pythonibus, neque oraculis cacodæmonum, neque eorum prophetiis, sed solum Dei Optimi Maximi responsis, & inspirationibus per viros sanctos. Proinde auguriis non utebantur nisi peccatores (quod acriter reprehendebant Prophetæ, vt certè Osæ c. 4. dicēs: *Populus meus in ligno suo interrogauit, & baculus eius annuntiavit ei*) neque extorum consideratione, quia hæc vana semper sunt, aut praua, multò minus Pythonibus, aut omninò Necromantia, quia hæc praua semper sunt. Utebantur verò responsis Dei, & prophetiis Sanctorum, atque eorundem insomniis, & interpretationibus, nonnunquam sortibus; his verò non leuiter, & vtcumque (ita enim essent vanæ) sed accedente semper diuina inspiratione, in re iusta, & magni momenti. De primo itaque

Animæ &
corporis
sympa-
thia.

itaque modo, quo potest diuination quædam esse naturalis, hactenus dictum sit. Superest secundus, quo scilicet in ipsa vera, ac prophetica diuinatione partem aliquam habet natura. Certè quòd diuinetur propriè, ac verè, nulla naturalis causa est satis, quandoquidem indicatum est, nullam esse in nobis facultatem naturalem diuinandi, sed effectiuum principium externum esse ac spiritale: tamen potest esse in ipso qui talem accipit inspirationem naturalis quæpiam dispositio, magis aut minus accommodata ad accipiendum. Non ita quidem vt ea dispositio causa sit inspirationis necessaria, neque qua præsentè necessariò fiat, neque sine qua fieri non possit. Si enim Deus Optimus Maximus est principium efficiens veræ prophetiæ, vt monstratum est his, cum ne ad creationem quidem adstrictus sit causæ vlli necessariæ, multò minus sit in largiendis his donis: sed cum is (quæ sua est bonitas) soleat disponere omnia suauiter, in his quoque quæ supra naturam facit, quoad fieri potest, rationem seruat naturæ, velut & miraculorum exemplis pluries iam indicatum est. Quandoquidem diuination non nascitur in nobis vt reliquæ sensationes ab obiectis (hæc enim nondum sunt) sed à diuinitus factis repræsentationibus, constar eam fore accommodatissimam dispositionem, per quam maximè vacat à motibus, quos cient sensibilia. Nam, vt nuper diximus, vt in aqua quieta facilè redditur quæcunque figura, in agitata verò non potest reddi, ita & in quiescente à sensibilibus animo, repræsentatio quæcunque ab eo verò qui plurimum volutatur circa sensibilia, excluditur omnis inspiratio. Hanc ob causam, qui orationi volunt vacare, eligunt silentium, quietè, & tenebras, vt scilicet audiant quid loquatur in illis Deus. Itaque qui minimè vtitur sensibus, is maximè valebit diuinatione. qua de causa Plato & Aristoteles, diuinationem in fatuis ac stupidis esse dixerunt, in quibus scilicet minimè est prudētia (quod mihi videtur fabula, vt multa alia, adumbrasse antiquitas, dicens Tyresiam cum donaretur facultate diuinandi factum esse cæcum) & in furentibus magis quàm sanæ mentis hominibus, & dormientibus magis quàm vigilantibus. Eadem quoque ratio esse videtur, quòd moribundis magis quàm per reliquam vitam Verum ne hæc rumultuariè prætereamus, sed expēdamus singula, quòd fatui diuinationem habeant pro prudentia; contra prudentes hanc pro diuinatione, videtur consentaneum, quia vt se habent bruta ad hominum genus, ita inter ipsos homines fatui ad prudentes: at verò vt homines prudentia, ita bruta videntur valere diuinatione. Nam pisces multi solent incautis præmōstrare nautis tempestatem, vt auiculæ agricolis,

Diuinationis dispositiones.

Fatuorum diuinationes.

Brutorum præfensiones.

armenta bubulcis: & minores greges aliis pastoribus, & mures in proximam confertim abeuntes, dicuntur præmonstrare incolis ruinam domus. Multa etiam alia his admirabilia narrantur de brutorum præsentione, quàm illis velut instinctum quendam videtur dedisse natura, pro prudentia. Ita igitur & inter ipsos homines, imprudentibus datam esse diuinationem, est consentaneum. Sed ut hæc quatenus verum sit constare magis possit, operæ pretium fuerit dicere, quæ causa sit magnæ illius præsentionis, quæ in brutis conspicitur. Ea certè est, maior brutorum compassio cum causis corporalibus. Cum enim hæc sensus afficiant, brutorum animæ (ut quæ mente carent) sensibilibus magis afficiuntur: quapropter exordia futurorum motuum sensus brutorum magis afficiunt. Itaque ut qui carent oculis audiunt exactiùs, ita quæ mente carent animalia exactiùs sentiunt. Aded conspicuum est, quòd rationalis contemplatio detrahit sensui, ut qui intentiùs disputant, meditantur, aut orant, soleant plurima quæ coram fiunt, aut dicuntur, neque videre neque audire, ac nonnunquam sensuum munere priuari, quàm vocant ecstasim, ut Socrates, qui (ut narrat Alcibiades in Conuiuio) in medio exercitu aliquando, vno gradu diem & noctem stetit, vsque ad Solis exortum cogitabundus. eadem ratione evenit plerunque, ut qui exactissimos habent sensus, sint ad factorias artes aptissimi, ad contemplationem non aded: contrà, qui in hac valent plurimum, sint ad res tractandas parum idonei. Constat ex dictis eam diuinationem, quæ in brutis & hominibus rudioribus præcipuè est, in eo esse genere diuinationis, quod naturaliter inest per compassionem cum causis, aut per exordia rerum futurarum. Illa igitur nullatenus est vera diuinatio, quæ & prophetia dicitur. Sunt alij homines, imprudentes illi quoque, non tamen fatui aut stupidi, sed dementes, insani, & furentes, aut naturali vitio aut morbo, hos dicunt plus aliis omnibus futura prædicere, quod nonnulli in atræ bilis, quæ furoris est causa, naturam referunt per se, quasi scilicet ea sit eius succi vis naturalis, quia talis substantia, aut quia calida & sicca. verum hoc falsum esse constat. Nam nullum omnino esse posse naturalem vim diuinandi, generatim iam monstratum est: si autem nulla esse potest, certè neque in hoc, neque in illo temperamento, neque in hoc neque in illo succo: non igitur atræ bilis est ea vis per se, sed per accidens, quia scilicet atrabiliarij somniabundi sunt & loquaces, sit ut nonnunquam incidant somniando aut loquendo in id quod futurum est, velut qui sæpe iaculando aliquando collimat, ut nuper quoque diximus. Fit verò ut loquantur quiduis

Bruta cur
præsen-
tiant.

Ecstasis.

Somnia-
bundi.

quiduis, & quia imaginationibus densis, & calore instigantur, & quia cum sint insani, non habent (inquit Cicero) quam prudentia solet afferre rimiditatem, hoc est, nihil dissimulat, sed omnia effutiunt. quid ergo mirum si aliquid exit quale futurum est? hæc verdè longissimè abest à vera diuinatione. Aliam quoque causam habent melancholici diuinationis, atque eam etiam per accidens, nimirum Dæmones facilius apprehendunt hos quàm alios homines, quia plus habent imaginationum, & minus prudentiæ. Cacodæmon verdè ubi adest, quandam ostentat diuinationis speciem: nimirum affecta, semper opinionem diuinitatis, ad quam solam scit pertinere veram futurorum, per se, & non per præsentis causas ac notas præsentionem. Parati etiam hi videntur ad inspirationes, quia cum sint alienati mente, minùs intenti sunt corporalibus passionibus. Adeo enim verum est eos qui mente laborant, sensibus non esse intentos, vt dicat Hippocrates eos ne dolores quidem sentire: argumento verdè est, quòd videmus tales, & plagas, & vulnera, & nuditatem, & famem, & passiones alias quascunque sensibiles facilius tolerare: tales ergo paratiores sint ad inspirationes recipiendas. At verdè rectè videtur censere Aristoteles libro de insomniis indignum esse, putare Deum cum hominibus dementibus colloqui, præteritis bonis & sapientibus. Plato quoque diuinam reuelationem amicis Dei fieri putat: nam *maiora iis qua humana mens consequi potest, scit* (inquit) *Deus, & qui Dei sunt amici*: amicos verdè Dei, quis dixerit alios, quàm probos & sapientes? Hoc argumento videtur Aristoteles velle tollere omnem diuinam prophetiam: illi verdè solum concedimus, quod & ipse dicit diuinationem illam melancholicorum diuinam non esse, sed naturalem, aut dæmoniacam. Diuinas verdè inspirationes, quas prophetias vocamus, fieri per viros prudentes, atque magna ex parte optimos, dico, magna ex parte, quia aliquando etiam locutus est Deus per improbos, vt constat exemplo Balaam, qui etsi astutus, ac suo modo prudens erat nequam, indignum certè loqui Deum per stultos & imprudentes homines: dignissimum loqui per prudentissimos, & optimos. Ne verdè meritis potius quàm dono Dei prophetiæ spiritus contingere cuiquam putaretur, datus etiam aliquando est impio, vt & alia dona, vt certè sanitatis. Igitur atrabiliarij, & mente moti præ multitudine imaginationum & insomniorum, & loquacitate, videntur aliquando diuinare: atque eosdem nonnunquam occupant Dæmones. Nec ad veræ prophetiæ spiritum recipiendum oberit eius succi aliquid, cum neque tantus, neque talis est, vt aliquam pariat insaniam.

niā. Nam dictas ob causas, quod insanientibus accidit, dāmoniacum potius est quā diuinū: irruit verō etiam diuinus spiritus in quosdam, qui prae mentis ecstasi, quae ex contemplatione tertium diuinarum fit, videntur insanire, vt Saul cum se coniecit in medios Prophetas. Hic vocari potest furor diuinus, estque re vera coniunctus cum maxima sapientia, etiam si interim tollit prudentiam huius saeculi. nisi enim hāc abstulisset, non impulisset Dauidem, deposita regia seueritate saltare coram populo. Itaque mentis eleuatio ab humanis curis & sollicitudinibus, maxima dispositio est ad propheticam captandam inspirationem, eaque naturalis, quia rerum humanarum curae, plurimum auocant ab omni rerum superiorum contemplatione. Quaecumque ergo naturaliter reddunt animum vacuum à talibus curis, naturaliter etiam disponunt, & ad diuinorum contemplationem, & ad prophetiam, etiamsi ipsa prophetia supernaturale donum est, & veritatis diuinæ euidentis argumentum. Hanc ob causam Prophetæ variis modis se præparabāt ad recipiendum spiritum: nunc se conuertebant ad somnos, vt Iosephus & Daniel, vt in illa requie mentis & tranquillitate, sine strepitu externorum sensibilibus, viderēt visiones (qui prophetandi modus insinuatus est illis verbis Ioëlis, cap. 2. *Senes vestri somniabunt, & iuuenes vestri visiones videbunt*, quod impletum est, vt in aliis multis, ita vel maximè in Iosepho viro sanctissimæ Mariæ, & in Magis) nunc quoque se præparabant oratione, vt in mentis ad Deum eleuatione, inelius reciperentur eius inspirationes: præparabant etiam sese musico concentu, quia hic quoque mentem erigit, & à sensibus abstrahit. Hæc causa fuit, vt Eliseus rogatus diuinū responsum, peteret accersiri sibi psalterem. Hac eadem, sancta Ecclesia, quæ diuino regitur spiritu, in celebrandis sacris vtitur musicis cantibus, & suauibus sonis, iuxta exhortationem Dauidicam: *Laudate eum in tympano & choro: Laudate eum in chordis & organo: Laudate eū in cymbalis bene sonantibus, omnis spiritus laudet Dominum*. Itaque musica facit plurimum ad demulcendum animum, ac deponendas humanas sollicitudines: his itē dispositis multò facilius is transfertur ad diuina. Qui proximi sunt mortui, solēt prophetare, velut Iacob, qui iamā iam moriturus vocauit filios suos, dicens, *Congregamini vt annunciem qua ventura sunt vobis in nouissimis diebus*. hoc idē fecit Moses, cum eius instaret obitus, tribubus Israel: nimirum nunquam veriùs à sollicitudinibus seculi auocatur animus. Sed & illud est optimè sic natura comparatum, vt illa hora extinctis sensuum motibus, & deposito omni animi circā res sensibiles affectu, mens

ad

Furor di-
uinus.

Prophetarum ad
vaticinā-
dum præ-
paratio-
nes.

Musices
vſus in
sacris.

Moribun-
di pro-
phetant.

ad eorum, quæ verè sunt in contemplationem conuersa, veritatem eò clariùs intueatur, quo neglectis caduca huius vitæ voluptatibus, ad futuram eamque æternam aspiret auidius, & quæ superiori vita, dum adhuc sensus vigerent, vel sola mortis recordatione terrebat, tunc nihil nisi peccata perterritescat.

CAPUT XXXI.

CAp. 5. libri Iudicum scriptum est: *De cælo dimicatum est contra eos, stellæ manentes in ordine & cursu suo aduersus Sisaram pugnauerunt.*

Quamquam alia nonnulla Scripturæ sacræ loca, soleant in suum vocare subsidium, qui iudiciariæ Astrologiæ sunt addicti, nullo tamen mihi videntur meliùs, quàm hoc vti posse. Nam quod ex 1. Genes. adducunt, facta esse astra in signa, atque proinde significare posse futura, interpretatum mihi illic est, ita ut nihil ad Astrologiam, nimirum esse astra signa temporum, velut guomon in horologio signum est horarum: itaque Cælum totum esse chronologium, astra verò signa temporum. Quod adducunt ex Psal. 19. *Firmamentum annunciat opera manuum eius;* hoc est (ut illi interpretantur) quæ Deus facturus est firmamentum annunciat, longè potiorem enarrationem accipit; pulchritudinem scilicet cœli, & firmamenti quod conspicitur, quodammodo nobis indicare posse pulchritudinem operû Dei, quæ cōspici non possunt, tamen quod dicit, de cælo dimicatum esse cōtra eos, & stellæ manentes in ordine & cursu suo aduersus Sisaram pugnasse, plurimū videtur Astrologiæ fauere. Nam quo alio potius modo, victoriæ causam in astra reiiceret, diceretque cursum & ordinem, quem eo die tenuerunt stellæ, fuisse Sisaræ infaustum, & exitiosum? si igitur quia stellæ cum ad sese tenuerunt ordinem Sisara periit, potuisset is per Astrologiam periculum prævidere, atque adeò (nisi vel inuitos fata trahunt) deuitare, quod si ita est, possunt quidam astrorum cursus, & ordines esse fausti & infausti: atque adeò iidem quibusdam fausti, & quibusdam infausti, is enim astrorum siue ordo, siue aspectus fuerit Sisaræ infaustus, Hebræis faustissimus, si verò ita haber, prudenter sanè eo die Sisara timuisset cælum, ac deuitasset prælium. Cur ergo Dominus Ierem. c. 10. præcipit, dicens, *A signis cœli nolite metuerè, qui timent gentes?* Neque verò illa (quod aliquis fortè interpretetur) vocat signa cœli, tonitrua, fulgura, aut fulmina, aut cometarum omne genus, & quacumque

Astrologiæ iudiciariæ reprehensio.

Signa celestia.

homines vocant portenta : sed idem est quod hîc prohibet , & apud Isaïam c. 47. derisit : dicens Babyloni , *Defecisti in multitudine consiliorum tuorum : stent & saluent te augures cœli , qui contemplabantur sydera , & supputabant menses , ut ex eis annunciarent tibi ventura.* Itaque vocant Astrologos augures : horum ergo diuinationes vt & alias omnes , pars est , intelligas prohiberi fidelibus , c. 19. Leuitici , vbi dicitur , *Non augurabimini ,* & Numer. 23. Deut. 18. & Isaïæ 47. Constat Dei populum ab hac diuinationis specie qua Chaldæi maximè omnium vsi sunt , vt & ab omni alia præter veram prophetiam , abstinuisse , siquidem Num. 23. dicitur : *Non est augurium in Iacob , neque diuinitio in Israël.* quid est ergo quod nunc Debora stellarû cursui , & ordini putat victoriam populi Dei ? Mihi non est hæc quæstio , vt neque alia vlla in hoc opere , tam disputanda Theologicè , quàm iuxta conditionē argumenti , Physicè . Quapropter videndū est , an ea Astrologia diuinatrix , quam veteres vocabant , vt videre est apud Ciceronē , scientiam Chaldæorum , sit ars quæpiam naturalis , an potius impostura quædam , quod examinauit diligentissimè , atque vt mihi videtur magna ex parte verissimè , Picus Mirandulæ comes . Ego verò mihi hanc quæstionem suscipio , non quidem tam diffusè , quàm ille , sed pressius , meo more tractandā . Duas partes habebit disputatio : altera versabitur circa ipsam naturam cœli & astrorum , altera circa ipsos Astrologos ; & videtur quidem hæc ex illa pendere : si enim astrorum , pro mira quàm habent varietate , ac pro sua innumerabili multitudine , sunt etiam plurimæ & æque mirabiles virtutes , quibus inferna hæc moueant , videntur Astrologi laudandi , qui non patiantur eas latere mortales : sin autem non sunt plures quàm apparent cuius è plebe , damnandi sunt , quoddam leuiter illis tribuāt multa quibus carent . Hanc ob causam Picus , acerrimus Astrologorum impugnator , affirmat astris nihil esse præter motū & lumen , & motu mouere , & lumine calefacere , calore , vt ille putat , quodam viuifico , à calore elementari & igneo , natura diuerso . Astra itaque hæc solū facere , atque omnia idē , plus aut minus : multiplices verò illas rerū mutationes , & affectionum differentias imputari materiæ . Disputat multa hinc inde , vt detractis cœlo omnibus virtutibus , præter motum , & lumen , effecta tueatur . In duas vetò præcipue , pro illis omnibus fertur responsiones , scilicet , aut alias omnes passionēs , præter motum & calefactionem fieri per accidens à calore astrorum , aut calorem illum esse causam vniuersalē , ac proinde effectiuam per se multorum , atque adeò contrariorum , cōcurrendo cum multis , & contrariis naturis particularibus . Hæc arbitror summa est

totius

Astrologia diuinatrix.

De Astrologia disputatio.

Astrorum vis.

totius libri tertij Pici, qui solus est Physicus, alij enim partim sunt Teologici, partim Astrologici. Mea verò hac in parte, plurimū dissidet ab illius sententia, nam motus cœlorum, qui singularis est, haudquaquam potest motuum, qui in aëre cōtingunt, esse causa. Concepit Picius Aristotelij, si cœlum quiesceret, futurum ut nihil moueretur: cœlum igitur circumeundo mouet hæc inferna: aut ergo motu suo per se id facit, aut per accidens, per se dico, si cœlum id facit tantū quia mouetur: per accidens si quia mouendo communicat facultatem mouendi reliquis: velut si quis manu admouet stupæ candelam, manus motu suo mouet candelam, & comburit stupam, illud per se, quia non aliter mouet candelam quā mouendo manum, hoc per accidens, quia mouendo manū ac candelam, admouet ignem, qui vrit per se. Si igitur cœlū suo motu facultatem aliquam immittit rebus, qua adiutæ mouentur, habet iam vim aliam mouendi præter suum motum, sin autem nullam mittit, sed mouet solum quia mouetur, perinde eueniret, si cœlum ligneū, aut æneum, aut lapideū esset, atque ita ut nunc circumferretur: non eueniret autem. Cur enim si lignea sphaera superiori loco ferretur circulo, hīc apud nos ferretur recta lapis & fumus, ille deorsum, hic sursum; nam quidquid mouendo mouet aliud, id quidem facit impellendo, aut trahendo, volutando, aut vehendo: at verò lapis cadens, neque trahitur, neque pellitur, neque portatur à cœlo, neque verò volutatur, cū feratur recta: concurrit ergo cœlum cum iis quæ feruntur, virtute aliqua motiua quam immittit, quæ motus non est, sed neque lumen (quanquam id ille concedit, satius verò sit indicari,) nam lumen illuminat; illuminando verò nō potest per se mouere, sed per aliud, hoc est, per illuminationem immittens vim mouendi. quod si ita est, habet cœlū, quā communicet vim aliam à motu & lumine, sed quod accepimus ita patet. Si lumine moueret, nō esset latior primus omnium motuum, sed altero: nam cœli lumen non pender à motu, lucret enim Sol quiescens, non minū quā latus (constare id potuit pugnante Gedeone) penderent verò lationes aliarū omnium rerū ab illustratione, quæ alteratio quædam est: non esset ergo latior primus motuū quod Aristoteli cōcedit Picius. Neque verò est quod tā apertè subuertat eius sententiam, quā id quo maximè se tueri vult, ut (inquit) *cor suo motu mouet alias omnes corporis partes, ita cœlū alias mundi.* constat verò cor non solū alias partes, quæ ad illud non spectant, sed neque arterias mouere suo motu, sed facultate pulsandi quam illis mittit, quā & viralem Medici vocant. Nisi quidē moueretur non moueret, id verò est per accidēs, quia ipsū extingueretur, neque posset aliis

Cœli motus.

Lumen cœlestis causæ.

Localis locus primus.

virtutem demandare; est itaque cœlo virtus, qua mouet hæc inferiora, præter motum. concessum sanè, quòd nisi mouendo, eam mouendi vim non communicaret: nihilominus virtus illa mouendi, aliud est quàm motus: vel hoc solùm argumentis, quòd facultas seu virtus nomen est immanentis qualitatis; motus, passionis cuiusdam. Iam verò neque quòd lumine calefacere dicit, probare possum, neque quòd calorem quem cœlum gignit specie differre dicit ab eo què ignis. Nam quæ maximè cœlestem fulgorem videntur participare, vt spiritus in nobis, qui sensibus seruiunt, neque calidi sunt neque calorifici, sed sine calore fulgidi, vt hoc modo differat, authore Galeno ex sententia Platonis, quem maximè sequitur Picus, ignis cœlestis ab elementari, quod ille sit sine calore lucidus, hic calidus & lucidus. Exemplo constat id oculi, qui ad ignem refertur ob fulgorem spirituum, ad illum è cerebro venientium confer-tim, alioqui verò est subiecto frigidus, & plenus aqua: quod ferre natura non pòsset, si is fulgor esset caloris effectiuus: non igitur illud lumen calorem rebus affert per se, sed per aliquod accideus. Atque cum calorem quem Sol vtcunque facit, specie non differre ab igneo constat, cum incidentes in eandem substantiam, vnicam reddant intensiorem. quid enim? Si quis à Sole simul & igne calefit, duos concipit calores, ac non potiùs vnum intensiorem duabus causis in idem opus incumbentibus? Si vnicum, non different specie, qui sese augentes constant vnum numero: porro si duo, vterque excludit frigus. vtrique ergo erit frigus contrarium quod; si vtrique æquè, non sunt illi diuersi, sed idem, quia vnum vni contrarium, est. Non igitur solaris calor vrit minùs quàm igneus alia ratione, quàm quòd moderatior, neque cerè coquit & vegetat magis, nisi ob eam moderationem, & coniunctissimas quasdam benignissimas influentias, quas, quia se putat Picus facere contra Astrologos, referens omnes in motum & lumen? certè facit nihil etiam si concedantur omnia. dicit enim, stellis esse nihil aliud quàm motum & lumen. Quid, quòd calefaciunt, quid aliud est quàm illuminare? Respondet, vt cœlum est causa vniuersalis, ita & eius virtutes esse vniuersales & eminentes, ac proinde posse facere multa, ac varia, atque aded contraria etiam. Quid ergo interest ad Astrologiam, siue per plures, siue per pauciores facultates possit cœlum facere multa eaque varia, si modò potest? concedet tibi Astrologus, vt viter rixas, cœlo nihil esse præter motum & lumen, id verò lumen cœleste, quia causa vniuersalis est, eminenter continere virtutes omnes rerum

mura

Calor
cœlestis.Oculi na-
tura.De Sole
multa.

mutabilium, atque ita posse hæc & illa, quantacumque scilicet, volet confingere. Vsq̃ue adeò falsum est, omnia quæ facit cœlum, facere motu & lumine, & ad propositam disputationem nihil interest. Neque verò ego (vt hoc obiter dicam) propter calorem solùm, dico cœlũ vires habere alias quàm mouendi sese & illumandi. Nam, vt alibi indicaui, cœlo non est vis calefaciendi, sed lumine gignit calorẽ, id verò non per se, sed ob analogiam, & similitudinẽ naturæ, alliciendo ad illuminatũ aerem cum igne, qui per hanc corruptibiliũ spheram permeat. Itaque calor non cogit nos affirmare, esse in celestibus corporibus alias virtutes à motu & lumine: sed lationes potiùs horũ inferiorum, quas à motu cœli pendere cū omnibus Philosophis fatemur: non tamen ob ipsum motũ per se, sed ob aliquas virtutes, & influentias motrices, quas motu immittere, hĩc, & alibi antea probauimus. neque solum eas virtutes in cœlo, eiusque partibus esse existimo, sed innumeras alias indicibiles, quibus omnium mutationũ quæ hĩc penes non aguntur, in efficientis genere causæ sunt priores quidẽ iis, quæ ipsi materiæ sunt proximæ, posteriores verò quàm aliæ quæ superiores sunt, & ordine quodam positæ, vsque ad primã: quæ omniũ, quæ vbi mundi, siue inferioris, siue superioris aguntur, causa est. Neque, verò puto, omnibus cœli partibus omnes eas virtutes inesse eodem modo: sed vt lumen quod conspiciamus, videmus alias aliis partibus conferre, vt Solem Lunæ (ne de quibus dubitatur affirmemus quidquã) ita alias quoque virtutes, quas neque nominare possumus, neque sentire, esse alias in aliis astris, aut solis, aut præcipuè, & aliis ab aliis demandari, ita vt ne minima quidem stella sit, quæ non conferat peculiare aliquam commoditatem, & toti mundo, & reliquis partibus. Quorsum enĩ Deus tot in firmamento stellas, neque plures, neque pauciores, & hoc ordine, & his interuallis, vt hæ Coronæ, illæ Canis, aliæ Buccinæ, aliæ Currus redderent figuram? cur omnes & fixas & errantes, has hac, illas illac, tanto has tẽpore, tanto illas facit circuire, ita certa lege vt nulla per innumera secula, vel latũ vnguẽ possit declinare? An casu horũ quidpiã, vel frustra, ita vt aliter fieri, vel quod minutulum in eis esse videtur, posset citra mundi læsionem? minimè. Si enim in formatione hominis tanta est operis perfectio, & elucet formatoris sapientia, vt ne minimæ quidem particulæ addi detrachẽve possit quidpiam, magnitudini, numero, figuræ, aut positioni, vt Galenus toto opere de partium vsu sapientissimè indicauit, sed neque in mure aut formica, sed sunt vnicuique iuxta suam naturam accommodata omnia organa, vt nulli vllum aliter melius, quantò magis id censere

Influentia
cœlestes.

censere æquum est, de perfectissimis & pulcherrimis illis cor-
 poribus? profectò qui in numero, pondere & mensura fecit
 omnia sapientissimè, non fecit illum ornatum cœlorum casu,
 velut lapillos multos sparsim proiciens, vt quius fortè ceci-
 derit: sed pro numero virtutum fecit astra, & singulorum à sin-
 gulis distantiam iuxta certam proportionem dimensus est:
 atque ex ea proportionem natæ sunt multiplices illæ figuræ. Ea
 vero proportio interuallorum non fuerit, quæ maximè spe-
 ctantium oculis placere posset, sed quæ communi mundi vsui
 maximè accommodaretur, vt scilicet distarent singula à singu-
 lis, vt maximè possent virtutes sibi communicare mutuò in
 vtilitatem totius. Hæc est enim veræ pulchritudinis lex, par-
 tium nempe omnium ad vtilitatem totius accommodatissima
 compositio. Vtilitati verò huic accedit harmonia secundum
 perfectiores Arithmeticas, & visui grata pulchritudo. Nimi-
 rum illa, vt & alia omnia quæ facta sunt, fluxerunt à perfectis-
 simo & pulcherrimo exemplari. Vt verò hæc quæ commemo-
 rauimus, pulchritudinem operis, & artem opificis indicant; ita, si
 vnus aut duarum virtutum facta esset tanta corporum mul-
 titudo, nullam neque ob distantias, neque mutuos aspectus,
 neque varios motus afficiendi habens differentiam, esset sanè
 & opus minimè pulchrum, & opifex inertissimus. Non est igitur
 ita: sed fateri oportet, esse in cœlestibus corporibus multas
 mirabilesque virtutes. Nam quod dicunt, multiplicitatis muta-
 tionis causam referendam esse ad materiam, nihil obstat: siqui-
 dem mutationum & alterationum in materia tantum est pas-
 sium principium: effectuum verò est in formis rerum proxi-
 marum, ac multò prius in superioribus causis: per quas ordine
 quodam priorum & posteriorum, deriuatur virtus primæ vs-
 que ad res singulas. Si igitur (quod ad secundam disputationis
 partem attinere iam incipit) ita habet, cur Astrologia iudicia-
 ria, à viris doctis deridetur vt inanis, à cordatis exploditur vt
 inutilis: à diuinis legislatoribus & vatibus interdicitur, ac se-
 cundum idololatriam vituperatur, vt impia atque adeò multis
 Pōtificum decretis, & Imperatorum etiam, quorum extant ad-
 huc multa edicta, de Astrologis vrbe pellendis? Sub Claudio
 (authore Cornelio Tacito) de Mathematicis Italia pellendis,
 factum est Senatusconsultum atrox & irritum.

Nam nescio quo magno malo, aut quo Dæmonum astu fit,
 vt cum vbique gentium decretis expellantur, nunquam ta-
 men extinguì possint, imò neque deterreri, quod sanè nouum
 non est. nam idem Tacitus in libro decimo septimo de Mathe-
 maticis dicit. *Genus hominū petentibus infidum, sperantibus fallax,*
 quod

Harmo-
 nia cœle-
 stis.

Mutatio-
 nis multi-
 plicis cau-
 sa.

Astrolo-
 gia iudi-
 ciaria re-
 prehendi-
 tur.

Mathe-
 matici
 Italia pul-
 si.

quod in ciuitate nostra, & vetabitur semper, & retinebitur. Sed videamus quod sit eius imposturæ principium? hoc certè. Esse multiplices virtutes astris, quibus omnia quæ hîc geruntur, gubernantur, atque pro differentia aspectuum ad sese & ad res infernas, varias nasci affectiones, quod videmur recepisse, atque confirmasse: itaque quia videntur habere virtutes multas, & habere has & illas, colligunt temerè. quæ temeritas est certè, & inanis, & noxia, & parû pia. quæ distinctioris doctrinæ gratiâ, seorsum indicabuntur. Ac primùm esse inanem, hoc est, vanam, nullius veritatis participem, atque omninò scientiam non esse neque artem, sed imposturam, & figmentum, idque eò maius aliis figmentis quod illis solent impostores alios homines decipere, ipsi nequaquâ decepti: hoc verò ipsi s etiam impostoribus imponitur. non enim arbitror, omnes qui hanc fictitiam artem professi sunt (nam tametsi ea fluxit ab idololâtris, qui adorabant cœlestia corpora, & à ludæis, & Mahometanis magna ex parte aucta est, inciderunt tamen in eam nonnulli ex nostris non parum docti & probi quæ vafritie & malignitate voluisse vulgaribus imponere, sed eorum non paucos præcuriositate qui non exiguus animi morbus est, in eam credulitatem incidisse, & (quæ hominum est fragilitas) cum multis esse deceptos: satis arbitror constat, me non vituperare eam Astrologiam, quæ in cognoscendi cœli motibus versatur, cum ea nihil esse certius in humanis possit, neque iis quæ circa propriam illius materiam fiunt præfensionibus: non enim minùs certum est futurum post biennium eclipsim Lunæ, quam futuras in mense Iunio breuissimas noctes. nam nisi quis supputando decipiatur, eadem vtriusque scientia est. Illam vituperò diuinationem, quam quondam vocauerunt scientiam Chaldæorum, nunc vocant Astrologiam iudiciariam, quam qui profitentur annuatim nobis prænunciant futuras aëris temperies, & temporum constitutiones, salubritatem aut insalubritatem, abundantiam frugum aut penuriam, otium aut bella, & eorum exitus tristes aut fortunatos, Principum incolumitatem aut mortem. hi ipsi electiones faciunt horararum foelicium, aut infœlicium, pro quibusvis negotiis suscipiendis: per interrogationes, quas illi vocant respondent de re quacumque interrogati: velut quis furatus fuerit quod domi deest, quò fur abierit. Iam verò per natales horas diuinant futuros hominis cuiusque mores, eiusque fortunam, viuendi & moriendi sortem. Hæc omnia vana sunt, etsi non omnia æquè. nam cum mutationes omnes corruptibilium corporum ad calidum, frigidum, humidum, & siccum referantur, & hæc in

Chaldæo-
rū repre-
hensio.

in cœlis habere causas priores & superiores quæ per influentias communicantur concesserimus, pluuias quoque ac serenitates, status & tranquillitatem aeris causas illic habere consequens est. Si autem hæc, & fructuum prouentus boni aut mali, & morbi, & salubritas; horum enim causæ maximè sunt in temporum constitutionibus, quæ in calida vel frigida temperie aeris, pluuiis aut serenitate, flatuum abundantia aut vacuitate spectantur, vt apud Hippocratem videre est alibi sæpe, & maximè in Epidemicis; in his ergo bonam causæ partem videntur habere posse astra, post hæc secundo etiam loco nonnullam & in formandis moribus hominum, si enim ad temperiem alterabilium omnium faciunt, & temperies ad mores, vt libello proprio indicauit Galenus, possint etiam nonnihil astra ad mores. Ad fortunam verò quid possunt astra; nam hoc ipsum casu, aut forruna aliquid fieri, est nihil aliud quàm sine causa certa & per se fieri, si Aristoteli credimus; cōtradictionem ergo inuoluit, causas esse in astris eorum quæ casu contingant, aut fortuna, vt, quòd illo prætereunte lapis deciderit, & quòd fodienti illi vineam thesaurus inuentus sit: nihil enim minus fortuna aut casu fieret, quàm illud quod causam haberet certā in incorruptibilibus & æternis. Quæ fortuita ergo sunt, vt quòd ille sit à latronibus occidendus, quòd alius ruina, alius fulmine moriturus, quòd alius domi, alius in agro, quòd exeunti ab vrbe furi versus Orientē prætor longè visus sit, ac proinde ad Occidentem deflexerit, nullam causam habere possunt in astris, sed neque in vniuersa rerum natura per se, sed ex accidenti quodam: vt pote quæ casu aut fortuna fiunt: sunt verò hæc in quibus maximè gloriantur. Hoc ergo genus præfensionum, quod spectat ad fortunam, & casum, Physica ratione penitus excludetur illud quod secundo loco memorauimus, pertinētque ad mores hominum: siquidem pro moribus, de faciendis etiam feratur iudicium, penitus erit vanum: vt si cūm esset dicendum, mulier hæc erit libidinosa, aut ne ita quidem, sed calida dicas erit meretrix, aut infidelis viro: aut cūm dicendum, erit auarus aut ne ita quidem, sed natura propensus, dicas furabitur: alterius enim causa partim in educatione est, partim in natura, alterius verò in arbitrio, quæ plurimum dissident. si qui verò astra necessitatem putant arbitrio ponere, hi humanam tollunt libertatē, & rationem omnem boni aut mali, meriti aut demeriti. Superest ergo solū primum genus, quod ad aeris pertinet alterationes, & in hoc secundo exigua quædam particula. Sed & in his ipsis incertitudo summa, ob causarū implicationes, ea verò apertiùs conspicietur in eo quod pertinet

Astris nihil cum fortuna.

Astra non necessitat.

Mercurius facere fures creditur.

ad mores. nam sit, ita, faciat Mercurius fures, an cum hic nasceretur, erat solus Mercurius in cœlo? habes aliorum omnium perspectas naturas, omniumque subduxisti rationem quantum scilicet singula annuerent? non (dicunt) sed quorundam. quid ergo? omnia reliqua scis esse neutra? sed sint, aut habueris omnium rationem, atque iam non Mercurius solus, sed cœlum totum illa hora faciat fures? An non per temperamentum principiorum & materiæ generationis, id fieri dicebamus? ad eam ergo temperiem, parentum temperies non minus facit quam cœlum, non sunt verò parentes omnes qui eadem hora coeunt eiusdem temperamenti. oportebit ergo te iam videre, non solum natalem horam huius, sed & suorum parentum, & auorum, ac denique omnium à quibus in hunc potest aliquis naturalis motus deriuari: scimus verò aliquando similitudines etiam ab atavis. Sed noueris maiorum omnium secundum utramque partem temperies, scis etiam victus rationes, atque quid congressuri esitauerint, pisces, an allia? nam ad seminis temperiem plus facient hæc, quam Mercurius aut Venus. interrogasti quibus tibi vasa si prægnans? ô quam exigua manet iam causæ portio in istis schematis astrorum, quæ pro natali hora faciunt. Sed sit hæc quatuorlibet, an non erit maior in hora conceptionis? dicunt se vtriusque horæ rationem habere, atque ex hora ortus horam conceptionis agnoscere omnes igitur eadem hora nati, eadem etiam concepti sunt, non ergo possunt nasci septimestres, & nouimestres, & decimestres simul: at verò quacumque hora potest nasci septimestris, ergo nunquam potest nasci vllus nouimestris. quod si non quacumque hora potest nasci eorum quilibet, sint quædam horæ septimestrium, quædam nouimestrium, quædam decimestrium: at verò nullæ tales definitæ sunt ab eis. non possunt ergo ex hora ortus scire horam conceptionis? neque igitur ex naturalibus figuris possunt quidpiam præsentire. Quid ergo superest? ut prædicant nobis pluias, aut serenitatem, flatus aut tranquillitatem, frigora, aut æstus, ac per hæc de morbis & eorum curationibus etiam quædam itaque superest solum Astrologia agrorum, nautarum, & Medicorum, quæ per exigua est. nam agricolæ & nautæ meteorologis signis magis vtuntur, quam æthereis: Medici paucorum admodum astrorum considerant ortus & occasus, Pleiadum scilicet & Arcturæ aspectus verò Lunæ & Solis: atque hæc quoque multi doctissimorum censeant esse superstitiosa. Sed huic præsentioni non admodum repugno, quamquam ei quoque obstant duo magni

Astrologia agrorum, nautarum & Medicorum.

momenti

momenti. Primum quidem multiplicium causarum concursio, quarum neque perspecta esse potest natura, neque haberi ratio. Alterum quod in Physicis indicauimus, quodque omnem ex causis naturalibus diuinandi rationem eleuaret, etiamsi omnium virtutes essent perspectissimæ, atque ob oculos posset, videlicet, primum motorem non solum mouere primum mobile, ac per illud alia ordine quodā vsque ad vltima, sed præter commune hoc mouendi principium, quod simul æquè præbet omnibus, cooperari immediatè (quid vetat ita dicere ?) cum singulis esseque causam liberam, quæ singula defleat, non quò cælum trahit, sed quò ipse vult. neque verò solum miraculosè, sed naturaliter, & cum magna suauitate. cur enim miraculum hoc sit, magis quàm si mea me mens trahit aliò, quàm cælum aut natura impellunt? præterea necesse est scientiam omnem resolui in principia, quæ per se nota sint, aut instrata, aut alia scientia denuò cognita experimento, aut à prima veritate reuelata; Astrologiæ verò iudiciariæ principiis nihil horum accidit. ea ergo non est scientia, sed inanis impostura (exceptis minutulis illis) nihilominus quàm sortilega. Primum quidem ea non esse per se cognita, neque in alia scientia demonstrata, ipsi dabunt: reuelatam esse dicunt eorū quidam, alij ab angelo Adæ, alij Enoch, alij à Raphaële Tobia, ipsis verò Astrologis quis reuelauit factas esse antiquis istas reuelationes? Certe ipsi sibi. Nam quæ Ecclesia, quæ sacra scriptura, dicunt, Traditio est, per quos Apostolos? Non igitur est maior fides illarum reuelationum, quàm ipsorum Astrologorum autoritas. hæc verò est quæ in dubium tunc vocatur, non est ergo suorum principiorum fides. Superest vt sint experimento cognita: hoc vt persuaderent Chaldaei, Græcis, & Romanis dicebant (vt primo libro de Diuinatione licet apud Ciceronem legere) se obseruationes horum fecisse per quatercentum septuaginta millia annorum, ac rectè quidem dicebant. nam tot ac multò pluribus erat opus, vt singularum figurarum tenerentur perpauca obseruationes. Nam si toto anno magno, quem quadraginta nouem millibus annorum esse dicunt, cælum totum nunquam ad eandem penitus redit figuram, totis quatercentum septuaginta millibus, rediisset minùs quàm deberi, teneri debent multæ obseruationes: pauca enim casui possunt imputari, & cap. i. Metaphysicorum dicitur, multæ eiusdem rei memoriæ vnius experientiæ vim habent. Illi igitur mentiebantur consentaneè: multò impudentius nostri, qui cum credant, mundi totius nondum esse exactos

septem

Disputa-
tio de
Astrolo-
gia iudi-
ciaria.

septem mille annos, & multis iam myriadibus iactari istas imposturas, dicunt nihilomniùs experimentis cognita esse tot, quot vel fingendis miror mundum fuisse satis. Quod verò Thaletem Milesium primo Politicorum, capite septimo, dicunt Aristoteles per Astrologiam prospexisse vbertatem oliuarum futuram, non admodum curo; præuiderit enim ille per incipientis iam anni constitutionem, vt agricolæ, aut Medici, at præuidisse per Astrologiam, fuerit inanis fama; est enim, vt indicatum est, inanis hæc Astrologia. Quod verò si inanis sit, etiam noxia, faciliè constare potest, quandoquidem multis credulis, & pusillanimis, quæ prænuntiata fuerunt dira, præ timore totius vitæ suauitatem abstulerunt, ingerentia melancholiam, atque adedò veram insaniam; & quod grauius quidem est, nonnullis, nimium cautis, ipse timor facit certa esse pericula, velut si timeret à muliere, ipsa zelotypia, si ab hostibus, assidua armorum gestatio: si ab aqua, paucior pontes angustos prætereundo: denique à quibus quisque timet, in ea videmus faciliùs incidere; vel permittente ita Deo, ita enim legimus capite vltimo Isaia: *Vnde & ego eligam illuminationes eorum, & quæ timebant adducam eis*; & capite decimo Prouerbiorum: *Quod timet impius, Veniet super eum*. Atqui hæc sanè fuerit vna causa, qua quæ ominantur, aliquando eueniant. Si igitur prænunciant mala, hoc modo nocent: si verò bona, quòd inani spe seducen- tes, multa impellunt frustra tentare, atque interim magnis se exponere periculis, aut certis aliis sese priuare bonis, tametsi enim fieri possit, vt quispiam spe inariter concepta, tandem compos fiat leuiter sperari boni, multò tamen plures fuerint, qui spe cadentes, magna sint experti pericula, vt qui Imperij concepta spe, factus prædo, perit in furca: aut certa bona amiserint, velut qui thesauri inueniendi, aut chymica arte faciendi aurum spe allekti, laborauerunt, quorum vix quispiam est, qui non rem totam perdiderit, quidam verò qui non quærebant, inuenerunt thesaurum. Satiùs ergo multò sit vt inuenias, vineam tuam fodere; quàm de thesauro cogitare, ita vtilius multò sit hominibus, vitam prudenter institutam agere, quam diuinatione agi. Sed neque satis piam esse, præter sacrae scripturae loca quæ produximus, hæc indicant, quod facit periclitari fidem de Dei prouidentia, & de libero arbitrio, tametsi enim præfari semper soleant, se illa imprimis salua esse velle: sunt verò adedò nimij narrando tam multa & stupenda, vt latenter de necessario faro, sacrilegam audientium animis ingerant opinionem. Huc accedit multos, huius prætextu, Necromantiam exercere. Dæ-

Oliuarum
vbertas
prædicta.

Necro-
mantia.

monesque (vt quæ commemorauimus mala accidant mortali-
 bus, & hac via nonnulli à fide deerrent) exequi quæ ad possunt
 illorum prænunciata , quæ alia causa est , vt eueniat , opere-
 que comprobentur nonnulla. Præter dictas verò duas causas
 alteram ab effectibus eorum quibus prænuncientur , alteram
 à Dæmone, eueniunt quædam casu, non sunt autem tam mul-
 ta quæ non mentiuntur , vt dictæ tres causæ (si modò casus
 in causis est,) non possint esse satis. Eorum mendacitatem fa-
 cetè admodum notauit Seneca , in ludo de morte Claudij Cæ-
 faris, inducens Clothum ita loquentem : *Patiar aliquando Ma-
 thematicos verum dicere , qui illum postquam princeps factus est,
 omnibus annis , omnibus mensibus esserunt.* Accedit etiam , eam
 credulitatem coniunctam adeò esse cum Idololatria , vt Baby-
 loniorum religio nihil fuerit aliud, quàm ipsa scientia Chaldæ-
 orum. nam eadem Deorum & astrorum nomina , & eadem can-
 ebant de Diis in sacrificiis sacerdotes quæ prædicant de astris
 Astrologi. nimirum illis furatum esse boues Mercurium, hi sub
 Mercurio natos esse fures: & alia omnia eodem modo, & meri-
 to quidem; nam persuasi bona malaque omnia ab astris venire,
 neque quod amarent , neque quod timerent habebant aliud,
 quàm astra. Proinde simul cū idololatria dānatur hæc Astrolo-
 gia loco citato ex Ieremia, his verbis: *iuxta vias gentium no-
 lite discedere, & à signis cœli nolite metuiere, quæ timent gentes, quia
 leges populorum vane sunt.* Vide vt leges gentiū coniungit cum
 timore astrorū. Peccant etiam Astrologi in ipsa astra imputan-
 tes illis tam multa : nam cum facta sint omnia à summo bono,
 boni gratia, vt scilicet gignant, foveant, & augeant , in mortes
 in crimina, in bella, nullum factum est , neque quidpiam inde
 malignum venit, nisi ex accidenti quodam. Quo pacto ergo
 stellæ pugnauerunt contra Sisaram? nullo certè, quis enim
 congregientium simul hominum, posset illis esse delectus, vt
 Hebræos tuerentur, & debellarent Chanaanos; sed stellarum
 nomine haud dubiè illi vocantur Angeli, qui iuuarunt popu-
 lum Dei aduersus impios. Dicuntur verò manere in ordine suo,
 quod suo quisque est ordine cœlestis illius hierarchiæ: quia ni-
 hil est in rebus creatis pulchrius, aut ordinatius. Cursus verò
 Angelorum , dicitur assidua illa & continens cooperatio , qua
 homines custodiunt , & gubernant. Angeli igitur custodes He-
 bræorum, quorum princeps Michaël, suo quisque ordine persi-
 stentes in defendendi munere , pugnauerunt contra Iabin re-
 gem, & ducem exercitus Sisaram. atque hic est sensus literalis
 huius loci, non aliter ac 12. cap. Apoc. dicitur, *cauda draconis
 illius trahebat tertiam partem stellarum , & misit eas in terram,*
 quo

Stellarum
 nomine
 Angeli.

Angelorū
 cursus.

quo loco significatur literaliter tertia pars Angelorum. unde nihil hic habere Astrologiam iudiciariam quo se tueatur: sed oportere, ut contemptis his vanitatibus, bene semper speremus, & actiones nostras prudenter instituamus, dantes gloriam Deo.

CAPUT XXXII.

Cap. 37. libri Iob ita habetur: *Qui in manu omnium hominum signat, ut noverint singula opera sua.*

His verbis solent sese, qui Chiromantiam profitentur, Chiromantiz exalta, quam Astrologi ex schematis stellarum. itaque intelligunt verbis his Iob significari Deum, cuicumque depinxisse in manu signa eorum quæ facturus esset: illi verò prædicunt, & quæ perpeffurus, siue ab internis causis, siue ab externis, siue propriè, siue longè positis, siue naturalibus, siue fortuitis, qui cum hæc sibi persuaserint, possunt etiam in subsidium trahere locum alium ex 13. Exodi, quo ita dicitur, *Erit igitur quasi signum in manu tua.* Aristoteles quoque author nunquam contemnendus, cap. 15. primi de Historia animalium, ita dicit: *Pars interior manus, quæ vola dicitur, carnosæ est, & scissuris vitæ indicibus distincta longior, scilicet vitæ singulis, aut binis ductis per totam, brevioris binis quæ non longitudinem totam designent.* Operæ pretium ergo erit hoc loco considerare, An sit aliqua ex forma manus naturalis significatio, an omne id studium vanum sit. Eatenus verò, ut mihi quidem videtur, naturalis ars, & certitudinis aliquid habens censeretur quatenus referri possit in naturales aliquas causas, habeatque principia, aut per se nota, aut alibi demonstrata, aut procedat ex certis experimentis: quatenus verò nihil habet horum, vana. Qui igitur palmas, fictis quibusdam lineis in partes quasdam diuidunt, singulasque tribuunt singulis planetis, & naturaliter innatas lineas, secundum conceptam vulgo opinionem de naturis planetarum interpretantur, nihilominus vani sunt quàm ipsi Astrologi iudicarij: imò eò plus, quo Chiromantiz Astrologis niores. Illi enim gratis accipiunt, hoc astrum hæc facere sub illo legis varietatis, illud illa: hi addunt, manum hanc aream esse Iouis, illam

illam Veneris: & rursus hæc illa significare, quæ autem horum monstratio? quæ naturales causæ? experimenta verò iactare possint, ut ipsi Astrologi, casu quodam, rarissimè verarum pronunciationum, vani igitur sunt, qui ita procedunt, multò verò magis, cum non solum procedunt ad interpretandos mōtes hominis, sed & fortunas, & quæ non in eo cuius contemplatur manus, sed in lege positis, causas habent, velut dicunt, hæc nubet ter, hic percutietur capite. Id verò mihi videbatur coniectandum ex manibus maritorum & eius qui percussurus est, nam quo pacto connubia possint habere causas in nubentium altero, cum ad ambo pertineant? ac percussio in percusso solo, ac non potius in percutiente? Quid si primus maritus habet lineam vitæ longiorem quàm mulier? quo pacto poterit nubere illa pluries? percuti verò non potest hic, nisi qui percutiat, aut lapis tegulæ cadat, causa enim percussiois percutiens est, aut ruina: igitur eadem causa est linearum manus Petri & iræ Ioannis, aut casus tegulæ; nisi enim referantur ad eandem causam, non possit alterius esse signum, neque alterum causa eius quod alterum significat. At verò causa linearum manus, intra ipsum hominem esse videtur, & ex illius natura fluere, intra Petrum itaque est causa casus tegulæ è recto: at hoc absurdum. Dicunt, in eodem astro causam esse harum linearum, & casus, redeunt eadem argumenta, quæ aduersus Astrologos, & illud maximè, quod si naturalia, ut lineæ manuum, & fortuita, & casus & ruinæ eisdem habent causas, nihil est fortuitum, cum omnia habeant causas per se, hoc longè absurdus. nam ut cadat tegula, causa est qui tollit fulcrum, ut verò cadat in Petrum, nulla est per se, sed eadem causæ, quæ per se faciunt lapidem cadere, & Petrum transire, faciunt ex accidenti quodam & fortuito lapidem incidere in Petrum. Hætenus igitur vana est Chiromantia: neque video quæ possit non esse talis, nisi forte ea, quæ subalternata Astrologiæ non sit, sed pars quædam Physiognomiæ. Nimirum Physiognomus non solum considerat faciem (quamquam eam maximè ut quæ sensuum organum constat, & mentem maximè prodit) sed aliarum etiam partium constitutione: nam capitis totius & pectoris, & dorsus, & vocalium, & genitalium, & pedum; ita verò & manus contemplatur: atque adeò post faciem, magis quam alia omnia: nam manus humana organum organorum est, authoribus Aristotele & Galeno, atque ut facies intellectivas virtutes ita manus factivas maximè potest indicare, habetque se manus ad rationem

Physio-
gnomiz
conside-
ratio.

rationem, vt instrumentum ad artem, quia vt ratio est ars ante omnes artes, ita manus organum ante omnia organa. Nihil igitur in homine, ea quæ spectant ad rationem præcipuè ætiam, æquè poterit indicare ac manus. Igitur ea manuum contemplatio, quæ Physiognomiæ fines non transgreditur, Physiognomiæ pars est, & parem cum ea habet authoritatem: quam ergo habere debeat Physiognomia, hoc loco videndum est. Non esse profectò omninò vanam, vel illud vnum argumento esse potest, quod Aristoteles, author minime vanus, librum proprium dedit ei doctrinæ, & sparsim scripsit de ea multa in libris de Historia animalium; sed & Hippocrates, qui iudicio omnium est seuerissimus, sparsim scripsit multa spectantia ad Physiognomiam, quale est illud lib. 2. de morbis popularibus: *Quicumque rufi naso acuti, oculis parvis mali. Quicumque rufi, simi, oculis magnis boni.* Et iterum, *magni, calui, balbi gracili voce præditi boni rursus.* Caput magnum, oculi parui, balbi iracundi sunt. Et rursus, *Oculi non nictantes iracundi.* Et rursus: *Magnum caput oculi nigri & magni, nasum crassum & sinum habentes, boni.* Sed & legibus etiam civilibus, in quibus iniquum sit censere esse aliquid futile, aut vanum, cautum est, vt si duo homines inciderunt in criminis suspicionem, is primum torqueatur qui sit aspectu deformior. Cuius legis ratio est in Physiognomia, Ecclesiasticus etiam capite 13. bonam faciem vocat vestigium boni cordis. sed & experimento probat Aristoteles esse artem Physiognomicam: quia quicumque plurimum inter animalia cuiuspiam generis versati sunt, sciunt ex formâ dignoscere bona & mala, velut equites equos, venatores canes, neque in hac dignotione falluntur, sed semper aut magna ex parte euenit, vt illi iudicant. Est igitur aliqua Physiognomia. Verum est, multò certior fore eam quæ versetur in dignotione brutorum, quàm quæ hominum, quia illa nihil habent præter ipsam naturam, in hominibus verò plurimum ad formandos mores educatio, & disciplina, & quod his omnibus maius est, Dei gratia. Sed neque hæc penitus eleuant Physiognomiæ facultatem; vt neque naturam. Notæ quas Physiognomi obseruant accipiuntur primum à similitudine cū aliis animalibus: vt qui paruis sunt oculis timidi, vt scilicet & simiæ, qui magnis stupidi, vt & boves & asini. Deinde & cū diuersarum nationum aut sexus hominibus, vt qui valde nigri sunt timidi, vt Aegypti & Æthiopes; qui valde candidi, timidi etiam vt mulieres, deinde ab ipsis passionibus, quare erat illud Hippocratis. *Qui oculis non nictant iracundi*: quia & qui irati sunt solent immo-

Physi
gnomica
ars.

tis oculis & palpebris intueri. Post hæc loca argumentorum
 habent etiam præcepta conferendi signa cum signis, & colligendi
 quædam ex quibusdam: velut (dicunt) si quis est iracundus & tristis & prauus, necesse est sit inuidus. Sed nunc
 est animus hanc artem persequi. sed hæc summa eius capita
 attingere, vt videamus quas in naturales causas referri possunt.
 Inter omnes Philosophos conuenit omnibus animantibus data esse
 instrumenta, suis moribus accommodatissima, velut leoni, tauro & apro,
 vtpote ferocibus, ungues & dentes validos, aut cornua, aut exertos
 dentes: equo, vtpote veloci, & generoso, superbo & calcitranti,
 ungulas fortes, longa crura, & ornamentum iubar: timidis vero & fugacibus, vt lepore
 & ceruo, pro armis dedit artus ad celeritatem comparatos, ita
 & alia omnia circa animalium singulorum partes fabricata est
 natura: quod mihi nunc satis sit pro re præsentī attigisse, tractat
 diffuse Aristoteles in libris de partibus animalium. Dubitatum est à
 veteribus an animalia talia sint, quia talia habent instrumenta,
 an talia habeant instrumenta, quia talia sunt. velut, an taurus,
 quia cornua habet, sit ferox: an quia sit ferox, habeat cornua:
 lepus quoque an quia est inermis sit timidus, an quia timidus,
 sit inermis. Anaxagoras, vt dicit Gal. primo de vsu partium,
 affirmabat animalia talia esse, quia talia habent instrumenta,
 quasi animæ ipsæ omnes sint eadem aut similes, sed pro
 differentiâ instrumentorum varios induant mores: Galenus contra
 censet, animas ipsas per se differre moribus, & vnique data
 esse instrumenta accommodata. Mihi verò vtrumque videtur
 verum, & animalibus data esse talia organa, quia sunt talia;
 & esse talia, quia habeant talia organa. Nam & homo,
 quia audax est, arripit ensē: & quia ensē habet, fit audacior:
 ita vitulus, antea etiam quam ei exorta sint cornua,
 ipso naturæ impetu inuadit, quasi velit cornu ferire:
 idem verò taurus iam factus, si ferrentur cornua, ferocitatem
 deponit: scilicet ipsa organorum vacuitas facit diffidentiam.
 Sed etsi instrumentorum commoditas mores illos augeat,
 siquidem non vnica est causa eorum, neque à principio facit,
 necesse est vt sit alia causa differentiæ morum, prior ipsis
 organis: hæc verò, vbi fuerit nisi in animabus quæ diuersæ sint,
 aliæ audaces, aliæ timidæ, aliæ agrestes, aliæ cicures, aliæ
 solitariae, aliæ gregales.

Organorum
 consideratio.

Morum
 differentia
 vnde.

Quid ergo, ipsæ animæ per se ante talia corpora sunt tales?
 non certè. nam brutorum animæ ante corpora ne sunt quidem,
 cum educantur de potentia materiæ, & sint nihil aliud
 quam

quàm ipsi corporum actus. Quid ergo sit? Certè ut in ipsis corporibus ante organa sit aliquid, quod & morum, & organorum causa sit, hoc verò est temperies, seu natura; quæ facit substantiam hoc aliquid; id verò in brutis est ipsa anima, atque adeò in hominibus secundum partem sentientem, perinde eueniunt omnia, ac si anima ipsa corporis temperies sit: non enim ob hanc partem agnoscitur anima nostra esse separabilis, sed ob mentem. Cum ergo morum differentia non ex mente sit, sed ex irascibili, & concupiscibili, & internis sensibus, quæ consistunt in organis corporalibus, quod ad hoc attinet, perinde de nobis ac de brutis, censere oportet. Igitur si temperies parit hos aut illos mores, & his talia aut alia succedunt organa, profectò temperies prior est organizatione, & causa illius: quod si temperies causa est morum, & compositionis, certè compositio significatiua sit morum, quia referantur ambo ab eadem causam, atque adeò, ut Sextus Philosophus inquit, *etiam corpus sit quadam animi imago*. Ratio verò agnoscendi, quæ figura quos indicet mores, nulla potior sit, quam ex observatione figurarum quæ tales mores solent comitari, translata ratione ab aliis in alia: siquidem indicatum est, hac in re esse omnium eandem rationem. Cur igitur notæ morum à figura rectè capiantur, & tales rectè transferantur ab aliis animalibus ad alia, hæc est causa. Quòd verò & ab ipsis passionibus rectè accipiantur (quem tertium argumentorum locum esse diximus) ex dictis etiam constare facile potest. indicatum enim est, animalia quædam ad quasdam passiones esse propensa naturaliter, ut hæc ad iram, illa ad timorem, ad mœsticiam alia, alia ad gaudium. Porro per has passiones, non viscera solum, & in eis inhabitationes spiritus, & succi, sed & externæ partes modo quodam permouentur. Non enim difficile est, ex facie cognoscere iratum, timentem, hilarem, & tristem. cum igitur omnia sponte ferantur, etiam sine vlllo externo motore in quæ propensa naturaliter sunt, incidet per sese quoruncunque hominum vultus, etiam cum de nulla re cogitant, in eas dispositiones, in quas vergunt naturaliter, ut vultus iracundi in torum aspectum, etiam cum non erit iratus: tristis in demissionem quandam, etiam cum non mœrebit. Huc spectat Physiognomicum illud 12. cap. Paralip. *Sed & de Gaddi transfugerunt ad David, cum lateret in deserto, viri robustissimi, pugnatore optimi, tenentes clypeum & hastam, facies eorum quasi facies leonis.*

Temperies
quid, &
quorum
causa.

Exempl
Phy
gr

Est igitur agnoscere animi robur ex facie, per similitudinem aliorum animalium: ex passionibus verò seu ex passionum vacuitate est physiognomicum illud Ecclesiasticis capite octauo: *Sapientia hominis luget in vultu eius.* Et illud Prouerbiorum, *Cor gaudens exhilarans faciem.* Et illud. *In facie prudentis luget sapientia, oculi stultorum in finibus terre.* Nimirum, ut à facie quàm à reliquo corpore, ita ob oculis plura quàm à reliqua facie capiuntur argumenta: quia velut fenestræ animæ sunt, atque inter cætera à modo intuenti. Nam recta despicere, oculis parum demissis, verecundi, immotis neque nictantibus. impudentis & iracundi: plurimum nictare, timidi aut insanire parati: obliquè intueri, ut cum sit è regione, habeat oculos in finibus terræ, est subdoli & derisoris, quem stultum vocant diuina proueria. Post faciem, in manibus potius quàm in vlla alia parte, dictis de causis locum habent signa, huiusmodi. Manus ergo bene magna multis lineis descripta, neque omninò glabra, neque pilosa, & longi digiti, ad naturalem proportionem inæquales, qui faciliè & abducantur, sapientiam indicant, & bonos mores, maximè enim humana est talis manus. Curtam verò, rotundam, breuibus digitis, & æqualibus, glabram nimis, aut valde pilosam, qualis erat Esau, aut ungues habentes incuruos & longos, & nullis aut paucissimis lineis esse distinctam: hæc omnia belluina sunt, & ad aliqua brutorum genera referuntur. Quare pilosa manus significabit hominem agrestem, & ferum more vrsi, ungues incurui, rapacem more accipitris, rotunda ac brevis ac sine lineis, stupidum, qualia quadrupedum plurima. Ita etiam & à passionibus: qui contractas semper gerunt manus, timidi & auari esse dignoscuntur; contra qui extensas, audaces & liberales; qui pendentes aut demissas, aut aliam super aliam, desides: qui elatas aut mobiles, solliciti, & negotiosi: qui ad faciem aut os adducunt, cogitabundi. Ex his constat Chiromantiam, nisi vltra Physiognomiæ fines se effundat, vanam non esse, nisi verò intra illos se contineat vanissimam, velut, & ipsa Physiognomia suos egressa fines, vana sit: ut cum Physiognomi, non solum naturales cuiusque mores, & ingenium volunt dignoscere, sed & fortunam prænunciare, dicentes alios esse Iouiales & fortunatos, alios Saturninos & infelices. Nimirum si rectè antea monstratum est, Astrologiam iudiciariam cum præcipuè de fortuitis agit, vanam esse, necesse est omnes eas artes quæ ad illam referuntur vanas esse, ut Physiognomiam, quæ Martes, Ioues, aut Saturnos nominat; &

Geoman

Manus
confide-
ratio.

di.
vnt

Geomantiam, quæ loca planetarum describit in terra: multo autem magis & Hydromantiam, & Pyromantiam, & innumera alia figmenta futilissima: quæ omnia sunt merè ludrica, & adiunctam habent operam Dæmonum. Cum ergo Chiromantiam bona ex parte receperimus, licebit verba alia Iob, *Qui in manu omnium hominum signat, ut nouerint singula opera sua*, Chiromanticè interpretari. Verùm occurrit mihi alia interpretatio, quæ multo magis arridet, nimirum ut Galenus loco citato edisserit, data manus est homini ut rationali ac sapientissimo animali. Nam æquum erat, habenti artem ante omnes artes, hoc est, rationem, dari organum ante omnia organa, hoc est manum: ut igitur fabrum dolabra & serra; agricolam ligo & falx, sui muneris faciunt recordari: Ita manus hominum, humani officij. Ergo vel suas ipsius manus intuens homo, agnoscat se esse natum ad omnes artes exercendas, ad adorandum Deum, ad errigendas Deo aras, ad sacra faciendæ, ab scribendum, docendumque omnem sapientiam etiam posteris, dicent Pythagorici ad numerandum; quandoquidem calculi numeri, qui omnes continent numeros, in ipsis digitis positi ante oculos sunt. Signauit igitur Deus in manu omnium, ut nouerint singuli opera sua, hoc est, quæ eos facere oporteat, & ad quæ nati sunt: nimirum admonent nos aures, natos nos esse audire, nares odorari, lingua gustare, oculi videre. Hæc verò omnia, opera nostra non sunt, sed sunt plerisque communia: manus verò sapientiæ & diuini cultus, & rationis numerandi, exercendarum omnium artium nos admovent; quæ sua hominis opera sunt. Quod decimo tertio Exodi dicitur, *Erit igitur quasi signum in manu tua*, nullatenus pertinet ad Chiromantiam, sed alludit ad consuetudinem hominum, qui cum rem quampiam volunt memoriæ commendare, signum aliquod alligant digitis, quodd scilicet manus ob oculos versentur semper. Eum verò esse legitimum sensum verborum sequentia indicant *Erit igitur (inquit) quasi signum in manu tua, & quasi appensum quid ob recordationem ante oculos tuos*. Quod Aristoteles primo de historia animalium dicit scissuras manus longioris aut breuioris vitæ notas continere, non tam est à ratione alienum, quàm fortuitorum euentuum significationes inde peti, quod scissuræ illæ ad formationem spectant, & formatio ad temperiem rationem habet, bonusque aut malus corpori habitus naturalis, qui compositione constat & temperie, longioris aut breuioris vitæ & eius interitus qui ab intrinsecis causis cietur, præcipua causa est. Tamen neque hoc mihi, ut verum fateat, ad-

Geomantia.
Hydromantia, & pyromantia quid.

Vitæ longitudo.

modum aridet : multis enim experimentis confirmanda foret eius assertionis fides. Neque me sanè plurimum moueat Aristotelis eò loci verba, ibi enim non Philosophum, sed Historicum agit : longè autem minor Historicorum, quàm Philosophorum authoritas est.

CAPVT XXXIII.

De Necromantia.

De Necromantia multa.

Pytho-
nissa.

Samuel
an verè
suscita-
tus.

NEcromantia, vt ipsum præ se fert nomen, est diuination quæ procedit ex consultatione mortuorum, cum scilicet Necromantici, incantationibus, & characteribus, aut certis quibusdam peractis, velut expiationibus, aut cæimoniis, mortuos accefferunt, quos de occultis aut futuris rebus consulant : cui rei magnam videtur auctoritatem conciliare, quod euenisse Sauli narratur cap. 18. primi Regum, cui opera cuiusdam mulieris pythoniissæ, hoc est, familiaritate Dæmonis vtentis, inuocatus suscitatusque Samuel, finem suum imminemtemque illi ac filiis suis à Philistæis, indicant. Si enim in sacris legimus, per mulierculam Necromantiam suis magicis artibus vtentem Prophetam ad eò Deo charum suscitatum esse, & Regi verissimum futurorum reddidisse responsum, cur non putemus magicis incantationibus, characteribus, ac reliquis signis, facultatem aliquam inesse, aut naturalem, quæ vim etiam possit ipsis spiritalibus substantiis inferre, aut diuinam dæmoniacis illusionibus longè superiorem? Non enim videtur dici posse non fuisse verè samuelem, aut eius animum, cum qui respondit Sauli; siquidem in c. 46. Ecclesiastici, de Samuele, post alia eius acta ita scriptum legimus : *Et post hoc dormiuit, & notum fecit Regi, & ostendit illi finem vitæ suæ, & exaltauit vocem eius de terra in prophetia, & delere impietatem gentis.* Quid enim aliud indicant hæc verba, quàm quod illo loco narratum est Samuelem postquam dormiuerat, rursus exaltasse vocem de terra, & notum fecisse Regi finem vitæ suæ in prophetia? quod certè non aliàs fecit, quàm cum à Pythonissa est excitatus. Scio de hac re diuersas esse Theologorum opiniones, aliis dicentibus fuisse verè Samuelem

Item qui indicauit Regi finem suum, aliis eius imaginem, quas nolo ego aliter examinare, quàm dicens quod mihi videtur probatissimum: quandoquidem Ecclesiasticus narrans Samuelis gesta dicit postquam dormiuit notum fecisse Regi finem suum, & excitasse vocem de terra in prophetia, non dubito quin fuerit ipse Samuel; non dico ipse Samuel suscitatus, sed illius anima apparens in corpore aëreo, vt solent Angeli. Neque enim mihi pro asserenda Ecclesiastici veritate (tamen id dicat vir sanctissimus & quod ac doctissimus Augustinus) videtur esse satis dicere, vocare Samuelem; Samuelem imaginem, videndum enim quorsum hæc narret Ecclesiasticus: non certè aliorum, quàm vt narret gesta Samuelis, & illius laudem. quam autem laudem meretur Samuel, quod Dæmon eius imaginem induens, pro illo responderet; aut quomodo quispiam hoc inter illius rectè gesta iure commemoraret; accedit quod ex Ecclesiastici verbis constat, illum non simpliciter pronunciasse Regi finem suum (hoc enim malus etiam Dæmon posset fortasse facere, aut coniectura, aut à Deo per bonos Angelos accipiens,) sed concionatum etiam esse aduersus idololatriam, quod malus Dæmon non fecisset. ita verò inquit Ecclesiasticus, *Et exaltauit vocem eius de terra in prophetia delere impietatem gentis.* Existimo itaque verè fuisse Samuelem. Monstratum verò mihi alibi est, nullam vim naturalem esse verbis, neque characteribus. Porro monstratum etiam est, nullam Dæmonibus esse cum corporalibus sympathiam, neque antipathiam: vnde fit, nihil penitus posse Necromantiam nisi ex pacto: siquidem vim naturalem inferre spiritualibus substantiis nullam potest: neque quidem ex pacto sine Dei permissione, siquidem non annuente prima causa, ne esse quidem quispiam potest, nedum operari. Quid igitur superest? certè Necromantiam nihil esse aliud, quàm Dæmonis illusionem, hominum verò infidelitatem, qui cacodæmoni se deuouent. Quoniam autem neque Dæmon potest ex pacto respondere sine Dei permissione, fit nonnunquam vt Deus Dæmones coërceat, ipse verò aliquid in illorum qui se deuouent perniciem fieri permittat, atque vt dicitur capite vltimo Isaïæ, *Eligat illusiones eorum & quæ timebunt adducat eis.* Velut nunc in perniciem Saulis, qui volens ac sciens defecit à Deo, atque ad Dæmonem se contulit, permisit vt Pythonissa Dæmoniacas artes exercente appareret Samuel, & illi finem suum indicaret, maiorem fraudi finem adhibens induraretur, & adductus in desperationem periret in peccato suo. Censere verò aliquid præter

Necromā-
tia quid.

præter nequitiam esse in Necromantia, hominum est indo-
tissimorum pariter ac leuissimorum. Non defunt, qui asse-
rentes non fuisse phantasma dæmoniacum, sed ipsum Sa-
muelem, exsistentem assumpsisse Dæmonem Samuelis corpore,
atque ex illo respondisse, atque vocari Samuelem, ut cuiusque
hominis cadauer ipsius nomine dicimus: hoc verò sine omni
probabilitate, neque sine Prophetæ iniuria, videtur dici, nam
longè facilius erat Dæmoni æreum corpus effingere, aut vi-
dentium oculis illudere, quàm dissolutum iam in sepulchro
corpus, in formam pristinam, vel apparentem restituere.
Quod autem maius opprobrium fieri poterat Prophetæ cor-
pori, quàm à Dæmone assumi. hoc igitur minimè est proba-
bile: quare superest, id solùm quo dictum est permissu Dei
venisse animam Samuelis, atque assumpto corpore æreo Saùli
respondisse. Neque verò vellem hinc augeri credibilitatem in-
docti & superstitiosi vulgi, de reditu animarum hominum vita
iam defunctorum. Verùm quia redeant an non, nihil habet
cum naturali Philosophia, atque ad huius operis spectat argu-
mentum. De his hætenus.

CAPVT XXXIV.

Quarto Regum, cap. 2. *Dixerunt quoque viri ciuitatis*
(Hierichontis scilicet) *ad Eliseum, Ecce habitatio huius*
ciuitatis optima est, sicut tu ipse Domine perspicis, sed aqua
peffima sunt, & terra sterilis. At ille ait, Afferte mihi vas
nouum, & mittite in illud sal, quod cum attulissent, egressus
ad fontem aquarum, misit in illum sal, & ait: Hæc dicit Dominus,
Sanauit aquas has, & non erit ultra in eis mors, neque steri-
litas: sanata sunt ergo aqua usque in diem hunc iuxta verbum
Elisei, quod locutus est.

Non dubium est hoc quoque, ut alia pleraque contigisse
populo illi in figura, ut testatur Diuus Paulus, & aliquam
aliam aquarum emendationem significasse, factumque esse
ob aliquod sacramentum: an verò hic quoque aliqua natu-
ræ ratio habita sit, præsentis operis est existimare. Dictum
enim non semel est, atque indicatum, etiam in efficiendis
miraculis, plerumque uti Deum aliqua naturali causa, idque
multis atque optimis rationibus, quas, ut pote alibi dictas,
non est nunc animus repetere, sed id præstare solùm quod pro-
posi

positum est. Quandoquidem terræ sterilitas curatur in aquis, constat nihil aliud insinuari, quam aquas fuisse tales, ut earum vitio irrigata terra sterilefceret id verò vitium videtur rationi consentaneum fuisse saluginem, & quia id videtur esse frequens in aquis, & quo quamplurimæ fiunt ad potandum inutiles, & quia id solet omnium maximè sterilitatem asferre. Quo factum est, ut ab antiquissimis seculis venerit in consuetudinem, ut solo, quod ob patrata ibi facinora, & proditones deuocetur, sal inspergatur: quod fecisse legimus Abimelech delera vrbe Sichimorum, capite libri Iudicum: quin & Psalmo 106. ita dicitur, *Posuit terram fructiferam in saluginem, à malitia inhabitantium in ea.* Itaque salugo maxima causa est sterilitatis terræ, & inspersus sal sterilitatem inducit & maledictionem. Si autem salæ erant aquæ Hierichontis, atque idè hominibus erant ad potum inutiles, & terræ afferentes sterilitatem, quæ vis naturalis esse poterat in sale ad sanandum eas? cùm præcipuè Diuus Iacobus in sua epistola, capite 3. dicat, *Nunquid potest fratres mei ficus vnas facere, aut vitis ficus?* sic neque sala dulcem potest facere aquam. Neque dubium, cùm sint contraria contrariorum remedia, quin similibus augeantur rerum vitia. Alterum igitur duorum dicendum est, aut in illo Elisei miraculo nullam esse habitam naturæ rationem, sed adhibitam esse rem prorsus aduersam & noxiam, maioris portenti causa (nam hoc quoque nonnunquam legimus factum) aut vitium illud aquæ, non fuisse saluginem, sed corruptionem putridam, & olidam, hæc enim ut aliis omnibus in rebus, ita etiam in aqua, salis admistione corrigitur. Nam sal calidæ & siccæ naturæ cùm sit, & faciliè cùm aqua dissolutus commisceatur, putres in ea siue vapores, siue partes absumit, & putredinem emendat atque integritatem facit diutius retinere, testantur enim nautæ, aquas nonnihil salvas, aptas verò adhuc potui vtiliores esse nauigantibus, quod diutius incorruptæ seruari possint, ac proinde suas ex puteis mari vicinis solere haurire. Quin etiam qui naturas rerum diligenter scrutantur, affirmant puteos malè olentes, & prauo aliquo sapore infectos nulla ratione meliùs expurgari, quam sale in eos iniecto: iniici verò solitam, quattam partem modiolii in singulos, quamquam non potest hoc esse in omnibus ratum, sed plus aut minus debet iniici, ut in ipsius puteis inest aquæ. hoc igitur videtur maximè consentaneum, quia præter dicta, ob putrescentiam, & grauolentiam euenit aquas esse mortiferas, magis quàm ob saluginem: sed & steriles, quia salugo nisi omnino

Aquæ salæ monumenta.

Sal cur terris aspergatur.

Aquæ salæ iniecto curata.

Salsugo. omninò sit maxima, vt in mari Sodomæ (quod quia nihil viuum generat, ac si quid in ipsum incidat necat, mortuum appellatur) neque lethalis est neque fœcunditati officit: quin potius cùm sine puerescencia est, & intra quamdam mediocritatem, vt in mari, ipsas aquas fecit fœcundissimas: nulli enim mundi adeò luxuriatur generandi facultas, neque est tam multiplex generatio. Atqui profectò, vt ego existimo, ille ipse Dei Spiritus, qui aquas incubauit inirio (quem ego ignem esse cœlico) tales reddidit, crassas, inquam, & salsas; atque ita multiplici rerum generationi, aptiores multò quàm dulces. Iam verò irrigata aqua, non vtrumque salsa officit plantis, neque æquè omnibus; sed sunt quædam plantæ, quæ gaudent etiam quadam salsugine, & puteales quæ salsugine aliqua plerumque participant, desinunt prius esse aptæ potui, quàm irrigationi, nimirum in potu insuauissima est salsugo, quia sitis humidi & frigidi appetitus est, irrigari verò alimentum magis rationem quàm porus habet, nutrit enim plantas, atque ita non statim officit, neque enim nisi cùm multa est, vt si muria, aut murina rigentur plantæ, aut inspergatur ipse sal. facit verò, si qua vlla in re, in sale maximam, ipsum plus, aut minus differentiam. multa enim salis irrigatio aut inspersio, siccet omnes plantas, & solum ipsum vrit ac facit sterile: moderata, quibusdam plantis est amica, nullis plurimum nocet. Animantia omnia à maxima salsugine, qualis maris mortui est, necantur (vtuntur enim) moderatori, qualis reliqui maris, generantur quamplurima, & in molem ingentem augentur, ac maximè fruuntur salubritate, & mortua etiam asseruari possunt diutius: tametsi nonnulla ne tantam quidem salsuginem sustinent, neque consistere possunt, neque viuere, nisi in dulcibus aquis, & alia etiam quædam vtrunque vitam sustinent: tanta naturarum varietas est. Iam verò hominibus multi salis vsus est morbidus, quia sanguinem falsum facit, & sterilitatem infert siccando vehementer, & acrius efficiendo semen: moderati verò, facit salacitatem, & irritationem, & pruritem augens, ac proinde ad generationem confert. Quare indistinctè mihi videntur altercari nonnulli, partim dicentes salem sterilitatem inferre ac mortem, ac proinde solitum inspergi in solum quod deuouetur: partim fœcunditatem & incorruptionem, ac proinde fabulatos esse Poëtas, Venerem natam esse in mari, decidentibus in illud Cœli verendis, atque ab spuma vocatam, *aphroditim*. Nam re vera non sunt hæc tam propria salis, quàm consistunt in vtendi modo, estque verum, salis nomine hieroglyphicè significari plurimæ

plurima : nam & sterilitatem , & salacitatem , & sapientiam , Sal Hie-
 & incorruptionem , & suauitatem , & mordacitatem ; quibus roglyphi-
 verò causis singula , oportet Philosophos distinguere , vera cè quid.
 salis natura perspecta , ac neque laudando neque vituperan-
 do esse nimios. Cum enim , vt Hippocrates mirè dixit , sint
 omnia ad aliquid bona & mala , de sale videtur id multò me-
 lius posse dici ; est enim sæpè ac plurimis rebus noxius ac
 sterilis , plurimis etiam aliis non rarò utilis est , & fœcun-
 dus : putrida verò corruptio semper est mortifera & sterilis ,
 cum contraria sit omni naturali ortui , veniantque res om-
 nes , teste Aristotele , per putredinem ad interitum. Cum igitur
 hæc mortem & sterilitatem afferre nata sit rebus omnibus ,
 & salis admistione naturaliter emendetur , consentaneum est
 id fuisse vitium aquarum Hiericentis , & Elisæum in earum
 curatione naturalem ordinem tenuisse , Deo interim adiciens-
 te plurimum facultati , quam sal ab initio indiderat. alio- Plantis
 qui enim , neque tam multæ aquæ expurgandæ fuisset satis quæ aquæ
 tam modicus sal , neque ea sanitas durasset in hunc vsque noceant.
 diem.

CAPUT XXXV.

L Ib. 4. Regum cap. 4. ita habetur : *Ingressus est ergo Eliseus* Puer resus-
domum , & ecce puer mortuus iacebat in lectulo eius : in- scitatus ab
gressusque clausit ostium super se , & super puerum , & orauit Eliseo.
ad Dominum , & ascendit , & incubuit super puerum , posuitque
os suum super os eius , & oculos suos super oculos eius , & manus
suas super manus eius , & inuoluauit se super eum , & calefacta
est caro pueri , at ille reuersus deambulabat domi , semel huc atque
illuc , & ascendit , & incubuit super eum , & oscitauit puer septies ,
aperuitque oculos.

Puerum verè mortuum atque ab Eliseo suscitatum esse ,
 dicendum (quæ magis communis & verior erit sententia)
 miraculose peractam esse rem hanc , ita tamen , vt & in hoc
 miraculo habitus sit naturæ honor , adhibita mortuo ea cu-
 ratione , quæ ad syncopem , quæ integra fere extinctio na-
 turalis calor est , ac velut mortis initium , solet adhiberi ,
 vt his causis , naturalis calor velut igniculum adhibenti-
 bus , ac Deo peragente id , quò ipsæ non possunt pertingere ,
 ageretur

ageretur suscitatio, velut quædum reuocatio à deliquio aut syncope. Quibus autem rationibus velit Deus causas naturales, etiam in peragendis miraculis, adhiberi, alibi dictum est. Esse autem ut dicimus, atque adeò in miraculis etiam maximis edendis, uti solere Deus naturalibus causis, non tantò magnis, innumeris constat exemplis, nam ad siccandum vna nocte mare usus est vento vehementi, & vrente, ut narratur cap. 14. Exodi. Quem autem ventum, aut quàm vrentem putēs fuisse satis ad siccandum vna nocte mare nisi Deus, naturalem alioqui eius potentiam, vehementer & supra naturam auxisset?

CAPVT XXXVI.

L Ib. 4. Regum cap. 4. ita habetur: *Et egressus est vnus in agrum, ut colligeret herbas agrestes, inuenitque quasi vitem syluestrem, & collegit ex ea Colochyntidas agri, & impleuit potium suum, & reuersus conscidit in ollam pulmenti, nesciebat enim quid esset. infuderunt ergo socii, ut comederent, cumque gustassent de coctione, clamauerunt dicentes, Mors in olla, vir Dei, & non potuerunt comedere, at ille, Afferte, inquit, farinam: cumque tulissent, misit in ollam, & ait, Infunde turba, ut comedant, & non fuit ampliùs quidquam amaritudinis in olla.*

Colo-
chyntidis
natura.

Cucurbita
deserti.
Fel terræ.

Nonnulli suspicantur alias colochyntidas fuisse has, quas Eliseus immissa farina adeò emendauit, ut dulces & esui aptas reddiderit à medicamentosis illis, quibus ad vehementer expurgandum vtuntur Medici. Sed meo quidem iudicio falsò: nam præterquam quòd nomen id præ se fert, descriptio quoque, & notæ indicant, nam re vera colochyntis herba sarmenta profert & folia viti syluestri non dissimilia, dicit præterea Mesue colochyntidam vocare solitos Persas cucurbitam deserti: quid autem aliud est dicere colochyntidas agri, quam cucurbitam deserti? est verò adeò amara, ut fel terræ ab eisdem vocaretur, & Dioscorides dicat fructum eius esse vehementer amarum, quo gustato, exclamauerunt dicentes, *Mors in olla, non potentes comedere.* Nam ob amaritudinem id contigisse, sequentia illa verba declarant. *Et non fuit ampliùs quidquam amaritudinis in olla.* Sed quo pacto (dices) fieri potuit, ut vera colochyntis, quæ non amara solùm est, sed adeò perniciofa, ut

& supra quatuor obolos, etiam emendata sumatur, possit super
 purgationes, & exulcerationes ventris, & mortem afferre, atque
 adeo admota exterius euecet fœtus, solius farinæ siue triticeæ,
 siue hordeaceæ immistione emendari adeo, vt mox daretur tur-
 ba abundanter pro cibo? Non certè id naturaliter & citra mi-
 raculum effectum est, cum præcipuè inter agrestes herbas col-
 lectæ illæ colochyntides sint. culturæ enim hortenses effectæ, Cultura
vis,
 non parum fortasse mitescerent, agrestes verò, præcipuè quæ
 non inter alias, sed seorsum nascuntur, perniciosissimæ sunt. ita-
 que miraculo effectum est, vt dulcescerent, & noxam depone-
 rent; ita tamen, vt hîc quoque, velut in aliis plerisque, modus
 quidam naturalis operationis retentus sit. Nam Medici omnes
 inter emendantia colochyntidem, recensent ea quæ lenta sunt
 & glutinantia, cuiusmodi esse constat amyllum, quod ex tritico
 conficitur, atque post hoc, etiam farinam triticeam, hæc enim
 suæ substantiæ modo lento & glutinoso, & sapore grato, atque
 vt ita dixerim, cibali, præsentem iam dysenteriam sanant, &
 imminuentem anteuertunt, eiusque causis & efficientibus, &
 iam paratis obsistunt, mordacitatem & amaritudinem, aut acri-
 moniam hebetantia, & membranas internas ventris oblinen-
 tia. Haud dubiè igitur amyllum & farina triticea, in emendan-
 tibus colochyntidem non instrenuæ sunt. non ita tamen, vt
 tantum tam citòque valerent, nisi plus solito illis aspirasset pri-
 ma causa, quæ, vt rerum naturam à principio fecit, ita vitur
 et vt vult.

Amyli
 utilitas,
 &
 farinæ tri-
 ticæ vis.

CAPVT XXXVII.

CAp. 6. lib. 4. Regum: *Accidit autè, vt cum quidam materiam
 succidisset, cadere ferrum securis in eam, exclamauitque ille,
 & ait, Heu heu heu domine mi. & hoc ipsum mutuo acceperam. dixit
 autem homo Dei, ubi ceciderat ille monstrauit ei locum. Præcidit
 ergo lignum, & misit illuc, natauitque ferrum, & ait, tolle, qui ex-
 tendit manum, & tulit illud.*

Res est experimento compertissima, multa quæ in aqua Ferri na-
ratio.
 quieta subsident, cum conturbatur, agitata aut ligno aliquo,
 aut re aliqua eiusmodi in eam iniecta, emergere, efferrique in
 sublime, & innatare: non quidem id accidere solet ferro, aut
 grandioribus lapidibus, aut denique rebus grauioribus quàm
 vt agitatae aquæ impetu moueri possint, ea præcipuè agita-
 tione, quæ immissum in eam lignum possit ciere. nam per
 maiores ac violentiores aquæ perturbationes, vt fluminibus
 O violentæ

violenter decurrentibus, & volutari in aqua videntur magni lapides & euelli grandes pontes. hinc verò non potuit immisione ligni commota aqua, securis ferrum vsque ad summum eleuare. Neque sanè suspicor id fuisse certum aliquod lignum, quod extrahendi ferri virtute valeret (quod enim esset?) sed quodcumque occurrit: neque denique aliud quidpiam esse appositum ad eleuationem ferri, quàm aquæ commotionem: ea verò cùm satis non esset pro tanto pondere, superest rem non esse sine miraculo transactam, ita tamen vt commotio aquæ apposita sit, & Deus ferro pondus detraxerit, adeò vt agitata aqua valuerit subleuari, arenularum more. Cur autem putemus Deum velle adeò leues causas, naturales tamen adhiberi, cùm ipse nullis indigeat adiumentis? cerè, vt ego existimo (dictæ verò alibi aliæ etiam causæ sunt) quò intelligamus, quantopere deerrent, qui nullam in rebus suis adhibentes operam cùm possint, tantum orant Deum, quem vident ne miracula quidem perficere, nisi rarissimè, citra vllam naturalium causarum admotionem; nedum ea, quæ naturalem habent prouidentiam.

C A P V T XXXVIII.

CAp. 5. lib. 4. Regum narratur, Naaman Principem militiæ Syriæ mundatum esse à lepra, quòd iussu Elisei septies in Iordane se lauerit: contemnebat verò, vt ibidem legitur, hanc curationem vt leuem, neque pro tanto morbo futuram satis: atque ob hanc diffidentiam, nisi à seruis suis persuasus esset, penitus dimisisset: *descendit verò septies in Iordanem & mundata est eius caro, factaque vt pueri paruuli*, haud dubiè in septena illa lotionè, eaque per Iordanis aquam facta, magnum aliquod latebat arcanum & diuinorum sacramentorum significatio, eoque diuina virtute factum est, vt quæ (si res soli naturæ committeretur) leuissima fuisset curatio, pro tanto & tam inueterato morbo, fuerit sufficientissima ac perfectissima: non tamen ita fuit diuina ac miraculosa curatio, vt non etiam velut initium quoddam habuerit naturalis. Nam descendere in fluuiales aquas crebrò, innatarèque, præcipuè ad rapidos aquarum vortices, plurimùm faci. ad eluendam omnem cutis immunditiam, atque sanandum omne genus scabiei: neque quidem solum scabiei simplicioris, sed etiam lepræ, & lichenum. nam cùm hæc sint cutis quædam sordities, nascanturque à salsa piruita,

aut

aut vsta melancholia, lotio eluendo fortiter expurgat, atque adeò epidermidem ipsam seu cuticulam euellit sæpè aqua verò ipsa humiditate & frigore, & naturali illa dulcedine, temperat & falsuginem pituitæ, aut aciditatem atræ bilis diluit & dissoluit. Atqui profectò si lepra illa fuisset recentior, nec subiectæ carnis temperies esset iam mutata, & recens expurgatum esset corpus Naaman, ne intra illud subessent prauis succi, fortasse pura natatio pluries repetita suffecisset: quoniam verò res non ita habebat, sed multo tempore, multa lepra perspersus fuerat, neque vlla tunc temporis præmissa est corporis expurgatio, miraculosa fuit curatio lepræ, qua se tunc temporis Deus gentibus dedit agnoscendam, atque in posterum venturæ Ecclesiæ, suæ immensæ misericordiæ præstitit significationem.

CAPVT XXXIX.

Quarto lib. Reg. c. 20. Cùm Ezechias ægrotaret vsque ad mortem, Deo ita iubente, sanatus est ab Isaia, admota massa sicorum. Verba verò sunt hæc:

Dixitque Isaia, Afferte massam sicorum: quam cùm attulissent, & posuissent super vlcus eius, curatus est. hæc eadem verba scripta sunt cap. 38. Isaia. Morbi qui miraculosè sunt curati, vel ab ipso Deo, cùm inter mortales ageret, vel diuina virtute à viris Dei amicis, partim curati sunt citra rei vllius admotionem, solo verbo, vt Dominus sanauit leprosum, solùm dicens, *volo mundare*, & cæcum, imperans vt respiceret, vel oratione, vt orante Abrahamo sanauit Deus Abimelech, & vxorem eius: aut tactu, velut per manuum impositionem: quin & per tactum vestimenti, atque etiam vmbre: nam cap. 6. Lucæ dicitur, *Et omnis turba quærebat eum tangere. quia virtus de illo exibat, & sanabat omnes.* exemplo est mulier, quæ cùm fluxu sanguinis laboraret decem annis, tangens fimbriam vestimenti eius sanata est. Porro 5. Actuum Apostolorum narratur, solitos deferri ægrotos ad vmbra Petri, vt sanarentur, partim verò curati etiam sunt multi horum, admotione quarundam rerum, quasi medicamenti quibusdam, velut hîc Ezechias ab Isaia admoto cataplasmate ex massa caricatum, & Tobias à cæcitate, infusa in oculos bile, & Naaman à lepra, lotus septies in Iordane. Sed an hæc quæ Dei iussu sanandis corporibus admouentur, re vera sint medicamenta, eaque natura prædita, vt per sese nata sint eos morbo curare,

Miraculose curationes.

Carica-
rum vires.

Caricarū
cataplas-
ma.

Vlcera
quid desi-
derent.

Vlcerum
curatio.

Triplex
ratio vl-
ceris cu-
randi.

an non , sed ea in re præcipua sit ratio miraculi , quod earum rerum admotione , quæ nullatenus id sint nata facere curentur morbi , dignum est consideratione , & spectat eius rei examen ad Physicum. Quod ad Tobiam spectat & si quæ alia eiusmodi sunt , suo quoque loco declarabitur : de curatione quoque Naaman dictum est antea : nunc quod propositum est enarra- mus oportet. Caricæ , ut videre est apud Dioscoridem & Gale- num , atque adeo ut inter omnes Medicos constat , vim habent extergendi , & calefaciendi ordine primo , aut etiam initio se- cundi , idque cum partium tenuitate : quapropter discutere pos- sunt tumores paratos discuti , & emollire schirros & ad sup- putationem perducere , si quæ sunt ad suppurationem parata : maximè verò efficient hoc aut illud , ut hoc aut illo modo pa- rantur : nam decoctæ & cum triticea farina contusæ , mouent plus cum hordeacea discutiunt. Neque verò quia loco citato tantum dicitur Itaias adiuuissse massam ficorum , necesse est solis sicubus factum esse cataplasma . nam , & si acciperet cari- carum , & farinæ (siue hordei , siue tritici , ut res posceret) æqua- les partes contusas & commistas cum decocto caricarum , vo- caretur meritò massa ficorum . Galenus secundo de arte cur- tiua ad Glauconem capite septimo , ad eos tumores , qui neque facile ad suppurationem perueniunt , neque facile discuti pos- sunt , iubet , uti cataplasmate ex caricis , docetque ibidem eius compositionem . sed ob hæc omnia non videtur ea massa po- tuisse sanitati restituere Ezechiam . nam ille laborabat vlcere : vlcera extersionem & desiccationem postulant , haudquaquam discussionem , emolliuionem , aut suppurationem . hæc enim tu- morum curationes sunt , non vlcerum . Certè vlcera , quæ vlcera , & per sese , nihil aliud desiderant , quàm agglutinationem . Cum enim vlcus sit partium decisio & separatio , quæ alia eius cura- tio sit , quàm vnio & agglutinatio ? atque ita vlcera simplicia sola agglutinatione curantur , etiam si ossium fracturæ , nedum scissuræ carnis . Cum verò simplicia non sunt , sed alias habent adiunctas affectiones , ut si cum scissuræ est etiam excavatio , & carnis defectus , aut si vlcus labia sunt inflammata , aut dura , callo aut schirro obfessa , aut subiectæ partes corruptæ , aut ve- hementer intemperatæ sint , frustra quis uteretur agglutinantibus , antequam adiunctis affectionibus accurrat . Cum verò cum ea affectione , cuius curationi insistimus , aliæ aut aliæ affec- tiones copulantur , cum multa variaque sint auxilia quæ expe- tuntur , ordine quidem opus est , ut illis quis rectè vratur . Eius autem ordinis triplex ratio est , ut Galenus docet . Prima qui- dem , & quæ aliis omnibus præfertur , est , ut si quid est quod ita virgeat

virgeat, vt curationem legitimam non expectet, ei ante omnia
 occurratur: velut si cum vlcere tantus etiam dolor sit vt pen-
 examinet. ac per sese in mortis adigat breue periculum, admo-
 nenda sunt statim anodyna, hoc est, dolorem sedentia, aut
 etiam stupefacientia, etiam si ipsi vlceri ea obliant. Secunda, vt
 vbi sublata fuerint vrgentia, si quid sit quod rationem habeat
 causæ sine qua non, hoc est, quo non sublato morbus qui cura-
 tur tolli non potest, ei occurratur statim: velut si in vlcere est
 labiorum tumor, aut callus, detrahi debet antequam curetur
 vlcus; quia callus & tumor labiorum prohibet partium vni-
 tionem eadem ratione, si est in vlcere cauitas, & subiectæ par-
 tis intemperies, repleri debet priusquam viuatur. quia quæ
 possint vniri, quæ propter defectum carnis dissident; sed &
 temperari antequam repleantur; quia sine partis attemperatio-
 ne, non possit generari caro quæ repleat. Tertia, vt vbi nul-
 lum adsit impedimentum, videatur tamen an sit aliqua causa
 quæ faciat, & ea: tollaturea sublata tunc demum rectè acce-
 ditur ad ipsius præcipui morbi curationem: velut cum pars
 exulceratur à fluxione biliosa aut salsa, ea fluxio tollenda est,
 & fluendum id sordium quod influxit. Hanc ob causam vlcera
 pleraque amant extensionem, omnia verò siccationem, vt
 rectè carentur, & agglutinationem humiditas non prohibeat.
 Quandoquidem Ezechias proximus erat morti consentaneum est
 eius vlcus, siue internum siue externum esset, neque benignum fuisse,
 neque simplex, sed malignum & complicatum: malignum qui-
 dem, ob pessimum succum quo imbutum esset; complicatum
 verò cum inflammatione. fieri ergo potest, vt à coniuncta in-
 flammatione magis, quam ab ipso vlcere periclitaretur. ita
 enim euenit, vt ob coniunctam inflammationem trahantur
 partes principes in compassionem, maximè cerebrum; & ob
 vlcus partium anteriorum, cum delirio; posteriorum, cum
 conuulsione homo moriatur. Si igitur dicto modo Ezechias
 periclitabatur, nulla ratione melius illi subueniri poterat,
 quam admoto cataplasmate ex carne caricarum cum farina
 hordei, si resolutionem admittebant inflammatio; sin minus,
 cum farina tritici, vt facta supputatione mitescerent febres, &
 reliqua accidentia. Sed si hoc ita est, quid habuit hæc curatio
 miraculi? habuit certè aliquid. nam etsi est indicatum, ficus,
 vim medicamentosam habere ad illius morbi curationem ac-
 commodatam; tantam verò non habent, vt qui ægrotabat vs-
 que ad mortem, die tertia posset sanus in templum ascendere,
 vt Ezechia euenit, nisi Deus peculiari auxilio, & solito
 maiori medicaminis, vim auxisset. Vnde facile constat non

Vlcera
 & inflam-
 mationis
 maligni
 cas,

De medi-
cina.

tam esse fidendum medicamentorum facultaribus, quàm gratiæ Dei, qui his ipsis aspiret: neque mirum. Cum enim Deus rerum omnium quæ sunt, quæque fiunt, prima causa sit, nihil aliorum mouere possit, nisi quatenus ab eo moueatur. Quod itaque medicamenta etiam mediocria fauente Numine plurimum possint, argumento est Ezechias; quod verò illo non fauente tota medendi ars nihil possit, argumento est Asa Rex, qui ex podagra mortuus est intra triennium: neque excessit 41. ætatis annum, quia, ut dicitur cap. 16. secundi Paralip. *Neque in infirmitate sua quæ fuit Deum, sed magis in Medicorū arte confidit.* Ita ergo fidendum arti est, ut Deum potiùs quæras: ita verò orandus Deus, ut artē non contempnas, quandoquidem & sancti Dei viri medicamenti utebantur, scilicet, ut commendaretur apud homines medicina ut sanctum Dei donum.

CAPUT XL.

Secundo lib. Paralip. c. 21. mors Regis Ioram ita describitur: *Et super hac omnia, percussit eum Dominus alui languore insanabili, cumque diei succederet dies, & temporum spatia volarentur, duorum annorum expletus est circulus, & sic longa consumptus tabe, ita ut egeret etiam viscera sua, languore pariter & vita caruit.* Hoc exemplo, ut ex aliis multis, cōstat morbos diuinos, hoc est, à voluntate Dei pendentes, habere etiam causas naturales, & eandem essentiam cum aliis affectionibus: velut hīc Ioram, non tam profectò quod prauis cibus est vsus, quàm auerit populum à lege Dei, & occidit fratres suos, correptus est alui languore insanabili: tamen nihil obstat, quin & ex vitioso victu is morbus sit natus, sed si ipse populum non auertisset à Deo, neque occidisset fratres, aut minùs errasset victu dirigente eum Domino, aut ab eodem victu minùs læsus esset, Deo ita volente. nimirum Dei voluntas prior est aliis omnibus causis, naturales verò non tollit. Morbus hic haud dubie fuit diarrhœa, seu alui profluuium, adeò diuturnum & malignum, ut ad tabem hominem deduxerit, & mortem: non quidem ad eam quæ peculiariter à Medicis vocatur Phthisis, seu tabes, quæ scilicet est cōsumptio ex pulmonis putrescentia ortum habens, sed quæ communi appellatione, ad colliquescentiam scilicet, & consumptionem totius corporis. Euenit verò hoc non rarò per malignam diarrhœam: nimirum tabes nasci solet ex maligna putredine succorum, ob quam retineri non possunt, sed egeruntur assiduè, serpente verò ea maligni-

Morbi di-
uini.Diarrhœa
maligna.

Phthisis.

tate,

rate, & aliis ab aliis succis infectis, euenit nonnunquam nihil manere integrum, sed ipsum etiam partium rorem malignè putrescere, & cum aliis egeri succis, & fieri deiectiones colliquatius, ipsasque partes, primùm destitutas ab alimento tabescere, deinde & computrescere cum ipsis succis, & in sanguinem solutas egeri, eas præcipuè, quæ velut ex concreto sanguine substantiam habent, vt lienem & hepar: quod euenit misero huic Regi, & in multis eorum, qui ex diarrhœa mortui sunt vidimus. Esse enim ipsum hepar aut lienem dissolutum, ac putre quod egeritur, modus ipse substantiæ qui conspicitur in deiectione ostendit: vt & renis etiam substantia aliquando dissoluta mingitur. diuturnus verò est hic morbus, nisi cùm ^{Renis} coniungitur cum febre continua, atque ita durauit huic inter- ^{mingitur interdum} dum biennium.

CAPVT XLI.

TObiæ cap. 8. ita scriptum est: *Tunc Raphaël Angelus apprehendit damonium, & religauit illud in deserto superioris Ægypti.* Cùm disputatum alibi, atque indicatum in hoc ipso opere sit, Angelos nullatenus esse corporeos, sed sine omni magnitudine merè incorporeas substantias, magnam dubitationem ingerunt hæc Tobîæ verba. Nam quî fieri possit, vt alter alterum apprehendat, religer, & certe quodam loco ligatum manere cogat? nam ne esse quidem in loco potest quod corporeum non est, cùm enim locus æqualis sit locato quarto Physicorum, æquale verò & inæquale tantùm dicitur de magnitudine, constat quòd nulla est magnitudine, non posse esse in loco: si autem in loco esse non potest, neque moueri loco possit, ferri enim est fieri in loco: non potest autem fieri quod esse non potest: quantum ergo minus possit apprehendi, & religari? Innumera loca sunt in sacris, tam veteris quàm noui Testamenti, in quibus dicuntur Angeli alicubi esse, & moueri, mitri, accurrere, stare, obistere, & multa alia eiusmodi facere & pati, quorum omnium causa, dicendum est, quid secundùm naturales contemplationes videatur consentaneum. Angeli sunt substantiæ sine corpore, non tamen ita, vt vniuersalia separata, intelligimus, quorum nulla neque actio, neque passio est per se; sed vt supposita quædam, & singularia. omnis enim Angelus est Angelus

An Angeli
sint
corporei
substantiæ?

Angeli
quid sint.

Angelus
proprie
non est in
loco.

quidam, & hic, vt & quiuis homo. Neque proinde non sunt eiusdem speciei multi Angeli, quod non sint singuli supposita quædam indiuidua, sed quod singulorum species multiplicari non possint, sed seruentur in singulis indiuiduis, vt species Lunæ & Solis. Hoc verò ita habet in omnibus rebus incorruptibilibus, siue corporeæ siue incorporeæ sint. quia non seruatur in multis, nisi quod non potest & seruari in singulis ob corruptionem, quæ proinde defectum suum similem compensat generatione, quorum verò interitus non est, neque generatio esse potest, neque multiplicatio, sed species seruantur in singulis. Itaque Angelus est suppositum quoddam substantiæ incorporeæ, non igitur vt vniuersales naturæ dicuntur esse, quia essentiæ quædam sunt, non tamen existere alicubi, aut aliquando, sed omnes assertiones, quæ de illis dicuntur, sunt absolutæ à tempore & loco, vt diximus, humanitas est natura, ratio, seu quod quid est hominis. nemo tamen interrogat, vbi existit, aut quando nisi per accidens vt est in singulis: quia humanitas nullibi est separata, neque vlllo potius tempore est quod est. esse enim dicuntur talia, non existere: non inquam, ita Angeli, sed cum sint substantiæ quædam singulares, & supposita, accidet eis quædam agere, & pati. Atqui, quoniam virtutis finitæ sunt, non possunt agere vbique & semper, vt Deus, sed alicubi, & aliquando. & quoniam sine corpore sunt, non possunt esse in loco, vt corpora, sed quoniam alicubi operantur, necesse est sint alicubi, modo aliquo nobis ob inexperience passionum insensibilium, non satis intelligibili. Itaque intelligimus Angelos esse alicubi; quia alicubi operantur: an verò ipsum alicubi esse, aliud sit quàm alicubi operari, magna est dubitatio. Mihi quidem videtur fieri necessariò, vt ratione sint diuersa, quia in his orationibus, Raphaël est in deserto superioris Ægypti, & Raphaël ligat Dæmonium, prædicata pertinent ad diuersas categorias, alterum enim ad vbi, alterum ad agere: quapropter ratione saltem non potest esse idem. Verùm Angelus non potest esse in loco propriè, nam siue locus sit extremitas immobilis corporis continentis, vt fert plurimorum opinio: siue id spatium quod locati corporis dimensionibus occupatur, vt ego existimo, quod corpore caret, in loco esse non potest, quia neque extremitate circumscribitur; neque dimensiones habet; sed est vbi operatur per præsentiam virtutis. vnde fit, vt Angelus in maiori aut minori loco per se non sit, quia per se nullam extensionem habet, sed per accidens, per magnitudinem scilicet corporis in quod operatur. Quia enim non potest operari in quantuncunque corpus non potest.

potest quantuncunque locum tenere ; ea verò limitatio non nascitur ex corporis magnitudine , sed ex operis difficultate. non enim quia Angelus non potest tantoperè extendi , cum nullatenus extendatur ; sed quia non potest tanti operis difficultati sufficere , cum finitæ virtutis sit , atque alius alio maioris aut minoris. Quære verò an sit minimus locus quem possit quivis Angelus tenere , ita vt non possit esse in minori , & an possit esse in puncto indivisibili , debilis dubitatio esse videtur : quid enim obstare potest incorporeo , quominus sit in loco minori ? an quod non potest aded sese contrahere , aut alas adducere ? Dicere verò venire posse Angelum ad aded exiguum locum , vt operari in minori , sit maioris difficultatis , inane etiam est. Nam aut illa difficultas nascitur ex operis magnitudine , aut ex applicatione virtutis ad corpus : ex opere minime , quia poni potest , imò verò plerunque erit , minus opus in loco minori : si verò ex applicatione , non potest esse alia difficultas , quàm quòd amplior , latiorve sit ea virtus , quàm vt possit ad tantas angustias contrahi. Hoc verò absurdum est censere , vbi nulla magnitudo est ; non tamen proinde potest esse Angelus in puncto indivisibili , quia vt in controuersis Phisicis ad tyrones indicauimus , punctus re vera nihil est , vt neque linea , neque superficies , sed hypotheses quædam vtiles ad doctrinam. Est igitur Angelus in loco , sed quia modo alio quàm corpora , maior an minor sit locus ad eum , nihil facit nisi per accidens , quia maius aut minus sit corpus circa quod operatur , aut quòd non possit mouere tantum , quantum capit tantus locus : exiguïtatis loci in quo esse potest , neque per se neque per accidens est vllus finis. Hinc etiam fit , vt præter rationem negetur posse esse duos , aut etiam plures in eodem loco , curenim ita ? An quia quæ sunt in loco vt corpora non possunt in eodem loco esse , neque quæ sunt vt substantiæ incorporeæ possint. Quid illis obstat ? corporibus enim obstant dimensiones , & repletio ; at Angeli non excludunt corpora , cur excludunt incorporea ? quia (dicunt) duæ causæ completæ non possunt esse immediatæ vnius , & eiusdem rei ; non video tamen cur Angelus sit necessariò causa completa eius actionis quam obit , ac non potiùs possint duo , tres , ac etiam plures , in eandem actionem conspirare , velut eundem mouere lapidem , non secundùm diuersas partes lapidis , sed secundùm easdem & totas. Dicunt , vt fieri non posse vt duæ lucernæ in eodem exactè loco existentes vna non fierent , ita neque duos Angelos , vtpote duas virtutes posse in eodem exactè loco existere. Mihi tamen videtur res longè diuersa : nam Angelus faculta-

Quomodo Angelus est in loco.

An duo possint esse in eodè loco.

tem habet mouendi lapidem , non tamen est ipsa mouendi facultas , sed substantia quardam & essentia , secundum quam non numero solum differunt , vt lucernæ , sed etiam specie ; præterea , neque duos Angelos , qui eodem exactè sunt loco , est necesse eiusdem actionis esse causas : possent etiam contrarias actiones obire , & in eodem esse loco : velut si Angelus statuam Apollinis euertere , & Cacodæmon hanc ipsam sustentare contendat . Itaque neque hæc consequutio valet , Sunt in loco , ergo sunt causæ completæ ; neque hæc , Sunt in eodem loco , ergo sunt eiusdem rei causæ , neque si hæc valeret , eueniret quidpiam absurdum , aut impossibile . Censeo itaque multos Angelos posse esse in eodem loco , vel hoc argumento , quod corpora nostra post resurrectionem poterunt in eodem loco esse multa , quia exuta impedimenta corporalia conditionem induunt spirituum . Quanto ergo magis id possint ipsi spiritus ; nimirum verò si multitudo illa ingens Dæmonum , quam vnico ex corpore expulit Dominus (narratur Marci quinto) per diuersas particulas oberrabat , vt alius in pupilla , alius in palpebra , sub vngue alius se contineret ; dicendum quoque esse maximam dæmonum multitudinem , quam vnumquodque corpus possit capere ; atque ad eam pomilionem non capere tot dæmones , quot procerum hominem . Hæc verò quæ necessitas cogit dicere ; quid verò impedit mox dicere , esse Angelos palmares , & cubitales & vlnares . Ob hæc omnia mihi videtur , quod & antea dictum est , Angelos esse in locis per se , quia alicubi operantur , in tantis autem , aut tantis per accidens , ob magnitudinem corporum in quæ operantur . Locorum verò magnitudinem quam tenere possunt , non diffiniri magnitudine corporum , sed operis quod exercent difficultate vt explicatum est : vnde multo magis euenit , vt si corporis & loci magnitudo ad eos nihil facit nisi operis augeatur difficultas , multo minus faciat luci figura , siue in longum porrectus sit , siue quadratus , siue alia quacunque figura , non tamè quia dictum est posse esse multos Angelos in eodè loco , censendum etiam posse eundem esse in multis locis , nam longè alia ratio est quia tametsi Angelorum non est magnitudo , est tamen numerus , estque eorum quiuis vnus , proprius etiam quàm quodecunque corpus , ac proinde non nisi in vno loco esse potest ; eius verò nullam magnitudinem occupat per se , sed solum per accidens vt explicatum est . De modo igitur quo sunt Angeli in loco hæc videntur probabilia . De modo quo mouentur , succedit statim dubitatio . constat enim , quâdoquidem neque sunt vbique neque nullibi , neque eodem semper in loco , non esse omninò immobiles , quoniam verò sunt

sunt sine magnitudine, non possunt moueri propriè, ita enim moueri passio corporum est: superest ergo eos non moueri per se, fieri tamen in alio & in alio loco, aliquo alio modo quàm corpora. Qui sit is modus, difficile sanè possit à nobis intelligi, cum non possimus cogitatione à corporalibus phantasmatis semouere; at verò possumus ita diuinando procedere. Quoniam non mouentur per se vt corpora, superest, vt moueantur per accidens, aut aliter mutantur: moueri per accidens dico, quæ mouentur motu alterius rei, velut quæ naui vehitur, mutari verò, quæ in alio & in alio loco fiunt: non tamen per successiuam illam, & continuatâ loci commutationem quam motum vocamus. Primo modo mouentur Angeli, cum volunt humanas actiones imitari, ac cum hominibus conuersari, vt Raphaël cum Tobia, aut cum Abrahamo, qui ad delendam Sodomam properabant, & Gabriel cum missus est in Nazareth alloquutus Deiparam virginem, & Hierosolymam, Zachariam; nimirum assumunt tunc temporis tenuia corpora, ex aëre aut igne, mouentque illa vt volunt, atque cum illis vt-pote quibus hæserunt mouentur per accidens, sine corporibus verò possunt fieri in alio ex alio loco, neque insumētes in eam mutatione tempus, neque dimetiētes spatium, sed mutatione non quanta vt ipsorum substantia est. At verò necesse, quo in alio fiant loco, vt in priori esse desinant: siquidem non possunt esse in duobus locis simul, vt dictum est: incipiunt verò esse in loco per primum esse, & desinunt per primum non esse, iuxta conditionem formarum omnium, quæ comparantur instantaneè, ac sine successione. Itaque primum instans quo Angelus est Romæ, verbi gratiâ, est primum quo non est Maderiti. Fieri verò etiam potest, vt hæc Angeli mutatio successiua sit, & continuata, at tempus insumat, non quidem per se, & ob ipsius mutationis modum, sed ob continuitatem spatij, cum scilicet Angelus partes omnes medij commouere vult, velut si hinc Romam abiens, partes omnes aeris in via positas commoueat: fiet enim tunc temporis continuata, & neque momentanea ea, neque intercisâ mutatio: vt generatio etiam substantiæ nonnunquam fit successiua ob materiam, vt cum ad-mora vni extremitari scintilla, decurrit flamma per totam stupam. Aliter vero nō videtur mihi, temporalem & continuatam mutatione efficere posse Angelus. Si enim rectè Aristoteles, dicit quodcumq; corpus ferretur per vacuū, latū iri in instanti, quia omnis tarditatis, seu moræ causa est in resistētia, cur non etiam incorporeum per plenum. Nam cur magis possit plenum incor-

Quo modo mouetur.

Angelus nō potest esse in duobus locis simul.

incorporeum, quàm vacuum corpori resistere? si cui verò ob rei difficultatem videtur inopinabile esse, à re quapiam quæ virtutis finitæ sit, fieri mutationem instantaneam, is tenebitur meo iudicio dicere, Angelos nunquam moueri posse nisi assumptis corporibus, aut commotis omnibus spatij partibus. Quæ hæstiones magnæ illæ quidem, tam multos, atque adeò insignes Philosophos impulerunt dicere, Dæmones omnes esse corporeos. Verùm quandoquidem multis aliis argumentis indicatum antea est, eos corporeos non esse, solum superest opinemur, Angelos dictas habere mutationes, instantaneas per se, & successiuas per accidens, aut nullatenus moueri posse nisi per accidens, & assumptis corporibus, aut agitatibus omnibus medijs partibus, quæ in via positæ sunt. Vtrum horum potius sit Deus nouit. Ego enim vel de rebus sensibilibus vix quidquam affirmo, nedum de his quæ tam longè à sensibus positæ sunt: vtcunque verò hoc habeat, quandoquidem possunt vno esse in loco, atque eo relicto in alium transilire, cohiberi etiam possunt imperio Dei quominus loco exeant, quod quidem est firmissimo vinculo religari. Nam tamen si diabolus imperiũ Dei quo ad potest detrectet, tamen neque loco exire, neque aliud quidpiam facere, neque omnino esse potest nisi Deus eius actionis, aut vitæ velit causam primam se exhibere. Nolle igitur Deum illum inde exire, in superabile vinculum penitus est. Tale igitur imperium Domini exequutus Raphaël,

Dæmones apprehendit demonium, & religauit illum in deserto superiori Ægypti. Possunt etiam ipsi dæmones sese continere in palla annuli, & vitreo vase, & vbi alibi: atqui peracto mundi iudicio, omnes detinebuntur in horrendis illis cauernis à quibus exire virtute Dei in æternum prohibebuntur. Huiusmodi sunt omnia quæ de Angelorum, siue motu, siue visibilibus ministeriis, legimus in sacris eloquiis. Honor & gloria sit Angelorum opifici Amen.

C A P V T XLII.

TObiæ c. 2. ita scriptum est: *Contigit autem ut, quadam die fatigatus à sepultura veniens in domum suã, iactasset se iuxta parietem, & obdormisset, & ex nido hirundinũ dormiente illi calida stercorea inciderent super oculos eius, fieretque cecus. Rursum c. 10. ita habetur: Tunc sumens Tobias de felle piscis, liniuit oculos patris sui, & sustinuit quasi dimidiam ferè horã, & cœpit albugo ex oculis eius*

eius, quasi membrana oui, egredi quam apprehendens Tobias traxit ab oculis eius, statimque visum recipit.

His verbis narratur causa externa seu occasio cæcitatis Tobiae, & ipsius affectionis species, & curatio: constare verò faciliè potest, etsi hæc Deo ita permittente, maioris cuiuspiam utilitatis causa acciderint, facta esse secundum naturam. Primum quidem iuxta naturam eius auiculæ contigit is euentus: nam semper nidificat hirundo super domorum parietibus, & ut naturales narrant, cacat semper extra nidum auerso podice, atque perinde facere docet suos pullos. Itaque merito euenit, ut iacenti supino iuxta parietem, stercus hirundinis inciderit in oculos: sed & ut excæcaretur. Nam videmus oculos partem esse adeò delicatam, atque tam leuibus de causis nonnunquam hos morbos contrahere, ut admirationis nihil præster, stercus hirundinum calens actu, in ambos simul oculos incidens, albuginem fecisse; non quidem (ut arbitror) quòd vlla proprietas illi stercorei sit, eo modo oculis aduersa, sed ob qualitatem manifestam.

De hirundinis stercore.

Sunt qui proprietatem obcæcandi tribuant excrementi eius auiculæ: idque duobus argumentis. & quia is morbus familiaris illi est, à quo illa censetur suos pullos liberare vsu chelidonie herbae, quæ ab illa nomē traxit, & quia cinis capitum eiusdem commendatur ad extergendum oculorum albugines & cicatrices, & vocata pterygia. Non videntur autem hæc duo argumenta omnino leuia. Nam morbi contingunt animantibus secundum naturam succorum quibus aluntur: alimenta verò symbolum habent cum excrementis. Porro nihil magis cognitum experimento, quàm animalium partes utiles esse ad eos morbos curandos, quos sua excrementa efficiunt, siquidem curamus carnibus viperæ, quos ea momordit, & sua salua infecit, & demorsis à cane rabido censetur auxiliari, iecur canis qui momordit, & istos ab scorpione sanat ipse scorpio superpositus. Vtrum ego vbi manifesta est causa, non libenter confugio ad istas occultiores. Nimirum stercus earum auicularum calidum satis est & siccum, accederetque calore actuali, vim habet rubrificandi, atque nonnihil exurendi, ut & stercus columbinum. Incidens ergo in oculos, partem sensus adeò acris, exussit nonnihil extremam membranæ superficiem, & conuocata præ dolore fluxio est & genita albugo. Est enim albugo, quædam Albugo cicatrix in ipsa oculi externa membrana orta. fit verò cicatrix, quid. aut curanda ruptura, aut per vstionem (relinquuntur enim etiam cicatrices ex inustionibus) ita igitur facta in oculis albugo est, quæ hominem excæcauit.

Hanc

Hanc sententiam iuuant illa sacri contextus verba, *etiam calida stercora inciderunt in oculos eius.* innuunt enim id fecisse stercora potius quia calida, quàm quia talia. Ego certè non solum non crediderim excrementa hirundinis proprietate excæcare, sed putauerim, ad extergenda quæ pupillæ innascuntur esse vtilia in collyriis. siquidem & columbinum stercus commendatur, & lacertinium, quia vim habent valde extergentem, & nonnihil exedentem: quæ etiam inest fimo hirundinis, & turturis, & similium auicularum. Putauerim ergo stercora hirundinis, quæ calida incidentia in oculos hominem excæcarunt, potuisse adiumento esse, si tenuissimè trita in dote, & diluta aqua essent oculis admota, vt colubæ stercora solent: vt etiam hæc si calida in oculos inciderent sine vlla lotionem atque omnino sine correctione, excæarent. Sanatus verò est illito felle

Oculi
medentia.

Callionymus
piscis
natura.

cuiusdam piscis Qui piscis fortasse fuerit, qui vocatur Græcis Callionymos, id est, pulchri nominis, qui idem, vt Plinius author est, vocatur Vranoscopus, quòd habeat oculum insignem in capite quo cælum spectat; aut Hyena, quia cum ad extergendas albugines inueteratas nihil magis à Medicis omnib; celebratum sit, quàm fel; inter omnia eius genera omnium maxime commendatur, datur fel Callionymi piscis, & mox Hyenæ. Galen. 10. de simplicium medicamentorum facultatibus cap. 12. ita inquit: *Porro quorundam animalium singulariter eribit à Medicis extollitur, tanquam aciem exacuat oculorum & suffusionum initia digerat, velut piscis quem vocant Callionymum, Hyena, & scorpij marini, tum galli & perdicis.* Itaque primas deferret Gal. hac in re bili Callionymi piscis, secundas Hyenæ. Plin. quoque cap 7. lib. 32. ita scripsit: *Callionymi fel cicatrices sanat, & carnes oculorum superuacuas consumit. nulli hoc piscium copiosius, vt existimauit Menander in comædijs.* Itaque dicit Plin. & ex sua, & Menandri autoritate huic pisci fel esse copiosius, quàm vlli aliorum, idque albugines sanare.

Hyena &
ex ea re-
media.

Pelis vi-
res.

Idem dicit Ælianus, idem & Odoardus Oxoniensis, qui diligentissimè scripsit nuper de animalium differentiis. Ælianus libro decimotertio, capite quarto, ex Aristotelis sententia dicit Callionymo pisci in iecore magnum fel situm esse. quod etiam confirmat ex sententia Menandri, & anaxippi. Verissimile itaque est hunc esse quem Tobias è Tigride flumine traxit, & exenterauit: quandoquidem, vt iidem authores narrant, est voracissimus, & carniuorus, aspectu immanis, nam est serratis dentibus, oculos habens in summo vertice, & os inter oculos situm. Quapropter non mirum si puer rerum inexpertus, terribus est ignotæ formæ intuitu piscis irruentis quasi ad

Callionymus
mi forma.

deuorandum : nam impetebat vt voracissimus & carniuorus. Huc accedit, quòd, vt Aristoteli placet, est literalis & *ἡμερό-
κοιτος*, hoc est, die dormiens, nocte exiens & oberrans. Cum ergo totam diem egissent iter, prima mansione ad noctē mansit iuxta Tigrim, & cum tunc veller defatigatus ex itinere pedes lauare in littore, exiens irruit immanis & littoralis piscis vt voraret. Neque obstat quod Opianus Pelagium vocat, neque quòd Plinius in marinis ponit, quominus esse posset in præmagno fluuio, quia id non adeò cōuenit inter anthores, & quia etsi marinus sit, potuerit refluere ex mari, cum præcipuè Plinius dicat, Euphratem & Tigrim mirum in modum stagnare : per stagnantem verò fluuium facilius retroceditur. Controuertitur etiam an sit esculentus, aliis dicentibus, aliis negantibus : verum si hic est quem apprehendit Tobias, esculentum esse magna autoritate probatur, siquidem assatiunt, & salierunt, vt covescerentur in via. Sed siue hic fuerit, siue alius (hoc enim certò scire non possum) non dubium multorum piscium ac fortasse omnium, fel vtile esse plus aut minus (non enim omnium æquè) ad extergendas albugines. Nam vt dicit Galenus citato, à cuius sententia nullus Medicorum hac in parte discrepat, succus hic vim habet valenter extergendi, qua facultate & albugines, & vocata prerygia, seu vngues, exedit. Plinius lib. 23. c. 11. de ocularium morborum curatione agens inquit : *Ad omnia autem inueterata fel efficacius purant.* Itaque omnia hæc per naturales causas eueniunt Tobie, permissu tamen Dei, qui primum quidem virum sanctissimum morbo tanto probati voluit, deinde medicamen idoneum, cum sibi placitum est, reuelauit, & in maiorem sui gloriam auxit vires medicamenti : vt hinc euidenter constet, eam etiam sanitatem, quam Medicorum industria recipimus, esse in Dei benignitatem referendam, qui illis pro re præsentī idonea indicat medicamina.

CAPUT XLIII.

CAp. 8. lib. Iudith, mors Manassis mariti Iudith, ita narratur : *Vir eius fuit Manasses, qui mortuus est in diebus messis hordeaceæ. instabat enim super alligante manipulos in campo, & venit astus super caput eius, & mortuus est.*

Tametsi neque causa externa, neque omninò causa vlla potest interficere per se, neque lædere quidē actiones, vt maxima

De Manassis morte.

Aesclepiadis & Anacreontis mors.

Aëstus
poxa.

ac præcipua pars Medicorum censeret, sed morbum inferendo, à quo actionum læsiones primùm, deinde & mors proueniat, cum tamen ea maxima est, & nimis diligens sermo intemperstius, dicere solemus ab ea mortuum esse hominem, vt Aesclepiadem scalarum lapsu, Anacreontem multo vino: ita hunc Manassem multo Solis æstu. Verum & scalarum lapsus, & vini potus, & longa mora in Sole, lethales illis hominibus morbos intulerunt: primùm quidem mora in Sole fecit calidam capitis intemperiem, id enim significat illa verba. *Venit æstus super caput eius.* Consentaneum verò est censere, eam non fuisse quam Medici vocant nudam intemperiem, ac sine succo, non enim fuisset adeò lethalis, sed cum succo, natûsque fuerit ex calore morbus alius vt Phrenitis nisi fortè mortuus est repente (vt diximus nonnullos afferti ex messibus) fueritque facta Apoplexia, obstructis meningibus & toto cerebro à conuocato in caput confertim sanguine. Quantum verò possit qui in corporibus præerat apparatus, vt externæ causæ plurimum obesse possint, aut minimum hinc discas, quòd cum eorum qui alligandis manipulis insudabant læsus fortasse fuerit nullus, hi qui illis tantùm præerat mortuus est.

C A P V T XLIV.

I Ob cap. 7. Dominum ita alloquitur: *Quare posuisti contrarium tibi, & factus sum mihi metipsi grauis?*

Hominis
& Dei
contrarietas.

Quæ verba hominis naturam quam post corruptionem primi peccati habet, optimè declarant: siquidem conqueritur esse se positum contrarium Deo. hoc est sentire se (vt inquit Paulus) aliam legem in membris suis, repugnantem legi Dei, ob hanc ipsam causam, esse sibi met grauem, ac molestum. Igitur est homo naturaliter contrarius Deo, & sibi ipsi, quod si ita est, constat esse hominem Deo similem, & contrarium: non possunt autem contraria inesse eidem secundùm idem: insunt ergo secundùm diuersa. Sunt ergo in homine duæ partes, altera secundùm quam in bonum fertur naturaliter, atque secundùm legem Dei operari expetit, altera quæ naturaliter etiam fertur in malum, & Dei legi repugnat, videnturque quiuis homo hanc repugnantiam in seipso experiri. Nam optimus quisque habet stimulum carnis, quo colaphizatur; malus verò neque ipse est spontè malus, sed, vt dicitur Prouerbiorum 12. *vult & non vult piger.*

piger. Vterque autem, & bonus inquam, & malus, vult, & non vult, bonus quidem bonum vult, quodammodo autem non vult: malus vult malum, quodammodo autem neque ipse vult. Quo pacto autem potest velle, & non velle, nisi habeat duplicem voluntatem; habet ergo homo voluntatem duplicem, alteram naturaliter propensam in bonum, & honestum, alteram in delectabile, etsi sit inhonestum. expetit verò voluptates, omnem dolorem refugit. Nam ipsa voluptas in doloris exolutione habet essentiam: refugit verò naturaliter dolorem totum corpus, atque omnis agnitio corporalis. Omnis ergo corporalis agnitio capitur voluptate. igitur honestatis & iustitiæ, atque diuini cultus cura, est in alia parte præstantiori & minimè corporali, quare & incorruptibili, quia generatio & corruptio passiones corporum sunt, sicut & motus. Porro, quandoquidem sunt in homine duæ partes, & voluntates duæ, necesse est alteram esse altera præstantiorem, alioqui nihil potius sequeretur homo, sed discerperetur semper, essetque non vnum verè, sed quasi hominem bicipitem intelligas: atque contineretur semper in perplexitate, neque con-
Voluntas duplex.
altaret, sed vtraque ferretur in suum obiectum, neutra alteri cedens: nunc autem est verè vnum, & consultat, estque alius bonus, alius malus. Necesse est ergo vt vtraque aut altera potentia libera sit, vt possit si velit alteri cedere, aut non cedere, alioqui neque bonus neque malus esset quispiam, siue hæc vinceret, siue illa, si neutra libenter cederet. Nam ob ea quæ insunt nobis natura, neque laudamur, neque vituperamur: nunc autem & laude, & vituperio, & pœna, & præmio inveniuntur omnium hominum consensione, qui digni sint: igitur est altera aut vtraque voluntas libera. Vtraque quidem esse non potest, quia eueniret sæpe, vt neutra vellet alteri cedere, aut vtraque alteri. Vtrumuis horum fieret, non esset penes hominem libertas, neque posset sequi hoc, neque illud, essentque multæ actiones earum, circa quas vitium & virtutem esse omnes homines fatentur, in quibus neque laudari, neque vituperari homo meritò posset: at verò non ita est, sed talia omnia liberè gerit, & de omnibus eiusmodi actionibus laude & vituperio dignus esse iudicatur, dum sanus est, & mente constat: igitur & naturaliter & per sese (siquidem in bene naturaliter disposito) altera dictarum voluntatum libera est. Necesse est autem eandem esse liberam & dominam, alteram verò seruam, siquidem hoc ipsum, non posse aliter facere ac facias, dominationi repugnat. Igitur necesse est dictarum voluntatum præstantiorem esse liberam, & natura dominam, deterio-
rem

Liberum
arbitriū.

rem verò esse natura seruam : atque si homo velit , trahi posse .
Hac causa , & quia homo hac libertate abitríoque differt ab
aliis animantibus , Plato in dialogo de hominis natura , parti
illi præstantissimæ & penitus incorporeæ , quæque dominatur
corpori , & illo vitur , potestque il bene aut malè exequi pro
suo arbitratu (quam nos mentem vocamus) nomen hominis
tribuit : corpus verò , & corporea omnia , non hominem , sed
hominis quædam esse dicit . Nos verò mentem esse dicimus
præstantissimam hominis partem , per quam à brutis separa-
tur , sitque liber , & suarum actionum dominus , virtutis & vitij
capax , & diuinarum rerum contemplator . Hanc humanæ natu-
ræ dignitatem indicauit Deus ipse Cain (cap. 4. Geneleos) his
verbis : *Nonne si bene egeris , recipies , sint autem male , statim in fo-*

Appetitus
peccati.

*ribus peccatum tuum aderit ; sed sub te erit appetitus eius , & tu
dominaberis illi .* Appetitum peccati vocat eam hominis par-
tem , secundum quam conqueritur Iob , esse se positum con-
trarium Deo , & sibi ipsi grauem ; & quam Paulus dicit sentire
se in membris suis , legem repugnantem legi Christi : nimirum
lex Christi vocat nos in amorem contemptus , & vilitatis , &
inopiæ , & laborum : appetitus peccati in superbiam , fastu-
abundantiam , & voluptates . Hunc appetitum peccati , edicit
Dominus Cain sub sua esse potestate , esseque cum illius do-
minum . Secundum alium igitur appetitum præstantiorem ,
rationalem scilicet , quæ ipsa mens est incorporea , separabilis ,
& æterna . Constat ex dictis , penes bruta nullam libertatem

Bruta li-
bertate
carent.

esse posse , sed moueri semper pro ratione obiecti quod sese
offert . quòd si quando videntur quòd præsens est despiciere , &
quasi præstantius aliquid cogitantia ad aliud conuerti id qui-
dem ex deliberatione & arbitrio non nascitur (etsi nonnun-
quam ita videtur intuenti) sed euenit , quia obiecit sese terri-
culum aliquod in memoria , vt fortasse verberum , aut iucun-
dus irritamentum in imaginatione ; vt prædæ : neque enim
hæc priuauit Deus internis sensibus , per quos & memoria
præteritorum , & spe futurorum commouentur ; sed sapientia ,
quæ diuinarum & humanarum rerum est scientia , cum virtu-
te necessariò coniuncta : quare & cum libertate . Cum igitur
Medici animales motus appellant actiones voluntarias , non
quasi liberas intelligendum est , sed quasi ex appetitu cum sen-
su profectas . Dico cum sensu , quia in rebus inanimis appeti-
tum quendam ponunt Physici , quem vocant naturalem , quem

Hominis
differētia
propria.

naturalem impetum videntur mihi meliùs appellaturi . Itaque
differētia propria hominis , est sapientiæ esse capacem : atqui
quoniam sapientia cum vera virtute coniuncta necessariò

Bruta
quomodo
rationa-
bilia.

est, & hæc cum Dei timore, omnium optimè definiuit hominem Ecclesiastes in verbis ultimis suæ concionis, dicens: *Deum time & mandata eius serua. hoc est enim omnis homo*: quod nihil aliud est dictum, quàm homo; homo enim est animal capax sapientiæ veræ, quæ in timore Dei & legis eius meditatione cõstitit, quantò autem propiùs accedat ad hominis essentiam differentia hæc quàm rationale, inde intelliges, quod ut alibi indicauimus bruta omnia, rationabilia etiam quodammodo & circa quædam sunt, & intelligentiam quandam habent; sapientiæ verò nullatenus sunt capacia: itaque hominem esse animal sapientiæ capax multò cum minori ambiguitate dicitur, quam animal rationale. Quare propriam hominis naturam definitio hæc continet. Vita verò eius qua homo est (qui est secundus eius actus, & qui ex propria natura fluit) est militia super terram. Nam secundùm sapientiam operari, seu sapienter agere, est irrationalibus affectibus repugnare, atque appetitum peccati, ob quem conqueritur Iob factum se esse sibiipso grauem, coërcere, ut rebellem seruum: qui enim contra facit, ac libertate suas abutens illi obedit, fit similis iumentis insipientibus, ac comparatur illis, quia uiuit ut illa. Neque tamen ob hæc cogunt argumenta Platonis fateri, hominem nihil esse aliud quàm animam, corpus verò non hominem, sed hominis aliquid: ille enim in Alcibiade primo, siue de natura hominis, ita argumentatur: *Neceffe est aliud sit id quod utitur, & aliud quo utitur, & aliud quod imperat, & cui imperatur, ut aliud est cerdo qui in forio utitur, & aliud incisorium quo utitur; aliud quoque dominus, aliud seruus. ut verò cerdo, & incisorio dicitur incidere & manibus: ut manus autem, ita & pes, & oculus, atque corpus totum, est res qua homo utitur: homo igitur, & est aliud à corpore, siquidem corpore utitur, & est res illa qua corpore utitur: at verò anima utitur corpore, homo igitur ipsa anima est. Nam (inquit) homo est anima, aut corpus, aut ambo simul. corpus non est, quia corpore utitur, homo verò est qui utitur: sed neque ambo, quia si duorum alterum non utitur, neque ambo utuntur: superest ut homo anima sit.* Eodem modo concluditur hoc argumentum, siue dicas utitur, siue imperat, siue dominatur: nam ipsum uti imperio agitur, imperat enim cerdo manui, & incisorio, hæc verò obsequuntur tracta. Itaque Plato ob hæc censet, hominem animam solam esse re vera, & in dialogo dicto, & 12. de Legibus, dicens re vera vnumquemque nostrum animam immortalem esse, corpus verò aliquid illius, ut vestem, aut lorica, cui consonum etiam est posse commutare corpora, fierique ut quæ anima hu-

Homo an
sola ani-
ma.

Palyngenesia.

mano vſa eſt corpore , in palyngeneſia (quam ille vt Pythagoricus profiteretur) induat equinum , leoninum , ſuillum , aut piſceum. quodcunque accommodatum ſit moribus , quibus ſeſe in ſuperiori vita imbuir : non aliter ac ſi cerdo , ac ſutoria arte per negligentiam vacans, in fabrili ſe exerceret,deponeret poſtremo acum & inciſorium , acciperetque ſerram & malleum. nimirum conſtat quibuſcumque moribus aſſueſcat , fieri animi ad eos propenſionem, vſque adeò , vt quantò diutiùs aſſueuerit, tantò difficiliùs poſſit ſe quiſpiam ad alios transferre , & illa libertas qua hominem natum eſſe diximus , videtur perire.

Stulti ſerui.

Qua cauſa Stoici homines , atque adeò & omnes Philoſophi(etiſ non omnes æquè)affirmauerunt, ſtultos eſſe ſeruos,& ſapientes liberos. atque Dominus noſter dicit, hos ſeruire mammonæ. Idemque octauo Ioannis,*Qui facit peccatum, ſeruus eſt peccati.* ſunt innumera alia oracula in ſacris , quæ hoc ipſum innuunt. cùm ergo videatur anima conſuetudine mutare naturales appetitus & propenſiones atque vnicuique videatur animantium tributa corpora ſecundùm ſuos mores (rapacibus enim vngues acutos , firmos & curuos ; voracibus , dentes & capacem ventrem , & inteſtina minimè flexuoſa ; ferocibus conua dura ; fugacibus longiora crura) conſentaneum cenſet Plato , & mutatis animabus , quas ſolas homines eſſe cenſet, commutari corpora, atque hanc cenſet eſſe brutorum generationem in Timæo:& decimo de Republica, ſiue de Iuſto , cenſet hanc eſſe impiorum pœnam, quò quidem videtur ſpectare illa comminatio Pſalmi trigeſimi primi , *Noliſe fieri ſicut equus & mulus, quibus non eſt intellectus.* & illa imprecatio. *In chamo & freno maxillas eorum conſtringe. qui non approximent ad te.* Verum hæc omnia Platonis dogmata plauſibilia magis ſunt quàm vera , & Poeticè magis quàm Phyſicè colliguntur. nam habitus longè alia res eſt quàm natura : facitque habitus propenſiones contrarias , natura manente. Neque quidpiam tam diſſentaneum, quàm hominum brutorumque eaſdem eſſe animas, aut animarum ipſarum , in alias animas fieri mutationes. non eſt ergo ira , ſed quantumuis habitus difficultatem ingerat efficiendi contrarium , vt auaritia erogandi , luxuria continenter agendi , tamen quia natura non mutatur , quia natura liber , & ſuarum actionum domiaus effectus eſt homo , liber neceſſariò manet , poteſtque ſeſe in alios transferre mores , ſi velit ; tamenſi difficilius multò eo , quam niſi deterioribus aſſueuiſſet. Atque peccati vocatur ſeruus, non quòd non poſſit illi imperare, ſed quia obedit voluptate deuictus, quia (vt dicitur in ſecunda epiſtola Petri) *à quo quis deuictus eſt, eius eſt ſeruus.*

Habitus & natura, diſſerentia.

Serui peccati.

appel

appellationes verò belluarū accipit, non ob naturæ vllam mutationem, sed quia ob belluinos mores comparatus est iumentis, & similis factus est illis. Psalm. 48. Neque sanè homo ipsa anima est, siquidem est animal, quapropter & corpus tale, animalium scilicet. neque quidquam habet absurditatis idem imperare sibiipsi, & vti seipso, & eundem à se ipso domari, vinci, & coerceri, eundemque sibiipsi repugnare. nam & lapides quoque & metalla, & inanima omnia corpora, per sese mouentur, quo illa sua fert natura, graua deorsum, leuia sursum, vt alibi monstrauius: neque sunt hæc absurda, quia etsi insunt hæc eidem, non secundum idem, sed secundum animum alia, alia secundum corpus, ex corpore verò & animo conflatum animal homo est, qui se pro suo arbitratu gerit. nam tametsi anima imperat corpori, & ratio appetitui, proprius autem dicitur homo imperare, quia actiones suppositorum sunt; vt tametsi oculos videre dicitur, proprius autem ac prius, homo videt. Itaque & mens imperat corpori, & homo: mens tamen homo non est, sed pars hominis, per quam ille imperat. Vt homo videt & oculos videt, non tamen oculus homo est, sed pars hominis, per quam videt: ita etiam corpus repugnat rationi, sed & homo esse repugnat rationi secundum corporalem appetitum, quapropter multò melius, ac exactius quàm Plato dixit Iob, factum se esse sibiipsi grauem Nimirum homo secundum duplicem, qua est, naturam, pugnat secum & resistit sibiipsi. Pulcherrima est illa comparatio, quam Aristoteles innuit capite vltimo primi Ethicorum. Nimirum duo animæ appetitus, sunt vt duo corporis latera, atque vt cum quis remissè vnum mouet in alterum fertur, ita qui remissè vitur ratione, incontinenter fertur in appetitiones, & qui remissè appetit, fit continens: est verò ratio vt latus dextrum firmius, fortiusque, & quod si velit contendere, potest alterum trahere. Adhuc etiam videri possit alicui appetitus peccati, neque sub mente, neque sub homine esse, neque hominem posse illi dominari, cum est malus; sed necessitate quadam, vbi qui malus sit, in deteriora ferri Eam (dicunt) vt febris phreuitis, & hydrodrops morbi sunt corporis, ita luxuria, iracundia & auaritia, morbi sunt animi, vt ergo non potest qui ægrotat corpore morbosos appetitus cohibere, vt sitim febricitans aut hydropticus, & furorem phreneticus: ita neque qui ægrotat animo, possit cohibere appetitus irracionales, qui peccatorum appetitus sunt, alioqui (dicunt) non ægrotet. neque igitur (dicunt) pœna quispiam dignus sit ob peccata, sed perinde sit furem verberare quòd furetur; ac si febricitantem verberes quòd

Dextra
perfectior

Morbi
animi &
corporis,

Concupif-
centia nō
est pecca-
tum.

febricitet, vtrumque enim inuito inest, & per morbū, illud ani-
mi, hoc corporis. Hæc videri possint leuiter consideranti pro-
babilia sunt camen sophistica & inepta. recipio enim, luxuriā,
auaritiā, & iracundiā, morbos esse animi, non minùs quàm
febrē, hydropisim, phrenitidem corporis, atque aded v̄t ex his
sitim & amentiam, ita ex illis libidinem, iram & aliarum rerum
cupiditatem nasci, atque aded non magis posse luxuriosum non
prurire libidine, & iracundum ira intumescere, & auarum appe-
tere aliena, quàm febricitantem, & hydropicum non sitire, &
phreneticum non insanire. Quid tunc postea? an proinde non
est dominus suarum actionum vterque? absit. Nam & febrici-
tans & sitiens potest non potare, auarus & concupiscens res
alienas, potest non furari. quapropter meritò fur verberatur,
non quia auarus, sed quia furatur, v̄t febricitans reprehenditur,
non quia sitit, sed quia intempestiuè potat. Peccatum verò non
est in concupiscentia, sed in facinore, aut certa voluntate com-
mittendi. non enim laude dignus minùs est, qui cū sic natura
libidinosus, non agit quidpiam petulanter. quàm qui talis non
est: imò magis etiam fortasse aliquādo, quia *virtus in infir-
mitate perficitur*, vt inquit D. Paulus, 2. ad Corinth. & virtus
versatur circa d. malitia, vt inquit Aristot. 2. Ethic. Est igitur in
nostra potestate, non ille irrationalis appetitus, qui naturaliter
exurgit ex nostræ naturæ corruptione, quam sæpe ipsa elemen-
torum & humorum temperies auget, sed qui verè est appetitus
peccati, hoc est, vera & certa deliberatāque voluntas aliquid
contra Dei Opr. Max. legem committendi. quapropter vbi in
decalogo dicitur, *Non concupisces res alienas*, non ita est acci-
piendum, quasi qui concupiscentiam habet rerum alienarum
in peccato sit, etiam si nolit, quamquam possit, furari, sed is
solus qui vult furari si possit: hæc enim voluntas est appetitus
peccati. ille prior appetitus sine culpa esse potest, quia ex mor-
bo nascitur, vt sitis ex febre. Vt igitur febricitanti nullus Me-
dicus imperet, noli sitire, sed noli potare etsi sitias: peccat verò
in Medicum non qui sitit, sed qui potat, aut vult potare, quid-
quid Medicus iubeat; ita in Deum, non qui vtrumque concu-
piscat aliena (nam qui possit non concupiscere aurum inops,
aut auarus;) sed qui velit furari si possit, quidquid Deus im-
peret. vnde constat, nos natura dominos esse appetitus peccati,
etiam cū mali sumus, etiam si vitio & culpa sumus serui pec-
cati. constat quoque totam bene viuendi normam eò redigi, vt
Deum timeamus: quandoquidem tota boni iustique regula, in
Dei, vt ipse rerum omnium Domini, voluntate consistit, pec-
catum verò in accusatione, sed (vt hæc apertius eloquar) pos-
est

test quispiam esse libidinosus, aut iracundus naturā, aut habitum, atque utcumque sit talis, propensus erit ad Venerem, aut iram. Interest verò multum, nam quorum natura tantum est talis, neque poena, neque reprehensione dignus est, quia neque vituperari neque laudari quispiam debet, ob id quod naturā illi inest quin potius si recte agit, talis cum sit maiori est dignus præmio: qui verò talis est secundum habitum, reprehensione & vituperio dignus est, quia in sua potestate fuit eius habitus principium. sed si ne tunc quidem exerceat Venerea, aut irascatur, non est dignus poena, quia peccatum in actione est, in habitu vitium solum. potest verò iniustus non iniuste agere, etiam si non statim ac vult potest habitum commutare, sed longa aut magna exercitatione opus est. Culpa itaque iniusti, quod talis sit, solum est in principio, quod iniuste agat in ipsa voluntate, quæ actiones nostras semper comitatur. Quod disertè docuit Aristoteles cap. 5. tertij Ethic. dicens: *Verum non similiter nostra sponte actus ac habitus fiunt: actuum enim à principio ad finem domini sumus ipsa singula cognoscentes, habituum verò principium.* Igitur punitur fur non quia fur est (quanquam nec quoque si habitu constat est vituperabile) sed quia furatur: ut neque reprehenditur febricitans quia febricitat, neque quia fit (tamen si vituperatur, etiam si ob prauum vitium in eum affectum incidit) reprehenditur verò, quod poterit cum non expedit, atque adeo iure posset puniri, si sit seruus. Itaque peccata ex animi nasci morbis, nisi obstat quominus sponte committantur, sitque penes nos liberum arbitrium, & mens appetitus sit natura domina.

CAPUT XLV.

CAp. 10. ita Iob Deum alloquitur: *Memento quæso, quod sicut lutum feceris me, & in puluerem reduces me. Nonne sicut lac mulisti me, & sicut caseum me coagulasti?*

Quæ verba non sunt oscitanter prætereunda Physico, neque quasi non explicant naturalem hominis ortum exactissimè; prima enim verba continent primam hominis formationem ex primis elementis, secunda generationem singulorum hominum ex semine. Quæ ut apertiora euadant, præfari oportet, quàm plurimas fuisse Philosophorum sententias de rerum corporearum elementis, antequam in illam vnam peruentum omnibus est, de calido & frigido, humido & sicco, seu terra, De elementis.

aqua, aere & igne, plurimi enim censuerunt, elementa corporum esse corpuscula indiuisibilia, nonnulli substantias homogeneas, atque horum utrique nihil errabant in notione elementi, alij enim principij & elementi rationem non distinguentes, dicebant elementa rerum omnium esse litem, & amicitiam, alij raritatem & densitatem, alij crassitiem & tenuitatem, alij alia. Ceterum, si quæ rerum naturalium elementa ponenda sunt, nulla æquè probabilis atque illa ab omnibus rectè Philosophantibus (nam & ab Stoicis & Academicis, & Peripateticis) recepta opinio, quæ ab Hippocrate fluxit, esse rerum omnium corporearum elementa, terram, aquam, aerem, & ignem, quia horum præcipuè corporum esse videmus qualitates, quarum mutua pugna sunt ortus & interitus, quædam enim sunt ex quibusdam crescente calore, quo aliquando extincto, hæc eadem abeunt in alia: ita etiam, siccata quædam intereunt, & alia humectata nimis: nihil autem interit, quin aliquid aliud ex illo fiat. itaque sunt omnia dictarum qualitatum actione, quare & mixture illorum corporum, quorum illæ qualitates sunt primò, videntur generari, atque aded (si quæ) illa esse corporum aliorum elementa. Cæterum neque hoc videtur hi (quando non iam cum tyronibus agitur) leuiter prætereundum, sed examinandum, an verè Philosophi corporum naturalium elementa prima ponant. at sit hæc hypothesis, ut multæ aliæ in scientiis. si enim, ut Aristoteles secundo de ortu & interitu multis contendit, rerum omnium generatio agitur in circulo, non generantur omnia ex quibusdam, sed ex quocunque quodcumque. Quare nulla re vera sint aliorum elementa. Porro monstratum alibi est nulla esse simplicia elementa in rebus: atque adeo digito monstrari potest. quæ enim terra? an hæc, quæ nitro, sulphure, argento viuo, & metallicis omnibus concretionibus est intersita, & alicubi est gypsus, alibi calx, creta alibi? Quæ aqua? an marina, quæ hîc intolerabiliter salsa, alibi etiam est amara? Quis aer? an hic turbidus, qui vapor aut nebula, aut nubes, aut ignea exhalatio, aut horum quædam confusio esse videtur? Quis ignis? an carbo, qui terræ multis generibus est crassior? an flamma, quæ nihil est nisi fumus ardens? quod si nullibi vnquam elementa simplicia sunt, nec esse quidem possunt, vel hoc argumento (tamen si aliis etiam non inuidentibus est à me monstratum alibi) quod in æternis idem est quod est & quod potest, quod si nulla sunt elementa simplicia, quorum mixture generentur reliqua, ne mixtio quædam est vlla. Quorū enim est mixtio, nisi miscibiliū. quod si mixtio non est re vera, sed conficta, neque resolutio sit in simplicia.

Elementorum im-
puritas.

Resolutio.

nihil

nihil igitur fit ex elementis, neque finitur in elementa, quare neque elementa sunt omnino in rebus; nisi enim orationes in dictiones & dictiones in syllabas, & syllabæ in literas resolverentur, à quibus coagmentatis extiterunt, haudquaquam diceremus literas esse verborum elementa. non igitur sunt alia aliorum elementa, sed fiunt alia ex aliis mutuo, & circulo quodam, vt ex pruno prunum, ex hoc nucleus, ex hoc prunus: & ex semine ouum, ex ouo pullus, ex pullo semen. his argumentis fieri videtur, nulla esse rerum elementa. Nihilominus est quod respondeamus, veram simul de elementis sententiam statuentes. tamen si enim verè dicatur rerum generatio esse circularis, non tolluntur elementa. Non enim fiunt omnia ex omnibus eodem modo: sed quædam ex quibusdam compositione; alia ex aliis resolutione. quis enim non videt lignum ex miscella terræ & aquæ, quam radicibus hausit, esse nutritum, atque ita ex illis effectum, resolui verò ignis vi in aquam, quæ inuisibiliter abit in vaporem, & cinerem terreum qui superest? fit haud dubiè ex ligno cinis resoluendo, quia deponendo quædam; ex terra lignum componendo, quia assumendo quædam. Sed quàm sint res omnes multarum compositione factæ, ipsa resolutio indicat. quotæ enim quæque res sunt, ex quibus non separet ratio distillandi terreas fæces, & partem aqueam, & oleosum quiddam, abeunte interim fumo? haud dubiè igitur sunt rerum ex rebus compositiones, & rerum in res resolutiones. Quapropter cum ex aliis procedatur resoluendo, necesse est esse rerum elementa prima. quia cum posteriorum natura nascatur ex prioribus, si nulla statuerentur prima, sed abiretur resoluendo in infinitum, vt in diuisione continui, non esset vnde inciperet compositio, neque vnde fluere rerum natura, quare neque esset illarum vlla natura. Necesse est igitur ponere aliqua corpora, quorum natura per se insit illis, neque ab aliis emendicata corporibus, illa verò sunt elementa prima: quæ quidem, pura & inalterata, necesse quidem, neque si essent, videri possent: quandoquidem sensibiles omnes qualitates præter primas, à temperamentis fluunt, temperamenta verò mixture constant. Superest igitur vt sint in hac vniuersitate alterata elementa: ea verò sunt, si grandes hæ mundi pattes, terra, mare, & circumstans aer, & qui per alia omnia penetrat ignis, Hæc enim minimam omnium quæ in mundo sunt mixturem habent, & omnium maximè accedunt ad quatuor illas naturas corporeas & simplices, quas actu quidē nullibi, potentia verò in omnibus esse dicimus, neque proinde falsum est, aut tantum hypothesis, esse hæc elementa. Sunt

Distillandi
ratio.

Elementa
prima,

enim reuera, vt dicimus, potētia scilicet, velut re vera est in the-
riaca opium, & casta Neque minus hæc in theriaca essent, etiā si
totum mundi opium esset in eam insumptū, neque alicubi ma-
neret acta: vt nunc in mundum insupra sunt tora, aqua, terra,
aër ignis, vt nihil illorū iam supersit, sed aqua, terrea, aërea, &
igne corpora. Sunt itaque quatuor elementa, quorum naturæ
in his aspectabilibus mundi partibus, terra, inquam, aqua, aëre,
& igne præcipuè se exerunt: atque hæc quidem alterata ele-
menta, sunt re vera actūque in mundo, & conspiciuntur illa, in-
alterata & simplicia, sunt re vera, non tamē actu: atque vt sunt,
ita missione generant. Nimirū alterata hæc, præexistentia actu
commiscetur, & generant: inalterata illa, nunquam præxi-
stunt acta, sed potentia semper sunt, & in ipsa missione & in-
mistiis. Horum quatuor elementorum, duo præcipuè (aqua in-
quam & terra) præstant corporibus crassis, & solidis, vt lapidi-
bus metallis, & arborum atque animalium partibus corporatu-
ram: duo reliqua admiscuntur propter temperiem, & faculta-
tes, & primò quidem omnia necesse est constitierint horū con-
cretionem, posterius verò quædam, vt quæ præstantiora cum sint
reliquis, præstantiorem etiam habent ortum, sunt virtute se-
minali & mutatione, elementorū missione latitante, & in ipso
semine, & in eo quod oritur. Nam ipsa maturatio nihil aliud
facit, quàm perfectiorem, ex imperfectiori, elementorum mi-
stionem. itaque imperfectiora corpora, & quæ neque viuunt, ne-
que vegetantur, eodem penitus modo necesse est à principio
mundi constitierint quo nunc, concretionem quadam elemento-
rum, quadam proportionem coëuntium, quod in lapidibus aperte
conspicimus: qui aqua & terra desuper commistis, & durescen-
tibus, augentur. his verò quæ seminali virtute generantur, ne-
cesse est duplicem tribuere ortum, alium quo constitierint ab
initio; alium, quo nunc oriantur: oriuntur nunc ex semine, ex
quo quidem à principio fieri non potuerunt, cum semina po-
steriora sint natura, & tempore rebus ipsis: siquidem fructus
ipsarum rerum sunt, vt antea super c. i. Geneseos indicatum est.
Igitur cum à principio facta sunt simul omnia, in illa communi
omnium genesi facta sunt ex communibus principiis, hoc est, ex
elementis: posterius verò singula ex propriis principiis, & suo
quodque modo. Igitur homo à principio factus est secundum
corporeā molem ex terra & aqua commistis vt scilicet sit lutū,
atque aded ex limo terræ, hoc est, ex terræ, & aquæ mistura at-
que inde fluimus omnes. illamque naturā nobiscum deferimus.
hanc primam rerum omnium genesim obumbraverunt Poetæ
connubio Pelei & Tethidis, id est, lusi (πηλός enim lutum est)

Elemen-
torum di-
uersitas.

Homo ex
quo pri-
mum.

& aquæ, quibus nuptiis dicebant Deos omnes interfuisse, præter discordiam. Quia scilicet, virtutibus cœlestibus & diuinis coniungentibus, & in concordiam trahentibus elementa, orta sunt omnia. nunc verò nostrum quilibet à parentum genitalibus emulgetur in semine sicut lac, & in vtero coagulatur, sicut caseus. Est verò appositissima & maximè naturalis comparatio. nam conuenit semini cum lacte materia & conditionibus, & generationis modo, & officinis quibus fiunt, & vsu. Vtrunque enim fit ex sanguine, maturatione quadam, alterum in testibus, alterum in vberibus, partibus substantiæ modo valdè similibus, suntque ambo succi albi & crassi. vititur verò natura, altero ad generationem, altero ad recentem genitorum nutritionem. vt alimento scilicet parum euariante ab ipso generationis principio. Ipsum igitur semen verissimè dicitur esse, vt quoddam lac: ipsa verò prima embryonis generatio, coagulatio est, vt casei ex lacte. nam Arist. cap. 21. de generatione animalium ita inquit, *Velut in lactis coagulatione corpus quidem ipsum lac est, succus autem coagulatum quod principium habet coagulandi ita quod à viro in muliere secernitur.* Constat ex dictis quanta proprietate sanctus Iob vtrumque hominum ortum recensuerit, & eum qui primò fuit omnium, & eum qui deinceps est singulorum.

Lac ex quo & quomodo generetur.

CAPVT XLVI.

Cap. 14. Iob ita inquit: *Lignum habet spem, si præcisum fuerit, rursus virascit & rami eius pullulant, si senuerit in terra radix eius, & in puluere emortuus fuerit truncus illius, ad odorem aquæ germinabit, & faciet comam, quasi cum primùm plantatum est: homo verò, cum mortuus fuerit, & nudatus atque consumptus, ubi quæso est?*

Hic deplorans Iob humanæ vitæ conditionē, quæ tam facile pereat, atque cum semel perierit, adeo sit irrecuperabilis, confert hominem cum ligno, dicens, miserabiliorem esse hominis conditionem; quia lignum etiamsi præcisum sit potest rursus reuirescere, atque adeo germinare, & infixū in terra in arborem integram abire, atque adeo in arborem etiam diuersi generis inferi, insitionēque procedere copiosos ramos, & multum fructum, quin etiam si senuerit in terra radix, & truncus eius emarcuerit, mortuusque sit, si summa eius pars, & rami mucio insignatur in terram ad odorem aquæ (hoc metaphoricè dicitur,

Arborum ortus.

hoc

hoc est, si absit aqua, vt ex aqua cum terra mista, alimentum capiat, germinabit, & mucro ille radices proferet in terram, & sursum faciet comam, itaque & nouam integramque arbor-rem. His modis agricolæ & vineas renouant, nimirum insitione, plantatione, & germinatione, vt quius rei rusticæ vel exiguum peritus scit, & Theophrastus docet primo de historia plantarum. Homo verò nihil tale habet, sed quæcumque pars illi abscissa sit, emoritur statim, nullam neque plantationem neque insitionem recipiens, neque omnino vllam habet rationem reuiuiscendi. Iam verò si homo mortuus sit, nulla eius pars viua manere potest, ex qua re virescat vt arbor. In primis hoc explicemus vt habeat, mox naturalem causam apponamus: Homini quidem emori potest pars vna aliqua ante alias, vt digitus, auricula, pudendum, aut etiam pes manus, crus, aut brachium, vt per gangrænâ emoriuntur nonnunquam, aut Esthiomenum; tamen mortuo homine, hoc est corde, quod vitæ radix est, nulla ne minima quidem, neque extrema pars manere potest viua, vt arbori, cui excisa, & exusta penitus radice, manere possunt virentes ramuli, atque mucrones. quibus in terram infixis, arbor renascatur. Verum neque arboris semel siccata & emortua pars, potest amplius vlla ratione reuiuiscere, magis quàm mortuus homo, hæc enim in parte eadem ratio est, marcor enim & confirmata siccitas, in omnibus vegetabilibus est irremediabilis: neque solum non potest semel emortuum lignum secundum eandem partem qua emortuum est, reuiuiscere, sed neque qua parte consenuit, potest (vt ita dicatur) reiuuenescere. habent enim etiam suas ætates, vt animalia quas (mortalia cum sint) necessariò percurrunt, neque datur à posterioribus ad priores retrocedere. Euenit verò aliis partibus senio confectis alias recentiores esse, & aliis emortuis, alias adhuc viuere & germinare, & euulsa arbor potest rursus terra condi & renutriris: nisi verò condatur, sed maneat euulsa, sine spe vlla moriatur, vt & homo si omni alimento destituatur, quia arbor ex terra capit alimentum per radices. Nam & ipse Iob cap. 7. dixerat. *Quasi euulsa arbori abstulit spem meam.* Quæ verba videri alicui possint præscriptæ orationi repugnantia, non sunt tamen quia hic in præciso ligno & radice senescente in terra, spem esse dicit, si ad odorem aquæ rursus plantetur: illic spem negat esse in euulsa arbore, si auulsa persistat, neque rursus terra condatur. nihil euenit tale homini: sed partes omnes consenescent & cōmoriuntur cum præcipuis, neque est ratio semel è vita euulsum transplantandi. Quod, etsi miseræ esse videtur, non est tamen imperfectionis, quia

vnitas

Cor vitæ
radix.Marcor
irreme-
diabilis.

vnitatis & indiuisibilitas in rebus omnibus comes est perfectio-
nis, multitudo & diuisibilitas imperfectionis. Proinde cum
multi sint viuientium gradus, qui perfectione & imperfectione
distinguntur, quod quidque est perfectius, eò partes eius maio-
rem habent vnitatem, minusque viuere possunt nisi in toto:
quare separatae moriuntur, nimirum gubernantur, non singulae
seorsum ac per se, sed omnes ab vno principio: quod quidque
imperfectius, eò minus vnum, sed vt vnita conglutinataque
multitudo, ac proinde partes eò magis separari possunt, ac se-
paratae viuere, & germinare: quod per gradus viuientium fit
manifestum. Plantarum enim partes dissectae viuunt, & quae-
cunque seorsum in terram insigantur, siue in hanc siue in illam
partem viuunt, & germinant, atque hoc inter ipsas plantas,
vilioribus inest plusquam praestantioribus: adeò vt quarundam
rami, in longum defossi, secundum multas partes germinan-
tes, multas producant plantas: nulli hoc contingere potest, eo-
rum quae alimentum, non radicibus, sed ore capiant, tamen eo-
rum vilissima dissecta in multas partes viuunt (vt in reptilibus
videre est) quantum possunt durare sine alimento, quasi partes
accipiant vitam à partibus, sed singulae viuunt per se, aliae
aliis agglutinatae, quae causa & insecta vocantur. Alia sunt his
praestantiora, quae non tantam patiuntur partium sectionem su-
perstite vita, tamen praeciso capite, & extracto corde volutan-
tur, & subsistunt aliquandiu, vt gallinae: grandiora verò ani-
malia (atque minimè omnium homo) cum à principibus mem-
bris accipiant vitam & motum; omnemque gubernationem,
illis praecisis, ne momento quidem temporis viuunt, sed secun-
dum se tota moriuntur, vt ad vnitatem, & perfectionem natu-
rae magis accedentia.

CAPVT XLVII.

CAp. 26. libri Iob: *Qui extendit Aquilonem super vacuum;
& appendit terram super nihilum. Qui ligat aquas in nubi-
bus suis, vt non erumpant pariter deorsum. Qui tenet vultum
solis sui, & extendit super illud nebulam suam. Terminum circun-
dedit aquis, vsque dum finiantur lux & tenebra. Columna coeli
contremiscunt, & pauent ad nutum eius. Infortitudine illius re-
pente maria congregata sunt, & prudentia eius percussit superbum.
Spiritus eius ornavit caelos, & obstetricante manu eius, eductus est
coluber tortuosus.*

Proposuerat in initio capitis Iob, Dei summam potentiam & sapientiam, exprobrans amico suo Baldad, quòd videretur illi patrocinari, quasi imbecilli & imprudenti, his verbis: *Cum adiutor es nunquid imbecillis? & sustentas brachiū eius qui non est fortis? Cui dedisti consilium? forsitan illi qui non habet sapientiam.*

Quasi dicat, Deus tuo patrocinio aut consilio non eget, fortissimus enim est, & sapientissimus. Hanc igitur nunc potentiam & sapientiam Dei celebrat, producens mirabilia eius opera in cœlo & in terra. Quæ, tametsi naturaliter effecta sunt, nihilominus diuinæ virtutis & sapientiæ maxima sunt argumenta, quæ ita mundi partes omnes aptauit, easque illis naturas tribuit, ut mirabiliter constiterint. Miratur primū quòd extenderit Aquilonem super vacuum, hoc est, eam cœli partem quæ spectat ad polum, ac nobis imminet super aerem. Nam nomina ventorum illis etiam mundi plagis tribuuntur, & cœli partibus à quibus flant, velut apud Ezechielem cap. 20. dicitur, *comburetur in ea omni facies ab Austro vsque ad Aquilonem*, hoc est, à Meridionali parte vsque ad Septentrionalem. non enim probo (tametsi id doctissimis videtur interpretibus) Aquilonem vocari hemispherium quod nobis imminet, Austrum alterum quod subistere videtur, ac nos latet, eò quòd polus noster sit Aquilonaris, alterque illis oppositus Austrinus. Nam etsi per ignorationem alterius hemispherij, & putantes nihil illius esse habitabile, ita loquebantur antiqui, & Philosophi & Poætæ, tamen re vera non ita est, sed à polo versus meridiem stat Aquilo, meridiem versus polum Auster. Quare in altero etiam hemispherio perinde fieri censendum est, esse, scilicet ventum nostro Aquiloni respondentem qui à suo polo feratur ad meridiem, suumque Austrum, qui à meridiem ad polum, quapropter Aquilonis nomine non totum hemispherium in sacris, sed Septentrionalis cœli pars significabitur. Quod vel ex Ezechiele constat: cum enim comminaretur terræ Israel, quæ haud dubiè vtrumque hemispheriū non attingebat, dixit, *Comburetur in ea omni facies ab Austro vsque ad Aquilonem*, non certè intelligens à polo ad polum, sed à Meridionali eius parte ad Septentrionalem vsque, igitur si hoc loco Aquilo cœli partem vllam significat, non aliā certè quàm Septentrionalem, ac per synecdochen totum cœlum. Significat etiam nomen Aquilo cœli partē cap. 1. Ecclesiastici, vbi de Sole dicitur, *gyrat per meridiem, & flectitur ad Aquilonem*. miratur itaque cœlum extentum esse super aerem. Vocari enim vulgò, quod solo aere plenum est vacuum, eò quòd solidiori corpore plenum non sit, Aristot. etiam annotauit c. 6. de Physica doctrina.

v. Aquilo.

v. Auster.

Vacuum
vulgo
quid.

Mir.

Miratur quoque appensam esse terram super nihilum, hoc est, ita locatam, ut cum nulli alteri corpori innitatur, sed in medio sit aëris quasi pendens, neque in hanc neque in illam partem inclinet. Itaque miratur, quod duæ hæ mundi partes, quæ solitudinis sunt, terra inquam & cælum coriū enim solidissimum esse, quasi ex aëre constet. **posterius dicetur**) firmæ in suis locis maneant non coherentes, sed distitæ interstitio aëre tenuissimo. Hæ autem admirationes naturaliter subrepunt omnibus qui Philosophiæ student, atque adeo hæ & huiusmodi aliæ dubitationes initiū dedere Philosophiæ, quin potius earū dilatio ipsa naturalis Philosophia est. Arist. cap. 13. secundi de Cælo inquit irrationalis esse & amentis non mirari cur tota terræ moles in medio aëris quiescat, cum vel exigua eius particula, si eleuata dimittatur, ruat, neq; verò dubitatio adeo est leuis, quin fuerint de ea re multæ variæq; sententiæ veterū, ut Xenophanis, & Empedoclis, Thaletis, Anaximenis, Anaxagoræ & Democriti quas illic ipse narrat & refutat. De cælo quoque cur non ruat, cum nullo sustentetur corpore solido, sed extensū sit super vacuum, multæ veterum narrantur opiniones c. 1. secūdi de Cælo. quas omnes ego, utpote illis locis satis vocatas in examē, & ab Aristotele ipso, & à me in cōmentariis nunc præteribo, breui dicens, causam dictarum dubitationum esse, quod terra non est aliter nata noueri quam ad mediū, neq; cælum quam circulo, quapropter neque terra, vndeunque in illud ferretur, posset mūdi centrū præterire. neque in illo semel firmata, potest inde exire (ita firmavit Deus orbē terræ, *qui non commouebitur*, ut dicitur in Psalmo) neque cœiū vllam aliam in partem uittur, sed suo tantū loco volutatur. Vulgus verò imaginatur, illud, ut soliditate est plusquam adamantinum, ita esse & natura quasi argenteum, aut lapideum. Re vera autem illud est omnis & leuitatis & ponderis expertus, circulo solū natū ferri, cuius circuitionis finalis causa est in mūdi totius indigentia, effectrix verò, in ipsius natura. Mirabilis verò Dei sapientia & virtus, eas singulis mundi partibus naturas tribuens, quibus maximè totius vñbus seruire possint. Addit. *Qui ligat aquas in nubibus suis, ut non erumpant pariter deorsum.* Admiratione etiā videtur dignum, aquā, cum pluit, in guttulas dispersā, adeo æqualiter decidere, & latè parentem terræ faciē irrigare, ac non potius totā conferim cadentē obruere, aut inæqualiter aliā partē aridā relinquere, in aliā corrigare. Mirū itaq; est, quā aptè quāq; ex ipsarū rerū vsu pluuiæ fiant, ut videtur Deus ligatas habere aquas nubibus, neque dimittere eas nisi ut expedit, nimirū guttatim, quasi per cribrum, aut irrigatorium vas percolatas. hoc celebrat

Mundi
firmitas.

sanctus

Pluuiarū
confide-
ratie.

sanctus Iob, dicens, *Qui ligat aquas in nubibus suis, vt non erumpant pariter deorsum.* Quæ autem sit naturalis, ac necessaria eius euentus causa, dicendum est. Nam, vt sæpe iam diximus, Deus quæ fieri expedit facit per naturales causas, atque cū in sacris eloquiis dicitur iubere aliquid, aut legem ponere, aut nunc alligare aquas nubibus, atque alibi concludere mare aut arena cingere, aut huiusmodi alia, quæ voluntatem Dei significant, significatur certè Deum talia voluisse boni gratia, ac fecisse quidem: id verò non prohibet, quominus per naturales ac necessarias causas fecerit, quin potius, illud velle, iubere, ac legem ponere, atque aquas alligare & mare coercere, nihil aliud est quàm eas rebus naturas tribuere, vt quæ fieri expedit, fiant, atque hoc quidem ita habet semper, præterquàm vbi agitur de mundi creatione. Ea enim cū nondum esset natura, solius diuinæ virtutis opus fuit. Neque sanè quod dicimus, Dei laudibus quidpiam detrahit. Si enim non aliter quàm sua voluntate faceret, vt aqua guttatim descenderet, & mare sese intra suos carceres contineret, laudaretur eius potentia, nunc verò laudatur & sapientia; fitque hinc, vt quæ circa Deum habetur pietas, nullatenus eleuet studium Philosophiæ; quin e-
tius, vt ego existimo, augeat quamplurimum, & promoueat.

Quomodo
pluuiæ di-
stillent.

Quæ igitur stillarum pluuiæ causa sit, dicamus, vt dicitur c. i. Prouerbiorum, *nubes rore concrescunt.* Quod quidem nihil aliud est, quàm eandem esse materiam roris & pluuiæ, putà vaporem, atque rorem fieri concretione vaporum circa terram manentium, vt pluuiā concretione nubium, quæ quidem sunt vapores qui altiùs efferuntur. Itaque pluuiā fit vaporibus concrescen-
tibus atque concretione abeuntibus in aquam, vbi semel facta aqua sit, ferri super aere non potest; cū illo adeò crassior sit: necesse est igitur vt mox ac concrescit, cadat. Non potest autem nobis simul concrescere tota, sed necesse est à minimis partibus incipientem concretionem, ad maiores & ad totius commutationem procedere: neque igitur spectare potest donec cadat tota, sed necesse est, concretas à nondum concretis particulis decidi, ac seorsum cadere. Quod verò non possit secundum se totam simul & æqualiter concrescere nubis, euidentis causa est. Nam siue alterationem eam censeas fieri ab aere, vt Stoici, qui ponebant aerem esse primum frigidum, siue ex accidenti per antiperistasis, vt Aristoteles, fieri non potest, vt vel exigua eius quod patitur pars æqualiter admoda sit agenti: constat verò ex admotione agentis ad id quod patitur nasci citiorem aut tardiorem commutationem, dicens, nunc fieri, vt guttulæ momentaneæ magnitudinis esse non possint

possint, sed quibuscunque debeant esse minores, quia quantula-
 scunque indices, concretæ fuerint earum medietates ante
 totas, quare & deciderint; cum ergo nullæ sint moles indiuisi-
 biles, fiet ut ne pluere quidem possit omnino, propter infinitam
 continui diuisionem. Concedimus nullam in nubis commuta-
 tione, quæ concretionem agitur, esse primam aquæ partem, an-
 tequam scilicet non fuerit pars alia minor, velut, & cum ad
 extremitatem admotæ flamma ignis serpit per stupam. Verum
 non decidunt decissæ à nube, nisi cuiusdam magnitudinis
 guttæ: quia antequam illis minores decendantur, anticipant
 aliæ particulæ generari, accidentesque prioribus, conflant cum
 illis guttas, Nimirum & decissio, & ipsa per partes generatio
 tempore quodam aguntur. quantum ergo aquæ generari po-
 test, antequam genita portiuncula decissa cadat, tantum acce-
 dit guttularum magnitudini. Hinc fit meritò, ut quantò cele-
 riùs agitur nubis in aquam commutatio, tantò cadant maiores
 guttæ. Quapropter aliquando cadunt minutulæ guttæ, ali-
 quando copiosi imbres. Itaque naturalis causa distributionis
 pluuiæ in guttas, æqualisque illius, atque fecunditati terræ
 commodatissimæ irrigationi, est nubis paulatim procedens
 concretio. Considerans hunc motum & huiusmodi alios, qui
 scilicet aguntur, eò quod res aliquæ mutationem propriæ sub-
 stantiæ recipientes, factæ sint crassiores, aut etiam tenuiores
 solito (crassatæ enim descendunt ut pluuiæ, extenuatæ ascen-
 dunt ut vapores) dixit Arist. 3. de Physica doctrina grauiæ &
 leuiæ moueri à generante, aut à remouente prohibens, à gene-
 rante, ut pluuiæ, ab eo quod densat vapores, à remouente pro-
 hibens, ut cadit tegula detractò fulcro. Nimirum, quia quod
 inanime est, non potest motum suum inchoare per sese, ac sine
 opera externi alicuius, externa illa dicit esse quæ mouent, quia
 sunt à quibus incipit motus. Moueri verò possunt inanima, aut
 ut grauiæ aut leuiæ, aut ut corpora quædam moueri possunt ab
 impellente, ut à neruo balistæ, aut à trahente, ut ab hamo, aut à
 vehente, ut à iumento, aut à voluente, ut à vento, aut rota, ut
 grauiæ verò, aut leuiæ, non possunt in motum agi antequam quie-
 scentia; aliter quàm à remouente prohibens, ut tegula à de-
 trahente fulcrum, aut à generante, ut pluuiæ à frigido quod
 densat. Quod non intelligentes multi, alioqui doctissimi Arist.
 interpretes, venerunt in ridiculam sententiam, omnia grauiæ
 & leuiæ moueri semper ab eo à quo genita sunt. Itaque vim &
 efficaciam mouendi ea corpora, esse in illo quod plerunque
 nusquam est. Sed quoniam ea mihi alibi refutata satis est, ne-
 que nunc nisi obiter, ob pluuiæ casum eius contigit memi-
 nisse,

Inanima-
 torū mo-
 tus.

nille, procedamus : *Qui tenet* (inquit) *vultum solij sui, & extendit super illud nebulam suam*, hoc est, qui cœlum operit nebula, quominus videri possit. David quoque in Psalmis laudi Deo dat, quod extendit nebulam per aerem mirabili quodam modo. Nam Psalmo 147. ita cecinit : *Qui dat nivem sicut lanā, nebulam sicut cinerem spargit*. Spargens nimirum nebulam sicut cinerem, operit vultum solij sui, tenetque quominus videatur. Nubes & nebulae, eadem res esse videtur, hoc solum differens, quod nubes effertur in mediam aeris regionem, quæ quia neque vicina Soli est, ut suprema, neque reflexis à terra radiis potitur, ut ima, frigidior illis est, & ad aquæ generum, hoc est pluviae, nivis & grandinis generationem accommodatior, nebula circa terram constituit. Quapropter ut quidam fumus, cœli aspectum prohibet in aquas verò non concrevit, quin potius serenitas, magis quam pluviae nota est, quia est, ut Arist. inquit, velut nubes sterilis. Sterilitatis causam esse dicit Arist. quia est velut excrementum coactionis nubis. Quare ut excrementum sanguinis nutriti non potest, ut ille, ita neque nebula aquam gignere ut nubes. Verum hoc expositione indiget. Excrementum propriè est, quod secernitur per concoctionem, ut inutile; nubis verò non est concoctio, sed concretio. At verò analogia dicitur excrementum nubis quod secernitur ex nubibus, quasi concrevere non potens, & mutari in aquam. Itaque ex Arist. sententia, nebula ex ea nubis parte, quæ quia mutari in aquam idonea non erat, excreta est, constat. Non explicat autem Arist. (quamquàm id profectò expediebat quamplurimum) cur ea pars idonea non esset in aquam abire. Quod magnam dissidij occasionem eius interpretibus præstitit, asserentibus aliis ob tenuitatem, aliis ob crassitiem esse talem. Mihi dicendum erit quod est verisimile. Nam monstratione hic locus non admittit. Si nebula excernitur ex nubibus, verisimilius est, crassiorè esse earum partem, quàm tenuiorem, quia si esset tenuior, excerneretur sursum, excernitur verò deorsum, ad terram usque pulsa. Prætereà si esset tenuior reliqua quæ in aquam mutatur, in aeris aut ignis naturam inclinaret. Ob aeream verò naturam non esset inepta abire in aquam, siquidem communis omnium est consensus ac peculiariter Arist. in eodem cap. primi Meteor. mutatione aeris in aquam fieri nubem : igneam si haberet, haud esset adeò frigida, ut certè est, sed fulgurum & cometarum materia, ut reliqua exhalatio. Superest igitur ut inclinet in terram, eamque minimè exustam ut quæ vocatur exhalatio estque ut fumus ystæ terræ. Nimirum cum vapores ex aqua cum terra mista eleventur, fieri non potest quin aliquid se-

cum

Nubis &
nebulæ
differen-
tia.

Excremē-
tum quid
sit.

cum efferant terreum, id, ob diuersum substantiæ modum non
 facile abire in aquam, neque sanè per concretionem abire po-
 test, cum terra quàm aqua concretior substantia sit. Proinde
 deorsum humidis vaporum partibus concreſcentibus, terreæ &
 tenues (vt ad reliquam ſcilicet terram) ſecretæ descendunt, vo-
 lutanturque circa terram, vſque dum vi Solis diſſipatæ fugan-
 tur. Quod Hippocrates quoque libro de aëre, locis & aquis re-
 ſtatur. Hæ igitur pluuiis ſuccedentes meritò ſuccedentes indi-
 cant futuram, quia & diſſolutas iam eſſe nubes in pluuiã & ne-
 bulam. Euenit verò nonnunquam vt nulli præcedentibus plu-
 uiiſ fiant. Quæ, ſiquidem ſint quæ propriè vocantur nebulae.
 Græcis *ομίχλας* ac non potius tenues quædã nubes, tunc quo-
 que ſiccioris temporis, & impluij ſunt notæ: quia inutile eſſe,
 & infœcundum indicant, totum quod euaporat ex terra. Si-
 quidem tale eſt quod effumat ex ipſa, quale quod ſolet ex nu-
 bibus excerni. Sunt quidem aliæ calignes potiùs quàm nebulae Calignes
 vocatæ Græcis *ἀρχαὶ*. Quæ ob nubes multas & tenues ſunt, aqua.
 quæ quidẽ pluuiam ſolent præmoſtrare illæ verò, vt dixi, pro-
 priè vocatæ nebulae non ſunt. Hæ enim ſunt quales diximus.
 Inde conſtat, quanta cum proprietate dictum in Pſalmo ſit:
Nebulam ſicut cinerem ſpargit, Nimirum illud ſpectare po-
 teſt, & ad ſimilitudinem ſparſi cineris quam præ ſe fert, & ad natu-
 ram, ſiquidem vt terreus quidam puluis eſt, ac excrementum
 terreum, vt cinis. Neque quidem hiſ obſtat, ſolere ex flumini-
 bus, & hyberno maximè tempore nebulas naſci. Nam vt ex
 nubibus, ita etiam ex fluuijalibus aquis excerni illud nebulo-
 ſũ po-
 teſt, & quod purioris vaporis, ac tenuioris inde naſcitur,
 euolat ruruſ, latam in nubium regionem, quod verò craſ-
 ſius, & impurius, conſiſtit inferiùs, volitans circa ipſa flumina.
 Atque quoniam per hyemem omnia concreta ſunt, neque fa-
 cile ob frigus ſecernuntur quæ ſunt diuerſa, excrementoſus
 vapor magna ex parte exhalat, qui nebula ſit: per æſtatem verò
 tenuior ac limpidior eleuatur vapor, qui aut concretus in re-
 gione media ſit pluuiã, aut antequam illam attingat extenua-
 tus in aere mutatur. Itaque nebulam ſpargit Deus, vt quendam
 cineris pollinem tenuiſſimum, extendenſque nebulam operis
 vultum ſolij ſui, ſed de nebulis ſatis. Descendens ad mare, ad-
 dit Iob: *Terminum circundedit aquis, vſque dum ſiniantur lux &*
tenebra. Maximum argumentum mirabilis Dei potentiæ, atque
 omni nõ facultatis alicuius præſtantioris, quàm ſit ea quæ vo-
 catur natura, ad quam Philoſophi referunt omnia, quod cum
 videamus ita eſſe natura cõparatum, vt vbi duo craſſitie diuer-
 ſa corpora congregiuntur, tenuius emergat in ſublime, craſſius
ſubſideat

subsideat feraturque in profundum, terra tamen tota non submergatur in mare, factum verò id à Deo est, quia nisi terræ facies appareret, haud esset animalium perfectissimorum generationis locus, qua vero ratione id fecerit, explicuimus in expositione cap. primi Geneseos, vbi Deus dixit, *Congregentur aquae omnes in locum unum*. Cuius præcepto, vt hîc dicitur, repente maria congregata sunt, tanta est eius fortitudo. Non quidem vt Anaximenes, & Arist. censent. Sol, absumens locis quibusdam aquas, facit terræ superficiem apparere. Nam haudquaquam sub polis, & in partibus mundi frigidissimis, esse possent amplissimæ terræ partes, detectæ & habitabiles, quales Septentrionales esse scimus latissimè patente Oceano inter tropicos, & sub ipso Sole. non igitur, quod aliæ partes sub aqua latent, aliæ detectæ sunt, in Solis calorem referri debet, sed in terræ structuram, quam ipsi dedit Deus à principio. Nimirum est rotunda, & in medio mundi posita, maximis verò partibus excavata, & anfractuosa, qua omnes cavitates replente aqua, fit ex vtrisque, terra inquam & aqua, globus vnicus, cuius centrum, & aqua & terræ, & mundi totius, idem est: constat verò necesse esse, vt ad centrum terra sit plusquam adamantina. talem igitur terram efficiens, conclusit Deus in terræ foveis aquas, quæ alioqui essent totam submersuræ, atque ipsa est terminus quem circundedit aqua. atqui, etsi ita ad sese terra, & aqua positæ sunt, dicitur verius terra continere aquam ac cohibere, quàm aqua terram: quia quod siccum est, facilè continetur termino proprio, humidum verò non nisi alieno. non tamen proinde violenter est aqua ita locata (nihil enim violentum simul & naturale) quia neque quidpiam crassius illi innatat, neque illa imminet vlli corpori tenuiori. Quoniam autem hæc non aliorum ita machinatus est Deus, quàm vt in terræ facie agi possent generationes (alioqui enim fecisset totam secundum se compactam & vnitam terram, & sine vllis cavitatibus) constat duratura solùm quandiu durabunt ortus & interitus rerum. Hi verò durabunt quandiu Sol circulo feretur, ac sua circulari latione successiuam hanc vicissitudinem faciet. lucis & tenebratum, hoc est dierum & noctium. Circundata erit ergo aqua dictis carceribus, vsque dum finiantur lux & tenebræ. cessantibus simul, cœli motu & rerum generationibus. Tunc verò vnita atque congregata (vt par erat) tota terra vbiicumque constans per se globum, in aqua submergetur. Quod dicitur, *Columna cœli contremiscunt & pauent ad nutum eius.* & rursus, *Prudentia eius percussit superbum,* ad Angelos bonos & malos pertinet, haudquaquã ad res vllas naturales.

Terra cur
partim la-
tea, par-
tim dete-
cta.

turales. Illa quoque verba quæ dictis succedunt: *Spiritus eius ornavit cælos, & obstetricare manū eius, eductus est coluber tortuosus,* referunt plerique ad bonos spiritus & Satan. Mihi verò videntur pertinere posse ad opus quarti diei, ad creationem stellarum inquam. Nimirum ornatus cæli vocatur c. i. Genes. illa innumerable multitudo stellarum Coluber verò tortuosus mihi sonat per periphrasim, magnum illum latumque cæli circulum obliquè positum in sphaera, per quem semper feruntur planetæ, qui vocatur Zodiacus. Viderur enim ille positionis gratia volui in sphaera, ut conuolutum colubrum; non transigunt quidem leviter Philosophi stellarum, naturam, & substantiam. Mihi verò diceretur de ea paulò post, ubi & de substantia cæli.

CAPUT XLVIII.

CAp. 28. Iob: *Qui fecit ventis pondus, & aquas appendit in mensura.* Dictum iam antea est, non semel celebratissimum esse in sacris, non sine magna Dei sapientia effectum esse, ut aqua non obruat terram totam, atque sub se mergat, nullo ita usus futurum ad generationem animalium: hoc idem hinc Iob insinuat dicens, *& aquas appendit in mensura:* quasi dicat aquam certa quadam dedit mensura, ne si magis abundaret, ruptis fontibus regurgitaret super terram, ut in tempore Noë, & eam aquæ mensuram ita ad terræ molem aptavit, atque ita appendit, & libavit, ut naturaliter decurrens quo sua eam natura fert, & quam amat partium æqualitas, terram non occuparet. Nunc addit aliud Iob dicens. *Qui fecit ventis pondus.* Nimirum ut miratur, quod aqua non redundet super terram totam, ita etiam quod venti non ferantur sursum per totum aërem, sed quasi quodam pondere depressi ferantur circumcirca terram. Cuius rei naturalis causa poscit, ut de pondere, & leuitate differamus, quid utrumque sit. Vbi enim hoc fuerit indicatum, facile ea innotescet. Communis Philosophorum sententia est, ut calor, frigus, humor, & siccitas, sunt qualitates activæ elementorum, ita pondus & leuitatem esse motivas, pondusque seu gravitatem esse virtutem eundi in medium, leuitatem à medio. Itaque ut ignis virtute quadam, quam calorem dicimus, calefacit, ac commutat accedentem quancunque materiam, ita leuitate moveri sursum: aquam ut frigore refrigerat, ita pondere ire in medium. Atque ut calor & frigus primò sunt elementum, deinde & concretorum corporum, ita pondus & leuitatem. Mihi verò nunquam visum est ita,

Terra sub
mergenda
tota.

De gravitate & leuitate.

Locorum
naturalis
ordo.

sed corpus quodcumque per sese, ac sine vlla qualitate, abire in eum locum quem naturalis ordo poscit. Naturalis vero ordo est, vt crassa sint sub tenuibus. Velut igitur aqua frigida rem accedentem frigore refrigerat, seipsam verò vbi calefacta est, non alio refrigerat frigore (alioqui esset in ea duplex frigus, & vt ita dixerim, frigus frigoris) sed suapte natura, ac sine vlllo instrumento redit eò, vnde violenter extracta est ab externa causa, ita quæcunque res vim habet mouendi aliam loco non per accidens qualitate quapiam, quæ facultas est ita efficiendi, id facit, vt magnes ferrum mouet; quæ verò seipsa mouent, neque per rem vllam extra se, nisi per accidens, vt quæ dicuntur graua & leuia, ea, præter naturam propriam, nulla qualitate indigent, vt ita ferantur: redeunt enim in id quod sua natura amat, vt aqua frigescent. Quare opus non est, vt apponatur vis vlla alia, sed solum vt remoueat quod prohibebat. Itaque opus non est, pondus & leuitatem vt qualitates quasdam rerum statuere, neque putare eas aliud quidpiam esse, quàm crassitiem & tenuitatem; sed ita censere rem quamcunque cùm rectè locata est ad res proximas, quiescere, cùm malet moueri, siue sursum, siue deorsum, vt res exigit quo naturæ suæ congruentem ordinem consequatur. Id verò ita esse in physicis commentationibus indicauimus. Nunc verò etiam hoc adiiciemus argumentum. Si grauitas & leuitas quædam contrariæ qualitates rerum essent, inessent quidem singulis secundum certos gradus: vt que est res primo, aut secundo, denique certo quodam gradu candida aut nigra, ita esset grauis, aut leuis. Itaque esset res quædam pendens libram, alia vnciam, alia drachmam: at vero non est hoc vlla in re verum simpliciter, sed ad aliquid, hoc est ad medium. Si enim suspendis in bilance substantiarum diuersarum, auri exempli gratia & argenti æquale pondus, mutato medio mutatur pondus. Nam si in aquam immittas bilancem, fit vt quod substantia est crassius, detrahatur quod tenuius, etiam si in aëre neutrum alterum detraheret. Nec mirum, vt monstrat Archimedes, licetque cuius experiri, aqua detrahatur ponderi, quantum aqua quam res excludit ex vase pendet. Atque cùm crassiora minori quantitate ponderent æquale, fit vt minus aquæ excludant, & ita ad proportionem amittant minus sui ponderis. Igitur fieri potest, vt quod in aëre pendebat æquale, nulla alia mutatione facta quàm medijs, pendat minus atque etiam quod pendebat antea plus. Atque profecto eadem ratione fit, vt ipsius etiam aeris mutatio in serenum aut turbidum, nulla re adiecta aut detracta lanci, immutetur pōdera. Nulla igitur res certa est pondus, sed impetus internus maior aut minor, vt maior

aut

aut minor est rei cuiusque deordinatio, non enim res vlla sit dulcior aut acrior, cãdidior aut nigrior, calidior aut frigidior, vtcunque res aliã omnes mutantur, ipsa nullatenus mutata. Ipsum igitur pondus aut lenitas non est absolutum quidpiam, sed ad aliquid, vt ipsum ordinatum aut inordinatum esse. Fecit igitur Deus rei cuique pondus, vt crassitiem, neque aliud est dedisse pondus, quã naturalem appetitum substãdi tenuioribus. Hocque in omnibus substantiis perinde euenit. Quare quodcunque corpus est altero crassius, est & grauius illo. Ventorum materia fumus est, seu exhalatio, vt videtur Aristoteli, qui turbido, & vaporibus pleno aere sit tenuior, limpidus verò & puro crassior: quare ex terra in primam hanc regionem quã vsque ad nubium locum pertingit, naturaliter effertur, à superiori verò limpidioris aeris regione, suo ipsius pondere retrahitur, ac cùm neque descẽdere per crassiorem, neque ascendere per tenuiorem aerem possit, neque loco capiatur, sit vt feratur in latera, feratque secum vndatim, & aerem & nubes. Fecit itaque Deus ventis pondus, neque minor est crassitiei & tenuitatis, ac proinde & ponderis & leuitatis differentia (etsi id minùs conspicuum sit) in spiritalibus, quã in aqueis, & in duris corporibus.

Terra &
aqua cõ-
sideratio.

CAPVT XLIX.

CAp. 18. Iob: Habet argumentum venarum suarum principia, & auro locus est in quo conflatur. Ferrum de terra tollitur, & lapis solutus calore, in æs vertitur. rursus cap. 37. Ab Aquilone aurum venit. cap. 19 Quis mihi tribuat, vt scribantur sermones mei? Quis mihi det vt exarentur in libro stylo ferreo, & plumbi lamina?

In quinque hæc genera, quorum mentio in hoc libro fit, De metallis. reducuntur metalla omnia, aurum, argentum, æs, siue cuprum, ferrum, & plumbum. Nam stannum, & impositum & politum est plumbi species, plumbum scilicet album; electrum (quod multi inter metalla ponunt, & Ioui dicant) reuera est mistura auri & argenti. Aurichalcum, quod Hispanè Acofor, & Alton, etsi videatur Plinius capite 2. lib. 34. censere esse peculiarem metalli speciem, & seorsum reperiri: reuera tamen est æs mixtura quarundam rerum tinctum. Chalybs est ferrum defæcatur arte. Præter hæc nullum esse videtur Nam Cadmia, Pompholix, Spodium, Antispodium, Tutia, & Stibiũ, metallica medicamenta sunt potiùs quã metalla, vt & alia multa; metalla multa.

Metallorum genera. De mineralibus multa.

verò ea solum, quorum mentionem hîc reperimus, & in aliis sacrae Scripturae locis. De re metallica multi scripserunt, veterum & recentium, chymicè tamen magis quàm physicè. Nam inueniendi & fundendi rationem docentis, eorum naturam, neque communem omnium, neque singulorum propriam persequuti sunt: tamen enim attigerunt nonnulli, ita tamen ut desiderentur plura. Plato in dialogo de Natura, & Arist. in calce tertij Meteoron, de metallorum natura egerunt melius multò, quàm omnes qui illos sequuti sunt, quia etsi perpauca dicit de ea re uterque; omnium verò quæ dici possunt de ea re, fundamenta iecerunt certissima. Amborum est eadem sententia, Metalla esse aquæ genera, concreta frigore, seu concretionem generata. Quod non ita accipiendum est, quasi non sint mista & elementis omnibus participant, sed quod sint ad æquam præcipuè pertinentia, plus, aut minus, ut singulorum est natura: cognoscitur verò communis metallorum omnium natura, ex iis passionibus quæ communes omnibus sunt, cuiusque propria, ex passionibus singulorum. Quia enim metalla omnia liquabilia sunt vi caloris, constat frigore esse concreta, cum necesse sit contrariorum contrarias esse causas, & quæ calore solvuntur, frigore esse concreta, quod vel sensu ipso deprehenditur. liquatum enim, siue aurum, siue argentum, siue plumbum, amoto igne concrevit rursus, detracto scilicet calore, caloris autem privatio frigus est. Hinc etiam fit, ut ad aquam potius pertineant, quàm ad terram, aquam enim congelat frigus & solvit calor; terram verò calor durat, & aqua dissolvit. Esse itaque metalla omnia aquea, & concretionem generari, ex his constat, non tamen ut glacies, cuius concretio non finitur in aliam formam, & est nihil aliud, quàm aquæ aliqui inalteratæ concretio Metalla enim, præterquàm quòd liquabilia sunt, sunt etiam compressilia, & tractilia, quorum neutrum glaci accidit: quia aquæ partes friabiles sunt, & nullo participant lentore, quo ut citra fusuram comprimantur, aut trahantur in modum massæ, partes indigent. Non itaque metalla sunt simpliciter concretæ aquæ, sed aquæ genera, id est, aquæ modo quodam alteratæ, factæ scilicet, tales, ut cum concretionem retineant substantiæ modum, quo comprimi possint, & trahi, quod idem est ac si dicas, metalla esse corpora concreta; pertinentia præcipuè ad aquam. liquabilia. compressilia, & tractilia. Compressilitas, & tractilitas, passionem sunt quæ ex lentore nascuntur, lenta enim comprimuntur (nisi actu sunt liquida) & trahuntur: lentor verò nascitur ex magna humidi cum sicco permissione. Nam & massam ex aqua & farina, & quæcunque medi

Metalla
quid.

medicamenta emplastica, plurimum versando, ac miscendo reddimus lenta, & eam habemus notam magnæ mistionis, quod lenta sunt, quia seorsum existentia humidum & siccum facilem partium à partibus separationem faciunt, quam vocamus friabilitatem, passionem contrariam lentori. Permistionem itaque habet humiditas metallica sicci non multi (præualet enim aqua) sed magnam, tametsi differunt alia ab aliis & mistionis perfectione, & sicci quantitate, ut sunt nobiliora aut viliora. Ea siccitatis permistio magna, præbet illis ut liquata & fusa non madescent res, per quas diffuunt, neque imbibantur ut aqua. Nam & emplastris euenit, ut cum lentorem cum quadam soliditate comparauerint, tractata, manus non coinquinent. Nimirum coercet humiditatem valde permista siccitas. Metallorum itaque omnium, quæ in quinque genera redigimus, hæc est natura, quam dictæ nobis indicant passionēs, quibus dissident ab aliis subterraneis, ut à terræ generibus & à lapidibus, lapides enim frangi ac comminui, ac illorum nonnulli findi possunt, non tamen liquari, comprimi, aut trahi in longum. Vnde constat aliam esse lapidum gemmarumque generationem, & naturam; à metallicis longè dissidentem: lapidumque substantiam pertinere ad terram, & concretionem habere ab utroque, à calore scilicet siccante, & à frigore constringente, ut fictile. Siquidem neque dissoluuntur liquati à calore, neque dissoluti ab aqua. Atqui hanc esse vulgarium lapidum naturam & substantiam, satis est manifestum. De fulgentium ac pretiosorum lapidum, seu potius gemmarum natura, dubitare cogit fulgor, & transparentia, an terra sit: videtur enim terra opaca admodum esse, atque tantæ pulchritudini obstare. Quapropter multi illas cælestis ignis participes esse censent (vnde sine euidenti calore fulgorem recipiant) & cælestis aquæ, vnde Crystallinam diaphanitatem recipiant, sine liquabilitate. Verum hæc Platonici audient libenter, Aristotelici minimè, sed quia ad institutum præsens non faciunt, redeo ad metalla. Dictum est ea omnia à lapidibus & terræ generibus differre quòd admoto igne liquari possint, & ex hac ipsa passione agnosci eorum generationem esse concretionem à frigore. Videntur ergo illa loqui verba, *Et lapis solutus calore in æs vertitur*: & naturæ lapidum, & generationi metallorum repugnare. Quia neque lapis potest liquari, neque æs generatur calore. Certè metallorum omnium generatio est, ut diximus: verba illa non tam continent naturalem æris ortum, quàm chymicum, quod ipsa res palam facit. Metalla omnia generantur (ut ego existimo) sub terra, atque illæ ipsæ aureæ arenulæ

De lapidibus.

De generis.

Ganges,
Tagus
aurifer.

quæ in fluminibus inueniuntur, vt in Gange, aut Tago, de montibus decisæ sunt quos raptim præterfluentes lambunt. Atque si quæ auri genera in montibus reperiuntur, non quidem supra ipsam terræ faciem genita, sed tempore detecta sunt. Experimento enim constat ea extrahi de terræ visceribus, atque aded profundissimis fodinis. Rarissimè reperitur quodpiam metallum purum, ac citra vllam artem perfectum, sed confusa alia cum aliis, ac cum lapidibus, & quibusdam terræ generibus vnde vt ignis in fornacibus distillat quodcumque seorsum relictis lapidibus, & terra, quæ res aded est nota, vt hinc nomen nacta sint, vocenturque metalla *μέταλλα*, quasi *μετ' ἄλλα γερσυνδία*, hoc est, iuxta alia genita: adnascuntur enim alia aliis, aut aurum argento, & hoc plumbo ac nonnunquam æri, ac ferro. Concresecunt circa lapides nonnunquā quidē pretiosos, aut aurum circa Adamantē, ac crebrius circa lapidem Lazuli, crebrius, multo circa alios viliores lapides. Illæ igitur fodinæ in quibus generantur metalla, aliquando altissimè ac longissimè decurrunt, & vocantur metallorum venæ: quæ quidem principia quædam habent & fines, atque in ipsa terræ facie qua sunt venarum principia notas quasdam naturales, eius rei peritis cognitæ, quibus in illis inuestigandis vtuntur. Significanter verò dictum est, Argentum habet venarum principia, & auro locus est in quo conflatur, quia multò magis videtur argentum in venis gigni quàm aurum, illud enim vno ductu continuatum reperitur à venæ principio, hoc autem non nisi frustratim & minutatim. Est verò eadem generationis materia metallis sub terra, & meteorologicis in aëre. Nimirum hæc generantur ex vaporibus, & exhalationibus sursum latis; illa ex his eisdem intra terram cohibitis ac iuxta lapides, aut eiusmodi alia concrecentibus, ac concretionem firmissima, & paulatim facta, mutatis in substantias aded solidas. Neque mirum, densati enim vapores in aquam abeunt, & exhalationes in exustam terram, quibus plurimum permixtis, ita tamen vt aqua vincat, quæ frigore concresecens terram cohibeat, metalla generantur. Hinc meritò fit, vt chymistæ, ad imitandam generationem metallorum, argento viuo, & sulfure vtantur: illud enim plurimum habet vaporosæ naturæ, hoc fumosæ, qualis exhalationum est. Hinc etiam nascitur corrosiua illa qualitas, quæ cum quadam adstrictione coniuncta est in plerisque metallis. Nimirum non constant simplici ac inalterata terra sed exusta, in qualem densata exhalatio abit. Atqui vt verum vero consonet, & meteorologica eiusmodi habent qualitates, & nix abradit intestina, & pluuiæ aqua vtimur ad eadem, ad quæ chalybeata, ad

siccant

Metallo-
rum ve-
næ.

Chymistæ.

ficcandum scilicet, & attergendum ventrem & viscera. Metal-
 lorum ergo in commune hæc est natura; singulorum verò pro-
 priam oportet dicere *Æs*, plumbum & ferrum, terræ habent Metallo-
rū mistio.
 plus quàm aurum & argentum, quod ærugo & scoria indicant,
 quæ maximè redundant in ære & ferro, & pondus plumbi,
 quod multæ terræ est. Aurum & argentum aquæ, sunt genus,
 excoctum, ac perfectionem magnam adeptum, & optimam
 misionem. Duo accidentia videntur repugnare dictis, facilis
 liquabilitas plumbi, quæ aquæ magis quàm terræ esse videtur,
 & auri pondus, quod videtur esse terræ. Nam cùm aqua quam
 terra sit leuior; quod terræ habet minùs, videtur futurum mi-
 nùs graue. Sed liquabilitas plumbi non nascitur ex pauciori
 terra (nam præter grauitatem, vri etiam potest, apta autem
 vstioni sunt terra) sed ex imperfectiori misione, ob quam
 quod in eo est aqueum facilè effluit: auri verò pondus nasci-
 tur ex densitate substantiæ, sunt enim leuiora quæ rariora,
 etiãsi aliquando crassiora sint, quia in se aerem admittunt, ve-
 lut ligna. Omnia enim quæ densissima non sunt, etsi sunt sub-
 stantia terrea efferuntur in aquas; vt itaque raritas causa leuita-
 tis est, ita densitas sit pōderis, aurum verò maximè densum ac
 sine poris est, proinde graue est, & sonitum non edit; contra ac
 æs, quod cùm sit poris plenum, sonorū est, & minùs graue, etsi
 sit magis terreum. Efficientem causam metallorū esse Solem,
 vt & aliarum omnium rerum generabilium, dubium non est,
 neque obstat frigore concreuisse; non enim quia frigore con-
 creuerunt, frigore genita sunt. Neque enim concretio est eo-
 rum ortus, alioqui liquatio esset interitus, non est tamen, cùm
 non minus sit aurum quod liquatum effluit, quam quod con-
 cretum consistit, nam rursus concrescens vt est re vera & ap-
 paret idē. Calor ergo Solis excoquens, ac commutans, ex aquæ
 vaporibus cum exhalationibus generat interim hæc ipsam sub-
 stantiam aquæ, quæ ita alterascit constringente frigore, Neque
 mirum simul à calore secundum substantiam commutari, &
 constringi à frigore. Nā non nisi maximo calore soluitur me-
 tallorum substantia, ac proinde minimo frigore constringitur,
 adeò vt constrictū iam consistat, & tangi non possit præ calore:
 non ergo frigus quod potest constringere, excludit calorem
 qui valeat commutare. Rectè igitur metallorum ortus tribui-
 tur cœlesti calori, etsi consistentiam à frigore recipiat Neque
 verò quia cœlestis causæ meminimus, referri volumus certa
 metalla in certa astra, cum quibusdam Platoniciis, vt aurum in
 Solem, argentum in Lunam, ferrum in Martem, auri-
 thalcum in Venerem, electrum in Iouem, plumbum in

Sol causa
 efficiens
 metallo-
rum.

Saturnum. æs in Mercurium. Nam hæc, & alia huiusmodi, quæ sola constât diuinatione, sunt quidē apud vulgus plausible, re vera tamen nœniæ, aut seniles fabulæ, quæ in Philosophiam per vaniloquos irrepserunt. Cū itaque metallorum generatio sit qualis dicta est, atque circa lapides, atque ad id intra lapides cōcrescant, vix vnquam reperitur alicuius eorum portio insignis per sese, ac pura, sed ex fodinis extrahuntur & lapides, & terræ quædam genera eius rei peritis cognita, ex quibus ignis vi in fornacibus distillant metalla, hisque extractis reliquum ex-

Cadmia.

stum superest, scilicet quod terreum, aut lapideum. Cadmiæ nomen datur duabus rebus, vocatur enim Cadmia lapis, ex quo in fornacibus secernendo fit æs. Vocatur etiam fauilla quædā, quæ dum secernitur æs, vi ignis eleuata, fornacis parietibus adhæret. Id explicat omniū optimè Plinius lib. 34. cap. 10. dicens: *Metalla eris multis modis instruunt medicinam, ut potè cum ulcera omnia ibi ocysimè sanentur: maximè tamen prodest Cadmia. Fit sine dubio hæc, & in argenti fornacibus candidior; ac minus ponderosa, sed nequaquam comparanda erariæ. Plura autem genera sunt. nam ipse lapis ex quo fit æs, Cadmia vocatur, fuscus, necessarius, medicine utilis. Hic rursus in fornacibus existit, aliamque sui nominis originem recipit. Fit autem egesta flammis atque flatu, tenuissima parte materia, & cameris, lateribusve fornacum, pro*

Æs ex lapide.

quantitate leuitatis applicata. Hæc Plinius. Ex quibus constat, æs ex lapide quodam Cadmia vocato fieri. Galenus idem asserit, dubitat tamen an Cadmia illa lapis vocari debeat, an terra, lib. 9. simpl. medic. dicens: Cadmia fit ubi in fornacibus æs paratur. nempe tota terra illa ex qua æs generatur in fornacibus, in altum egerente velut fuliginem quampiam, vel fauillam, siue utcumque appellare licebit. At si non terram, sed lapidem nuncupare velis, ex quo in fornacibus secernendo partim fit æs, partim Cadmia, partim diphryges, nihil sanè retulerit. Ecce ut Plinio & Galeno testibus, fit æs ex lapide Pyritidis etiam lapidis est quoddam genus, ex quo fit æs. teste Dioscoride, lib. 5. cap. 10. Igitur hoc idem dicitur in præscripta dictione, his verbis: Lapis solutus calore in æs vertitur, non quidem quod lapidosum est liquatur (neque enim potest,) sed totus lapis, siue nuncupatus Cadmia, siue pyrites calore soluitur. liquato metallo quod intra se continet, reliquo redactō in exusta excrementa. Quod ab Aquilone venire aurum dicit, non ita est accipiendum, quasi non aliunde: nam & ab Oriente, & ab Occidente venit quamplurimum, sed quasi inde quoque. Id verò experimento cognitum est, quandoquidem omnes qui de metallis scribunt, Pannoniam, Bohemiam, & Austriam, & citeriorem Germaniam, inter

feraces

Pyrites lapis:

Aurifera provinciæ:

feraces auri provincias commemorant. Illud porro: *Quia mibi det, ut exarentur sermones mei stylo ferreo & plumbi lamina*: non quasi quidpiam quod fieri non posset, aut non etiam soleret, dicit, sed potius secundum antiquissimi illius sæculi consuetudinem. Solebant enim veteres, ut Georgius Fabricius annotavit, ex plumbeis tabulis libros componere, quales in antiquis sepulchris repertos Neapoli ipse testatur. Sed pro conditione huius operis, satis de his dictum est.

Libri plumbi.

CAPUT L.

EX lib. Iob cap. 37. *Tonabit Deus in voce sua mirabiliter, qui facit magna & inscrutabilia*. Extollere volens Eliud Dei Opt. Max. potentiam & sapientiam, ab illius operibus quæ dicit esse magna & inscrutabilia, argumentum capit, atque præcipue à sublimibus rebus & meteorologicis. & ipsius cœli mentionem facit, utpote quæ hominibus videri solent admirabiliora. De tonitruis ergo agens nunc, dicit, *Tonabit Deus in voce sua mirabiliter*. Nam & Poëtis vocatur Deus ob hanc mirabilem hominis sublimium passionem, Altitonās. De tonitruum naturalibus, non eodem modo senserunt veteres Philosophi. Nam Stoici collisione nubium fieri putabant, ut cum apud nos aqua ad aquam colliditur, ut in torrentibus. Anaxagoras esse crepitum qui editur, cum ignis, qui intra nubem inclusus est, & circumfusa aqua extinguitur, ut & apud nos crepitus editur immixta aqua in flammam, aut prunas, ignem verò illum descendere ex æthere, hoc est, superno igne, & ab accidentibus vaporibus intercipi. Anaximander, & Metrodorus, atque Arist. censet fieri ex nubis scissura, à statu incluso, ac foriter erumpente, non aliter ac crepant, cum ad ignem rumpuntur glandes aut ova, ex tormentis bellicis erumpente igne editur tonitruum. Nimirum in his omnibus rebus finiditur, ac per fissuram verberatur vehementer aer; unde vehemens nascitur sonitus. Cum statim qui erumpit ex nube, exhalationem igneam censet esse Arist. quæ non ex æthere detrusa est, sed ex terra ascendit, non minus quàm vapor, qui est nubis materia, quæ sanè sententia dictarum omnium est probabilissima, nam collidi adeò vehementer non possunt nubes nisi contrariis ac vehementissimis incurfantibus ventis, quod quidem fieri, cum tonitrua eduntur, non experimur, sed plerumque aut unico flante, aut nullo conspicuè. Porro non licet torrentibus conferre nubes, cum indicatum nuper sit, eas dum sublimes manent, nihil aquæ continere.

Tonitruum consideratio.

De tonitruum causis.

continere, sed simul in aquam mutari crassescere vapore, ac descendere. Si verò dirumpenda nube à concluso igne aut fumo, aut denique flatu edito tonitruum esserendum, certè illud infernè ex terra ascendere, per partes effumante terra vi Solis, vt ascendit vapor euaporante aqua verisimilius, quam ab æthere deturbari. Nam inde, neque pondere cadere posset, cum longè tenuior aëre sit, neque violentia vlla deturbari, cum pars cœlo proxima sit summè tranquilla, & circulari solum agatur motu, cœli comes. Cum præcipuè mihi, & in huius operis initio, & in aliis priùs indicatum, multis neque inuidentibus argumentis sit, nullam esse ignis regionem superiorem, sed totum quod inter nos & cœlum interest, aëre plenum esse, cœlum verò ipsum non esse igneum, talem præcipuè vt discerpi ac frustratim cadere possit, paulò post differemus. Superest igitur verissimum esse id quod communis nunc opinio fert, tonitruum edi ruptura nubium, & proximi aëris, ab erumpente violenter igne, qui ex densata exhalatione gignitur. Velut enim flamma rarefcens in fumum abit, ita fumus densefcens, vbi non simul refrigeratur, abit in ignem. Verùm hoc ad coruscationum & fulminum causas iam spectat, ad tonitrua illud solum est satis, fieri rupta nube, erumpente quadam spirituosa substantia. Addit Eliud, *Qui præcipit niui vt descendat in terram, & hyemis pluuiis, & imbri fortitudinis suæ.* Pluuias moderatiores, & mediocri impetu cadentes, & caliginosas, vocat hyemis pluuias, quia tales per hyemem cadere solent; largas verò & impetuosas, quales per ætatem plerunque fiunt, vocat imbrem fortitudinis suæ; hoc est, fortitudinis Dei, quod est fortitudinis magnæ. Nam frequentissima phrasis est in sacris literis, dici Dei, quæcunque magna, vt mons Dei, quasi mons magnus. Extollit itaque Dei potentiam, quod eius præcepto descendant in terram, nix, & pluuiæ hyemales, & imbres æstiuæ fortissimi, & maximo impetu cadentes, qui Medicis vocari consueuere, temporales, quasi æstiuæ: quia ea pars anni vocatur particulariter Græcis *ἀἴα*, hoc est, tempus. Niuem, grandinem, & pruinam à maiori frigore, fierique pluuiam roremque constat; primùm quidem ex ea analogia quam habent cum gelu, quod apud nos frigore fieri experimur: deinde, & ex solutione, quòd scilicet, ea omnia calore soluantur in aquam. Fieri etiam aquam ex vapore densato frigore, & antea dictum est, & eodem argumento constat, quòd scilicet videmus calore resolui in vaporem aquam. Monstratum etiam antea est, pluuias copiosiores & guttarum grandiorum, à maiori frigore fieri quàm contrarias; quia cum aqua simul vt

gignitur

Fulmina.

Niuis,
grandinis
& pruinæ
generatio.

gignitur cadat, tanto grandiores fiunt guttæ, quanto celerius nubes in aquam mutatur. Si autem frigus eius mutationis causa est, celerioris mutationis causa sit maius frigus, ubi nulla in materia differentia statuitur. Grandinem etiam, quam niuem censet Arist. esse maioris frigoris sobolem, argumento à maiori soliditate ac duritie accepto. Nos id definire curabimus, ubi sermo inciderit de grâdine, nunc illud vnum interest scire, cur æstate fiant largiores imbres quàm hyeme, siquidem maioris frigoris sunt. Habet verò hæc illam dubitationem priorē, cur in media aëris regione (neque enim iuxta terram neque iuxta cælum) hæc fiant, & quæ ibi sit talium generationis causa. Stoici, qui ponebant aerem natura sua frigidiorē esse aqua, atque ad eò primum frigidorum, dicerent, vapores & aquam densationes illas pati ab aere, utpote frigidiori, illo verò potius loco, quod ibi maximè aer naturam suam retineat, neque à rectis radiis ad eò alteratus, quàm sublimior, neque à reflexis, quando humilior. Aristot. qui aerem natura calidum esse putat, abit in antiperistasin, dicens regionem eam aeris frigidam fieri ob circumstantiam calidiorum. Verùm Stoici non videntur posse dicere, cur æstate fiant illæ concretiones maiores quàm hyeme, dicunt enim rectè illas concretiones ibi fieri, quia aër est frigidus, cur verò sit æstate frigidior, non dicunt. Aristot. hoc quidem rectè dicit, nam cum non ponat aerem per se frigidum, sed ex accidenti, ob contrariorum circumstantiam, consequens esse videtur, ut quæ circumstant contraria, sunt maiora, sit & aer eo in loco frigidior. Sed vellem diceret Aristoteles cuius substantiæ est illud frigus, quod per antiperistasin, hoc est, contrarium nisum, augetur, an aeris, an ipsorum vaporum & aquæ. Si enim aeris, necesse est aerem frigidum ponere per se cum Stoicis: si vaporum & aquæ, sit ut vapores suo seiplos frigore refrigerent, & præter suam naturam densent, quod fieri non potest. Si quidem nulli dubitatum est illud Physicæ principium, omne quod præter naturam alterascit, aut omninò mouetur ab alio id pati. Quapropter vel his argumentis, probabilissimum sit, quod & alibi, & in hoc ipso opere probaui, concretionem non esse aquæ præter naturam, quia potius totum aquæ genus, si ab eo igne qui per omnia vagatur dimitteretur, concretum iri. Nam si aqua est primum frigidorum (ut certè est maximè consentaneum) nullam frigus est illi præter naturam. Quid enim possit esse maius summo? Si autem concretio illi naturalis, fusio ab aliquo externo sit, à quo autem alio quàm à contrario, hoc est, ab igne? cōcrescit igitur cum ab igne destituitur:

Imbrēs
æst. e
largiores
quàm
hyeme.

ignis

ignis verò fulgorem naturaliter sequitur ob naturæ similitudinem, atque ita abundans circa cœlum ob vigorem radiorum solarium, & circa terram, ob eorundem reflexionem, regionem mediam destituit, velut & terræ penetralia, idque facit æstate magis, quia magis dictis in locis abundat. quo fit vt sponte naturæ in medio aeris (alioqui vt mea fert opinio temperati) vapores concrecant in aquam, nixem, aut grandinem, idque æstate magis quàm hyeme fiat. Dicta igitur est causa cui pluuiæ hyemales, fortes verò imbres æstiuales sint. De niuis natura postea dicetur. Verba illa : *Qui in manu omnium hominum signat, vt nouerint singuli opera sua*, explicata mihi sunt, vbi de chiromantia egi. nunc iis præteritis procedamus. *Ab interioribus* (inquit) *egreditur tempestas, & ab Arcturo frigus*. Dictum antea est, imbres fortes cum tonitruis, fulguribus, & fulminibus temporales vocari, illud idem vocatur nunt tempestas, quæ quia per fortes æstus fieri consuevit, vt etiam diximus, ei vt contrarium opponitur frigus. Asturus est id astrum quod vocatur vrsa maior, vnde & nomen accepit : nam *ἀστὺρ* vrsam significat. Inde etiam accepit nomē Polus arcticus, iuxta quem voluitur, ac proinde nobis est sempiternæ apparitionis. Eandem igitur partem cœli vocat nunc, nomine illius astri Arcturum, quam nomine venti inde venientis, antea vocauerat Aquilonem, eam inquam quæ est ad Polum, quæ & Septentrio vocatur. Quæ quidem extrema cœli pars est, & ad ipsum polum, super quo voluitur totum, sita. Cui opposita est alia per totum mundi diametrum distans, alter scilicet Polus, qui vocatur antarcticus : Pars mundi quæ inter duos illos polos est, ab eis æquè distans, & ad medium diametri spectans, quæ vocatur Meridies, dicitur esse interior mundi pars, quasi inter extremitates, in quibus poli sunt media. Dicit igitur, *Ab interioribus egreditur tempestas, & ab Arcturo frigus*, hoc est, à meridie, vtpote calidissima mundi parte, & vnde fiat Auster, calidus ventus, venient tempestates, & procellæ, & à Septentrione frigus, quia inde venit Boreas ventus frigidissimus. Horum causas, hæc est, quod tempestas veniat ab interioribus, & frigus ab Arcturo, referens in ventos, addit, flante Deo concrecit gelu, & rursus latissimè funduntur aquæ. Ventum vocat flatum Dei, hac phrasi indicans vt aliarum rerum omnium, ita ventorum esse primam & præcipuam causam Deum. Id ergo dicit, quòd flante Aquilone concrecit gelu, & rursus flante ei opposito vento funduntur, quæ concretæ erant aquæ, latissimè. Quæ autem causa Auster calidus, & Boreas frigidus non sit, antea dici potest, quàm de ventorum substantia sit disputatum. Inde enim

arcturus
quid.

Poli mū-
di.

Tempe-
stas.

Gelu.

enim & vtriusque ventī temperies, & ratio, qua alter fundit, alter concretionem facit, innotescet. Multi veterum Philosophorum putauerunt, ventum nihil esse aliud, quàm aerem motum, eandemque substantiam, quietem vocari aerem, motum ventum, ita vt ventus esset, velut aeris vnda, neque ab eo differret vlla alia ratione, quàm motu. Hanc sententiam multis argumentis refutauit Aristot. in cap. 4. lib. 2. Meteoron. nullum autem mihi videtur esse potius, quàm quòd oportet agitandi aeris aliam causam assignari, in qua ventī essentia probabilius constitueretur, quàm in ipso aere: nam aer qui quietus nunc sit, quī possit vndatim fluere, à nulla alia re quæ interfuat agitur? quòd si quæ alia substantia tenuis, siue vapor, siue exhalatio eum impellit, ea potius sit ventī substantia, quàm ipse aer. Haud enim dubium est, cum fiat ventus aerem moueri, at verò nisi ipse seipsum mouet, (quod, cum neque ponderis neque leuitatis sit is motus, neque replendi vacuī necessitate factus, impossibile est) constat necessariò impelli ab alia substantia: ea verò siquidem non apparet, fuerit tenuis & spiritalis. Quid igitur prohibet eam appellare ventum? ventus igitur non est ipse agitur aer, sed flatus aliquis aerem agitante, ac per ipsum decurrens. Hoc posito, cum duplex sit euaporatio, alia aquea, frigida & humida, quæ vocatur vapor, alia calida, & sicca, quæ vocatur exhalatio, seu terræ fumus, & vapor, materia pluuiæ, roris, niuis, grandinis, & pruina sit, constat ventorum exhalationem esse causam, quia magna ex parte solent accidere multi flatus, cum squaloribus & pluuiis superuenientibus ventī conuiuiscere, quasi ex contrariis nascentibus causis, ventis & pluuiis. Hanc ob causam, hoc est, quia pluuiæ & ventī ex contrariis fiunt, dicitur c. 8. Geneseos, cum Deus voluit, vt cessarent pluuiæ diluuij, adduxit ventum super terram, *Adduxit (inquit) spiritum super terram, & imminuta sunt aqua. & clausi sunt fontes abyssi, & cataracla cœli, & prohibita sunt pluuiæ de cœlo.* Velut igitur fumus qui è fornace aliqua, occurso ventī effluit, dissipatur hac aut illac, ita exhalatio, quæ vrendæ terræ fumus est, occurso frigidioris, seu vaporis, seu aeris, qui in media regione præcipuè est, repulsa, cogitur ferri circumcirca terram, quæ ita lata dicitur ventus. Constat verò quandoquidem pars quæcunque terræ potest effumare, isque fumus versus quaque repelli, vt hinc aut illinc occurrit frigidior, & densior vapor, posse ventum ex quacunque mundi parte in quacunque spirare: neque esse certam vllam, vnde, aut in quam feratur. Atque ita verissimè dictum est illud cap. 3. *Euangelij Ioan. Spiritus ubi vult spirat, & vocem eius audis, sed*

Sphæra
recta &
obliqua.

nescis unde veniat, aut quò vadat. Nimirum vndeunque terra effumet fieri potest, & quousque eius impellèdi cesseret impetus, ferri: tantum audimus sonitum & sibilum, quem aëris verberatione edit. Nihilominus venti & differentias accipiunt & nomina, à partibus ex quibus, & in quas feruntur. Iis qui sunt in Sphæra recta sub æquinoctiali, quatuor mundi præcipua puncta sunt secundum diametros distantia, Oriens, Occidens, & duo Poli, arcticus scilicet, & antarcticus, qui illis sunt in Horizonte. Erunt igitur illis duo Aquilones, à duobus polis venientes. Eurus veniens ab Oriente, & Zephyrus ab Occidente, & innumerii alij inter hos, vocati laterales. Nobis verò qui hanc regionem incolimus, inter tropicum Cancrì & circulum arcticum constitutam, quam solam cum alia ei opposita, ultra alium tropicum, censuit antiquitas habitari posse, nihil cum polo antarctico: sed sunt alia quatuor puncta maximè distàtia secundum duos diametros nostri huius mudi, quem Arist. dixit habere figurà tympani, habentis verò tam longitudinis quàm latitudinis fore duplum; ea sunt Polus arcticus & Meridies, Oriens, & Occidens, nam à Polo venit Aquilo: à Meridie Auster: Eurus ab Oriente: Zephyrus ab Occidente. Tametsi plerique Aristotelicorum, decepti quibusdam eius authoris verbis c. 4. lib. Meteoron, quæ minùs attentè fortasse scripta sunt, dicunt Austrum, utpote Aquilonis contrarium venire à contrario polo putà ab antarctico, & proinde Aquilonem, rotum hoc hemisphærium, quod videmus; Meridiem, contrarium & huic oppositum: non animaduertentes Aristotelem ipsum c. 5. lib. 2. Meteoron ita dicere, *Auster quidem à solstitiali fertur signo, neque ab alteris Septentrionibus.* Quod admodum congruit cum præscriptis vrbis Iob, his scilicet, *Ab interioribus egredietur tempestas, & ab Arcturo frigus.* In quem errorè video incidere etiam Geographos, qui typos totius orbis terrarum nunc faciunt. Cum enim & partes ultra & citra Meridiem, hoc est, ultra & citra Zodiacum describant, tamen suos typos quatuor punctis notant, Oriente, Occidente, Septentrione, & Meridie, cum deberent potius finiri, Oriente, & Occidente, Arctico, & Antarctico Polis. Nam faciunt Chile, & Psitacorum regionem, & alias quæ ultra tropicum Capricorni sunt, & earum quædam non longè à Polo, meridionales esse, præ Quito, quæ in ipsa meridie est, sub æquinoctiali. Sed & re ipsa probatur habere ut diximus. Non enim solum Boreas est, qui ab ipso venit Septentrione, hoc est, à terra, sub ipso polo sita, sed quicumque versus meridiem fiat, dicitur à Septentrione venire, & in meridiem ferri etiam si longè citra circulum arcticum exortus sit,

&

Chile &
Psitacoru
regio.

Boreas.

& longè ante tropicum desinat, sed quia eius initium spectat ad Septentrionem, vt finis versus meridiem. Eadem ratio est aliorum. Nimirum ex quacunque terræ parte incipere potest effumatio, neque opus est, cum Hispania perflatur à Borea, perflatur etiam Germania, neque vt cum ab Austro, perflatur Lybia. sed possunt illæ tranquillitate frui, nondum in illis exortis ventis. Si igitur hoc ita habet, inopinabile est, Austrium qui nos attingit, ab arctico polo venire posse, & præter rationem, tam longinquam illi principij statuere terminum, ac non potius in interiori illa mundi parte, quæ vocatur Meridies, quam percurrunt Planetæ. Cum præcipuè siquis flatus inde huc penetraret in ea regione esset naturam permutaturus, atque eò vsque futurus Aquilo, laturusque frigus, inde iam futurus Auster, & laturus tempestates, cum ab interioribus egrediatur tempestas, & ab Arcturo frigus. Verum his de differentia ventorum secundum loca enarratis, superest dicamus, quod ad eorum temperamenta pertinet, & ad rem præsentem maximè facit; quandoquidem ventorum differentias non accipimus ex materia, sed vnicam omnium ponimus, putà exhalationem fumo similem, constat ob aliud quidpiam fieri, vt non eadem omnium temperies sit, sed Aquilo sit frigidus & siccus, Auster calidus & humidus, Eurus & Zephyrus inter illos medij, & inter se quàm minimùm dissidentes. Id verò nō potest esse aliud, quàm illud vnde accipitur differentia, loca nempe à quibus, & in quæ feruntur, ob quæ meritò euenit, vt Aquilo & Auster inter se dissideant plurimùm, Eurus, & Zephyrus minimùm, quia Septentrio & Meridies plurimùm dissident, cum alter calidissimus, alter frigidissimus locus sit: Oriens & Occidens quàm minimùm dissident, cum ad vtramque partē æquè Sol accedat, & qui aliis Oriens, aliis Occidens sit. Dissident verò hi duo ab Austro, non tam ob locum ex quo, quàm in quæ feruntur. Illi enim feruntur à similibus in similia, ab Oriente in Occidentem, & ab Occidente in Orientem, hic à contrario in contrarium, putà à Meridie in Septentrionem: verùm hæc generatim dicta sunt, accedamus propius. Siquidem indicatum est, Boream non semper venire à Septentrione, neque Austrum à Meridie, sed vndeunque posse incipere quemcūque vt cōtigerit huc aut illuc ferri, constat differentiam non accipi à loco ex quo primo, sed è loco versus quem, atque adeò posse Aquilonem & Austrum oriri ab eodem loco, vt si flare incipiat à Carpentania, & feratur in Bæticam, Boreas sit, si ab hac ipsa, & feratur in Cantabriam, sit Auster. Quæ igitur causa superest, qua alius frigidus & siccus, alius calidus & humidus fiant? Dictum iam mihi pluries est,

De ventorum temperie.

ignem elementarem non esse vno quodam loco vt reliqua elementa, sed permeare per omnia, sequi verò magna ex parte Solis lumen, atque idèd vbi plus luminis eius, esse etiam plus caloris. Consentaneum mox est, vt ad Meridiem sit copiosissimus, & inde ad mundi latera sese effundat: nimirum vt ipsum lumen Solis. His positis, sit vt ventus, qui contra meridiem fertur, ignem à rebus quibus occurrit abigat, illi contrarium motum subiens, qui verò fertur contra Septentrionem ignem adducat, similem illi motum subiens qui versus Orientem aut Occidentem, neq; admodum hoc faciat neq; illud, quia neque similem, neq; contrarium motum subit, sed transuersum. Hinc rursus sit, vt qui fiat versus meridiem, refrigeret fugans ignem, qui versus septentrionem, calefaciat eum adducens. Rursum, qui refrigerat siccatur quoque, idque duplici de causa, & quia ipse siccus est vt fumus, & quia refrigeratio densationem facit, & expressionem humidi vt in refrigeratis herbis & arboribus conspicitur: qui calefacit humectat non per se (siccus cum sit, sed quia calore facit humorem fundi, qua causa & in hominibus ciet multas fluxiones Auster.

Venti ad
Orientem
& Occi-
dentem
flantes.

Qui flant ad Orientem aut Occidentem, nihil horum faciunt insigniter, sed temperant modicè, vt aer per ventilabrum citra faciem motitatus. Similis etiam causa est, qua Boreas fertur vehementius, Auster lentiùs, Furius & Zephyrus mediocriter. Nimirum qui contra ignem fertur, fertur à frigidiore ad calidiorem, à densiori ad rariorem aerem, quare inde magis expellitur, huc faciliùs recipitur, ferturque vt quod in decline, contra quod fertur in frigidiorè & densiorem quod in accliuè: quæ feruntur in similia, vt quæ per planum & mediocriter. Hæc eadem causa est, qua qui nauigant in meridiem, citius multo illud pertingant, quam inde huc remeant: quod non intelligentes, qui ab Hispania ad nostras Indias feruntur, contendunt mare illam in partem esse decline. Neque mirum, cum ob eandem ignorantiam visum sit plurimis veterum Philosophorum, & cælum & terram imminere magis ad Septentrionalem plagam, ad meridiem verò inclinatum esse orbem, qui & excogitauerunt plurimas eius situs causas. Diogenes & Anaxagoras factum iam orbem ipsamet providentia, à qua erat factus, fuisse inclinatum in meridiem magnæ cuiuspiam vtilitatis causa. Empedocles vento refugiente versus Septentrionem impetum Solis, distenta esse cæli latera, & vsas esse loco motas, & eleuatas, atque Austrinas partes depressas, atq; ita totum mundum illò inclinasse. Leucippus procubuisse terram ad meridiem, quòd partes mudi Meridionales rariores

rariores ac solubiliores sint ob calorem, Septentrionales densiores & magis renitentes. Democritus augeri omnia ad Meridiem ob generantem Solem, atque ideò terram ea parte grauata frugibus, & auctu, procubuisse. Sed hæc omnia sunt ineptiæ infantilis illius Philosophiæ. Non mundum totum perfectam sphaeram esse euidenter indicant Astronomi, quia omnes cœli partes distant centro æquè, quare non est alia elatior, alia demissior: neque terra habet aliam vllam mundi partem se humiliorem, in aquam grauata inclinēt, neque aliorum nititur quam in suum centrum. Causa verò ob quam illæ opiniones inter primos illos naturæ inuestigatores, ac nunc inter vulgares ortæ sunt, est, vt diximus, in aere qui ad meridiem tenuior est, & in ventis, qui vt Aristot. quoque secundo Meteoron animaduērit, magis flant à mundi lateribus, ac fortasse etiam accedit, quibusdam in locis, copia maiorum fluminum, qui confertim irruentes in mare, per satis magnum spatium remorantur nauigia. Id verò sentitur in quibusdam Isthmis, vt in Ponto, & in Occidentalibus Indiis, iuxta recentem vocatam Carthaginem. Ex dictis facillè constare potest, cur ab interioribus, hoc est, à Meridie, oriatur tempestas, hoc est, æstiuales imbres, cum fulguribus, fulminibus, & tonitruis. Nimirum, sunt hæc omnia magni caloris, qui inde trahit originem, vnde ignis huc agitur flante Austro: frigus verò ab Arcturo, vnde venit Boreas. In eadem sententia perstans Eliud addit, *Flante Deo concrescit gelu, & rursum latissime funduntur aque.* Ventum appellat flatum Dei, hac ratione innuens quod Psal. 134. his verbis dicitur: *Qui producit vētos de thausauris suis.* hoc est sua infinita virtute & omnipotentia. Quæ verba facillè nobis indicant, quàm sit mirabilis ventorum natura, cum de eorū creatione Deo tanta accedat gloria. Quapropter non tantum mihi tribuo, vt existimem me vel huius leuissimæ rei causam inuenisse, sed, vt in aliis omnibus, quæ pertinent ad naturā, ad probabilitatem vsque disputasse. Ergo, inquit, *flante Deo* (per Boreā scilicet, quia exprimit ignem) *concrescit gelu: & rursum Deo flante* (per Austrum, quia adducit ignem) *latissime funduntur aque.* Addamus reliqua. *Frumentum* (inquit) *desiderat nubes, & nubes spargunt lumen suum, quæ lustrant cuncta per circuitū, quocunque eas gubernantis voluntas duxerit, ad omne quod preceperis illi super faciem orbis terrarum siue in vna tribu, siue in terra sua, siue in quocunque loco misericordia sue, eas iusserit inueniri.* Omnes qui benè philosophati sunt, conuenerunt in hanc sententiam, nihil omninò eorum quæ natura constat factum esse casu, aut temerè, aut frustra, sed omnia alicuius gratia, atque

Tēpestas
à Meridie
oritur.

adèd primam omnium rerum causam esse in fine cuius gratia fiunt. Si igitur hoc, de ea natura quæ coniuncta rebus est, rectè dicitur, & vsque adèd nihil est frustra ab ea factum, vt vel ipfis excrementis quæ necessitate potius quàm vtilitate videntur generari, animalium natura vtatur ad commoditates non exiguas, vt in libris de vsu partium Galenus conspicuè indicat, quantò magis ita de Deo Opt. Max. sentire oporteat, qui cùm sit Optimus, nihil fecerit nisi bonum; bonum verò esse non potest sine vlla vtilitate; cùm verò sit Sapièntissimus, atque potentissimus, nulla necessitate cogeretur facere quod nulli v sui futurum esset. Hac ratione Eliud, cùm nubium & aliorum meteorologicorum generationem, vt in facientem causam retulisset in Deum, qui vt est prima omnium quæ fiunt, & facta sunt causa, alias omnes continet, apponit etiam & finem, & cuius gratia fiunt. Quasi diceret, neque quidem frustra aut ostentandæ suæ potestatis causa Deus nubes fecit, sed magnæ cuiusdam beneficentiæ, siquidem frumentum, ex quo fit panis, qui confirmat cor hominis, desiderat nubes, quando quidem illis spargentibus lumen suum, & pluentibus, fruitur necessario humore.

Nubium
lumen.

Nubes spargere lumen suum, nihil est aliud quàm pluere, quod idèd dici videtur, quòd dissipatis pluendo nubibus, spargitur lumen quod ab illis intercipiebatur: perinde ac si illæ lumen & aquam cōtinerent, ac vtrumque demitterent, ac spargerent, cùm tamen illæ reuera neutrum contineant, sed in aquam mutantur, & dissipatæ, diffundèdo lumini locum dent, sed ex eo quod sensui apparet nata phrasis ea est, qua rursus statim vtitur: *Nunquid scis quando precepit Deus pluuiis, vt ostenderent lucem nubium eius?* Itaque dicit, *Frumentum desiderat nubes, & nubes spargunt lumen suum*: quasi dicat desiderat frumentum nubes, quia nubes pluunt. Neque verò solùm non sunt factæ temerè nubes, sed ne mouentur quidem temerè; nam *lustrant cuncta per circuitum quocunque eas gubernantis voluntas duxerit*, vbi cumque scilicet velit Deus pluere, siue in vna tribu, siue in alia, siue in terra sua, hoc est, seruorum suorum, siue in aliena & inimicorum, siue in quocunque loco misericordia sua eas inuenerit. Nimirum pluit super iustos & iniustos (Matth. cap. 5.) Et hæc est vera & perfecta scientia viarum nubium, scire scilicet eas in Dei voluntatem & prouidentiam referri, de qua statim subdit, *Nunquid nosti semitas nubium magnas & perfectas scientias?* Nimirum, qui consistunt intra causas naturales, non resoluunt vsque ad primas, ac proinde non habent perfectas scientias, sed illi solùm qui naturalibus non dimissis (id enim insipientiæ est) procedunt vsque ad primæ causæ bonitatem, quod principium omnium

omnium est. Sed nubes quidem, atque per has pluuiæ, & nix, Pluuiæ
 & ros, & pruina, quia etiam & venti, haud præstant obscuras niuis, ro-
 comoditates: omnia enim hæc suis temporibus, & per quas ris & prui-
 dam vicissitudines, terræ iuuant fecunditatem. At verò quæ nates.
 dam alia nulli prorsus vsui esse videntur, quibus id quod de
 omnium rerum utilitate dictum est, videtur redargui. Quid
 enim commodi est ex grandine. Quid ex fulguribus? Quid ex
 fulminibus? Certè hoc nullus Philosophorum possit dicere,
 quin cogatur concedere factum esse aliquid frustra, quàm con-
 scendendo in iudicia Domini, ac de illis philosophando, iuxta
 illud quod proximo cap. dixit idem Eliud, his verbis, *Per hæc*
enim iudicat populos, & dat escas multis mortalibus. quæ verba si-
 guificant, vti Deum his rebus, partim ad mortaliū escas, partim
 ad iudicandos populos Sunt igitur horum pleraque ad verum-
 que vtilia, nam pluuiæ, & venti maximi sunt vsus ad frugum
 prouentum: iudicauit verò per pluuias apertis cœli cataractis
 mundum, & euertit quotidie in mari triremes & in terra tecta
 & domos, vt vel domum in qua epulabantur filij Iob, & inte-
 gras vrbes imperu ventorum. Nonnulla etiam sunt quibus so-
 lum vititur Deus ad iudicandos populos, vt grando & fulgura,
 & multò magis fulmina. Quod etiam Dominus ipse cap. 38.
 huius libri dicit his verbis: *Thesauros grandinis aspexisti, quæ*
preparauit in tempus hostis, in diē pugne & belli, vt vel ex his
 possint homines, si prudētes sint, agnoscere, esse quæ res huma-
 nas consideret, & populos diiudicet. Quod ille etiam Ethnicus
 Poeta optimè insinuauit, dicens, *Iupiter optime aspicias hæc? Ante*
eum fulmina torques, nequidquam horremus? Itaque nubium, &
 plurimarum in aere prouenientium rerum, utilitas magna est
 ad fruges, quibusdam verò earum tantum vititur Deus ad iu-
 dicandos populos. Eadem ratio est pestis, atque adedò morbo-
 rum omnium, mortis, & eorum quæ nihil aliud quàm venena
 sunt: quæ complexus est Eccles. cap. 39. his verbis: *Ignis, gran-*
do, fames, & mors, omnia hæc ad vindictam creata sunt, bestiarum
dentes, & Scorpj, & serpentes, & romphæa vindicans in extermi-
nium impios. Vbi ignis nomine intelligo fulmina & reliquos
 ignes meteorologicos, aut æternum paratum diabolo & An- Meteorolo-
 gicis eius, nam vsualis ignis longè maxima utilitas est. His logicorū
 dictis, redit Eliud ad naturam ventorum, dicens: *Nōne ve-*
stimenta tua calida sunt. cū perflata fuerit terra Austro? quæ
 verba ex dictis habent facilem interpretationem. Nam iudi-
 catum antea est. Austrum allicere ignem, ac proinde calefa-
 cere & calore aquam fundere. Hinc euenit, vt vestes eo flan-
 te calcant, atque caloris externo vincente, cinæ exedantur:

quod perspectum habentes quibus illæ curæ sunt, flante Aëstro vestes recondunt, contrā ad Aquilonem suspendunt. Perinde contigit in aliis omnibus rebus quæ asseruntur, vt in vino, & eduliis, & omnibus frumenti generibus: ea enim omnia ad Aquilonem seruantur diutiùs, ad Austrū computrescunt breui. Verū hoc dictorum nuper corollarium est, vt & illud quod paulò post dicit: *Subitò aër cogetur in nubes, & ventus transiens fugabit eas.* diximus siquidem iam, ventos & nubes ex contrariis causis fieri, atque idèd magna ex parte sese mutud tollere, atque superueniente pluuiā extingui ventos, & superuenientibus his fugari nubes. Quod nubium generationem nunc tribuit densationi aeris, non repugnat iis quæ nuper diximus, putā esse ex vapore. nam vapor substantiam habet inter aquam & aerem. Quapropter aqua in aerem, & aer in aqua per vaporem, illa extenuata, hīc crassescens. Nubes ergo fiet ex vapore, qui partim ascendit ex aqua extenuata, partim ibidem generabitur ex aere crassescente, secundū quam partem verissimè aer cogetur in nubes.

CAPVT LI.

De cœlo
multa.

EX cap. 37. Iob: *Tu forsitan cum eo fabricatus es cœlos, qui solidissimi quasi are fusi sunt.* De substantia cœli, eius in quo, aut cum quo volutantur astra, quem veteres omnes vocauerunt æthera, *ἄθρ τῆ θείης αἰθρῆς* (interprete Aristotele) hoc est, à perpetuo cursu, dubitatum est plurimū à Philosophis: siquidem nonnullis veterum visum est rationi consonum, eam mundi partem, vt est suprema, ita esse tenuissimā, siquidem & in aliis omnibus, de quibus vtpote vicinioribus, possumus iudicare, ita fieri conspicimus, vt quò superius est aliquid, eò fit & tenuius. Itaque esse regionem quandam, substantia alia, aere longè puriori & tenuiori plenā, per eamque ferri astra omnia per sese, quasi volantia. Plerisque tamen atque aded optimis (nam Pythagoræ, Parmenidi, Platoni & Aristoteli) visum est, cœlum substantia quadam constare firmissima & solidissima, aded vt penitus neque diuisionem, neque distractionem recipere possit, & astra partes esse ipsorum orbium, ac cum illis ferri haudquaquam proprio concitata impetu. Ex eo verò quod de motu astrorum quis sentiat, pendet, & quod de cœli soliditate sit consentaneum. Si enim astra feruntur per se per cœlum, illud certè est tenuissimum, & facillimè cedens:

De astris
præclara.

non

non enim tanta posset esse astrorum celeritas medio resistentē. Si autem illa feruntur cum orbibus, constat orbes tantò solidiores esse adamante, ut penitus diuidi non possint. Nam alioqui, si ferrentur velut impulsæ à substantia aliqua vehementer concitata, & dissipabili, ut quæ a ventis impelluntur, hædquaquam possent ferri eadem semper celeritate, neque eadem viæ semper insistere, sed iactarentur temerè, ut quæ à ventis: nunc autem videmus regulari ferri latione, & à certissimo tramite ne latum quidem vnguem vaquam declinare: igitur ij orbescum quibus feruntur, nullam partium distractionem accipiunt vnquam, sed feruntur toti simul firmissimè. Neque hoc aliter fieri potest: quapropter eorum substantia neque diuidi, neque distrahi possit, sit igitur solidissima. At verò probabilius multò esse astra deferri cum orbibus, quàm in illis per se moueri, multis argumentis probat Arist. acceptis ab astrorum figura, & ei accomodatis motibus, & ab eorum celeritate & ab aliis eorum passionibus. Mihi verò videtur illud firmissimum, si quis velit recipere quod mihi in Physicis monstratum est, putà raritatem & densitatem consistere in angustia aut amplitudine pororum. Si enim astra ferrentur per cælum, necesse esset illud secundum partem anteriorem astri densati, & secundum posteriorem rarefcere, si verò rarefceret & haberet poros, eos ergo aut vacuos, aut plenos substantia alia tenuiori: est igitur vacuum, aut substantia alia cælo tenuior. Illa verò si tenuior sit & cælo superior, de illa rursus sciscitabor, an raritatem accipiat, atque ita peruenire necesse erit ad substantiam tenuissimam nullam raritatem aut densitatem recipientem, aut abire in infinitum. Si autem in talem vllam substantiam peruenire necesse est, cur non sit statim cælum eiusmodi? Necesse est igitur astra cum cælo ferri, ac non per cælum, aut dari vacuum. Præterea si Sol, Luna, & alij planetæ per se mouerentur, non possent moueri regulariter, sed nunc celerius, nunc tardius, quia eodem tempore, putà die naturali, describunt circulos nunc maiores nunc minores, ut accedunt ad æquinoctialem circulum, aut recedunt: at verò Aristoteles multis argumentis probat secundo de cælo motum celestium corporum esse regularem: non igitur mouentur per se astra, sed cum cælo, quod est ut mundi murus, ut dixit Parmenides, solidissimum. Cui sententiæ plurimùm attestantur præscripta verba Iob: *Solidissimos quasi are fusi*. Quibus consonant & hæc Homeri *ἔγερὸς πολὺχάλκῳ*, id est, *Multi aris cælum*. Multæ autem hinc quoque videntur oriri dubitationes, nam si cælum solidum est, non videtur esse corpus simplex, sed

An astrorum substantia sit tenuior cælo.

compositum ex elementis, ut quæ penes nos sunt, quod si est, erit utique & corruptibile ut hæc, si autem corruptibile illud esse admittimus, nihil euenit incommodi, etiamsi tenue esse illud recipiamus, & dirumpi à percurrentibus astris, quare ita quoque videtur fieri rursus, ut non sit opus illud solidum ponere. Quod verò fiat ut si solidum est, constet elementis his, docet Plato in dialogo de Natura, his verbis: *Sine igne videri nihil potest, nihil sine solido tangi, solidū sine terra nihil.* Hinc aperte fit ut cælum duobus his elementis constet, si solidum est, nam & videntur altra, quæ eiusdem substantiæ cuius & ipsum cælum esse inter optimos conuenit Philosophos. si autem habet hæc duo. putà ignem & terram, habet certè & reliqua duo, putà aquam & aërem, duo enim illa per se vniri non possunt, nam sicci & solidi partes, ut putà terræ, non cohærent nisi humido aqueo agglutinentur, sicco enim igneo penetratæ magis dehiscunt. Igitur ut ad soliditatem terra, ita ad continuitatem indiget aqua: aqua verò & ignis malè aptabuntur sine medio aere, neque sine eo habebit diaphanitatem. Si igitur cælum est solidum compactum, diaphanū, & aspectabile constabit ex terra, aqua, aere, & igne. Rursus, cœli partes non sunt omninò similes, sed astra aspectabiliora, & minùs diaphana (quodcunque enim intercurrat, occultat aliud quodcunque) reliquum cælum diaphanum magis, sed minùs venit in conspectum, non potest ergo esse cælum omninò simplex substantia. Nam vnde nascerentur illæ contrarietates? contrarietatis enim admistionem habet omne quod dicitur secundum minus: in simplicissimo verò non potest esse ullius contrarietatis, ne tenue quidem initium. Concedendum itaque videtur, cælum simplex omninò corpus non esse, sed constare ex elementis. Concedendum certè, ut mihi videtur, hoc Platonice dictis argumentis: non tamen ex iisdem penitus, ex quibus quæ penes nos sunt, sed ex homonymis. ex igne inquam cœlesti, & aqua cœlesti, & terra aereque cœlestibus, ut in Genesios enarratione diximus. Sed cur videntur ignis, aqua, terra, & aer, si non sunt qualia hæc? certè ob analogiam: quia quod ad substantiæ modum attingit, habent præstantius etiam quàm ille, tamen si contrarietate qualitarum aëtiarum, caloris inquam, frigoris, humoris & siccitatis carent. Hinc fit, ut cælum fulgentius atque aspectabilius, & solidius, & compactum diaphnūque magis sit, quàm alia omnia corpota, incorruptibile tamen, neque dissolubile, quia caret principiis naturalis corruptionis, putà calore, frigore, humore & siccitate. Sed neque rarum neque densum est, quia poros nullos habet: neque crassum, neque tenue, quia

Cœlū in-
corrupti-
bile.

neque

neque in parua neque in magna comminui potest, sed fulgens sine calore, solidum sine siccitate aut crassitie, compactum sine humiditate, diaphanum sine poris. Non igitur differunt astra à reliquo cœlo maiori crassitie, neque densitate, sed mistionis modo, quodque habent sui ignis plus, & sui aëris minus. Verùm etsi quia actiuis qualitatibus caret, naturaliter corrumpi non potest cœlum, est tamen (compositum cùm sit) dissolubile, & commutabile, ab eo videlicet à quo compactum est, putà à Deo: *Omne siquidem quod vinctum est* (vt inquit Timæus) *solui potest*, ac fortasse etiam dissoluatur, & permutabitur, cùm sistetur hic cœli motus, & finientur lux & tenebræ, velut & omnes aliæ mundi partes. Elementa quidem reddentur puriora; cœli Cœli in- verò in meliorem substantiam mutabuntur. Nam Marci 13. teritus. dicitur: *Cœlum & terra transibunt.* & Psal. 101. *Initio tu Domine terram fundasti, & opera manuum tuarum sunt cœli, ipsi peribunt, tu autem permanes, & omnes sicut vestimentum veterascent, & sicut opertorium mutabis eos, & mutabuntur.* Et in tertio cap. epist. 2. Petri: *Novos verò cœlos & nouam terram, & promissa ipsius expectamus.* Iob quoque c. 14. inquit, *Homo cùm dormierit non resurget, donec atteratur cœlum, non emigilabit, neque consurgat de somno suo.*

Ex quibus verbis constat cœlum atterendum esse ante resurrectionem mortuorum. Neque certè Philosophiæ dissonum est censere, si cœlorum motus cessaturus in æternum est, mutandam quoque eorum substantiam in aliam, cuius natura motum non spectet, quod in æternum sit caritura, sed gaudeat quiete, quam sit semper actura. Neque enim perpetuum quidpiam quod violentum. Sed de hoc iterum disputabitur.

CAPVT LII.

CAp. 38. Iob: *Vbi eras quando ponebam fundamenta terra? Indica mihi, si habes intelligentiam, quis posuit mensuras eius si nosti? vel quis tetendit super eam lineam? super quo bases illius solidatae sunt? aut quis demisit lapidem angularem eius? quis conclusit ostiis mare quando erumpebat, quasi de vulua procedens, cùm pinnerem nubem vestimentum eius, & caligine illud, quasi annis infantia obuoluerem? Circundedi illud terminis meis, & posui vestem, & ostia, & dixi: Usque huc venies & non procedes amplius, & hic confringes tumentes fluctus tuos.*

Hæc

De Dei
cognitio-
ne.

Hæc verba sunt Domini ad Iob. Quibus illum inscitix & ignorantionis rerum naturalium arguens, vult ad sui cognitio- nem trahere. Differemus in hoc ipso opere, enarrantes locum quendam Ecclesiastes, nullum esse maius compendium ad cognitionem sapientix Dei, quàm sensum nostræ ignorantix, quod Eliud etiam in superiori capite tetigit dicens: *Memento quòd ignores opus Dei de quo cecinerunt viri* (hoc est, naturam rerum de qua scripserunt plurimi Philosophi, & ante Platonem omnes in carminibus) *omnes homines videt eum* (hoc est, aliquatenus agnoscunt ex suis operibus) *vnusquisque inuuetur procul,* quasi diceret, nullus tamen accedit ad ipsius veritatis cognitionem. quia omnes intuentur procul. Ecce *Deus magnus vincet nostram scientiam.* Hoc eodem argumento adducit nunc Dominus Iob, ad suæ sapientix contemplationem, ponens illi ob oculos mirabilia, quorum causas nullus Philosophorum inuenire satis potuit. neque nos quidem possemus, nisi magno Dei beneficio per diuina oracula essemus docti. Primùm igitur maiores mundi partes, hoc est, elementa & cœlestia corpora, percurrit: deinde animalium quorundam omnis generis historiam attingit: de quibus omnibus disputatum satis à Philosophis esse constat, nihil autem perfectè esse traditum, consideranti palam fiet. *Vbi (inquit) eras quando ponebam fundamenta terræ?* fundamenta terræ nullus Philosophorum vnquam somniavit (nisi fortè Pythagoras duplicem constituens terram, marem & fœminam) neque enim terram ex diuersis partibus constituisse, vt domum aut templum, sed vt simplex quiddam & homogeneousse esse corpus, sui simile secundùm omnes, neque esse alias aliarum fundamenta. Re vera tamen non ita est. Neque enim terra, eum quem nunc ad aquam situm tenere posset, si qualis secundum faciem hanc quam terimus, tota foret: aut enim aquæ tota moles extremitatem solùm terræ lambet, secundùm eam eius partem quæ recta est, vt nunc videtur (si quidem nulla parte videtur mare leuca profundius, vt testantur nautæ) aut præter hanc aquæ molem, est intra terræ profundissima viscera magnus abyssus, longè maximam ipsius terrei globi partem occupans. Si primùm fieri non potest vt aqua sit centesima pars terræ, nedum terra sit decima (vt censetur) pars aquæ. Si autem hoc vltimum, quòd fieri posset, vt interior terræ pars non esset humore dissoluta, & tota subdidisset in sese, in aquam merfa, nisi fundamentis firmissimis inniteretur? Innititur ergo haud dubiè, constarqne ex iis quæ conspiciamus, imam terræ partem esse plus quam admantinam, atque adeò Deum fecisse hunc terræ globum quem incolimus,

De fūda-
mentis
terræ.

incolimus, versus centrum solidiorem, ut in omni secundum rationem constituto ædificio fieri debet; ad superficiem verò friabiliorem, ut teri ac sulcari, & humore misceri potens, rerum generationi esset utilis. Non est igitur (dices) in suo loco simplex, neque elementum. Certè esse in suis locis pura elementa, pueri putant, & qui nondum ære labantur: d'ætorum verò nullus non videt, nihil non esse alteratum, neque verò esse posse. Arist. in auditoriis libris qui re vera scribebantur ad inducendos tyrones, multa dicit quæ prouectiores debent accipere ut hypotheses, velut, esse corpora simplicia quatuor, quæ reuera neque sunt neque esse possunt, ponuntur verò ob quatuor naturas, quas in cōcretis sentimus, secundum quas fiunt rerum commutationes, calidum, scilicet, frigidum, humidum & siccum. Plato hoc docuit elegantissimè, dicens, *Sic de illis verba facimus, eaque mundi primordia constituimus, cum ne syllabarum quidem, ne dū elementorum vicē tenere, apud homines mentis quoque modo compotes debeant.* Itaque simplicitas terræ non obstat quominus Deus fundamenta terræ iecerit, quibus partes eius superiores inniterentur. Addit, *Quis posuit mensuras eius si nosti?* ut in vndecimo capite Sapientiæ scriptum est, *Omnia disposuit Deus, mensura, numero, & pondere.* Nimirum, mundus opificium est pulcherrimum, siquidem optimi artificis, ad pulcherrimum exemplat. Ad pulchritudinē verò spectat, ut neque quantacunque magnitudinis sint membra, neque ad se mutuo sine certa proportionē, sed singula certæ cuiusdam magnitudinis, & ad sese elegantissimam habentia proportionem, simulque ad totius utilitatem maximè accommodatam. Neque terrā igitur, neque aquam, neque aërem, neque orbium cælestium ullum, sed neque altorum omnium minimū fecit Deus negligenter, sed omnia magnitudinis cuiusdā, ad mundi totius, & ad cuiusque alterius partis magnitudinem, pulcherrimam habentes rationē, quam tamen agnoscere, ac explicare apertè, eius est solius qui fecit ac penes quem est illud æternum exemplar, cuius imitatione effecta sunt. Tamen si enim Pythagorici (quos ego viros prosequor magna admiratione) in hac contemplatione plurimum laborauerūt, & pro captu hominum plurimum assequuti sunt, tamen intuiti etiam illi sunt procul: longè autem magis Xenophanes qui infinitæ magnitudinis esse inferna ex parte est opinatus. Astrologi septem mille leucarum Hispanarum esse dicunt totius terrei globi peripheriam, ut sunt illorum rationes euidentissimæ, non admodum potest hoc à certa eius mensura declinare. Quæ autem huius certæ mensuræ in terra condenda fuerit ratio, scit mundi opifex: constat tamen dictis argumētis

Mūdi pulchritudo.

Mundi mensura.

cam

eam fuisse diuinissimam, & ad totius pulchritudinem (cum quæ
 utilitas necessariò coniuncta est) spectasse. Addit: *Vel quis teten-*
dit super eam lineam? Terra in mundi medio ita sita est, ut eius
 centrum totius quoque mundi sit, atque ita rotunda, ut omnes
 extremitatis eius partes æquè à centro distent, & tota terra
 æquè ab omnibus cæli lateribus, hæcque omnia tam exactè,
 ac si mundi opifex à polo ad polū lineam tetendisset, & medio
 lineæ puncto alligasset terræ mediū, eamque circino quodam
 rotundam effecisset. Quod quidem Plato animaduertit in Ti-
 mæo, dicens, *Terram autem altricem nostram circa polum per*
uniuersum extensum circumuolutam, diei noctisque effectricem,
& custodem esse voluit. Tanta igitur opificij perfectio sapientiæ
 artificis maximum argumentū est, quod redarguuntur omnes
 qui casu ita cadentibus corpusculis, factum esse mundū affir-
 mabant. Quæ enim dementia est sibi persuadere, immensitatē
 insectilium corpusculorum, tam aptè cecidisse casu, ut nihil
 ineptū in toto mundo extiterit, sed omnia ita, ut ne minimam
 particulam eorum quæ coierint fortuitò, sapientissimi cuius-
 piam arbitrium possit emendare, aut cuiuspiam sani hominis
 menti persuasibilis videatur, ante mundum conditū extitisse,
 nullo faciente, immensam multitudinem vilissimæ materiæ,
 quàm sapientissimam quampiam, & optimam causam? An ut
 vitiosa hominū voluntas facilius expetit quod malum, ita vi-
 tiosus intellectus facilius credit quod falsum, ut vel hoc argu-
 mento verum sit quod bonū, melius autem multò est ab opti-
 ma causa in sapientia esse facta omnia, quam ex vilissima causa
 extitisse. Tantam igitur Dei sapientiam, ut Iob ex terræ fabrica
 admiretur & suspiciat, dicit Dominus: *Quis tetendit super eam*
lineam? Addit: *Super quo bases illius solidatae sunt.* bases terræ sunt
 ipsa terræ fundamenta, quæ ut ex nihilo effecta sunt, ita super
 nihilo solidata, sed super seipsis, omnibus terræ partibus niten-
 tibus ad centrū, quod velut angularis lapis totius ædificij est,
 ad quem partes omnes firmiter alligantur: videretur autem
 omni humanæ sapientiæ, si in consultationem de formando
 terræ orbe à summo rerum opifice vocata esset, fieri haudqua-
 quam posse, ut nulli innitens corpus, in medio spatiosissimi va-
 cui firmiter maneret. Quò hæsitatio Xenophanem Colopho-
 nium putare coegit, terram ab inferna parte velut in radicem
 infinitam produci. Empedoclem quoque canere, infinitam esse
 profunditatem terræ Thaletem Milesium, terrā aquæ innatare
 ut lignum, Anaximenem, Anaxagoram, & Democritū, causari
 terræ latitudinem, non enim diuidere posse aerem lata cum sit.
 Neque sanè verum est, quod multi dixerunt, & Socrates etiam

Bases ter-
 rz quid.

Gibi persuasit in Phædone, terram manere in suo loco firmam quod rotunda cum sit, & in rotundi cœli medio collocata, non potest magis in hanc quàm in illam partem inclinare Nam ut rectè inquit Arist. si inde ferri nata esset, etsi nullam in partem posset ferri tota, feretur diuisa in multas partes: non est igitur ita, sed præcepto Dei manet ibi firma Nimirum ut in Psal. 92. dicitur: *Firmauit orbē terræ, qui non commouebitur.* Sed quo pacto firmauit? tribuens certè rebus omnibus corporeis hanc naturam, ut ad sese mutuò ita expectant collocari, ut crassa sint sub tenuibus: terram verò omniū crassissimā sub aliis omnibus statuens, quasi mundi cæmentum. His dictis de tera, transgressionē facit ad aquā, in sui etiam inde admirationem trahens Iob: *Quis* (inquit) *conclussit ostiis mare, quando erūpebat quasi de vulua procedens, cum ponerem nubem vestimentū eius, & caligine illud quasi pannis infantia obuoluere? Circumdedit illud terminis meis, & non posui vectē & ostia, & dixi, usque huc venies, & nō procedes amplius, & hic confringes tumentes fluctus tuos.* Hæc verba enarrata ferè sunt super capite 1. Geneseos. Ibi enim explicuimus, quæ ratione Deus effecerit, ut aquæ in vnum locū congregatæ terram totam non obruant, sed bonam eius partem, animantium generationi & vitæ, detectā relinquant. Nimirum, ut sæpe iam diximus, vnum ex ambobus corporibus, terra, inquam, & aqua globum efficiens, quod cum amborum extremitatem eiusdem sphaeræ partes sint, neutra superstet aut substat alteri. fecit verò Deus terrā cum tantis cavitatibus, ut caperet abyssum immensum, & maria, atque ita caperet, ut neq; absorberetur illa aquæ moles, neq; redundans inundaret terrā, sed tantum eius relinqueret detectū, quantum ipsi rerum opifici visum est. Itaque tantæ magnitudinis efficiens cavitates, fecit ut mare quousque ipse voluit procederet, neque inde transgredi posset, vel tantillum, etiam si arena cingatur sola, aut etiā mollissima alga. Illæ igitur terræ partes quæ prominent, atq; ad globi illius extremitatē emergūt, sunt vectis & ostia, quibus cōclussit Deus mare, & his vsus, circumdedit illud Deus terminis suis, hoc est, posuit fines quos sibi placuit, ut alibi dicitur, *Posuit legē aquis quas præterire non potuerunt: legē verò hanc posuit, dicens, Usque huc venies & non procedes amplius, & hic confringes tumentes fluctus tuos.* Hoc quod de tumentibus maris fluctibus dicitur, Regius etiam vates cecinit, in admirationē Dei nos vocans, in Psal. 92. his verbis: *Mirabiles elationes maris, mirabilis in aliis Dominus.* Quasi dicat, vel ex elationibus maris videas quàm sit mirabilis qui in altis habitat Dominus Omnibus gētibus admiratio-
ni fuisse fluxus & refluxus maris, intelliges faciliè ex illis Plinij
verbis

Cur terra
ab aquis
non ob-
ruitur.

Fluxus
& refluxus
maris
confide-
ratio.

verbis quæ sunt prima cap. 79. lib. secundi *De aquarum natura complura dicta sunt, sed æstus maris, accedere, & reciprocasse, maxime mirum pluribus quidem modis.* Ac rectè quidem dicitur pluribus modis mirabiles esse fluxus & refluxus maris; sunt enim re vera tales ob raritatem, quia etsi id in maris littoribus quotidie videtur bis, atque in quibusdam, pluries, nihil tamen simile esse videtur in tota rerum vniuersitate, cuius comparatione tollatur admiratio: deinde & quia causa tanti euentus non satis intelligitur: sed & quia illi non eodem modo vbique marium fiunt, sed variè in multis, neque in eisdem semper eodem modo, sed piuribus modis mirabiles: nam quocumque die naturali, qui viginti quatuor horis constat, bis crescit & decrescit mare, ab exortu Solis vsque ad meridiem crescit, inde decrescit, vsque ad occasum, inde rursus augetur vsque ad medium noctis, ex quo vsque ad summum mane decrescit rursus, idque in Oceano multò magis atque euidentius fit, quàm in mediterraneis, neque hoc exactè, sed cuiusdam horæ partis facta detractio. Porro hi maris æstus, per septenos dies insignes habent mutationes. septem enim primis à Luna noua modici sunt, reliquis septem vsque ad plenilunium increseunt manifestè, inde minui incipiunt, tertio septennio afferente etiam insignem mutationem. In æquinoctiis etiam ferunt esse maximos æstus, præcipuè in autumnali: in solstitiis verò minimos, præcipuè in æstiuali. Aiunt etiam obseruatum esse octauo quoque anno redire æstus maris ad paria incrementa, quòd octo annis centum numerentur Lunæ circuitiones: ego verò crediderim horum pleraque non tam constare certò quàm leuiter credi. Ferunt etiam esse vbi in die septies reciproce æstus ille, vt in Eubœa: sunt etiam putei in Bætica, quorù in Hispaniæ vnus, qui augentur etiam quotidie ac minuuntur: contra autem ac mare; siquidem eo crescente decreseunt, & crescunt decresecente. in Gadibus alius, qui æstum quidem habet, non tamen eisdem temporibus semper, sed aliquando contrariis, & cum hæc omnia mirabilia sint, illud verò multò magis fieri, hæc tam statura & firma lege, vt vltra solitum nunquam progrediatur mare, sed certò sciant litorales quotidie quousque mare sit exundaturum, neque tranuersum pedem errantes, vt euidenter constet eam legem posuisse Deum aquis ne vltra procederent, sed illic confregerint tumentes fluctus suos, non tamen proinde dicimus, id naturali causa destitutum solo constare Dei præcepto; imò verò ex præcepto Dei fluxisse rerum omnium naturas. Quapropter cùm in Dei præceptum referimus quidpiam, nihil prohibet naturales eius causas inue-

stigare

Maris.
æstus.

figare. Vt mare exundet inſuaturque in litus, indeque reſſuar,
 non quidem ob maris in quampiam partem fluxum euenit,
 ſed quia augetur tumefactum & quaſi furens. Quapropter, vt
 feruens aqua olla exit, non alia cauſa quàm quòd calore rare-
 facta, vaſe non capiatur, ita mare tumefcens exundat in litora,
 contrà, detumefcens ſubſidet, & velut abſorptum redit in
 alueum. Hanc verò eſſe eius rei rationem inde conſtat, quòd
 circa litora magis quàm in altum deprehenduntur hiſ motus,
 ſcilicet in alto non decurrit aqua. ſed ſenſim intumeſcit, ad li-
 tora currit, quia non capitur: fieret verò contrà ſi inſlueret
 mare more fluminum; multò enim magis ſentiretur motus
 vnde ageretur, quàm vbi finitus ceſſaret. Ex hiſ palam ſit, ma-
 iori pròprietate appellari tumorem fluctuum, & elationem
 maris, quàm fluxum & reſſuxum: re vera enim non fluit niſi
 ex accidenti, quia tumefcens non capitur loco; æſtus verò mi-
 hi videtur per analogiam vocari, quia perinde videtur mare
 pari, ac ſi æſtu caloréque ferueat. Huius intumeſcentiæ cauſas
 longè diuerſas Philoſophi reddiderunt. Ariſt. & Heraclitus (re-
 ferente Plutarcho) à Sole fieri cenſent, pleroſque enim ſtatus
 ſua illum circuitiōe ſecum trahere, quibus ingruentibus, &
 protrudentibus mare Atlanticum, ipſum intumeſcere & æſtum
 efficere, ſopitiſ deinde ſtatibus mare ſeſe colligere, idque eſſe
 reciprocationem. Pythias Maſſilienſis maris acceſſus Lunæ in-
 cremento fieri, decremento reſſus. Plato cuiuſdam ſpecus
 maximi intra terram hiatu ſuſtollit aquas, & latè effluere, ſu-
 bindéque eodem reſſuere. Timæus cauſatur flumina irrum-
 pentia in Atlanticum. Seleucius ſtatum dicit irruere in Atlan-
 ticum, cum verò motu terræ (hanc enim etiam moueri potat)
 & Lunæ agitari. Tam multas opiniones tantæ rei difficultas
 peperit: at mihi videtur, quæ ex hiſ ferè omnibus colligitur eſſe
 probabiliffima, nam quia ad eò certus conſtitutuſque eſt ille
 motus, & numerum quendam horarum, dierum, hebdomada-
 rum, menſum ac fortaſſe etiam annorum obſeruet, probabili-
 ter reſertur in ſuperiores, æternas, ſtabilesque cauſas inferna-
 rum enim omnia temerè agitantur, cum præcipuè reſpondere vi-
 deantur aptiſſimè illius circuitus Solis Lunæque motibus. Nam
 diuina per ſenas horas repetitio diurno Solis, aut Lunæ motui
 reſpondet, quæ verò per hebdomadas ſit mutatio menſtruo
 Lunæ: mutatio etiam per ſolſtitia & æquinoctia ad Solem re-
 fertur: quia verò multi & fontes & putei aut ſimul cum mari,
 aut contrariis temporibus creſcunt & decreſcunt, conſtat mo-
 tum illum non ad ſupremam extremitatem aquarum cieri, ſed
 intrinſecus à maximo illo barathro, quod intra terræ viſcera

Mare At-
lanticum,

est; unde copiosus erumpens flatus aquas inflat, ac subsidens iterum facit derumescere. Verisimile est enim quibusdam por-
 teis (siquidem alij omnes expertes illius passionis sunt) amplio-
 res esse ductus vsque ad maximas illas terræ cavitates ipsius
 marisque communes. Vt verò quidam tumescente mari deru-
 mescant, & derumescente tumescant, cum alij moueantur vt
 ipsum mare. causa est in ipsorum pororum, quibus cum mari
 communicant longitudine, figura, & positu, amplitudine, aut
 angustia, qui enim coniuncti mari secundum breues & re-
 ctos, ampliusque & expeditos poros sunt, implentur cum ipso,
 qui verò contrà secundum locos angustos, & in contrarium
 tortuosè ductos, his aqua absorbetur ab ipso tumescente mari;
 non aliter ac in corporis nostri venis euenit, vt magnarum
 scissione, quæ coniunctæ sunt, tractione repleantur, quæ contra
 positæ inaniantur reuulsione, qui mediocriter ad mare habent,
 nonnunquam simul cum mari, nonnunquam contra patientur
 vt huc aut illuc flatus ille a barathro cōtingit moueri; qui verò
 nō habent (huiusmodi sunt omnes qui refluunt vsque ad mare)
 illos poros vsque ad barathrum perpetuos, & secundum om-
 nem longitudinē expeditos, sed multis in partibus intercisos, &
 obturatos interstire (dura quidem vt obstat, rara verò & per-
 colandæ aquæ peruia) terra; aut per reciprocos flatus expulsi, &
 supra naturā suā acti sursū, à reliqua aqua decisi pendent, nul-
 lam talē passionē tubeunt, sed sine æstu perseverāt vtcunq; mo-
 ueatur mare. Itaque proxima mouēdi maris causa est flatus in-
 tra terræ cauernas conclusus: prima verò fortasse, duo lumina-
 ria, quæ generant flatum, & commouent, tamen & in ipso flatu
 est mouēdi causa, quòd aqua pondere subsidens premit illum, is
 pressus erumpit & violenter extollit aquas, eo impetu sedato
 rursus aquæ subident, atque ita alternis vicibus agitur vtrum-
 que. Figura verò & magnitudo cauernarum, non vbique ea-
 dem, sed valde dissidens facit vt quædam maria simul crescant,
 quædam contra, quædam bis, quædam pluries, quædam
 huc, quædam illuc versus, vt lacus Mæotis in Pontum: hic in
 Propontidē, nō contra. Itaque horum omnium, quæ difficillima
 quidem sunt, intra terram esse videntur causas; vt verò hæc inun-
 dationes accommodentur illis horarum, mensium, & annorum
 articulis, opus esse videtur astris, atque vtrarumq; causarum co-
 pula veritas rei huius cōstare. Hæc cum sint exūdationis maris
 causæ, earū modus & certa facultas efficit, vt passionis quoque
 eius siue motus certa sit mēsurā, nimirum Lunæ, Solisq; eadem
 semper siueque similis est facultas, regulam tenens æternam,
 accessus, & recessus, ac circutionum, Abyssi etiam illius in-
 geatis

Motus
maris cau-
sa.

Maris ter-
mini.

gentis, & humoris halituumque inclusorum, ad totius maris
 aulem est certa ratio & mensura, unde fit, ut sit certus quidam
 modus intumescentiæ illius maris, ac proinde & fluxus. Atqui
 quilibet modum cum causarum posuit, is quoque legem posuit
 mari, dixitque: *Usque huc venies & non procedes amplius*. Neque
 verò quia quædam loca mari submersa sunt superioribus tem- Lex ma-
 poribus, ac nunc etiam alia periclitantur mergi, nisi obstaculis ris.
 quibusdam obliteretur mari, ut in Olandia, & Zelandia, quod
 de certa aquarum lege dictum est, redarguitur: magna enim
 ex parte illic, non tam detinetur quominus constitutos sibi
 fines excedat mare, quam ab illis finibus arceatur, obstaculis
 quibusdam ab incolis factis: atque cum aliis insularum par-
 tibus arceatur, non potest alias inuadere: atque ita factum est,
 ut pagos quidem & villas occupauerit, aliis verò non mino-
 ribus partibus cesserit, hominum ad has mutationes industria
 iuvante, præterquam quod legem quam posuit Deus aquarum
 fluctibus, noluit ipsemet Deus adeo esse impermutabilem, ut
 quam Soli, Lunæ & reliquis astris. Illa enim ita iter peragunt
 imperatum, ut ne latum quidem vnguem essent huc aut illuc
 declinata, ne si infinitum quidem tempus duraturus esset
 mundus: mare verò non ita, sed tam lentas effecturum mutatio-
 nes, ut conferentibus nobis quæcunque ab antiquissimis Cos-
 mographis scripto mandata reperimus, cum iis quæ conspici-
 mus, nullæ prorsus fieri videantur, eadem enim mensura, ea-
 dem figura, continentis, & insularum omnium: si verò in mille
 myriadas annorum esset mundus hîc duraturus, non dubium
 quin permutanda forent omnia, commutandaque loca terræ
 & aquæ, hinc exesa terra, illuc congestis arenis, adeo tamen
 lente, ut nullis hominum sæculis agnosci possit vlla insignis
 mutatio, sed quantumvis vterentur scriptis, essent omnes pu-
 taturi, nihil esse unquam permutatum. Neque quidem (ut dixi)
 hoc dictam aquarum legem tollit, hac enim ipsa condi-
 tione lex à Deo data est. Nimirum, est naturalis conditio re-
 rum corruptibilium omnium, ut semper secundum se totas,
 aut secundum partes recipiant alterationes. Retenta igitur hac
 naturali rerum conditione, imperavit Deus mari, *non procedes*
amplius, non scilicet ita procedes, ut animantibus terrori sic,
 aut eorum generationem tollas, sed *hîc confringes tumentes*
fluctus tuos, tam perseveranter, ut nullam sæcula vlla sentiant
 insignem permutationem. Quapropter quod de Atlantidis in- Chaldæo-
 sula mari submersa Plato narrat in Timæo, falsum prorsus rû repre-
 est, atque impostura Chaldæorum, qui antiquitatis opi- hensio.
 nione, multa eiusmodi mendacia narrabant Græcis, dicentes

se (vt refert etiam Cicero) plus quàm quadraginta mille annorum historiam habere.

Sed quanta his impostoribus idololatriæ, & præstigiariū omnium parentibus, fides habenda sit, multis iam locis indicauimus. Quod verò Arist. dicit, alternis viciis mutari mare, & terras, quasdamque intulas disparere, alias emergere, non est historicè accipiendum, sed Philosophicè, cum enim ille putaret mundū ab æterno extitisse, neque finem habiturū, meritò colligebat, non semel, sed infinities mutanda omnia, secundum partes quæ ortui & interitui sunt obnoxia. At verò id factum cum nondum sit, neque fortasse antequam sistatur cœli motus sit efficiendum, historia constare non potest, sed stat firma lex, quam Deus posuit aquis. Atque conditione naturali seruata stabit, vtque dum eam ipse legislator, cui, vt nuper dixit Eliud, *nullus similis est in legislatoribus*, & simul cum hac mundi forma soluat. Quod igitur ad maris fluctus attinet, ita habet. Illud superest interpretemur. *Quando erumpebat quasi de vulua procedens, cum ponerem nubem vestimentum eius, & caligine illud quasi pannis infantia obnoctuerem.* Videtur enim hoc aliud esse, quàm quod in Genesi dicitur à Mose, vbi maris generationem ita tradidit: *Dixit verò Deus, congregentur aquæ quæ sub cœlo sunt in locum vnum, & appareat arida.* Quæ verba significant haud dubiè, in initio delinuisse totam terram sub aqua, hanc deinde præcepto Dei secessisse in locum vnum, & detectam esse eam terræ partem quam incolimus: præsentis verò loci verba videntur influere, factam esse aquam sub terra, atque cum inde velut ex vulua magno impetu erumperet, cohibitam esse præcepto Dei, & conclusam ostiis, quominus totam terram occuparet: hæc verò longè diuersa ratio mundi efficiendi esse videtur. Quæ non alio quàm hoc modo censeo componi posse. Initio fecit Deus rudem quandam congeriem elementorum, quam dixere Chaos.

Chaos.

Erat verò quoddam lutum ex tota terra aquaque commistis, quod circumstabat moles magna nebulosi & omni luce carentis æris densissimis Ægypti tenebris simillimi, mox vt separari hæc cœperunt, subsidens facis more terra expressit aquam, quæ ita ex terra erumpebat velut ex vulua procedens. Rectè enim terra mundi vuluæ confertur, siquidem in ea concepta, ex ea nascuntur omnia, aqua verò rationem habet seminis communis, per eam enim fœcudatur terra, neque sine ea procedere ex sese quidpiam potest. Accommodatissima ergo comparatione, exitus aquarum è terra, eruptio ex vulua vocatur, seminis scilicet communis ex communi matrice. Et tunc quidem

videm aqua nebulofo & caliginoso aëre erat (recens à terra nata) velut pannis infantie obuoluta , tenebris scilicet , quæ erant super faciem abyssi aqua separata , & vt par erat superstante formauit Deus terram, qualis nunc est, confirmans eius fundamenta , præparansque in ea foueas immensas & cavitates , iussit aquas in illas secedere , & fecit ex terra & aqua vnicum orbem,

CAPVT LIII.

Cap. 38. Iob : *Per quam viam spargitur lux , diuiditur æstus super terram ?* Aristot. lib. 2. de anima , cap. 7. reprehendit Empedoclem , quod dixit, lumen seu fulgorem esse quiddam, quod feratur, & extendatur inter terram & cælum (itaque per aërem,) verum eam lationem & effusionem nos latere, fortasse quod tenuissima res sit, & celerrimè feratur, hoc inquam reprehendit Arist. quia ferri & extendi corporeæ substantiæ solum est, lumen verò nihil est aliud, iuxta illius sententiam, quàm quædam patibilis qualitas , per præsentiam rei lucidæ genita , per quam quod erat potentia diaphanum, fit actu diaphanum. Quæritur verò à Domino hoc loco, *per quã viam spargitur lux*, quasi scilicet spargatur, spargi verò genus quoddam lationis significat, quapropter & corporea substantia esse videtur, talis verò si esset, haudquaquam posset replere totum aerem sine corporum penetratione, nisi forte aer, vt hoc argumento visum est multis Philosophis, poris vacuis abundat: si verò vacuū nihil est, haud poterit per totum aerem substantia alia ferri , quantumvis sit tenuis. Accedit quod si ex Sole continenter efflueret illa substantia, iam pridem esset absumptus totus, aut saltem esset aliquando totus illuminatione absumendus. constat verò illuminationem lucidis corporibus nihil detrahere , quapropter corpus non est , quare neque spargi videtur posse. Mirabile verò etiam , si corpus non est quo pacto radiis stet , qui recta ferantur , reflectanturque & incidant ad angulos rectos , acutos & obtrusos , & mille modis congregiantur. Nam si corporea substantia non est , sit sanè accidens , aut substantia incorporea : at verò neutrum horum videtur illa pati posse, nam flecti, & ad hos aut illos angulos incidere , & rectum esse aut curuū, figuræ quædam sunt: figura verò non est nisi in corpore, quare in incorporea substantia, vt in mente nullatenus, in accidenti corporali, non nisi per accidens, hoc est, per ipsum corpus cui inest:

Lucis de
finitio

inest: velut candorem nemo dicet triangularē, aut quadratum: nisi quia papyrus hac aut illa figura est, ita neque nigritiē, nisi quia litera. Eadem etiam ratio, ac fortasse etiā maior sit de aliis omnibus qualitatibus: quis enim audeat dicere, dulcorem aut calorem, rectum, aut curuum, triangularē, aut quadratum? non igitur posset lumen, nisi substantia quædam corporea esset, reflecti, nisi cum aëre illuminato: at verò reflectitur in vmbra, nullatenus reflexo aëre, non enim vt Echo sit repercusso aëre, ita vmbra, sed ipso quàm maximè quiescente, reflectitur: ergo lumen non vt accidens, sed per se, vt corporalis substantia quædam quæ per aërem spargitur. Sed quæ eius via? corpori enim non potest esse per corpus via, si verò quantum est lumine plenum in aëre, erat vacuum, totus cūm illuminatus sit nullus relinquebatur aëris locus, præterquā quòd vacuum nō esse, nulli iam video esse dubiū. Mirabilis profecto est lucis natura, aded vt à quibusdam Philosophis corporalis Dei pars appellata sit, cuius anima esset veritas, Deus ipse Opt. Max. primo statim generationis die, ipsam fecit, singulariter commendauit, videns lucem quòd esset bona. Videtur esse res sui generis, neque corporalibus rebus, neque penitus spiritualibus annumeranda, quæ difficilis sanè cognitu est, neque scio an vlli satis perspecta, qui non eius originem in æterno exemplari contemplatus sit. Non interim pro nostro captu eius conditiones perpendentes, quod Deus dederit, differimus. In primis substantia videtur esse non posse, quādoquidē neque corporea, neque incorporea: corporea quidem, quia non posset aërem penetrare, quem tamen totum illuminatum esse videmus: incorporea, quia videri non posset, lumen verò videri constat, quia sensus organū ita afficit vt corrumpat etiam aliquando velut excellens sensibile. Quo pacto autē esset excellens sensibile, quod omninò sensibile non esset? est igitur sensibile alioqui quomodo in solum aerē intendētes visum, dignosceremus diem esse aut noctem. Neque verò videtur horum alterutrum priuatiuè cognosci, sed vtrumque per veram passionem visus à lumine quidem disgregati, à tenebris congregati. Sed, etsi dicamus tenebras priuatione cognosci, vtrumque tamen non potest: cūm enim contraria sint, nō possunt ambo priuatione fieri: lumen igitur per se videtur, quare non est substantia incorporea, vt Deus aut mens. Sed neque accidens incorporeum est, vt notitia intellectiua, aut quidpiam tale, quia ne sic quidem sentiri posset: visorium enim organum corporeum cūm sit, ab spiritali passione affici non posset: superest igitur vt sit accidens corporale, hoc est, affectio aut passio corporis cuiuspiam. Eius igitur quod illuminatur,

Lux non
est sub-
stantia.

Lux est
accidens
corpora-
le.
Diaphanū
quid.

hoc

hoc est diaphani, dicitur enim, estque re vera mediū actu diaphanū seu transparens, cū illuminatū, atque hac causa translucens etiam vocatur quod transparens, quasi idem sit, actu transparens & translucens: quod verò tenebrosū est diaphanū potentia, capax enim lucis & ea carens. Hac causa Arist. dicit lumen & tenebras eandē rem esse numero, putā ipsum diaphanum, ratione differre: quod enim potentia diaphanū, tenebræ: quod actu, lux est, itaq; quod prius erat tenebra, fit deinde lux. Quem loquendi modū ad spiritalem transferens lucem, Paulus ad Ephesios dixit, *Eratus aliquando tenebræ, nunc autē lux in Domino.* hoc etiam significato acceptū est tenebrarum nomen c. 10. Exodi, ubi dicit, *Extende manū tuā in cælum, & sint tenebræ super terrā Ægypti tam densa, ut palpari queant.* Nimirum aer illuminatus rarefcit, quia lumen ignē conuocat, lumine priuatus trassefcit excluso igne: per summas ergo tenebras fieri poterat adedō densus, ut palpari posset, hocque est tenebras palpari, hoc est, aerem lumine priuatū. Ita quoque fieri poterat tenebrarū catena, ut dicitur 17. Sapientiæ. Verū in his omnibus locis, nomen lucis & tenebrarū materialiter accipitur. Ut & ab Aristotele: formaliter enim constat aliud quidpiam esse vtrumq; ab ipso aere, seu ab ipso diaphano. Si enim quod erat potentia diaphanū, fit actu diaphanū, illa ipsa Entelechia actu diaphani, seu forma, seu ratio, qua actu diaphanū fit, fit formaliter lumen: itaq; lumen sit Entelechia, seu actus diaphani; tenebræ eius Entelechiæ vacuitas coniuncta cū potentia, potentia autē & actus est diaphani, quare, ut dictū est, fit lumen affectio aut passio corporis cuiuspiam. Quo pacto igitur spargitur, & recta producit, & reflectitur? Nunquid hæc accidunt lumini materiali, hoc est, illuminato aere, an formali, hoc est, Entelechiæ actu diaphani. Certē huic, nam per aerem quiescentē spargitur rectaq; producit, & reflectitur lumen. Quomodo ergo hæc verē dici possunt de passione? non sanē propriē, & ut ea verba lationem quandam significant, sed analogicē. Quia ipsum illuminari, seu lucidum fieri, phantasiā præbet talium lationum, re vera autem fieri videtur, ut nunc dicam. Illuminatur aer, cū sit ex potentia diaphano, actu diaphanum: fit verò tale sola præsentia corporis lucidi, ut Solis, aut ignis, itaque lux est facultas quædam, seu virtus, quod potentia diaphanum est, efficiendi actu tale, per solam suam præsentiam. Quoniam igitur corpus lucidum illuminare non potest, nisi illud medium, inter quod & ipsum nullum intercedit opacum (quia hoc cum non sit potentia diaphanū, non est capax luminis) fit ut lumen fieri non possit,

possit, nisi in ea medijs parte, ad quam ex corpore lucido ducta potest linea recta nulli opaco occurrens, ob id secundum lineas rectas ferri dicitur lumen: etiamsi reuera non sit res quæ feratur.

Lux totū spatium nō æqualiter illustrare. Porro lux, ut maior aut minor est, ita maius aut minus medium potest illustrare, atque illud ipsum illustrare magis aut minus, neque æqualiter quidem totum spatium, sed proxima

pars illustrior fit sensim languescente lumine, ut à lucido corpore receditur, tantò enim quæuis pars minus afficitur, quantò longius abest à facultate, ut ferrum tantò lentius trahitur, quantò longius distat à magnete. Cum igitur lumen, antequam omnino sit exoluta facultas lucis, incidit in opacum, quæ antrorsum per aërem erat alteratio producenda, retrorsum producitur: idque vocant reflecti lumen, tamen si non sit flexile quidpiã, sed horsum aut illorsum acta alteratio. Eadem autem

Luminis definitio. ratio est luminis, & visibilium specierum colorum omnium, nam lumen nihil aliud est quàm lucis speciei per diaphanum effusa, per quam & lux videtur, & ipsum diaphanum actu fit, ut species colorum omnium per illud transmittat. Ut igitur à lucido corpore lumen, ita species colorum à coloratis per diaphanum, sola præsentia producantur, hoc interest, quòd lumen facit diaphanum actu, reliquæ species id non valent facere, sed per diaphanum actu producantur: nimirum indicatum mihi alibi est, colores lucis participatione innasce corporibus, esseque flammulas quasdam lucis æmulas; sunt ergo genere similes, minus autem possunt. Ut igitur lumen est Entelechia actu diaphani, ita reliquæ omnes species actu diaphani passionis quædam. Mirabile igitur est, quod cum videantur per aerem spargi lumen & colorum omnium species, nihil tamen spargitur, neque penetrat, aut pulsatur aerem, ut Empedocli videbatur, sed aer ipse mirabilibus quibusdam alterationibus, induit omnium corporum quæ adsunt formas. Hæc quo pacto fiant, nullus hominum potest distinctè eloqui, neque cogitare. tamen si fieri quidem omnino probabiliter disseruimus. Proinde humanam ignorantiam arguens Dominus, interrogat Iob.

Per quam viam spargitur lux? addit, diuiditur æstus super terram.

Æstus consideratio. Æstum super terram fieri à cœlestibus corporibus, notius est quàm ut quispiam posset dubitare, tamen illius causam referre in motum, maximus atque apertissimus error est Aristotelis, non enim minus aut tardius mouetur Sol noctu quàm interdiu, sed minus illuminat.

Quare cum id quod præsentia sit, & quo absente cessat affectio, causam esse omnes homines censeant, constat ad lumen debere

leberè referri æstus, non ad motum: lumen verò proprietate quādam esse effectiuum caloris, in materia quæ potest calefieri, etiam si Sol & alia astra eius passionis expertia sint, vulgares Philosophi affirmant: quod probabilius dicitur, quàm cælorum motu fieri, longè autem probabilius quod sæpè iam diximus, ignem qui per omnia permeat, sequi Solis fulgorem: ob analogiam tractum, atque idè quæ à Sole illuminantur à subsequenti igne calefieri. Diuiditur ergo æstus super terram, vt ignis hanc aut illam partem magis occupat, hocque euenit, vt hanc aut illam magis spectat Sol. Calefacit ergo magis partem quam magis illustrat, eoque, & quàm rectius aspicit, quia ab ea parte reflectitur lumen, vt explicuimus: geminata ergo illa passione fit maior illustratio, & maior ignis conuocatio, & calefactio maior, iuxta luminis igitur intensiorem diuiditur æstus super terram: minimo quidè existente in ea parte, quàm Sol non intuetur: maiori in ea quam obliquè: multò, in ea quam recta plurimum ad calefactionem iuuante mora, quia cum lumine ignis quoque immoratur. Via autem æstus occulta est, nimirum pori aeris, quia rarefcit penetratus à corpore tenuiori.

Hæc de lumine, & comite illius æstus, est quoddā aliud superius lumen hoc nostro quod conspiciamus, corporale illud etiam, in sede Beatorum, quò Solis facultas non pertinget, solius Agni præsentia conseruatum, velut & hic apud nos tribus primis Geneseos diebus seruabatur; tantò præstantius hoc, quantò supremi illius cæli corpus, aeris in quo viuimus corpore, est aliud longè diuinissimum, minimè corporale, quò non pascuntur Beatorum oculi, sed illustrantur mentes, quod vocant lumen gloriæ: hoc verò agnoscere non pertinet ad Philosophum, sed ipse Deus annunciat de eo amico suo, quod possessio eius sit, vt capite trigesimo sexto dixit Eliud. quæ verba valde consonant cum illis Platonis in dialogo de Natura: *Superiora verò his horum principia Deo nota sunt, atque ei qui Dei sit amicus.* vsque adèd Ethicus ille, hac certè causa sapiens, diffidebat scire se posse prima & certissima rerum naturalium principia nisi Deo reuelante: neque sanè de humilibus & incertis posse, nisi ad probabilitatem aliquid disputare. Vt liceat mirari quorundam Christianorum temeritatem ad credendum, quorum quæ opinantur, nihil non putant se certissimè scire, quo fit, vt ad credendum quæ non intelligunt sint duriores, quia opinione sapientiæ fiunt stulti, cum tamen Deus ipse toto hoc capite hominibus indicet suam, rerum etiam quas vident, & quibus viuunt ignorationem. Mihi mea ignorantie

opinio præstò fit, & humilitas. Per hanc enim (arbitror) viam
spargitur lux. Deo gratias.

C A P V T L I V.

CAp. 38. Iob : *In similitudinem lapidis, aquæ durantur, & superficies abyssi constringitur.* De grandine videntur dici illa verba priora : *In similitudinrm lapidis, aqua durantur.* & de glacie quæ apud nos, fit posteriora illa, *Et superficies abyssi constringitur.*

Glaciei
cōsidera-
tio &
grandi-
nis.

Nimirum grando & glacies eadem res est, aqua scilicet præ frigore constricta. Figura solum differt, quòd scilicet grando orbiculares quidam lapilli sunt, ex pluviæ cadentis guttulis geniti, glacies verò fit ex continuata aqua siue in fluminibus, siue mari, siue fontibus, siue in stagnis, aut vasis quibuscumque concrecente, & ipsius aquæ quæ concreta est figuram retinet, tamen sphærulæ illæ nomen peculiare habent, diciturque Latinis grando, Græcis χάλαζα; tamen communi nomine dicitur vtrique glacies, & Græcis κρύσταλλον. Atque ita de grandine dicitur in Psal. 147. *Mittit crystallum suam sicut buccellas, ante faciem frigoris eius quis sustinebit?* de glaciei verò generatione dicit, *Constringitur facies abyssi* quia concretio aquæ semper incipit à superficie, & procedit versus imum, atque ad eò superuenitur in aqua, atque si violenta demergatur in profundum, sponte effertur, itaque semper occupat abyssi superficiem : cuius rei causa pendet ex ipsius glaciei generatione. Dicitur enim mihi iam est non semel, aquam suo naturali frigore concrecere, per ignis, & calidarum exhalationum absentiam. Quia si affectionem ullam frigidam præter naturam suam pati posset, esset aliud quidpiam natura frigidius : cum verò necesse sit quod est primò, esse etiam summò tale, necesse est aut aquam non esse primùm frigidorum, aut nullum frigus esse illi præter naturam. Cum igitur quando recedente Sole, ignis eius assecla ex propinquo aere fugit, vapores frigidi eius loco in aerem se effundant, & exhalationes calidæ in profundum terræ se condant, necesse est, ut à superficie abyssi recedant priusquam ab aqua profundiori, atque ita deinde incipiat glacies. Qua etiam causa sese frigidis temporibus pisces in profundo recondunt, quo ad vitam indigent calore potituri, viraturique mortiferum frigus. Glacies itaque

hæc causa gigni incipit à superficie abyssi. Grando quoque videtur quibuldam fieri ex nubibus, primum quidem in glaciem duratis, deinde ventorum frigore comminutis in frustula, aut etiam calore Solis. Itaque esse grandinem frustula decisæ glaci, ea verò fieri in ipso descensu rotunda, longo illo præcipitio velut conuoluta. Fuit hæc sententia inter antiquos Philosophos Epicuri, inter Christianos D. Isidori Hispalensis, cui videntur suffragari illa verba cap. 43. Ecclesiast: *In magnitudine sua posuit nubes, & confracti sunt lapides grandinis.* Hæc enim aperte videntur innuere, confractis lapidibus (ex glacie scilicet) factam esse grandinem. Cæterum Aristot. euidenter satis refutauit hanc sententiam, cap. 12. Meteor. his verbis: *Absurdum prætereà suspicari, aquam superiori in loco congelascere, quandoquidem fieri non potest ut id consequatur antequam reddatur aqua, neque ullo tempore aqua suspensa permanere potest.* Hæc Arist. Ex quibus palam fit, ex nube aquæ guttas fieri potius, his deinde seorsum cadentibus, & gelascentibus, fieri grandinem, & ipsarum guttarum figuram retinere. Illud verò Eccl. ita intelliges, confractos esse lapides grandinis, hoc est, decisos ex nube, non quidem gelata prius, sed per particulas in guttas abeunte: verum enim ita etiam est, lapides grandinis ex nube esse decisos, etsi non sint decisi facti iam lapides, sed post decisionem lapidauerint.

CAPVT LV.

CAP. 38. Iob: *Quis posuit in visceribus hominis sapientiam, vel quis dedit gallo intelligentiam? quis enarrabit cælorum rationem, & concentum cæli quis dormire faciet? Quando fundebatur puluis in terra, & gleba compingebantur? & c. 39. Nunquid capies leane prædam, & animam catulorum eius implebis, quando cubant in antris, & in speciebus insidiantur? Quis præparat coruo escam suam, quando pulli eius clamant ad Deum vagantes, ed quod non habeant cibos? Nunquid nosti tempus partus ibicum in petris, vel parturientes ceruas obseruasti? Dinumerasti menses conceptus earum, & scisti tempus partus earum? Incuruantur ad sætorem, & pariunt & rugitus emittunt. Separantur filij earum, & pergunt ad pastum. Egrediuntur, & non reuertuntur ad eas. Quis dimisit onagrum liberum, & vincula eius quis soluit? Cui dedi in solitudine domum, & tabernacula eius in terra falsuginis. Conterminat multitudinem ciuitatis, clamorem exactoris non audit. Circumspicit*

cumspicit montes pascua sua, & virentia quaque perquirat. Nunc quid volet rhinoceros servare tibi, aut morabimur ad praecepe tuum? Nunquid alligabis rhinocerotia ad arandum loro tuo, aut confringet globus vallium post te? Nunquid fiduciam habebis in magna fortitudine eius, & relinques ei labores tuos? Nunquid credes illi quoniā sementē reddat tibi, & in aream tuam congreget? Penna Struthionis similis est pennis Herodij, & Accipitrus: Quando derelinquit ova sua in terra, tu forsitan in pulvere calfacies ea? Obliviscitur quod pes conculcet ea, aut bestia agri cōterat. Dūtat ut ad filios suos, quasi nō sint sui, frustra laboravit nullo timore cogentē, privavit enim eam Deus sapientia, neque dedit illi intelligentiam. Cū tempus fuerit, in altum alias erigit, deridet equum & ascensorem eius? Nunquid praebebit equo fortitudinem, aut circumdabis collo eius hinnitū? Nunquid suscitabis eum quasi locustas? gloria narium eius terror. Terrā ungula fodit, exultat audacter, in occursum pergit armatis. Contemnit pauorem, neque cedit gladio. Super ipsum sonabit phœetra, vibrabit hasta, & clypeus. Feruens, & fremens, sorbet terram, neque reputat turba sonare clangorem. Vbi audierit buccinam, dicit, Vah! Procul odoratur bellum, exhortationē ducum, & ululatū exercitus. Nunquid per sapientiam tuam plumescet accipiter expandens alas suas ad Austrum? Nunquid ad praeceptum tuum eleuabitur Aquila, & in arduis ponet nidum suum? In petris manet, & in praeceptis silicibus commoratur, atque inaccessis rupibus. Inde contemplatur escam & de longē oculi eius prospiciunt. Pulli eius lambunt sanguinem, & ubicūque cadauer fuerit, statim adest. Hæc Iob.

anima-
tam co-
gnitio.

Ut corporearum substantiarum præstantissimæ sunt, quæ vocamus animalia, ita ex naturæ eorum contemplatione, maximè erigitur humana mens in altissimi Dei contemplationem. Nimirum optimum opificium optimi opificis argumentum est. Proinde Dominus recensitis quamplurimis quæ spectant ad mundi partes sensu carentes, attingens per capita, quæ spectant ad animalium historiam, disputationem claudit. Nihil autem mirabilius est in animalium genere, quam id quo à reliquis corporibus differunt, putā cognitio: in hac verò mirabilis tanta differentia ut alia sint stupidissima, alia sagacissima, alia audacissima, alia timidissima, alia prolis amantissima, alia negligentissima. Porro mirabilis est compositio singulorum corporum, & partium omnium ad mores accommodata structura. Mirabilis quorundam animi vigor postremò & corporis moles. Quæ omnia attestantur quam maximè sapientiam, potentiam, & bonitatem Dei: quandoquidem fieri non potest, ut animantia, vi cognoscendi, & sapientia plus aut minus participant, prima rerum omnium causa quæ ipsa fecit non sit intel

Intelligens & sapiens. Ad hoc argumentū spectant verba illa Psal.
 magisimitertij : *Intelligite insipientes in populo , & stulti ali-*
quando sapite. Qui plantauit aurem , non audiet , aut qui finxit
oculum , non considerat ? Quod quidem argumentum firmissi-
 mum est , si semel concedatur , hominem , vt & quodcunque
 aliud animal , Dei esse opificium. Non enim posset Deus au-
 diendi aut videndi organū formare , ipsum audire , aut videre
 non agnoscens. Neque cū adhuc nihil esset extra ipsum , po-
 terat nisi in seipso agnoscere , quare necesse est ipsi præstantiori
 modo esse ea omnia , cognoscere videlicet & sapere. Neque ali-
 ter possit quispiam id negare , quā negans hæc à Deo quo-
 piam esse facta , sed sponte constitisse talia , vt & ipse Deus per
 sese est. Hoc igitur refutans Dominus exorsus est hanc dispu-
 tationem ab illis verbis : *Vbi eras quando ponebam fundamenta*
terre ? & paulò infra in hoc ipso cap. dicit , Sciebas tunc quod nasci-
turus esses , & numerum dierum tuorum noueras ? quasi dicat , tu ipse
 tibi conscius es , te nullibi tunc fuisse , ac ne fuisse quidem om-
 nino ; nihil igitur habes ex teipso , ne ipsum quidem esse , sed ab
 alio es factus , à quo necesse est acceperis quæcunque tibi na-
 turaliter insunt. Neque sanè sit satis dicere , à parentibus ; nam
 illi etiam paulò ante te facti sunt , quapropter eadem est dubi-
 tatio , eundūque in infinitum , aut postremo consistendum in
 aliquo , qui nunquam non fuerit , à nullo factus , à quo facta
 sint omnia , cuius sint per se bona omnia , quæ reliquis omni-
 bus communicauerit. Si igitur non semper fuimus , vt non ipsi
 nobis testes sumus , neque fecimus ipsi nos , ipse profectò fecit
 nos , qui semper , ac per se est , quapropter quidquid in nobis ,
 aut aliis vllis rebus est boni , in illo necesse est sit eminentius.
 Ad hoc argumentum etiam pertinent prima illa verba præ-
 scriptæ orationis : *Quis posuit in visceribus hominis sapientiam ? vel*
quis dedit gallo intelligentiam ? quasi dicat , neque homo accepit
 sibi sapientiam præ reliquis animantibus , neque eam quam
 habent intelligentiam illis impertitus est. Necesse est ergo
 tributa esse hæc & alia omnia bona quibus participant , tum
 hominibus , tum reliquis animantibus , tum etiam reliquis om-
 nibus rebus quæ natura constant , ab vno aliquo ente ante om-
 nia entia , & bono ante omnia bona , cum quo nullus homo
 possit contendere : videbatur enim Iob velle contendere cum
 Deo , vt exprobrabatur ei ab amicis , Dubitatum est à Philoso-
 phis de ea quæ brutis inesse videtur intelligentia plerisque ne-
 gantibus esse illis vllam rationis vim , sed sensum solū , aliis
 etiam non paucis asserentibus , præter sensum inesse illis quan-
 dam mentem. De qua quæstione Plutarchus libello de anima-
 lium.

Bruta
 quomodo
 intelligāt.

Nota hanc
disputa-
tionem.

Sensus an
sine mēte.

lium industria, optimè mihi videtur disputasse. Negant vllam esse vim rationis brutis, hoc præcipuè argumento, quòd oñne animal esset rationale. Videtur autem rationale differentia animalis esse, quapropter vt in illis contrariis euenit, ita in hac quoque oppositione, necessariò si vnum est, sit etiam alterum, vt si quodpiam est animal rationale, sit etiam aliquod irrationale. Quare si homo animal rationale est, sit quod nō est homo animal rationis expers. His alij respōdent, rationale & irrationale differentiam animalis non esse, sed corporis, numero quidem eandem cum sensibili & insensibili, eo quòd rationale separari non possit à sensibili. Stratonē Physicum referunt libellum quendam scripsisse, quòd sensus sine mēte esse non possit, quod præcipuum est fundamentum eorum, qui plus aut minus censent animalia omnia ratione participare. Itaq; huc controuersia vertitur, an possit esse sensus sine mente; si enim non potest, necesse est animantibus omnibus mentē concedere, aut brutis etiam sensum denegare. Videtur autem non posse mens separari à sensu, quandoquidem, vt Hippocrates dicit, qui parte aliqua corporis dolentes dolorem non sentiunt, iis mens ægrotat. Si igitur cū mens ægrotat alienatāq; est, ita vt sensuum organis intenta non sit, etiamsi dolendi accedat causa, non sentitur, multò minùs sentiri possit res vlla alia earum quæ minùs violenter sensum pulsant, nisi adsit mens, quod etiā in nobis ipsis experimur. Nam cū de re aliqua attentius cogitamus, plurima obuersantur ob oculos, & aures, quæ neq; videmus neq; audimus. Si igitur animantia mēte prædita, cū mens non attendit, non sentiunt, multò minùs sentire possent quæ penitus essent amentia. Quòd si amentia sentire non possunt, neque sensum possunt habere. Non potest igitur sensus esse sine mente. Ex hac, etsi natæ sunt duæ longè diuersæ assertiones. Plerique enim eorum qui eam recipiunt, colligunt omnia animalia, plus aut minus esse mentis, & intelligentiæ participia. Quidam nostratium nuper, ne brutis concederet rationem, timens (arbitror) ne & immortalitatem cogeretur concedere, sensum etiam abstulit, negauitque vlli præter hominem esse sensum, sed quæcumque à brutis sensu quodam agi viderentur, sympathia quadam & antipathia potiùs agi, & naturæ magis quàm animæ esse opera. Si itaque dicta thesis recipitur duorum alterum sit, aut nulli præter hominem esse sensum, aut animantibus omnibus esse mentem, & rationem, quibus vtrumque videtur esse absurdum, negabunt non posse esse sensum sine mente. Qui soli homini sensum tribuit, difficilem possit adhibere interpretationem multorū quæ in sacris scripta sunt.

lunt. Nam, equo dicitur, *ubi audierit buccinam, dicit de Vab! Pro-*
coratur bellum, exhortationē ducū, & vllulātū exercitus. Rur-
 sū de Aquila: *Inde contemplatur escam, & de longē, oculi eius prospi-*
ciunt. Neque solū Aquila & equus, sed & bos & asinus, stupi-
 diffima animalia, agnoscūt possessorem suū, & præsepe domini
 sui. cap. i. Esaiæ. Sed & opinio ipsa per se est absurda: nulla enim
 fides haberi potest sensibus nostris: proceditq; dubitatio vsque
 ad insaniam, si quæ cernimus intuitu quarundam rerum perter-
 rita fugere: rursus quibusdam rebus allici, pulsata vociferari,
 amicitia & inimicitia leges obseruare, sensum vllum habere
 negauerimus. Proinde hac assertionis parte, quæ non longē
 abest à delirio, dimissa, alterā consideremus, An scilicet brutis
 ratio vlla insit. Videntur quidē inesse nulla, quia ratio consensu
 Philosophorū, destinatur ad virtutem: virtutis verò & vitij non
 videntur bruta esse capacia, igitur neq; rationis. Alij contrā, his
 obijciunt, multa animalium tam terrestriū quàm marinorum,
 quàm etiam volatiliū opera, quæ eadem si qui hominū faciūt,
 censentur prudentissimi, quin etiā homines ipsos quampluri-
 ma eorū ob quæ maximē laudātur, facere cœpisse illorū imi-
 tatione. Quo pacto igitur (dicunt) nō sit iniquū illis eam laudem
 detrachere, quā nobis ex eorū imitatione assumimus. Præterea
 ad eandē facultatē pertinet benē & malē aliquid facere. Non
 enim euenit malē videre auribus, aut malē audire oculis, sed
 vtcunque videre oculorum est, & audire aurium. Igitur desi-
 pere, aut insanire, eiusdem est cuius sapere & bene ratiocinari.
 Nemo enim vocat lignum insipiens, quia scilicet sapere aptum
 non est. Videntur autē bruta nōnunquam decipi, quod quidem
 facit artem venādī iucundissimā, quia multis modis illis impo-
 nitur, etiam si non paucis illa vtantur stratagematis ad vitan-
 dum insidias. Videntur etiam aliquando insanire, nam simia
 ebrietate corripuntur, & vt alios morbos quàm plurimos, ita
 hydrophobiam, seu rabiem pati solent canes maximē, sed &
 equus, bos, & asinus, & camelus, quem morbum Medici ponūt
 in mania generibus. Si igitur bruta possunt delirare, possint &
 ratiocinari: nam delirium læsio rationis est. Cū igitur ex hac
 parte adedē virgeant hæc, videanturque animalia ratiocinari,
 suo quodque gradu, & alia plus aliis (quis enim negat asinum
 stupidiorē esse vulpe, & Struthionem perdice;) alia verò ex
 parte videatur à dignitate generis humani plurimam abhor-
 rere, ratiocinandi vim cum omnibus animātibus habere com-
 munem. quid de hac quæstione statuendum sit videamus,
 Certē rationē aliquam esse brutis, negare non possumus citra
 proteruiam: alioqui non ineptiūs denegatur illi sensus, nam
 quæ

An ratio
sit brutis.

Quæ ani-
mātia ra-
biem pa-
tiantur.

Bruta quo
à nostra
ratione
differant.

quæ alia ratio est agnoscendi facultates quàm per actiones, quàm per opera? Vt igitur quia clamoribus terreri, ac fugam videmus capreas, concedimus eas audiendi facultate esse præditas, ita videntes lepores metu imminentis periculi transfeire suos fœtus, & canem spe capturæ, & cibi nondum præsentis, insidias struere, necesse est concedamus prudentiæ quandam vim illis inesse. Nam ipsum prouidentia vti nihil aliud est, quam nondum præsentia pericula præcauere, & quæ euenire possunt bona, mediis appostitis procurare. Sensus enim præsentium solum est, multis tamen constat argumentis, hanc brutorum rationem longè diuersam esse ab humana mente, neque maioris vel minoris solum ratione differre, sed ipso rationis esse, atque ita vt rationis & rationalis nomen de vtrisque non vniuocè dicatur, sed analogicè. Primum quidem, quia mens humana, natura sua & ex sese nata est ratiocinari simpliciter, & circa quiduis. Studio enim & exercitatione fit hic strenuus Medicus, ille Imperator, alius venator, alius agricola, faber alius: rursus hic Physica meditatur, ille Mathematica, ille etiam Theologica. posset qui nunc Medicus, si didicisset, esse non minùs strenuus Theologus, & qui nunc Theologus, Imperator, aut agricola. Nimirum ingenij acies est, authore Platone, velut oculus tornatilis, mentis inquam oculus, qui se possit, quoquò velit vertere, brutorum verò nullum ratiocinari natum est, nisi circa quiddam, quò scilicet naturali quodam instinctu fertur. Scit enim canis leporem quærere, & pernicii insidiari, sed nescit lectum sternere, aut specum fodere: lepus contra, lectum sternere, & cuniculus non sine magna arte domum sibi facere subterraneam, neuter verò scit ex venatione vivere, neque sanè hoc canis, aut illud lepus, doceri vlla ratione potest: igitur homo simpliciter rationalis est, brutorum quocunque circa quidpiam. quapropter non simpliciter, sed quodam modo, & analogia quadam. Pætereà homo deliberat & consultat de iis quæ facit, non enim solum cogitat, quo modo possit hostem interficere, sed priùs etiam, an expediat interficere, reliquorum verò animalium nullum. Nunquam enim felis consultauit de ignoscendo muri, aut canis de innocentia circa selem, nimirum nullum horum operatur ex arbitrio, sed ex naturali propensione. Vnde (dices) nosti inde certè, quòd quæ eiusdem generis sunt, omnia sunt sui similia, faciuntque eadem. Non enim vt hominum alius est cruentus, alius innocens, atque idem homo hodie mitis, cras crudelis, hodie iustus, cras iustitiæ contemptor, ita felis hic mures scetatur, ille tuerur, aut hodie eis vescitur, cras illis ex suo tribuit.

buit, sed idem semperve faciunt omnes, quod evidenti argu-
mento est non ex libertate vlla, aut arbitrio, sed ex na-
tura eorum operationis, & intelligentiam fluere. Nimirum
natura eadem est, similibus, atque eisdem semper, voluntas
non eadem. Huc respexit Hippocrates dicens, naturam nullo
doctore vti. Nimirum quæ natura sunt, neque ex doctrina,
neque ex meditatione procedunt, sed ex quadam popensione,
quapropter qui ab homine tollit liberum arbitrium, ni-
hil aliud quam belluam ipsum facit. Cum igitur propriè ra-
tiocinari non sit utcumque fatere aliquid cum præfensione
finis, sed consultare cum electione medicorum, & aliorum
cum aliis collatione, idque brutis non insit, constat homi-
nem solum esse rationale animal propriè, reliqua non nisi
analogia quadam. Præterea nihil eorum de quibus ratiocina-
tur aliorum animalium vllum est incorporeum aut æternum,
sed omnia sensibilia, & caduca, nam de quærendo victu, de
ineundo coitu, de nutrienda, & conseruanda prole, de fugien-
do dolore, de vita valetudineque tuenda, de corporeis verò, &
diuinis, aut de immortalitate, nulla illis subest cogitatio.
Quæ scis? dices, quia nullus illis Dei cultus, nulla cura iusti
& æqui, nihil faciunt ad adipiscendam immortalitatem: sed
solum ne tunc moriantur. Sed & hoc quæ sciam, interrogabis.
Quia nulli ea videmus nominibus inclinari, nulla vindicta
crimium vti, nullis virtutum præmiis. Neque verò possent
sine communibus legibus, neque sine legum peritiis, neque
hæc sine sermone quem videmus illis negatum esse à natura
qui sanè naturæ est adeò coniunctus cum ratione, ut merito
Græci idem nomen utrique dederit, λόγος vocantes, & ra-
tionem & sermonem. Non igitur belluæ ratiocinantur sim-
pliciter, sed quodammodo, de sensibilibus solum & caducis.
Vnde fit, ut etsi animalia omnia quodammodo ratiocinentur,
immortalitatis verò participem animam ea solum habeant,
quibus de immortalibus cogitandi naturale principium est.
Non enim posset ille impetus ferendi in immortalia, nasci ex
meris mortalibus. Quapropter ignorantissimi sunt qui timent,
si sensum cum quadam ratione brutis tribuant, ne illa donent
immortalitate, & qui, quia bruta ratione quadam pollent,
vocent in discrimen humanæ mentis immortalitatem. Non
enim quia ratiocinantur utcumque, immortales esse homi-
nes cognoscuntur, sed quia incorporeis, æternis, & diuinis.
Atqui profectò nisi belluinam haberent stupiditatem, vel ex
hoc solo quòd de immortalitate disputant, agnoscerent esse
sibiipsis aliquid immortale. Nam quæ posset magis quod mor-
talis

Bruta quo
modo ra-
tionalia.

Immorta-
litis ar-
gumentū.

tale, agnoscere immortalitatem, quàm oculus sonos, aut
 colores auris? Num igitur homines si omnes essent sine
 illis nati, in dubitationem vocare possent, an essent illi colo-
 res? an differt minùs incorporeum & immortalium natu-
 ra à corporeis & caducis, quàm colorum natura à sonis, &
 odoribus? longè autem abest, ut quia delirare possunt, rectè
 colligas habere mentem humanæ similem: nam ne homines
 quidem delirant secundùm eam mentem quæ illos separat à
 brutis, sed secundùm internos sensus quos cum illis habent
 communes, imaginationem inquam, & sensitiuam rationem,
 quam nonnulli vocant cogitatiuam, alij æstimatiuam. Nam
 cum phrenitis & melancholia morbi sint corporales affe-
 ctiones, non possunt per se lædere nisi facultates corporales,
 mentem verò læsio non attingit, nisi ex accidenti, quia scilicet
 dum in corpore est, sensibus utitur. Delirare itaque pos-
 sunt bruta ob imaginationem, & ob eam quam habent ratio-
 nem, quoniam eam quæ propriè ita nuncupatur, & liberam
 delirandi vim non habent, neque virtutis neque vitij sunt ca-
 pacia, neque pœnæ, neque præmij digna: nimirum operatio
 secundùm virtutem ex deliberatione proœdit. Hanc ipsam ob
 causam neque veram sapientiam habere possunt, quia vera sa-
 pientia nunquam separatur à virtute. Est enim sapientia, ut
 in sexto Ethicorum, & primo Metaphysicorum dicitur, scien-
 tia rerum honorabilissimarum: huiusmodi sunt quæ diuina,
 æterna, & verè bona, quapropter qui circa hæc non fallitur,
 is sapiens est. Quod cum homini nisi Dei beneficentia con-
 tingere non possit, constat sapientiam à Domino Deo esse, ut
 in initio Ecclesiastici dicitur, atque ut in 3. eiusdem, filios sa-
 pientiæ esse Ecclesiam iustorum. Vera itaque sapientia est,
 quæ per veram fidem comparatur diuinarum rerum notitia
 cum meditatione diuinæ legis. Quandoquidem igitur, ut est
 indicatum, brutorum natura horum capax non est, non sine
 magna proprietate dicitur in præscripta oratione: *Quis posuit
 in visceribus hominis scientiã, vel quis dedit gallo intelligentiam?*
 Nimirum animalium solus homo sapientiæ est capax, quia is
 solus habet delectum boni, & mali, & rerum diuinarum cogni-
 tionem, reliqua intelligentiam quamdam rerum minimè diui-
 narum, de quibus, ut indicatum est, naturaliter etiam ratioci-
 nantur, non tamen cōsultant cum deliberatione. Volens igitur
 Deus, in sui cognitionem trahere hominem interrogat: *Quis
 posuit in visceribus hominis scientiã?* hoc est, in humana mente
 notitiam diuinorum, & scientiã boni & mali: ut scilicet homo
 intelligat, non alium quàm Deum fecisse hæc, eadem enim est
 inter

interrogatio, & illa Psal. 4. *Mulsi dicunt, Quis ostendit nobis bonum? signatum est super nos lumen vultus tui Domine.* Hoc est, multi dubitantes interrogant, Quis ostendit nobis bona, hæc inquam esse bona, & facienda, illa mala, & vitanda, aut quæ est regula dignoscendi bonum & malum? Re vera regula & ratio est voluntas Dei: nam cum is sit primum & summum bonum, nihil possit in hac vniuersitate bonum esse, nisi quod ei sit conforme. Porro cum Deus primum principium omnium, nihil potest esse bonum quod non ametur à Deo antequam ab alio quopiam; amor igitur Dei est regula bonitatis veræ, & nomine vultus Dei significatur æterna eius voluntate. Naturalis verò Lex, est significatio diuinæ voluntatis, quam Deus ipse nostris mentibus in seuit, vocaturque proinde lumen vultus Dei: atque hoc ipsum est, ponere in visceribus hominis sapientiam. Itaque Deus posuit sapientiam in visceribus hominis, signans super nos lumen vultus sui: gallo verò & reliquis animantibus dedit intelligentiam. Hanc galli naturam mirati sunt omnes qui de animalium historia scripserunt. Plinius cap. 21. lib. 10. ita inquit: Proximè gloriam sentiunt, & hi nostri vigilantes nocturni, quos excitandis in opera mortalibus, rumpendoque somno natura genuit, norunt sidera, & ternas distinguunt horas interdiu cantu: cum Sole sunt cubitum, quartaque castrensis vigilia ad curas laboresque reuocant, nec Solis ortum incautis patiuntur obrepere, diemque venientem nuntiant cantu: ipsum verò cantum plausu laterum imperitant suo generi, & regnum in quacunque sunt domo exercent, dimicatione patitur hoc quoque inter ipsos, velut idè agnata tela cratribus suis intelligentes. Nec finis sæpè commorientibus. Quod si palma contingit, statim in victoria canunt, seque ipsi Principes testantur, victus occulatur silens, agreque seruitium patitur. Hæc Plinius de galli intelligentia, qui (res mirabilis) videtur habere sensum gloriæ & principatus, & notitiam motus cœli, ac siderum, siquidem ternis horis canit interdiu, & quarta vigilia castrensis, hoc est, exactis tribus noctis horis, & iterum iam iam aduentante die. Indicat mox Dominus, non posse esse alium quàm Deum, qui hanc intelligentiam dederit gallo, dicens, *Quis enarrabit cœlorum rationem, & concentum cœli quis dormire faciet?* quasi diceret, constat non potuisse tribuere gallo hunc sensum temporum, nisi qui perspectum haberet exactè cœlorum motum, hunc autem quis habebit? aut quis enarrare exactè poterit rationem motus cœlorum? quasi dicat nemo, nisi qui eis rationem posuit, qui que poterit sedare eius concentum cum volet, quem scilicet ipsemet excitauit in ipsa mundi creatione, quando fundabatur pulvis in terra, & globæ compingebantur. Ex his facile est intelligere,

Lex naturalis quid.

Galli galilææ linacæ natura.

quàm arroganter Astrologi, quæ ad rationem illorum motuum spectant affirmant, quasi ipsos nihil eorū quæ ibi geruntur lateat, cum tamen, ut absunt illa longè à nostris sensibus, difficillimum sit, ut inquit Aristoteles, quidpiam de ipsis pronunciare laudandi tamen sunt ob eximiam diligentiam, quæ cum Mathematicarum peritia tam multa sunt assequuti, vituperandi verò nisi intelligant esse longè plura quæ ignorentur, neque exactè illorum quidpiam ab alio cognosci posse, quàm ab eo ipso qui (ut Platonis utar verbis) *dies & noctes, menses, & annos, qui ante cælum non erant. tunc nascente mundo nasci iussit.*

Annorum
supputa-
tio.

Quod vel inde facile est intelligere, quodd annorum alia est supputatio apud Ptolomæum, alia apud Alfonso Regem, alia apud Copernicum, quasi peritissimis eorum exactam computationem motus Solis, qui cœlestium omnium videtur esse regularissimus, & evidentissimus, nondum tenentibus, aut ipsis annis non semper æqualibus, sed inuicem ob causas nondum perspectas variantibus. Vix vlla ætas est, qua non inducant Astrologi nouam aliquam hypothesim, & motum alium, aliudve corpus ponant, quod euidentis est argumentum incertitudinis. Quid ergo? num verisimile est gallum nosse sydera, & ternis horis distinguere eorum motum? Non sanè, nam etiam si, ut ibidem inquit Plinius, ea sola volucrum cælum aspiciat crebrò, minimè tamen notare sydera potest. cum eat cubitum eum Sole, sed necesse est naturalem habeat aliquam cum cœlo sympathiam, quia ternis horis ita afficiatur. ut latera sua pulset, & cantet. Quantò verò ipse minus potest quos distinguit cœli motus agnoscere, tantò maiori sapientiæ eius qui fecit, argumentum est. Magis enim miramur gallos quarta hora castrensi excitari ad cantum, quàm Monachos media semper nocte, tametsi hi mulò minùs à sua hora deerrent. Verùm in his agnoscimus studium, & curam, in illis sine vlla institutione solam naturæ vim. Quare cum illorum peritiam non agnoscamus, superest ut ad peritiam authoris referatur, velut quodd horologium motu gnomonis, & pulsatione cymbali, metiatur & distinguat nostra tempora, refertur ad peritiam artificis. Vel ex hoc igitur constat, eum qui dedit gallo hanc naturam, rationem cœlorum, & motus syderum exactè tenere. Is cum esse non possit nisi qui fecit cœlum & terram, constat eum ut maximum, & optimum, ita esse & sapientissimum. Quapropter nemo possit cum illo contendere. Quod dicitur, & *concentum cœli quis dormire facies?* ad Pythagoræ dogma videtur spectare, censentis cœli motu, cieri maximum, eumque suauissimum & pulcherrimum concentum. Verùm quia (nisi quid hinc est, quod

Harmo-
nia cœle-
stis.

quod non intelligam) cœlorum motu nullus sonitus cieri potest, cum is passio aëris sit, satius est nomen concentus (vè placet Diuo Thomæ) accipere metaphoricè pro motuum illa mirabili proportionem. His dictis transgreditur ad alia: *Nunquid* (inquit) *capies leana prædam?* quod quidem & multa alia quæ sequuntur, bonitatis & prouidentia Dei circa animalia præstant argumentum, quæ, quia in iis quæ maxima premuntur indigentia, aut maximè destituta sunt, aut minimè proprio vel alieno omninò iuari possunt, præcipuè agnoscitur, talium profert Dominus exempla. Leo voracissimum animal est, tamen cum libere deerrat & diuagatur per syluas, non est adeò mirum prædam capere quæ sibi possit esse satis: tamen leonæ cum cubat in antro, ne catulos suos deserat, quis potest escas suppeditare, quibus eius & catulorum (qui etiam sunt valde voraces) impleantur animæ & satientur? Nunquid (inquit) tu capies leonæ, quam præstes, prædā, & implebis animam, hoc est, satia-bis appetitū catulorum eius: quasi dicat, non. Sed illud est opus prouidentia Dei, qui dat escā omni carni, & implet omne animal benedictione & abundantia. Addit aliud exemplum appositissimum, eorum qui destituti sunt, dicens, *Quis preparat coruo escā suā quando pulli eius clamant ad eum vagantes, ed quod non habeant cibos?* quod idem in Psalmo 146. ita est scriptū: *Qui dat iumentis escam ipsorum & pullis coruorū inuocantibus se.* cuius loci interpretes narrant, coruos pullos suos adhuc deplumes destituere in nido, neq; nutrire vsque dum nigrescant, quod suos esse non ante agnoscant, vel vt alij existimant, quod sint adeò obliuiosi, vt redire in nidū non recordentur. Interim ergo illos, omni destitutos ope clamare quasi Deum inuocantes, & nutrirī celesti rore, aut præteruolantibus muscis, aut vermiculis in nido genitis. Cæterū quia non inueni hoc apud veteres naturalis historiae scriptores (etiamsi id dicat Diuus Gregorius in Moralibus, & quia illa vox, *vagantes*, in eiectiones iam nido magis ferretur, quàm in eo manentes, existimo hinc innui, quod Aristoteli & Plinius, & Aelianus testatur, coruos in locis arctioribus, & vbi non satis cibi sit pluribus, duos tantū habitare, atq; pullos suos vbi primū volandi potestas est, nido eicere, ac regione tota expellere, cum tamē reliquæ volucres, aliquandiu postquā volare cœperint, cibos suis pullis præstet, infirmioribus scilicet adhuc, quàm vt ipsi sibi comparare possint. Quoniā igitur coruorū filij infirmi, & venandi imperiti fugantur, & destituuntur, nihil possunt aliud, quàm huc & illuc vagantes, querulos clamores in aërem fundere, quod nihil est aliud, quàm ipsum rerum omnium parentem Deum naturaliter inuocare. Cuius

Leonis
natura.

Corui nū-
dificatio,
& de eius
pullis
multa
præclara

qua in re potest benignitas illucere magis, quàm quod ne cor-
 ui quidem animalis infaustissimi & despicatissimi, pullos in
 tanta constitutos inopia perire sinit? Hoc fortasse dixit Domi-
 nus Iob, ne tamen si fortunis omnibus priuatus, & orbatus fi-
 liis, & oppressus grauissimo morbo, & à familiaribus destitu-
 tus, ab amicis etià & vxore ludibrio habitus, de diuina ope du-
 bitaret, aut se putaret penitus derelictum. Addit: *Nunquid no-
 sti tempus partus ibicum in petris, vel parturiētes ceruas obseruasti?
 dinumerasti menses conceptus earū, & scisti tempus partus earū?* &
 cætera quæ etiam vt priora spectant ad prouidentiam Dei. Hæc
 vt homini indicet, profert in medium animalia agrestia, & quæ
 per sese vitam agunt liberam in abruptis montium præcipitiis,
 aut secretissimis saltibus, quibus tamen neque ad generatio-
 nem, neque ad alimentum deest quidpiam. profert verò hæc
 potius, quia equorum, iumentorum, & domesticorum suorum, &
 gregalium animalium cura & procuratio, ad hominem videtur
 pertinere, vt ad hipparchos, muliones, agricolas, & pastores:
 ibicū verò, ceruorum, onagrorū, & rhinocerotum, nulla est hu-
 mana procuratio. Neq; enim habent admissarios ad iucundum
 coitū, vt equi & asini, neq; à pastoribus adiuuātur cū pariunt
 vt oues ac capræ, atque cū opus est, vaccæ, neque præsepia il-
 lis, vt his parantur, neque aguntur ad pascua, tamen nihil illis
 deest. Quapropter cum ἀλογα sint, necesse est, fateamur illorum
 vitam & prolem, ad aliam causam quæ sit prudentissima perti-
 nere. Cuius quidē diuina prouidentia eò nobis mirabilior vi-
 deri debet, quò non vno, sed pluribus, atque adedò contrariis
 nonnunquam modis prospicit. Quibusdam enim intelligentiam
 tribuendo, aliis hanc ipsam detrahēdo, atque vtroque modo
 vtrorumq; cōsulit incolumitati, ita vt vtrunque summæ ipsius
 sapientiæ argumentum sit. nam ibicis & ceruæ intelligentiam
 tribuit illi quidem, vt in summis montium cacuminibus &
 inaccessibilibus petris pareret, huic, vt succellus feris habitatos
 relinquens semitas vestigiis humanis tritas caueret, & nō vtra-
 que suo modo sibi prospiceret, ibis quidem conscendendi diffi-
 cultate homines æquē ac feras vitās, cerua, vt securi sint à feris
 hominis benignitati suos committēs fœtus. Neque harū alte-
 rutra facit insipientes, sed vtraque, quod sibi magis ex vsu est.
 Ibices enim sunt tantæ pernicitatis vt quæ sunt aliis inaccessa,
 possint faciliè occupate, de quibus Plinius hæc scripsit: *Sunt
 ibices pernicitatis mirāda, quamquā onerato capite vastis cornibus,
 gladiorūque vaginis, in hac se librant, vt tormento aliquo rotati in
 petras, porissimum è monte aliquo in alium transilire quarētes atque
 recussu pernicios quò libuerit exultant.* Cerui agnoscunt hominū

Ibicum
 natura.

Ceruorū
 industria.

lementiā, & (vt idē scribit Plinius) urgente vi canū, vltra confugiunt ad hominem. eadem prorsus causa eos minū timent, ad quos & confugiunt, proinde eorum vestigia pro fœtibus suis non deuitant, tametsi eorum quæ ad partum spectant & prolem, fœminæ sunt prouidentissimæ. nam & ante partum sese herba Sefeli vocata purgant, faciliore ita videntes vtero (Dioscorides de Sefeli scripsit, capris, cæterisque pecudibus datur in potu, quo facilius suos fœtus enitantur) & à partu habet duas herbas, Aron & Sefelim, quibus pastæ redeunt ad fœtus. Narrat Plinius & ante illum Arist. editos fœtus exercent cursu, & fugam docent meditari (qua scilicet animal natura timidum maximè indiget) ad prærupta ducunt, saltūque demonstrant. Itaque duobus his generibus, intelligit a prouidit Deus: Struthiocamelo autem stupiditate, & obliuione sui partus. Id animal cū pennas habeat non minū quàm Herodius, siue Ardea, quæ in aded sublime volatu se extollit, tamen volare omninò non potest, quia tanta corporis mole est, vt magnitudine æquet equum & insidentem ei hominem: vtitur verò alis velut explicatis velis ad currendum, quod facit tanta pernecitate, vt concitatissimum etiam equum præteregrediat, qui videtur vtraque ratione equum & ascensorem deridere, quod scilicet circa volatum suis pedibus insistens, & magnitudine & celeritate vincit. Est verò hoc adeo gloriosum animal, & formationis aded raræ, vt ambiguū sit ad volatiliū an gressiliū spectet genus exiguo capite, cerebro pendè omninò caret: vt autē cerebro, ita & intelligētia, est enim in procuranda prole (quæ maxima est alogorum intelligentia) aded stupidum, vt derelinquat oua sua in terra, & obliuiscatur quod pes hominis possit conculcare, ea & bestia agri possit conterere. Duratur ad filios suos quasi non sint sui: ita enim illorum obliuiscitur crudelis scilicet in prolem (nam & cap. 4. Threnorū Hieremiæ dicitur, *Filia populi mei crudelis quasi Struthio in deserto*) neq; recordatur laboris quē patiēdo subiuit, sed quasi frustra laborauerit, destituit nullo timore cogente ad eorum custodiam. Nihil enim præ stupiditate, obliuione & crudelitate filij sui timet, neque cauet, quapropter frustra quidem laborasset, nisi Deus omnium parens, sua prouidentia seruarer. Hæc cū (Deo ipso asserente) vera sint, constat falsum esse quod multi affirmant, Struthiocamelum ardentissimè amare suam prolem: oua verò sub arena Lybica relinquere Solis calore fouenda, neque ipsam more aliarum auium incubare, ne mole corporis comminuat gravior multò cū sit, verūm crebro reuerti, atque eò versus spectare ad custodiam ouorum,

Partus iu-
uantia.

Struthio-
cameli
natura.

Equi na-
tura.

Nam quo pacto hoc non sit falsum, siquidem præ obliuione illa destituit. Neque minus mihi videtur esse falsum, quod Ælianus de eius captura narrat, immittere inquam sese in spicula acuta expansis alis, præ ardenti pullorum amore. Nam quo pacto adedò ardens amor pullorum ferre posset tantam obliuionem, & crudelem negligentiam ouorum? Putauerim potius, si quando ita capitur, & in spicula vltro impingi, præ stoliditate id facere, quia priuauit illum Deus sapientia, neque dedit illi intelligentiam. Quid verò, nunquid non satius est oua in ardente arena deponere, quàm demissa in illa tanta mole frangere; satius certè. Id verò non est sapientiæ Struthionis, sed Dei, qui, vt nuper dixi, illius animalis prouidit proli, illi detrahendo intelligentiam, & amorem, Struthione enim præ stupiditate, credulitate, obliuione, & veluti veterno quodam, destituyente prolem, euenit quod illis ex vsu est, vt Solis colore extrudantur pulli, neque matris suæ corpore onerantur, tanta est Dei Opt. Max. sapientia, vt quorundam etiam stupiditate & crudelitate, in eorundem custodiam vti sciat. Deinde profert Dominus exemplum intelligentiæ insignis & fortitudinis, equum scilicet, cuius tanta est belli intelligentia, tanta audacia, tantus furor, vt fortissimè irruat, & iubæ, quam habent circumdatam collo, erectione, & hinnitu, ac fremitu, per turmas irruentes vt locustæ, & inflantes nares, hostes deterreant: terram vngula fodiunt, exultant audacter, pergunt armatis in occursum, neque pauent, neque cedunt gladio. Sonantibus super ipsius pharetris & hastis vibratis, & fulgentibus clypeis, non solum non terrentur, sed multò magis irritari, feruentes, ac frementes, sorbent naribus terram, neque reputant tubæ sonare clangorem, hoc est, neque clangore tubarum, quæ ab aduerso sonant, terrentur, intelligentiâ habent belli & audientes buccinam, quæ ipsos ad prælium vocat, dicunt Vah! hoc est, exultant, & odorantur procul bellum & intelligunt ducum exhortationem, & vllulatum exercitus. Hæc valde consonant cum iis quæ Ælianus his verbis scripsit. Equus cum fræni crepitum, & strata, & cætera ornamenta videt, tunc fremit, & exultans vngularum suppositione obtrepit, & eorum conspectu, quasi furoris affatu ad iter incenditur, voce equisonis excitatur, & aures erigit, & naribus inflatis celerem festinationem anhelat, quodam incredibilis cursus studio ad currendi memoriâ rediens. De docilitate eorû, ad prælia, inter alia multa hæc inquit Plinius: *Docilitas tanta est, vt vniuersus Sybaritani exercitus equitatus ad symphonia cantum saltatione quadâ moueri solum inueniatur.* Videtur ergo quod in præscripta oratione dicitur:

dicitur: Nunquid suscitabis equum quasi locustas; referri posse ad motum hunc cum quadam saltatione, & ad copiosas turmas. Vtrumque enim locustis congruit. Rogat ergo Dominus: Nunquid præbebis equo fortitudinem, aut circundabis collo eius hinnitum? nunquid suscitabis eum quasi locustas? quasi dicat, non sanè tu illi hanc belli intelligentiam & fortitudinem præstare posses, neque ipse sibi accipere potiùs quàm bos, aut asinus, aut ceruus, sed necesse est referas hæc ad vnum omnium conditorem, qui vt est primum ac summum bonum, omnibus sua cuique bona impertitus est, atque virtutum omnia symbola in diuersis expressit naturis, deditque omnibus intelligentiam. Quæ cuique maximè esset ex vsu. Exemplo sunt præter dicta, Accipiter, & Aquila. Accipiter ab accipiendò dicitur. Quapropter omnibus auium generibus. quæ ex raptu viuunt, videtur id nomen congruere, vt & Aquila etiam & Miluus, & aliæ omnes rapaces eo possent gaudere. At verò vsu effectum est, vt non omnibus, sed cuidam auium generi detur, quod, auctore Aristotele, non minùs quàm decem habet differentias, vt autem antiqua nomina hæc sunt (Triorches, Æsalon, Circus, Asterias, Pernes, Phasonus, Subutheo, Chalchis, Ptinx, Cheneris) non facilè singulis accomodantur, nunc vbique (quod de solis quibusdam, & cuiusdam Traciæ partis hominibus, ab Aristotele traditur) communi cum hominibus inita societate aucupantur. His enim ad aliarum auium capturam homines vtuntur, & prædæ particulam illis communicant, vocantur vulgaribus nominibus, Alcyones, Primulæ, Alcorani, Torseli, Gerifalti, Vafarces, Capallani, & alia eiusmodi. Velle singulis sua nomina ex antiquis reddere coniectando, operosum esset & ambiguum, & ad nostrum institutum minimè necessarium, illud solum præsentis loci est, nosse eas aues, verè plumas commutare, ac ea comutatione quodammodo iuuenescere, vt & serpentes commutata pelle, & cerui commutatis cornibus ac ferè iumenta omnia pilis. Cùm igitur Accipitres oporteat singulis annis deplumescere, illi à natura ipsa docti, eo ipso tempore expandunt alas suas ad Austrum: quia (arbitror) is ventus laxat corpora, contra ac Aquilo, qui densat: laxata igitur cute amplioribusque factis poris, faciliùs excidunt plumæ. Aquilarum quoque censetur multa genera, sex ab Aquilari antiquis, inter quæ Halietos quæ clarissima pollet oculorum genere acie, librans ex alto sese, & viso in mari pisce, præceps in eum ruit. Hæc eadem Aquila, implumes etiamnum (vt testatur Plinius) pullos suos percutiens, subinde cogit aduersos Solis radios intueri, & quem conuiuentem nictantemque animad-

Accipitru natu-
ra.

Aues rapaces.

Aquilarum

uerit, nido efficitur tanquam adulterinum, & degenerem. Neque verò ad pisciculum solum sese demittit, sed ad lepores cuniculos, & alia animalcula quæ diripit, ac deuorat. Pulli verò eius lambunt sanguinem: ipsæ verò Aquilæ ad cadauera congregantur, vt & corui, & quæ ex Aquilis videntur degenerare, Ossifragæ. Ex mirabili ergo etiam Aquilæ natura, volens Dominus omnium agnosci, inquit:

Nunquid ad præceptum tuum eleuabitur Aquila, & in arduis ponet nidum suum in petris manet, & in præruptis silicibus commoratur, atque inaccessis rupibus, inde contemplatur escam, & de longè oculi eius prospiciunt. Pulli eius lambunt sanguinem, & ubicunque cadauer fuerit, statim adest. Quod quidem carniuoris omnibus est commune, omnium tamen maximè generi coruorum congruit, quæ ob eam causam habebitur infausta auis, vt scilicet demortui corporis indicium.

Aues in-
faustæ.

C A P V T L V I.

Illa verba Iob. c. 38. *Quis enarrabit cœlorum rationem, & concentum cœli quis dormire faciet?* videntur plurimum adstipulari illi Pythagoricæ sententiæ de cœli concentu, & musico sonitu. Videbantur enim Pythagoræ cœlorum orbes moueri ad numerum, atque mira quadam proportionè choreas agere; inde ergo verisimile esse, diuinum quendam suauissimumque concentum nasci, eò (arbitror) quòd omnia sint in hac vniuersitate facta in numero, ac proinde pulchra: omnium autem corporum pulcherrima esse videantur cœlestia; pulchritudo verò post illa quæ in conspectum cadunt, in concentu maximè reperiri possit. Hanc sententiam sequutus etiam est Cicero in Somnio Scipionis. Quam tamen Arist. cap. 9. secundi de Cœlo, refutauit non temerè, sed in mediū productis Pythagoreorum rationibus, reque vtrique satis examinata, illis (inquit) videbatur necessarium, tantorum corporum tam celeritacione sonitum edi, eò quòd minorum corporum minus celeritacione hic apud nos sonitus cieatur. si autem omninò editur cœlestibus motibus sonitus, cum sint corpora magnitudine aded diuersa, & celeritate, proportionè tamen quadam, necesse est edi diuersos acutie & grauitate sonitus cum quadam proportionè, vnde necesse est oriri quendam concentum.

Hæc quidem opinio plausibilis est; si quis tamen rem exactè

De cœlesti harmonia contra Pythagoram.

Pythagoricæ harmoniæ confutatio.

endat, minùs vera. Nam si sonitum edunt cœli, eum oportet
 esse maximum; cur ergo non audimus? respondit Cicero, quia
 absurdum præ sonitus magnitudinæ, ut qui habitant ad Nili
 ortum. Aristoteles pro illis respondet acutiùs, quoniam ex quo
 nascimur, hic sonitus citra ullam intermissionem comitatur, Surdi ex
vehemen-
ti sonitu
 non potest dignosci. Nam contrarium agnoscitur ex contrario,
 atque sonitus ex silentio, & silentium ex sonitu. Sed cur au-
 dimus aliud quidpiam? cur non tam excellens sensibile cor-
 rumpt penitus sensum? Neque solùm hoc, sed cur non præter
 sensum nos quoque totos atterit & perdit? quin & alia omnia
 corpora? Nam tonitrua sæpe (quæ tamen illi sono nunquam
 possunt comparari) domos faciunt tremere, atque solo pro-
 sternunt, frangunt lapides, & robustissima quæque corpora
 scindunt: non igitur cœli sonitum illum edunt. Præterquam
 quòd, neque si aliter consideremus, videtur fieri posse. nam
 sonitus est passio diuerberati, aut discussi aeris, vel corporis
 spiritalis, & tenuis: at verò orbes cœlestes nullum inter sese
 aërem habent quem comminuant; nullum igitur sonitum suis
 circuitibus possunt edere. Ipsa verò stellarum corpora, si-
 quidem per se non feruntur, sed cum orbibus quibus affixa An corpo-
ra cœle-
stia sonitu
edant.
 sunt, multò minùs. Nullus igitur sonitus edi potest à cœlesti-
 bus corporibus, si cœli ipsi, velut antea indicauimus, solidissimi
 sunt & lenes, nihilque aeris, aut omnino substantiæ alienæ in-
 tercipiunt, astra verò ut quædam eorum partes, feruntur cum
 illis. Sed neque si cœlorum substantia tenuis est, ac velut fumus
 quidam, ut aliis placet, sonitus ullus sit, si astra cum illis fe-
 runtur, quæ enim ita feruntur, quia medium non secant, soni-
 tum non edunt. Solùm igitur superest, fieri posse ut sonent, si
 cœli substantia tenuis est, & quiescit, atque per eam quiescen-
 tem feruntur astrorum corpora prægrandia & solida: hoc verò
 fieri non potest, nisi etiam cœlorum substantia sit ortui & inte-
 ritui obnoxia: funderetur enim, densabitur, rarefceretque, sed hoc si
 ita haberet, ederetur profectò sonitus secundùm corporum
 magnitudinem, & lationum celeritatem, tantò omni alio co-
 rum qui apud nos nunquam auditi sunt, quantò illæ, & ma-
 gnitudines & celeritates, his sunt maiores. Dissiparentur ergo
 hæc ab illis, non solùm nostri sensus corrumperebantur. Itaque
 conuertentes argumentum dicimus, quandoquidem talis so-
 nitus non editur ab astris, ea non moueri per se in æthere te-
 nuï: sed vnico eodemque argumento constare, & cœlos esse so-
 lidos, & astra cum illis ferri, & nullum à cœlestibus corporibus
 edi sonitum, quare neque concentum. Quod si ita est, constar
 concentum vocari in libro Iob à Domino (cuius enim sunt illa
 verba

verba) per metaphoram: illam motuum maximè concinnam proportionem. Nimirum in ipsis motibus, vt & in sonitibus sunt concinnæ quædam & aptæ proportiones inuicem comparabiles, vt videre licet in iis qui saltant ad numeros, cantus, & musicos sonitus. Illas igitur aptissimæ cœli choreas vocat Dominus concentum quem ipse dormire faciet, cùm scilicet faciet post temporalem huius sæculi volubilitatem, cœlum in æternum quiescens.

CAPVT LVII.

PSal. 77. ita scriptum est: Mandauit nubibus desuper, & igneas cœli aperuit. Pluit illis manna ad manducandum. (patitis interpositis.) Transtulit Austrum de coelo, & induxit in virtute sua Africum. Et pluit super eos sicut puluerem carnes, & sicut arenam mares vobis atilia pennata. Et ceciderunt in medio castrorum eorum, circa tabernacula eorum. Et manducauerunt, & saturati sunt nimis, & desiderium eorum attulit eis, & non sunt fraudati à desiderio suo, adhuc esca eorum erant in ore ipsorum, & ira Dei ascendit super eos. Et occidit pingues eorum, & electos Israël impediuit.

Mannæ
confide-
ratio.

Multi cēsent aliud fuisse illud quod filiis Israël pluit in deserto, ab eo medicamine quo expurgandi gratia vtimur aëreo, vocato melle & manna, cuius prouentus maximus est quotannis in Calabria, & in locis quibusdam Hispaniæ etiam raris annis gignitur, quandoquidem cēsent fieri non posse vt illos vescerentur, & nutrirentur, quin diffuissent potius penitus dissoluti ac laxati, Cæterū ex descriptione mihi videtur constare, eandem omninò rem esse: nam, vt dicitur c. 11. Numer. descendebat noctu in castra cum rore. Argue (vt c. 16. Exodi) apparuit in solitudine minutum, & quasi pilum in similitudinem pruina super terram. constat verò hanc esse ipsissimam generationem mannæ qua ad expurgationes vtimur. Tamen enim quidam putauere esse potius gummi genus, quod exsudaret ex arboribus, aut lacrymam, alij opificium quoddam vesparum, aut apum aut muscarum quarundam intuenti tamen constare facile potest, esse rorem quendam crassiores, maturationem quandam à Sole recipientem, & concretionem à noctis frigore pruinae more, vespas verò & animalcula eius generis multa, allici eius dulcedine potius quàm efficere. si quid verò incisis corticibus destillat, id imbibitum ligno esse rorem. Quo verò

in Exodo dicitur minutum, & quasi rufum, & in similitudinem pruinæ, in Numer. lib. *Erat quasi semen Coriandri coloris bdellij*, nihil est aliud quàm quod Mesues etiam dicit, his verbis : *Diuersificatur autem secundum diuersitates rerum, Mannæ* *super quas cadit, cadens enim super lapides, est sicut gutta parua diuersitas.* *qua congelantur, & fiunt sicut germens & cadens super plantas, suscipit de virtute plantarum, & est cum permixtione particularum foliorum & florum. Ex ea qua super lapides cadit, melior est qua est sicut semen album, & dulcis, & est recens : post istam verò in bonitate est, qua est subcitrina. Ex his verbis constat duplex esse genus mannæ, alterum cadens super frondes, alterum super lapides & terram scilicet) inter hæc verò præstantius esse quod cadit super lapides, quia alterum suscipit virtute plantarum (tamen si vulgò pretiosior est quæ de fronde vocatur, quod quàm sit verum ad præsens institutum non refert) porro constat quod simile est semini, esse quod super lapides, idque esse grandioribus partibus quàm alterum atque si simul album sit, esse optimum : parum verò ab hoc deficere quod subcitrinum, scilicet colore bdellij. Est enim bdelliū colore vnguium, Bdellium. hoc est, ab albo vergens in citrinum. Quod igitur vigesimo sexto Exodi describitur, *minutum quasi pilo rufum in similitudinem prunæ super terram*, esse quod optimum : alterum verò quod quasi semen coriandri, coloris bdellij, secundum tenere bonitatis gradum, consentaneum autem est rationi in tanta copia, esse vtriusque satis multum. Si autem hoc ita habet, vt sanè videtur, quid fieri poterat, vt non laxatis ac dissolutis corporibus perirent ? profectò ipsi sentiebant hunc cibum esse leuem. Nam 21. Num. ita conquerebantur, *anima nostra iam nauseat super cibo isto leuissimo*, at verò cibos leues, & qui solidam substantiam corporibus non tribuunt, medicamenta etiam esse, atque expurgare. Hippocrates testatur libello de medicamentis expurgantibus, & fieri quidem potest, vt principio is cibis illis contulerit vt medicamentum, ad deponendam cacochymiam, quam ex esu cucumerum, peponum, porrorum, cæparum, & aliorum, quibus multo tempore in Ægypto erant cibati, contraxerant : expurgatis verò iam, consuetudo fecit idoneum, & suauem cibum. Si enim consuetudo vel ex venenis potest cibum efficere idoneum, quantò magis ex cibis medicamentosis, accedente præcipue Dei concursu, quo non cibis solùm, sed suauissimus etiam, & delectamentum omne in seipso habens efficiebatur ? Neque enim hunc eleuo, cum naturales rerum causas inuestigo, sed laudo infinitam eius sapientiam, qui ita omnia disponit, vt etiam quæ sunt*

parentissima, videantur bona ex parte secundum naturalem
eum ordinem euenisse.

Vt & cum populus querulus carnes posceret ad vescendum,
arreptas trans mare coturnices detulit, auiculas scilicet, maxi-
mo agmine trans mare impelli solitas vento vehementi, atque
volantes circa terram altitudine tantum duorum cubitorum,
vt ita facile omnibus caperentur. Vt autem transferret, ab-
stulit Deus Austrum de coelo, & in virtute sua induxit Afri-
cum, ventum scilicet vehementem, & procellosum. de quo
Virgilius primo *Aeneidos*, *Vnà Eurvs Notusque ruunt, creberque
procellis Africus.* esse verò hæc omnia coturnicū naturæ, & pas-
sionibus conformia, naturales quoque cognouerunt. Nam Pli-
nius capite vigesimo tertio, libri decimi, ita inquit: *Coturnices
antè etiam semper adueniunt, quàm grues, parua avis, & cum ad
nos venit, terrestris magis quàm sublimis.* & paulo post, *Austro
non volant, humido scilicet & grauiore vento: aura tamen vehi vo-
lunt propter pondus corporis.* Rursū paulò post, *Aquilones ergo ma-
ximè volant.* Sed cur (dices) non induxit Deus Aquilonem, sed
Africum? quia (arbitror) Africus vehemētia est proximus Aqui-
loni, sita verò est proximus Austro, cum sit inter hunc & Ze-
phyrum, amat verò suauitas disponendi rerum causas, mini-
mas commutationes. Accedebat situs locorum: si enim Afri-
cus qui transuersum flat iuxta Austrum conturnices in castra
impulit, Boreas qui est è regione oppositus, expulisset potius.
Hucusque igitur nulla vis est illata naturæ, sed secundum
eius ordinem disposita omnia, velut etiam cum Deo visum est,
populum ob pertinaciam punire, ille ipse carnum esus, quem
tantopere expetiuerant, attulit perniciem multis, vt voca-
tus is locus sit, *Sepulchra concupiscentia.* Nam cum illi desueti
iam cibus solidis, audissimè sese carnibus repleuerint, come-
dentes vsque ad satietatem, vt odor carnum per nares expi-
raret, lethalibus morbis correpti sunt. Neque sanè parum ipsa
carnum malignitas ad illorum perniciem effecit, coturnix
enim venenis vescitur, vnde malignitatem aliquam contrahit,
atque, vt Plinius loco citato dicit, eam ob causam easdamna-
uere mensæ. Narrat etiam Galenus in Doride Bæotia, & Thes-
salia, atque etiam Athenis, multos conuulsione correptos esse
esu coturnicū, quæ veratro vesebantur. Rarius quoque &
Isaac in suis diæxis, & Auicenna secundo canone, & alij omnes
Medici qui illos sequuntur, maximè vituperant: adeò vt Apo-
nensis dicat, carnes coturnicum omnium volatiliū carnibus
esse peiores. Id quod iam dicunt, non ob helleborum solum,
sed per sese.

Coturni-
cum na-
tura.

Coturni-
cum mo-
numenta.

Coturni
et cibus.

Horus Apollo Nilivus narrat eam fuisse Ægyptiis de coturnicibus opinionem, ut in hieroglyphicis eam omnis imunditiei & nequitiae signum esse fecerint. Itaque hæc omnia, Dei voluntate causas naturales dirrigente, effecta sunt. Quæ sanè nos admonent, ne cum quidpiam nobis siue commodi, siue damni accidit, in Dei voluntatem referre recusemus, etsi naturales rerum eiusmodi causas agnoscamus, quoniam omnia serviunt illi.

CAPUT LVIII.

PSal. 93. ita dicitur: *Qui plantavit aurem non audiet; aut qui fixit oculum, non considerat.* Verba hæc continent argumentum quoddam aduersus eorum sententiam, qui Deum esse, omnino negabant, aut si cui rei id nomen tribueretur, eam non esse intelligentia præditam, neque omnino vlla cognitione, sed ut Solem, & Lunam, & Stellas, & ipsum primum mobile esse intelligimus, causas quidem eorum quæ in hoc generabili & corruptibili orbe geruntur; ipsas verò per sese nihil horum quæ efficiant intelligentes, efficientes enim nulla electione, aut voluntate, sed naturali quadam vi, aut potentia. Fuerunt verò in hac sententia (ne quis aliter putet) plurimi Philosophorum. Nam, ut refert Plutarchus libello de Placitis capite septimo, Diagoras Milesius, Theodorus Cyrenensis, Euenerus Theages, Deos prorsus nullos esse censuerunt. Euripidem quoque fuisse eiusdem opinionis, inquit, dissimulasse verò metu Arcopagitarum, inducentem in tragædiis Sisyphonem eius sententiae authorem. Plinius quoque eiusdem sententiae fuit, siquidem caput septimum libri secundi, quod est de Deo, post multa alia, non sine magna impietate, his verbis claudit: *Per qua declaratur haud dubie natura potentia, idque esse quod Deum vocamus.* Lucianum quid commemorem, qui nullis non modis deridet omnes de Deo sermones, sed & Stoici omnes videntur mihi, etsi Deum nomen, nulli tamen intelligenti causæ id nomen tribuere; nam censent Deum esse ignem artificem, via procedentem in mundi creatione, vniuersas seminales rationales intra se complectentem, per quas omnia è facto fiunt. Insuper spiritum per vniuersum mundum penetrantem: appellationes autem identidem mutantem, per vniuersam naturam quam peruadit consinia. His verbis nihil aliud mihi videtur signi

Dei esse
probatum.

Tria ar-
gumenta
Philoso-
phorum
negantiū
Deum
esse.

significari quàm Deum esse, quem ego apello ignem permean-
tem per omnia, & spiritum Domini vocari in sacris, inter-
pretatus sum super primo capite Geneseos. Epicurei (vt Cicero
mihi videtur rectè censuisse) nihil de Diis seriò affirmarunt.
Sceptici verò de Deo an sit, vt de re alia omni dubitant, vt vi-
dere est apud Sextum Philosophum capite primo, libro tertio
Pyrrhonicarum hypotheseon. Argumenta verò omnia negan-
tium Deum esse qui prouidentiam habeat rerum humana-
rum, ferè mihi videntur in hæc tria redigi, quæ apud Plutar-
chum reperies loco citato. Primum, quodque Plinius maximè
facit, si Deus est, nihil est ei factu impossibile, at verò (inquit
Plinius) *non est Deus qui possit omnia, quia non potest sibi mortem
cōsciscere, si velit, neque mortales æternitate donare, aut reuocare de-
functos, neque facere vt qui vixit, nō vixerit, qui honores gessit, non
gesserit, neque vt bis dena viginti non sint, neque habet vllum in
præterita ius, nisi obliuioni.* fit igitur (inquit) vt Deus nihil aliud
sit quàm ipsa natura, siquidem Dei potentia nulla est, nisi na-
turalis, non est igitur vllus Deus, qui voluntate & cognitione
operetur. Secundum, si Deus est, is est omni ex parte beatus. si
tamen curas gereret rerum humanarum, haud dubiè sustineret
magnam molestiam & angeretur. Tertium, si Deus est, & cu-
ram gerit rerum humanarum, quam ob rem cum pessimo
quoque fortuna prælarè agere solet, contrà cum præstantissi-
mo quoque pessimè? hoc argumentum Sextus Philosophus ita
premit. Siquidem Deum esse & prouidere dicunt, aut prouidet
omnibus, aut aliquibus, si quidem omnibus prouideret, non
esset neque malum vllum, neque vitiosus vllus, neque vllum
vitium: at verò vitio plena esse pleraque videntur; non ergo
omnibus prouidet Deus. sin autem aliquibus prouidet, aut
vult & potest prouidere omnibus, aut vult quidem, sed non po-
test, aut potest quidem, sed non vult, aut neque vult neque po-
test. Si vellet & posset prouidere omnibus, omnibus prouidet,
si vult, sed non potest, eius vires superabit ea causa, ob quam
non potest prouidere illis quibus non prouidet, si tamen po-
test prouidere, omnibus & non vult, inuidus esse existimari
possit: quòd si neque vult neque potest, fit & inuidus & de-
bilis. Hæc autem omnia incidunt in maiorem impietatem.
Non est igitur Deus qui prouideat, sed aut nullus Deus est, aut
is est prima causa sine vlla cura, quin & sine vllò rerum aliarum
sensu. His adedò stultis cogitationibus, quas vnico illo carmi-
ne Psal. 52. complexus est David, *Dixit insipiens in corde suo,
non est Deus, occurrit nunc idem vates, dicens, Qui plan-
tauit aurem non audiet, aut qui finxit oculum non considerat?*
quasi

quasi dicat, quandoquidem non omnia quæ sunt, sunt entia per se, sed alia ex aliis, & ab aliis fiunt, & in iis quæ fiunt, sunt quædam sensus expertia, quædam sensu prædita, necesse est eam causam à qua quæ sensu participant sunt effecta, sentientem etiam esse, alioqui dedisset virtutem qua careret, effecissetque aliquid se præstantius, quod rerum naturæ repugnat. Nul- lum enim inter Physicos magis receptum axioma, quàm nihil operari posse ultra gradum suæ perfectionis. Si igitur sentien- di facultas est in posteriorum quibusdam, necessariò fit & in prima causa. Quapropter fieri non potest, ut qui plantavit au- rem non audiat, & qui fecit oculum, non consideret. Porro au- ris & oculus, & quæcunque alia nostri corporis organa, maxi- mè verò hæc quæ sensuum sunt, ita sunt composita, & ad actiones proprias accommodata, ut nulla vel excogitari possit aptior compositio. Quæ res haud dubiè, nisi stupidis, euidenter indicat, ea non casu, ita aut aliter cadentibus corpusculis, aut elementis constituisse, sed in summa sapientia effecta esse. Nul- latenus ergo à facultate cognitionis experte, sed sapientissima. Licet apud Galenum octavo libro de usu partium, mirabilem sapientiam in effigendis audiendi & videndi organis legendo meditari. Quis hominum dubitet anfractuosum illum aurium porum, tortuosumque, nervo quodam quartæ coniugationis eorum qui nascuntur ex cerebro, substratum, & cute præterea duriuscula coniectum, & in osse durissimo formatum, non te- merè effectum esse, ibi, & talem, sed audiendi gratia? si enim neque alia in parte, neque aliter effici posset, ut esset transmit- tendis in animam sonis adeò aptum, evidens coniectura est, ab aliqua sapiente causa esse aptatum. Nam præterquàm quod ad securitatem & tutelam cerebri, ut Galenus indicat, fecit illa flexuosa meatus figura, ad ipsos sonos qui aëris motitatione constant excipiendos præcipuè esse factam, indicant mihi eu- identer conchæ quæcunque illamet figura causæ, flexuosæ sci- licet, & contortæ. Eæ enim auribus admotæ, ex eo solo quem intra se continent aëre, etiam nullo extrinsecus accedente motu, tinnitum edere continenter sentiuntur, adeò facit illa figura ut aer inclusus sonet. Porus ergo ille accommodatissi- mus effectus est, ut illam ab aere passionem excipiat, nervus verò quorsum eò venit ex cerebro, nisi ut deferat facultatem quæ percipiat? ut certè ad oculos primi veniunt ex cerebro molliores, & rariores, copiosiores spiritus, quibus ad videndum erat opus excepturi. Iam verò in ipsis oculis humor vocatus crystallinus, rotundus quidem, sed secundum faciem externam habens peripheriam maioris circuli, quid aliud est, quam spe-

Aurium
considera-
tio.

Oculorum
fabrica.

culum crystallinum, colorum fulgoribus, seu speciebus recipiendis accommodatissimum. Tunica cornea totum oculum extrinsecus finiens, quid aliud quam laterna cornea, ad recipiendum externos, & reddendum internos fulgores? adeò mihi videntur in hac parte homines non solum quod ad figuram attinet, sed in ipsa materia speculorum & laternarum deligenda, imitati sapientiam nostri formatoris. Mitto dicere mirabiles usus tunicæ vucæ, cuius media perforatione constat pupilla, & circulo varicolore iridem refert. Retiformis etiam arachnoydis, & coniunctivæ, & humorum aquei & vitrei: quin & palpebrarum, & ciliorum, & superciliorum, atque adeò ipsorum ossium, integro enim ad recensendum libro opus esset, neque eo exiguo. Unico verbo indicabo hæc omnia atque eorum singula sapientissimè, & magnæ cuiusdam utilitatis gratia esse ita aptata. Deme aut muta quodcunque horum, vel pilos ciliorum, aut superciliorum velle: manifestam noxam inferes visioni. Nihil igitur horum effectum est, hoc, vel tale, frustra, neque ornatus solum gratia, sed propter ipsam visionem, autium etiam, & auricularum eadem ratio est. Quo pacto ergo possit qui fecit hæc, intelligentia esse orbatus? ac non potius sapientissimus? effecta verò esse ab aliquo necesse est, siquidem, ut in huius operis initio monstravimus, effecta sunt, & non à seipsis. Nunquid igitur, qui fecit aurem non audiet? aut qui finxit oculum non considerat? Rursum si auris ob auditum est, ut re ipsa constat, ac nemo sanus neget, ob auditum certè effecta est; is ergo qui fecit, ob auditum fecit. Si enim non constitit casu, neque præter intentionem agentis constitit. Prævidit ergo qui fecit aurem, à principio auditionem, siquidem finis est quod primum in intentione. Vidit ergo aut in seipso aut extra se. Extra se quidem non potuit, quia ante aures non poterat esse auditio: vidit ergo in seipso, quapropter necesse est, ut qui ab initio fecit aurem & oculum, audiendi & videndi habuerit in se facultatem. & aures, & oculos. Quia si hæc omnino non fuissent, neque sciri, quare neque fieri omnino possent. Igitur hac ratione evidenter constat, fieri non posse ut quis fecerit aurem, & non audiat, & oculum, & non consideret. Ut igitur solum des (est verò id antea indicatum) hæc effecta ab aliquo esse, neque constitisse per se ab æterno, constat: cum qui fecerit, & videre, & audire, & considerare res humanas. At dices, si videt & audit, omnino sentit, patitur certè à sensibilibus, nam ut Aristot. indicat, ipsum sentire pati quoddam est: neque sanè sine passione corruptiva agitur, nam comitantur sensum voluptas & dolor, quorum alterum cum corruptiva agitur

agitur passione, alteram verò alterius est comes, vt & reliqua contraria. Si igitur sentit (dices) potest & volupate frui & dolere. Si autem hoc, & alterari & corrumpi: hæc verò aliena admodum sunt ab eo quod æternum, igitur & sentire alienum ab eo est. Porro dices, non solum nostro argumento fieri, vt vim habeat percipiendi sonos & colores, sed & aures, & oculos, & nares, ac denique alia omnia quæ fecit, siquidem necesse est præviderit quæ fecit, non autē extra se. Ita est profectò, habet in sese omnia, non tamen vt extant extra illum, sed præstantiori quodam modo, atque vt in æterno exemplari, quod antea etiam vel ex sententia Platonis indicauimus. Itaque audit, & videt, non tamē, vt nos, sed præstantius multò, ac citra omnem passionem vnica simplicissimaq; notitia agnoscens omnes, siue sonos, siue colores, ac denique omnia quæcunque sunt, fuerunt & futura sunt. Non igitur fieri potest, vt qui fecit aurem non audiat, & qui fecit oculum non consideret, neque enim quia perfectius videt & audit, negandum est videre, & audire, quin potius asserendum videre & audire omnia, atque esse sapientissimum, & providentissimum, atque vt nihil sine eius potentia, ita neque sine eius sapientia & bonitate geri. Neque verò atheorum argumentis respondere difficile. Proptimo dicimus eos rectè asserere, si Deus est, eum esse omnipotentem: at verò falsò assumere, non esse, qui faciat quidpiam supra naturæ vires. Confirmauit enim Deus Optimus Maximus, quam de se voluit haberi fidem, innumeris neque inuentibus miraculis, siquidem suscitabit mortuum quatrduanum, & quod est multò maius, ipse etiam triduanus surrexit à mortuis. Dices hoc ipsum negabit Atheus. Dicet igitur multos, eosque aliqui optimos viros, neque pecuniarum, neque gloriæ cupidos, adeò nihil sibi inde aucupantes, vt omnes, nullo ferè excepto, in confirmationem fidei mortem & tormenta libenter subierint, eosque per vniuersum orbem dispersos, vno ore, pro amico, multò antè contumeliosè ne necato mentirosos esse, hisq; ipsis iam occisis, innumeros postea sapientissimos, grauissimos, & sanctissimos viros, rebus omnibus posthabitis, vsque ad sanguinis effusionem leuiter credidisse. Quæ potest esse aut excogitari maior perfidia? petet Athens, vt illi indicem hæc ita esse effecta vt natiuntur. Non possum aliter quam testimonio sacrarum literarum, & consensu mundi totius atque multorum sæculorum, & (quod est maximum) consonantia omnium testimoniorum veteris, & noui testamenti, & consensu historiæ prophanæ cum sacra. Quæ argumenta diligentissime persecutus est Diuus Augustinus in libris

Deus omnia in se habet.

Respondetur argumentis Atheorū.

Deus om-
nipotens.

de Ciuitate Dei, & post illum Diuus Thomas contra gentes. Sed quo pacto indicat mihi Atheus, nihil horum effectum esse quia (inquit) fieri non potest Sed cur non potest fieri; quia (inquit) nihil tale effectum est vnquam. Quid si effectum est; non est (inquit) itaque probat idem per idem, atque, vt dicunt, vritur circulo, petirque credi sibi soli sine vllis testimoniis, potius quàm nobis cum tam multis. Longè stultius est putare, non esse Deum omnipotentem, quia non potest sibi mortem consciscere. Nam cum mori pati sit, non agere, non posse mori roboris sit, non debilitatis. Iam verò non habere ius in præterita, hoc est, non posse facere, vt quæ facta sunt, facta non sint, & neque in præsentibus posse facere, vt non sit, quod sit, cum est, quia hæc omnia continent contradictionem. Id verò quod contradictionem continet, nihil est, quia negatio tollit affirmationem & affirmatio negationem igitur qui potest omnia quæ contradictionem non continent, nihil est quod non possit, & qui in his nauis hærent, non mihi videntur vt sapientes dubitare, sed vt quiuis ex indocta plebe Veniamus ad reliqua. Miserum dicunt futurum Deum, si quis sit qui rerum omnium humanarum gerat curam. Vtinam in miseriis ponerent homines rerum gerendarum sollicitudinem, ne essent adeò ambitiosi Vt verò homo qui multarum rerum curam habeat, sit miser Deus tamen minimè miser sit Miseria enim non est in prouidentia, sed in defatigatione, Deus verò defatigari non potest, siquidem nullo labore rerum notitiam conquirat, nullius obliuiscitur, sed omnia præsentia, præterita & futura, vno intuitu videt ipse existens simplicissimus, & nullius alterationis capax. Quantum autem faciat ad indolentiam simplicitas, Philosophi optimè intellexerunt. nam vel ipsum hominem dicit Hippocrates libello de natura humana, si vnum esset, hoc est, vno constans elemento non doliturum, nedum Deus, qui non Physicæ solum, sed & Metaphysicæ compositionis est expers. Quid ergo stultius, quàm timere ne prouidentia fiat miser qui nullatenus possit defatigari? Quid addunt præterea? Non videri Deum prouidentiam habere rerum humanarum, quandoquidem cum deterrimo quoque videtur fortuna optimè agere, & cum præstantissimo quoque pessimè. Argumentum hoc tractauit disertissimè David Psal. 72. his verbis: *Et dixerunt: Quomodo scit Deus, & est scientia in excelsis? Ecce ipsi peccatores & abundantes in seculo obtinuerunt diuitias. Et dixi, Ergo sine causa iustificavi cor meum. Respondet verò mox ipsemet huic dubitationi, dicens: Existimabam vt cognoscerem hoc: labor est ante me, donec intrem in sanctorum Dei, & intelligam in nouissi*

Atheorū
reprehensio.

nonissimis eorum. Quasi diceret, non possis intelligere, quantumuis labores, quæ sit causa quæ impij in hoc sæculo prospere agant nisi intres in considerationem diuinorum mysteriorum, & intelligas quæ fient in nouissimis eorum. Sed quæ sunt hæc? Quia ecce (inquit) qui elongant se à Deo peribunt & perdet Deus omnes qui fornicantur abs se. Post nouissima scilicet, & in futuro sæculo. Itaque hoc argumento non fit, vt Deus non prouideat rebus humanis, sed quandoquidem aliis argumentis constat prouidere, ac nihilominus in hoc sæculo sæpe agitur melius cum deterioribus sit; vt teneamus sperare aliud sæculum, in quo reddatur vnicuique secundum opera sua. Itaque hoc argumentum non tollit de prouidentia Dei fidem, sed excitat spem futurorum bonorum, quia vt in hanc ipsam sententiam inquit D. Paulus 1. ad Corinth. c. 15. Si in hac vita tantum in Christo sperantes sumus, miserabiles sumus omnibus hominibus. Non est autem consentaneum, vt qui meliores, sint miserabiles, cum Deus sit optimus, videatque & audiat omnia. Speramus igitur non in hac vita tantum, sed in futura potius, in quam boni resurgent induti immortalitate, mali autem in æternam perditionem. Itaque quia videmus sæculi huius bona magna ex parte esse collata in deteriores, non negamus Dei prouidentiam, sed intelligimus fines bonorum & malorum non esse in hoc sæculo, & quia alicubi esse oportet, excitamur in spem post mortem futurorum: interim suspicientes Dei bonitatem infinitam, qui in malos etiam est bonus, hæc qualiatunque bona illis tribuens, bonis verò verè bona, & nunquam interitura reseruans, quorum hinc inopia exercens, reddit digniores. Hoc eodem modo concludit Plato decimum librum de Rep. siue de iusto, hoc eodem argumento confirmans, & Deos habere prouidentiam, & animas nostras aliud sæculum manere.

CAPVT LIX.

PSal. 92. ita scriptum est. Etenim firmavit orbem terræ qui non commouebitur.

Arist. cap. 23. lib. 2. de Cælo inquit: Mentis est ratione non admirari, curnam parua terra globa, si elata dimittatur, fertur quiescereque non valet, & quo est maior, eò celerius fertur, vniuersa autem terra, si quis ipsam sublimem eleuatam, que dimittat, ferri non potest. Nunc verò tantum pondus quiescit. hoc est, miretur quispiam quo pacto fiat, vt tantum terræ pondus quiescat

in mundi medio, nulli rei innitens, nullis firmioribus cæmentis fundata, sed in aqua & aëre vndique pendens, cum præcipue videamus, minimi etiam ponderis frustulum si dimittatur in aëre, nulla alia re sustentatum, decidere, neque manere posse. Hæc dubitatio plurimum torfit veteres Philosophos, coniecitque in solutiones longè diuersas, quarum tamen pleræque, vt bellissimè dicit ibidem Aristoteles, absurdiores sunt ipsa dubitatione. Nam Empedocles infinitam esse terræ profunditatem, ideoque quiescere, quasi radicibus infinitis firmatam. Thales innatare in aqua vt lignum quoddam. Anaximenes, Anaxagoras, & Democritus amplam esse, & ob latitudinem quiescere, quod subiectum aërem secare non possit, constat verò hæc omnia absurda esse. Nam terram rotundam esse, certæ cuiusdam magnitudinis, æquidistantem à cælo secundum totam superficiem, experimento constat, quare infinita non est, neque latitudinem planam habet, neque hoc hemisphærium illi magis innititur, quàm illud huic, sed in centrum nituntur omnia. Porro si terra ampla est, & figuram habet tympani, ac proinde non potest secundum latiore superficiem secare aërem: cur tamen secundum superficiem angustiore non findit & elabitur? cur enim potius nitatur in hanc cæli partem, quàm in illam? Iam verò si terra aquæ innatat, ipsa aqua quo sustentatur? quod si aqua pendere potest in aere, possit & terra, quæ enim maior dubitatio? neque igitur supra aqua, neque super radicibus, vel cæmentis infinitis firmavit Deus orbem terræ, sed, vt inquit Iob c. 26. *super nihilum appendit*. Certè ex hoc, vt ex aliis multis, quæ in natura rerum eueniunt mirabilia, nos prouocant sacra eloquia in Dei Opt. Max. admirationem. Nam & Esaias capite quadragesimo ita inquit: *Quis appendit tribus digitis molem terræ?* & rursum paulò infra: *Nunquid nō intellexistis fundamenta terræ?* rursum capite quadragesimo secundo, inquit, *Hæc dicit Dominus Deus creans calos, & extendens eos, firmans terram*. Itaque gloriatur Dominus Deus, quod sine vllis fundamentis, sed super nihilo firmauerit. Nimirum Dei imperium firmitus omni fundamento est. Sed quoniam Deus omnia disponit suauiter, neque vlli æternā infert violentiam, necesse est, ita sit terra super nihilo firmata Dei iussu, vt ipsa non repugnet, sed ita ei obsequatur, vt verè secundum suam naturam locata sit. Inuestiganda igitur nihilominus causa est naturalis, qua terra ita locata quiescit, neque vnquam commouebitur. Plato in Phædone ita inquit: *Persuasum mihi quidem est primò, si est terra necessitate eiusmodi, vt nunquam decidat, sed ad eam sustinendam satis id esse, quod & cælum vndique*

Falsa Philosophorū opinio de terra.

Terra immobilis.

dique sibiipſi ſimillimum eſt omnino, & terra vndique æquilibris in ſimilis alicuius medio poſita, neque magis neque minus poteſt in partem aliquam inclinari, cumque ſimiliter ſe habeat, ab inclinatione erit aliena. Hæc Plato. Cuius opinio plurimis arridet; videturque optimam & facillimam cauſam reddere, cur non ruat terra, nimirum quia non eſt cur huc quàm illuc potiùs ruet, rotunda cum ſit, & in medio poſita. Ad hanc etiam opinionem alludit Ouidius dicens: *Ponderibus liberata ſuis.* Sed ſi ea eſſet verè cauſa, fieret, vt ſi extra centrum mundi poſita dimitteretur, rueret in eam cœli partem, quam haberet propiùs, idè enim non ruere dicebatur, quòd in medio ſita in nullam potiùs partem inclinet. Deinde fieret, vt ſi terræ figura deficeret ab ſphærica, & in alteram partem, vt in Septentrionem verbi gratia extaret, in eam cœli partem rueret, velut deficiente æquilibrio, & in eam partem potiùs inclinante pondere. At verò abſurdum eſt, vtrumque horum, nam quoquò rueret, pondere rueret, pondus verò non fert in cœlum (qua enim ratione pondus ferat quàm leuitas?) ſed in contrarium. Leuitas autem fert verſus cœlum, ergo pondus ad partem à cœlo remotiſſimam, putà ad centrum mundi. Ergo terra ſiue extra centrum poneretur tota, ſiue mutata figura in alteram partem extaret, rueret eò uſque, vt centrum ponderis ſui in mundi centro collocaret. Dico autem centrum ponderis, quia ſi mutata figura extaret, non eſſet idem centrum ponderis & magnitudinis, ſiſteret verò in mundi medio ponderis medium, quia pondus cauſa deſcenſus eſt. Si verò non mutata figura, ſed à medio mundi aliquatenus pulſa emineret in alteram partem, rueret ſanè tunc quoque, & medium ſuæ magnitudinis, & mundi totius idem eſſe faceret, quia nulla alia ratione poteſt aliis omnibus elementis ſubſtare. Amat verò id eius natura, quia eſt omnium craſſiſſima: eſt verò is naturalis omnium corporum ordo, & cuius comparandi gratia mouentur per ſeipſa, hoc eſt, neque pulſa, neque tracta, neque portata, neque volutata, ſed ſponte naturæ, vt craſſa ſint ſub tenuibus: eſt autem in vniuerſa infimus locus, qui & intimus, putà centrum, ſupremus qui & extimus, putà cœlum. Quia vniuerſi partes non poſſunt ad aliud quodpiam extra ipſum referri, vt in corporibus ſingulis, velut in ouo vitellus eſt pars intima, non tamèn eadem infima, quia eſt quædam albuminis pars inferior, quæ ſcilicet longiùs abeſt à cœlo, in ipſo autem orbe non ita, quia non eſt

Centrum
locus infimus.

extra illud aliud ad quod eius partes referantur, sed est infra; quod continetur, supra verò quod continet; continetur verò ab omnibus quod in centro situm est, cœlum autem omnia continet. Hæc igitur causa est, qua terra extra centrum aëris, aut altera ex parte eminens, rueret in centrum, & eadem, quia non ruit à centro. Nam quo pacto possit à centro, & ad centrum naturaliter ferri, contrariæ cum sint tales lationes? neque certè re ita perspecta, vlla superest dubitatio. Nam particula terræ in aëre demissa, non fertur vnquam in eam cœli partem cui est propior, sed versus centrum, neque si iuxta ipsum cœlum dimitteretur, maneret, quamuis cœlum firmum, & velut ex aëre fuso esse indicatum antea est. Non ergo quærit tuens, rem firmam cui adhæreat, sed ordinem quem naturaliter expetit, ne sit, scilicet super re tenuiori, sed tenuioribus omnibus substat. Terra ergo tota, cum ita locata sit, non possit vnquam ruere: igitur firmavit Deus orbem terræ, non aliter, quàm rectè, ac secundum eius naturam collocans, hoc est, in mundi medio, qui idem est locus infimus. Verum quia, vt diximus, si alteram in partem extaret, velut si nunc ad Aquilonem aut Austrium tuberculum magnum terræ aliquod innasceretur, rueret, non quidem in cœlum eò versus (vt timere videbatur Socrates in Phædone) sed in sese ipsam, vsque dum centrum sui ponderis teneret mundi medium, necesse est vt hunc quoque casum Deus prouideret, efficiens ne aliquam in partem terra extet potius, sed omni ex parte sit æquilibris: hoc autem æquilibrum, siquidem terra esset perfectè spherica, & secundum omnes partes æquè crassa, nulla alia ratione indigeret, nam esset ita idem centrum magnitudinis & ponderis: verum ob aquarum distributionum, & alias necessitates, oportuit vt terræ partes essent aliæ aliis altiores, ac nihilominus vt firmiter quiesceret, oportuit vt nullæ partes potius quàm sibi oppositæ extarent, aut vt illa eminentia oppositarum partium crassitie pensaretur ad æqualitatem.

Montium
& collium
inæquali-
tas.

Necesse est igitur vt Deus montes, & colles, ac denique omnia terræ tubercula, ad æqualitatem ponderis terræ partibus distribuerit, æqualia æqualibus opponens, ne alia ex parte grauior facta terra, rueret in seipsam, aliud centrum quærens, quòd esset sui ponderis, etsi non esset suæ magnitudinis, velut de iis quæ vehuntur in aqua monstrat Archimedes. Iustam hanc partium orbis terræ dispensationem optimè cecinit Elaias cap. 40. dicens: *Quis appendit tribus digitis molem terræ, & librauit in pondere montes, & colles in statera?* ob hanc igitur æqualem distributionem partium, & quia in medio collocatus est

terræ

terræ orbis, non commouebitur.

Neque verò illa æqualitas partium, est extra id quod amaretur natura, imò est quoddam naturæ bonum, non in vniuerso solum, sed in vnoquoque spectabile. Galenus enim multis commendat, in opere quod de vsu partium scripsit, hanc partium æqualitatem in corpore humano, licet verò eandem contemplari in musca & culice, & arbore, & arbutto, & herbula, & re quacunque integra, vsque adeò fecit Deus omnia in pondere & mensura. Itaque ne terra per aërem in quo videtur pendere, rueret, prouidit Deus, illam sub aliis omnibus mundi partibus collocans: ne rueret in seipsam, aut commoueretur, prouidit, librans in pondere montes, & colles in statera. Duplici ergo ratione firmavit orbem terræ qui non commouebitur.

CAPUT LX.

Cap. 25. Prouerb. *Acetum in nitro qui cantat carmina cordi pessimo.* Comparat Salomon carmina salutaria, decantata homini qui sit corde pessimo, aceto in quo dissolutum sit nitrum. Quæ quàm sit appositâ, comparatio, cuius facile intelliget, perspectis iis quæ de talibus carminibus à Philosophis, & de nitro in aceto à veteribus Medicis scripta sunt. Plato in Charmide in persona Socratis multis verbis docet, morbos animi curari incantationibus, atque animi morbis sublatis, plerumque salutem in corpus redundare, tollique capitis dolorem, & multa alia mala, incantationes verò præclaris sermonibus contineri, quibus animæ temperantia tribuatur. Itaque sunt hæ incantationes, seu decantata carmina exhortationes, increpationes, ac denique disciplina omnes, quæ ad Dei timorem, & virtutum cultum nos alliciunt. Maximæ scilicet ægri animi medelæ, quæ sanè à sapiente, & qui ex Deo est, libentissimè suscipiuntur, ei verò qui corde est pessimo, aceto in nitro, seu nitro dissoluto in aceto similes occurrunt. Principiò enim molestæ sunt, & mordent acriter, postea verò extergunt & elunat sordes animi, nisi quis iam est immedicabilis. Talis enim semper auersatur, & respuit, læditurque omni curatione magis. De nitro verò à Dioscoride cap 89. lib. 5. ita scriptum est: *Purulentas aures & sonitum earum sanat, sordes expurgat cum aceto instillatū.* Galenus quoque tertio de compositione medicamentorum secundum locos, ex Archigenis sententia commendat ad aurium sonitus, acetum

Aceti in
nitro so-
luti vis.

Aures
purgan-
tia.

cum nitro. Vt itaque nitrum cum aceto instillatum in aures, earum eluit sordes, & sonitus, seu tinnitus earum sanat, ita exhortationes sanctæ sæpius instillatæ in aures, etiã pessimis sordes anni eluunt, & varias perturbaciones, quasi sonitus anrium prohibentes audire veritatem, sanant. Mordent verò, neque sine magna molestia ab ægro animo suscipiuntur, non aliter ac acetum & nitrum. Vtrunque enim per se, ac simul ambo, vbi in purulentas, & exulceratas aures instillatur, mordet, duratque ea mordicatio, vsque dum pars sanescit, & cute obducitur.

CAPVT LXI.

Aquæ fri-
gidæ po-
tus.

IN eodem 25. Prouerb. Sicut frigus niuis in die messis, ita legatus fidelis ei qui miserit eum, animam ipsius requiescere facit. Et paulò infra in eodem cap. in eandem sententiam dicitur, *Aqua frigida anima sitienti, & nuntius bonus de terra longinqua.* Itaque coniunctis ambobus locis facillè intelligimus. potum aquæ refrigeratæ admota niue in die messis, hoc est, in æstate, facere requiescere animam potantis, vt nuntius seu legatus missus è terra longinqua cum est fidelis, facit requiescere animam eius qui misit eum. Quoniam scilicet, fiduciam habet in nuncio fidelis is qui misit eum, ac proinde requiescit animus eius. Possit hic Physicus pro potu uiue refrigerato testimonium accipere, atque tempus vtendi illo discere, non minus quàm à Galeno: siquidè verba illa, *Animam ipsius requiescere facit*, vsum innuunt, illa verò, *In die messis*, tempus vtendi. Nimirum anima Physicè plerisque vocatur ipsa respiratio, seu qui respirando attrahitur spiritus. Atqui Diogenes, vt tradiunt qui de eius placitis scripserunt, in eo aëre animæ essentiam esse putauit. Sed vtcunque de animæ essentia sentiat Physicus, quia respiratu vita seruatur. ipsam respirationem animam vocat, atque huius ipsius facilitatem, seu tranquillitatem, animæ requiem. Itaque facere animam requiescere, est Physicis, respirationem facilem reddere, id verò fit, igneũ calorem extinguendo, atque hominem attemperando. Quod, cum febris calor igneus sit, constat, vt possit à multis febribus liberare, atque ita esse vilissimum, cum tempestiuè adhibetur. Intempestiuus enim eius vsus multorum malorũ causa esse potest. Quæ Hippocrates ferè colligit in Aphorismo dicēs: *Frigida velut nix & glacies, pectori inimica sunt, tusses mouent, sanguinis eruptiones, ac defluxiones faciunt.* Rursus in alio Aphorismo: *Frigida inimica ossibus, dentibus, nervis, cerebro, spinali medulla.*

& rursus: *Frigida convulsiones, antrorsum ac retrorsum, distentiones, nigrores, rigores febriles.* Opportunitas verò est, vt Galenus libello de cibis boni & mali succi inquit, *in æstate non quibusuis sed iis tantum qui exercentur dare, ne, scilicet æstu forti & exercitatione inflammati, in causas incidant.* Quorum generationem Hippocrates in libris de ratione victus in acutis, his verbis docet: *Febris autem ardens fit, cum resiccata venula tempore æstus acres ac biliosos ichores in seipsa trahunt.* Fit autem plerunque ex longo itinere, & longa siti, cum resiccata venulæ acres & calidas fluxiones in seipsa attraxerint. Cum igitur hæc sit causæ generatio, & his causis fiat, constat nulla ratione posse præcaueri melius, quam eo tempore, iis qui in talibus versantur causis, dato potu frigido, foreque vt venæ refrigeratione temperentur, & spiritus, qui æstu & exercitatione redditur difficilis, requiescat, fiatque facilis ac moderatus.

Facit igitur talis potus, animam requiescere in die messis, hoc est, in æstate & labore. Quo enim potius vteretur, quo significaret æstû & laborem, quam messis; non autem solis messoribus, sed & omnibus hominibus negotiosis, qui per æstatem non possunt se horis meridianis domi continere, & iter agentibus utilis is potus est, siquidẽ inde febres ardentes solere cieri Hippocrates author est. Neque verò tunc omnibus vtendû tali potu est, sed quibus nulla pars earû quæ eo lædi solêt, insigniter est debilis; thorax dico, pulmo, cerebrû, nerui, spinalis medulla, aut etiã intestina, aut vesica. Quibus ergo talis quæpiã est debilitas, exercitationes & insolationes per æstatẽ deueniunt penitus ne necessariò incidant in alterutrû. ardentes dico febres, aut illas alias noxas. Vt verò præscripta verba Salomonis continent cõmendationẽ frigidi potus, ita innuunt, ne in æstate quidem nisi exercitatis vtendum eo esse, in aliis verò temporibus nulli. Non enim simpliciter dicit, frigus nimis requiescere facit animam, sed in die messis; nimirum aliis temporibus, aut etiam in æstate vacantibus hominibus animam sedat ipsa aëris inspirati temperies, aut orium. Verùm de tali potu alibi mihi dicta sunt plura. Hic pro meo instituto dictum est satis.

CAPVT LXII.

Cap. i. Eccl. *Generatio praterit, & generatio aduenit, terra autem semper stat. Oritur Sol & occidit, & ad locum suum reuertitur, ibique renascens gyrat per Meridiem, & flectitur ad Aquilonem, lustrans vniuersa in circuitu pergit spiritus, & in circulos suos reuertitur.*

De circu-
lari mo-
tu.

Mūdi par-
tes tripli-
ces.

Hoc quod Ecclesiastes obseruauit, nihil aliud est, quàm quod Arist. in duobus vltimis capitibus secundi de orru & interitu disertè tradidit, puta circularem esse rerū omnium mutationem, & hinc pendere mundi æternitatem, quoniam scilicet, sola mutatio circularis potest esse perpetua. Partes ergo mundi quæ per se sunt perpetuæ, vt Solem & alia corpora cœlestia, nullam mutationem substantiæ subire, sed circulo volui, accedereque & recedere, eadem numero semper redeuntia: quæ verò corruptibilia sunt, fieri semper ex seipsis circulo nascentia & intereuntia, numero semper alia, sed specie eadem, vt ex aere fit aqua, & ex aqua aer. Hunc generationum abeuntium & redeuntium circulum, quo mundus seruetur, inuuit Ecclesiastes dicens, *Generatio præterit, & generatio aduenit*. Considerandum verò triplicibus rebus constare mundum hunc, quibusdam enim incorruptibilibus, vt cœlestibus: quibusdam secundum se totas corruptibilibus, vt singulis brutis & arboribus: aliis corruptibilibus per partes, vt terra, mari, & toto aere; horum enim nullum secundum se totum corrumpi potest, corrumpitur verò secundum partes singulas. Corruptibilia primi generis, non aliter seruantur, quam successiua generatione singularium, generatione scilicet prætereunte, & generatione adueniente. Terra autem & mare & eiusmodi semper stant, etiamsi secundum particulas præ sua mole insensibiles, recipiant accessiones. Sol, & reliqua corpora cœlestia, secundum se tota & partes omnes inalterata, tantum mouentur circulo, qui motus ad aliorum corporum mutationes, rationem habent causæ. Quia enim hæc circulo voluntur, illa circulari mutatione, hoc est, eisdem specie rebus abeuntibus & redeuntibus oriuntur & intereunt. Neque sanè illorum cœlestium corporum virtus æquè accedit ad omnia, quæ in generabilium & corruptibilium regione sunt, sed in his ipsis est ordo vt loci, ita & virtutis. Suntque alia aliis efficaciora & perfectiora, mutantque cœlum ipsum alia per alia, velut per tenuiora & superiora, quæ crassiora & inferiora sunt. Proindeque dictum est Empedocli, terram & aquam materiam esse generabilium corporum. vt farinam & aquam, aerem verò & ignem efficientia magis quam accipientia esse, & virtutes præstare magis quam corpora rebus generandis. Hæc igitur consentaneum est accipere proprius à cœlestibus vim, quàm in humiliora transmittant. Argumento est, quòd cum inferiora, & densiora, stent in suis locis firma (multoque magis terra) superiora illa & tenuiora cum cœlestibus voluntur, & illorum persequuntur motum. Aerem enim supremum, & qui iuxta cœlum est circulo

De ele-
mentis.

Aëris mo-
tus circu-
laris.

circulo volui quotidiè ut ipsum cœlum, indicant cometæ, qui quasi in ipso essent cœlo, videntur aliquando circuire, ignem verò qui & per aerem & per reliqua omnia penetrat, ut omnium tenuissimum motum ipsius Solis tenere, & cum illo circuire, indicat calor qui luminis accedit semper, & tenebrosa deserit, quasi luminis comes indiuiduus. Id enim est, quia ignis est assecla Solis. Ut igitur Solis circuitio causa est circuitiōis huius substantiæ spiritalis, aeris inquam & ignis, ita & hæc spiritus circuitio, causa est generationum, & corruptionum, eorum quæ circa terram, & mare oriuntur & intereunt, atque in his, maximè ignis. huic enim, ut Aristoteles inquit, substrata sunt omnia: ut materia, illeque suo calore efficit omnes naturales ortus, estque, ut in hoc ipso opere antea interpretati sumus, spiritus qui ferebatur super aquas, & fecundabat omnia. Breuissimè igitur Ecclesiast. complexus est totam de ortu & interitu tractationem, dicens, mundi huius perpetuum ductum seruari, aliis ex aliis rebus circulo genitis, & generatio successiua rerum numero diuersarum, specie similium, itaque generatione prætereunte, & generatione adueniente: causas verò huius communicationis rerum esse, quòd terra semper stat in medio mundi firmata (intelligitur verò terræ nomine, totus eius globus, qui terra & aqua constat) & circa eam voluuntur circulo cœlestia, & spiritalia tenuiaque corpora, his enim (cœlestibus inquam & spiritalibus) facientibus, & illis (crassis scilicet elementis) recipientibus, ortus & interitus fiant. Ut verò hæc recipiant, & illa faciant, nihil magis consentaneum, quàm ut illa circumeant, & hæc firma stent, siquidem efficientem causam oportet accedere ad materiam, nulla autem ratione acceditur melius quàm materia quiescente, & effectrice causa accedente omnem in partem, omnem verò in partem non aliter acceditur, quàm circumeundo.

Quapropter facessat iam hinc quorundam veterum sententia, & Copernici arguties, terra enim stat, & Sol circuit. Neque verò ipsa cœlestia corpora & tenuia elementa, æquè pertinent ad effectiuas causas, sed cœlestia efficiunt solùm, elementa tenuia efficiunt multò magis quàm crassa, ita tamen ut accipiant nonnihil, materiæque sint, alioqui non essent elementa. Neque ipsa cœlestia inter sese, neque tenuia elementa habent pares efficiendi vires, sed in illis Sol, in his ignis præcipua ortuum & interituum causa est, proinde Ecclesiastes patiendi principium in terra quiescente, efficiendi verò in Sole, & spiritu, hoc est, igne, circulo lactis posuit. Eam verò esse vtilitatem circu

Copernici
reprehensio.

circularis lationis, vt effectrix causa ad omnes materiae partes accedat, apertè insinuant illa verba, *Lustrans vniversa in circuitu pergit spiritus*. Nihil est enim aliud, quàm si diceret, in circuitu pergit, vt lustret vniuersa. Porro nos antea, super cap. 39. Deut. ex loco & motu Solis, Dei sapientiam commendauimus, & admirati sumus, qui ita illam cœlo locauit, eumque motum tenere iussit, vt nulla se mundi pars absconderet à calore eius.

Solis circ-
cutione.

Verùm quod de Solis motu hoc loco dicit, non exiguam ingerit difficultatem. Nam, inquit, *gyrat per Meridiem, & flectitur ad Aquilonem*. Videtur autem hoc non ita habere. Nam Aquilo est ea cœli pars à qua flat Boreas, qui & Aquilo dicitur. Ea verò est vbi situs est polus. Sol verò circuit circa polum, ita vt po us centrum sit eius circuli quem Sol describit, non potest ergo versus polum flecti, siquidem circuli partes omnes distant à centro æqualiter. Neque verò hîc possis dicere quod D. Thomas Aquinas super Iob dicit, Aquilonis nomine significari hemisphærium quod supra nostrum Horizontem est, & huic oppositum dici Meridiem. Quin potius, meo iudicio, hinc constet, non esse illam legitimam interpretationem. Nam quis non dicit Solem gyrate per Meridiem, cùm horas nobis exhibet meridianas: constar verò horis meridianis supra nostrum Horizontem esse Solem. Meridies igitur pars nostri hemisphærij est, non quid huic oppositum. Quid ergo dicas? quo pacto flectitur ad Aquilonem? Videtur sanè hoc dictum iuxta sententiam quorundam veterum, qui, vt Aristot. cap. 1. secundi Meteor. narrat, censebant totum mundum secundum Septentrionalem partem in sublime assurgere, secundum Meridionalem verò demissum esse, idque non solum in cœlesti, sed in terreno etiam globo. Itaque habere terreū globum ad Septentrionalem partem velut gibberū quendam prægrandem, extrare enim ad eam partem, & ad meridionalem nutare, Solemque non sub terram, sed circum terram, & hunc Septentrionalem locum circumferri. Itaque diem esse cùm per meridiem circuiret, noctem verò cùm deflectens ad Septentrionem, illo velut terræ gibbero occultaretur. Videtur itaque illi sententiæ locus hic fauere. sed & quod ponunt, alique quàm plurimi veteres putauerunt, Septentrionalem cœli partem aliis omnibus esse superiorem, videtur ex sacris posse recipere confirmationem, siquidem Esaïæ 14. capite ita dicitur ex persona superbissimi. *In cœlum conscendam, super astra Dei exaltabo solium meum, sedebo in monte testamēti in lateribus Aquilonis*. quasi
scilicet

scilicet, Aquilo excelsior cœli pars sit. Verùm tamen hoc falsum esse, neque ullam mundi partem eminere aliis, eò quòd in perfecta sphæra omnes extremitatis partes distent æquè à medio, indicatum antea est super capite trigesimoseptimo Iob. Porro dicere Solem illo modo circuire, hominum est ignorantissimorum Astrologiæ. Nam cum Sol moueatur motu diuino cum toto cœlo, nisi moueretur qua nos dicimus, supra & infra terram, non possent poli esse, vbi esse nunc ponuntur, sed mutato circulo mutari oporteret polos, at verò polum esse vbi nunc ponitur, declarant stellæ omnes fixæ, quæ quòd longius absunt ab illo puncto, eò maiores describunt circulos, & quòd accedunt propius, minores, ad eò vt sint nonnullæ æternæ apparitiones. Itaque falsum esse illud dogma, ex dictis aperte deprehenditur: quapropter non licet secundum illud sacra verba interpretari, sed quæ ex Esaia produximus verba sunt Regis præ superbia infantis, affectantisque sedes æthereas, ac solū suum collocare in Aquilone, quæ pars despectanti à terra videtur esse summus cœli apex, quia in medio astrorum omnium est, & circum quam Sol, & Luna, ac reliqua Astra omnia tam errantia, quàm fixa, videntur choreas ducere, non tamen proinde excelsior est aliis, neq; quidem potest in corpore perfectè sphærico. Quo pacto autem vera sint præscripta nunc de Solis circuitione verba, iam dicamus. Certè illa in sphæra recta & sub æquinoctiali vera non essent, ibi enim Sol aut per ipsam lineam fertur æquinoctialem, neque in ullam mundi partem flectitur: aut vltra citràve eam lineam, ita tamen vt quotidiana circuitione eam non interfecet, non interfecant autem in contrariam mundi partem flecti nō potest. At verò in sphæra obliqua, qualis est hæc quā incolimus, & Syria, vbi hæc scripta sunt, quinimò & vbi inter tropicum Canceri & circulum Arcticum (vltra quos fines nihil habitabile putabat antiquitas) verissimum est, quotidie Solem gyrare per Meridiē & flecti ad Aquilonem. Nam quacunque die conuertat homo faciem ad eam partem qua oritur Sol, & inde ducens per suum centrum lineam, describat circulum magnum, & imaginatione secet mundum in duas partes æquales, eam mundi medietatem ad quam spectabit sua dextra, vocabit Meridiem ad quam sinistra Septentrionem aut Aquilonem, quia habebit polum à sinistris, & à dextris meridianum motum Solis: quotidie autem Sol postquam gyrauerit per Meridiem, interfecans illum magnum circulum (qui est linea longitudinis) flectetur ad oppositam cœli medietatem, quare flectetur ad Aquilonem. Interficere autem eam lineam quotidie, constat, quia Sol cum fertur per æquū

Dux mū-
di partes.

æquinoctialem, describit magnum circulum, duo autem circuli magni non possunt non interfecare sese per medium: cum verò recedere ab æquinoctiali non possit Sol, nisi per triginta gradus, & obliquitas sphaeræ dictis in locis maior sit (quod eleuatio poli ab Orizonte indicat) sit vt nuquam percurrat Sol circulum, qui non interfecet circulum illum magnum, nisi non per medium, & in partes æquales. Si autem interfecat, certè deficiat antequàm perficiat diurnum motum ad oppositam medietatem, & quæ spectat ad Aquilonem. Verissime ergo Sol ex quo nascitur, gyrat per Meridiem, & defleuens ad Aquilonem redit in locum suum. Quodd verò omnis locus citra tropicum Caneri habeat obliquitatem maiorem, quàm sit summus Solis recessus à linea æquinoctiali, constat quia duo tropici æquè distant ab illa linea, & circuli Arcticus & Antarcticus à polis; habebit ergo regio quæcunque tantò plus obliquitatis quàm id spatium sit, quantum distat ab ipso tropico, quod omninò sit aliquid, si citra illum sita est.

CAP V T LXIII.

IN eodem cap. 1. Eccles. ita habetur: *Omnia flumina intrant mare, & mare non redundat: ad locum vnde exeunt flumina reuertuntur vt iterum fluant.*

Mare cur non crescat. Antiquam hæsitacionem vocat Arist. in 1. cap. 1. Meteor. cur mare non redundet, neque verò sentiatur augeri, tametsi multitudo ingens tantæ magnitudinis fluuioꝝ in ipsum continenter influat. Nimirum inde licet intelligere, eam quæstionem ab antiquissimis etiam Philosophis agitatam esse, cuius decisionem constat pendere ab ea opinione, quam quis habeat de fluminum generatione, & hanc à generatione fontium. Siquidem videmus (neque dubium) flumina à fontibus incipere, & accessione fontium & riuulorum augeri.

Qui igitur censebit fontes ex ingenti illo barathro, & aquæ (vt ita dixerim) immensitate, quæ intra terram est, regurgitare, partim per patentes quosdam poros, velut per quosdam cuniculos, partim per solidam ipsam terram excolatos, dicet (quod in præscripta oratione legimus) mare non redundare, quia quantum alia parte accipit, tantundem alia dimittit. Cuius sententiæ Plato est in Phædone, vbi differens de magno illo barathro, inquit: *In hoc usique receptaculum omnia confluunt flumina*

flumina, atque inde rursus effluunt. Aristotel. verò, qui de generatione fontium aliter statuit, putat illos non ex vno communi principio fluere, sed noua aliqua generatione fieri, suo in loco vnumquemque, meritò videtur refutare eam quæ stionis antiquæ decisionem, & excogitare aliam. Nimirum ipse censet in terræ cavitatibus gigni aquam, aëris, & vaporum qui illic sunt copiosi, congestione, ibique multarum guttularum continenti concursu, riuulos gigni, qui per meatus aliquos erumpentes fontes dicantur, quorum rursus coitione fiant flumina quæ per terram decurrant vsque ad mare; hoc verò ob suam vastitatem, non videri accessione fluminum augeri, esse enim perinde ac si per amplissimam mensam effundas aquæ cyathum. Differendum igitur in primis videtur de fontium generatione, vtro dictorum modo fiant, & an eodem modo omnes, deinde ad antiquæ dubitationis solutionem veniendum. Aristoteli videtur fieri non posse, vt fontanæ fluuialesque aquæ effluant ex mari, cum in illud influât, quia cū aqua moueri nullo modo possit, nisi ab editiori in humiliorem locum, fieri non potest, vt in eundem locum influat à quo effluerit, quia erit idem locus seipso eminentior, & humilior. Quæ causa est, vt non possint arte fieri vlli fontes perpetui, præcipuè non accedente vacui necessitate, quæ certè in terræ cavitatibus non accederet, quia possunt facile repleri aëre. His possis addere tam insignem aquarum fontanarum è marina differentia, si enim ex mari vt ex communi aluco omnes fluere, videntur & sui, & maris futuræ similes, nunc autem & à seipsis dissident multum, & à mari quamplurimum, cum pauca salis sint. Cum igitur hic modus generationis fontium his argumentis videatur tolli, superest alter, ex vaporibus scilicet, & aere densatis intra terræ cauernas generari denuò aquam, quæ per quædam hiatus exiens fons dicatur, atque deinde aliorum accessione increescens, etiam fluuius. Quam sententiam confirmat Aristot. dicens hac causa ad radices montium oriri semper fontes, neque in media planitie humilium vallium, neque in summis montium cacuminibus, quòd ex sublimium partium cavitatibus ad humiles guttatum destillet aqua, atque stellarum concursu colligatur. Cæterum si quis rectè consideret, videat argumenta quæ contra aliam sententiam dicuntur esse solubilia, & quæ in huius confirmationem communia. Nam primo illo (quod & maximum esse videtur) non fit, vt non possit aqua influere in eundem locum à quo effluat, sed vt non secundum eandem partem. Quid autem prohibet mare,

Fontium
genera-
tio.

Differētia
aquarum.

adeò vastum cùm sit, & immensæ profunditatis, secundùm aliam partem recipere influentes aquas, secundùm aliam demittere effluentes? nimirum in arte factis fontibus machinari conantur, vt idem congruus circulo quodam influat, & effluat. At verò in mari non ita euenit, neque eadem aqua quam in mare deponit Tagus, redibit, inquam, in eiusdem fluminis exortum, sed in mare deponit, & ex barathro illo immenso quod intra terram est exhaurit. Sed dices quo pacto exhaurit? certè vt in hominis corpore, magna sanguinis copia in hepate est, & corde, decurrit verò inde per totum corpus per quosdam angustos canales, quos vocamus venas, ita intra terram maximæ quædam cavitates sunt aqua plenæ, indeque per quosdam cuniculos, seu maus, per quasdam venas decurrit per totam terram, vsque ad eius extremitatem, atque vbi euenit venarum aliquam ruptam esse, aut hiare, fons fit maior aut minor, vt ipsa est vena, aut hiatus. Atqui hoc ita se habere, apertè indicant verba illa cap. 7. Geneseos, *Rupti sunt omnes fontes abyssi*, hæc est, omnes fontes, qui ex ingenti aquæ abyssu (hoc est, quod Poëtæ barathrum vocant, seu tartarum) procedunt, ruptis venis eruperunt, & ita effusa aqua abyssi inundauit terram, vt si quis ruptis vbique venis exhauriat sanguinem hepatis, ac totam corporis cutem commaculet. Sed dices perstans adhuc in primo argumento, quandoquidem ex terra & mari vnicus constat globus fieri non posse, vt aqua per illos meatus, siue canales, supra globi illius extremitatem, seu superficiem efferatur, ferretur enim sursum sublimior siens toto mari à quo nascitur, nullatenus igitur efferri potest in montes, ex mari & reliqua terræ planicie sublimiores, at verò plerique fontes descendunt ex supremis montibus, decurruntque in terræ planitiem, ac per eam in extimam superficiem maris: non igitur ex mari veniunt, sed in ipsis montibus generationem habent, non aliter ac pluuiæ aquæ in nubium regione. Non esset (arbitror) quod respondere possemus, si mare, & tota aquæ moles in suo loco consisteret firmiter, vt terra, neque agigaretur hac & illac ab vlla alia causa, quæ accederet. Nunc autem non ita fit, quinimò videmus mare assidue agitari, nunc quidem stato quodam ordine tumescens, & detumescens, nunc temerè per tempestates insanas vsque ad nubes elatum, & rursus subsidens, quos motus, vix dubitare quispiam possit, ad conclusos intra terram, & aquam flatus referri. Nam aduentante

tempe

tempestate, antequam per apertum aërem ventus resset, sentitur intrinsecus aqua agitari, & cum ipso maris æstu quotidie agitur. Mare cur agitur.

adueniat aura quædam, ex aqua impetu interni flatus agitata, erumpens. Quale igitur hoc esse, videmus, circa hanc extimam superficiem tale quiddam necesse esse intra terram in contrarias partes fieri: agitari igitur interiùs aquam à flatu, & à barathro per terræ cuniculos in partes mari etiam sublimiores efferri, partim quidem ab impellente flatu pulsam, partim etiam ab erumpente, quærentēque exitum tractam, ut est scilicet via. Cùm igitur hoc ita habeat, putandum est, esse in supremis terræ partibus cavitates quasdam, quæ cùm aqua agitata eò usque pertingit, replentur supernè, & cum reliqua aqua retrocedit quæ eas repleuerat, manet velut in ventribus quibusdam sensibilibus, à quibus per terræ rimulas defluens, in mare iterum recurrit. Neque verò non erunt hoc modo fontes perennes, nam inundationes illæ subterraneæ tam repetunt crebrò, aqua nunquam manente, sed semper agitata, ut antequam ventres illi exhauriantur, anticipent repleri. Sunt verò flatus, & aqua sibi mutuò causa agitationis, nam aqua deorsum cadens illum premit densatque, ille plus satis compressus, & quærens laxamentum, illam trudit, hisque mutuò sistentibus, sunt intra terram magnæ turbationes, ut & in animalium ventre (ut in dicta perstemus comparatione) euenit, humores & flatus susque deque versari, quia & crassissimas fæces à flatu solent usque ad supernum ventriculum, ab imo ventre efferri. Hac igitur terræ marisque dispositione, sapientia Dei librabat fontes aquarum, hoc est, ita aquas disponebat alias partes eleuans ac suspendens, alias deprimens, ut nunquam cessaret fontium fluminumque decursus, quibus, velut verbis, terra omnium mater, animantia omnia potaret, & satis omnibus, ac fonte nascentibus alimenta præberet, ut inquit Philo.

Flatus
agitationis
causa.

De hac aquarum dispensatione gloriatur ipsa Sap. c. 24. dicens: *Ego sapientia effudi flumina. Ego quasi trames aqua immensa de fluuiio, ego quasi fluuius Dorix, & sicut aqueductus exiui de Paradiso. Dixi, Rigabo hortum meum plantationum, & inebriabo prati mei fructum. Et ecce factus est mihi trames abundans, & fluuius meus appropinquauit ad mare.*

Hæc verba haud dubiè innuunt dictam aquarum distributionem. Quod ipsarum si tam ampla differentia, facit percolatio. Nam & Aristoteles ipse dicit, demissis in mare vasis cereis extrahi dulcem aquam, tamen quod percoletur quod dulce

& potulentum est salis & terreis extra relictis. Quin & terrea, ac lapidea quædam vasa sunt, per quæ excolata aqua redditur melior, ex corpore verò, per quod permeat, semper aliquid trahit. Quid ergo prohibet hoc idem excolanda per terram aqua fieri? Accedit, fontes non exire ex maris conspicua parte, sed ex barathro, quod quia intra terram reconditum est, neque ita à Sole exurit, minus erit salsum. Hæc igitur argumenta debilia sunt. Illud verò commune, nasci plerumque fontes ad montium radices. Dico autem commune, quia secundum utramque opinionem idem euenit, nam cum aqua naturaliter feratur deorsum, etiamsi rumpatur vena, non decurret per terram nisi rumpatur in montibus, neque quidem in suprema eorum planitie, sed qua iam declinant. Alioqui ruptura venæ in locis planis fiunt putei. Hæc igitur Platonis sententia, quæ aded consonat sacris oraculis, nihil videtur admittere incommodi. An verò & Aristoteles aded probabilis sit, expendendum, non enim videtur. Nam si fontanæ aquæ perinde generantur in terræ cauernis, vt pluuiæ in nubium regione, eueniret certè in illis, quod & in his, scilicet, neque essent perennes, neque eisdem in locis semper fierent, sed vt pluuiæ in certis fierent temporibus & locis. Præterea nubes fiunt ex aëre & vaporibus loci frigiditate crassescens, cauernæ verò terræ non semper frigida sunt, sed in æstate solùm, quare in hyeme cum sunt calidissimæ, vt & animalium ventres non manarent fontes, sed solùm in æstate, euenit verò contrà omninò, per hyemem enim fluunt abundantius, per æstatem extenuantur omnes, & arescunt plurimi. Quod si dicas non gigni eam aquam crassescente aëre à frigore, sed congectione vaporum à calore resolutorum, vt in operculis ollarum ex aqua feruente, eueniret contrà, vt per æstatem nulli fontes fluerent, cum totus calor sit extra terram, vt verò fluunt plurimi, iique frigidissimi, ac nonnulli etiam sunt qui obturati per hyemem, fluunt æstate solùm. Quod si dicas, æstate fieri refrigeratione, hyeme congectione resolutæ calore aquæ, præterquam quod videtur figmento simile, non eandem esse toto anno fontis perennis generationem, eueniret vt Vere & Autumno minùs, tenuiusque fluerent quàm hyeme & æstate, cum scilicet neque frigus esset tantum, & crassitiem inferret, neque tantus calor, vt solueret aquam in vapores, itaque haberent fontes quotannis duo incrementa & totidem decrementa. Tamen non ita euenit, sed vniuersum cum ignis abundat, decrescit tota aquæ moles, cum extenuatur ignis, abundat aqua. Quapropter cum fontes ac flumina, ex tota aquæ mole

& ingenti illo barathro (quod nihil aliud est quam recondita maris pars) decidantur ; tabescunt cum prævalent calor & siccitas, abundant cum contrariæ virtutes, hoc est, frigus & humor præcedunt. Constat igitur ex dictis, verissimum esse quod sacra testantur eloquia, fontes aquarum nasci ex abyssu. Quid verò magis conspicuum in quibusdam & fontibus & puteis, qui cum ipso mari sentiunt fluxum, & refluxum, quem æstum dicimus? cur autem non omnes, & cur eorum qui ut mare æstuant, quidam augescunt mari augescunt, subsidente subsident, quidam intumescunt detumescunt, & tumescunt detumescunt? Dictæ sunt causæ super caput trigesimum octavum Iob, nunc illud vnum dicimus, consentaneum admodum esse putare, eos fontes, qui simul cum mari moventur, ab eodem principio impelli, haberéque cum mari partium continuitatem, quam nisi per barathrum, habere nequaquam possunt. Porro, quod in quibusdam fontibus evidenter agnoscitur, de omnibus æquum est putare, exire scilicet, ex communi aquarum principio, mari. Neque verò hoc verum non erit etiam si excolatæ per terram aquæ ex mari, accessio aliqua fiat ex vaporibus, siue densatis, siue congregatis, nam & vapores ipsi ex aqua fiunt. Ut igitur destillantem ex alambico aquâ, nemo negat exire ex herbis quæ in illius fundo sunt, etiam si intercedat resoluti congestio, ita ne illam quidæ aquæ partem, quæ fontibus & fluminibus accedet, ex vaporibus genita, siue intra terram siue in nubium regione negandum à mari exire, illud enim est totius humiditatis promptuariû. Fatendum ergo omnia flumina à mari exire, & in illud reuerti, quod, præter dicta, vel facilis expeditaq; antiquæ dubitationis dilutio indicat, nimirum mare. etsi in illud flumina intrent omnia non redundat, quia ab illo etiam exeunt. Nam quam Arist. reddidit causam, minus probari potest. Qua enim vastissimum est mare, & influentia flumina non vna in parte acervantur, sed diffunduntur per illud extensa, putat facere, neque sensibilem ullam molem posse addere. Quod quidem si vno tantum die, aut vno mense, aut etiam vno anno, aut, si placet, annis centum fieret, probabiliter diceretur, si tamen infinito iam tempore (ut ipsemet author putat) influxerunt, necesse est plus aquæ quam totum ipsum contineat mare, ingessisse, atq; ita redundasse iam multò antè in totâ terram. Neq; si dicas, mare Solis vi ad Meridionalem plagam assidue absorbi plus quam accessione fluviorum possit angeri. effugies dubitationem, non enim minus augetur ipsum per se mare sub polis, quam extenuatur sub Zodiaco, quapropter illis exæquatis, redundabit quod ex flu-

Fontium
& puteo-
rum æstus.

minibus accedet, denuo genitum Non igitur illa causa est, quæ mare non redundat, sed quia ad locum vnde exeunt flumina reuertuntur, vt iterum fluant.

CAPVT LXIV.

Capite 1. Ecclesiastæ: Ego Ecclesiastes, fui Rex Israel in Hierusalem, & proposui in animo meo querere, & inuestigare sapienter de omnibus quæ fiunt sub Sole. Hanc occupationem pessimā dedit Deus filiis hominum, vt occuparentur in ea. Cap. 3. eiusdem ita habetur: Cuncta fecit bona (Deus scilicet) in tempore suo & mundum tradidit disputationi eorum, vt non inueniat homo opus quod operatus est Deus ab initio vsque ad finem. Rursus in calce capitis octaui eiusdem libri: Et intellexi, quoddam omnium operum Dei nullam possit homo inuenire rationem, eorum quæ fiunt sub Sole, quando plus laborauit ad querendum, tanto minus, etiamsi dixerit sapiens se nosse, non poterit reperire. Et rursus: Cuncta res difficiles, non potest eas homo, explicare sermone. His oraculis duæ continentur assertiones: altera, studium Philosophiæ naturalis, & desiderium agnoscendi rerum causas, insitum esse naturaliter hominibus, neque fluere ex aliquo vitioso affectu, vt multas rerum prauarum appetitiones, sed ab ipso Deo rerum omnium & naturæ parente, & authore, illis esse tributum. Si quidem hanc occupationem pessimam, id est maximam, & laboriosam, non, inquit, ipsi sibi à natura declinantes conquiescere, sed dedit Deus filiis hominum, & mundum tradidit disputationi eorum: itaque cupiditatem philosophandi illorum animis iniecit, mundum verò posuit illis ob oculos, velut quoddam ænigma, & prima quidem assertio hæc est. Altera; Homines, quantumuis studio Philosophiæ insudent, fieri non posse, vt aliquando inueniant rationes & causas eorum quæ fiunt sub Sole, sed necesse esse, vt omnes in earum inuestigatione, dum sint in tenebris sensuum horum, plus aut minus hallucinentur, & de iis etiam quæ sibi videntur probabilissima, nisi seipsum velint fallere, dubitent. Non enim, inquit, dedit Deus hanc occupationem hominibus inuestigandi sapienter de omnibus quæ fiunt sub Sole, vt consequuti certam eorum notitiam, fiant sapientes, sed vt occupentur in ea, sapienter inuestigantes. Nimirum homines non tam dici debent sapientes, quod sciant, quam quoddam inuestigant non neptæ. Qui proinde mihi videntur vocati Philosophi, id est,

Mundus
ænigma
dicitur.

amatores sapientiæ, potius quàm σοφοί, id est, sapientes. Non enim tam spinnt, quàm scientiæ amore capti inuestigant. Propositæ itaque sunt duæ assertiones. De prima quidem omnes consentiunt, siquidem cum appetitum omnes persentiscunt in seipsis. Vnde quidam naturam sequuti, Philosophiæ vacant; alij eam naturam in vitium commutantes, in curiositatis peccatum incidunt vana & superstitiosa consecretantes. Verissimè itaque dictum est illud ab Arist. *Omnes homines naturales scire desiderant.* Vt itaque vitam & fœlicitatem (quamquam de ea varie sentiunt) omnes naturaliter exoptant, ita & scientiam naturæ quam in parte fœlicitatis etiam ponunt, iuxta illud Poëtæ: *Fœlix qui potuit rerum cognoscere causas.* Obiiciet fortasse aliquis Socratem, qui hanc Philosophiam videtur spreuisse, & eam solum probasse, quæ ad mores formandos pertineret. Cæterum si consulamus Galenum in libro de historia Philosophica, intelligimus facillè, eum virum non neglexisse eam Philosophiæ partem, quam melius etiam, quàm multi aliorum excoluit, sed damnasse superiorum Philosophorum institutum, qui in ea suorum studiorum ponebant finem, & vni Philosophiæ parti Physicæ, cui soli illi vacauerant, duas adiecisse, rationalem scilicet & moralem. Ipse etiam Ecclesiastes in initio capitis septimi videtur arguere Philosophos, dicens: *Quid necesse est homini maiora se quærere, cum ignoret quid cõducatur sibi in vita sua?* Tamen re vera non vituperat sobriam Philosophiam, sed (vt ipsiusmet verbis utar) verba plurima, multam in disputando habentia vanitatem. De secunda assertionem plurimum altercatum est. Nam cum fuerint penè innumeræ Philosophorum sectæ, quæ in tres primas differentias distributæ sunt, Dogmaticorum, Academicorum, & Scepticorum. in Dogmaticis fuere Peripatetici, Stoici, Epicurei, Pythagoræi, & alij innumeri. Academici, Socrates, Plato, Clitomachus, & Carneales. Sceptici, Pyrrho, & Xenocrates, & Anaxarches Abderyta, & multò post, Sextus in ea secta nobilissimus, qui eam etiam auxit. Galenus addit duplices alios Philosophos, Contentiosos, scilicet, & Mixtos. Contentiosos, dicit fuisse eos, qui nihil aliud quam superiores esse cauillis contendebant: in his dicit fuisse Euclidem, Menedemum, & Clitomachum. Mixtos eos, qui partim Sceptici, partim Dogmatici fuere, vt Xenophanes, qui solum asserens omnia esse vnum, & Deum esse finitum immutabilem, & ratione præditum, de aliis omnibus dubitauit: & Democritum, qui nulla alia de re suam sententiam tulit, quàm de atomis, vacuo, & infinito. Cæterum Contentiosos, satius est à numero

Philosophiæ naturalis desideria

Philosophorum sectæ.

Philosophorum reiicere, & Sophistas appellare: mixtos verò intelligere cum prioribus. Cum itaque fuerint triplices Philosophi, Dogmatici, Academici, & Sceptici, soli Dogmatici affirmare quædam ausi sunt, atque sua placita quasi certa & stabilita pronunciare.

Academici, nihil certò sciri posse, sed ad verisimilitudinem quandam, & probabilitatem posse procedere disputationes. Sceptici, nihil de vlla re affirmantes, neque negantes de omnibus æquè dubitant. Atqui, ne illud quidem, an sciri posset quidpiam, an non, affirmabant, aut negabant, sed in ore semper habentes illa familia. issima verba, *Nihil definitio, & nihil magis, & fortasse, & fieri potest, & ἐν ἴκω*, quasi subtraho iudicium, aut tentens aphasia, & acristia, hoc est, taciturnitate, & incertitudine, iudicare recusabant. Verum enim verò si quis

Epoches.

consideret, quos illi vocabant modos Epoches, siue causas ob quas retineri semper debeat assensus, facillè intelliget. Scepticos, multò etiam magis quàm Academicos, desperasse aliquid sciri posse. Modi enim illi Epoches, sunt argumentorum genera, quibus indicatur, non solùm nullius rei comparatam adhuc esse scientiam, sed ne fieri quidem posse deinceps. Vererimi Sceptici decem modos Epoches excogitauerunt, posteriores adiecerunt quinque. Quibus rursus alij alios duos. Quos omnes licet videre in libro Pyrrhonicarum Hypotheson Sexti Philosophi, & in Pyrrhonis vita apud Diogenem Laërtium Mihi satis sit eorum nonnullos proferre quibus maximè quod propositum est indicetur. Redigunt illi omnes illos modos in tres, quos esse dicunt, à cognoscente, & ab eo quod cognoscitur, & ab utroque: in modis à cognoscente est differentia organorum sensuum, quæ eorundem sensibilibus facit adeò diuersas phantasias, vt nequaquam constare possit quid rei insit verè, quid tantùm appareat Differentia verò sensuum, est in differentia multiplici animalium, & ipsorum hominum inter se, & affectionum multiplicium, quibus eiusdem hominis eadem pars variè semper afficitur. Nam cum experiamur, mel videri mihi album & dulce, isterico flauum, & amarum, & eidem homini eundem cibum, nunc esse suauem, nunc ingratum, quòd homo affectus morbosa dispositione sit, sed & sine omni præter naturam affectione, quòd esuriat, aut satur sit, cumque eadem res appareat illi rotunda, huic oblonga, huic simplex, illi gemina, quòd pupillæ figura mutata sit, aut quòd altera ab altera pupilla descuerit, constat futurum, vt neque omnibus animantibus res appareant eadem, sed quæ aliis alba, aliis pallida, aliis rubra: quæ aliis rotunda, aliis angulata, ita

ita etiam dulces, amaræ, salæ, aut acidæ. Nimirum est compositio & temperies animalium multiplex, atque adeò organum visus, qui putatur esse perspicacissimus sensus, & ad consequendam certam rerum notitiam optimus, habet miram varietatem, quotuplices enim sunt colores oculorum? Si igitur differentia organi sensus facit eiusdem rei diversam phantasiam, animalia verò omnia differunt ab aliis omnibus cõpositione & temperie omnium organorum, & singuli etiam homines ab aliis omnibus nonnihil, & singuli bene valentes ab ægrotantibus, & ipsimet bene valentes à seipsis nondū ægrotantibus, sed naturaliter mutatis, per ætates, per animi motus, per casu incidētes cogitationes, per corporales motūs, ut quod ambulaverit, aut sederit, comederit, aut biberit, aut abstinuerit, dormiuerit, aut vigilauerit, sine ullis autem mutationibus, ne minimum tempus potest homo persistere, certè nihil potest variusmodi apparere, neque diuersis animantibus, neque hominibus multis, neq; eidem alio tempore, sed quod huic animali tale, illi alterum, huicque homini & illi, sed & huic hodie & cras, atq; adeò vesperi & manè. Ut autē hoc in externis sensibus, ita habet in internis. Nam non minorē esse differentiam iudiciorum quàm sensuum, constat cū vix duobus hominibus eadem res placeat, sed quod alius probat, alius maxime detestetur, & eadem de re alius lætetur, alius mœreat, alius irascatur. Quin & idē homo eisdem verbis nunc irascitur, quibus nuperrimè placabatur. Atq; adeò de eadem re interrogati, ut an hoc honestum sit, an turpe, vix duo homines eadem respondēant, non solū ē vulgo, sed & ex iis qui censentur sapientissimi. & quod magis mirere, idem homo nihilo factus doctior, aut indoctior, eadem de re mutat sententiam, sine nouis nonnunquam argumentis, sed quod ipsi eadem prorsus nunc displiceant, quæ placebant antea, vsque adeò videntur in nobis omnia continenter mutari & rerum earundem mutare phantasias. Igitur à natura cognoscentis accepto argumento videtur nullius rei terram & staturā haberi posse notitiam, sed cēseri omnia qualia apparent, qualia autem sint vera, nos scire haud posse. Ab eo etiam quod agnoscitur, capitur simile argumentū. Eadē enim res, secundum substantiam prorsus nō mutata, sed quod alio modo obiiiciatur, eidem homini & eodem tempore, videtur diuersa, Nā res quamplurimæ alio colore esse videntur integræ, alio comminutæ. Argenti certè frustum candidum videtur, eius verò ramenta nigra. Aqua etiam, quæ nunc nigra nunc decolor esse videtur, concreta in glaciem sit candidissima. Lapis quoque Tenarcus est viridis, & comminuti par-

Tenarcus
lapis.

ticulæ albæ. Sed & citra comminutionem sunt quamplurimæ,
 quæ huc aut illuc versata, alio & alio apparerent colore, sed & sa-
 porem etiam mutant multa quod integra aut cōminuta, hęc-
 que in maiores aut minores partes, degultentur: quædam
 etiam alium admota, alium affricata, alium comminuta odo-
 rem præ se ferunt, quamquam inde, neque substantiæ, neque
 verarum qualitatū (si quæ sunt tales) mutatio vlla fiat. Ergo &
 ob id etiam quod agnoscitur, sit, ut nullus possit iudicare, qua-
 les re vera res sint, sed quales appareant. Ad vtrumque, id in-
 quam, quod agnoscit, & quod agnoscitur, pertinent missiones,
 quæ plurimum etiam detrahunt exactæ cognitioni. Nam & ob
 naturales missiones rerum omnium (cū exactè simplex nul-
 la sensibilem sit) & ipsum organorum, & mediij, quod vtriusq;
 gratia (cognoscentis inquam & cogniti in iis quæ per medium
 aguntur est necessarium, evenit, ut nihil occurrat sensui sim-
 plex. Nam gustabile nihil est, quod nō constet diuersis, ac non
 etiam aliquando contrariis partibus. Iam verò in ipsa lingua
 cum salua miscentur, unde, ut ex aliis omnibus condituris, sa-
 porē variare necesse est. Calores quoq; cum coloribus miscen-
 tur in medio. Quo fit ut aliæ iuxta alias res positæ colores mu-
 rent, & in umbratili loco & in Sole. Sed & varij illi oculorum
 colores, qui secūdum iridem, corneam & coniunctiuam tūni-
 cam sunt, & inter se inuicem, & cum extrinsecus subeuntibus
 speciebus miscentur variè. Nihil ergo syncerum ad sensum
 venit ipsum, quare neque exacta rei cuiusquam notitia haberi
 possit. Si enim vnicum idemq; semper esset, & nullam prorsus
 mutationem subiens sensus qui agnosceret, ipsum verò sensi-
 bile mutationes subiret ex modo obiciendi, aut etiam si ne
 ipsum quidem sensibile mutaretur, causa autem mediij, aut eo-
 rum quæ necessariò accedunt, simplex syncerumque non oc-
 curreret, nulla prorsus notitia posset esse exacta, quātò magis
 cū organorū sit tanta varietas & eorundem tam multiplices
 affectiones, & ipsa sensibilia nunquam non alio & alio modo
 mutantur, & misceantur, omniāque & interna & externa, & ad
 sensum & ad sensibile spectantia, phantasiā permutent. Hæc
 & alia multa huiusmodi sunt Scepticorum argumenta, quæ
 constat non eò tendere, ut indicent notitiā certam rerum
 comparatam hætenus non esse, sed ne cōparari quidē posse, ob
 naturā & conditionem sensuū sensibiliū. Igitur cū tres fue-
 rint primæ ac capitales sectæ, vnica causa est affirmare, se quid-
 piam scire. Duæ negāt sciri aliquid posse. Quibus plurimū vi-
 dentur adstipulari præscripta verba Ecclesiastici. Atque ego ita
 statuo. Nullius substantiæ habere possumus per sese notitiā
 quam

De scien-
 tia opi-
 niones.

quam vocant intuitiuam, quia nulla via est ad intellectum nisi per sensus, sensus verò patibiles tantum percipiunt qualitates. Accidētū haberi potest notitia per se: sed ob instabilē sensuū & sensibiliū naturā, & sentiendi modum, nūquam exacta. Porro assertiones quædam sunt per se notæ, quarū assensus natura nobis insitus est, aliæ verò sunt quarum ex primis mōstratoriæ colliguntur. Primariū habetur sciētia naturalis, aliarum verò ratiocinādo conquisita. Huiusmodi sunt pleræq; Mathematicarum thesē, quia de immaterialibus prorsus rebus enunciantur. Eorum verò quæ in opinione versantur, cuiusmodi sunt omnia Physica problemata, constat nullum prorsus sciri posse, quia si quodpiam illorum sciretur, accedēte sciētia tolleretur omnis opinio, sublata omni obscuritate, & incertitudine, quæ non possunt abesse ab opinione. Non solum autem non est hactenus comparata scientia Physicarum assertionū, sed ne cōparari quidē potest, quia Physicus non abstrahit à materia. Materialium verò notitia cūm pertineat ad sensus, non potest ultra opinionem procedere. Scientia enim est vniuersalium & intelligibilium. Itaque Physicus, quantumuis laboret, non potest suarum thesēon scientiam comparare, non tamen proinde debet mox tyrhonicorum dubitare de omnibus, sed probabilioribus assentiri. Magna enim stupiditas est, putare omnium orationum contrariarū esse parem vim etiam si vbi probabilis est contradictio, neutri licet citra dubitationem assentiri. Sed dices, si nō potest homo rerum naturalium scientiam assequi, quorsum eum appetitum Deus illi iniecit? an tantū vt cupiditate, cum desperatione torqueretur; non quidem, sed primum sane (vt in præscriptis oraculis legimus) vt occuparentur in ea, vt scilicet honesta & laboriosa occupatione detenti minus vacarent criminibus. Deinde & ob aliam quoq; longe potiore vtilitatem, scilicet vt non inueniat homo opus quod operatus est Deus ab initio vsque ad finem. Itaq; datus est homini is naturalis appetitus, mundusque in disputationem, vt semper quærēs, nunquā inueniat causas operum Dei. Sed quæ hinc vtilitas? maxima. Ex nulla enim contemplatione potius quàm hac, venire possit homo in cognitionē Dei, & futurorum bonorum, neq; aliūde capitur melius argumentum. Cūm enim homini sit scientiæ de natura appetitus naturalis, talis verò appetitus nō possit esse impossibile (quia omnis talis nascitur ex priuatione & potentia) constat eum talem scientiam consequi posse omnino. Quare si in hac vita, ac sensuum horū ministerio nō potest, sit vt illū maneat vita alia beator, in qua à perpetua, qua in hac torquetur siti, sit satiandus, cum scilicet appauerit

Physica
cur igno-
rentur.

Physicorū
vtilitas.

apparuerit gloria Dei. Simile etiam argumentum accipitur à beatitudinis naturali appetitu, & vitæ huius necessaria miseria. Eadem enim ratione fit, vt sæculum aliud beatius debeat expectari. Plurimum itaque confert Physica contemplatio ad cognitionem (vt disertissimè dixit D. Paulus) inuisibilium Dei, idque duobus maximè modis. Nam & per ipsarum rerum natura constantium pulchritudinem, & ob causarum quibus constant ignorationem, à Nicolao de Cusa doctam ignorantiam appellatam, cum scientiæ appetitu coniunctam. Quorum illud vocat nos in cognitionem Dei, hoc futuræ vitæ, in qua optatam & tranquillitatem, & scientiam, Deo concedente, consequemur. Argumentum à pulchritudine rerum cœperunt etiam Philosophi. Nam Galenus cap. 26. de historia Philosophica, inquit, *Dei verò cognitionem habuimus ex pulchritudine quam cœlo inesse spectauimus.* Nihil enim temerè aut casu pulchrum oritur, sed artificis alicuius opera. Plato quoque pulchritudinem mundi huius quam conspiciamus, pulchritudinis causæ exemplaris, quæ est ipse Deus, argumentum esse affirmat. Sed in sacris eloquiis occurrit passim hoc argumentum. Quid enim aliud est illud Psalmi: *Cœli enarrant gloriam Dei,*

Cœli in-
bonatio.

*& opera manuum eius annunciat firmamentum: & illud Cantici, Benedicite Sol & Luna Dominum, benedicite stella cœli Dominum, benedicite imber & ros Dominum, & iterum illud Psalmi: Laudate eum Sol & Luna. & iterum: Laudate Dominum de terra dracones & omnes abyssi ignis, grando, nix, glacies, spiritus procellarum, quæ faciunt verbum eius. Montes, & omnes colles, ligna fructifera & omnes cedri. Quorsum enim inuitatur ad Dei laudem irrationalia, & inanima, aut quo pacto possunt laudare? certè non aliter quàm suo factori attestantia, atque potentiæ, bonitatis, & sapientiæ, illi testimonium perhibentia. Eò quòd suo quodque genere, valde bona, & pulchra sunt & perfectæ, ita vt non possimus quidquàm addere aut detrahete iis quæ fecit Deus, vt timeatur cap. 3. Ecclesiast. Innumera alia huiusmodi testimonia sunt in sacris scripturis, pro nostro autem instituto, satis sit nunc vnum aut alterum protulisse. In secundo etiam argumento, quod ab ignoratione causarum naturalium accipi diximus, versatur maxima pars eius disputationis quæ habetur in libro Iob. Nihil enim aliud innuunt illa verba cap. 36. quibus Eliud ita affatur ipsum Iob, vt suo loco explicatum: *Memento quod ignores opus Dei, de quo cecinerunt viri. Omnes homines vident eum. Vnusquisque intuetur procul. Ecce Deus magnus vincens nostram scientiam.* Alij etiam multa sunt huiusmodi, quorum pleraque propriam habent disputationem in hoc*

hoc libro. Illud verò in commune pro quamplurimis sciri oportet, non sine magno sacramento nos passim sacris eloquiis admoneri, nunc nostræ improbitatis, nunc debilitatis, nunc inscitæ, quia ex horum cognitione nascitur firmissimum argumentum infinitæ bonitatis, potentiæ & sapientiæ Dei. Quicumque enim concedet, hominem neque posse velle, neque facere, neque scire omnia quæ amari, fieri & sciri possunt, sed quædam velle quædam inuidere, quædam posse, quædam non posse, quædam scire, quædam ignorare, cogetur necessario concedere, esse aliquam in rebus præstantissimam naturam, quæ velit, possit, & sciat, quæcumque amari, fieri & sciri possunt. Nam quod simpliciter est possibile aut scibile, huic autem non est, necesse est sit alteri. Alioqui esset scibile, & à nullo scibile, quod quidem repugnantiam continet, quia passiva potentia refertur ad actiuam. Ergo quod scibile est, & ab homine sciri non potest, sciri potest ab alio. Porro ab illo alio, aut omnia sciri possunt, aut quædam etiam necessario ignorantur. Si primum, id est, quod quærimus, sit secundum, erit rursus alius cui illa patere possint, atque ita in infinitum ibitur, aut peruenietur tandem in naturam præstantissimam, & omnisciam, ita verò & omnipotentem, & bonitatis infinitæ. Igitur agnitio nostræ improbitatis, debilitatis & ignorantia, naturalis via est ad agnitionem Dei. Merito ergo Deus Opt. Max. tradidit mundum disputationi hominum, ita tamen, ut non possit inuenire homo opus quod operatus est Deus ab initio vsque ad finem. Vnde constat non ipsam Philosophiam, sed Philosophiæ præsumptionem, & inanem fallaciam esse quæ decipiat, & à veritate seducat eos qui se opinantur esse sapientes. Quod optimè insinuauit Paulus ad Colossenses cap. 2. dicens: *Videte ne quis vos decipiat per Philosophiam, & inanem fallaciam.*

Mundus
disputa-
tioni da-
tus.

CAPUT LXV.

Eccl. c. 3. dicit: *Didici quòd omnia opera quæ fecit Deus, perseuerent in aternū.* Quæ verba optimè videntur congruere cum Platonis sententia, statuensis, nihil eorum quæ à summo Deo per sese, neque interueniente vlla naturalium causarum, effecta sunt, interitum vllum habitura. Inducit verò ille in dialogo de Natura summum Deum, ita alloquentem Deos minores: *Dij Deorum quorum opifex ego & pater sum, hac attendite.*

Creata an
erūt aternā.

Qua

*Quæ à me facta sunt, me ita volente indissolubilia sunt. Omne siquidem quod vinctum est, solui potest, sed mali est, quod pulchre compositum est, seque habet bene, velle dissolvere : quapropter, quia generati estis, immortales quidem & indissolubiles omnino non estis, neque tamen unquam dissoluemini, neque mortis fatum subibitis, nam voluntas mea maius prestantiusque vinculum ad vitæ custodiam, quàm nexus illi, quibus estis tunc, cum gignebamini, colligati. Sed nunc iam quid iubeam cognoscite. Tria adhuc genera mortalium nobis generanda restant. Absque horum generatione cælum imperfectum erit. Omnia enim animantium genera ambitu suo non continebit, contineat autem oportet, si est mundus perfectus omnino futurus. Hac verò si à me fiant solo, vitæque donentur, diis adequabuntur. Quapropter accedite vos secundum naturam ad animalium generationem, ita ut vim imitemini meam, qua in ortu vestro sum usus. Atque eius quidem animalis, quod in ipsis tale futurum est, ut cum immortalibus appellatione conveniat, diuinumque vocetur, principatumque teneat, & iustitiam simul ac vos colat, ego vobis semen & initium tradam, vos cetera exequi pars est, ut immortalis nature mortalem attexetis, faciatis generetisque animalia, ministrantesque alimenta augeatis, & consumpta rursus resciaitis. Ex hac oratione constat, Platonem censuisse, Deum Maximum, rerum cognoscendi facultate præditarum, nullam præter Angelos fecisse per sese, hominem verò & reliqua animalia fecisse per Angelos. Non quidem quòd Angelis vim creandi (ut nostri Theologi loquuntur) hoc est efficiendi ex nihilo, communicauerit, hanc enim vix eorum ullus tribuebat vel ipsi Deo, nedum ut possent Angeli illius esse capaces : sed quòd animalia omnia mortalia ab initio facta sint concursione causarum naturalium, has verò Angeli inter sese commiserint. Ita enim inquit : Quapropter accedite vos secundum naturam ad animalium generationem, hoc est, accedite, & causas causis admoventes, accipientes, scilicet, ex elementis iam creatis, idoneas cuiusque nature portiones, atque ut cuique congruit miscentes, facite, ut homo, ac reliqua oriantur animalia. In quem errorem suspicor Platonem inductum esse illis cap. 1. Geneseos verbis (quis enim dubitet Platonem esse versatum in sacris ?) *Faciamus hominem ad imaginem & similitudinem nostram.* Olfecisse sanè videtur Plato, non immeritò diuinus appellatus, nescio quid de diuinis personis, cum scribens ad Hermiam dicat, testando Deum rerum omnium Ducem, præsentium & futurarum, ac ducis & causæ patrem Dominum. Quid enim sibi vult Deum rerum ducem, & Dominum, Ducis patrem nominans? cum tamen sacratissimum sanctissimæ Trinitatis mysterium*

Angeli
creatores
Platoni.

sterium non satis assequeretur (quis enim hoc in Philosopho requirat?) suspicatus est, Deum efficiendi hominis curam, Angelis demandasse. At verò non satis attendit Plato oraculo diuino: *Faciámq; enim inquit, hominem ad imaginē & similitudinē nostram.* Ipse verò putat humani solùm corporis curam efficiendi, esse Angelis demandatam, mentes autem esse factas ab ipso Deo. Constat verò hominem secundum mentem esse Deo similem, non secundum corpus. Quapropter efficiendi hominem ad Dei imaginem & similitudinem, non potuit cura demandari iis qui in mentium effectione nihil possent. Nisi verò hic Plato cum Epicuro censebat, Diis etiam esse humanas figuras. Sed præter hæc constat, neque hominis, neque rei vilius earum quæ à Philosophis vocantur perfectæ, ortum primum potuisse esse naturalem. Nam nulla talium rerum ortum naturalem habet, nisi à sibi simili, neque hominem vlla naturalis causa efficere potest, præter hominem. Primus igitur, ante quem non fuit alter, non potuit naturaliter oriri. Nisi quis imaginetur, primum effectum esse naturaliter, sed per accidēs, hoc est, non à simili; sed aliarum causarum permistione, ut aurum & argentum chymicum fiunt. Constat verò consensu omnium Philosophorum, talem ortum perfectis animalibus denegari. Quod si quis plus satis Platonice malit id dicere quam Platonem esse loquutum dissentanea; cogetur tamen fateri iuxta illius sententiam, omnium hominum imperfectissimum, & suo genere vilissimum, fuisse primum illum, moxque illi proximum, sensimque recedentes à primis factos esse meliores. Quod, primum quidem, dissidet ab ea quam de primis hominibus omnes conceperunt, opinione, deinde etiam repugnat verbis Moïsis, & ipsiusmet Platonis. Ille enim dicit, *Vidit Deus cuncta quæ fecerat, & erant valde bona;* hic verò dicit, delectatū esse Deum opere. Sed in præscripta oratione dicitur, curasse Deū ut mundus totus perfectus fieret, non esset autem talis, si præstantissimum animal adedò imperfectum euassisset. Fieri verò ex dictis cōstat, quia posteriores facti essent à causis propriis, & per se, primi verò ab alienis & per accidens. Non ergo secundum naturā, neque à Diis minoribus factus est homo, sed creauit illum Deus ad imaginem & similitudinē suam, ut sacrum eloquium testatur. Non tamen in altera placiti sui parte, perinde errat Plato, sed verissimè affirmat, quod & Ecclesiastes, Omnia quæ à Deo Opt. Max. per sese facta sunt, æterna esse, & interitu caritura, non quidem natura sua, sed voluntate diuina: quæ verò naturaliter oriuntur, omnia habere interitum naturalem. Primū enim Plato, non minùs quàm Arist. sed

Qualem
Deū esse
censeat
Plato.

distin

Deus li-
berrimus
agens.

distinctius etiam docet, omnia quæ vtrunque facta sunt, interitum habere posse, ac dissolui, ab eadem scilicet causa à qua facta sunt. Nam quia Angeli non sunt à natura facti, non possunt à naturali quapiam causa extingui, non minùs autem possunt à Deo in nihilum redigi, quam potuerunt ex nihilo fieri. Atqui quod natura factum est, necesse est naturaliter intereat, non tamen perinde est necesse, ut quod à Deo creatum est, aliquando ab eodem redigatur in nihilum, quia natura causa necessaria est, ac proinde necessitate quâdam fit aliquando quidquid naturaliter fieri potest & corrumpitur quod corrumpi. Deus verò nulla tenetur necessitate, sed liberrima causa est, atque ut vult potest, siue facere siue dissolvere, atque quia fecit, potest etiam extinguere, sed quia liber, potest etiam in æternum seruire. Est verò ut liberrimus, ita & optimus, ac proinde efficere quidem voluit, extinguere verò & in nihilum redigere nunquam volet. Quæ verò ipse per sese fecit, nulla alia causa valebit dissolvere, ipse verò nunquam volet. Nunquam igitur esse desinent quæ ab ipso Deo per sese effecta sunt, sed omnia opera Dei perseverabunt in æternum. Huiusmodi sunt Angeli, & corpora cœlestia. Quid verò; annon de corporibus cœlestibus scriptum est, *Ipsi peribunt, & sicut vestimentum veterascent. Mutabis eos, & mutabuntur*? Atque alibi, *Erit cœlum novum, & terra nova*. Præterea, non hæc solum creavit Deus, sed & terram, cuius nomine elementa intelligo omnia, quæ tamen constat esse naturali interitui obnoxia. Sed & Adamus, qui, ut dicitur in Evangelio Lucæ, fuit Dei, naturalem habuit interitum. Sed & ipse Dominus & Deus noster, secundus Adamus, qui natus est de Spiritu Sancto, mortuus est. Multis igitur rationibus videtur falsum, omnia opera Dei perseverare in æternum, interitum nunquam subeuntia. Ego quidem cœlestia corpora ita existimo innouanda, ut hæc quæ modò sunt intereant, aliæque pro his, & ex his oriantur potiora, ut ex embrione animal, hæc ergo non delenda, sed perficienda, donandæque meliori specie, & natura, exuendæque volubilitate, quæ ab imperfectione, rerum ortui, necessaria nascitur, donandæque æternæ, naturalisque quietis appetitui, æternitati illi, & rerum omnium Sabbato magis congruente. Dicitur verò hoc cœlum periturnum, non quòd esse desinet & in nihilum abibit, sed quòd desinet esse tale, abiens in substantiam perfectiorem. Iam verò terra & reliqua elementa, ut facta sunt à Deo in initio, ita perseverabunt in æternum, citra interitum (mutata verò ipsa in pulchriorem speciem) hoc est, secundum se tota. Ut verò naturaliter intereunt, hoc est,

Quomodo
cœlum &
terra peri-
bunt.

secun-

secundum partes. Tota verò terra semper stat, ut in Psal. dicitur. Porro neque hominem, neque ullum aliud animalium fecit Deus ex nihilo, sed ex terra & aqua (nā ex limo terræ) quapropter non fecit per se solus, sed cooperantibus elementis. Vt & sanctissimum Iesu corpus ab Spiritu Sancto, cooperante verò etiam matre formatum est, unde habuit ut mori posset, & animalia omnia protoplasta habuerunt unde interirent. Hoc verò intererat inter hominem & reliqua, quoddam in brutis nihil non est effectum ex terra, hominis vero pars præcipua, hoc est, mens, non potuit ex terra fieri, sed ab ipso solo per se Deo, dicentibus, ut Moyses, ita etiam & Platone. Quapropter consentaneum est, eam partem interitu carere, atque adeò propter illius bonum, alteram aliquando ad vitam reuocari. Itaque nihil eorum quæ fecit Deus per se, ac citra alterius causæ concurrence, videtur interitum habiturum.

Vt vel hinc accipi possit immortalitatis humanæ mentis argumentum, quoddam neque ex corporalibus elementis, neque nisi ab ipso per se Deo fieri potuit. Quod quidem Plato consentaneè loquens, disertissimè explicauit post præscriptam orationem, his verbis: *Hæc satis in eodem rursus cratere, in quo mundi totius animam permiscens temperauerat, superioris temperationis reliquias miscendo perfudit, modòque quodam eodem non tamen perfectas similiter, sed & secundo & tertio gradu à primis deficientes. Den. que cum uniuersum constituisset, aeris parem numerum distribuit animarum* Hæc Plato: qui apertè docet, Deum cum minoribus Diis formandi corporis humani curam demandasset, ipsum per se humanas animas confuixisse, eadem ratione qua fecerat ipsos Deos, seu Angelos, & animam mundi, atque eadem natura, etsi non æquè perfecta, sed paulò inferiori. Secundo (inquit ille) & tertio gradu à primis deficientes. In Psalmo verò octauo dicitur, *Minuisti eum paulò minùs ab Angelis*. Itaque hæc in parte congruit diuinum oraculum cum Platonis placito. Ille enim dicit temperasse Deum in eodem cratere, superioris temperationis reliquias permiscendo (quæ verba innuunt similes esse naturas,) ac effecisse animas humanas modo eodem, non tamen æquè perfectas. Diuinus verò vates dicit Deum minuisse hominē paulò minùs ab Angelis. Quod quidem constat non ob corpora dici (ob hæc enim belluis simillimus est, non Angelis,) sed ob animas quas ut quosdam Angelos, etsi ordinis aliquantò inferioris ipse per se Deus efficit, & diuino quodam modo, neque homini satis intelligibili immittit in corpora nullo quidem tempore, antequam in corporibus sint existentes. Ita verò se habere rem, cuius qui

Philosophiæ ignarus non sit, videtur suaderi facile posse. Nihil enim Philosophis magis receptum est, quàm sentiendi facultatem quamcunque cum eo quod ab ea sentiiri potest, habere similem naturam, indeque nasci (similiū scilicet concursione) sensum actu, & ipsarum facultatum differētiam. Atqui profectò in hoc video, in aliis ferè omnibus placitis dissentientes sectas consentire. Nimirum vt ex Empedocle libentissimè recipiunt, Plato, Aristoteles, & Galenus, & post illos alij omnes. *Sentimus terrā tellure, liquore liquorem, aëre aëream substantiam, ignem quoque cernimus igne.* Est scilicet quædā naturæ communio, sensibili, sensui, & sentiēdi organo, neque aliter res cognoscibiles subeunt in animam, quam vnaquæque per sibi simile, ignea per igneum, aërea par aëreum, aquea per aqueum, terrea per terreum. Si igitur in homine est (vt quiuis, nisi stupidissimus, in se esse agnoscit) facultas cogitandi de rebus incorporeis & incorruptibilibus, constat esse etiam substantiæ partem aliquam incorpoream, & incorruptibilem. Mirum verò, esse multos qui se doctrinæ nomine iactant, qui acerrimè disputantes de diuinis, de incorporeis, de vno, ente, & bono, putant nihil in seipsis esse tale, quasi verò si omnes homines essent nati sine oculis, posset inter ipsos oriri vlla dubitatio de coloribus. Itaque quandoquidem humana mens substantiarum incorporearum habet sensum aliquem, incorporea est, & aliquid habet aliud quàm vt sit corporis actus. vnde etiam fit, vt ex nulla materia facta sit. & à solo Deo per sese. Nam vim ex nihilo faciendi penes solum Deum esse posse, antea indicatum est, si igitur à solo Deo est facta, vel ob hoc æterna esse cognoscitur, ac velut Angelus Dei. Quoniam verò non est Angelis par, sed paulò minùs perfecta, nescio quā habet analogiā cum corporeis, ob quam separabilis cū sit, potest esse etiam actus corporis & organorum sensus, ratio, forma, essentia, & Entelechia, quod corporei, & incorporei artissimum vinculum, hominis naturam facit adeò mirabilem. Qua dignitate indignissimæ mihi videntur illæ belluæ (quo enim alio potius nomine appellabo eos, qui tanto studio tales esse contendunt?) dicentes cum stultis (quos Eccles. c. 3. inducit.) *Vnus est interitus hominis & iumentorum, & aqua vtriusque conditio. Sicut moritur homo, sic & illa moriuntur. similiter spirant omnia, & nihil habet homo iumento amplius. Cuncta subiacent vanitati, & omnia pergunt ad vnum locum, de terra facta sunt, & in terram pariter reuertuntur. Quis nouit si spiritus filiorum Adam ascendat sursum, & si spiritus iumentorum descendat deorsum? Hæc sunt insipientium voces.*

sensus sē-
sibilis &
organū
commu-
nio.

Quorum insipientia duplici mihi videtur constare errore, altero, quod in quaestione de re incorporea, & insensibili, vtuntur sensus testimonio, dicentes: *Sicut moritur homo, sic & illa moriuntur, similiter spirant omnia*, quasi sensu exploranda sit res hæc: altero, quod negant fieri, quia quomodo fieri possit non intelligunt. Quasi rationem aliorum omnium, quæ secundum naturam euenire non negant, apertè intelligant, aut valeant inuenire quidpiam eorum quæ operatus est Deus ab initio vsque ad finem. Deberet eo potius, si modò essent sobrij, propriæ ignorationis conscientia, dociles reddere, ac uasibiles.

CAPVT LXVI.

Eccelesiast. c.12. siue Concionatoris: *Memento creatoris tui, in diebus iuuentutis tue, antequam veniat tempus afflictionis tue, & appropinquent anni, de quibus dicas, non mihi placent. Antequam tenebrescant Sol, Lumen, & Luna, & Stella, & reuertantur nubes post pluuiam. Quando commouebuntur custodes domus, & nutabunt viri fortissimi, & otiosa erunt molentes in minuto numero, & tenebrescant videntes per foramina, & claudent ostia in platea, in humilitate vocis molentis, & consurgent ad vocem volucris, & obsurdescent omnes filia carminis. Excelsa quoque timebunt & formidabunt in via, florebit amygdalus, impinguabitur locusta, & dissipabitur capparitis. Quoniam ibi homo in domum aternitatis sue, & circuibunt in platea plangentes. Antequam rumpatur funiculus argenteus, & recurrat vita aurea, & conteratur hydra super fontem, & confringatur rota super cisternam, & reuertatur pulvis in terram suam, unde erat, & spiritus redeat ad Deum qui dedit illum.* Hæc verba continent optimam senectutis ingruentis, & ad extremum vsque procedentis, atque adeo ipsius interitus, periphrasim. Metaphoricis enim loquutionibus significantur senum labores & miseriam. *Memento (inquit) creatoris tui in diebus iuuentutis tue, antequam veniat tempus afflictionis tue, hoc est, senectus, & appropinquent anni, de quibus dicas, non mihi placent. Sanè anni senectutis displicent. Nam & ipsi senes displicent sibi vsque adeo vt sciamus, vel ob hanc causam in extrema senectute constitutos, solere libenter à vita discedere, non aliter, ac qui longissimo, & insanabili sunt confecti morbo. Talis enim re vera est senectus, hoc solum à morbo discrepans, quod est secundum naturam. Quod idem eleuat penitus spem euadendi, aliter quam per mortem.* Censeo autem hic sacrum

Senectutis descriptio atq; excellens declaratio.

Concionatorem, nomine iuuentutis appellare, non solum eam quam Medici ad trigessimum quintum annum produci dicunt, sed primam etiam senectutem, quam illi consistentiam appellant, estque usque ad quadragessimum quintum. Nam ad hoc usque tempus durant plerisque vires, haudquaquam insigniter labefactatae, neque hebetescunt sensus, neque cani abunde proueniunt. Multo minus aliae notae quas Concionator recenset, dicens, *antequam tenebrescant Sol, & lumen & Luna & Stella*. Hoc est antequam debilitari visus incipiat, & effugiat lucem, neque lumen sustinere possit. Significat verò Sol diurnum lumen nocturnum Luna & Stellae, *Et antequam reuertantur nubes post pluuiam*. Haec verba significant perpetuas & incoctiles valde senum coryzas. Nimirum coryza ex vaporibus crudis à ventre aut corpore toto ascendentibus, primum quidem, ut nubes quaedam caput occupat deinde densata ab interdistillationem, ut quaedam pluuiam. Cum ergo assiduus quis conflictatur catharris, successiuis vicibus citra intermissionem, nunc destillantibus, nunc recrudescentibus, perinde est ac cum nox à pluuiam aliae nubes reuertuntur. Quoniam ergo, ut Hippocrates in aphorismo author est, coryzae valde sepius non coquuntur, sit ut ob caloris naturalis debilitatem, & ciborum incoctiones, assidue conflictentur, nuncque grauentur crudis, ac difficulter spicient, nunc densatis, excrescent multa, & emungant. Et nunc eandem ob causam *commouentur custodes domus, & nutant viri fortissimi*. Hoc est, sensus debilitantur, & crura praeter corporis pondere vacillant. Nimirum exhaustis spiritibus animalibus, cerebroque refrigerato, & secundum propriam siccato substantiam, multis verò excrementis obruto, necesse est exiguum facultatis influere in nervos motus, & sensuum organa, atque ea per sese esse inepta, & ad facultatem excipiendam, & ad exequenda sua munia. Cum ergo sensus & motus ad eandem animae partem, ad animalem scilicet, & ad eandem corporis partem, puta ad cerebrum spectent, necesse est patiantur simul. Magna autem proprietate vocatur sensus, custodes domus, & crura viri fortissimi. Nam huic nostri corporis domui dati sunt sensus ad custodiam, ut scilicet accedentium rerum perceptis noxis possit animal sibi cauere. Quacunque enim alia facultate polleret animalis corpus, nisi sentire, cauere sibi non possit, siue vreretur, siue secaretur, siue pateretur aliud quiduis. Proprie ergo sensus sunt custodes. Mouendi verò instrumenta fortiora multo sunt, utpote quorum munus in actione & corporis translatione consistit, non autem in passione, ut sentire. Hanc ob causam affir-

Coryza
quid.

Sensus custodes
corporis.

mat Galenus, etsi eadem facultas sit, qua sentimus, & mouemur, maiori tamen opus esse ad mouendum. Nimirum pars quæ mouet, apponit robur, quæ sentit, patitur tantum. Atqui vel ex ipso hominum sermone constat. Dicimus enim robusta esse ciura, aut brachia, aures verò aut nares nemo dicit robustas, sed expeditas, aut perspicaces, ita etiam, & oculos & alios sensus. Si quando enim dicimus fortes aut robustos sensus, translata locutio est, aut non tam ob agendi vim, quàm ob dispathiam, quam scilicet fortia obiecta sustineant, neque facili è corruptantur. Mouentia verò membra non ita, sed ob transferendi, aut portandi vim. Cum verò fortitudinis epithetum partibus omnibus, quibus est vis mouendi, congruat, multò magis cruribus, quæ tota vita totam corporis molem sustentant, & transferunt. Hæc verò senibus vacillant, quæ de causa baculis vtuntur. Porro his ipsi sunt molares dentes perpauci, & ij ipsi qui supersunt otiosi sunt, neque queunt suum munere rectè fungi, cum ob maxillarum debilitatem, tum etiam ob eandem ipsorum raritatem. Incidens enim in spatia vacua cibis mala conteritur Hoc ergo est quod dicit, & otiose erunt molentes in minuto numero. Dentes soli inter omnes nostri corporis partes nunquam nobiscum nascuntur, sed innascuntur iam ortis, & rarò vsque ad naturalem interitum comitantur, sed excidunt priùs. Illud quidem vtilitate, hoc necessitate euenit. Non enim nascuntur nobiscum, ne lac è mammis sugere, alimentum vtile ei ætati, adèd impediant; excidunt verò non sine hominis damno, sed ob radicis siccitatem, & alueolorum quibus clauorum ritu infixi sunt, amplitudinem, quam defectus nutritionis maximè, & ipsorum dentium affert. Diximus senibus custodes domus commoueri, hoc est, sensus extingui. In his verò oculi & aures solent noxam insignè pati, obirenebrescunt enim aspicientes per foramina, hoc est, oculi, & obscurdescunt omnes filia carminis, hoc est aures. Vtriusque causa est debilitas facultaris eius quæ in cerebro residet, & in vtranque partem per nervos mittitur, & instrumentorum ineptitudo. Nimirum siccitate, & excrementorum congregatione crassescunt senibus succi oculorum, & membranae anteriores. durefcunt, & corrugantur. Vnde (accedente præcipuè spirituum inopia) fulgor amittitur. Nonnullis etiam obtruncantur nerui optici. Auribus simile quiddam contingit, & tabescit internus & congenius aëre. Sed videamus quod interest. Claudent (inquit) ostia in platea, in humilitate vocis molentis. Vocatur platea, humani corporis ipsa facies, quia illis sunt omnes sensus, & omnis ad sentientem animam pertinens

Cur dentes
nobiscum
non nascuntur.

Cur oculi
nuncuecunt
te tenebrescant.

Facies
plane corporis.

negotiatio, omnesque cordis affectus facies declarat, non timorem, mœstitiā, & hilaritatem. Quò respiciens Poeta ille dixit: *O quàm difficile est, crimen non prodere vultu.* Salomō quoque quinto Prouerbiorum inquit: *Cor gaudens exhilarat faciem.* Eccles. quoque cap. 13. ait, *Cor hominis immutat faciem eius, siue in bona, siue in mala.* Certè cū totum corpus anima teneat, in facie multò euidentius se prodit. Quo fit, vt meritò censeatur adeò contumeliosum in faciem cœdi, quandoquidem in ipsos sensus atque adeò in ipsam animam videtur illata plaga. Quae eadem natura, cū quidpiam irruit extrinsecus, accurrunt partes omnes in faciei custodiam seipsas periculis obiiicientes. Senibus vox est humilis ob debilitatem facultatis, quæ thoracem mouet, quia ad edendam vocem vehementi expiratione opus est. Quapropter non temerè centurio, qui ex aduerso stabat (vt dicitur Marci capite decimoquarto) vidēs quia sic clamans expirasset, dixit, *Verè filius Dei iste.* Nimirum qui sunt morti proximi, ne edere quidem possunt vocem præ debilitate, nedum clamare voce magna Præter facultatis autem debilitatem facit senibus humilitatem vocis, dentium defectus. Quia is ipse spiritus qui expiratur, non percussus effluit, quare minùs sonat. Cui malo vt succurrant, comprimūt intorsum labia quasi vacua dērium loca ita obruturi Quare ostia platearū claudunt. Nimirum labia sunt oris ostia, os vt porta platearū. Claudūt ergo ostia in platea in humilitate vocis molētis, hoc est, ob humilitatem vocis, quam faciunt rari molentes. Accedit quoq; senibus peruigilium, ob cerebri siccitatē, & non rarò ob dolores assiduos, cū aliarum partium, tum vel maximè viarum vrinæ, & ob destillationes & excreatum. Quo fit, vt nunquam totam noctem dormiant, sed plerunq; surgant ad vocem volucris, hoc est ad galli cantum: expergiscuntur enim, atque si dolore vrgētur, etiam surgunt noctu aliquoties, atque adeò eorum plerique antelucano tempore, aut saltem summo mane exurgunt. Nimirum eius ætatis est, citò ire cubitum diurno motu defatigatos, & citò etiā exsurgere non dormientes, neque minùs defatigatos iacendo. Adeò nulla illis requies est, & meritò vita displicet. Hoc est quod dicit, & *consurgēt ad vocē volucris.* De cantu galli, vt qui ternis horis cantare soleat, quasi motus cœli rationē habeat, vt qui quibusdam gentibus, & in exercitiis maximè, ad excubias noctis pro horologio sit, dictum antea est in hoc ipso opere. *Excelsa quoque* (inquit) *rimbūt in via* Hoc est, mens quoq; terebitur, vbi se ire in mortem præcipit homo sentit. *Florebit amygdalus* hoc est, canescet quoque caput & barba, vt florescens amygdalus. Nimirum hæc

Senes cur
comprimunt
labia
intorsū.

arbor omnium citissimè candescit. Causa canitiei est, redun-
dantia pituitæ in alimento proprio, partium circa cutem, ob
debilitatē naturalis caloris. Addit, *impinguabitur locusta*. Quod
de marina locusta intelligi debet, ea est in animalibus ostracodermis, hoc est, testacea crusta rectis. Senibus ob siccitatem
siccatur, durefcitque cutis, ac proinde locustis conferuntur,
perindèque est dicere, impinguabitur locusta, ac si diceret, cre-
scet callosa durities in cute, quasi locustæ crusta fiat. Addit, *Et
dissipabitur capparitis*. Quidam interpretantur, capparitis nomine
intelligi generandi potentiam, & stimulos Veneris, atque ad eò
ipsas venereas partes, quod (vt author est Auicenna secundi li-
bri cap. centesimo secundo) cappariti Venerem instiget. Intelli-
gunt itaque hoc quoque esse extremi senij indicium, marcescere
genitalia sine generandi cupiditate & potentia: sit verò id emo-
rrente virtute in parte, & vitali calore, *quoniam ibit homo in do-
mum aternitatis suæ*, hoc est, morietur, incipit verò mors à fa-
cultatum extinctione, huius verò ante alias, quia pluri spiritu
indiget & ad propriam vitam tuendam minimè est necessaria,
sed ad prolem. *Et circuibunt plagentes in platea*. Hoc dicunt sig-
nificare lacrymas inuoluntarias, decurrentes ex oculis per fa-
ciem. Quod signum in ægrotantibus acurè est lethale, in seni-
bus verò debilitatis naturalis oculorum, quod extremos iam
senes solet comitari. Non est parum congruens hæc enarra-
tio. Mihi verò ob illa verba quæ interiecta sunt: *Quia ibit homo
in domum aternitatis suæ*, magis placent, illa verba, *Et dissipabitur
capparitis, & circuibunt plagentes in platea*, descriptionem esse
mortis ipsius, & funeralium, quàm senij: quasi dicat, eò res ve-
niet tandem per senium, vt dissipetur capparitis, hoc est, aperia-
tur sepulchrum, *& circumeant plagentes in platea*, hoc est circa
domum plangent, qui lamentis sunt prosequuturi funeralia,
Elegiaci scilicet, aut Præficiæ, vt erat antiquitùs in more. Hæc
verò fient, quia ibit homo in domum aternitatis suæ. De cappa-
ri scribunt naturæ historici, nasci solere in sepulchris, cum de-
erret scilicet per campos, vbi quondam, tam Iudæorum quàm
Gentium, erant sepulchra Necesse ergo erat, quo ea aperiren-
tur, capparim dissipari. Nam Aristot. sect. 10 Problem. 12. in-
terrogat quid causæ sit quòd capparitis locis cultis non gau-
deat, sed inculta & inuia prosequatur, & maximè sepulchris
adhæreat. His de obitu per occupationem dictis, redit rursus
ad senij noxas, dicens, *antequam* (supple recordare creato-
ris tui) *rumpatur funiculus argenteus, & recurrat vitra aurea*.
Funiculus argenteus vocatur magna proprietate spinalis me-
dulla, cum neruorum qui ex ea oriuntur distributione. Neruis medulla,

Elegiaci
& Præfi-
ciæ.Capparitis
virtutes.Spinalis
medulla.

Menynx.

Paralyfi
obnoxia.

enim , vt quibusdam funiculis , alligantur & firmantur omnes corporis partes. t. st. verò spinalis medulla , & ipsa neruorum substantia , colore argentea. Vita aurea vocatur menynx tenuis, siue cerebri inuolucrū , ea enim, vt vitta quædam, totum cerebrum ambit, constringit, & continet. Vocatur verò ea non ob colorem aurea, sed ob vtilitatem, quasi pretiosa. Est enim adeò, vt multi Medicorum censent, non sine magnis argumentis, ad illam potius, quam ad cerebri substantiam pertinere sentiendi principium. Ea adhæret adeò indissolubiliter cerebro, vt eo siccato atque imminuto, vt in senibus euenit, contrahatur accorrugetur. Qua causa fit, vt cerebrum, & menynx recurrant à cranea, neque illud contingant. Hinc illud arefcit & præ eius ariditate excidunt pili, vt herba arefacta terra, fitque caluitium. Porro ad neruos pertinet sensus voluntarius, qui obitur per musculos, cum laxantur quasi funes disrupti euenit membra, in quæ subeunt, resolui, ac paralyfim pati, siue linguam, siue brachium, siue crus. Quæ passio senibus familiaris est, ob neruorum debilitatem, & redundantiam succorum crudorum. Dicit ergo, *antequam run. patur fun. culus argenteus*, hoc est, antequam fias paralyticus, & recurrat vitta aurea, hoc est contrahatur menynx cum cerebro, ac fiat caluitium, & *conteratur hydria super fontem, & confringatur rota super cisternam*. Hæc omnia pertinent ad vrinam, quæ primum quidem exit guttatim, quasi ex rupta hydria, cum senex laborat stranguria, deinde supprimitur omnino, quasi tota confracta super cisternam, fitque ischuria vocata, & tunc nihil superest, nisi vt reuertatur puluis in terram suam, unde erat, & spiritus reuertatur in eum qui dedit illum, hoc est, homo moriatur. Quod vt intelligas, scias renes incessanter trahere serum ex vena magna, & hepate, vt rotam quandam quæ continenter haurit ex cisterna: hoc rursus, quod traxerunt mittere in vesicam, velut in hydriam quandam: hancque mittere in colem, vt in fontē ex quo aqua manat. Itaque fons est ipsa via per quam emanat aqua: hydria vesica quæ illi superstat rota ren, cisterna vena caua, & meritò quidem, quia ex caua hauritur. Ren verò rota, quia inde extrahit. Vesica potius hydria, quia non trahit, sed recipit quod in eam mittitur. Primū ergo senibus accidit, stranguria debilitata retentrice vesicæ quod est, esse hydriam ruptam. Deinde cessat penitus mictio, corrupta tractrice facultate renum, quod est. confractum esse rotam, tuncq; citissime moriuntur. Quendam vidi per eam affectionem attingisse diem vndecimū, alium nonum, alium septimū tantum, quatuordecimum memini attingere nullum. Neque mixum, distribuitur

enim

Mictu
quandiu
carere cō-
tingat.

enim serum cum sanguine per totum corpus, quod calorem naturalem partium extinguit & impedit nutritionem, quia adeo dilatum alimentum non affigitur. abito ergo pulvis in terram suam, ex qua sumus.

CAPUT LXVII.

CAP 7. Eccles. *Noli esse iustus multum.* Non videtur facile intelligere, quis iustus multum possit vocari, aut quæ iustitia possit vituperari. Nam, ut ab Arist. accepimus lib. 5. Ethic. ad Nicomachum, iustitiæ nomen dici potest, de eo quod legitimum est, in quo omnes virtutes continentur (quia in repub. perfecta omne bonum erit sancitum lege, & omne vitiosum ac turpe prohibitum) aut de eo quod æquum, siue æquale, quo significata est iustitia virtus quædam peculiaris, quæ versatur in quærenda æqualitate, ubi inter aliquos iniquitas quæpiam intercessit, siue in commutationibus faciendis, siue iniuriis inferendis. Sunt verò huius iustitiæ partes tres, distributiva, commutativa, & punitiva. Nulla harum videtur posse esse nimia, neque vituperabilis. Nam primum omnium, ut tota virtus est, non sit nimia. Nam ipsi virtutis rationi repugnat quod nimium, cum in eius esse sit, in mediocritate consistere. Multo autem minus, ut est virtus quædam peculiaris. Omnis enim eius pars versatur in quærenda æqualitate. Æqualitas verò est res impartibilis, quare in ea non possit esse nimium. Quod si quam maximè velimus intelligere per abusum dari nomen virtutis, vitio quod consistit in excessu, velut dicimus aliquando, nimis liberalem esse eum qui est prodigus, & nimis temperantem eum qui est insensibilis: tamen id eum in aliis virtutibus fieri possit, in ea iustitia nullatenus videri posse. Quia ut Arist. inquit cap. 5. lib. citati, iustitia non consistit in medio ut aliæ virtutes, sed modo quodam alio, quia non ut illæ, est inter contraria vitia constituta, sed versatur inter duo inæqualia, inter lucrum scilicet, & damnum, sed inter iniuriam facere & pati. Quæritque inter hæc æqualitatem, & medium, & quò propius accedit ad exactum, eò melior est, quare per iustitiam nunquam itur ad excessum, nulla igitur iustitia vituperanda, neque quisquæ esse potest nimis iustus. Atqui profecto ita est. Nullus re vera est nimis iustus, sed neq; nimis temperans, aut prudens, aut fortis, quia virtutes nullam recipiunt vitij admi-

Tres iustitiæ partes.

Æqualitas.

Nimis iustus quis.

tionem. Nihilominus cum nimis adicitur, significant ea nomina non virtutes ipsas, sed vitia quæ sunt per excessum. Velut calor (vt conferamus Physica cum Ethicis) est ea virtus qua generamur, viuimus, nutrimur, & augetur, si tamen dicas, calor nimis, febrem significabis. ita nimis fortis dicitur audax, seu temperarius nimis temperans insensibilis, nimis prudens callidus. Nimis iusto non video quod nomen datum sit. Et fortasse anonymum, vt multa alia in morum scientia, est tamen etiam qui nimis iustus vocari possit, deficiatque hac ratione à vera iustitia, sitque vitiosus in hoc morum genere. Id quod indicare me posse exemplis spero per singulas iustitiæ partes, punitiuam inquam, distributiuam, & commutatiuam. Nam iudex, qui scelerum, & iniuriarum est vindex, deficere potest à iustitia, minùs aut plus puniendo: minùs quidem, quia cum iustitia non sit virtus ad seipsum, sed ad alios, non est in eius potestate situm, alterius iniuriam condonare, neque si sit crimen alio in genere (non enim omnia crimina iniuriæ sunt) est ille aliud quidpiam, quàm minister legum; quare ne sic quidem potest poenam remittere vt lubet, non minùs tamen peccare potest, si nullam vnquam æquitatem adhibeat, sed semper iudicet ex scripto. Nam etsi iustum legitimum sit, quod lege statutum est, quia tamen leges non possunt esse de singularibus, vt neque scientia vlla, neque ars, quia hæc sunt infinita, quotidieque nascuntur, & intereunt, vniuersale verò non potest non deficere in multis singulariù, necesse est, vt, iudex inquã multis adhibeat æquitatē, quæ nihil est aliud teste Arist. quam emendatio legis in eo quod deficit ob vniuersale, hoc est, detrahare aliquod ei quod lege sancitū est ob circumstantiã aliquã quã legislator non præiudic. Qui igitur nullam vnquam æquitatem adhibet, prætextu iusti legitimi exequendi incidit in vitiū, quod est in excessu. Iam verò distributiuam iustitia consistit in tribuendo cuiq; pro sua dignitate, estque hoc modo iustus qui in bonorū distributione æqualitatem seruat. Quam æqualitatem dicit Arist. debere esse nō Arithmetica, sed Geometrica, quia non debet tantundem tribuere omnibus, sed habita ratione dignitatis cuiusque, vt, verbi gratia, Achilli 3. Aiaci 4. Peccare igitur cōtingit in hoc genere duobus modis. Non enim solū peccabit qui tribuit minus digniori, sed & qui tribuet plus indigniori, si sit materia iustitiæ nā vbi locū habet gratia, nō pertinet ad iustitiã) velut si quis tribuit vtriq; Achilli dico & Aiaci 4. peccat, quia Achilli tribuit minus, si vtriq; 8. quia Aiaci tribuit plus: vtroq; autem modo deficit ab æqualitate, peccatq; , etsi non eodem modo: quia qui tribuit plus, iniuriam

Æqualitas Geometrica in iustis.

iniuriam non facit, ut qui minus, ei scilicet cui tribuit, est tamen
 nihilominus vitiosa & iniqua actio. Velut (satis enim sit aper-
 tioribus uti exemplis) in suffragiis ferendis pro consequenda
 dignitate, aut autoritate in Repub. non solum peccat qui de-
 negat digno, aliquando etiā multò magis qui tribuit indigno.
 Tamen non uterq; iniuriam facit, quia qui digno denegat tri-
 buens minus boni aut plus mali, quàm meretur, iniuria cum
 afficit, qui tribuit indigno nō ita, quin potius in contrariū inci-
 dit vitiū, quia tribuit boni plus, aut mali minus; est tamen hoc
 quoq; rem iniustam facere. Iam verò in iustitia commutativa,
 iustus est qui sibi & aliis tribuit æquale. Æquale verò nō Geo-
 metricum, ut in distributiva, sed Arithmetici, ut centū pro cen-
 tum, decem pro decem. Nulla enim in cōmutationibus haberi
 debet ratio dignitatū, sed rerum. Igitur peccare quis possit in
 hoc genere duobus modis, & tribuens sibi plus quàm alteri, &
 tribuens alteri plus quam sibi. Iniquè enim commutat, qui pro
 re quæ valet centū, tribuit quinquaginta, iniquè etiā si tribuit
 bis centū, ubi nō habet locū liberalitas. Vbi verò liberalitate id
 agitur, nō habet rationē cōmutationis, sed largitionis, quæ cō-
 mutatio autē vitiosa erit. Non tamen eodem modo peccabunt
 hic & ille. Quia qui tribuit minus, iniuria afficit vendentē, qui
 plus, nullam iniuriam facit (nisi fortè Reipublicæ) vitiosè ta-
 men commutat. Sunt igitur hīc quoque duo vitia, alterum in
 defectu, alterū in excessu, atque utroq; modo agitur res iniusta,
 etsi non utroque infertur iniuria. His argumentis non possum
 hac in parte probare sententiam Arist. dicentis iustitiam non
 esse inter duos excessus, ut alias virtutes, sed modo quodam,
 quia versatur inter duo inæqualia, ut inter lucrum & damnum.
 Quin potius ex ipsius Arist. sententia, mihi videtur evidens ar-
 gumentum capi, aduersus eundem. Nam si iustitia versatur in-
 ter lucrum & damnum, necesse est utriusque posse adhiberi plus
 & minus, & duplices esse actiones circa duplicem materiam,
 augendam aut minuendam, utrasque deficientes ab æqualita-
 te, ac proinde utrasque vitiosas. Quare cū habitus nascentur
 ex actionibus, duplices etiam habitus malè operādi circa iusti-
 tiam possint animis innasceri, sitque iustitia constituta inter duo
 vitia, ut virtus alia quæcūque. Verbi gratiā, iuste cōmutat, qui
 sibi & alteri tribuit æquale lucrum & damnum, iniuste verò, qui
 sibi lucrum & alteri damnum, vel sibi lucri plus, aut damni mi-
 nus quàm alteri, & qui alteri lucrum & sibi damnum, aut alteri
 lucri plus, aut damni minus quàm sibi. Nam etsi plerisque vi-
 detur hic non peccare, quia nulli facit iniuriā (sibi enim nullus
 potest iniuriam facere quia ea non sit volenti) tamen non bene
 commutat,

Iustitia in
mediocri-
tate con-
sistit.

cōmutat, atque ea actio rationē largitionis, & ob liberalitatem possit esse studiosa, quæ cōmutatio verò vitiosa est. Constat igitur, iustitiam, ut alias omnes virtutes morales, in mediocritate consistere, quin etiam multò apertius quàm alias, quia versatur in quærenda mediocritate inter excessum & defectum. Quapropter sapientissimè monet Ecclesiastes, *noli esse iustus multum* siue, inquam, iudex es à Deo cōstitutus, ne ita te geras, ut nullam adhibeas æquitatē: siue emolumenta præmiâq; distribuis, caue tantopere timeas digno denegare, ut tribuas etiâ digno: siue commutas, caue tantopere timeas alteri satîs lucri non tribuere, ut tibi inferas damnum. Nam etsi non utroque modo eris iniuriosus, utroque eris iniquus, atque aliquando simul damnum patieris, & iniuria Remp. afficies. Quandoquidem ergo virum bonû præcipuè ciuilem, oportet omnia eum, & ut oportet, agere, atque omnia in cōmune primùm bonum, deinde suum, conferre cauere debet, ne in materia iustitiæ quidpiam agat nimis: neque verò in vlla alia. Insinuant se profectò aliæ interpretationes eius loci non ineptæ. Possunt enim verba scripta esse in hypocritas, qui videri ab hominibus iusti volunt nimis. Quasi diceretur, noli nimis in conspectu hominum esse iustus. Possunt etiam dici in superstitiosos, qui prætextu pietatis, in multas impietates incidunt, & seruili timore peccandi, multa sibi fingunt, in quæ etiam incidunt, peccata. Verùm prior interpretatio, Philosophica magis est, & meo instituto accommodatio.

C A P V T L X V I I I.

Cap 4. Sapientiæ ita habetur: *Fascinatio nugacitatis obscurat bona*. Paulus etiam cap. 3. Epistolæ ad Galatas, ita eos alloquitur: *O insensati Galatæ, quis vos fascinauit, non obedire veritati?* Quibus in locis videtur fascinationis facta mentio, tamen plerique viri docti vanam esse censent de ea opinionem. Quapropter haud erit abs re, neque præter præsentis operis institutum, de ea tantisper differere. Haud scio vnde melius possumus incipere, quàm ab iis quæ de fascinatione vulgus censer, inde illius comparata notione, examinemus, an re vera quidpiam sit in rebus tale, an aliud aliquid, an omninò nihil, sed meræ nugæ. Audio quàmplurimos affirmare, fieri nonnunquam, ut qui bene valent, ab alio quopiam tantùm conspecti,

Fascina-
tio.

conspiciti,repentè ac multùm lædantur, eosque qui ira læduntur,fascinatos vocant,quibus verò vis ea maligna in oculis sit (neque enim omnibus esse æqualem) Fascinatores. Hos verò ipsos fascinare (hoc est,in tuendo lædere)cum quadam animi affectione magis,vt cùm attentè intuentur cum quadam inuidentia. Proinde hoc periculum multò magis subite pulchros quàm deformes , & cum laude magis quàm cum vituperatione. Vnde religio nata est,bene imprecandi,ei quem cum admiratione & cum laude intuearis,alioqui(dicunt)fascinetur.Alij fascinationis timorem, ad alias etiam quascunque inuidentiæ causas extendentes,si quid comedūt auidè,quod alium quempiam vident intueri , motu percussì partem cibi statim porrigunt, ne fascinentur. Porrò dicunt hanc passionem in pusillos incidere potiùs quàm in grandiores,quòd teneriores sint,& (vt ipsi dicunt)leuiori sanguine,hoc est (vt arbitror)minùs fœculento & melancholico,tametsi pulchræ etiam mulieres & quæ se tales esse præsumunt , sibi cauent. Quin etiam ad animalia cætera dicunt hanc affectionem pertinere. Nam & gallinas,& agnos, & equos, ferunt fascinatos aliquando cecidisse. Ex his omnibus quæ de fascinatione circumferuntur,feri videtur,vt, etsi modo & subiecto variet, illud tamen commune omni fascinationi sit,oculis & intuitu inferri.Itaque videtur esse læsio oculis illata,non tamen hoc solùm Nam si , qui ophthalmia laborat,obuium quempiam inficit,arque ophthalmia facit laborare,nemo vnquam dixerit fascinasse. Quidam addunt læsionem illam illatam oculis,oculis etiam-concipi,vbi is qui fascinetur & qui fascinat,sefe mutuo intuentur attentè. Itaque ponunt in ratione,seu notione fascinationis.duplicem oculorum respectum, & inferri,& concipi oculis. Alij ponunt hæc seorsum,quasi duplex sit ratio fascinationis,aut illata,aut concepta oculis passio. Quapropter erit multò verius fascinatio , cui vtrunque accidet & inferri,inquam , & concipi oculis. Sed neque hoc vtrunque.nam & ophthalmia per contagionem generata , inferitur & concipitur oculis , neque vlla ratione potiùs, quàm si qui primaria laborabat,& qui inficitur , se mutuo intueantur. Sed neque si quis pestilenti affectus febre.aut etiam sine febre,deferens secum pestis seminaria , alium intuens intuituè inficiat,dicitur fascinasse,sed peste affecisse.Quid ergo aliud possimus adiicere ad integram fascinationis rationem; certè nihil(vt videtur)aliud,quàm timorem illum superstitionis,& suspicione inuidentiæ,vt si pulcher pusillus sit,intueatur verò maligna anus quæ pulchritudinem miretur, & odeat. Hanc enim ob causam duobus occurritur remediis , vt signo

Fascina-
tionis re-
prehensio.

Satyriion
Orchis.

Fascina-
tionis re-
media.

Gagates
lapis.

gno aliquo contemptus, ut implicatis digitis (sicam nostri vo-
cant) aut bona precatione, alterum enim horum indicat, cum
qui intuetur, non admirari, neque laude dignum magnopere
censere, siquidem contemnit; alterum, non odisse, siquidem
precatur bona. Ita etiam si quis comedens aliquid intuenti
avidè, non porrigit, timet fascinationem, quia intuenti expe-
rentique, est invidiosus, invidiæ enim obiectum est, ingratum
bonum. Videtur itaque fascinatiō esse passio oculis illata &
concepta, profecta ex quadam affectione animi eius qui in-
tuetur. Quapropter rationem aliquam pulchri, aut expetibilis
esse oportet in eo quod fascinetur, & malignitatis in fascina-
tore. Si autem hæc est fascinationis ratio, cuius facilè intel-
liget fascinationem esse superstitiosum quendam timorem
ex stulta credulitate profectum, eiusmodi sunt quamplurima
alia in hominum vita. Argumento est, quod mulieribus ma-
gis quàm viris, & viris indoctis magis quàm peritis probatur
ea opinio. Tamen si video in ipsis etiam doctis esse quosdā, qui
quadam ambitione, omnia quæ vulgus miratur, tueri curent
subtilitatis magis, quàm veritatis amatores; unde iudicarij,
Magi, Præstigiatores, & secretorum periti haberi volunt, quo-
rum ingenia ego nunquam fascinabo. At dices, fascinationis
opinio neque vulgaris est, neque nova, siquidè antiquissimi &
probatissimi authores scripsere multa illius remedia: si verò
nulla re vera esset fascinatiō, vanum esse prorsus eius remedia
recensere. Plinius lib. 26. cap. 10. inquit, *altera Satyriō Orchis co-
gnominata fœmina esse creditur, distinguitur internodijs & ramo-
sore frutice, fascinis utili.* idem lib. 28. cap. 4. *repercuti fascina-
tiones desputione affirmat* Inuentæ itaque iam sunt tres fasci-
nationis præcautiones: fica, & benedictio in eo qui cernit,
spuitio in eo qui cernitur. Idem commendat lib. 13. cap. 4.
contra fascinationes officula quædam palmarum lunata, &
dente, nescio qua religione, polita. Idem corium frontis hye-
næ fascinationibus resistere affirmat lib. 28. cap. 18 Arist quo-
que sectione 20. problematum dicit, rutam antidotum esse fa-
scinationū Non aliter profectò, ac nunc pusillis collo suspen-
ditur Gagates. Nō videtur ergo figmentū esse fascinatiō, cuius
tam multa remedia inuenta sunt. Nam naturalium remediorum
cognitio non aliter constat quàm experimento: non potest
autem esse auxilij, quin sit ipsius etiam passionis experimen-
tum: id verò si est, certè & ipsa fascinatiō est in rebus. Quod
aliis etiam antiquorum dictis confirmatur. Nam & Virgilij est
illud carmē: *Nescio quis teneros oculus mibi fascinat agnos.* Plinius
quoque libro 7. cap. 2. *In Africa* (inquit) *esse familias quasdam*
fascinan

fascinantium. Ifigonus & Nymphodorus iradunt, quarū laudatione intereant probata, arescant arbores, emoriātur infantes. Esse eiusdem generi in Triballis & Illyriū, adiicit Ifigonus, qui visu quoque effascinent, interimantque quos diutius intueantur, iratus præcipue oculis. Quod eorum malum facilius sentire puberes. Vides vt multi antiquorum fascinationem asseruerunt. Atqui & illa verba Eccles. 31. *Nequius oculo quid creatum est?* aliquibus sonant fascinationem. Præterquam quod & in sacris extant duæ illæ quas præscripsimus orationes, in quibus fascinationis mentio sit. Verum de præscriptis orationibus postea dicemus, reliquis occurramus. Atqui (vt incipiamus ab vltimis) Virgilius non induxit ita loquentem Socratem, aut Aristotelem, sed opilionem, vt debeat meritò obloquentem personam censi id dicere, non ex sua sententia, sed ex vulgi opinione, qua nihil est incertius. Plinij verba, & Ifigoni ac Nymphodori autoritas, non indicant esse verè vllam effascinationem; sed si figmentum est, nouum non esse. Porro Ecclesiasticus, oculi nomine inuidiam damnat. Quæ de antidotis dicuntur optimè interpretatur Aristoteles loco nuper citato, dicens rutam censi fascinationis remedium, quia tunc se putant homines fascinari, cum voraciter edunt, aut incommoditatum aliarum tenentur suspitione, aut perturbantur ipsa fascinationis opinione, vt si animaduertant alium intueri in cibum quem capiunt. Ob voracitatem ergo, aut perturbatū esum repleti flatibus, à quibus angantur aut vomant, rutam verò tunc temporis prodesse, quia flatu absorbit, atque id non intelligentibus, videri fascinationem tollere. Certè ruta commendatur aduersus dæmones & fascinationes, ac denique aduersus omnes passionēs, quæ cēsentur esse sacræ, vt aduersus terribilia insomnia, Phantasmata, & nocturnos timores; huius verò causa est, quod absorbit flatu, & siccatur, extinguitque seminis redundantiam. Pleraque verò eorum quæ in Dæmones vulgus refert, nascuntur ex dictis causis, vt faciliè discas ex Hippocrate libello de flatibus & de morbis virginum. Hoc idem dicimus de radice Orchidis præterquā quod ea radix semē expellit, potius quā absorbit. Gagates lapis fortasse cōparauit eam auctoritatē, quia recreat vuluæ strangulationes. Iam verò officula palmarū lunata superstitiosum remediū esse, vt ab errore conceptū, potius quā verum malum, constat vel ex ipsis Plinij verbis. Ipse enim dicit, religione quadam politum. Illa verò religio superstitio est, multò magis superstitiosū est. expulsiōne repellere fascinationē, atque hoc ipso remedio testari videtur homines, fascinationem non esse vllam à naturalibus causis illatam noxam, sed

Ruta

Orcl
herb

ad

ad veneficia & Dæmones pertinere. Nam hac ipsa religione videas nunc rusticos, vbi Satanæ abrenunciant, nominato eo semper spueret, eadem scilicet religione, qua contra fascinationes. Eidem vanitati attestatur remedium quod quæritur ex fca, & ex deprecatione Naturalia enim non esse hæc, sed superstitiosa, quis non videat? Sed & his dimissis ipsa per sese res vana esse conspicitur. Quid enim facit (sublata eius qui se lædi putet, imaginatione) placeas, an displiceas ei qui te aspicit, oderit, an amet? nisi fortè placet opinio Auicennæ 9 Metaphysicæ, qui hominis animam, ea dicit vi pollere, vt possit imaginatione sola permouere materiam longè positam, ac distantiam. Ea verò opinio nulli sanæ mentis homini probatur, ac tunc quoque imaginationis esset fascinatio, non oculorum.

Fascina- Fascinationis itaque nomen antiquum est, atque secundum
oest va- antiquam significationem, nullum naturalem morbum signi-
i super- ficat, sed superstitionem vanam, ex vulgari natam opinione:
itio. atque idèò neque Hippocrates neque Galenus, neque veterum Medicorum quisquam (quod ego sciam) fascinationes meminit, neque inter morborum differentias, neque inter eorum causas. Vnde rursus non parum probabile accipitur argumentum eius vanitatis. Neotericorum quidam, vt asserant fascinationem, tollunt ab eius ratione affectionem animi eius qui intueatur, inuidentiam inquam illam, quia ea sola videtur efficere fascinationem superstitiosam, dicuntque fascinationem esse infectionem quandam malignam oculis illatam. Alij addunt, & oculis conceptam. Aiunt igitur multò magis quàm partem vllam aliam nostri corporis, posse virus quodcunque iaculati in alium, ob rectitudinem illam radiorum visualium, secundum quam, vt perspectiui monstrant, visio agitur. Deferri igitur virtus, si quod inest cum radiis illis visoriis, atque in rem conspectam firmiter infigi. Porro addunt a corde in oculos habere id virus ex peditissimam viam, argumento, quòd cordis passionibus citissimè oculis sese insinuant: ab oculis verò emissum, oculis eius qui contrà spectet, quàm vlla alia parte recipi faciliùs, ob similitudinem, quæ parit sympathiam: atque eadem ratione receptum oculis facillimè tendere in cor, vt pote à corde veniens. Deinde ex Galeni sententia, quæ multis non inevidentibus argumentis confirmatur, dicunt, intra nostra corpora gigni posse vera venena: multos enim repente mori constat, cum eisdem omninò signis, quæ accepto veneno solent apparere, tamen si liquidò constet acceptum non esse. Id etiam venenum posse non exiguum tempus intra corpora latere, nulla interim illata euidenti noxa, indicant, quia à
 cane

cane rabido morfi sunt, quorum nonnulli etiam anni dimidium solent, sine conspicua affectione transigere. ita etiam Mēstruo- rum mali- gnitas. mulieribus menstruatīs virus quoddam verē venenosum agitari, agitatūque emitti per oculos, & haustum aliorum oculis, maximē puerulorum, qui & teneriores sunt, & incautiū respectant, transmittere in cor, atque lethalem inferre noxam. Neque id videri debere mirum, siquidem Arist. 3. de Historia animalium capite decimonono, eum sanguinem vitiatum esse affirmat; adē autem vitiatum esse censent, ut dicat Plinius cap. 15. libri septimi: *Nihil facile reperitur mulierum profluvio magis monstrificum, acescunt enim (inquit) eius superuentu musta, sterilescunt tacta fruges, moriuntur insita, exuruntur hortorum germina, & fructus arborum, quibus insedere, decidunt. Speculorum fulgor aspectu ipso hebetatur, acies ferri perstringitur, eborisq; nitor, alvei apum emuriuntur, et etiam ac ferrum rubigo protinus corripit, odorque dirus aërea, & in rabie aguntur gustato eo canes, atque insanabili veneno morsus inficitur.* Plura etiam non minū mirabilia, dicit ibidem lib. 7. c. 2. Ex his videtur fieri probabile mulieres menstruatās, quibus tantum virus intra corpus agitur, solo intuitu posse lethaliter inficere: atque ut hæc secundū naturam colligunt monstrificum virus, ita posse esse homines quibus naturaliter veneficum. quidpiam insit, quod per oculos, cū intuentur recta, simul cum radiis visibilibus emittatur, quorum sit periculosissimus aspectus, hosque esse fascinatores: quorum etiam scribunt notas, dicentes, hic esse in oculis ambobus, aut altero binas pupillas; aut in altero oculo pupillas duas, in altero effigiem quandam equi, aut canis. Ut vero quidam homines sint tales, sunt qui causentur temperamenti proprietatem, sunt qui substantiæ modum, sunt etiam qui putrescentiam spirituum: qui verō sunt eorum sapientissimi, natale astrum. En quæ maximē videntur abesse à præstigiōsis fabulis, eorum quæ de fascinatione dicuntur. Quæ tamen omnia, si animi affectum, eius qui effascinet tollas, minimē videntur dici debere effascinationes, sed infectiones venenosæ; neque venenosi illi homines fascinatores, sed venenosi, ut & viperæ, & scorpiones, bufones, ac multo magis basilisci. Itaque ut illa animantia effascinantia nemo vocat, sed venenosa, ita neque tales homines est quod voces fascinatores. Si enim studeas opinionem de ea re vulgarem asserere, nomen quidem retinet, notionem autem eius minimē. fuisse enim ab antiquissimis illis sæculis, in fascinationis notionē, iram, aut invidentiam præter verba, quæ ex Plinio produximus, & Aristotele, ipsum nomen Græcum facillē indicat Vocatur enim Græcis

Fascina-
torum
notæ.

ad veneficia & Dæmones pertinere. Nam hac ipsa religione videas nunc rusticos, ubi Satanæ abrenunciant, nominato eo semper spueret, eadem scilicet religione, qua contra fascinationes. Eidem vanitati attestatur remedium quod quæritur ex fica, & ex deprecatione Naturalia enim non esse hæc, sed superstitiosa, quis non videat? Sed & his dimissis ipsa per sese res vana esse conspicitur. Quid enim facit (sublata eius qui se lædi putet, imaginatione) placeas, an displiceas ei qui te aspicit, oderit, an amet? nisi fortè placet opinio Auicennæ 9 Metaphysicæ, qui hominis animam, ea dicit vi pollere, ut possit imaginatione sola permouere materiam longè positam, ac distantiam. Ea verò opinio nulli sanæ mentis homini probatur, ac tunc quoque imaginationis esset fascinatio, non oculorum.

Fascina- Fascinationis itaque nomen antiquum est, atque secundum
o est va- antiquam significationem, nullum naturalem morbum signi-
i super- ficat, sed superstitionem vanam, ex vulgari natam opinione:
itio. atque idèò neque Hippocrates neque Galenus, neque veterum Medicorum quisquam (quod ego sciam) fascinationes meminit, neque inter morborum differentias, neque inter eorum causas. Vnde rursus non parum probabile accipitur argumentum eius vanitatis Neotericorum quidam, ut asserant fascinationem, tollunt ab eius ratione affectionem animi eius qui intueatur, inuidentiam inquam illam, quia ea sola videtur efficere fascinationem superstitiosam, dicuntque fascinationem esse infectionem quandam malignam oculis illatam. Alij addunt, & oculis conceptam. Aiunt igitur multò magis quàm partem ullam aliam nostri corporis, posse virus quodcunque iaculati in alium, ob rectitudinem illam radiorum visualium, secundum quam, ut perspectiui monstrant, visio agitur. Deferri igitur virtus, si quod inest cum radiis illis visoriis, atque in rem conspectam firmiter infigi. Porro addunt a corde in oculos habere id virusex peditissimam viam, argumento, quòd cordis passiones citissimè oculis sese insinuant: ab oculis verò emissum, oculis eius qui contra spectet, quàm vlla alia parte recipi facilius, ob similitudinem, quæ parit sympathiam: atque eadem ratione receptum oculis facillimè tendere in cor, utpote à corde veniens. Deinde ex Galeni sententia, quæ multis non inevidentibus argumentis confirmatur, dicunt, intra nostra corpora gigni posse vera venena: multos enim repente mori constat, cum eisdem omninò signis, quæ accepto veneno solent apparere, tametsi liquidò constet acceptum non esse. Id etiam venenum posse non exiguum tempus intra corpora latere, nulla interim illata euidenti noxa, indicant, quia à

cane rabido morſi ſunt, quorū nonnulli etiam anni dimidium ſolent, ſine conſpicua affectione tranſigere. ita etiam Mēſtruo- mulieribus menſtruatīs virus quoddam verè venenofum agi- rum mali- tari, agitatūque emitti per oculos, & hauſtum aliorum ocu- gnitas. lis, maximè puerulorum, qui & teneriores ſunt, & incautiùs reſpectant, tranſmittere in cor, atque lethalem inferre noxam. Neque id videri debere mirum, ſiquidem Ariſt. 3. de Hiſtoria animalium capite decimonono, eum ſanguinem vitiatum eſſe affirmat; aded autem vitiatum eſſe cenſent, vt dicat Plinius cap. 15. libri ſeptimi: *Nihil facile reperitur mulierum profluuiū magis monſtrificum, aceſcunt enim (inquit) eius ſuperuentu muſta, ſte- rileſcunt caſtae fruges, moriuntur inſita, exuruntur hortorum germina, & fructus arborum, quibus inſedere, decidunt. Speculorum fulgor aſpectu ipſo hebetatur, acies ferri perſtringitur, eboriſq; nitor, alui apum emoriuntur, ac etiam ac ferrum rubigo protinus corripit, odorque dirus aërea, & in rabiē aguntur guſtato eo canes, atque inſanabili veneno morſus inſcitur.* Plura etiam non minùs mirabilia, dicit ibidem lib. 7. c. 2. Ex his videtur fieri probabile mulieres menſtruatās, quibus tantum virus intra corpus agitur, ſolo intuitu poſſe lethaliter inſicere: atque vt hæ ſecundū naturam colligunt monſtrificum virū, ita poſſe eſſe homines quibus naturaliter veneficum. quidpiam inſit, quod per oculos, cū intuentur recta, ſimul cum radiis viſoriis emittatur, quorum ſit periculoſiſſimus aſpectus, hoſque eſſe faſcinatores: quorum etiam ſcribunt notas, dicentes, hic eſſe in oculis ambobus, aut altero binas pupillas; aut in altero oculo pupillas duas, in altero effigiem quandam equi, aut canis. Vt vero quidam homines ſint tales, ſunt qui cauſentur temperamenti proprietatem, ſunt qui ſubſtantiae modum, ſunt etiam qui putreſcentiam ſpirituum: qui verò ſunt eorum ſapientiſſimi, natale aſtrum. En quæ maximè videntur abeſſe à præſtigioſis fabulis, eorum quæ de faſcinatione dicuntur. Quæ tamen omnia, ſi animi affectum, eius qui effaſcinet tollas, minimè vi- Faſcina- dentur dici debere effaſcinationes, ſed infectiones venenofæ; torum neque venenofi illi homines faſcinatores, ſed venenofi, vt & vi- notæ. peræ, & ſcorpiones, buſones, ac multò magis baſiliſci. Itaque vt illa animantia effaſcinantia nemo vocat, ſed venenofa, ita neque tales homines eſt quòd voces faſcinatores. Si enim ſtudes opinionem de ea re vulgarem aſſerere, nomen quidem retinet, notionem autem eius minimè. fuiſſe enim ab antiquiſſimis illis ſæculis, in faſcinationis notionē, iram, aut inuidentiam præter verba, quæ ex Plinio produximus, & Ariſtotele, ipſum nomen Græcum facile indicat Vocatur enim Græcis

fascinatio *Βαμανία*, & fascinare *Βαμανειν*. Significat verò hoc idem verbum, inuidere, itaque *Βαμανία*, est inuidentia & fascinatio: quasi fascinatio sit læsio cum quadam inuidentia illata. necesse igitur est dicere, illos ipsos venenosos homines, tunc magis inficere, cum aspiciunt cum quadam inuidentia. Non quidem ob ipsam inuidentiam per se (ne in Auicennæ apertè falsam opinionem incidatur) sed ex accidētī, quod is animi affectus attentius faciat intueri; atque tunc propriè esse fascinationem quandam, ut à Basilisco. Sed tunc quoque hæc de fascinatione sententia ponit visionem agi exeuntibus visorū radiis, cum his siquidē deferri vapores venenosos: quā tamen minor pars Philosophorum recipit. itaque iam ea opinio non poterit esse omnibus Philosophis cōmunis, sed peculiaris Platoniorum. Deinde verisimile non est, posse cuiuspiam homini secundum naturam esse vim alteri homini venenosam. Nam ut animal animali sit venenosum, facit magnum naturæ dissidium, & contrarietas. Ut vipera homini, & homo viperæ habet saliuam venenosam. Sed neque vipera viperæ, neque homo homini adedò aduersam potest habere naturam. Nempe causæ omnes quas reddunt, partim futes, partim ineptæ sunt. Primum quidem quod de natali astro dicunt, mihi risum. mouet (tamen si est grauissimorum hominum sententia, hominum tamen,) necesse enim esset, omnes qui illa ipsa hora essent nati esse fascinatores. Sed de huius Astrologiæ vanitate (si modò Astrologia dicenda, ac non potiùs diuinitio Chaldaeorum,) in hoc ipso opere diximus multa. Temperiei aut substantiæ dissimilitudo non potest esse tanta in rebus eiusdē naturæ & speciei. Siquidem ex differentia temperamenti nascitur differentia naturæ. Certè neq; quod de basilisco dicunt, possum adduci ut credā esse verum, sed fabulosum, ut alia innumera. nedum ut ea natura in hominē transferatur aduersus alios homines. Consentaneum multò magis sit, basiliscum interimi hominis aspectu, si modò eum ipse necat, ut de saliuā hominis & viperæ dicebamus. Neque quidē argumenta cuiusquā momenti sunt. Nam quæ de menstruo sanguine affirmant, falsa esse ac fabulosa, ipsum indicat experimentum. Versamur enim quotidie cum menstruatis citra vllam noxam, à quibus tamen si vera illa essent, neq; lapides, neq; ipsa durissima metalla illæsa esse possent. At verò menstruus sanguis est ipsemer quo mulier nutritur. Qui nonnunquam ob solam redundantiam, citra vllam prauitatem emittitur, aliquando etiam ob malam qualitatem, qualis tamen est in reliquo sanguine: nimirum quam Hippocrates iubet contēplari in colore, quia si sunt alba, sunt pituitosa,

Basiliscus.

Saliuæ
vis.

pituitosa, si flaua, biliosa. Quæ cum apparent, nullis incantationibus aut præstigiis inuet occurrere, sed neque alexipharmacis, quibus venena franguntur, sed medicamenti expurgantibus, quibus soluuntur cacochymia. Itaque menstruus sanguis vitiosus plerumque est, quia expultrix virtus semper fertur in id quod deterius, minimè tamè venenosus, sed qualis esse solet in corporibus cacochymis. Iam verò quod possint in nostris corporibus gigni venena, nihil ad fascinationē. Gignuntur enim præter naturam, fascinatores verò esse tales natura dicunt. Quid ergo superest? nunquid satis illis sit, si concedamus etsi naturaliter fascinatores nulli sint, tamen eos qui sunt præter naturam affecti, & morboſi, multò magis posse per oculos inficere, quàm per aliam partem? Certè quàm per aures ego concesserim, non tamè quàm per os aut nares, malim enim me aspiciat, qui pestilenti tenetur apparatu, quàm spiritum in me emittat. Nam & putridi aëris veniet multo plus, & ab ore in cor, per arteriam asperam, est longè expeditior via, quàm ab oculis. Oculi (dicunt) mittunt facile sua mala in alios. Quæ? nunquid rixas? an suffusiones? an nubes? minimè, sed ophthalmias. Est itaq; ophthalmia morbus cōtagiosus. Quid ad fascinationē? manus quoq; scabies contagiosa est. Fascinamus ergò manibus. Vnde, ergo (dices) nata est inter omnes homines hæc opinio de fascinatione, si ea adeò nihil est? ex leuium (arbitror) hominum credulitate. Diuus Basiliius cognomento Magnus, in Homilia de Inuidia, sprete vulgari hac de fascinatione sententia, vt muliebri, dicit censere se dæmones vt inuidorum hominum oculis ad lædendum, vt instrumento quodam. Itaque non humanos per se, sed dæmones per eos lædere infantes, & inde natam eam opinionē esse. Sed quoniam hæc causa Physica non est, ad me non spectat, neq; ad hoc opus. Quam ergo habuisse occasionem suspicer, audi. Pucros solito nitidiores, crassiores, pulchriores etiam esse, res est comperta satis, neq; minùs hoc solere sapissime, occurrētes, & viros & mulieres, admirari, laudare atque attente intueri, & vlnis gestare, moritare, ac denique cum illis ludere. Scitum etiam est illud Hippocratis; *habitum qui ad summum bonitatis attingit, periculosum esse.* & illud Celsi, *Qui nitidiores solito sunt, suspecta bona sua habere debet.* Cū ergo pusilli ob natalem habitum, non rarò soleant, cū viderentur habere optimè, in magna pericula repenti incidere, vulgus causam non intelligens, in laudatorum, quales illi quorundam habent quàm plurimos, oculos, & inuidentiam, reicit, illos (quæ est hominum leuitas) sequuti sunt viri alioqui eruditi, & vt est talium ignorantia diserta, processit paulatim res

Oculorum vires ad mala inferenda.

Ophthalmia contagium.

Pueri fascinationi obnoxij.

ad agnos, ad gallinas, ad equos, ad segetes, ad arborum fructus, ad ipsa metalla, ad specula, ad lapides. Rubigine obducuntur, hebetantur, franguntur, comminuuntur, mendacia merita. Iam est causa in substantiæ proprietate, in venenosa natura, iam in astris, meræ nugæ. Neque verò Diuus Paulus fascinationem aliquam naturalem esse asseruit, sed quasi proverbio quod ex vulgi opinione natum est, vtens dixit, *Quis vos fascinavit recedere a fide?* hac loquutione insinuans, illos temerè ac sine vlla causa recessisse à fide cum viderentur in ea profecisse quamplurimum. Iam verò fasciatio nugacitatis vocatur in sacris quod à Diuo Ioanne in Epistola prima, concupiscentia oculorum, hoc est, avaritia, & cupiditas rerum alienarum. quia enim is morbus concipit oculis, vocatur per allegoriam fasciatio: dicitur verò nugacitatis, quia bonorum fallacium, iuxta illud Psalmi quarti: *Filij hominum usquequò graue corde, vt quid diligitis vanitatem & queritis mendacium?* hoc est, vana & mendacia bona. Itaque concupiscentia oculorum est fasciatio nugacitatis. Hæc obscurat bona, quia, vt dicitur in Epistola prima ad Timotheum, *cupiditas radix est omnium malorum*, & vt eodem Sapientiæ dicitur, *Instantia cupiditatis transuerit sensum sine malitia*. Itaque loquutio illa Sapientiæ de fascinatione allegorica est. Allegorica verò accipitur à vulgari opinione. Neque mirum. indicatum enim est antea multis exemplis, in sacris etiam esse morales fabulas, & allegorias à fabulis translatas, non aliter atque in moralibus Philosophorum libris. Velut & in ea ipsa re de qua differimus, interpretantur nonnulli Platonici super conuiuio, siue de Pulchro, amorem, siue furem amatorium esse fascinationem, quod ea passio, eius quæ adamatur oculis plerunque videatur illata, concepta veò oculis eius qui amat semper (nisi forè quandoque concipitur auribus, rarissimè tamen solis) & oculis concepta in cor illabitur, cuius affectione corpus tabescit, sine villo alio morbo manifesto. Vide quàm congruat hæc allegoria, quæ tamen ex vulgari, & falsa de fascinatione sententia nata est. Ita igitur, si quis placens Deo, factusque ei dilectus (qualem illic describit author Sapientiæ) & viuens inter peccatores, per concupiscentiam oculorum mutetur, & amittat intellectum, dicetur appositissimè fascinator, quia cum valeret optimè, per oculos valde læsus est, & in grauissimum coniectus periculum, quod pergitur cor per oculos. Nam ita dicitur Hieremiæ 12 *Tui autem oculi, & cor ad auaritiam*. ob has itaque causas is animi effectus dicitur fascinari. Hæc verò sunt Metaphorice locutiones, ad formandum animum comparatæ

Furor amatorius.

paratæ: verus sit is sermo vulgi vnde sunt acceptæ, an non, nihil refert. Veræ enim sunt ipsæ Metaphoricæ loquutiones. Velut si adulatores Syrenes esse dixeris, non mentieris, tamen si Syrenes reuera nullibi sint.

CAPUT LXIX.

CAP. II. Sapientiæ. Non enim impossibilis erat omnipotens manus tua, qua creauit orbem terrarum ex materia inuisa, immittere illis multitudinem vrsorum, aut audaces leones.

Mirari euenit hoc loco, cur dicat Salomon ex inuisa materia creasse Deum orbem terrarum, siquidem creauit ex nihilo. Quapropter neque ex vlla materia, siue visa, siue inuisa. Hanc dubitationem facilè deuitabunt, asserentes mundum hunc factum esse ex quadam congerie rerum omnium, citra vllum ordinem commistarum, quam vocant, thaos, vt Platon; aut ex atomis, vt Anaxagoras, Empedocles, & Epicurus. Hi enim omnes huic rerum vniuersitati ortum aliquem tribuentes materiæ ex qua constitit, faciunt æternam. Mihi verò in ipso huius operis initio monstratum est, nihil omninò esse in rebus æternum, præter illud quod vnum, & primum, ac per se ens, hoc est. Deum. Illud igitur nunc ponentibus, videndum quid de præsentis dubitatione dicamus. Certè si quam habet mundus totus materiam, quæ eadem sit rerum omnium creaturarum, aut certè corporearum, dicere possumus Deum fecisse terrarum orbem ex illa materia, non quidem præexistenti, sed concreata cum formis. Velut si nunc repente Deus creet statuas humanas, aliam cedrinam, aliã abietinam, aliam quercinam, dicemus aliã factã esse ex cedro, aliam ex abiete, aliam ex quercu, tamen si non potiùs constiterint illa ligna, quàm statuar. Quòd si hoc ita habet, constat materiam illam communem rebus omnibus, esse per sese inuisam, atque adèò inuisibilem quandoquidem si per se videri posset, haberet qualitatem aliquã aspectabilem, vt candorem, lucem, non nigritiem: quocunque autem illorum haberet, non posset esse materia cōtrariorum, vt si esset candida nigrorū, & si nigra candidorū, si lucidā luce carentiū. Nam aut materia candida, nigrorum induens formam, maneret candida, aut candorē deponeret: si maneret, fieret res eadem simplexque candida & nigra: si deponeret, esset iam illa, materia vtriusq; cōtrarij, eius videlicet quod deponeret, & eius quod reciperet. Quapropter vtrumq; cōtra-

Mundus
ex mate-
ria inuisa
creatus.

ad agnos, ad gallinas, ad equos, ad segetes, ad arborum fructus, ad ipsa metalla, ad specula, ad lapides. Rubigine obducuntur, hebetantur, franguntur, comminuuntur, mendacia merita. Iam est causa in substantiæ proprietate, in venenosa natura, iam in astris, meræ nugæ. Neque verò Diuus Paulus fascinationem aliquam naturalem esse asseruit, sed quasi proverbio quod ex vulgi opinione natum est, utens dixit, *Quis vos fascinavit recedere à fide?* hac loquutione insinuans, illos temerè ac sine vlla causa recessisse à fide cum viderentur in ea profecisse quamplurimum. Iam verò fasciatio nugacitatis vocatur in sacris quod à Diuo Ioanne in Epistola prima, concupiscentia oculorum, hoc est, avaritia, & cupiditas rerum alienarum. quia enim is morbus concipit oculis, vocatur per allegoriam fasciatio: dicitur verò nugacitatis, quia bonorum fallacium, iuxta illud Psalmi quarti: *Filij hominum usquequò grave corde, ut quid diligitis vanitatem & quaritis mendacium?* hoc est, vana & mendacia bona. Itaque concupiscentia oculorum est fasciatio nugacitatis. Hæc obscurat bona, quia, ut dicitur in Epistola prima ad Timotheum, *cupiditas radix est omnium malorum*, & ut eodem Sapientiæ dicitur, *Instantia cupiditatis transuerit sensum sine malitia*. Itaque loquutio illa Sapientiæ de fascinatione allegorica est. Allegorica verò accipitur à vulgari opinione. Neque mirum. indicatum enim est antea multis exemplis, in sacris etiam esse morales fabulas, & allegorias à fabulis translatas, non aliter atque in moralibus Philosophorum libris. Velut & in ea ipsa re de qua differimus, interpretantur nonnulli Platonici super conuiuio, siue de Pulchro, amorem, siue furem amatorium esse fascinationem, quod ea passio, eius quæ adamat oculis plerunque videatur illata, concepta verò oculis eius qui amat semper (nisi forè quandoque concipitur auribus, rarissimè tamen solis) & oculis concepta in cor illabitur, cuius affectione corpus tabescit, sine vlllo alio morbo manifesto. Vide quàm congruat hæc allegoria, quæ tamen ex vulgari, & falsa de fascinatione sententia nata est. Ita igitur, si quis placens Deo, factusque ei dilectus (qualem illic describit author Sapientiæ) & viuens inter peccatores, per concupiscentiam oculorum mutetur, & amittat intellectum, dicetur appositissimè fascinator, quia cum valeret optimè, per oculos valde læsus est, & in grauissimum coniectus periculum, quod pertingit cor per oculos. Nam ita dicitur Hieremiæ 12 *Tui autem oculi, & cor ad avaritiam*. ob has itaque causas is animi effectus dicitur fascinari. Hæc verò sunt Metaphoricæ locutiones, ad formandum animum comparatæ

Furor amatorius.

paratæ: verus sit is sermo vulgi vnde sunt acceptæ, an non, nihil refert. Veræ enim sunt ipsæ Metaphoricæ loquutiones. Velut si adulatores Syrenes esse dixeris, non mentieris, tamen si Syrenes reuera nullibi sint.

CAPVT LXIX.

CAP. II. Sapientiæ. Non enim impossibilis erat omnipotens manus tua, quæ creauit orbem terrarum ex materia inuisa, immittere illis multitudinem vrsorum, aut audaces leones.

Mirari euenit hoc loco, cur dicat Salomon ex inuisa materia creasse Deum orbem terrarum, siquidem creauit ex nihilo. Quapropter neque ex vlla materia, siue visa, siue inuisa. Hanc dubitationem facillè deuitabunt, asserentes mundum hunc factum esse ex quadam congerie rerum omnium, citra vllum ordinem commistarum, quam vocant, thaos, vt Platon; aut ex atomis, vt Anaxagoras, Empedocles, & Epicurus. Hi enim omnes huic rerum vniuersitati ortum aliquem tribuentes materiæ ex qua constitit, faciunt æternam. Mihi verò in ipso huius operis initio monstratum est, nihil omninò esse in rebus æternum, præter illud quod vnum, & primum, ac per se ens, hoc est. Deum. Illud igitur nunc ponentibus, videndum quid de præsentis dubitatione dicamus. Certè si quam habet mundus totus materiam, quæ eadem sit rerum omnium creatarum, aut certè corporearum, dicere possumus Deum fecisse terrarum orbem ex illa materia, non quidem præexistenti, sed concreata cum formis. Velut si nunc repenti Deus creet statuas humanas, aliam cedrinam, aliã abietinam, aliam quercinam, dicemus aliã factã esse ex cedro, aliam ex abiete, aliam ex quercu, tametsi non potius constiterint illa ligna, quam statuæ. Quòd si hoc ita habet, constat materiam illam communem rebus omnibus, esse per sese inuisam, atque adeò inuisibilem quandoquidem si per se videri posset, haberet qualitatem aliquã aspectabilem, vt candorem, lucem, non nigritiem: quodcunque autem illorum haberet, non posset esse materia cōtrariorum, vt si esset candida nigrorū, & si nigra candidorū, si lucidā luce carentiū. Nam aut materia candida, nigrorum induens formam, maneret candida, aut candorē deponeret: si maderet, fieret res eadem simplexque candida & nigra: si deponeret, esset iam illa, materia vtriusq; cōtrarij, eius videlicet quod deponeret, & eius quod reciperet. Quapropter vtrumq; cōtra-

Mundus
ex mate-
ria inuisa
creatus.

rium rationem haberet formæ: forma enim formam excluderet, non materiam. Quare ille candor non esset materiæ per se, sed per formam. Ipsa igitur materia aspectabilem qualitatem per se habere non potest. Eodem argumento fit, ut neque audibilem, neque odorabilem, neque tangibilem, sed neque omnino ullam rationem aut formam, siue substantiæ, siue accidentis habere possit. Itaque neque dici possit per se hoc, neque tantum, neque tale, neque ad aliquid aliud, ita aut aliter habeat. Hac ratione Aristoteles communem ac primam rerum omnium materiam ponens, dicit esse meram potentiam citra omnem actum. Plato, qui disertissime de ea disputavit, ita inquit: *Intelligendum est quod cum esse debeat effigies rerum omnium formarum varietate distincta, nunquam illud ipsum formationis huius gremium bene erit preparatum, nisi informe sit, & suapte natura omnibus formis qua recepturum est, careat.* Nam si erit alicuius eorum qua in se recipit simile, cum contrarium eius cuius simile est naturam, aut aliam prorsus suscipiet, nequaquam eius similitudinem, & effigiem exprimet, cum per se tulerit suam, quo fit ut nullam sibi propriam habeat speciem, quod est omnia genera suscepturum. Hæc & alia multa eodem spectantia scripsit Plato in Dialogo de Natura, quæ, ut in commentariis de Physica doctrina indicauimus, nullatenus discrepant à sententia Aristotelis: ambo enim censent, ut & cum ipsis omnes nunc Philosophi, materiam per se nullum ens esse, neque omnino rem ullam, quia scilicet omni actu caret: sed neque nihil esse, quia est principium immanens omnium rerum. Meo igitur iudicio cum hac in parte nulla illis Philosophis dissensio sit, libuit Aristoteli de nomine altercari cum Platone, quod dixerit esse simpliciter non ens, quasi simpliciter non ens idem sit quod nihil. Plato verò non ita intelligit, sed quod non sit ens, nisi quodammodo. Iuxta hanc itaque sententiam, quæ communis nunc est omnium Philosophorum, dicemus fecisse Deum orbem terræ ex materia inuisa, & omnino insensibili, atque aded per se penitus informi, hoc est, ex materia prima. Quoniam verò quæ in libris sacris scripta sunt, non oportet ad cuiuspiam opinionem interpretari, sed ad veritatem, videndum est quam certa, atque firma sit de materia prima assertio, atque si eius monstratio ad probabilitatem procedit solum, aliam quæ omni careat dubitatione, præsentis loci interpretationem adhibere. Certè esse rebus omnibus corporeis vnam communemque materiam, facile dicitur, non ita tamen intellectu facile est, si quis consideret exactius. nam ut antea indicauimus, necesse est per sese omni careat forma, quod primum omnium intelligi non potest.

Nam

Materia
prima.

Nam quod non est aliquid, & ens, cur non sit nihil? porro quo pacto possit non ens (ita enim illam vocat Plato) esse principium ex quo immanens entis? nam si Aristoteles rectè probat in quarto de Physica doctrina, cap. i. elementa corporum non posse esse incorporea, cum tamen censeat (quod est verissimum) non manere elementa prima in rebus actu, sed potentia solum, multò minùs possit esse corporum incorporea materia, siquidem ea qualis qualis sit, maneat actu in rebus necesse est: non potest autem illa esse corporea per se, sed per formam, alioqui quantitas illi per se inesset. quare non esset mera potentia. Rursum si ea corporea per se non est, quæ maior necessitas, ut corporeæ substantiæ materia constent, quàm ut Angeli. Hos verò omnes immateriales appellant, quasi magnitudo materiæ ipsius sit per se, atque per hanc fiant res quantæ. Ob has & alias huiusmodi dubitationes veteres Philosophi partim posuerunt vnam omnium materiam, eamque substantiam quandam re vera quantam, alij aquam, alij aërem, alij ignem, alij etiam terram, alij substantiam mediam tenuitate & crassitie: partim nullam generationis successivæ rerum posuerunt materiam, sed separatione & congregatione rerum similium prius existentium, oriri & interire res putabant dissimulares, ut Empedocles, Anaximander, & Anaxagoras. Qui omnes principium materiale ab elementis non distinguentes, rerum omnium resolutiones perducebant usque ad simplicissimas aliquas substantias, Empedocles ad ignem, aërem, aquam, & terram. Anaxagoras & Anaximander ad similia, ut carnem, os, nervum, & innumera alia eiusmodi. Alij ad vñ aliquod quatuor primorum corporum quodcunque eis videbatur reliquis esse prius. Horum omnium sententiæ hoc vnico argumento refutari videntur, quòd necesse sit illud quod primum esse ponitur, siue vnum sit, siue multa, carere generatione & corruptione, atq; solum recipere congregationem & separationem, secundum sententias Empedoclis, Anaximandri, & Anaxagoræ: vel densationem & rarefactionem, vel extenuationem, & incrustationem secundum priores sententias. At verò re ipsa videtur constare, illud esse falsum. Nam videmus fieri aërem ex aqua, & ex illo ignem, & ex pane sanguinem, atque ex hoc carnem, ac deniq; simplicissima omnia fieri alia ex aliis, quod si ita est, videtur Aristoteli necessariò fieri, ut sit illis alia prior communisque materia, quæ per se nihil illorum sit, sed formarum omnium expers. Illi verò responderem, haudquaquã fieri res illas verè ut putamus, sed separatione apparere quæ delitescabant, cōgregatione delitescere quæ apparuerāt. Quod si qui videatur

Corpus
ex incor-
porea
materia
esse ne-
quit.

confictum ad respondendum, neque adeò dignum fide, atque ob id nullam dictarum esse probabilem sententiam, possit fortasse dicere, rerum compositarum materiam esse res simplices, vt hominis carnem & ossa: & earum quæ simplices primo intuitu apparent, alias simpliciores quæ latitant: verè autem atque exactè simplicium nullam esse materiam, sed factam esse illarum quancunque ex materia, vt ignem ex aëre: non verò in materia, vt sigillum effigiemve in cera: itaque fieri res singulas etiam simplicissimas ex materia aliqua, vnam verò eandemque omnium nullam esse, quæ enim necessitas, vt quod ex alio fit, immanentem habeat materiam; quoniam (dicunt) res artificiales nos manu ducunt, vt intelligamus, nihil nisi in quadam materia fieri, vt scilicet lectus & arca ex immanente ligno, sigillum ex cera. Dicat verò fortasse quisquam ex aduerso, hoc artificialium rerum esse proprium, naturalibus verò non perinde accidere, quia res artificiales fiunt ex naturalibus, naturales verò non possunt fieri nisi ex seipsis mutuo; quia non vt arte natura prior est, ita ipsa natura aliud quidpiam. Cum verò fiunt res ex rebus non vt immanentibus, velut lectuli ex nuce, & cedro, fieri; sed vt desinentibus, velut mensa ex arca. Quapropter nō videtur opus esse ponere primam materiam rerum naturalium, sed fieri alias ex aliis mutuo, atque ita esse circularem rerum generationem & infinitam; non finitam & rectam. Quid ergo diceret hæc sententia de primis rerum principiis? an esse nulla non certè, sed esse formam, & potentiam proximam, & priuationem: eam verò potentiam & priuationem, esse non in vlla materia communi genito & corrupto, sed in eo ex quo res fit. Cur enim sit potius caro ex sanguine, quàm ex vino aut melle? an quia sanguis potentiam habet ad formam carnis, vinum verò non habet proximam? Illa ergo potentia proxima cum priuatione, quæ necessario adest, & forma quæ ingruit, prima principia sunt rerum simplicium. Compositarum verò principia sunt, res simplices, vt materia, & forma totius. Atqui profectò (quamquam plerisque aliter videbitur) ego existimo hanc esse ipsissimam sententiam Aristotelis & Platonis. Nam vt in commentariis capitis septimi secundi libri de Physica doctrina, & iterum capitis quarti, secundi de Anima (tamen si cum hæc scribo, commentaria in libros de Anima, scripta multis antè annis nondum sunt in lucem emissa) indicaui, apud Aristotelem hæc omnia nomina, forma rei, & id quod res est, & essentia, & ipsum rei esse, & quod hoc est, eandem prorsus rem significant. Quia re vera, rei naturalis forma, nihil aliud est, quàm res ipsa qua hæc & talis.

Id verò falsum esset, si præter formam esset in re materia prima immanens, non enim esset rei forma, ipsa res actu qua talis, quia forma materiam non habet, res haberet. Plato quoque in Dialogo de Natura hominis multis argumentis contendit, hominem esse ipsam hominis animam, quod cum hominem animal esse, ac proinde corpoream substantiam, toties ipsemet Plato dixerit, verum esse aliter non poterat, quàm si ipsa hominis anima esset nihil aliud quàm ipsius essentia, essentia verò ipsum quod quid erat esse hominem, hoc est, ipse homo, quia actu talis & perfectus. Tametsi hoc (vt rem totam apertè explicem) non tam exactè dicitur de heterogeneis substantiis. Quis enim separaret ignis formam ab ignis corpore, aliter quàm ratione? nimirum ignis forma est ipse ignis actu talis, & perfectus: corpus, hic idem qua ignis formā, rationem & entelechiam, seu perfectionē consequutus, quod quidem est res eadem numero, rationes duæ, quarum coitione fit ipsum ignem esse. Quæ cogitans Plato, posuit illa tria rerum principia, idem, & alterum, & essentiam. Quæ eadem principia Raymundus Lullius vocauit, trium, bile, & arc, hoc est factium esse, factibile esse, & facere, De Ray- hæc tria intelligens, non quidem effectiue, vt videntur sonare, mundi Lul- sed formaliter, & hæc quidem Platonice. Maximè verò mihi liij doctrina- videtur errare, quòd diuinam naturam cum creaturis ineptè & na- arroganter coniungat, sed de illius doctrina agere loci huius non est. Illud solum interfuit dicere, sua illa tria principia, trium, bile, & arc, eadem esse prorsus cum Platoniceis, eodem altero, & essentia. Quæ omnia cum iuxta Arist. & Platonis sententiam ratione potius separari, quam re ipsa, & numero indicauerimus, constat esse consentaneum, iuxta illorum placita, nisi heterogeneorum materiam nullam, velut alteram rei partem actu immanentem poni, sed doctrinæ solùm gratia intelligi primam materiam, & formam homogenei, vt quædam ratione diuersa. si quid verò his ampliùs de communi & prima materia dicitur, hypothesim quandam esse ob rudiores constitutam, & expeditiorem progressum Philosophiæ, qua & ego in Physicis auditoriis vsus sum. nunc verò cum ad reconditiora Philosophiæ est peruertum, æquum est aperire prouectioribus veriora. Quandoquidem ergo assertio de materia prima, per sese formarum omnium experte, aded vacillat, necesse est aliam loci præscripti interpretationem inuenire. Ea certè non est difficilis, neque aliunde petita quàm ex sacris. Constitit enim in initio Geneseos, antequam Dens diceret, fiat lux, ex- itisse quatuor elementorum corpora, confusa, & delitescencia sub tenebris, quæ futurorum omnium materia tenebrosa, ac

proinde inuisa ante orbem terrarum facta est, ex qua deinceps ille. Neque igitur ob hæc diuini oraculi verba opus est communem materiam ponere, in qua omnes corporum formæ recipiantur, tamen si fieri nihil nisi ex materia potest, nihil enim fit ex nihilo, sed quoduis ex alio, ut ex ligno ignis, ex suo alimento lignum, & ita aliud quodcunque. Sed quæ (dices) necessitas, ut quoduis ex alio fiat, siquidem nullam ex corrupto accipit manentem materiam, id quod gignitur? certè quia nulla naturalis via est ad generationem, nisi per alterationem, atque necesse est generationem alteratione præcedat, alteratio verò alicuius substantiæ necessariò sit: neque sanè alterius quàm eius quæ corrupta in aliam substantiam commutatur. Nam alteratio immodicè producta in corruptionem necessariò finitur, quia naturale rei temperamentum tollit. Ut igitur res aliqua oriatur, necesse est aliam interire; non quidem ut ab ea mutuetur materiam, sed ob contrarietatem. Ut autem hoc ita fiat, hæc est causa. Rerum singularum naturæ nihil sine instrumentis agere possunt extra sese, quapropter neque generare: instrumenta verò earum sunt elementorum virtutes, calor dico, frigus, humor, & siccitas. Non potest autem ignis verbi gratiâ calore uti, aliter quàm calefaciendo, neque aqua frigore, quàm refrigerando, non potest autem calefacere, neque refrigerare, nisi sit quod calefiat aut refrigeretur, non calefiat autem ignis qui nondum genitus est, neque refrigerabitur, quæ nondum est aqua. Calefiat ergo necesse est ut ignis ab igne fiat, aliud quod ignis nondum est, futurus autem sit, ut lignum; aut refrigeretur, quod aqua nondum est, futura autem sit, ut aer. Quapropter rectè antea dictum est, non posse quidpiam, nisi ex aliquo fieri, quia generatio omnis ab alteratione incipit. Data autem est rebus à naturæ parente ea contrarietas, & necessitas pugnandi ad generationem, non ob communem materiam, sed quia, si aliter quàm per pugnam generare possent, neque talem repugnandi vim haberent, aut nihil generaretur, aut generatio rei cuiusque procederet in infinitum. Nihil enim esset quod modum poneret rei cuiuspiam productioni, nisi omnia sibi ponerent mutuo, mutuo repugnando. Dices fortasse; locus modum poneret. Omnes igitur res generarent sibi simile, dum esset ubi caperetur, & generare desinerent, cum non esset. Igitur mox atque vno impetu processissent rerum omnium generationes, usque ad summam totius orbis repletionem; atque statim generatio omnis esset sublata. Ut igitur rerum generabilium successiua genesis seruetur per æuum, ut ipse rerum parens voluit contrarietatem indere, & res alias ex aliis fieri, velut aliæ aliis loco cedunt, eaque contrarietas

Genera-
tionem
antecedit
corruptio.

varietas necessitatem affert, vt res ex rebus fiant, si & communem materiam non habeant. Igitur neque hæc dubitatio cogit primam rerum materiam ponere, sed vt dictum est. Porro iuxta hanc sententiam consequens erit dicere, principium quod vocant indiuiduationis, non esse materiam, sed magnitudinem, quod vel per sese est valde consentaneum. Nam essentia rei per sese indiuidua est, quapropter vna & tota, in multitudinem non potest abire, nisi secundum diuisibilitatem. Diuisibilitas verò neque formæ neque materiæ esse potest, nisi per quantitatem (quanti enim propria est diuisibilitas) igitur multitudo in eadē specie, quantorum solū, atque ob quantitatem est. Qua sanè causa, & qui eam ad materiam referunt intelligentes non inesse materiæ per se, addunt signata quantitate; id verò vix intelligi potest. Si enim materiæ ipsi per se nullum inest accidens, ceterè neque signatio, neque quantitas. Verisimilius ergo refertur ad quantitatem ratio indiuidui, quàm ad materiam. Et tota rerum vniuersitas proprius diuiditur in corpoream, & corpore carentem substantiam, quàm in materialem, & immaterialem, nisi quis his nominibus easdem res intelligat. Sic enim de nominibus altercari minimè expediet. Nihil igitur prohibere videtur quin dicamus materiam primam esse nihil, non solū non ens simpliciter, vt dicit Aristoteles, aut simpliciter non ens, vt dicit Plato. Quorum virorum sententias ab hac quam nunc statuimus, nihil censeo re vera discrepare. Non enim est, quod non est ens.

CAPVT LXX.

De Philosophia Pythagoræ.

CAp. 10. Sapientiæ: Omnia in mensura, & numero & pondere disposuisti. Et 4. libro Eudæ cap. 4. Quoniam in statera ponderauit seculum, & mensura mensurauit tempora, & numero numerauit tempora.

Vt Plato dicit in dialogo de Natura, fas non erat, quidquam nisi pulcherrimum facere eum qui est optimus. Cum enim ipse sit simpliciter pulcherrimus & optimus, feceritque omnia, vt in mundi genesi indicauimus, ad similitudinem suam, necesse est, vt fecerit omnia, suo quodque genere, pulcherrima, & optima, vt sanè ipsi visa sunt. Cum igitur omnis pulchritudo sensibilis in proportionem & concinnitate sit partium, necesse fuit mundum hunc sensibilem, secundum suas partes

partes, quæ sensibiles etiam sunt, proportionem quandam tenere certam, & totum ad partes singulas, & eas omnes inter sese, vnde necesse est mundum finitæ & certæ esse magnitudinis, & eius omnes partes præcipuas. Nam in rebus diuisibilibus, quod infinitum, aut incertum, imperfectum est & deforme. Quapropter, non solum si quampiam præcipuarum partium eleuares, vt stellam, sed etiam si cuiuspiam illarum, etiam despectissimæ quantitati adidceres aliquid, aut demeres, officeres mundi machinæ, & eius pulchritudini. Quia nihil temerè in eo factum est, sed omnia ad mensuram, numerum, & pondus, iuxta proportionem quam habebant in diuino exemplari. Huius rerum pulchritudinis rationem aggressi sunt Pythagorici inuestigare. Res prorsus diuina, humanis verò viribus impar, neque vlli (arbitror) præter ipsum Deum satis cognita. Illorum verò conatum quis non laudet, & suspiciat? qui non solum aggressi sunt, sed per numerorum etiam scientiam, pro hominum captu assequuti sunt multa. Mihi nunc non est animus, totam hanc Philosophandi rationem persequi; quia neque id pro dignitate efficere possem, neque si possem, ad meum institutum est admodum ex usu. Sed id solum indicabo, quod propositum est. Omnia secundum certam rationem, & proportionem esse facta, & primam omnium mensurarum esse numerum, deinde & earum rationem rectè transferri ad insensibilia, & totam rerum naturam factam esse ad numerum, atque exempli gratia adiiciam de numeris, quæ necesse erit, non quasi omnium numerorum naturam persequar, sed vt viam à longè indicem, cui Pythagorici institerunt, mirabilem quidem illam, & verissimam, neque vlla in parte Philosophiæ Aristotelicæ, quæ meritò nunc omnium maximè probatur repugnantem, quod vbi factum fuerit, grauitas sententiæ verborum quæ præscripsimus, & aliorum quæ sparsim in libris sacris scripta sunt, elucescet. Deum quidem omnia fecisse secundum certam rationem, & proportionem, facile suaderi potest, consideranti Deum omnia opera artificialia, quæ fieri iussit, ad normam certam mensuramque ab ipsomet traditam, fieri iussisse. Quare qui in artificialibus, certam commensurationem, adedò amauit eam in naturalibus, cuius ipsemet per sese est effector, non despexerit. Sed quæ sunt artificialia, quæ nos in cognitionem structuræ rerum naturalium, velut manu ducunt? Iussit Noë vt ædificaret Arcam. An qualis & quanta illi videretur? non sanè. Sed, *trecentorum (inquit) cubitorum erit longitudo arca, quinquaginta cubitorum latitudo, & triginta cubitorum altitudo illius, fenestram facies in arca, & in cubito consummabis eam*

Pythago-
ricorū di-
gnitatem
examea.

summitatem illius. Exodi 25. dicitur monstrasse Deus exemplar, secundum quod faceret tabernaculum, & omnia ad illud spectantia. Omnium verò eorum definiuit ipsemet Deus magnitudinem, numerum, & pondus. Arcam testamenti habere iussit Arce testamenti structura. longitudinis duos cubitos cum dimidio, latitudinis & altitudinis cubitum cum dimidio, mensam panum propositionis, longitudinis duos cubitos, latitudinis cubitum, altitudinis cubitum cum dimidio: candelabrum septem calamos procedentes ex hastili vno, & singulos calamos ternas spherulas, ternos scyphos, & terna lilia: altare quinque cubitos longitudinis, totidem latitudinis, & tres altitudinis, atrium longitudinis cubitos centum, latitudinis quinquaginta, altitudinis quinque. Mitto innumera ad horum ornamentum, & sacra destinata, quæ omnia certis numero, & mensura, iussit Deus fieri. Iam verò structuram templi, quod ædificauit Salomon, longum esset recensere. Licet legere 3, lib. Regum cap. 6. In explicandis harum structurarum, & numerorum ad equos factæ sunt Sacramentis, multi fœliciter laborauerunt, mea nunc non referret, nisi solum animaduertere, omnes has ad certum numerum & mensuram esse factas, vt constet multò magis, in magni huius templi, quem mundum dicimus, structura, certam rationem seruata esse, quam tamen ad amissim tenet solus ipse architectus. Conferri quidem res corporales aliæ cum aliis secundum plus, aut minùs, aut æquale, nō possunt aliter, quàm numero, pondere, aut mensura: numero quidem vt denario, aut centenario: pondere vt libra, aut vncia: mensura vt cubito, aut palmo. Porro mensura duplex est: altera enim constar extensione, vt vlna, aut digitus: altera capacitare, vt congius, vna modius, & semodius. Secundum omnes has mensuras, seruata est ratio quædam in mundi structura. Nam est certus numerus partium omnium. Primùm quidem maximarum ternarius: regio enim ima corporum mobilium & corruptibilium: & media mobilium sine corruptione: & suprema incorruptibilium & immobilium, quæ sedes est beatorum, & cœlum cœli. In prima est quaternarius elementorum. In secunda, septenarius orbium errantium stellarum, & denarius omnium. In suprema verisimile est esse vanitatem, siquidem principium est omnium corporum, & sedes destinata ei quod verè est vnum. Iam verò mensura est quædam certa partium singularum, & aliarum ad alias proportio quædam. Decuplo maius esse censent Philosophi elementum quodcunque continens, eo quod continetur: velut aquam terra, & aërem aqua, & aëre ignem. Iam verò quod ad Mensura quid. cœle

cœlestium orbium mensuram attinet, censet Plato, primum orbem æqualis crassitie, seu altitudinis esse, cum eo spatio inani quod est inter terram & cœlum: secundum orbem duplo crassiolem primo, siquidem æqualem cum toto spatio aëris & primi cœli: tertium orbem esse quadruplo crassiolem secundo, quia duplum totius spatij aëris, & duorum orbium: quartum ad tertium habere proportionem quadruplam sequi alteram, vt 36. ad 8. quintum orbem ad quartum habere proportionem decuplam sesquionam, vt 384. ad 36. sextum ad quintum proportionē nonam, vt 3456. ad 384. septimum ad sextum trigessimā primā super partientē medietatē, vt 108864. ad 3456. iam, verò & sphæræ solidæ, quæ intra dictos orbis continentur, pro-

De magnitudine
terræ &
astroꝝ.

portione quadam constāt magnitudinum. Dicunt enim maximas fixarum stellarum centies & septies continere terræ molem: Iouem nonagesies & quinquies. Saturnum nonagesies & semel. Martem terræ esse maiorem sesquialtera tantum proportionē. Solem verò maiorem terræ centies sexagesiessexies. Venerem verò esse partem vigesimam terræ. Mercurium quoque minorem esse Luna, & hanc triplo minorem terræ: terram autem totam (cum qua & aquam intelligo, quia vnicum constant globum) esse 252000. stadiorum, quæ constant septem millia leucarum Hispanarum. Hac verò magnitudine, neque maiori, neque minori constituisse terram, non casu, sed summa Dei sapientia, constat ex illis verbis cap. 38. Iob, quibus istum Deus ita affatur: *Vbi eras quando penebam fundamenta terræ? indica mihi si habes intelligentiam, quis posuit mensuras eius si nosti?* Ponderis quoque habita est ratio in mundi structura. Ita enim terræ centrum ad centrum mundi apratum est, vt non possit eius globus in hanc aut illam partem inclinare, sed firmata quiescat, aquæ verò partes terræ partibus interiectæ, ita vt non possint seorsum abire, sed omnibus fontibus, qui velut ex venis quibusdam erumpunt, pondere latis ad æqualitatem, vnicam cum terra reddāt superficiem: quod dicitur illis Sapientiæ verbis: *Quando librabat fontes aquarum.* Itaque mensura & numero & pondere disposita sunt omnia. Cum verò sint hæ tres mensuræ, quæ scilicet peculiariter vocatur mensura, estque quantitatis continuæ, & numerus, qui per se est quantitatis deiunctæ, & pondus, quod est substantiæ corporeæ & crassæ: videtur ex rei natura, mensura prima esse videri: prior quidem pondere, quia magnitudo potest esse sine pondere, & in tenuibus elementis & cœli corpore, pondus, tamen non potest esse sine magnitudine: numero verò, quia numerus fit diuisione continui, quare continua quātitas, prior esse

Tria men-
suræ ge-
nera.

esse videtur quàm deiuncta, ac proinde & mensura, quàm numerus. At verò si quis exactè consideret, videat rem non ita se habere, quin potius numerum priorem esse omni mensura. Nam diuisione fieri ex vno corpore multa, & quod actu erat vnum, & potentia multa, fieri actu multa, verissimum est. At verò non proinde verum est, numerum omnem fieri continui diuisione: nam Angelorum numerus sine vlla magnitudine constitit. Nihil ergo minus est in ratione numeri, quàm fieri ex continui diuisione, sed euenit aliquando, neque id quidem secundum rationem & formam numeri, sed secundum materiam. Si enim tripedale erat corpus, quod in tria pedalia diuisum est, habebat etiam antequam diuideretur, ternarium: alioqui non fuisset tripedale. Nam quid aliud est esse tripedale, quàm habere tres pedalitates, & duodecim palmos, & quadraginta octo digitos, & centum nonaginta duo grana? Tot igitur habebat id corpus partes, non quidem separatas, cum nondum esset diuisum, sed coniunctas. Tamen nihil obstat coniunctas esse, quominus sint tres pedalitates, alioqui neque proportionem habet vllam corpus ad corpus. Cur enim tripedale ad bipedale proportionem habet sesquialteram, nisi quia hoc duas, illud tres pedalitates habet? Si autem neq; illud tres, neque hoc habet duas, quia separatas non habent, sit vt neque proportionem habeant ad se vllam: habent verò; ergo & numerum. Itaque indicatum est, quæcumque ad sese proportionem habent vllam constare certis numeris. Habent autem aliquam magnitudinem omnes, siquidem nulla est infinita. Ergo nulla magnitudo esse potest sine numero est, verò numerus sine magnitudine, vt indicatum est; igitur numerus prior est quàm magnitudo, quare & quàm mensura: est verò mensura prior quàm pondus, quia mensura est magnitudinis, crassitie. Magnitudo verò prior est crassitie, cum crassities non insit nisi quantis. Igitur numerus prior est omni alia mensura, atque omnis proportio nascitur ex numero. Neque id solum spectatur in corpore quanto, sed & in aliis omnibus quantis, vt in motu, & voce, & aspectabilibus figuris. Nam cantat hic ad characteres quos intueretur in charta, ille saltat ad cantum. quod fieri non posset, nisi singula haberent proportionem quasdam, & omnia ad se mutuo proportionalitates quas vocant, hoc est, similitudines proportionum. Ergo sunt & in ipsis figuris, & motu saltantibus, & in canentium vocibus numeri ac proportionem. Neque in his solum, quæ etsi non omnia eodem modo, quanta tamen sunt, sed & in qualibus quæcumque secundum magis & minus dicuntur, est numerus. Nam & calidum & album est aliud

Numerus
omnium
prima
mensura

De nume-
ro in re-
bus.

aliud alio duplo magis tale, & quadruplo: in ratione verò dupli, tripli, & quadrupli, sunt duo, tria, & quatuor. Nam ne definiri quidem sine his possunt. Sed hæcenus indicauimus, numerum intrinsecum esse rebus omnibus secundum partes magnitudinis, aut intensiōis, secundum, id inquam, quo, tanto aut tanto maius aut minus, magis aut minus, tale dicitur quidpiam. Est autem etiam secundum partes essentiæ numerus in rebus. Quod in accidentibus primum, deinde & in ipsis substantiarum formis, tentandum est indicare; in transeuntibus quidem ex ipsis definitionibus, cum tempus, teste Arist. sit numerus qui numeratur in motu: motus verò numerus, quo numeratur tempus. Secundum Platonem verò, tempus est æternitatis in vnitate manentis imago in numero fluens. Sed & immanentes constare numeris facillè intelliges. Figuræ quidem omnes habent essentiam in numeris: nam planæ in vnitate aut multitudine linearum, solidæ superficierum, vt circulus in vnitate lineæ: sphaera in vnitate superficierum: triangulus in ternario linearum; cubus in senario superficierum. Ita & aliæ omnes. Ipsa verò linea in vnitate dimensionis, superficies in binario, corpus in ternario. Sed & relationes eorum, quæ dicuntur ad aliquid, habent in numero, aut vnitate essentiam, quia secundum similitudinem aliquam aut dissimilitudinem referuntur. Similitudo verò vnitas quædam est rationis alicuius, dissimilitudo pluralitas. Ipsæ quoque patibiles qualitates, variis essentiis ad numerum quendam conflatis constant: seu potius in numero quodam formarum vnā in conspirantium habent propriam essentiam, quod ex definitionibus colorum apud Platonem facillè intelliges: *Splendidum (inquit) albumque rubeo mixtum flauum procreat. Rubeum cum albo nigroque, purpureum generat. Fuluum flauī fuscique temperatione producitur, fuscum verò albi & nigri confusione. Pallorem albi flauique copula generat. Caruleū cum albo, glaucum. Fului nigrique temperie color viridis nascitur.* Hæc Plato. Vnde constat, singulas colorum species in copula quarundam essentiarum, ad proportionem quandam, & certos numeros, habere essentiam. Constat enim non solum fieri colores quosdam ex quibusdam, sed cum certa quadam proportionē. Non enim si albi duplum cum vna nigri proportionē misceas, idem extat color atque si contra apponas nigri duplum. Nimirum sola proportionis euariatio mutat essentiam: velut compositorum medicamentorum vires, & naturam mutatio proportionis simplicium, manentibus eisdem. Constant verò, vt mixta corpora corporibus ad numerum coeuntibus, ita essentiæ essentiis, vt colorum exemplo

Mistio co-
lorum.

indica

indicatum est : constatque omnium essentia certa mensura & numero, (indicatum enim antea est non posse esse mensuram sine numero,) etiamsi nobis nota esse non possit singulorum mensura: proinde dixit ibidem Plato: *Quo autem mensura modo singula singulis misceantur, etiamsi quis nouerit, narrare prudentis non est, praesertim cum neque necessariam neque verisimilem de his rationem asserere ullo modo possit.* His verbis significat, etiamsi nos cum numerum definitè nesciamus in singulis, omnia tamen facta esse ex rebus ad numerum quendam compositis, ut corporea ex corporibus, ita essentias ex essentiis, atqui ipsa compositio corporum, utpote apertior, manu ductio est ad formarum compositionem. Cum enim pictores, commixtis certa quadam proportionem liquoribus fuluo & nigro viridem reddant, constat verum virorem fuluitie nigritique ad numerum aptatis constare (dicitur corporum compositio Physica, formarum Metaphysica;) simplices verò omninò, siue res, siue formæ corporeæ nullæ sunt seorsum, sed in ipsis compositis, ut unitates in numeris. Producentes autem ampliùs hanc ratiocinationem, facillè intelligimus, non solum accidentium formas, sed substantiarum etiam essentias, ita constare: siquidem aliæ alias, ut numeri numeros continent. Scitè enim illud dictum ab Aristotele est, vegetatiuum in sensitiuo esse, ut trigonum in terragono, scilicet ut ternarium in quaternario (nam figurarum differentias numeros esse, antea est indicatum;) ut verò hæc, ita alia omnia ad substantiarum formas spectantia, habent. Nimirum essentielles vocatæ perfectiones, sunt in aliis plures, in aliis pauciores, ut unitates in numeris, & ab eminentioribus inferiores continentur, ut numeraria numeris. Iam verò & in rerum principiis primis, est ratio numeri. Nam forma unitas est, materia pluralitas, quia forma per se omnia quibus inest facit vnum; materia plura, cum participatione speciei omnes homines sint vnus homo, ob materiam verò vnum hoc animal adedò multiplicetur. Indicatum ergo videtur satis, omnia corpora, ac corporales affectiones, & formas, ac eorum principia, fecisse Deum ad numerum, atque ei omnibus esse numerum natura intimum. Quod si ita est, haud dubiè multò verius id dicatur de incorporeis substantiis, quandoquidem perfectiori quadam, & eminentiori participant natura, ac proinde pulchriores sint, & magis concinnæ, fuerintque propriùs illæ factæ ad numerum, in quibus nulla alia mensura sit, cum neque magnitudinem vllam habeant, neque pondus: illarum ergo priùs ac propriùs est numerus, quàm corporearum. Quoniam verò in tota rerù vniuersitate,

Numerus
in primis
princi-
piis.

De nume-
ro in re-
bus.

aliud alio duplo magis tale, & quadruplo: in ratione verò dupli, tripli, & quadrupli, sunt duo, tria, & quatuor. Nam ne definiri quidem sine his possunt. Sed hæcenus indicauimus, numerum intrinsecum esse rebus omnibus secundum partes magnitudinis, aut intensiōis, secundum, id inquam, quo, tanto aut tanto maius aut minus, magis aut minus, tale dicitur quidpiam. Est autem etiam secundum partes essentiæ numerus in rebus. Quod in accidentibus primum, deinde & in ipsis substantiarum formis, tentandum est indicare; in transeuntibus quidem ex ipsis definitionibus, cum tempus, teste Arist. sit numerus qui numeratur in motu: motus verò numerus, quo numeratur tempus. Secundum Platonem verò, tempus est æternitatis in vnitate manentis imago in numero fluens. Sed & immanentes constare numeris faciliè intelliges. Figuræ quidem omnes habent essentiam in numeris: nam planæ in vnitate aut multitudine linearum, solidæ superficieum, vt circulus in vnitate lineæ: sphaera in vnitate superficiei: triangulus in ternario linearum; cubus in senario superficieum. Ita & aliæ omnes. Ipsa verò linea in vnitate dimensiōis, superficies in binario, corpus in ternario. Sed & relationes eorum, quæ dicuntur ad aliquid, habent in numero, aut vnitate essentiam, quia secundum similitudinem aliquam aut dissimilitudinem referuntur. Similitudo verò vnitas quædam est rationis alicuius, dissimilitudo pluralitas. Ipsæ quoque patibiles qualitates, variis essentiis ad numerum quendam conflatis constant: seu potius in numero quodam formarum vnâ in conspirantium habent propriam essentiam, quod ex definitionibus colorum apud Platonem faciliè intelliges: *Splendidum* (inquit) *albumque rubeo mistum flauum procreat. Rubeum cum albo nigroque, purpureum generat. Fuluum flauis fuscique temperatione producitur, fuscum verò albi & nigri confusione. Pallorem albi flauique copula generat. Ceruleum cum albo, glaucum. Fului nigrique temperie color viridis nascitur.* Hæc Plato. Vnde constat, singulas colorum species in copula quarundam essentialium, ad proportionem quandam, & certos numeros, habere essentiam. Constat enim non solum fieri colores quosdam ex quibusdam, sed cum certa quadam proportionem. Non enim si albi duplum cum vna nigri proportionem misceas, idem extat color atque si contra apponas nigri duplum. Nimirum sola proportionis euariatio mutat essentiam: velut compositorum medicamentorum vires, & naturam mutatio proportionis simplicium, manentibus eisdem. Constant verò, vt mixta corpora corporibus ad numerum coeuntibus, ita essentiæ essentiis, vt colorum exemplo

Mistio co-
lorum.

indica

indicatum est: constatque omnium essentia certa mensura & numero, (indicatum enim antea est non posse esse mensuram sine numero,) etiamsi nobis nota esse non possit singulorum mensura: proinde dixit ibidem Plato: *Quo autem mensura modo singula singulis misceantur, etiamsi quis nouerit, narrare prudentis non est, praesertim cum neque necessariam neque verisimilem de his rationem asserre villo modo possit.* His verbis significat, etiamsi nos cum numerum definitè nesciamus in singulis, omnia tamen facta esse ex rebus ad numerum quendam compositis, ut corporea ex corporibus, ita essentias ex essentiis, atqui ipsa compositio corporum, utpote apertior, manu ductio est ad formarum compositionem. Cum enim pictores, commixtis certa quadam proportionem liquoribus fuluo & nigro viridem reddant, constat verum virorem fuluitie nigrisque ad numerum aptatis constare (dicitur corporum compositio Physica, formarum Metaphysica;) simplices verò omnino, siue res, siue formæ corporeæ nullæ sunt seorsum, sed in ipsis compositis, ut unitates in numeris. Producentes autem amplius hanc ratiocinationem, facile intelligimus, non solum accidentium formas, sed substantiarum etiam essentias, ita constare: siquidem aliæ alias, ut numeri numeros continent. Scitè enim illud dictum ab Aristotele est, vegetatiuum in sensitivo esse, ut trigonum in terragono, scilicet ut ternarium in quaternario (nam figurarum differentias numeros esse, antea est indicatum;) ut verò hæc, ita alia omnia ad substantiarum formas spectantia, habent. Nimirum essentielles vocatæ perfectiones, sunt in aliis plures, in aliis pauciores, ut unitates in numeris, & ab eminentioribus inferiores continentur, ut numeraria numeris. Iam verò & in rerum principiis primis, est ratio numeri. Nam forma unitas est, materia pluralitas, quia forma per se omnia quibus inest facit vnum; materia plura, cum participatione speciei omnes homines sint vnus homo, ob materiam verò vnum hoc animal adedò multiplicetur. Indicatum ergo videtur satis, omnia corpora, ac corporales affectiones, & formas, ac eorum principia, fecisse Deum ad numerum, atque ei omnibus esse numerum natura intimum. Quod si ita est, haud dubiè multò verius id dicatur de incorporeis substantiis, quandoquidem perfectiori quadam, & eminentiori participant natura, ac proinde pulchriores sint, & magis concinnæ, fuerintque proprius illæ factæ ad numerum, in quibus nulla alia mensura sit, cum neque magnitudinem vllam habeant, neque pondus: illarum ergo prius ac proprius est numerus, quam corporearum. Quoniam verò in tota rerum vniuersitate,

Numerus
in primis
princi-
piis.

Cœlorum
numerus.

singula facta sunt ad numerum, & omnia ad quandam concentum, & harmoniam. respondent spiritualia corporalibus, atque ut hi cœli aspectabiles nouem sunt qui circulo voluuntur, ita inuisibilia & mobilia per accidens, qui etiam in sacrosanctis interpretibus vocantur cœli, sunt nouem ordines, atque ut supra nouem orbis mobiles est alius immobilis, quem dicimus esse sedem beatorum, ita supra omnia inuisibilia, est illud vnum, primum ac optimum nulla ratione mutabile. Aristoteli quidem consentaneum videtur motibus cœlorum substantias illas incorporeas, ac per se immobiles præficere, non verò eas esse putat supra numerum eorum, sed singulis aptas singulas: mihi verò videtur plurimum detrahi gloriæ & splendori rerum omnium domini, per tantam ministrorum penuriam. Quapropter non nouem solum substantias, sed nouem earum ordines esse censeo. Non quidem ita, ut nouem sint species, & magna multitudo singulariū. Cum enim magnitudine careant, quam diximus esse principium indiuiduæ multitudinis, non possunt esse multæ perfectione pares, sed inæquales omnes, ut numeri. Itaque ut quouis numerus ab alio quouis specie differt, ita quouis incorporea substantia ab alia quacunque. Nihil tamen prohibet esse nouem ordines velut nouem genera. Nam tamen si singularia ponere ratio prohibet, quia in magnitudine non est earum forma, ut corporearum, tamen species & genera nihil vetat, cum habeant etiam suam compositionem essentialem, atque (ut inquit Plato) ex quibusdam essentiis colligatæ sint, ab eodem à quo sunt colligatæ dissolubiles, alioqui esset earum substantia penitus simplex, quod nisi primæ non euenit. Itaque sunt illæ substantiæ compactæ ex essentiis, quas nouit is qui compegit, non tamē coe-runt temerè, & vtcunque, sed ad numerum, pro singularum perfectione. Si enim certam seruata esse rationem, & proportionem in vilissima etiam rerum constitutione indicatum est, quo pacto illæ præstantissimæ & pulcherrimæ ea caruerint? itaque omnia & visibilia & inuisibilia, facta sunt ad numerum. Quod si ita est, cum non ea fecerit Deus, & aliquatunc cum faceret meditando excogitauerit, sed ad æternum exemplar quod apud se habebat, quod est eius verbum, constat in ipso omnium parente Deo esse vnitatem & numerū. Si enim omnia ad numerum facta sunt, apud Deū erat numerus. Quod si numerus & vnitās (vntas enim est principium numeri, igitur in Deo primum quidem vntas erat) deinde & infinita illa fecunditas per quam ex nihilo fecit tam multa. Quoniam verò ea erat initium producendæ multitudinis, rectè vocetur dualitas.

Numerus
apud
Deum.

dualitas, accedente verò vnitatem ad dualitatem, velut vtriusque copula, necessariò esset ternarius. Nemo autem, arbitrator, intelliget, ita à me dici esse in Deo vnitatem, aut dualitatem, aut ternarium, quasi accidentia quædam, cum in primo non possit esse accidens, neq; esse tria, quasi diuersis prædita naturis, quia quod primum, necessariò est vnum. Necesse est ergo illis tribus vnitatem accidere, vnde sit quaternarius, qui continet omnes numeros. Frat igitur in æterno exemplari omnis numerus, ad quem facta sunt omnia. Philosophi, qui ob amorem sapientiæ nomen id consequuti sunt, rerum omnium naturam & essentiam, pro sua virili conati sunt agnoscere exactissimè; cum verò id nulli hominum contingere possit, dum huius corporis vtitur ministerio, & horum sensuum, qui nihil agnoscunt præter accidentia, quasi substantiarum vmbra, per quasdam rerum analogias, seu similitudines, conati sunt prope veritatem accedere quasi circum circa versantes. Velut Pythagoras, ea omnia quæ de numeris diximus, atque alia multa, vt erat perspicacissimus contemplatus, omnium rerum causas & naturalium problematû solutiones redegit in rationes, primum quidem Geometricas, deinde Arithmeticas. Nimirum intelligens, quandoquidem omnia certa mensura, & numero facta sunt, suo quodque genere pulcherrima necesse esse, vt omnium harmonia quædam & concentus, atque Physica respondeant Geometricis, & hæc Arithmeticis. Atque quoniam, vt indicatum est, numerus est omnium prima mensura, sint Arithmetice rationes quasi omnium prima principia. Plato hanc ipsam rerum concinnitatem admiratus est, numerorum naturas suspiciens, nihilominus intelligens (arbitror) numeros aliquarum rerum esse numeros, vt denarius ouium, boum, & caprarum; ac proinde oportere vt in ipsis rebus aliquæ naturæ sint subiectæ numeris, quæ ipsæ analogam aliquam cum numeris habeant rationem, quam numerorum (alioqui non differret septenarius Vergiliarum & Planetarum, non enim qua numerus, cum idem sit) vtrunque rationem philosophandi coniunxit, & eam quæ ad numerorum perfectiones omnium causas redigit, & eam quæ considerat Physica principia. Simul enim mundi omnes partes numeris adptauit, & de forma atque materia, motu & tempore, & elementorum qualitatibus disputauit, modumque agendi & patiendi, per quem rerum mutationes, ortusque & interitus, cum violenti, tum etiam naturales contingunt, persequutus est. Quod quia non fecerunt Pythagorici, sed solis definitionibus per numeros latis contenti sunt, simplicitatis notatur ab Aristotele Metaphysico-

Philosophorum de numero confideratio.

Tria rectè
principia.

rum capite quinto Ipse verò Aristot. numerorum magna ex parte deposita cura, & sensibilibus magis considerationi sermonem accommodans, corporearum substantiarum principia per analogiam cum rebus artificialibus interpretatus est, & elementorum & rerum compositarum virtutes, non aliter quam per ipsas actiones, in his diiudicandis fidem sensibus non derogans Nimirum, ut videmus, quæcunque res arte fiat, ut arca, mensa aut lectus, fieri materia aliqua formam aliquam recipiente, & quæcunque formam cum alia communi; ita ut quicquid sit hoc aut tale, ex non hoc, aut non tali fiat, velut mensa ex ligno quod non erat mensa, sed arca, aut aliud quidvis: ita (inquit) censendum est in naturalibus, ponendumque necessariò, tria esse rei cuiusque principia, formam, materiam, & privationem. Et ut arca sit ex ligno per hanc formam seu figuram, à fabro lignario ad prandendum, ita rerum quoque naturalium quadruplices esse causas: fieri enim quidvis ab aliquo, ex aliquo, per ipsam formam, alicuius boni gratia. Siquidem nihil frustra: effectrices verò causas commutationem naturalium esse virtutes elementorum, calorem scilicet, frigus humorem, & siccitatem, quas non, ut Plato, per figuras corpusculorum, ex quibus elementa sint coagmenta, exponere studet, sed per sensibiles passionem, ut quod fendit & liquat, calidum, quod cogit & densat, frigidum quod emollit, humidum, quod indurat, siccum. Non tamē quia Philosophorum principes, diuersis ad eò viis instituerunt, necesse sit eorum aliquem aliquòve deerrasse, aut contraria repugnantia vè dogmata tradidisse, quin potius respicientes ad diuersa, diuersis viis ad eandem veritatem iter fecisse, ut is eius plurimum videatur esse consequitur, qui ea dogmata rectè coniunxerit. Quod vno aut altero exemplo præstiterit indicare, ut videntes consonare ea, ut verum vero: atque effectis Arithmeticas, Geometricas, & Physicas causas rectè quadrare, aliquid degustemus illius concentus, & harmoniæ ac pulchritudinis quam diximus, intelligamúsque verissimum dictum esse illud Sapientiæ, *Omnia in mensura, & numero & pondere dispositi* Dubitatur de numero elementorum, curque ea quatuor sint. Respondet Aristot. quia sunt quatuor qualitates actiue, per quas aguntur omnes ortus & interitus, aut igitur singulis elementis dabuntur singulæ, atque ita erunt elementa quatuor: aut binæ (ternæ enim non possunt, quia inerunt contraria) & cum ex quatuor qualitatibus habentibus duas contrarietates, quatuor solum possint constitui coniugia qualitarum non contrariarum, ita quoque erunt

Cur sint
quatuor
elementa.

quatuor,

quatuor. Plato respondet, quia cum mundum oportet habere non latitudinem solum, sed altitudinem quoque, & esse solidum, necesse fuit ipsa quoque elementa solida esse. Fecit ergo Deus duo solida supremum & infimum. Illa verò oportuit, quòd ex extremis fieret vnum, medio aliquo colligari. At verò solidis non est satis ad bonam coaptationem vnum medium, sed duobus indigent, contra ac latis, quibus sufficit medium vnicum. Velut in numeris, in quibus qui fiunt ductu solius vnitatis, vocantur lineares, quia vt linea fit solius puncti ductu, ita illi vnitatis, vt ternarius, & spetenarius. Qui fiunt bis replicato eodem numero dicuntur plani, nimirum vt platinities habent duas dimensiones, ita illi duo latera, vt quaternarius, qui fit ex bis duobus, & nouenarius ex ter tribus. Qui fiunt ter replicato eodem numero, dicuntur solidi, quia solidum in magnitudinibus fit ex tribus dimensionibus, vt octonarius fit ex bis duobus bis, & 27. fiunt ex ter tribus ter. Inter numeros ergo planos, est inuenire vnicum medium, qui secundum eandem proportionem illos colliget, hoc est, eadem proportionem superet minorem, qua superetur à maiori. Inter solidos verò id fieri non potest, per vnicum, potest tamen per duos medios. Vt inter quatuor & nouem, qui sunt primi plani, sunt sex, eadem existente proportionem à nouem ad sex, quæ à sex ad quatuor in 8. tamen & 27. qui sunt primi solidi, nullus talis est numerus, sunt autem duo 18 & 12. eadem enim est proportio à 27 & ad 18. & à 18. ad 12. & ab hoc ad 8. ita igitur, vt duæ solidæ magnitudines aptè colligarentur, opus fuit duobus mediis, vnde quatuor elementorum corpora consistere. Hæc Plato. In qua ratiocinatione vides rationem Physicam redigi ad Geometricam, & Geometricam ad Arithmeticam; quia elementorum substantiæ indicantur per magnitudines, & magnitudines per numeros. Constat verò, hanc rationem non eleuare illam Aristoteleam, neque ab ea eleuari. Simul enim consistunt, quia necesse est elementa, & alias omnes mundi partes præditas esse idoneis facultatibus, simulque idonea mensura magnitudinis, eamque proportionem, quæ in numeris habet essentiam, vt indicatū est antea, ad alia omnia habere, & eo esse numero, vt in omnibus sit, & secundum ipsas substantias & secundum propria accidentia, perfecta quædam pulchritudo, & ad numeros ac musicam harmoniam videantur esse facta. Quapropter necesse est, ipsas etiam rationes Philosophandi consonare, & eam quæ principiorum, & elementorum naturas considerat per se, & quæ magnitudinum proportionem & numerorum quasi concentus. Omnia

Planetae
cur sint
septem.

enim insunt. Atqui profectò vtram vtri præferas, haud facile sit dictu. Nam illa sensui magis se accommodat, ac propius accedit ad materiam, hæc verò diuinior est, haud dubiè, quia magis fert contemplationem diuini exemplaris. Et hoc etiam præstat, quod multorum reddit elegantissimas causas, quorum illa alia Philosophia ne tentet quidem dicere vlla, velut cur sint septem planetae, quid dicent qui non habent rationem numerorum? illi verò dicunt quaternarium corporibus ortum & interitum habentibus, atque genitis & generantibus: septenarium verò accommodatissimum numerum esse corporibus ingenerabilibus, neq; similia sibi generantibus, cuiusmodi sūt cœlestia. Quia quaternarius primus numerus est qui generetur ab alio, & alium generet, sit enim à duobus bis, & generat octo, acceptus bis. Septenarius solus est intra decem (hi autè sunt omnes numeri) qui neq; generantur ab alio, neq; aliū generant. Atqui quoniā linearis est, sitque ex vnitatibus illis, maximè congruit corporibus incorruptilibus, quæ singula sua quodque orbe vnum consistenter. Verùm exempli gratiā, hæc dixisse satis sit. licet cuius legere huiusmodi innumera quæ plurimum arrideant apud Platonem, & Philonem, & Diuum Augustinū, & inter iuniores apud Marsilium Ficinum, & Augustinū, Eugubinum, & Picum Mirandulæ, & innumeros alios, ex quibus perspicuè agnoscat mundi huius aspectabilis pulchritudinem, & numerum, eò quòd omnia facta sint ad mensurā, numerum, & pondus. Quamquā satis certò scio quòd exactè id agnoscat nemo, vsq; dum videat diuinū illud exemplar, cuius imitatione facta sunt omnia, & sine quo factum est nihil, quod factū est. Reliqua adiciamus. Non solum res omnes visibiles & inuisibiles fecit Deus certis mensura & numero, & pondere, sed & ipsa sæcula ita disposuit, atq; vt dicitur 4. Esdræ cap. 4. (quamquam is liber est apocryphus, neq; , quid in illo diceretur curarem, nisi hæc plurimum cum aliis scripturæ locis congruentē) *in statera ponderauit saculum, & mensura mensurauit tempus, & numero numerauit tempora.* Quod nihil aliud est, quàm vt totius mundi moles infinita non est, neq; ex infinitis, sed terra quædam. ex certis constituta numero, pondere & mensura, atq; singulas habet partes proportionem quadam constantes, ita neq; totius mundi decursum, & durationē, ex quo tempus simul cum motu cœli natū est, vsque dum eo cessante finiatur infinitū fore, sed certū quædam, cuius partes omnes, vt sæcula, generationes, annos, menses, dies, & horas, habet Deus in numero, factaque esse singula, foreque in posterum quæ supersunt,

Sæcula &
tempora
numerantur.

superfunt, suo quodque tempore. Ut hoc quoque sensu verissime dictum sit illud Salomonis, *Omnia tempus habent*. Ita sanè omnes insignes mutationes mundi, ut in primis illa humanæ creaturæ quasi renouatio per diluuium: initia imperiorum, & fines, rerum diuinarum, ac legum mutationes, certa quadam temporum mensura, ac numero distant, habentque tempora ad tempora proportionem quasdam, & in illis quoque seruatur ratio quædam harmonica numerorum. Quod cum sint plurima in sacra scriptura quæ indicent, nihil tamen ut illa Diuini Matthæi in Euangelio cura distribuendi per quatuor decem generationes omnes ab Abraham ad Iesum. Inquit enim, *omnes itaque generationes, ab Abraham usque ad Dauid, generationes quatuordecim: & à Dauid usque ad transmigrationem Babylonis, generationes quatuordecim: & à transmigratione Babylonis, usque ad Christum, generationes quatuordecim*. Quod certum est non temerè, ut neque aliud quidpiam ab Euangelista dictum esse, sed ut indicet tres mutationes insignes fuisse populi Dei; perque bis septem generationes accidisse. Nimirum ab Abraham cœpit separari à gentibus, gubernari per duces, & à Dauid cœpit regalis prosapia. In transmigratione finitum est regnum, cœpitque regi populus per sacerdotes. Si igitur non casu quodam & temerè ita euenit (neque enim animaduertisset Matthæus) ita sed Deo ita disponente, ut esset temporum ratio quædam & proportio, certè & ipsa sæcula certo quodam numero disposita sunt. Quod verò Matthæus ab Abraham usque ad Christum quadraginta & vnum tantum recensens, inter quatuordecim distribuit, cum tamen ter 14. conflēt 42. simile est cōputationi Medicorū, qui ex ter septem conflant viginti, quatuordecimo bis numerato, ut sine scilicet secundæ, & initio tertiæ septimanæ. Ita Iechonias in illa computatione, finis secundi seculi & initium tertij est. Neque sanè hoc ratione vacat. Nam Iosias non fuit pater Iechoniæ, sed auus, interfuit verò Ioachim, qui fuit partim Rex, partim priuatus. Pro hoc recensetur filius eius Iechonias, velut duplex persona Longè autem difficilior est, cur dicantur à Dauid usque ad Iechoniā fuisse quatuordecim generationes, cum fuerint reuera præter Reginam Athaliā, reges decem & septē, cum fuerint inter Iorā, Azariā seu Oziam, Ochozias, Ioas, & Amasias, quod reor quidem prætermisissos esse, quod nō compleuerint in pace dies suos, sed occisi sint gladio, velut in mediis generationibus intercepti. Reclamat verò Amō, qui tæcti annumeratus aliis, est occisus à seruis coniuratis in domo sua Ego enim, etsi quæ potui commentaria in eum locum vidi, & multum diūque cogitavi, non intelligo: quantum

Genealogia Christi.

autem intelligo minus, eò magis credo, & arcanam numerorum dignitatem magni facio, Deique Optimi Maximi in numero disponentis sæculo, suspicio sapientiam, & veneror. Non absimile est illud Danielis, cui tempus Christi Iesu, ab ædificatione secunda templi, significatum est per septuaginta septenarios, numeros quidem, si quis consideret rationes harmonicas, ambos insignes. Quandoquidem septimus censetur diuinissimus numerus, quia neque producit, neque producit, sed est vnicus per se ex vnitatibus, alioqui continens duos primos perfectos, ternarium, & quaternarium. Maxime verò est is numerus tempori numerando accommodatus, quia tempus quod vnà cum cælo natum est, vt inquit Plato, septem corporum Planetarum motibus numeratur primo. Septuaginta verò est septenarius denariorum, quare cum decem omnes numeri sint, septenarius, cuius vnitates sunt (vt ita dicatur) perfectæ totalitates. Iuxta eundem numerum destinati sunt Hebræi seruituti regum Babylonis, per septuaginta annos. Quibus exemplis, & innumeris aliis, quæ per totam scripturam sacram occurrunt, maxime in Daniele, & Esdra, quibus multæ temporum reuelationes factæ sunt, sed & in Apocalypsi Ioannis (si quis intelligat) apertè indicatur, quod verbis præscriptis dicitur, in statera ponderatum esse sæculum, & mensura mensurata tempora mundi. Itaque, vt mundi huius aspectabilis partes omnes, indicatum est proportionem quandam seruare inter sese, & consonantiam cum substantiis inuisibilibus, ita & cum toto mundi tempore, & eius partibus, si quis historię valde peritus & numerorum acriter consideret, concentum mirabilem inueniat, velut enim alterabilis partes mundi quatuor sunt, ita secularis potentię toto mundi decursu, sunt quatuor Monarchię, quas Daniel Prophetice descripsit. Prima Chaldæorum vsque ad Balthasar, secunda Medorum vsque ad Darium, quem expugnauit Alexander, à quo incēpit tertia Græcorum vsque ad Cæsares, à quibus incēpit quarta Romanorum, cuius imperium quia coaluit cum Ecclesia, durabit vsque ad finem temporis. Itaque constat tempus quatuor Monarchiis, vt mundus alterabilis quatuor elementis. Porro vt tota mundi moles triplici machina, corruptibilium, tantum mobilium, & penitus immobilium: ita & totum tempus tribus seculis, naturæ, legis, & gratiæ. Res verò diuina, velut cœlestium orbium lumina, septenariis computatur, vt exemplo generationis Iesu, & reuelationis factæ de eius aduentu indicatum est, & constare etiam potest per septem renouationes Diuinæ legis, & mandatorum Dei, quas recenset Esdras cap. 3. lib. 4.

primam

Monarchiz.

Septē di-
tine re-
nouatio-
nes.

primam in ipso Adam, secundam in Noë, post diluuium; tertiam temporibus Abraham, Isaac, & Iacob; quartam per Moysen data lege; quintam per Dauidem & Salomonem pro tabernaculo, ædificato templo; sextam in transmigratione Babylonis, renouatis omnibus, & reædificato templo, septimam eamque perfectam, & in secula seculorum duraturam, per Iesum Dominum. Quæ quidem septem mundi ætates sunt. Itaque ut mundus visibilis & inuisibilis factus est ad numerum, ita & eius duratio. Factaque sunt ea omnia ad normam quæ erat in exemplari, atque ut mundus factus per quosdam gradus fert in id quod æternum, ita tempus per quosdam cursus certos, labitur in æternitatem. Non autem solum mundi totius ætates, certo quodam numero sunt apud Deum computatæ, sed & singulorum hominum vita & ætates, ut ex iis quæ de climactericis annis scripsimus super cap. 6. Geneseos constare potest. Sed adhuc videntur verba illa Esdræ maiori indigere enarratione. Nam quomodo mensurètur & numerentur tempora, facile est intelligere. Siquidem mensurari potest tempus cum sit continuum & quantum; numerari verò cum sit numerus, qui numeratur in motu, ut per Solis circuitiones siue annuas, siue diurnas, & per circuitiones menstruas Lunæ, atque adeò per lineas quas percurrit gnomon in horologio, & eiusmodi alia: ponderari verò in statera quomodo possit? haud dubiè hoc per Metaphoram dici necesse est, cum tempus nullum habeat pondus, ut possit suspendi in statera, sed quid significet ea Metaphora, iam explico. Prima causa, qua hæc hoc, illa illo tempore fiant, est voluntas & præscientia Dei, qui ita mensura mensurauit, & numero numerauit tempora. Nimirum ut creationis, ita & durationis, & operationum rerum omnium, ac denique omnium quæ fiunt, Deus est prima causa, neque ipse ab ulla alia extra se mouetur, ut ita aut aliter velit, aut intelligat. Quod innuit Ioannes in Euangelio sæpe dicens, *factum est hoc, ut impleretur quod dictum est per Prophetam*. Quæ phrasis apertè indicat, non quia ita erat futurum, prædictum fuisse à Deo per Prophetam, sed ita esse factum, quia prædictum erat à Deo, & ut impleretur quod Deus prædixerat. Nimirum Deus est rerum omnium efficiens causa & finis. Omnia fiunt ab illo & propter illum, quia est α , & ω , hoc est, principium & finis. Siquidem omnia facit propter seipsum, ut dicitur 16. Prouerbiorum. Igitur quia Deus prædixit euenire, ut & impleatur, & glorificetur Deus, igitur eueniunt omnia eo tempore, quo destinata sunt à Deo, cum in principio numerauit tempora. Neque est qui ea tempora mutare possit, aut aliter dis-

Quomodo
tempus
ponderetur.

ponere, quàm à Deo disposita sunt. Quod innuunt verba illa Danielis cap. 7. vbi futuri tyranni super his verbis depingebatur. *Sermones cōtra excelsū loquetur, & sanctos Altissimi cōteret, & putabit quòd possit mutare tēpora.* His verbis significatur, frustra illum per superbiam putaturum, quod fieri nequit vt scilicet mutētur tempora. Hoc etiam innuunt illa Saluatoris verba, *Nondum venit hora mea, & illa, Hec est hora vestra, & potestas tenebrarum.* Nimirum cū Deus à principio numerauit omnia secula, omnes annos, dies omnes, & omnes horas, & temporum momēta, nihil geri potest, nisi tempore à Deo definito. Verū et si hoc ita sit, nō tamen ita disposuit Deus tempora, vt nulla alia causā sit, qua tunc fiant, quàm quòd ita ipse disposuerit: sed sunt etiam omnium quæ sunt aliæ causæ effectis proximæ. Velut temporibus Noë accidit diluuium, quia tunc corripit omnis caro viam suam. Temporibus Abrahæ combusta fuit Sodomā, quia eousque creuerat tunc eius absurditas, vt ne decem quidem in populosis vrbibus inuenti sint iusti. Tempore Iesu Nane, Deus Amorrhæos, & alias gentes deleuit, quia consummata tunc est iniquitas Amorrhæorum. Ciuitatem Sanctā Hierusalem deleuit Romanus exercitus, quia tunc desit esse eius populus, qui Christum negauerat. Postremò toti mundo finem imponet Deus, quia tunc erit impletus numerus iustorum. Igitur cū ita res se habeat, disposuit ita Deus omnia secula, vt in destinata tempora inciderent simul res gerendæ, & earum causæ, atque tanquam Deo, in balance ponderante mutationes rerum & causas, in idem tempus destinauit singula, in quod pondere causarum trahebantur: atque aptare causas effectis, eaque in tempora certa destinare, est in statera ponderare seculum. Quod quidem apertum fit ex c. 5. Danielis, vbi narratur, quā nocte interfectus est Balthasar Rex Chaldæorum, & regnum eius occupatum à Dario Medorum rege, visam illi esse manū scribentem in opposito pariete, *Mane, thecel, phares.* Quam scripturam Daniel sic est interpretatus. *Mane, numerauit Deus regnum tuum, & cōpleuit illud: thecel, appensus es in statera, inuentus es minus habens.* His duobus verbis continentur ferè omnia quæ diximus. Nam instabat finis regni Balthasar iuxta numerum annorum, quos Deus dederat regno illi; atque ad eò toti Monarchiæ Chaldæorum. Causa verò vt tunc finiretur fuit, quòd Balthasar cū appenderetur in statera, hoc est, eius merita & demerita velut in balance appenderentur, inuentus est habens minus meriti, quàm vt dignus posset esse diuturniori regno. Numero ergo, mensura & pondere disposuit

Sodomæ
interitus.

Hieroso-
lymorum
excidiū.

Monar-
chiæ trās-
mutatio.

fuit Deus illam translationem regni à Chaldaeis in Medos, ut & alias omnes rerum vicissitudines. Huic interpretationi consona est illa de Michaële concepta ab Ecclesia opinio (minimè quidem vana, ut quibusdā impiis videtur) quem depingunt altera manu ensē, altera habentem stateram Ensē quidem, ut indicetur cum fuisse principē militiæ Dei aduersus Satanam, quem & vicit, & cœlo deturbauit. Stateram verò, quia cū sit princeps populi Dei, ad eum præcipuè spectat fidelium animas Deo præsentare & earum merita, velut in statera appendere, iuxta id quod Balthasari denunciātū est. Diximus itaque ut Deus omnia in numero, pondere, & mensura disposuerit hac ratione mundum pulcherrimum efficiens, ac secundum harmonicas proportionēs constituens, & ipsa quoque mundi tēpora, ex quo cœpit moueri adhuc nascens, vsque dū moueri desinat, velut in statera ponderata esse, & numero numerata, & mensura mensurata: atque in hac quoque temporum dispositione habitam esse rationem numerorum & concinnæ proportionis quasi mutationibus ipsis seculorum cadentibus ad numerum. qua de re eius qui mouet mundum hunc, tanquam appositissimè citharam pulset, sapientia commendatur. Vnica videtur superesse dubitatio. Videtur enim fieri, ut necessariò eueniant omnia cū fiunt, siquidem mutari non possunt tempora: si autem omnia necessariò, nihil videtur fieri ex deliberatione. Certè hæc dubitatio non est propria huius loci, sed cōmunis omni doctrinæ de prædestinatione, neque aliter nobis hīc quam illic Theologis respondendum. Nimirum in sensu composito, omnia fieri necessariò cū fiunt: in sensu autem diuiso, ac simpliciter, posse tunc fieri aut non fieri, quæcumque pendent ex electione, quod (ut dicam apertius) nihil est aliud quàm futurum necessariò tunc, si Deus tunc fieri præsciuit: id verò fieri posse ut non fiat tunc: quòd si non fiat, neque Deus præsciuerit, velut fieri non potest, quin currat Petrus, si eum ego currere video; potest verò ille non currere, atque si non currit, neque ego viderim. At dices longè interest. Ego enim video currere, quia currit, at Deus non præuidit quia erat cursurus, sed hic potius currit, quia Deus præuidit, & voluit. Nam à Ioue principium, ita est profectò, sed hoc est immensæ indicibilisque sapientiæ Dei argumentum, ita rerum omnium causas disposuisse, & aliarum ex aliis ductum, quem Stoici vocabant Fatum, ut cū nulli liberæ causæ detrahat deliberandi, atque eligendi facultatem, omnia tamen sint futura, cū, & ut ille disposuit, quæ est altitudo diuitiarum, sapientiæ, & scientiæ Dei, cui honor & gloria in sæcula seculorum. Amen.

Michaëlis
Archageli
pictura.

Necessaria non
omnia.

CAPUT LXXI.

CAp. 27. Ecclesiastici: *Sensatus homo in sapientia manet sicut Sol, stultus sicut Luna mutatur.*

Lunaticorum consideratio. Hæc verba videntur innuere, insensatos & stultos, denique eos qui non sint sana mente, per vicissitudines, & mutationes Lunæ habere grauius, eosque proinde vocari lunaticos, quam sententiam iuuat, quod cap. 4. Matthæi legimus: *Obculerunt ei omnes male habentes, variis languoribus & tormentis comprehensos, & qui demonia in habebant, & lunaticos, & paralyticos, & rursus cap. 17. Domine miserere filio meo, quia lunaticus est, & malè patitur, nam sæpe cadit in ignem, & crebrò in aquam.* Ex his Euangelij verbis constat, haud dubiè epilepticos dici lunaticos. Constat quoque ex multis veterum locis, & ex communi hominum sententia lunaticos vocari maniacos Cuius tamen appellationis non omnes eandem rationem reddunt, sed genethliaci seu iudicarij, qui natiuitates obseruant, dicunt inde esse, quòd qui in interlunio nascuntur, aut luna malè collocata, sunt plerunque epileptici, alij censent, & furores & epilepsias mutationes accipere cum Luna, itaque increcente crescere, & decrecente minui. Alij verò dicunt non ob aliud appellari hos lunaticos, quàm quòd teneantur morbo cerebri, membri adeò humidi, Luna verò humiditatibus præest. Verùm si Luna humiditatibus præest, hac eadem causa augebit eas, & minuet, quare & morbos ipsos, quod si sit, quam potius ob causam appellentur lunatici, qui ita sunt effecti: augere verò Lunam humiditates, & veterum & recentium constat testimoniis. Nam Plinius cap. 41. lib. 2. ita inquit: *Iam quidem lunari potestate ostrearum, conchyliorumque, & concharum omnium corpora augeri, ac rursus minui.* Hoc quoque fatetur Aristot. 4. de Generatione animalium. Omnes etiam qui de agricultura scripsere, nullo excepto, decrecente Luna putari arbores iubent, quod tunc minus humiditate redundant, & ea ipsa causa, ligna eo tempore decisas minùs sentire cariem affirmant. Itaque communis omnium hominum sententia est (cui sine proteruiæ nota non possemus repugnare) cum Luna humorem omnem augeri & minui. Quod si ita est, cum dicti morbi ex humore pendeant, & alij plerique. non mirum si ij, & aliorum multi secundum Lunæ mutationes, ipsi quoque mutantur. Sed cur Luna humi-

ditates

Morbi secundum Lunæ mutationes.

ditates augeat, aut si non augeat, cur illi, aliique similes morbi mutantur cum Luna, nō omnes eodem modo dicunt. Quidam enim censent Lunæ naturā esse frigidam & humidam, vt Saturnum frigidum & siccum, vt & Martem calidum & siccum, ac Iouem calidum & humidum. Itaque Lunam, quia humida est, augere humiditatem, tuncque maximè cū est valentior, incrementem scilicet, Arist. Lunam calefacere & siccare censet, vt ipsum Solem, tantò autē minus, quantò percussum, quàm rectum lumen debilius esse par est. Augere verò Echinos & testacea in pleniluniis, quòd calore & lumine adiuta, foelicius nutriantur: humiditatem verò excrementitiam, in decremento & interlunio redundare magis ob defectum caloris, ac proinde muliebria decedentibus mensibus potius fieri. Vide caput quinquagesimum de partibus animalium quarti, & secundum quarti de Generatione animalium. Itaque videtur consequens, vt iuxta priorem sententiam, dicti morbi, crescente Luna crescant, iuxta posteriorem verò, decrescant. Alij autem quibus fortasse nihil horum placet, censet lunaticos solū fuisse, quod Dæmon premeret. Diabolum verò lunaria seruare tempora, vt creaturam infamet, in blasphemiam creatoris. Omnia quæ ad iudiciariam, seu Chaldaeorum vanitatem spectant, refutata mihi seorsum sunt in hoc ipso opere, præcipuè sacrorum authoritate. Quapropter licet tunc intacta, repellere quæcunque gentiliaci dicunt: neque minùs quæ de temperamentis Astrorum leuissimi homines effutiant, cū nulla confirmetur monstrazione. Certè Luna plena à vacua solo differt lumine. Nam cætera eadem habet. Id verò lumē est solare, à Sole enim accipit. Solem verò ipsum non aliter quàm lumine calefacere, indicatum mihi antea est. Lumine quidem non per se, sed ex accidenti, quòd scilicet luminis comes est ignis ob analogiam. Lumini ergo, præcipuè solari, etsi per accidens, semper tamen accedit vis calfaciendi. Quandoquidem verò per ignem qui se exhibet comitem, constat quòd & siccandi. Constat ergo haud dubiè, noctes plenilunij calidiores & sicciores esse quàm interlunij, atque adeò Lunam eadem præstare quæ Solem, etsi debilius, atque vt Sol per annum, ita Lunam per mensem suam ætatem facere & hyemem. quod Arist. affirmat 4. de Generatione animalium, cap. 2. quod idem euidenter confirmatur verbis illis Ps. 120. *Per diem Sol non vret te, neque Luna per noctem.* Vrit scilicet per noctem Luna, vt per diem Sol. Nimirum est Solis vicaria lumen ab illo accipiens, vt pro illo præsit nocti, vt ille diei. Luna ergo per lumen habet vim calfaciendi & siccandi, quare ea diminuta, aut omninò deficiente, metitò euenit augeri

Lunæ plenitudo.

Lunæ lumen.

augeri humiditates, defectu scilicet ignis. Cum tamen ita sit, nihil prohibet, ipsam etiam plenam humiditas passiones augere, non quod frigida & humida, ut vulgus putat, sed quod reflexio luminis tepidus sit calor. Talis enim solet humiditates plus fundere quam resolvere, atque ita augere, & mouere, ut tepidum balneum, & vernus calor fluxiones mouet. Hinc fit ut qui destillationibus sunt opportuni, sentiant se lædi à Luna, quod scilicet tepidus eius calor humores fundat. Læduntur verò minùs aliquando à Sole, quod hic calidior cum sit, non plus fundat quam absumat. Quod quidem Plinius cap. 9. lib. 2. explicuit, de Luna differens his verbis. *Ideo mollior & imperfecta vi soluere tantum humorem, atque etiam augere, quem Solis radij absumant.* Esse igitur morbos qui Luna crescente, aut decrecente augeantur, & eos qui ita laborent, vocari lunaticos, nihil habet rationi dissonum. idque siue dæmone exagitante fiat, siue aliter. Nam dæmones ipsi vtuntur ad torquēdos homines succis, eorundem obseruata natura, ut iam antea indicatum est. Porro tales præcipuè esse epilepsias, & insanias, rationi quoque est consonum, quia cerebrum est membrum redundans multa humiditate, quæ aut in plenilunio fundi, aut in interlunio augeri possit. Vtro verò potius Lunæ tempore patiantur lunatici, & an utroque, an alij in alio, res exigit ut explicemus.

Quo tempore Lunæ patiantur lunatici.

Quandoquidem duplex ratio est, quia Luna humiditates augere, constat, neque omnes, neque eosdem lædi utraque, sed quædam hac, quosdā illa. Nam qui utraque ratione æqualiter afficiuntur semper (quod ad Lunam attinet) æqualiter ægrotabunt, qui altera afficiuntur grauius, ad alterā videbuntur habere leuius. Quosdam autem hoc, quosdam illo tempore habere deterius, & melius consentaneum est. Nimirum quibus fusio humiditatis inexistens fiet maior quam accessio nouæ, lædentur plenilunio. quibus contrā gignetur potius noua. quam fundetur pristina, lædentur interlunio. Quæ autem erit utrorumque differentia, certè quæ humorum. Horū enim quidam sunt concreti, frigidi adeò, ut nisi magno calore, qualis Lunæ non est, non fundantur; frigore verò moderato maior, magnopere augeantur, huiusmodi sunt pituitosi & vitrei. Alij sunt calidi adeò, ut vel moderato calore fundantur. frigore verò nō augeantur, sed compescantur, & sedentur, huiusmodi sunt biliosi & exusti. Eos ergo qui huiusmodi succis abundant, verisimile est deterius habituros in plenilunio, qui verò illiusmodi, in interlunio. Ergo maniacis omnibus, & epilepticis ex atra bile, crescet malum cum ipsa Luna. Epilepticis verò ex pituita & crudis succis, decrescēte crescet, & vrgebit maximè in interlunio. Natos verò esse

esse homines in nouilunio aut plenilunio, meo iudicio, nihil refert. Refert fortasse potius, quo tempore vterque essent concepti. Sed pro aliis rebus, & aliis succis est distinctio alia; nimirum quidam succis sunt alimenta, quidam excrementa. Alimenta semper auget Lunæ lumen: moderatum enim calorem cum afferat rebus, nutritionem auget; quare & alimentis replet, excrementa verò non semper. Nam quæ per incoctionem generantur, decreſcente potius augentur. Hinc fit ut plantæ omnes, & natura illis proxima conchilia, crescant magis in plenilunio, & ea humiditate qua nutriuntur abundant: ac proinde periculosius putentur: menstrua verò, quæ magna ex parte sanguis crudior est, plerunque fiant circa interlunium. Neque tamen semper, ut enim de epilepticis dictum est, ita & in hac euacuatione eueniet. Atrabiliariis scilicet fœminis, & quibus atrabiliarius erit sanguis, aut valde biliosus, & si non ater, plenilunio potius irritabitur, & fluet: pituitosis verò & quibus crudior, in coniunctione seu interlunio. Omnium igitur quæ eueniunt dicta est causa, Lunæ nulla, neque frigida, neque humida, neque maligna facultate imputata, sed ea per lumen, quod à Sole accipit calfaciente atque etsi minùs, vrente tamen per noctem, ut per diem vrit Sol, dictumque qui & quotuplices sint lunatici, & quo tempore quique lædantur. Ad insanos ergo & lunaticos potest Ecclesiasticus alludere dicens, *stultus sicut Luna mutatur*. Quamquam alioqui Luna hieroglyphicè significat stultos, & inconstantes homines, ob assiduas mutationes.

Luna hieroglyphicè quid.

CAPUT LXXII.

Cap. 30. Ecclesiastici: *Multos occidit tristitia, & non est utilitas in illa. Zelus & iracundia minuunt dies, & ante tempus senectam adducet cogitatus.* cap. etiam 25. Prouerborum: *Sicut tinea vestimento, vermis ligno, ita tristitia viri nocet cordi.*

Medici in sex genera redigunt res omnes, quibus constat De diætâ victus, seu diætâ. Hæc sunt, cibus, & potus: motus, & quies, somnus, & vigilia: aër in quo viuimus: animi perturbationes, & quæ excernuntur, aut retinentur. In bona enim horum moderatione cōsistit tota victus salubriter instituēdi ratio. Vocant verò has res non naturales, quia neque naturales sunt & semper viles, neque præter naturam & semper noxiæ, sed eadem bonæ, & malæ pro vtendi modo. Itaque si quis illis rectè

rectè vtatur, vtiles fiunt, si malè, fiunt causæ morborum, atque etiam mortis. Sunt verò hæc quæ vocantur causæ externæ seu procatharticæ. Hæc igitur Ecclesiastici verba, quibus affectus animi moderatio consulitur, partim pertinent ad tractationem de causis morborum, partim ad tuendam valetudinem, priora illa, *Multos occidit tristitia, & non est utilitas in illa*, ad morborum causas: vituperatur enim tristitia, vt quæ morbos & mortem inferat: posteriora verò ad tuendâ valetudinem, quia vituperatur sollicitudo, vt quæ vitam contrahat, & canos ante tempus capillos afferat. Perpèdamus singula, & apponamus causas. Videtur tristitia penitus vituperari, quasi semper noxia, & in qua nulla vnquam sit utilitas, sæpe verò etiam occidat. Si autem hoc ita est, primùm quidem malè ponitur à Medicis in causis non naturalibus, sed potiùs in iis quæ præter naturâ ac semper noxiæ. Deinde gaudiû semper esset vtile, & quantumcumque. At verò non est: quin potiùs, vt Galenus docet primo de symptomatum causis, ex ingenti gaudio nonnulli pusillanimes perierunt, suntque multæ de ea re historię & antiquæ & recentes. Non igitur semper gaudium vtile est, quare neque tristitia semper noxia, sed est huius quoque, vt & aliorum animi motuum quædam moderatio salutaris. Atqui profectò ego ita censeo. Consultum enim fuisset mulieri, quæ viso filio quem mortuum crediderat, exanimata est, aduentum filij cum tristitia aliqua narratione prænuñciasse, vt scilicet, tristitia gaudium temperaret. Haud dubiè procuranda nonnunquam quædam tristitia est, non minùs quàm alij animi motus, velut certè & ira, quæ Hippocrate auctore consultò est in frigidis naturis & affectibus excitanda, augendi feruoris gratia; & gaudium, quod tam multis machinamentis melancholicis procuratur: & vt etiam timor, quem nonnulli in quibusdam passionibus incusserunt, & furentibus sæpe incutitur ad cohibendam iram, nihil enim iram æquè frangit ac timor. Non tamen proinde magna tristitia, quæque plus quàm profusi gaudij temperatio est, vnquam prodest. Quinimo talis semper nocet, & potest aliquando occidere. Non quidem repentè, vt timor & gaudium (author Galenus loco citato) sed paulatim, & multo tempore. Quia per gaudium affatim, & sine vllò fræno effunditur totum calidum, quare in pusillanimis totum exhalat. In timore magno affatim accurrens ad cor, suffocatur. Motus similis est tristitia timori, non tamen vehemens, vt ille, sed natura sua lentus: ac proinde paulatim facit vitalem calorem marcescere, & nutritionem partium minui, atque ira deducit ad tabem. Quod apertè significant illa verba Prouerb. 17. *Spiritus tristis exsiccat*

Causæ
proca-
tharticæ.

Tristitia.

Gaudio
mortui.

Morbi ex
tristitia.

exsiccat ossa. Itaque tristitia repente nullum fortasse occidit, ut & timor gaudium, lentè verò ac paulatim quamplurimos. Illa verba, *non est virtus in ea*, duplicem ferunt sensum, naturalem & moralem. Naturali quidem significant, tristitiam nihil conferre: nam neque ad pellendos morbos, neque ad tuendam valetudinem (id verò constat ex dictis, intelligi debere de magna tristitia, & quæ omnem excludit hilaritatem, morali verò, continent exhortationem quandam, ad pellendum ex animo tristitiam. Quasi dicatur, vita tristitiam, quia multos occidit, & nihil confert ad recuperandum id cuius gratiâ doles. Neque enim lachrymis defunctum vita maritum sulcabis, neque filium, neque amissam inuenies pecuniam, neque incendio consumptam reficies domum. Huc pertinent illa verba c. 8 ubi de lamentatione mortui agitur: *Ne dederis in tristitia cor tuum, sed repelle eam à te, & memento nouissimorum, & noli obituisce.* Neque enim est conuersio (à morte scilicet ad vitam) & huic nihil proderis (mortuo scilicet) & reipsum pessimabis. Hæc tenus de prima præscriptæ orationis parte. Altera, quam pertinere diximus ad tuendam valetudinem, vituperat zelum & iracundiam, & assiduum cogitatum quod minuant dies & ante tempus adducant senectam. Videntur autem mihi illa omnia Sollicitudo vitanda.

unico solitudinis nomine significari. Sollicitos enim esse dicimus eos, qui plus satis curant, quid agatur, quod futurum sit. Tales enim sunt zelatores, ac proinde iracundi, & cogitabundi. Quæ omnia excludunt ab animo hilaritatem. Quare si verè dictum est 17. cap. Prouerb. *Animus gaudens aiatem floridam facit*, meritò evenit, ut quæ gaudium excludit sollicitudo, afferrat intempestiuam senectutem. Verum autem illud esse constat, siquidem indicatum antea est spiritum tristem exsiccare ossa: exsiccat ergo & ea passio cuius tristitia comes est, putà sollicitudo & nimia cura: ut verò exsiccat, ita refrigerat, quia, ut antea diximus, siccatur imminuta nutritione. per vitalis caloris & spirituum consumptionem: refrigeratio verò naturalis cum siccitate ipsum est senium, unde efficitur, ut sollicitum esse, ac proinde iracundum, & cogitabundum adducat ante tempus senectutem. Neque res ulla experimento magis cognita est. Neque quidquam iis, qui priuatam agunt vitam consultius, quam nulla de re esse sollicitos, iis verò qui Reipub. tenent gubernacula, qui id non possunt, tamen interponere gaudia curis, & animum tantis solutum curis crebriò laxare, ac locum dare cibis & exercitationi, ne semper animo ad cogitationem translatum, corpus tabescat.

CAPVT LXXIII.

ECclesiastici c. 23. *Vigilia, & cholera, & tortura, viro infirmo: somnus sanitatis in homine parco. dormiet usque in mane, & anima illius cum ipso delectabitur. Et si coactus fueris in edendo multum, surge à medio, euome, & refrigerabit te, & non adduces corpori tuo infirmitatem. Audi me fili, & ne spernas me, & in nouissimo inuenies verba mea, in omnibus operibus tuis esto velox, omnis infirmitas non occurret tibi.* & rursum cap. 37. *In multis escis erit infirmitas, & auaritia appropinquabit usque ad choleram. Propter crapulam multi obierunt, qui autem abstinens est, adiiciet vitam.* Plurimum gloriatus est Hippocrates 1. libro de Dieta (si modò eius est is liber,) & initio libri de Ratione victus in acutis, se rationem victus instituendi inuenisse, quam antiquiores aut omninò non attigissent, aut tractassent neglegentius, quam tamen artis partem magnopere laudat & meritò quidem. Siquidem reliqua medicina, tam quæ pharmacis vititur, quàm quæ adhibet manuum operam (his enim tribus tota medicina continetur,) ad præsentem tantum, aut iam iam imminentes morbos est utilis, quæ verò victum instituit etiam ante omnem morbi suspicionem, ne vnquam fiant. Sed & ad multos morbos præsentem facit non minus victus, quam pharmaca, & Chirurgia, & ad quosdam multò plus, atque adeo ad nōnullos se la sufficit. cum ad nullos sit satis reliqua medicina sine vlla victus cura multis itaque rationibus præstat reliquis Medicinæ partibus, hæc cuius inuentione gloriatur Hippocrates, est profectò tanti momenti, vt ad animi æquè ac corporis medicinam spectet, nullus enim error in victu committitur, qui non æquè vtrunque partem hominis lædat. Ebrietas etiam vt caput grauatur, ita mentem lædit, cibi & potus ingestio nimia, vt replet succis corpus, ita facit hominem libidinosum. Otium facit corpus exclementosum, & animum mollem, ac desidem. Cibi abstinencia nimia extenuat ac debilitat corpora, animum facit meticulosum. Vini potus (cui aqua erat ex re, fluxiones multas ciet & iracundiam affert: potus aquæ (cui vino erat opus) cruditates facit, & tristitiam. Si igitur, vt ad tuendam corporis valetudinem humores oportet esse compositos, ita ad valecta linem animi affectus: & utrosque modo aliquo turbat quicumque error in victu. constat idoneam victus institutionem ad seruandum hominis valetudinem, corporis inquam, & animi esse necessariam. Cum præcipue non solum talis error

utrosque

Dietæ vitæ
Litas.

Ebrietatis
incom-
moda.

utrosque per se turber, sed & alterutros per alteros, utcumque enim turbentur succi, evenit turbari affectus, & utcumque turbentur affectus, humores quoque. Quapropter verissimè dictum est a Galeno, Medicinæ partem esse Philosophiam morum, non solum quæ ad Reipub. pertinet constitutionem, sed quæ singulorum motibus componendis se accommodat. Hæc enim affectus temperat, quæ vna quidem pars est (neque ea maxima) totius victus: cum hic, ut Medicis omnibus convenit, sex constet rebus, cibo & potu, motu & quiete, somno & vigilia, aëre, animi affectibus, & excretionem, aut retentionem quorundam. Haud dubiè igitur, ea Philosophia, quæ affectus temperat, Medicinæ pars est, non minùs quàm quæ modum ponit cibo & potui. Neque abs re Galenus, aut extrachorum saltans, scripsit, de cognoscendis, & curandis animi morbis, neque Plutarchus de sanitate tuenda, neque igitur sine causa in sacris, ac præcipuè in moralibus (cuiusmodi sunt liber hic Ecclesiastes, & omnes libri qui extant Salomonis, aut Salomoni attributi, præter Cantica) tam multa scripta sunt medicinalia, & ad victus institutionem pertinentia. Cum verò multa sint, præscripta oratio continet præcipua totius victus capita, & plurimum congruit cum Hippocratis præceptis. Nam tamen victus dictis sex constat rerum generibus. modus cibi, & exercitationis, primū ac summum rei caput est, & ad hæc referuntur alia omnia. Omnes enim morbi, teste Hippocrate, additione aut detractioe constant. Atqui præcipua additio & detractio, repletio & inanitio est. Repletionem facit cibus, inanitionem exercitatio. Constat verò quod repletionem naturæ est facere, inanitionem tollere, quod inanitionem facit, tollere repletionem. Cibus igitur & exercitatio non ut expedit susceper, morbos omnes nata sunt facere, & ut expedit, tollere. Reliquæ verò omnes causæ, his sese adiungunt socias, quia aut replent, aut inaniunt. Prinde maxima pars diæticiæ partis est, modum ponere cibo, & exercitationi. Modus autem quem ponit Ecclesiasticus est ne quis sit infrunitus, hoc est, intemperans in capessendo cibo, sed parcus: & ut in suscipiendis laboribus sit velox, quæ eadē sententia scripta est ab Hippocrate lib. 6. Epid. sectione quarta, his verbis: *Exercitatio sanitatis est, citra satietatem cibū capere, & impigrum esse ad labores.* Quæ assertio quàm sit eadem, quæ & Ecclesiastici, quivis vider. Parcum enim esse, quid aliud interpretaris, quàm citra saturitatē uti cibis? esse verocē in suscipiendis laboribus, quid aliud quàm esse impigrum ad labores? Verū Ecclesiasticus, non cōtentus simpliciter præcipere, apponit

Medicinæ
pars
Ethica.

Parfimonie
vtilitas.

etiam incommoda, quæ intemperanter facientibus eueniunt & commoda quæ temperantibus. Explicat verò vtraque per notas quasdam, & signa affectionum, quæ Medici symptomata appellant. *iro (inquit) infruntio accidet vigilia & cholera, & tortura, somnus autem sanitatis in homine parco.* Nihil magis experimento cognitum, quàm eum qui se cibis implevit vsque ad satietatem, non posse dormire, sed aut totam noctem vigilare, huc & illuc se iactantem, neque posse loco consistere: aut dormire somnum grauem, cum multis horrendisque insomnijs, neque eum longum, sed crebrò interruptum, ac cum cholera nonnunquam, & tortura, hoc est, cum anxietate ventriculi & vomitibus cibi corrupti, aut nauseis, & fructibus nidorosis (hic affectus vocatur Hippocracholera sicca) & cum torminibus intestinorum. Illud quidem ob cibos corruptos, qui adhuc in ventriculo hærent, hoc ob eos qui in intestina descenderunt: cum verò, qui parcè aut citra saturitatem cœnauit, dormire vsque in mane, & animam eius cum ipso delectari, hoc est, magnam ex somno voluptatem capere, & expergisci alacriem & expeditum, quod quidem signum optimè peractæ concoctionis, atque adedò bonæ valetudinis est. Ob hæc igitur iubet, parcum esse, & præterea in omnibus operibus esse velocem. *Et omni,* inquit, *infirmetas non occurret tibi.* Quod non ita accipiendum est, ac si nullo possit morbo penitus corripì, sed quòd nullis morbis esse poterit valde obnoxius, sed rarò, ac leuiter tentabitur: nisi casu lædatur à causis, quas Medici vocant non necessarias, vt ense, aut igne, aut lapidis iactu, aut domus ruina, aut contagio. Nam præter hæc, etsi parcum atque exercitatum hominem reliquæ quatuor victus partes lædere possint, aut ita vt Sol, hæc tamen ipsa rarò magnopere lædent. Quamquam non nego posse etiam grauius lædere aliquando, præcipuè eorum quædam, vt si fortè, qui parcus atque exercitatus sit, vtatur multa Venere, fortasse enim lædetur plus quàm si viueret in otio. Superest igitur, vt illud, *Omnes infirmetas non occurret tibi,* intelligatur ita vt explicui: quasi, inquam, diceret, rarò grauius ægrotabis, quia scilicet, præcipua, ac maxima pars rectæ victus institutionis, est hæc, quamque Hippocrates antonomasticè vocauit exercitationem sanitatis. Verùm expedit eum qui uolit ex recte dictis ansam peccandi accipere, hoc loco scire non ita esse vtilem cibi parsimoniam & exercitationem, vt quanto minus accipiat & plus se exerceat, tantò censetur suæ sanitati melius consulere. non enim ita est, sed ambo fieri debent intra modum quendam, quia in Aphorismo dicitur, Neque satietas, neq; fames, neque aliud quiddam, quod naturæ

Repletio-
nis mala

Exercita-
tionis v-
tilitas.

Modus in
omnibus
adhiben-
dus.

naturæ modum excedat, bonum est; habet certè vterque excessus, & cibi & laborum, suas noxas, atque haud facile sit dicere vter maiores, nam vt cibus supra modum ingessus morbum facit, ita & nimis tenuis, dictum enim ab Hippocrate est, Morbos ex repletione, sanat inanitio, & ab inanitione repletio. Porro vt otium vituperatur, ita & defatigatio, quam inreddens Hippoc. scripsit, *ubi lassari coeperit corpus, quiescere statim remedium est.* Cur igitur (dices) Ecclesiasticus tenuem victum & labores commendat, ac non potiùs mediocritatem eorum? certè intra mediocritatis fines intelligendum est, hæc laudari. neque verba aliud sonant. Nam parcus non est qui fame se macerat, sed qui non est infrunitus, hoc est, inutiliter cibos ingerens, aut, vt referam Hippocratis verba, *qui non accipit ad satietatem* Velox non qui præcipitatus, sed qui non piger. Itaque harum, vt & aliarum omnium causarum quæ nos alterant, esse debet modus, quia omne nimium est naturæ inimicum, modus verò cibi & exercitationis, definiri primùm debet ad ipsum hominem, seu ad eius facultatem, deinde alterius ad alterum, quia exercitatio esse debet pro modo cibi, & cibus pro modo exercitationis. Nam Hippoc. in Aphorismo dicit, *ubi fames laborandum non est.* Atque ita conuertenti licet dicere, *ubi laborandum, fames sustinenda non est, sed capiendus cibus,* atque eadem ratione colliges, *ubi otium, cibus capiendus non est, nisi parcissimè & ubi multum accipiendum sit cibi, non vtrunque;* sed multum exercendus est homo: quia vt ipsemet dicit lib. i. de Diæta. *homo comedens & non laborans, non potest esse sanus.* apposuit verò ibidem causam omnium eorum quæ diximus, his verbis: *Contrarias enim inter se vires habent cibus & labores.* Verùm inter se mixti conferunt ad sanitatem. Labores enim ea quæ insunt consumere solent, cibi autem & potus ea quæ euacuata sunt explent. Itaque modus est, vt vterque ad alterum accommodetur, quia contrarias cum habeant facultates, neutrum oportet alterum superare, neque cibum vnquam, neque laborem; mutuo enim sese corrigunt, alterum cum inaniat. Igitur si cui laborandum necessariò plus solito, est adiiciendus cibus: si vescendum pluribus, exercendus etiam plus. Igitur ne nimio indigeas motu, consultius sit parcè vti cibo. Neque tamen semper, ubi solitam cibi copiam auxeris, satis sit augere exercitationem, neque ubi satietas magna fuerit, quia etsi cibus & labor contraria sunt, non tamen vterque post alterum commodè adhibetur; sed, vt Hippocrat. inquit, *labor cibum præcedere debet, non subsequi.* Neque quidpiam periculosius, quàm mala.

Exercitatio post
satietatē

pleno ventre, aut toto etiam corpore pleno, aut impuro vehementer exerceri, antequam magna pars copiae aut cacochymiae, manifesta euacuatione sit deposita. Quia exercitatio distrahit per corporis habitum, quae intra ventres ac cauitates recondita sunt. E pleno igitur ventre cruda detrahit in partes alias omnes: quare & capitis, & pulmonis, & hepatis & viscerum omnium facit obstructions, atque fluxiones multas in eas ipsas partes, & in vesicam, & in articulos, & totum corpus unde innumeri nascuntur morbi. Igitur maximè ac primum curandum est, ne vnquam cibum capias nisi parcè, vt ab illo placidè ad longum dormias, & à somno alacriter exprorectus, impigèrè exercearis, vt omnem effugias infirmitatem. Si quando verò coactus sis, ita vt sit in conuiuio (tamen id vir temperans, & fortis, quique rustico pudore non laboret, pati non debet) in edendo multum, cōsultissimum sit, multitudinem cibi primum deponere, deinde dormitum ire, vt concoquatur reliquum, postea exercere, vt extrudantur excrementa. Optima autem ratio ventriculi vacuandi in vomitione est, secunda ab hac in deiectione. Vomitus enim elicit ex ipso ventriculi ore, antequam descenderint cibi, succurritque citissimè, sine aliarum partium noxa. Deiectio ex intestinis, quae iam descenderunt. Utendum ergo, si modò facere id homo possit, vomitione statim, si autem quispiam eorum sit qui vomat difficillimè, vtendum aliquantò post alui subductione, tunc scilicet, cum tormina, aut distensionem inferioris ventris cœperit sentire. Optimè igitur, ac secundum Hippocratis & Galeni praecepta, vt lib. 7. Methodi medendi licet videre, praecepit Ecclesiasticus: *Si coactus fueris in edendo multum, surge è medio* (his verbis significat statim id esse faciendum, antequam cibi copia noxae aliquid afferat) *& vome, & refrigerabit te* (hoc est, subleuabit te,) & non adduces corpori tuo infirmitatem.

Vomitus
utilitas.

C A P V T LXXIV.

De Medi-
cina.

CAp. 38. Ecclesiastici: *Honora Medicum propter necessitatem, Ceterum illum creauit Altissimus, à Deo est enim omnis medicina, & à Rege accipiet donationem. Disciplina Medici exaltabit caput illius, & in conspectu magnarum collaudabitur. Altissimus creauit Medicinam de terra, & vir prudens non abhorrebit illum. Nonne à ligno indulcata est aqua amara? Ad agnitionem hominum virtus illorum, & dedit hominibus scientiam Altissimus honorari*

honorari in mirabilibus suis. In his currans mitigabit dolorem, & unguentarius faciet pigmenta suauitatis, & unctiones conficiet sanitatis, & non consummabuntur opera eius. Pax enim Dei super faciem terra, fili, tua infirmitate ne despicias teipsum, sed ora Dominum, & ipse curabit te. Auerte à delicto, & dirige manus, & ab omni delicto munda cor tuum. Da suauitatem, & memoriam similaginis, & impingua oblationem, & d. locum Medico. Etenim illum Dominus creauit, & non discedat à te, quia opera eius sunt necessaria. Est enim tempus quando in manus illorum incurras. Ipsi verò Dominum deprecabuntur, ut dirigat requiem eorum, & sanitatem, propter conuersationem illorum. Qui delinquit in conspectu eius qui fecit eum, incidet in manus Medici. Hactenus Ecclesiasticus.

Qui Medicinā dum sani sunt vilipendunt, neque pauci sunt, neque ignobiles, imprudentes tamen sunt haud dubiè, ut hoc loco testatur Ecclesiasticus. Nam, inquit, vir prudens non abhorrebit illam, neque de spirituali hinc agit (huc enim confugiunt) Medicina, sed de ea quam creauit Altissimus de terra, tribuens scilicet virtutes salutare herbis, lapidibus, succis, & terræ generibus, & metallis. Eorum igitur qui Medicinæ detrahunt, Varie de Medicina opinio- nes. quidam ipsas medicamentorum facultates negant, quòd nihil possint insigne, sed opinione magis constent Medicorum, quàm re ipsa. Quidam, esse quidem re vera, hominibus verò non haberi certam de iis scientiam, atque ad eò neque ipsam Medicinā scientiam verè esse, sed incertas & instabiles opiniones, & coniecturas non satis firmas: argumento, quòd multæ fuerint, nascanturque quotidie Medicorum sectæ, & abeant, & redeant semper per quasdam vicissitudines, quasi nihil certum in eis sit, fallanturque quotidie Medici, quasi nihil habentes scientificum. Quidam etiam calumniantur, defecisse iampridem, temporis diuturnitate, medicamentorum vires, neque esse quales antiquitus, sed elanguisse omnia. Alij stulta quadam religione affirmant, Medicinæ opera necessaria non esse, quòd sanitas, & morbus, vita & mors penes Dei voluntatem sint, ita ut nulla arte possit vitare homo, quod de eo Deus Opt. Max. decreuerit, & apud sese habuerit statutum. Hæc omnia sigillatim refutat Ecclesiasticus, præcipitque honorem haberi Medico, duplici de causa, & quòd necessaria sint eius opera, & quòd creatus sit ab Altissimo. Explicat verò quem honorem illi haberi præcipiat, dicens, à Rege accipiet donationem, & in conspectu magnatum collaudabitur. Nimirū his duabus rebus constare debet honor Medici, copiosa donatione, hoc est, ampla mercede atque laudibus. Nam his duobus euadet honoratior. Cùm

Medici honor.

enim ex Peripateticorum sententia quæ à nostris etiam Theologis receptissima, rei familiaris amplitudo sit in bonis honorabilibus, hæc ipsa accedens ex arte efficiet artificē honorationem. Laudibus verò comparatur bonum nomen, quod melius etiam est quàm diuitiæ. Cùm verò duo hæc honorare ad eò possi et Medicum, tunc maximè, cùm à regibus, & magnaribus præstantur. Nam cùm honor, teste Aristotele, sit in honorante, is maximè honorare potest, qui est honoratissimus. Proinde Ecclesiasticus, tum omnibus in commune mortalibus, præcipit honorem Medico habere: tum maximè Regibus & magnatibus. Atqui profectò ipsa natura, cuius Medicus minister est, id omnes gentes docuit. Nulla enim tam barbara aut fera est, aut vnquam extitit, vt nulla penitus vteretur Medicina. Neque sanè solùm natura, quæ est hominibus omnibus communis, à qua naturale ius fluit, sed ea etiam quæ est illis cõmunis cum belluis (quam naturæ impetum, ius verò vocari non vellem) Medicinæ vsum ingerit, cùm ab irrationalibus putentur Medici multa, neque ea quidem parum vtilia, didicisse. Quæ verò gentes humanioribus vix sunt legibus, omnes quidem publicè decreuerunt Medicis multos honores, immunitates, ac priuilegia, & inter eos quidam, Regiis, longè amplissimos: præstantissimis verò Medicis, etiam diuinos honores tribuebat antiquitas. Romani Imperatores certatim largiebantur Medicis, & ipsam artem ac medicamentorum affluentiam magnis sumptibus augendam procurabant. Nulla potiùs ratione mortalibus vtilis se esse posse iudicantes. Quod, vt alia omnia, quæ ad Regia pertinent officia, omnium optimè nunc Philippus II. Dominus meus exequitur, multam pecuniam impendens medicamentis conuocandis ex America, & vndique terrarum, & medicinalibus viridariis excolendis, & de naturali historia rerum Americanarum commentariis componendis, quo studio haud dubiè de tota hominum posteritate optimè merebitur, vt de nobis merita est antiquitas: quæ hanc artem maximi fecit. Quam vt ego existimo in magna illa antiquitate, Medici requirebantur, vt reliquis hominibus imperarent, ac Reges fierent. Quod non obscurè indicant illa verba Isaïæ cap. 3. *Apprehendet enim vir fratrem suum, domesticum patris sui, & dicet: Vestimentum tibi est: princeps esto noster. Ruina autem hac sub manu tua. Respondebitque in die illa dicens. Non sum Medicus, & in domo mea non est panis, neque vestimentum, nolite constitutere me principem populi.* Hæc Isaïas: constat verò illa verba non sunt Medicus, excusantis sese esse, quòd posset esse princeps populi. Nunc verò eò res deuenit, tanta est hominum imprudentia,

Medicorū
præmia.

dētia, tam præposterumque fertur de rebus honorabilibus iudicium, ut licet nobis aliud dignitatis artis huius argumentum accipere, quod hoc seculo vili penditur. Sed quia locum hunc multi Iuliperiti tractauerunt disertissimè, & meus fortasse affectus suspectus habebitur, continendus mihi impetus orationis est, condonandaque incertitiæ Plinij sua Grammaticalis garrulitas, mendaciis plena, & Catonis pulchra magis & procax, quàm grauis sententia dimittenda: & sigillatim enarrantæ singulæ præscriptæ dictionis partes. Ab Altissimo dicis creatam Medicinam ob necessitatem Haud dubiè ab Altissimo, si necessaria est. Deus enim non deficit in necessariis, necessariam verò esse Medicinam constat, si modò sunt morbi, quos non possit ipsa per sese natura superare, possit verò accedente artis ministerio. Hoc quidem si esse indicetur, nemo negat eam artem esse necessariam. Omnino enim salute opus est ad vitam retinendam, esse verò ita, faciliè monstrari potest. Nā esse morbos quosdam, & alios aliis maiores, ac maligniores, quibus libenter concedet. Porro mitiores ac benigniores facilius, maiores & maligniores difficilius vinci quis neget? Porro nos admotione, aut ingestione rerum quarundam posse lædi, refrigeratos aut exustos, aut aliter affectos si quis negat, admove illi niuem aut glaciem, aut ignitum ferrum, aut nudum hyeme sub dio dormire, aut diem totum per æstatem transigere in Sole coge. Quod si lædere possunt hæc & alia huiusmodi, possunt etiam prodesse non enim omnia eodem modo lædunt, sed per contrarias alterationes. Quare quibus alia nocent, alia erunt vtilia, atque quia non omnes homines eodem modo affecti sunt, eadem aliis vicia, & aliis erunt vtilia. Hæc solum si receperis, necesse est concedas reliqua. Si enim ad quasunque intemperies sunt res aliquæ vtilis quæ scilicet inducunt contrarias alterationes, constat, naturam idoneo adhibito medicamento, morbum quemcunque facilius superaturam, quàm nullo. Si igitur sunt morbi alij aliis soluti faciliores, alij difficiliores, necesse est sint aliqui adeò difficiles, ut omnino vinci non possint, & alij adeò faciles, ut sine villo medicamento vincantur. Hæc duo faciliè dabis. Nam si neget, fiet ut nullus morbus possit sine medicamento solui, aut ut omnis possit cum medicamento, atque vtrumvis horum fiat, erit ars longè magis necessaria. Si verò sunt illa duo, necesse est, sit etiam inter illa medium, morbi scilicet, qui medicamento solui possint, sine illo non possint, ob quos constat, Medicinam esse simpliciter necessariam. Dico autem simpliciter; nam ob quosdam etiam aliorum erit vtilis, in illo enim genere morbo-

Medicina
est neces-
saria.

rum, qui sine medicamento solui possunt, sunt qui facile, & qui difficile: ob eos verò, qui etsi à sola natura vinci possint, difficile autem solvuntur, utilis est Medicina, vt interim natura minùs labore, & minùs in posterum relinquatur noxa: ob alios verò qui nullatenus sine eius ope solvuntur, est omninò necessaria. Rursus, sunt nonnulli morbi, qui errore ipsius naturæ constant, & augentur, quique proinde nò nisi solius artis opera, etià natura repugnante curationi, solui possunt. Quos si solui ad tuendam vitam necessarium est (est profectò aliquando) Medicinam esse simpliciter necessariam. Nam pone, carnem (ita vt sit quotidie) crescere in vrinæ meatu, nisi dissoluatur, nò magis viuere possis, quàm sine mixtu. Non est autem quòd expectes naturæ medelam, quia ipsamet natura est quæ augeat, estque ille morbus, & præter naturam, auctæ substantiæ verò naturalis incrementum. Sola igitur arte curari potest, ferro scilicet, aut exedente medicamento. Est igitur tunc solius artis curare id, quo non curato, viuere non possis omninò. Igitur ars est simpliciter necessaria. Ad multa itaque utilis est, & ad quædam necessaria. Vtilitatis adscripsit Ecclesiasticus duo exempla dicens: *Curans mitigabit dolorem, & vnguentarius faciet pigmenta suauitatis.* Nam hæc duo pertinent ad meliorem tolerantiā morbi, & quandam facultatis refectionem, vt scilicet per anodians vnctiones dolor mitescat, & per suauia pigmenta voluptas concilietur. Addit verò, & vnctiones conficiet sanitatis, quasi dicat alias quoque conficiet vnctiones necessarias, quibus non soluat solùm dolorem, aut voluptatem conciliet, sed morbum ipsum demoliat, dolores aliquando etiam augens. Hæc igitur ita habent. Si verò Medicina est ad multa utilis, & ad quædam necessaria, constat datam esse hominibus à Deo, alioqui deficeret Deus in necessariis. Neque hoc quospiam lauit mortalium. Omnes enim gentes Medicinæ inuentionem in suos Deos retulerunt, aut illos ipsos homines qui pararentur inuenisse, retulerunt in numerum Deorum: quasi Medicina non posset esse nisi Dei inuentum. Auxerunt quidam illam præstantissimi quidem viri præceptis & experimentis, & secundum Dialecticæ leges, methodo constituerunt. At verò primò, ab ipso rerum opifice data hominibus est, neque priùs fuerunt ægroti quàm Medici, neque vnquam sine Medicis. Illos enim sexcentum annos quibus Roma caruit arte hac, Senatus consulto damnata, mendacium esse merum, ipsa annorū computatione constat. Nam venit Romam (teste eodem Plinio) Arphagatus, anno ab vrbe cōdita 530. qui honorificentissimè receptus est, & post illum semper plurimi subsequuti. Si igitur

Medicina
utilis ad
multa.

Quando
exerit
Medici-
na.

plusquam

quam 600. antè annis, damnauerat artem, Roma plusquam 70. annis antequam conderetur. Futilia itaque dictèria sunt hæc omnia. Estque Medicina Dei inuentū, quo nullo vnquam tempore caruit, aut omninò carere potuit hominum genus, atqui profectò ita oportet. Nam eiusdem est domum facere, & labentem reficere, ita & vestem, & calceum, & rem quamcunque. Cū ergo ad Deum spectet humani corporis formatio, & temperies, ad eundem spectet necesse est eius conseruatio & resectio: à Deo igitur est omnis medela. Quid igitur honorabilius ea arte, quæ necessaria est, & à Deo fluxit? At dicunt non est tanta vis medicamentis, neque experimento probantur quàm plurima eorum, quæ ab iis qui de illorum facultatibus scripsere, dicta sunt. Ita est profectò, facileque concesserim, nulla de re magis medicos nugari quàm de medicamentorum viribus, singulis tribuentes innumera, quorum multis experimenta non respondent, aut non euidenter. Sed nugentur illi quantum lubet, sunt nihilomnius plurimæ, atque mirabiles medicamentorum vires, tametsi illi de quibusdam nugentur per leuitatē, alias exploratas nō habeāt per inertiam. Sed sunt etiā per omnia secula nonnulli prudentes, docti & exercitati Medici. Quid autē non speres, fieri posse circa humanū corpus, per naturalis cuiuspiā rei admotionem, cū Moses iniecto in eos ligno quodā, magnos aquæ fontes, ex aded amaris, vt neque à valde sitientibus possent degustari, reddiderit dulces? Id quod naturali quapiam virtute effectū esse, super caput quindecimum Exodi disputauimus. Constat verò ex hoc loco. Nisi enim naturali facultate id fecisset lignum, non bene in Medicinæ cōfirmationē accommodaretur. Sed de hoc seorsū egimus, nunc procedamus. Dicūt alij. sūt quidē multæ virtutes tributæ rebus naturalibus, earum verò cognitio non est hominibus tributa. His respōdet Ecclesiasticus dicens, *ad agnitionem hominum virtus illorum* (scilicet peruenit,) *& dedit illorū scientiam hominibus Altissimus, honorari in mirabilibus suis*, hoc est, vt honoraretur in mirabilibus suis. Quod & argumētū affine. Quorsū enim fecisset Deus, nisi eorū cognitio esset ad homines peruentura? quæ enim vtilitas accederet hominibus, aut quæ gloria Deo: necesse est ergo dederit Deus in ipso mundi initio facultatum talium scientiam, quam fortasse, quia exolescebat, postea dedit Salomoni, qui scripsit de omnibus ab *Hysopo* vsque ad *Cedrum*. Ex cuius scriptis multa arbitror deriuata esse ad Græcos & ad Latinos, & Arabes & ad nos vsque. Dicunt alij. At deficit iam plurimorum medicaminum vis. Ipsa quoque terra velut defatigata, & tabescens, minus profert efficacia. Non est iam ea virtus rebus, quæ antiquitus

An eadem
virtus sit
medica-
mētis quæ
antiqui-
tus.

riquitùs. Cui sententiæ fauere videntur verba illa capitis quinti libri quarti Esdræ, vbi de terræ totius & minùs senio agitur. Verba verò sunt hæc, post multa alia facientia ad institutum idem. *Considera ergo & tu, quoniam minori statura es, præ hiis, qui ante vos, & qui post nos minori quàm vos, quasi iam senescentes creatura, & fortitudinem iuuentutis prætereuntes.* Cæterùm neque hic quartus Esdræ liber recipitur à Theologis inter sacros: neque mihi hæc sententia vnquam probari potuit. Habet enim mundus ætates secundùm diuinas ordinationes, & rationem temporum quam Deus apud se habet, non tamen secundùm naturam, cùm neque naturalis extiterit eius ortus, neque interitus futurus sit. Fieri quidem potest, vt vna aut altera terræ particula, longa cultura & assidua seminatione defatigata, languerit, vt tamen tota terra, minimè. Neque enim vnica particula languescit vnquam, velut quæ verè senescunt, vt non possit scilicet in posterum vires resumere, ac velut reiuuenescere. Imò circulo quodam abeunt & redeunt omnia, secundùm omnes & singulas partes, secundùm omnes quidem per vicissitudines, aliis debilitatis, aliis fecundioribus redditis: secundùm singulas autem singulis debilitatis, & reffectis alternatè. Quapropter fieri potest vt quæ aliunde antiquitùs deportabantur medicamenta, veniant nunc aliunde potentiora ac contrà: vt verò omnia vbique debiliora effecta sint, fieri non potest. Atqui profectò nunc medicamenta non valent minùs quam antiquitùs. Quinimò video Medicos nunc multò magis illorum potentiam formidare, ac de dosibus antiquis magnam partem detraxisse, quod facultatum non imminutarum argumentum est. Iam verò copiam medicamentorum habemus longè maiorem, quæ nostræ Indiæ, & Orientales abundè suppeditant. Haud dubiè igitur (vt inquit Ecclesiasticus) *non cõsummabuntur opera eius*, hoc est, Medici, *Pax enim Dei super faciem terræ.* hoc est, quia semper Dominus dabit benedictionem, & terra dabit fructum suum, alimenta scilicet, & medicamenta. Dicunt alij, imprudenter morbos & sanitatem, vitam, & mortem, voluntate Dei dispensari, neque rationem vllam esse euadendi, cùm Deus morti homines destinauerit, aliqui verò ipsos per sese sanescere: quapropter ea arte opus non esse, quæ solùm non morituros. Huic abundè contradiximus nuper, indicâtes artis necessitatem, atque adeò esse morbos quosdam, qui arte quidem possint, sine ea verò non possint superari. Verùm nunc aliter procedamus, vt hic locus postulat. Non dubium est morborum causas aliquando esse in peccatis: nam hoc ipsum præscriptæ orationis verbis vltimis,

mis testatur Ecclesiasticus, dicens, *qui delinquit in conspectu eius qui fecit eum, incidet in manus Medici*: itaque ex peccatis nascuntur morbi, ut & alix omnes miseriae. *Neque est in ciuitate* (ut inquit Propheta) *malum quod non fecerit Dominus*. Atque ipsa Ecclesia Catholica, penes quam prima ac summa authoritas est, id testatur, dicens, *Cum infirmitas corporalis nonnunquam ex peccato proveniat*. Nihilominus habent etiam illi iidem morbi naturales, circa nostra corpora consistentes, causas. Nam ipsemet Ecclesiasticus explicuit multas tales, inter quas, multum esum, dicens, *Si coactus fueris in edendo multum, surge & vomes, & non adduces corpori tuo infirmitatem*. Neque quidem Deus cum in morbum hominem ob peccata coniecit, vult nisi rarissime & maximis de causis per sese liberare, sed per hanc dignissimam artem, quam in humanae salutis custodiam, & reparationem creauit. Nimirum hac ratione efficiens quod praecipit, honorem, inquam, tribuens Medicinæ. Ipsemet Deus vulnerat & sanat, neutrum tamen nisi per naturales causas, siue enim morbos infert, in vindictam, aut castigationem, aut probationem, siue salutem miseratus nostri largitur, causis vititur secundis. Velut Tobiam execrauit stercore hirundinum, & sanauit Calionimi piscis felle. Si igitur morbi duplicem habent ortum, alium diuinum, alium naturalem, quid expediet ægrotos agere? certe pariter placare Deum, & medicationem adhibere. Si enim ad Deum confugiens, curationem paruiendas, peccas ob imprudentiam in ipsum Deum, qui post expiationes iubet locum dare Medico, quia ipse creauit eum propter necessitatem. Quare falsa pietatis specie, incidis in impietatem, parui pendens illius opera; si verò oblationibus, & precibus derelictis, solis Medicinæ confidas operibus, pecces grauius, aliquid sine Deo rerum naturam præstare posse confidens. Ob quod peccatum (permittente Deo) rex Asa dolore pedum vehementissimo vexatus per biennium, mortuus est, ut narratur secundo Paral. cap. 16. itaque infirmus placare debet Deum, & Medicum adhibere in curationem. Quoniam verò, ut inquit Hippocrates, in ipso totius artis proæmio, non solum ægrotus se debet præstare opportuna facientem, sed Medicus, hunc quoque oportet perinde facere, adhibere scilicet, curationem, & Dominum deprecari, ut dirigat opera sua. Requirendus igitur est, ut res bene cedat. Medicus doctus pariter, ac probus, ut possit vtrumque præstare, curationem, inquam, idoneam, & preces. Huic verò habendus honor est, & sui gratia, quia eius opera sunt necessaria, Dei verò præcipue, à quo creatus est propter necessitatem nostram. Hæc omnia adeo sunt rationi

Morbi ex peccatis nascuntur.

Duplex morborum ortus.

consentanea ut nisi ei, qui de Deo malè sentiat, aut nullam omnino notitiam habeat rerum naturalium, dubia esse non possit. Quæ his verbis complexus est Ecclesiasticus, *Fili in tua infirmitate ne despicias te ipsum* (sine vlla scilicet procuracione manens, ut iumentum,) *sed ora Dominum & ipse sanabit te*. Non sit tamen satis orare, si in peccatis maneat, *sed auer. e à delicto, & dirige manus*, restituens scilicet si quid rapueris, ac insuper tribuens pauperibus. *Et ab omni delicto munda cor tuum*, hoc est, neque solùm non exequaris operè, sed neque cõcupiscas malũ. *& da suauitatem & memoriam similitudinũ, & imp.igua oblatione*, hoc est, offer abundanter munera Deo grata, tuncque (placato scilicet Deo) *da locũ Medico*, etenim illa *Deus creauit* (ut scilicet per illum largiretur salutẽ, quibus vellet) *& non* (inquit) *discedat a te quia eius opera sunt necessaria*. est enim *ẽpũ*, quando in manus illorum incidat. nimirum, omnia tempus habent, & tẽpus ægrotandi, & tempus vtendi Medicis. ipsi verò, præterquam quod idonea adhibebũt medicamẽta, Dominum. deprecabuntur ut dirigat requiem eorum, & sanitatem, hoc est, vt tribuat ægrotis sanitatem, & ipsis requiem animorum. impetrato eo, quod vehementer exoptant, & ob hanc ipsam causam, quæ Dei est bonitas, exaudientur, & tribuet Deus sanitatem ægrotis ob conuersationem, & conuictum eorum. Haberi igitur debere honorẽ Medico, & naturæ lege (quando quidẽ gentium omnium de re aliqua confirmata opinio lex est naturæ, ut inquit Cicero) & Diuino præcepto iam constare videtur. Possunt verò ex Philosophorum placitis nonnullæ etiam oriri obiectiones, quas dilui satius sit, quàm dissimulando præterire. Videtur enim sciẽtiæ cuiuspiã dignitas malè necessitate æstimari, siquidẽ Arist. c. 2. primi Metaphysicorũ, de prima Philosophia disserens inquit. *Cetera itaque omnes magis ea necessaria sũ, nulla verò melior*. Itaq; dicit artium omnium aut scientiarũ, eam esse optimam, quæ minimè necessaria sit etiã vilissima; quare & minimo honore digna quæ maximè necessaria. Neque profecto dubiũ est, longè aliud esse in rerum omnium generibus, quod honorabile, & quod necessarium. Quis enim neget naturales actiones, ut esse, bibere, egerere, & mingere, necessarias magis esse ad vitam tuendam, quàm rationales, ut meditari, consultari, & disputare, constat verò quàm sint hæ honorabiliores. Itã igitur dicere possis, Medicinam artem esse maximè necessariam, vilem tamen, cùm dignitas alia potius ratione sit æstimanda, quàm necessitate. Dicit enim Arist. primo Politicorum, cap. 6. *Sunt enim operationes illa artificiosissimæ, in quibus maximum est fortuna: illa sordidissima, in quibus maximè inquinatur corpus: illa seruilissima, in quibus corporis est*.

Scientia
optima
quæ.

vsus plurimum: illa vero ignobilissima, in quibus minimè requiritur virtus. Ignobilis quidem hac ratione non sit Medicina, non enim minimum virtutis cum eius recto vsu coniunctum est. Quin potius, ut nuper diximus, probus æquè ac doctus esse debet Medicus. Videri non possit sordida, ac seruilis, quia non potest sine magno corporis labore exerceri, cū opus sit agrotos vincere, & nō rarò Medicus inquinatur, contrectarque partes ipunctas, aut per sese turpes, præcipuè cū Chirurgia non minima pars Medicinæ sit, sed neque admodum artificiosa videri alicui possit, cū in ea minimum putetur valere fortuna. Quis igitur honor haberi debeat arti seruili ac sordidæ, si præcipuè neque admodum artificiosa est, sed fortunâ plena? his obiectionibus facturi satis, de necessitate dicamus primum. Nam & ad rem ipsam maximè expedit & ad verborum Ecclesiastici enarrationem. Cerrè neque quò scientia est minus necessaria, est ignobilior (alioqui esset prima Philosophia quam vocamus Metaphysicam, omnium ignobilissima) neque quò minus necessaria, nobilior, Nam agricultura est, quam mercatura nobilior, & multò magis necessaria. Et in ipsis mercaturæ generibus, quæ sceneratur est ignobilissima, eandemque quam quæ emptione, & venditione constat mercium, multò minus Reipublicæ necessaria. Quia agricultura, cum qua & pecuaria intelligitur, secundum naturam est, mercatura mercium, præter naturam, sceneratio verò, etiam contra naturam, quia facit, ut pecunia pecuniam pariat, quæ tamen natura sterilis est (author est Aristoteles primo Politicorum capite septimo.) igitur neque quò magis necessaria, eo nobilior ars quæpiam censenda est. Neque id dicit Ecclesiasticus, sed Medicinam esse honorabilem, quia est necessaria, non tamen hinc fit ut omnis honorabilis sit necessaria, sed ut omnis necessaria, quæ necessaria sit honorabilis. Dico autem, quæ necessaria, quia cum non vnica honoris causa sit necessitas, potest ob alia multa esse quæ necessaria, ignobilissima, ut carnificis opera, qua fortasse in republica causæ sunt magis necessariæ, & nulla vilior, nō tamè est ob necessitatē vilis (nam ob hanc solum tolerabilis.) sed ob alia multa Necessitas igitur, cū accedunt alia, nobilitatem augeat, sola verò non valet efficere. Consideranda igitur alia quæ ad Medicinam spectant, videndumque an ob ea etiam sit honore digna. Interest, ut apud Aristotelem legimus secundo Ethicorum, capite duodecimo, laudabile quid dicere, aut honorabile. Laus enim debetur virtuti, qui est boni alicuius effectiua, honor verò posterius quiddam ac præstatius est, quod debetur ob dignitatē, per operationē perfectæ virtutis

De Medicinæ necessitate.

Laudabile quid sit.

virtutis comparatam. Itaque propriè laus est eius, quod boni cuiuspiam est effectiuum, honor verò eius dignitatis, quam virtus peperit. Ita mihi fieri videtur, vt laudabile meritò nihil sit, quod non sit etiam honore dignum (dignitas enim necessariò sequitur virtutem;) honorabilia verò nonnulla, quæ laudem nullam merentur, quia laus eorum solùm est quorum & virtus, honor verò etiam attingit posteros, honoramus enim viros maiorum virtute, & rebus bene gestis nobiles, idque meritò, neque sine iniuria possumus illos eo honore priuare. Quia cum fortunæ posterum ad defunctos pertineant, suorum maiorum id debetur virtuti, atque etsi virtus non possit, dignitas tamen possit esse hæditaria. Nemo tamen qui mentis sit compos eos laudet, quod tam bonis parentibus nati, aut pulchri, aut proceri, quia nulla eorum virtute id effectum est, sed nascendi sorte. Qua quidem in re præstant homines noui iis qui veteri gaudent nobilitate, quod hi honerandi solum, illi verò etiam laudandi sint, nisi tamen virtute propria augeant veterem nobilitatem, ita enim & laudem habent propriam, & honorem duplicem. His itaque constitutis, constat Medicum laudari debere, quia Medicina virtute comparatur, & exercetur, estque boni magni effectiuum, quòd si laudari, certè & honore haberi, ac tantò maiori, quantò maiorem dignitatem conciliat. Nascitur verò dignitas ex nobilitate subiecti, & finis: subiectum verò circa quod versatur est humanum corpus corporearum omnium substantiarum haud dubiè præstantissima, finis verò sanitas, summum bonorum omnium quæ ad corpus spectant, quæ enim sanitate sunt meliora, pertinent ad animam. Iure igitur Medicis in omni bene constituta Rep honores magni legibus decernuntur, & illorum posteris: quod hæc ars, vt & ciuilis, & bellica honorabilissima sit. Neque quæ ex aduerso obiecta sunt, habent quidpiam monenti: fortuna enim fieri, quæ in Medicina bene cedunt, vulgi, & imperitorum sententia est, qui si dato medicamento expurganti, succedit expurgatio copiosa, facilis, & utilis; aut secta vena cessat dolor, aut soluitur statim febris, bonæ Medici fortunæ id imputant, cum deberent arti. Nihil enim est minus quam fortuna. Nam hæc solùm est, cum quid rectè euenit præter intentionem agentis; si verò Medicus vt expurgaret, dedit medicamentum expurgans, & expurgauit, artis est rectè adhibitæ, non fortunæ; neque enim quia potuit decipi, & arte malè vti, fortunæ est non esse deceptum, sed artis, vt decipi esset erroris, & inertia: habet quidem fortuna etiam in Medicina locum aliquem, vt in alia arte quacunque

Medicina
subiectum
& finis.

cunque, cum scilicet artifice aliud procurante, aliud, idque melius quam expetebatur, evenit. Vt si cum pharmacum expurgandi per alium gratiâ dederit, menses qui erant suppressi erumpant, aut vomica aliqua puris in aliquo viscere, vel in ipso ventre latitans rumpatur, & expurgetur, aut calculus è rene detrudatur, & mictu erumpat. Verum hæc perpauca sunt præ illis quæ ex arte, atque ex Medici instituto fiunt. Atque ea ipsa fortuita sunt huic Medico potius quam ipsi Medicinæ, quia non sine naturali causa fiunt, quam alius fortasse Medicus intelligens illud ipsum auxilium direxisset, in id quod evenit. Nam ipsemet Hip. 6. Epidem. ad calculos renum iubet vti pharmaco expurganti, sciens certè illius usu solere detrudi. minimus igitur locus superest fortunæ in Medicina, quo sit vt sit artificiosissima. Multò profectò maiorem locum habet in re bellica, in qua nonnunquam evenit, qui se parabant ad fugam, videri inimicis velle prælium inire, illisque ob id fugientibus prius, victoriam fortunâ manere, apud eos qui iam coeperant fugam capere. Artificiosior ergo multò est Medicina, quam militaris. Neque mirum, hæc enim usu non adedò longo, comparatur mediocriter, illa non sine Philosophiæ studio, & multis lucubrationibus, ac longo insuper usu. Haud dubiè igitur est per se artificiosissima, nunc verò ab optimis authoribus adedò eleganti methodo constituta, vt mihi videatur nulla artium cum illa posse de methodo & constitutione contendere. Iuris enim peritia quam hominum ambitio omni ex parte Medicinæ anteponit, aliis quidem causis fortasse vincit, vt mox explicabo, methodo verò longo spatio à Medicina relinquitur. Iam verò Medicis nullus labor corporalis, nisi ex accidenti: quia scilicet, non possunt ægroti ob debilitatè ad eos adduci, alioqui còstat eos non curare visendo, sed còsulendo non aliter ac cathedræ moderator, docere non potest nisi quotidie abeat in Lycæum, eius verò officium docere est, non abire, neq; Peripatetici officiũ erat deambulare, nisi per accidès, quia deambulans disputabat. Nobilitas verò artis non expectatur ab eo, quod per accidens, sed quod per se facit, aut paritur artifex: nobilissima enim est ars imperatoria, quia eius est imperare, etsi non possit id sine magnis laboribus exequi. Iam verò elegantior Medicinæ pars, à qua Chirurgia, & Pharmacopœia separatur, solùm medetur victus institutione, & ex syngrapha pharmacis, & sine omni sorditie tractari potest. Quinimò mundities omnis, & ornatus splendidus, decet admodum Medicos, vt licet videre apud Hippoc. libello de Medico, vbi còsulit Medicum vestitu decoro, & vnguentis odoratis vti. Neque si quid

Iurispru-
dentia &
Medicinæ
compara-
tio.

humanae necessitatis causa admittit sorditiei, ut frequenter contemplari urinam, ac, ubi necessitas postulat, etiam faeces, haberi id debet turpitudini, aut ignobilitati, quin potius virtuti, condonandumque id est subiecti dignitati. Neque verò quoddam suae operae mercedem accipiant, nobilitati detrahant, nam & milites merent, & duces, & ipsi Imperatores. Neque ad nobilitatem interest mercedem recipiat an non, sed ex qua arte recipiat. Neque Medicus lucratur quia Medicus, sed cum idem sit Medicus & paterfamilias, quia Medicus medetur, quia paterfamilias victum quaerit familiae, ex arte honesta & nobili. Nam cum victus quaerendi industria ad oeconomicam pertineat, sitque muneris patris familias, & ea tribus constet agricultura, mercatura, & arte: victum ex agricultura quaerere, nobile certe est, & maxime secundum naturam, ex mercatura est praeter naturam, & nisi accedat magna opulentia (quae tamen raro iusta est) ignobile: ex arte verò, nunc nobile, nunc ignobile, ut ipsa est ars. Medicinam verò ex aliis indicatum est, esse nobile: quare victum ex ea comparare, ignobile non est. Sed quo honoris loco sit habenda, superest explicemus, ne quid desideretur in hac lucubratione. Multis Medicis videtur, eisdem argumentis effici, hanc artem honore magno esse dignam, & esse omnium dignissimam, atque praefendam Iurisperitiae, & aliis omnibus disciplinis. Quorum sententiae videtur fauere Arist. cap. 5. lib. 1. Rhetoric. qui recensens omnes honoris causas, primo loco ponit facultatem benefaciendi, in iis, quae pertinent ad salutem, vitamque tuendam. Mihi verò videntur multis modis falli, neque rem ad exactum ducere: quod mihi nunc agendum est, Repub. in omnes suas partes distributa, & considerata singularum dignitate. Tria mihi esse videntur totius Reipub. membra principalia, ut & hominis. Ea sunt in Republica agricultura, res bellica, & literaria: in homine iecur, in quo residet facultas naturalis, ad quam spectat omnis nutritio: cor, in quo facultas vitalis & irascibilis: & cerebrum in quo mens, & tota cognitio, vides quae cui respondeat. Agricultura enim naturali, quia alimenta suppeditat civitati; bellica ars irascibili, quia repellit si quid inferatur violentiae; aut impedimenti; literarum studium cognitivae facultati, quia spectat ad intelligentiam, porro, ut praeter tria membra, quae principalia vocantur, sunt in homine alia multa minus principalia externaque ut manus, & crura: ita in Republica praeter dictas tres partes, sunt aliae externae & minus nobiles, ut mercatura & artes mechanicae. Ex dictis haud dubie fit, ut primus honoris gradus debeat Repub. rei literariae, secundus bellicae, sintque duae hae viae ad nobilitatem: post has verò agriculturae debeat ho-

Honoris
gradus in
Repub.

nor antiquitatis, & naturæ. ea enim fuit prima mundi ars, & maximè naturalis, quam hoc nomine commendat. Ecc. cap. 7. dicens: *Non oderis laboriosa opera, & rusticationem creatam ab Altissimo.* Manet etiam mechanicas artes suus honor: maximū enim dedecus in inertia. Constat verò rem literariam/honorabiliore esse bellica, quia bello nihil esset magis ferinum, nisi comparetur ad tuendam pacem, & ut vacent homines sapientia, in qua est omnis veri, & boni contemplatio, & verus Dei cultus. ipsa igitur sapientia, & intelligentia præstantior multò est quàm bellum. quia propter vnum quodque tale est, illud magis tale est. Cùm verò id dicimus, secundum genus intelligimus. Habet enim vtraque pars Reip & bellica inquā & literaria, partes multas dignitate dispares. Neque omnes literarias, bellicis omnibus anteponimus (neque enim Grammaticum Imperatori) sed præcipuas præcipuis, mediocres mediocribus, & infimis infimas. Porro res literaria tres habet disciplinas principes, ex quibus aliæ inferioris notæ ministrant, hæ sunt Theologia, Iurisperitia, & Medicina. Ministrant his tres sermocinales, Grammatica, Rhetorica, & Dialecta, duæ Philosophia naturæ, & morum: Mathematicæ vocatæ scientiæ. In tribus primis, aut dubium est, primum & summum honorem deberi Theologiæ. Quia, ut Aristoteles capite secundo primi Metaphysicorū dicit, *qua diuinissima, eadē & honorabilissima est, ea verò est, quam maximè Deus habet, & qua maximè diuinorum est.* Hæc Aristot. quæ Theologiæ congruunt Ea enim est scientia rerum diuinarum, quæ quidē principia penes sua Deū habet, & mentes beatorum. Huic itaque non est quod vlla alia certet: tametsi audiui quosdam sciolos, volentes huic quoque civilem artem præferre, hoc argumento, quod ut aliis omnibus artibus, ita etiam Theologia videatur ars civilis vti. Non enim minus videtur cautum legibus, & ad civilem spectare, ne in Rep. sacra desint quàm ut iustè, & salubriter viuatur, & artium omnium ministeria exerceantur, ut oportet. si igitur (dicunt) civilis Theologia vitur præstabilior quàm illa est; hic verò optimè occurrat Aristoteles in calce capitis vltimi sexti Ethicorum differens de prudentia, his verbis. *At verò neque sapientia præst, neque præstabilioris est partis sicut neque ars medēdi præsidet sanitati. nō enim vitur ipsa, sed videt, ut fiat. illius igitur gratia, non autem illi inbet. Præterea simile est, ac si quispiam facultatem civilem principium esse Deorum, siue diuinorum dicat, propterea quod præcipit de omnibus qua aguntur in ciuitate.* His verbis Aristoteles docet, eos qui prudentiam sapientiæ præferunt, aut civilem

Discipli-
næ quæ
principes
& minis-
træ.

Theolo-
gia & Iu-
rispruden-
tiæ com-
paratio.

facultatem ei quæ de diuinis est, perinde errare, ac si quis dicat Medicinam esse potiore sanitate: quia vt Medicina non vtitur sanitate, sed medicamentis propter sanitatem, ita neque prudentia sapientia, sed mediis prudenter inuentis ad conferendam sapientiam. Et ars ciuilis non vtitur peritia rerum diuinarum, sed legibus, vt rebus diuinis ciuitas vacet. Itaque in diuinis est finis rerum omnium diuinarum, Theologia verò est ac rebus diuinis ac proxime omnibus scientiis sine contentione præferenda. Solum igitur superest agitatissima illa inter Medicos, & Iurisperitos controuersia, illis dicentibus, se non de fideiussione, stipulatione & iure hæreditario, quæ solum pertinent ad tuendam rem familiarem, agere, sed de propulsandis morbis, tuenda valetudine ac denique seruanda vita, qua nihil esset mortalibus pretiosius: his contra respondentibus, sed non singulorum hominum, sed totius Reipub. vitam tueri, ac sanitatem, hoc est, iustitiam. Quam ergo controuersiam citra inuidiam dirimam. Satis enim mihi esse videtur, si mea ars sit in præclaris, quin sit omnium præstantissima. Iurisperitia duas habet partes, alteram ciuilem, quæ veritatur in gerenda Reipub. alteram litigiosam, quæ in agendis causis. Prima haud dubiè Medicinæ præferenda est. Nam Arist. 2 Ethic. c. 13. ita inquit, *Facultas ciuilis honorabilior Medica est, atque præstabiliior.* Causa verò est, quod Medicus de seruanda solius corporis valetudine agit, atque si quando de temperantia, & cohibendis animi affectibus, id quoque refert in corporis valetudinem: ciuilis verò de formandis moribus & continendis omnibus in officio. Quod quando sit præstabilius quam bene valere, satis constat. Alteram etiam partem, & litigiosam, præfert Medicinæ hominum auaritia, & inscitia, tamen hanc immeritò fortasse. Quia hæc, non vt ciuilis agit per se de Reipub. constitutione, & bonis moribus, sed de singulorum Iure, vt neque Medicus de hominis salute, sed huius, & illius. Eorum verò quæ lite possunt detrahi, aut tribui, nihil est cum vita conferendum, de eripiendis enim animi bonis (quæ sola rectæ vitæ præse untur) nunquam est inter homines orta lis. Præstabiliior igitur est ea ars quæ curat ne homo ante fatale tempus intereat, quàm quæ ne illi quidpiam suorum bonorum iniuria detrahatur. Honore igitur dignam esse Medicinam, & quo honoris gradu, dictum est.

De cōtro-
uersia in-
ter Medi-
cinam &
Iurisperi-
tiam.

CAPUT LXXV.

ECclesiastici cap. 33. *Et sic intueri in omnia opera Altissimi : duo contra duo, & vnum contra vnum* Vsurpatissimum est Peripateticis omnibus axioma illud Aristotelicū, Vnum vni est contrarium. Vnde fit, vt duo aut plura non possint esse contraria vni, quare neque vnum duobus aut pluribus, sed necessario contra vnum, & duo contra duo, & plura contra plura. Quod euidenti demonstratione videtur confirmari posse, posita Contraria definitione contrariorum. Nam contraria sunt, quæ sub eodem genere posita longissimè distant : at verò ab vno non possunt in eodem genere plura æqualiter distare ; necesse est igitur vt vnum sit, quod distet longissimè, non posse autem duo distare æqualiter, constat. Nam aut illa duo distant loco, aut magnitudine, aut ratione aliqua. Si loco, aut secundum eandem lineam, aut secundum diuersas. Si secundum diuersas distant duo æqualiter ab vno, necesse est illud vnum sit centrum duarum linearum, & illarum extremitatum, atque ita non potest illud vnum esse quod longissimè distet ab illis duobus. Nam productis ultra centrum ambabus lineis, erunt duæ alie extremitates longius distantes à duabus primis, quàm illud medium, igitur illud vnum neutri est contrarium, necdum ambabus. Si verò duo illa secundum diuersas lineas distant inæqualiter ab vno, non distant ambo longissimè, sed alterum, quare secundum diuersas lineas, non possunt esse contraria vni, duo aut plura. Multò autem minùs secundum eandem lineam Nam aut versus eandem partem, aut versus oppositam. Secundum eandem lineam, & versus eandem partem, non possunt duo ab vno æqualiter distare, nam neque duo puncta eiusdem lineæ, quæ ducatur à centro ad peripheriam, possunt æqualiter distare à centro. Si autem non distant æqualiter, non distant ambo longissimè ab vno, sed alterum longius. Si verò ponis duo illa distare ab vno secundum eandem partem, tunc à neutro distat illud vnum longissimè, quia longius distat alterum ab altero. Nullo igitur modo possunt secundum locum distare duo ab vno longissimè sed vnum ab vno, vt supremum ab imo, & duo à duobus, vt supremum, & dextrum ab imo, & sinistro: magnitudinis eadē

omnino ratio est, quæ & loci. Quæ ratione aliqua, aut natura, aut forma (nihil enim refert) distant, ea etiam necesse est esse tantum duo, ita ut & vni vnicum sit contrarium. Nam si duo distant ab vno, aut secundum eandem rationem, aut secundum diuersas. Secundum eandem non possunt duo ab vno distare æqualiter. nam si illa ratio distant æqualiter participatur, secundum illam rationem, vnica sit species, non duæ, velut à candore non possunt distare duo colores æqualiter, sed quæcunque à candido recedunt æqualiter eodem colore sunt, quia colorum differentia solo maiori aut minori recessu constat. Igitur quod summè recedit vnicum est. Si verò duo illa ab vnico recedunt æqualiter secundum diuersas rationes, iam non sub eodem genere sunt, sed sub diuersis. nam illa ratio secundum quam distant contraria genus illorum est. Velut color est genus quo & conueniunt & distant candida, & nigra. Si verò diuersis generibus communicant duo vni, illud vnum ad duo pertinet genera, quæ autem ad duo genera pertinet, non vnum, sed duo est, ut lac, albū, & dulce. Neque enim quia dulce, & cādīdū sunt in eodem lacte, non sunt duo, & duobus contraria, putā nigro & amaro. Vnum igitur vni, & duobus duo statuere contraria necesse est. Neque dictis obstat, videri auaritiæ esse contraria duo, putā liberalitatem, & prodigalitatem: ita verò, & in aliis virtutibus & vitiis. Cum enim authore Arist. virtus in mediocritate, æque inter duo vitia statuatur, videbitur virtus contraria esse vtrique vitio, & vitia ipsa inter se. Quare & virtuti, & vitiorum vtrique sunt contraria bina. Nam virtuti duo vitia, & vitiorum vtrique virtus, & vitium alterum. Nō, inquam, hoc dictis obstat. Non enim liberalitas contraria est auaritiæ, neque prodigalitati, si exactè loqui volumus, sed liberalitas illiberalitati, æque sub illiberalitatis genere auaritia, prodigalitati. itaque liberalitas & illiberalitas sunt species contrariæ, sub eodem genere, putā sub habitu animæ pertinenti ad largitionem, hic enim habitus liberalitas, aut illiberalitas est. hæc rursus auaritia, aut prodigalitas. Atque ita ego non concederem virtutem vllam in medio vitiorum esse, quia quod in medio est participat vtroque extremo, nihil autem distat magis à vitio quàm virtus. Neque sanè prodigus tantum distat ab auaro, quàm liberalis, quia hic habet cum iustitia coniunctam liberalitatem. Illorū vterque abest à iustitia: quare facillè vterque furatur, cōueniuntque ambo in vno genere illiberalitatis, quo liberalis differt ab vtroque. Potius dixerim virtutem omnem contrariam esse certo cuidam generi vitiorum, idque genus diuidi in duo contraria vitia, quorum vtrumque modera-

Vitia duo
an vni
virtuti
contraria.

Prodiga-
litati cō-
trarium.

tur virtus, non vt medium illorum, sed vt contrarium eorum generi. Itaque illa duo sunt vni virtuti contraria, non qua duo, sed qua vnum genus. Mox verò ac duo fiunt. est alterum alteri contrarium. itaque in eis quoque euenit, vt sit vnum vni contrarium. Videtur dictis repugnare saporum genus, quandoquidem Aristoteles dulce, & amarum, dicit esse contraria, Galenus acerbum, & amarum. Quæ si vera sunt, constat amaro esse duo contraria, dulce & acerbum. Verùm hæc nō eadem ratione, neque secundum eandem considerationem dicuntur: nam reuerta qua sapores, dulce & amarum contraria sunt, quia longè diuersas passiones inferunt gustandi potentiæ, alterum voluptatem, alterum magnam molestiam. Verùm qua alterationem aliquam nostris corporibus afferunt, quæ talibus qualitatibus sunt affecta (quod ad considerationem Medicam magis spectat) acerbæ, & amara statuuntur contraria, quia illa adstringunt, & refrigerant, hæc calefaciunt & dissolunt, ac dilacerant. constat verò has esse considerationes diuersas. Vtuncque verò considerentur res, vno modo est vnum vni contrarium. Sed quoniam Ecclesiasticus iubet intueri in omnia opera Altissimi, sermonē vlteriùs producamus. Non solum quod diximus verum est in iis, quæ propriè vocantur contraria, sed in naturalibus etiam rerum antipathiis. Nimirum animalia non omnia cum omnibus exercent inimicitias, atque cum multa alicui videantur aduersari, non tamen æquè omnia illa, sed est quod aduersetur præcipuè cuiusque quoddam certum. Velut leporē canis insectatur, non ita lupus, aut leo, neque ita felem aut murem, felis murē, non ita aliud quodpiā animal. In inanimis quoque rebus perinde euenit: cum enim sint quædam antidota, & simplicia, & composita, quæ censent pluribus venenis aduersari, vt lapis bezohar & Theriaca, tamen sunt singulis venenis singula antidota propria, quia est quod cuique peculiariter ac propriè aduersetur, velut aconito ruta, opio generosum vinum, lepori marino lac. Itaque sunt quædam simpliciter antidota, quædam quorundam, atque deteriorum generi aduersatur genus alexipharmacorum, vnum vni, est enim quodammodo etiam vnum genus omne cuiusque venenosum antidotum. Porro naturalem hanc contrarietatis legem imitari videntur etiam hominum similitudines & odia, quæcunque enim inter plurimos, siue in vna domo, siue in ciuitate, siue in regno, siue etiā inter multa regna, oriātur dissidia, mox omnes ad quos illorū causa vtrūque pertinet, ferūtur in duas factiones. adeo diuisioni accommodatus numerus, est dualitas. Itaque videtur odia omnia, siue naturalia, siue volūtaria, exerceri per binarios

Saporum
contrarietas

Antipathia naturalis

Bezohar lapis.

vt necesse sit, vnum esse contra vnum, duo contra duo, & ita deinceps. Habent verò hæc omnia causam non valdè dissidentem à priori. Nimirum vnum quiddam esse semper id, secundum quod aduersari contingat: secundum vnum verò non posse distare longissimè nisi duo. Nam antipathia naturales, ex naturali quapiam dissimilitudine nascuntur, dissimilitudo verò est similitudinis vacuitas: similitudini verò cuicunque est vnū subiectum. igitur & dissimilitudo omnis est secundum vnum aduersitas. Iam verò causa omnis dissidij, quod nascitur inter homines, redigitur ad affirmationem, aut negationem. Quare necesse est abeant primùm in duas sententias, tametsi illarum quæcunque possit deinceps abire in alias diuisiones. Præter dicta videtur etiam præscripta oratio Ecclesiastici, cōtinere dogma quoddam Epicuri de vocata illi *ισομορφία*, seu, vt interpretatur Cicero primò de natura Deorum, æquabili tributione, seu æquilibrata. Annotauit enim Epicurus ineptè, eam esse naturam rerum, vt omnia omnibus partibus paria respōdeant, & similia similibus, & contraria contrariis, & opposita, ita vt in omnibus, & singulis seruetur æqualitas, & respondentia quædam. Velut totidem esse quæ conferuent, & quæ interimant: atque corporeorum, & corpore carentium, mortalium, & immortalium, & aliorum omnium quæ secundum oppositionem dicuntur, esse quandam æquabilitatem. Quam Galenus quoque in membris hominis, quæ secundum opposita latera sita sunt, dextram, dico & sinistram partem animaduertit, miūmque in modum celebrauit, iustitiam naturæ appellans. Nimirum nulla pars est in vllò laterum cui non in altero sit opposita æqualis altera. Nam vt geminae sunt atque altera in altero latere opposita, æquabilitatem etiam situs obseruans, vt oculi, aures, narium foramina, renes, testes, manusque & crura & eorum digitia: aut simplices eaq; in medio sitæ vt cerebrum, cor, pulmo, ventriculus, vesica, & vterus; inter externas, frons, os, & colis; aut secundum latera, contrapositæ ad æqualitatem vt hepati opponitur lien. Duæ tantum particulae videri possunt *ισομορφία* corrumpere, vena quæ vocatur *ἀρὴ* hoc est sine coniuge, quia ea sola inter omnes, non oritur gemina & intestinum vocatum cæcum, quod in dextra solum parte situm est sub rene. Verùm neque hæ rectè consideranti, citra æqualitatem esse videbuntur, quia vena mox ac oritur ex sinistra reflectitur ad dexteram partem, vt hætenus, neque dextra, neque sinistra esse videatur, sed transuersim posita in medio. Mox repit deorsum, æquales ramos emittens in oppositas partes per singula spatia intercostalia, vsque dum insu-

Æquilibrata.

Corporis partes tria.

Vena Azygos. Intestinū cæcum.

mitur tota in modum spinæ cuiusdam. Jam vero cæcum intestinum, totius intestini pars est, ut & colum. rependitur verò ea pars, qua intestinum vocatur cæcum, maiori coli ad partem oppositum amplitudine. Itaque & secundum genera similium, oppositorum, & contrariorum, & singulas species & partes singularum rerum retinet natura æquabilitatem & vocatam Epicuro *ισορρομίαν* atque ut inquit Ecclesiasticus, *In omnibus operibus Altissimi duo contra duo, & unum contra unum.*

CAPVT LXXVI.

CAp. 42. Ecclesiastici : *omnia duplicia, unum contra unum, & non facit quidquam deesse.* Postquam Ecclesiasticus capite hoc percurrerat plurima, & præclarissima operum Dei, postremo paucis his verbis, totius vniuersitatis rerum rationem complexus est. Verè enim tota rerum vniuersitas, & tota eius perfectio hac ratione constat: *Fecit Deus omnia duplicia, & unum contra unum, & non facit quidquam deesse,* eorum quæ ad perfectionem vniuersitatis spectant. Sed quo pacto sunt omnia duplicia? an est duplex Sol? & Luna duplex? aut etiam terrarum orbes duo? Imò verò videntur præcipuè mundi partes esse simplices, vnica enim terra, mare vnicum: res verò quæ multiplicitate constant, haud scio an vllæ sint geminæ, sed multæ, ut homines, stellæ multæ, Angeli quoque, aut sua specie singuli, aut quacunque plurimi. Quæ sunt igitur hæc duplicia? In microcosmo certè quædam sunt gemina, ut renes, testes, oculi, nares, aures, manus ac pedes: quædam verò singula, ut vesica, ventriculus, caput: quædam multiplicia, ut digiti, & dentes: quomodo ergo sunt duplicia omnia? cerè non sunt res omnes geminæ, imò verò nō est numerus quem non alicui rerum generi aptare possis, etsi incipias ab vnitæte. Nam est vnicus mundus, & vnicus mundi rector, & vnicus Sol, sunt duo luminaria magna, duo sexus, tres mundi corporalis partes, seu regiones corruptibilium, tantum mobilium & immobilium, tres corporis dimensiones, tres diuinæ personæ. Quatuor elemēta, quatuor eorum virtutes, quatuor anni, partes totidem concretorum corporum temperamenta. Quinque sensus, quinque vocalia elementa, quinque digiti: sex apparent Pleiades: septem planetæ, ut & triones: octo orbes stellati: nouem Angelorum ordines: decem rerum genera. Quo pacto ergo sunt omnia duplicia? Certè secundum contrarietates: quia rerum multiplicitas formalis, nascitur ex

Creata
duplicia.

diuisione generum, & diuisiones fiunt per differentias contrarias, vni verò non est nisi vnum contrarium, & non facit Deus quidquam deficere, quia tota rerum vniuersitas opus perfectum est, ac proinde in quocunque rerum genere, si vnum contrarium est, necesse est alterum omnino esse. Velut quoniam est numerus aliquis par, necesse est esse etiam aliquem imparem si res aliqua calida necesse est esse aliquam frigidam, atque si candida, aliqua etiam sit nigra. Alioqui manca esset, & insufficiens rerum vniuersitas: nisi inquam essent omnia rerum possibilitium genera, & omnium generum differentiarum omnes. Non enim est perfectum, & integrum cui aliquid deest, tamen si verò sunt quorundam generum differentiarum multæ, omnes tamen illæ ad duas rediguntur, aut duarum mistura constant. Velut animalium differentiarum rediguntur ad rationale, & rationis expers, & colores omnes constant mistura albi & nigri, & sapores dulcis, & amari, soni grauis, & acuti. Itaque omnia genera rerum quibus constat hæc vniuersitas sunt duplicia, secundum differentiarum oppositionem, quia vnum vni contrarium est, & non fecit quidquam deesse. Constare verò totam rerum vniuersitatem rebus geminis, & multitudinem omnem fluere à binario, constat primum hac ratione. Ipsum ens, primum quidem duplex est, alterum enim semper ens, alterum non semper ens: rursus ipsum non semper ens, duplex, nam alterum est per se existens, alterum alicui accidens. Rursus quod per se existit alterum corporeum, alterum incorporeum. Porro ens corporeum alterum generabile, & corruptibile, alterum sine ortu, & interitu. Rursus quod ortui, & interitui obnoxium, simplex (quod & elementum vocamus) aut mistum, rursus mistum, viuens, aut vita carens, & quod viuit, sensu præditum aut sine sensu, & quod sentit, rationale est, aut irrationale. Porro elementum duplex, alterum actiuum, alterum passiuum, etiam vtrumque horum duplex, nam alterum calidum, aut frigidum: alterum humidum, aut siccum. Alia omnia horum mistura constant, cuiusque quoque corporis, siue simplicis inquam, siue compositi, duplex est principium, forma, & potentia. Genera quoque omnium, quæ mixture constant, sunt diuisione duplicia, vt de visibilibus, gustabilibus & audibilibus indicatum est. eadem autem est ratio omnium patibilium qualitatum. Itaque constat omnia esse in hac vniuersitate duplicia, aut ad duo redigi, quia cuiusque generis prima diuisio est, in duas differentias opposita. Hoc tamen non prohibet esse quinque digitos, & septem Planetas & stellas fixas innumeras, & huiusmodi alia, quia illa duplicitas non est in cuiusque speciei singulis,

Binarum
rerum prin-
cipium,

singulis, sed in ipsis generum differentiis. Quoniam ergo genera omnia diuiduntur per opposita, & vnum est vni contrarium, constat (si quidem mundus perfectus est) fieri non posse, vt quidquam deficiat eorum quæ verè existentibus opposita sunt. v. g. quandoquidem est aliquid aliquando ens, aliquando non ens, necesse est esse aliquid semper ens, & quoniam est aliquid alteri accidens, necesse est sit aliquid per se subsistens, & quoniam est aliqua substantia corporea, sit etiam aliqua incorporea, & quoniam est aliquod corpus corruptibile, sit etiam aliquod incorruptibile, & quia generabilia quædam sunt mixta, sint necessariò quædam simplicia, atque in his si sunt actiua, passiua quoque sint, vt in ipsis rerum principiis. Et quoniã calidum, & frigidum contraria sunt, si res quædam sunt calidæ, necessariò sint aliæ frigidæ, etsi enim omnium hæ, & aliæ huiusmodi consequutiones habent peculiare alias necessitates, omnes tamen illam communem, quod non fecit Deus quidquam deesse. Nimirum insufficiens, & imperfecta, atque, vt sic dicam, manca & mutila esset rerum vniuersitas, atque aded ne vniuersitas quidem esset, nisi haberet vniuersa. Nam hæc est ratio totius vt nihil desit. Dices hinc fieri, vt necessariò sint in mundo animalia immortalia (cuiusmodi esse Deos, & cœlestia corpora, multi Philosophorum putauere) siquidem sunt mortalia: at verò non sit, quia mortale, & immortale non sunt differentia animalis, imò alterum repugnat, alterum necessariò inest animali. non enim potest esse animal quod non sit sensitium, neque sensitium quod non passiuum corruptiuum, neque hoc quod non mortale. Ergo mortale, per quædam media, est in ratione animalis. Non possunt ergo esse animalis differentia mortale, & immortale. velut ergo nemo dicet, quia est homo rationalis, esse hominem irracionalem, ita neque quia est animal mortale, sit animal immortale, sed quoniã ipse mortalis, & immortalis, rationes contrariae sunt, & sunt res quædam mortales, sint necessariò aliæ res immortales. Itaque (vt resumens sermonem dicamus) sunt rationes rerum omnium duplices, & neutra ex parte claudicat vniuersitas, singula tamen, vt homines, equi, & stellæ, innumera, omnis tamen multitudo rerum quarumcunque, multiplicatur per dualitatem, vt animalia per duplicem sexum, & quæ sexu carent per duplex principium, materiam, & formam, seu potentiam & actum. Nec sanè quidquam est, quod omninò careat dualitate, præter id, quod perfectissimè est vnum per se ac semper ens, à quo facta sunt omnia, & non fecit quidquam deesse, cui honor, & gloria in æternum.

Generum
opposita.

CAPVT LXXVII.

Del fa e
cepiose.

CAp. 43. Ecclesiastici legimus, *Gelu sicut salem effundet super terram.* Quæ verba nonnulli referunt ad salis naturam, dicentes salem concrefcere vt gelu à frigore, habereque similem illi generationem. Quod tamen facillimè redarguitur, quia celebratissimum est apud omnes Physicos, à contrariis dissolui rem quamcunque, iis à quibus compacta est. Sal à nulla causa minùs dissoluitur, quam calore, quia ad ignem siccatur ac vitur, dissoluitur verò ab aqua, vt quæ constructa sunt, calore. Neque verò dici potest constructum esse ab utroque vt fictile, esset enim illiquabile, vt illud non est tamen, sed facillimè liquefcit, vbi quidpiam accedit humiditatis. Illud igitur quod de sale hoc loco dicitur, non spectat ad illius naturam, sed ad phantasiam, & id quod apparet. Nimirum nomine gelu, hîc pruina designatur quæ aspectu quidem sali per terram sparso est simillima, ad eò at si procul aspicias, non valeas discernere; res verò ad eò similes aspectu discrepant naturâ plurimùm. Nam pruina eandem habet cum niue generationem, hoc solùm discrepans, quòd circa terram consistit, se habet enim ad niuem pruina, vt ad pluuiam ros, & ad grandinem glacies. Hæc verò omnia sunt aqua concreta, exiguis differentia conditionibus. Sal autem insignem habet naturam, vix ulli alteri similem. Si quidem neque in metallis est, quia non dissoluitur calore, neque in lapidibus, quia dissoluitur aqua, neque in terræ generibus, quia totus dissolutione abit in aquam, non quidem in eâ subsidens, sed solutus in aquam crassiorem, neque verò est aqua, quia non absorbitur ab igne, sed vitur potius, vt terræ, quid ergo illum esse dicas, nisi αὐτόγεον, hoc est, sui generis? quod sit autem id genus, seu qui modus mixture, inuestigandum. Primum quidem, falsum saporem remissione amari fieri terræ vstione, aperte indicat Galenus: nam exustis rebus superest cinis, qui nihil est aliud, quàm terrea, exustarum rerum pars, ignitionem retinens. Hic amarus sentitur, qui deposita in aquam ignitione fit frigida terra, aquam verò vertit in falsum lixiuium, itaque amatum fit maxima terræ vstione: falsum hoc ipso, adiectione humoris, aliquatenus attemperato. Sal verò est illud terreum vstum, quòd cum aqua permiscetur facile,

facile, permistum verò ipsam rendit salsam. Id aperte percipitur, quia ex aqua salsa quæ colligitur, siue ex mari, siue ex salinis, per distillationem separatur sal, & fit succus potui aptus: quandoquidem igitur separatione salis dulcescit, permistione illius erat salsa, estque sal terra illa exusta, quæ cum aqua facile permiscetur, non est autem vsta vsque ad amaritudinem. sed infra, argumento quod vbi vstio plurimum creuit, mare ipsum pro salso est amarum, vt quod mortuum appellatur. Non est autem sal, terra vtcunque exusta, neque qualiscunque, sed talis nimirum quæ sensum vrenda exhalatione, atque cum aqua miscenda, constituit. neq; prius est ex terra facta, deinde in aquam demissa, aut ex terræ sordibus, vt quidam dicunt, in mare congesta, sed simul vi Solis eleuata, vsta & immita, vnde illud misti corporis genus, vix vlli simile constitit, maxima ex parte terreum, & graue (nam & Ecclesiasticus salem confert cum arena, & ferro quo ad pondus attinet) facile verò miscibile cum aqua, neque subsidens, sed retinens mistionem, vt primæ suæ generationi congruentem per minutulas quoque partes, intra exustam terram conclusit statum, vnde vt spuma quædam est, & candorem habet. Qua etiam in re similis est niui, & pruinæ: qua causa, ab igne resilit. extenuato scilicet statu, qui concludebatur, vt & in aliis omnibus rebus statuosus, velut castaneis & glandibus, euenit. Itaque sal ad terram pertinet modo quodam alteratam, & nactam quandam sympathiam cum aqua ob primam generationem, ob quam non solum in aqua, sed & in aëre humidiori, vt cum instat pluuia, emollitur: ob redundantiam verò terræ, & vritur & est adeò grauis inclusus enim status non adeò detrahit pondus rebus cum appenduntur in aëre, quàm in aqua. Quod indicant ligna quæ cum sint in aëre importabilia, in qua fluitant, ac superuehuntur. hanc ob causam, sal, cum in aëre æquè grauis sentiatur ac terra, in aqua non subidet, vt terra, sed commissus pendet cum aqua. Ob dictam quoque naturam euenit salem siccare simul, & extergere siccitatem præstante terra vsta, & extersionem ipsa ignitione, quia verò hanc minorem habet, extergit solum. Nam amara etiam corrodunt. Atque sal quidem solus, eandem ob causam, linguæ molestus est, admistus verò pinguibus, aut insipidis, molestiam & fastidium tollit, & gratiam addit: acida verò, contrarij causa retundit, liberant verò vtraque & salsa, & acida, inquam, à putredine, absumendo humiditatem, quia hæc cum frigore, illa cum calore sicca sunt, putredinis verò causa est redundans humiditas cum languido, & alieno calore. Salis igitur natura vtcunque explicata est,

Ligna cur
supernatant.

quæ non adeò similis est pruina, quàm aspectu, & forma, præcipuè cum effunditur super terram in salinis.

C A P V T LXXVIII.

CAp 43. Ecclesiastici: *Vide arcum, & benedic eum, qui fecit illum, valde speciosus est in decore suo: gyravit cœlum in circuitu gloria sua, manus Excelsi aperuerunt illum.*

De Iride
multa.

Multis in locis sacre scripturæ commendatur Iridis pulchritudo. Nam & in cap. 50. huius libri in Oniæ laudem dicitur: *Quasi arcus refulgens inter nebulas gloria, & quasi flos rosarum in diebus vernis, & quasi lilia, quæ sunt in transitu aquæ.* Et merito quidem, pulcherrimis enim coloribus est, puniceo, scilicet, viridi, & rubro, quapropter plurimum nos vocat in laudem Dei, ut & aliæ omnes res pulchræ in laudem opificum. non minimum autem auget pulchritudinem eius, illa magnitudo, qua cœlum videtur gyrate, hoc est, in circulum comprehendere. Nunquam enim superstat hemisphærio nisi circuli medietas, quasi pars sit circuli maioris, ac totum cœlum ambiens, atque altera pars sub terra sit in altero hemisphærio. Cuius quidem causa est ab opposito Sole fieri velut in terram dispectante, ac secundum peripheriam refractione radiorum in denso aëre reddente circulum, qui terram in medio contineat, quò sit, ut quò Sol sit humilior, atque occasui propinquior, eò sit arcus pars quæ spectatur sublimior, & quò superior Sol, eò arcus demissior. Nimirum est illi oppositus, & velut per totum cœlum distentus. Miratus ergo Ecclesiasticus illam tanti arcus extensionem, ut quod videtur, pars circuli maioris appareat, dicit, *Manus Excelsi aperuerunt illum.* De iridis causis dictum iam antea est, super Genesim. Nunc hoc solum dicere refert.

CAPUT LXXIX.

Cap. 6. Baruch, quod est Epistola Ieremiæ ad adducendos
 in Babyloniam, ita dicitur: *Quasi possint sentire qui non
 habent motum.* quibus verbis Ieremias indicare vult Idola
 sentire non posse, quandoquidem motum proprium non ha-
 bent: non possunt autem sensum habere, quæ motu carent *Sensus an
 sine motu.*
 animali. contrà autem videtur, motum sine sensu esse non
 posse, sensum verò esse posse sine motu. Quandoquidem
 præstantoris facultatis, & ordinis est motus, siquidem
 Aristoteles quatuor animalium gradus statuit hoc ordine, ve-
 getarium, sensitivum, loco motivum, & intellectivum: ut er-
 go intellectivum à motivo separari non potest, motivum
 verò ab intellectivo separatur in brutis, ita motivum sine sen-
 sitivo esse non possit, licet sensitivum sine motivo aliquan-
 do sit. Nimirum valet argumentum à maiori ad minus, non
 contrà. Galenus quoque libello de causis symptomatum, *Gradus
 motus.*
 affirmat, in parte præter naturam affecta posse perire motum
 manente sensu, non tamen hunc, manente motu, quando-
 quidem vehementiori facultate opus sit, ad transferendum
 membrum, quàm ad sentiendum solum. Igitur & in toto ani-
 mali, & in parte quacunque, videtur servari posse seorsum
 sensum sine motu, non tamen motum sine sensu. Præterea,
 sensus causa est unde incipit motus per appetitum, aut phan-
 tasmam: appetitus enim est qui movet animal (is verò fuit à
 sensu;) motus verò nullo modo, causa sentiendi esse videtur:
 igitur motus necessario coniunctus sit cum sensu, ut cum sua
 causa, sensus verò non necessario cum motu. Quapropter à
 motu rectè videatur quis argumentari ad sensum, dicens si
 quid movetur, sentit etiam, non tamen è contrario, si sentit
 movetur. Videtur ergo Propheta non satis indicare, Idola non
 sentire, quòd non moveantur, fuisseque rectius dicturus non
 moveri, qui non sentiunt. Nihilominus Prophetæ verba secun-
 dùm communem hominum sensum prolata sunt, nulla enim
 alia ratione agnoscimus animal mortuum esse ac sensu vacuū,
 quàm quòd neque respirat, neque aliter movetur. Sed & in
 ipso ortu, quod nondum sensum assequutum est, neq; vivit vita
 animalis, non potest aliter dignosci ab eo, quod iam sentit, *Baptismus
 abortivus.*
 quàm quod moveatur, aut secus. Atque adèd Ecclesia ipsa ita
 procedit, abortivos enim fœtus nisi motus alicuius speciem
 præ

præ se ferant, non baptisat, quasi animæ præsentia, non aliter quàm per motum agnosci possit, neque sensus, vbi motus non sit. Atqui profectò, præterquam quòd re ipsa & communi omnium hominum sententia videtur constare, argumentis multis iudicari potest non posse sensu esse præditum, quod moueri non possit. Nam Medici multis neque inevidentibus indicant, sensum & motum ab eodem principio fluere, putà à cerebro eiusdèmq; animæ partis esse (quam vocant facultatem animalem) & eisdem instrumentis deferri, & exerceri, puta neruis, & musculis. Quæ igitur actiones, neque differentia facultatis, neque principij, neque instrumentorum possunt separari, necesse est simul insint, merito autem si insunt simul, motus nota sentiendi est, potiùs quàm sensus mouendi, quia motus sensibile quoddam est, sensus autem non est sensibilis per se ab alio, quàm ob eo cui inest. Cùm igitur signum notius quiddam esse debeat, necesse est sensum ex motu veni-mur, vt ex re notiori, simul autem existente. Præterea, cui motum denegasset natura, frustra sensum concessisset. Quorsum enim dedisset voluptatis atque doloris occasionem, nisi prosequendi, & fagiendi dedisset potentiam? nisi certè conferret animali ad sui custodiam, si neque cibum, quem cum voluptate olfaceret, capere posset, neque ab igne à quo vreretur se subtrahere. Frustra igitur dedisset ei sensum. Sed neque frustra solùm, sed etià crudeliter. Quod cùm tamen longè absit à diuina bonitate, vbi natura esset perficienda, non puni-enda culpa, constat fieri non posse, atque adedò conuertibiliter dici de re quacunque sentum & motum: neque alterum sine altero inesse, in aliquo toto, & secundum naturam habente: velut in animali quopiam bene valente. Quare rectè consideranti, motiuum à sensitiuo non rectè separari videtur ordine & gradu, simul enim insunt & æqualiter, generibus omnibus, æquè inquam perfectè, aut imperfectè. Quibus enim omnes sensus, & imaginatio bona, ea & progrediuntur; quæ verò affixa tantùm contrahuntur ac dilatantur, vnum aut duos tantum habent, gustum scilicet, & tactum cum imaginatione leuissima. Non igitur inest cuiquam alterum sine altero. Dixi in toto & secundum naturam habente, quia in vna quapiam particula haud dubiè inest secundum naturam sensus sine motu, velut in neruis omnibus qui in nullos musculos inseruntur, cuiusmodi sunt optici & alij complures, qui ea causa vocantur à Medicis nerui sensus. Præter naturam verò & per morbos, & in toto animali, & in parte potest perire motus manente sensu,

Sensus &
motus ab
eodem.

Motus à
sensu non
separatur.

In quibus
sensus sit
sine motu.

in

toto quidem ut per catalepsim; in parte verò, cum paralytis non procedit usque ad sensus sublationem. Maiori enim noxa perit sensus, quia, ut dictum est, minori facultate obiri potest. Unde fit, ut non statim ac sentiri desinit omnis motus, sciri certò possit obiisse hominem, sed expectandum non raro sit, usque dum refrigeratio integra subsequatur, præcipue in quibusdam mortis generibus. Rectè igitur Propheta argumentatus est, dicens, *quasi possint sentire qui non habent motum*, non habent scilicet, motum naturalem, ut animalia. Non enim potest quidpiam, quot totum sit atque integrum, & suam naturam retineat, tali motu carens, habere sensum.

CAPUT LXXX.

Libri Danielis cap. 4. Eadem hora sermo completus est super Nabuchodonosor, & ex hominibus abiectus est, & fœnum ut bos comedit, & rote cœli corpus eius infectum est, donec capilli eius in similitudinem aquilarum crescerent, & ungues eius quasi ungues animum. Videtur Nabuchodonosor in belluam versus per annos septem, siquidem & figura illi mutata esse dicitur ab humana, & cor à corde hominis. Nam paulò ante præscripta verba ita dicitur in eodem capite: *Cum feris pars eius in herba terra, & cor eius ab humano commutetur*. Porro paulò infra in eodem capite dicitur, *In ipso tempore sensus meus reuersus est ad me, & ad honorem regni mei, decoremque perueni, & figura mea reuersa est ad me*. Quasi scilicet, & figuram hominis amisisset, & sensum. Cæterum constat aperte non fuisse hanc metamorphosim aliud quàm morbum eum, quem Medici vocant melancholiam, morbum, quo qui laborant, insaniunt non eodem modo omnes, sed multariam, ut sunt eius morbi multæ, ac longè diuersæ species, inter alia insanix genera, illa sunt celebratissima, quod se in aliorum animalium formas mutatos esse imaginantur, faciuntque, & patiuntur omnia quasi re vera ita esset; alij in canes, & latrant; alij in gallos, & cantant, & concutiunt latera; alij in lupos, & exeunt noctu domo, quæruntque sepulchra, & versantur libenter cum cadaueribus. Aded sunt celebres hæ insanendi differentiæ, ut ab illis indita sint morbis nomina. Vocatur enim camina melancholia, & lupina. Græcis *λυκανθραπια*, Arabibus Curabur. Verùm, plures sunt insanendi modi, quàm morborum nomina. Non enim vl-

Nabuchodonosor
metamorphosis.

Melancholicorum
genera.

lum peculiare nomen est eius infania, qua se quis esse gallum putat, aut asinum aut bouem, est tamen omnibus his commune nomen infania ex melancholia. Quem morbum insinauit Arist. 7. Ethic. c. 1. dicens, *Ferus atque immanis est inter homines tardè, maximè verò inter nationes barbaras est.* Fiunt autem quidam tales, & ob morbos læsionesque principij. Vocat Arist. læsiones principij, ipsa infania genera, quia sunt læsiones partis principis in qua est mens. Hic Nabuchodonosor haud dubiè neque Canem se, neque Lupum esse imaginabatur, siquidem fugiens semper homines, vitam agebat in syluis & vescabatur herbis, quod neque Canum, neque Luporum est, sed Onagrorum, aut bouum: aliquid igitur tale esse se ipse putabat, appetebatque belluinam vitam, & victum, quod est, factum illi esse cor ex humano belluinum, alioqui & figura ipsi mutata est non quidem penitus in belluinam, sed in magnam deformitatem, & faciem ab humana diuersã, corporis tota cute durata, & infecta à rore cœli, cùm versaretur nudus, ortisque pilis crassissimis, vt quodammodo imitarentur plumas, quod sanè ab eiusdem morbi causa fiebat, à copiosa scilicet fuligine crassissimæ melancholiz: vngues quoque illi creuerunt, factique sunt vt rapacium auium, ob copiam crassi terreique alimenti & ob tam longam intermissionem amputandi Durauit morbus hic annos septem, quod tempus multis morborum longissimorum est fatale, & decretorium, ob vim septenarij.

Pilorũ &
vnguium
materia.

Anni de-
cretorij.

C A P V T L X X X I.

CAp. 14. Danielis: *Tulit ergo Daniel picem, & adipem, & pilos, & coxit pariter, fecitque massas, & dedit in os Draconis, & disruptus est Draco.* Hæc ratio interficiendi Draconem, qua Daniel vsus est, non fuit miraculosa, sed naturalis. Quia etsi neque pici, neque adipi, neque pilis, vis vlla deleteria sit, ac proinde neque illorum misturæ, tamen sunt alia ratione mortifera. Nimirum, quæ deuorata mortem afferunt, quædam ob ipsius substantiæ proprietatem, quæ accipientis animalis naturæ aduersa est (non enim eadem sunt omnibus venena, sed alia aliis,) id faciunt, suntque illis venena: quædam cùm sint aliqui medicamenta, in vsus quosdam vilissima, quod intempestiue accipiantur aut dosi nimia mortem inferunt: quædam ob quandam incommoditatem, quam à substantiæ modo, aut figura habent, etsi per se nulla vehementi qualitate polleant, velut

Draco di-
ruptus.

Delete-
riorum
diuersi-
tas.

acicula

aciculæ latenter intra massam, aut panem deuorata, aut frustula vitri, aut adamantis, huiusmodi sunt quæ Hispani vocant, *caracas*. in hoc genere est quod Daniel obrulit deuorandum Draconi. Nam pici nulla perniciofa qualitas est, neque adipi, cum præcipue non fuerit perniciosi cuiuspiam animalis, sed vt verisimile est, cum simpliciter dicat adipem, nullius animalis facta mentione, hirci, aut arietis, aut bouis aut alicuius alterius familiarissimi. Sed neque pilis talem vim inesse agnosces, quia si in puluerem comminuti propinantur, nihil aliud, quam siccant. Tamen constat (mihi quæ aliquando id contigit videre) pilos humanos deuoratos, magnam ventriculo inferre noxam, atque adeo choleram morbum lethalem. Cuius causam esse existimo, quod ob illam flexibilitatem, nauscam mouent, ipsi vero ob tenuitatem, & implicabilitatem non reiciuntur, sed continenter hærent, irritant. Iam verò pix & adeps cum sine glutinosa, & emplastica, obturare viam cibi nata sunt, implicata verò pilis multò hærebunt tenaciùs, quapropter meritò factum existimo, vt boli ex ea massa dati hæserint firmiter angustissimæ ventris viæ, eaque penitus obturata, nullòque exitu dato, neque deuoratis, neque flatui, dirumperetur Draco.

CAPVT LXXXII.

Lib. I. Machab. c. 6. ita legitur: *Elephantis ostenderunt sanguinem vix, & mori, ad acuendos eos in prælium.* His verbis constat, Persas, qui Elephantis utebantur in præliis, conseruisse illos irritare posito ab oculis succo vix, & mori. Atque eisdem verbis insinuat, illos ob similitudinem sanguinis censuisse, Elephantos succis illis irritari, quasi conspectu sanguinis sæuientes. Nam dicitur, *ostenderunt sanguinem vix & mori*, hoc est, succum vix & mori sanguine effuso similem, an verò vana esset hæc consuetudo, an ratione fulciatur naturali, dignum est consideratione. Certè multarum gentium opinio constat, pugnaces feras intuitu rerum rubrarum irritari: nam & Hispania qui tauros agitant, rubris tunicis induti in forum proflire consueverunt, quasi illos ita magis irritaturi. Atque quod multarum gentium constat consensione, æquum est censere esse ita atque vt confirmatū experimēto recipere, & causam inuestigare, eam esse vulgus censet, quod sanguinis intuitu ad sanguinis effusionem prouocentur. Mihi verò ea

Elephas
cur viso
colore
sanguis
neo irri-
retur.

Colore
rubro cur
sanguis
mouea-
tur.

causa non placet. Nam ira est feruor sanguinis, quem ciet appetitus vindictæ. Quæ autē causa est, vt sanguinis effusi phantasia, appetitum inferat vindictæ? Hunc enim appetitum nihil nisi imaginatio contemptus, vel acceptæ iniuriæ in animantibus, quibus honoris est sensus aut doloris illati, vel prohibitionis rei expectatæ, in omnibus inferre potest. In obiectu autem sanguinis nihil horum esse videtur, quapropter multò magis placet ratio alia quæ non incipit ab imaginatione, sed à propria sanguinis natura. Nimirum sanguis intuitu rerum rubrarum commouetur, is commotus, præsentī præcipuè iræ causa, vt in præliis, facillè feruet. Quo feruore, accedente eo quem præsens irritatio ciet, verissimile est primùm ira increescere. Agitari verò ac commoueri ira sanguinem, receptissimū est à Medicis omnibus, qui proinde, spuētem, aut fundentem ex naribus sanguinem, vetant ipsum sanguinem, & res alias omnes rubras intueri, & ad cærulea aut nigra potiùs iubent oculos conuertere. Contrà exanthematis secūdum cutē laborantes iubent rubris indumentis operiri, atque cubiculi, in quo decumbunt parietes, rubris tapetibus regi, vt scilicet rubra despectent. In illis quidem timentes, ne sanguis ampliùs agiturus rumpat, in his sperantes fore, vt ita abundantius ad cutē emergat. Galenus libello de subfiguratione empyrica ira inquit: *Praterèa color rubeus sanguinem expuentes irritat, in reliquis verò passionibus, & symptomatibus, ipsa etiam experientia attestante planè inutilis, & superuacaneus est.* itaque Galenus eo loco dicit experimento constare irritari sanguinem conspecto colore rubro, causam verò qua irritetur non dicit, quia arbitror, illic de empyrica subfiguratione differebat: opus est ergo vt à me dicatur. Hanc ego arbitror præcipuè esse in spiritibus. Nam hi tenues, & maximè mobiles cū sint, aded vt ab Hippocrate idcirco vocentur impetum facientia, & in venis, & in arteriis cum ipso sanguine misti abundant, faciantque eum fluxilem esse, alioqui concreturum, atque vt Arist. censet futurum etiam frigidum, in spiritibus calefceret, consentaneum, est eos allici splendore illo simili splendori sanguinis in quo volutantur naturaliter; ad oculos præcipuè, quæ partium omnium externarum maximè spiritiuosa est, deinde, & ad totam cutē accurrere, & per quamecunque venæ aut arteriæ rupturam, aut laxitatem effluere. Cum præcipuè vt Medicorum opinio fert, spiritus vitales ex sanguine, & animales (duplices enim spiritus esse autumant, nisi etiam triplices) ex vitalibus generentur. Omnes ergo hæ substantiæ, sanguis dico, & duplices spiritus proximam habere naturam est necesse, atque aded spirituum naturam

Spiritus
duplices.

naturam fulgorem cum fulgore rubro sympathiam, ob quam illo alliciantur, secumque sanguinem commoueat. Sunt certe alia quamplurima, quæ longè occultiores habent sympathiæ causas, in quibus tamen acquiescunt Philosophi, aliis euidenter destituti, quapropter non videtur mihi esse hæc valde longè petita. Vtunque verò de causa sentias, res certe ipsa multis neque inevidentibus constat experimentis. Noui quendam qui oculos in rem quampiam cum rubore splendentem aliquantisper attentius intendens, non aliter oculis ac toto vultu afficiebatur, ac si vino æstuarer, aut erysipelate corripiri inciperet. Id verò quoniam non æquè accidit omnibus, constat accidere magis, quibus sint cum sanguine spiritus agiliores (ob hæc symptomata dicit vulgus esse quibusdam sanguinem leuiorem) aliquantisper verò accidere omnibus, nam & qui faciei erysipelate laborant, & qui ophthalmia, vel suffusione cruenta, splendoris rubei conspectu plurimum læduntur. Mulieres verò, quibus pulchritudinis est cura, siquidem albidæ sunt purpureis vtuntur indumentis, & spectris, non solum quòd specterum attemperatione apparens quidam rubor exoriat, sed etiam quòd hunc apparentem insequatur verus color incitatis spiritibus, ac cum eis sanguine, quæ eadem est causa furoris excitandi in belluis, vbi alioqui est præsens iræ occasio.

CAPUT LXXXIII.

Lib. 2. Machab. cap. 7 ita alloquitur mater filium suum minimum: *Fili mi, miserere mei, quæ te in vtero nouem mensibus portavi, & lac triennio dedi.* Dubitare hîc possit Physicus, cur dicat, nouem mensibus te portavi in vtero, cum in c. 7. Sapientia, dicat Salomon, *Decem mensium tempore coagulatus sum in sanguine, ex semine hominis, & delectamento somni conuenienti.* Deinde cur dicat triennio lac dedi, an id factum est iuxta naturæ ac Medicinæ rationem, an nimium fuit infantem triennio lactare? Primam quidem dubitatiunculam facilè dilues, quandoquidem, vt Arist. dicit capite quarto septimi de historia animalium, *Cum alia omnia animalia singulari, ac vno modo partum suum perficiant (vnum enim statutum est pariendi tempus omnibus) homini vni multiplex datū est.* Nam & septimo mense, & octauo, & nono, parere potest, & quod plurimum decimo: nonnulla etiam

Vteri gestationis exacta cōsideratio.

undecimum tangunt. Hæc Arist. Author libelli de carnibus, qui inter Hippocraticos est, affirmat postremum finem, quo mulier parere possit, decimum esse mensem, neque ullam ultra id tempus posse parere deceptasque esse omnes, quæ se undecimo affirmant peperisse, mensium suppressione anticipante conceptionem: infra illum verò finem esse alios plures. Libello etiam de alimento Hippocrates multos variosque pariendi fines connumerans, postremum statuit tercentum dies, quos constat decem menses perfectos esse. Aristot. nonnullas undecimum attingisse affirmat, quod mihi non videtur inopinabile, tamen si rarum sit, quandoquidem vix quidquam esse in rebus huiusmodi, quæ ad naturam spectant impossibile, aut necessarium, adeò mira rerum varietate natura luxuriat. Itaque sunt & qui recensentur ab Arist. pariendi fines, & plures adhuc: inter eos autem omnes, qui maximè videntur iuxta id quod deprehenditur experimento, & Hippoc. doctrinam naturales sunt dies ducenti & septuaginta, qui complent nouem menses Græcos, hoc est, vulgares, & constantes triginta diebus, & ducenti & octoginta, qui decem dies accipiunt decimi mensis, & trecenti qui decem integri menses sunt. Nam Hippoc. lib. 2. de morb. vulgaribus sectione tertia, ita inquit: *A mensium fluxu numerandi sunt nouem menses, aut à conceptione, & ad septuaginta ad ducentos dies Græci menses fiunt.* Porro libello de partu septimestri, maximam vim tribuit quadragenariis dierum, affirmans eos qui quinto aut septimo edantur quadragenario, vitales esse, sunt verò septies quadraginta, ducenti octoginta. Iam verò tercentum dierum finem eodem loco, & in eis quos citauimus ex libello de alimento & de carnibus & alibi pluries, scribit. Cum ergo optimi ac perfectissimi sint nascendi fines, nouem, & decem menses, dicere possis vtriusque in sacris facta esse mentionem, neque possit quispiam inficias ire. Ego verò magis adducor vt credam, vtrobique intelligi idem tempus, puta menses nouem, is enim, & Hippocratis testimonio & omnium hominum experimento creditur esse maximè naturalis, & communis nascendi terminus. Sed quia nomen mensis non de eodem dierum numero semper dicitur, sed nunc de Græco, qui, vt diximus, triginta diebus constat; nunc de Lunari, qui Græco semper est minor, sit vt qui nono mense Græco erit, vterò exeat decimo lunari: itaque si Lunæ circuitiones numeres, nascuntur homines decimo mense, sin vulgares menses, perfecto nono tempus idem est. Et hæc quidem quæstio Physica est, illa verò Medicinalis; An expediat integrum triennium lac dare infantibus, an prius sint ad cibos solidiores transferē-

Partus
multipli-
citas.

di, est verò non solum Medicinalis, sed etiam practica. Scire autem in primis expedit velut earum mutationum, quæ pueris natura contingunt, cuiusmodi, ingressus, loquelæ, dentitionis, primæ & secundæ, nulli sunt certi iidemque omnibus fines, ita neque eorum, quæ arte circa illos fiunt, velut extrahendi brachia, erigendi in pedes, contrahendi vestes, admiscendi cibi aliquid cum lacte, & omnino ablactandi. Nimirum vtraque, & quæ natura inquam, & quæ arte fiunt, causam habent in natura; naturarum verò est mira varietas. Verum quia incerta cadere non possunt sub artem, facit Medicina quod & aliæ artes, hanc irregularitatē redigens ad regularitatem, & statuens certos quosdam fines, quasi sint omnibus iidem, qui tamen sunt plurimis communes, à quibus deflectere, nisi exiguum non liceat. Galenus primo de tuenda valetudine iubet lacte solo uti, vsque dum exeant dentes anteriores, seu incisori, postquam autem prodierint assuefacere infantem cibo crassiori, dare verò nihilominus lac *μέχρι τῶ τετρίτου*, hoc est, vsque ad tertium annum. Dubitare possis in Galeni verbis, an spectanda esset integra eruptio dentium anteriorum, ad primam solidioris cibi oblationem, & an tertius quoque annus esset transigendus ante ablactationem. vtrumque exposuit eius interpres Auicenna fen. 3. primi libri dicens, *naturale tempus lactandi, est tempus duorum annorum*, & rursus, *postquam duales* (vocat duales anteriores, quia nascuntur bini, suprâ & infrâ) *apparere coeperint dentes, ipse adnutriens mouendus erit ordinatè, quod sit fortius*. Itaque vt assuefacere incipias puerum crassiori cibo, Galeno auctore, & interprete Auicenna, satis est, si anteriores dentes incipiant apparere: ad ablactandum autem si duos annos trãsegerit, itaque lac acceperit, vsque ad tertium. Eandem sententiam sequuti sunt Orbasius, & qui ab illo mihi videtur hæc, & multa alia transcripsisse Paulus. Dicunt enim: Satis erit biennium lacte nutrire. eadem quoque esse videtur Aetij sententia, qui cum frumentaceum cibum (hoc est, panem) intrepidè accipit, ablactandum censeat infantem, quod (inquit) circa vigesimum mensem plerumque accidit. tunc ergo paulatim ab ubere desuescat. Eadem inquam penitus mihi videtur esse sententia: nam in illū paulatim insumuntur quatuor menses, qui vsque ad integrum biennium restant. ergo & quod mater Machab. dixit, *triennio lac dedi*, ita est intelligendum, ac si diceret, vsque ad tertium annum Non est autē res parui momēti, neque parum refert scire, quo tēpore sint ablactandi pueri: nam si ante tempus id fiat, maxima nascuntur incōmoda; si vltra tēpus differatur, maiora. Nascuntur verò vtraque ex eadē causa:

Lac sugere quādiu pueri debeant.

Ablactationis tempus.

ea videlicet, qua datur lac, infantibus ea est, quia humiditas illa infantilis quam ex utero & suæ generationis principiis contraxerunt, conseruationem postulat, & quia secundum naturam est, ut certè quodcunque tēperamentū ætatis, & præterea est optima, quia nō solum naturalis, sed etiā natiua, & ad reliquā vitam, & futurum incrementum apprimè necessaria. Calor enim naturalis tali humiditate seruat, & incrementum, non nisi in humida materia fieri potest, igitur multis causis, eisque optimis, infantilis humiditas, seruari postulat. Conseruatio autem omnis agitur similibus, velut curatio contrariis. Humido autem humiditate natiua, nihil vel excogitari quidem potest similis lacte, quod ita est humidum siccūque ex ipso vberis spirituosū, ut vnica eāque exigua trāsmutatione factū ex ipso met sanguine, ex quo coagulatus est infans. Si igitur ab hoc adeo simili cibo ante tempus abstrahatur, eueniet id temperamētum nō conseruari quandiu potest, sed intempestiuè cōmutari in aridius. Vnde euenient, vnum, ut cibi ante tempus oblari non benè conficiantur, & infans in morbos incidat; alterum ut caro intempestiuè siccescat & infantilis ætas contrahatur, atque cum illa ad proportionem sequentes ætates, & incrementum minùs succedat, sitque proinde homo, & minor, & breuioris vitæ, & morbosior. Si autem plus satis in vsu lactis persistitur, & hæc eadem nascuntur mala (præter id quod spectat ad incrementum & moribus etiam,) ingenio incommodatur. Nam ut infans ætate procedit, siccatur naturaliter & durefcit. Si igitur eius temperamento alterato, cibus manet idem, fit ut qui similis erat, contrarius iam sit, atque qui naturalem seruabat humiditatem, excrementitiam inducat; quare & morbosam, humidum igitur faciet præter naturam sed & frigidum, & caloris naturalis inopem. quia ubi iam est tempus ab lactandi, infans solidiores appetit cibos, quos & potest conficere. Si igitur dentur tenuiores, & debiliores quàm pro eius concoctrice facultate debiliior fiet homuncio, & naturali calore minùs abundas (marcescit enim naturalis calor cibo tenuiori) ac proinde breuioris vitæ. Nam caloris naturalis robore seruatur, & producit vitæ. In hanc sententiam dixit Hippocr. Epid. comm. 4. imbecilli victus frigidi, robusti verò calidi, & rursum Comm. 5. eiusdem sexti, imbecilliora cibaria breuem vitam habent. Sed & quod ad mores attinet, & ingenium, perinde probatur. Si enim Plato rectè dicit, humiditatis redundantiam stupiditatis infantilis causam esse, constat nimium vsu cibi adeo humidi contrarium esse prudentiæ. Quoniam verò calori detrudere naturali indicatum est, augebit timiditatem.

erit

Lac ex
quo ge-
neretur.

Ratio na-
triendi in-
fantis.

eritque contrarius fortitudini. Fiet igitur qui non ablactabitur tempestiuè, debilis, mollis, & stolidus. Plurimum itaque refert suo tempore infantes ab vberibus abducere, tempus verò legitimum esse perfectum biennium constat ex communi Medicorum omnium sententia, & ipsis naturalibus indiciis. Ad id enim tempus in plerisque dentibus os impletur, & pueros panem auidè euenit arripere ac plorantes poscere, natura scilicet, & instrumentis, necessitatem, vt digito, indicauit.

CAPVT LXXXIV.

IN Euangelio Matthæi cap. 6. *Lucerna corporis tui, est oculus tuus, si oculus tuus simplex fuerit, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* His consonare videtur quod ab Hippocrat. 6. Epid. sectione 4. dicitur his verbis, *Oculi vt valent, ita & totum corpus.* eam enim orationem in nostris commentariis indicauimus, æquè ad Medicinam, & Physiognomiam, & Philosophiam morum pertinere posse, siquidem oculi præ aliis omnibus corporis partibus notas præbere possunt morborum qui infestant, & morborum in quos quisque natura est propensus & motuum animi, siue hilaris est, siue tristis, siue iratus, siue timet, siue aliud quiduis patitur. Nimirum librum Prognostici inchoat Hippocr. à facie & oculis: & Physiognomici nulla ex parte accipiunt plura signa, quam oculis, neque verò tot, vt facile est videre apud Aristot. in libello de Physiognomia & apud Hippocrat. lib. 2. Epid. sect. 5. & 6. in quibus sunt multa pertinentia ad hanc Philosophiam eorum verò pars maxima spectat ad oculos, nimirum, vt super vltimo cap. libri Ecclesiastes explicuimus, hominis facies vocatur platea animæ, & oculi vocantur aspicientes per foramina, quia in facie sunt omnes sensus, quapropter illic videtur anima, vt in foro versari, ac negotiari cum rebus externis. Sensuum verò perfectissimus, atque exactissimus est visus. Atque per oculos quàm per aures & nares, & os, tantò magis videtur exire ipsa vis animæ ac sese manifestè prodere quasi per fenestras: vt à Platoniciis omnibus atque adedò à Galeno, existimatum sit, verè ipsam animæ facultatem exire ad videndum atque visionem longè ab homine agi. Certè constat fulgoris illius sensifici qui

De oculis
multa.

Oculorū
virtus.

spiritibus animalibus inest multò plus abundantiusque venire ad oculos, quàm ad alium quodpiam sentiendi instrumentum, atque per hoc multò magis cum externis communicare animam. Hinc fit, vt quid patiarat, qualisque sit, nulla in parte apertius indicet: atque vt verissimum, sit quod Hipp loco citato dixit, *vt oculus valet, ita & totum corpus*. Porro nomen oculi propriè dicitur de corporali videndi organo: Metaphoricè verò de acie mentis, hoc est intellectu. Quia vt ille videt corporalia, ita hic incorporea. Hac Metaphora, & Philosophi omnes & poëtæ etiam vtuntur: in sacris verò est frequentissima. Illud enim Psal. 12. *illumina oculos meos, ne vnquam obdormiam in morte*, & illud 24. *Oculi mei semper ad Dominum*, non de corporalibus his oculis, sed de mente venit intelligendum. Neque enim optandum est ne vnquam obdormiamus corpore, sed mente & in peccatis: neque refert corporeos oculos intentos semper esse in Deum, què illis oculis non videbit homo & vinet, sed mentem. Significatur verò hæc nomine oculi, quam Metaphora inpersequutus optimè est Plato lib 7. de Rep. seu de iusto, ita de mente differens comparansque cū corporali oculo: *Præsens autem ratio nobis innuit, primum vim qua est in animo cuiusque, deinde instrumentum quo res discere quisque potest, perinde ac si oculum impossibile esset, aliter quam vnà cū toto corpore ad clarum obiectum ex obscuro conuertere. Ita tota mente à generatione vsque ad id quod ens dicitur, circumagere oportet, vt quod clarissimum est, possit speculando transcendere. Hoc autem ipsum bonum esse dicimus. Ad hoc igitur ipsum eruditio competens erit facultas quadam animi dirigendi, vt ipsius oculi, quam facillimè & efficacissimè conuertantur, qua huic oculo aciem, visumque non dabit, sed tum potius cū visum quidem habeat, neque tamen reuè conuersus sit, neque quod decet aspiciat, conuertere omni machinatione contendet. Ecce vt Plato mentis aciem oculum vocet, atque per oculi analogiam definiat. Ergo quo Physici, & Physiognomici de corporali oculo affirmat, qualis scilicet is est, tale esse & totum corpus, hoc Dominus transfert ad oculum animi, hoc est intellectum, dicens, *Lucerna corporis tui est oculus tuus, si oculus tuus simplex fuerit, totum corpus lucidum erit. Quasi diceret, vt oculus est lucerna corporis, ita mens seu intellectus animæ, quæ est præcipua hominis pars, ac per quam homo bonus, aut malus dicitur. Velut ergo, vt vel oculus, ita valere agnoscitur totum corpus; ita & valet anima, ac per eam totus homo, qui nunc significatur nomine corporis. Si igitur (inquit) oculus tuus simplex, hoc est, bonus**

nus est, totum corpus (hoc est totus homo) lucidum erit. Si autem oculus fuerit nequam, homo totus erit tenebrosus. Vbi est animaduertendum, in sacris, cum hæc de mente, aut de homine enunciantur, idem esse simplex seu bonum & lucidum, atque nequam & tenebrosus. Nimirum radix, ac principium peccati, est ignorantia, & tenebræ: principium autem veræ virtutis, lux & perspicacia mentis intuentis primum verum bonum. Vnde à causa ad effectum translato nomine malus vocatur tenebrosus, & bonus lucidus, & ipsa bonitas, lux & sapientia, & malitia tenebræ, & stultitia: qua phrasi tota scriptura sacra, maximè verò libri Sapientiales referti sunt. Philosophis etiam omnibus est semper in ore illud Aristot. 3. Ethicorum cap. 1. *Omnis peccans est ignorans*. Causam verò non omnes assequuntur, imò plerique dubitant, quod non videantur peccata ex ignorantia, fluere omnia, sed quædam. Imò verò quæ verè ex ignorantia, ea aut omninò non esse peccata, aut leuiora videantur, siquidem & Paulus de seipso dicit in epist. 1. ad Tim. *Misericordiam consequutus sum, quia ignorans feci in credulitate*. Ignorantia igitur non videtur facere, sed aut tollere, aut imminuere peccatum. Porro plerisque hominibus videtur, se non ignorare quid faciant, cum quid peccant, sed velle potius scientes & volentes, sequi deteriora. Hæc autem dubitatio nulla ratione melius diluitur, quàm adhibita causa, qua dicta asseritur thesis, puta peccatum omne nasci ex ignorantia, & tenebris. eam verò reddit optimè Plato, loco nupetrime citato ex septimo de Rep. dicens, mentem humanam velut oculum quandam esse, cumque cum conuersus est, ad res & negotia huius sæculi, auersum necessario esse à veris & æternis bonis, ac proinde non posse ea perspicaciter intueri. ideoque neque videre, nisi tenuiter, neque ab illis permoueri, sed à rebus caducis trahi, vtpote quas videat exactius: cum verò cuius mens diuinis rebus sit intentæ, circa humanas cæcutire non aliter ac qui è luce splendida repente se transfert ad tenebras. Hinc fit, vt filij huius sæculi (dicitur hoc c. 16. Luc.) hoc est, qui res huius sæculi habent chariores quam diuinas, prudentiores sint in generatione sua, hoc est, in tractandis negotiis secularibus, quam filij lucis, quod in id solum, quod verè bonum, & verè ens est, habent intentos mentis oculos. Idem verò, qui in his rebus sunt perspicaciores, circa diuinas cæcutiētes, & stulti facti peccant, quia verba bona tenuiter vidēt, vtpote à quibus habent oculos auersos: itaque vtrique sunt perspicaces circa quæ habent oculos intentos & cæcutientes circa contraria, vnde & illud Paul. epist. 1. ad Cor. c. 3. etiam intelligitur facile: Si

Filij huius sæculi perspicaces.

quis videtur inter vos sapiēs esse in hoc saculo, stultus fiat, ut sit sapiens, sapientia enim huius mundi stultitia est apud Deum. Ignorantia itaque eius qui peccat, est in auersione oculorum mentis à Deo. Proinde monet ibidē Plato, eius oculos disciplina, & meditatione ad vera bona sensim cōverti, quia si quis repente velit diu occupatū in rebus caducis ad vera bona trāsferre, nihil proficiet, quia excācabitur repentino lucis intuitu, ut qui diu moratus sit in tenebris, paulatim verò meditatione, & exhortationibus trāsferretur mentis oculus ad veri boni contēplationē facilem, vnde & respiscet. Quanquam nonnulli etiam repente trāslati sunt, atque iis quidē solet repentinus fulgor multas excutere lachrymas; quorum multi quasi dolore perterriti retrocedunt, nonnulli verò quibus Deus maximē fauet, etiā perseuerant. Constat itaque ut vera virtus ex vera mentis oculorum luce; nequitia verò nascatur ex tenebris. Nam etsi vtrique, & boni inquam & mali, in suis quique rebus sint perspicaces, tamen quantò res diuinæ humanis sunt illustriores ac meliores, tantò etiam præstat bonorum sapientia malorum sagacitati (nimirum scientia ex obiectis accipit dignitatem; quare hæc ad illam tenebræ. illa verò lux Prouer. 4. *Via impiorum tenebrosa, nesciunt ubi corruant: iustorum semita quasi lux splendida procedit & crescit usque ad perfectam diem.* Meritò igitur in tenebris versari dicuntur impij, boni verò ambulare in luce, atque adeò, quod probum lucidum, quod nequam tenebrosum. Quod verò eorum qui peccant, plerique nihil se sentiant ignorare, nihil obstat dictis, quin potius hoc ipso sunt insipientiores; hoc ipsum adicientes suæ insipientiæ quod se putant scire, quæ ignorant. Nimirum teste Arist. c. 3. 7. Ethic. sunt vel furentes, & ebrij, qui de quacunque re interrogentur. respondent nonnunquam, ita, ut videantur sapere, & eligunt, faciuntque contraria. Duodecimo etiam cap. Prouer. legimus: *Via stultorum recta in oculis eius.* Quod verò obiiciebatur de ignorantia quæ peccatum minuere potius quàm augere videtur, explicemus. Dicta ignorantia quæ auersio intellectus à vero bono est, non potesse abesse ab eo qui peccat, illam enim facit perturbatio mentis qua tenetur; & qui in illud bonum habet mentem intentam, videtque illud perspicaciter fieri, non potest ut mala eligat præ illo. naturaliter enim ferimur in bonum, atque hoc ipsum in ratione boni est. Quare qui deteriora eligit, meliora non satis vidit, & ea quidem ignorantia non minuit, sed auget peccatum, quia ea ipsa maxima improbitas est. Habere inquam mentem auersam à Deo, cum possis conuertere, aut studere, ut conuertas. Quidam verò præter hanc, quæ communis omnibus qui

Vera virtus vnde.

An ignorantia peccatorum minuat, an augeat

qui peccant est, ignorantiam, habent aliam peculiarem circa propriam materiam peccati, vt qui ignorans diem festum esse, rei sacræ non interfuit, aut ignorans esse alienum, quidpiam abstulit. ea quidem ignorantia culpam semper minuit, nisi sit studio procurata, grauius enim esset sine vlla excusatione, scientem ac considerantem diem esse festum, & rem alienam, peccare; si verò nulla negligentia in causa fuit vt ignoraret, etiam tollit omnino peccatum, quia (vt Aristot. cap. citato ex tertio Ethicorum dicit) cum tali ignorantia non est electio, sine qua esse peccatum non potest. Nihilominus est semper peccatis adiuncta ignorantia ea, quæ in oculi mentis auersione consistit, vt omnis vera bonitas ad eius oculi in Deum conuersione procedit. Quapropter vt habet is oculus, ita & totus homo. Atque si oculus is fuerit simplex, totum corpus erit lucidum: si nequam, tenebrosum, vt explicatum est.

CAPVT LXXXV.

Matthæi cap. 16. ait Dominus, *Vespere facto dicitis, serenum erit, rubicundum est enim cælum: & manè, hodie tempestas, rutilat enim triste cælum.* Quæ verba haud dubiè non sunt dicta à Domino, vt docerentur tempestatis, aut serenitatis præfagia, sed vt arguerentur illi ad quos ea verba habita sunt, ex suo ipsorum sermone. Nam addit: *Faciem ergo cæli diiudicare nōstis, signa autem temporum non potestis?* Verùm quia non vulgi solum, sed Philosophorum etiam & agricolarum, & nautarum est ea assertio, quibus utpote talibus observationibus deditissimis, fides non debet denegari, huius quoque si fieri potest, reddenda hoc loco causa est. Ea verò mihi esse videtur, quod nubes densæ tactæ Sole obliquo, qualis est qui iam occidit, nigrætiem per se ferunt. Quæ ergo rubicundæ sunt, non sunt adeo opacæ, & densæ, sed penetrantur lumine, quapropter in diem posterum nullum indicat tempestatis apparatum, serenitatem ergo permittunt. Cùm verò oriente Sole, triste hinc inde, & nubilosum se exhibet cælum, plerunque solent ad primum orientis Solis occursum dispergi nubes. Quæ tamen si densæ sunt, quales cùm triste cælum, non dissipantur, sed excepti per eas radij Solis videntur rutilare. Postremò verò, vesperi, cùm Sol, cum quo toto die sint colluctatæ languescit, consurgunt, densatur, fiuntque imbres.

Serenitatis præfagium.

CAPVT LXXXVI.

CAp. etiam 12. Lucæ eodem modo arguens hypocritas, ait Dominus, *Cum videritis nubem orientem ab occasu, statim dicitis, nimbis venit, & ita fit: & cum Austrum flantem, dicitis, quia æstus erit & fit.* Horum verborum multò magis rationem reddi oportet, quam priorum. Quia non solum quasi vulgi sermonem protulit, sed adiecit, *& ita fit.* Quasi in eo iudicio ferendo de imminente tempestate, non deciperentur. Sanè vt incipiam ab vltimis, Austro succedere æstum, & experimento est compertissimum, & rationi valdè consentaneum, cum Austrum calidum ventum esse, & oppositum illi Aquilonem frigidum, omnes qui de ventorum agunt naturis, vno ore confiteantur, neque solum secundum hanc qualitatum primarum oppositionem, sed secundum alteram etiam contrarios esse putant illos flatus, Austrum scilicet humidum, Aquilonem siccum, vel hoc argumento, quod tempestates Austrinæ plerunque sunt etiam pluviosæ, ac semper blandæ; Aquilonares plerunque serenæ ac semper arcentes: atque adedò, quod flante Austro faciles putrescunt, vtpote calidi, & humidi flatus contractu alteratæ, Aquilo à putredine liberat, siccans, & refrigerans. Huc pertinent illa verba Iob cap. 37. *Nonne vestimenta tua calida sunt cum perflata fuerit terra Austro?* Verum cur Auster talis sit, memini me antea dixisse. Nimirum quia flat à meridie versus Septentrionem: meridiana verò mundi pars abundat igne præ mundi lateribus. hunc ergo allicit Auster, Aquilo contrariam ob causam frigidus est, quia scilicet, aduersus ignem latus, illum abigit. Sed dices oportere vt eadem causa Auster siccus, & Aquilo humidus sit, quia ignis non solum calidus, sed siccus etiam est. Cæterum, vt hæc illis insint, alia causa est. Nimirum qui venit à frigidiori mundi parte à frigidiori cælo repulsus, non effertur in sublime, sed decurrit iuxta terram, ac proinde humiditati aëris sublimioris minus admiscetur, contrà, qui venit à parte mundi calidiori, effertur in regionem mediam aëris, vbi à vaporibus quibuscum miscetur, multam recipit humiditatem. Cur ergo flanti Austro succedat æstus, hæc est causa. Cur verò nimbus

De vëtorū naturis.

Cur Auster siccus, & Aquilo humidus.

bus ascendente nube ab occasu oportet scrutemur. Certè Elias cum futuram copiosam pluuiam, post tam longam ariditatem Regi Achab prophetauit 3. Regum capite 18. dicitur vidisse nubem ascendentem à mari Dicitur enim : *Ecce nubicula parua, quasi vestigium hominis ascendebat à mari.* Constat autem ascendisse ab occasu Solis Nam Palæstina ad occasum habet mare. Censebatur ergo vt existimo, in illa regione pluuiæ signum, nubes ex occasu ascendens, quia cum ad occasum haberent mare, inde ascendebant, eratque id signum illi regioni proprium. Nobis verò quibus mare æquè ad occasum, & meridiciem, & Septentrionem est, æquè ex his omnibus partibus ascendunt nubes nimborum nunciæ, Britannis ascendunt undique, vt qui mari cinguntur.

Nubes ex
Occasu
pluuiæ si-
gnum.

CAPUT LXXXVII.

Cap. 10. Lucæ ait Dominus : *Et approprians alligauit vulnera eius, infundens oleum & vinum :* quibus verbis per insinuationem, videtur commendare ad vulnera oleum & vinum quod Græcis vocatur οἰνέλαιον. Videtur verò ad id alia quidem ex parte Medicinæ placitis dissonum. Nam de vino Hippocrat. libello de Vlceribus ita inquit, *Vlcera vniuersa nisi vino humectari non oportet, nisi in articulo fuerit vlcus.* His verbis Hippocrat. commendat vinum ad lauanda vlcera, vituperat verò omnem humectationem, quantò magis eam quæ agatur oleo. De quo paulò infra idem Hippocrat. dicit *At oleum, & quæcunque mollia aut oleosa sunt medicamenta, talibus vlceribus non conducunt, si non valde iam ad sanitatem tendant.* Neque vlceribus exercenti vulnere oleum conducit, neque mollientia, neque adiposa medicamenta tum aliàs, tum quòd vlcus ampliore purgatione opus habet. Gal. quoque tertio libro Meth. commendat vinum, & vituperat oleum ad curanda vlcera. Nam cap. 4. ita inquit, *Vinum igitur omnis vlceris, quæ vlcus est, optimum est medicamentum* capite autem 2. eiusdem libri inquit, *Oleum namque cauo vlceri infusum aduersissimum omnium medicamentorum est, cum si ita mederi voles, ipso usu intelliges sordidum ac male olens vlcus fieri.* Videtur ergo id medicamen, quo in parabola dicitur vsus Samaritanus, partim fuisse vtile, partim verò

Vinum
vlceribus
aptum.

Oleum
quomodo
noceat
aut profit
vulceribus.

verò etiam noxium. Neque sanè (vt hoc obiter dictum sit)
etsi id medicamen fuisse ineptissimū quis existimet, quidquam
detrahitur sacre lectionis auctoritati. Nam in illo loco ho-
minis charitas, nō Medicinæ peritia cōmendatur. Nihilominus
mihi etiā sonat, velut medicaminis ad eā rē idonei facta men-
tio. Cur autem vino & oleo vteretur, duplex ratio est, aut enim
seorsum aut admistis seorsum quidē, interius. & in ipsū vlcere
vino: exterius verò, & super circūstitis partibus, oleo haud dubiè
vtilissimè vteretur, nisi essent vlcera in articulis aut penetran-
tia in capite. Nam vinum mundat, confortat, & siccat vlceratā
partem; oleum verò sanat, circum circa existentes fouet & si
quæ est in illis doloris causa, mitigat. Re vera, an infusum o *vi-
laxor*, quod vino & oleo constat, vtile esse potest, difficiliorem
habet inquisitionem. Certè vlcus simplex, & quod prima, vt di-
cunt, intentione curandum sit, non indiget oleo, quia tale
siccationem solū, & agglutinationem desiderat, quorum
neutrum præstare potest oleum. Non læditur autem oleo
magnopere, nisi quod sordidum est, & putredini valde oppor-
tunum, quia oleum hæc magnopere auget, est nihilominus
aliquod vlcus quod vsu olei multum iuuatur: in quo scilicet
pus moueri est opus, vt quod cum contusione consistit. Sunt
ergo quædam vlcera, quæ oleum amant non solū partibus
sanis quæ circumstant, admotum, sed infusum etiam intrò.
Atqui neque ea quæ oleum solum purūque respuunt, vt quæ
caua & sordida, statim etiam læduntur omnibus quæ partem
aliquam eius recipiunt: nam ceratō ex oleo cera & ærugine
æris expurgantur, replentur carne, & senescunt. Cū igitur
sint vlcera, quæ solo oleo gaudent, & recentia omnia quæ in
carne consistunt, vno solo plurimū iuuentur, & ea etiam
quæ solo oleo læduntur, commistum cum aliis amicè reci-
pian, plus aut minus, vt res exigit, sint etiam haud dubiè qui-
bus mistura ex oleo, & vino sit accōmodatissima, quibus, scili-
ce, vlcus sit crudiūsculum in carne (nam nerui neque vinum,
neque oleum simplex amant) & asperum, & phlegmonis ali-
quid per partes habens. Ea enim solū oleum fecerit, sordida
solū vinum irritauerit, & exasperauerit *διελάγας* verò miti-
gauerit, (anodinum enim est) emollierit simulque roborauerit
particulam (constat verò id modicè calidum debere infundis)
fuerūt verò talia haud dubiè vlcera eius quia latronibus per-
cussus, semiuivus relictus est. Siue enim fustibus ictus sit, quod
plagarum nomen sonat, siue ense vulneratus, oleo necessariò
indigebat. Nam si contusione erant inflicta vulnera, nihil po-
tius: sin autem sola incisione, tamen destituto sine alligatione
tandiu

tandiu sub dio, ab aëre haud dubiè essent exasperatæ, & refrigeratæ partes, cui malo nulla re melius succurreretur, quam calente οἰνέλαιω!

Itaque bonus ille Samaritanus, non piè solùm, sed prudenter etiam videtur succurrisse. Idem etiam medicamentum vtile sit ad partes verberibus contusas simul, & dilaceratas. Quod innuitur etiam illis verbis Isaïæ cap. i. *Vulnus, & linor, & plaga tumens, non est circum ligata, neque curata medicamine, neque fota oleo.*

CAPUT LXXXVIII.

CAp. 20. actuum Apostolorum scriptum est, Iesum servatorem nostrum, suo ore dixisse: *Beatius est magis dare, quam accipere.* Quæ assertio etsi nullum desideret argumētum, ut pote diuina autoritate confirmata, Physicam etiam habet monstrationem, solo eo posito, quòd beatitudo in bonorum abundantia sit, miseria in priuatione, aut contrariò; quod ex ipsis nominum notionibus manifestum est. Cùm igitur dandi principium sit, ipsum habere, recipiendi verò in vacuitate, quia nihil potest dare id quo caret, neque recipere id quod habet, constat beatius quiddam esse ipsum dare, quam recipere. Obiiciet autem quispiam recipiendi cupidus, quia beatius est habere quàm carere, beatius esse recipere quàm spoliari, quando quidem ex fine debent estimari omnia, finis verò recipiendi est habere, dandi verò carere. Coniunctis ergo vtrisque rationibus constat fieri, ut illud sit longè beatissimum, dare semper, & abundanter, & nihil amittere, quod primæ ac summæ & beatissimæ causæ necesse est tribui, cui ex se esse est sufficientia summa. Causis quoque naturalibus, quæ scilicet sine deliberatione operantur, euenit dare nihil amittendo ex suo, hæc tunc dare possunt magis, cum habent melius. Ignis enim cùm actu est ignis, formam tribuit; quod verò est potentia ignis, & adhuc caret, recipere potest. Itaque in merè naturalibus, haud dubiè, dare est melius habentis, & per eam largitionem nihil amittitur eius quod inerat largienti. Verùm quoniam de talibus nomen beatitudinis non dicitur nisi fortè æquiuocè, necesse est videre an de humanis largitionibus quæ non nisi aliqua bonorum expensa fieri possunt, dicatur illud

Triplex
genus bo-
norum.

verè. Constat autem quandoquidem hoc ad mores hominum spectat, Ethicam desiderare monstrationem. Quam non aliunde possimus melius petere, quam ex Arist. cap. 7. lib. 9. Ethic. ea pender ex bonorum differentia. Nimirum bona omnia, & hominibus experibilia, sunt in triplici genere: nam aut honesta, aut vtilia, aut voluptuosa. Horum quivis homo bonus (penes tales enim oportet esse iudicium) concedat, præstantissima esse quæ honesta, post hæc quæ vtilia: omnium vtilissima tantum voluptuosa. Dico autem tantum voluptuosa, quæ nihil aliud afferunt quam voluptatem. Nam voluptas quæ accedit ex honestate, aut vtilitate, aut etiam ex eo quod assequutus sit ea quæ voluptuosa, & animum suum expleuerit, ea non est differentia bonorum, sed perfectio & finis ac summum cuiusque generis. Velut summum virtutis est, cum iam quis cum delectatione bene agit. Summum etiam artis quæstuosæ, cum quis negotiatione delectatur. Summum turpitudinis, cum quis gaudet expressè voluptatibus. Has enim poenitentiam subsequi oportet, non gaudium. Ita cum sic se habeant bona, & felicità in fruitione bonorum optimorum, præcipuè plurimorum, & maximorum, & largiri sit res honestior, accipere vtilior, constat tantò beatius esse dare quam recipere, quantò præstat honestas vtilitati. Præstat autem, tum ex sese, quia ita videtur omnibus hominibus, qui non sunt animo ægro, tum etiam quia honestas diuturnior est quam vtilitas. Quin etiam honestas per sese æterna est, vtilitates verò paucæ non breves. Nam vtilitas accipiendi perit simul ac consumptum est quod donatur, quia inde solum est, honestas verò dandi est æterna, quia non est ex re donata, sed ex ipso dedisse. Fieri autem non potest ut qui dedit non dederit, per accidens quidem perire potest honestas dandi pereunte memoria, ex sese autè æterna est. Quapropter si quæ est in rebus memoria, quæ in nullam unquam obliuionem possit incidere (ut certè est) constat nullam unquam honestatè, nihil quod rectè actum sit, penitus perire posse, sed æternū esse. Contra verò in eo qui accipit, consumpto dono perit vtilitas, manet verò illa inhonestas, & illiberalitatis nota, quæ est in recipièdo. Præterea beatitudo, auctore Arist. (qui maximè sequitur communem hominum bonorum sensum) consistit in operatione secundum virtutem, cum omnium bonorum sufficientia. Largiri autem est liberalitatis, virtutis quidem honestissimæ: accipere verò ad nullam virtutem spectat, nisi fortè raro amicitiam. Esse autem ita vel inde constat quod dare difficilius est, utpotè in quo virtus versatur, accipere verò facile ut quod plerumque ex vitio est aut indigentia. Igitur haud dubiè est

Beatitudo
in quo
sita.

est beatus dare, quàm recipere. Constat verò ex dictis, non ut-
 cunque neque ubicunque esse beatus, sed cum agitur secun-
 dum virtutem (ea enim dicebatur esse summa beatitudinis
 causa) cum oportet scilicet, & ut oportet. Hæc enim virtutes
 omnes comitantur, siquidem cum prudentia coniunctæ neces-
 sario sunt. Talis autem largitio alios sanè augebit bonis, lar- Iargitio
 gitorem autem ipsum non spoliabit, neque miserum reddet. liberalis.
 Rationem enim habet propriorum bonorum liberalitas. Igitur
 liberalis largitionis extremum, non est bonorum vacuitas, sed
 abiectio potiorum, putà honestatis, & honoris. Neque reci-
 piendi extremum est abundantia, cum quadam nota potiorum,
 & cum quadam illiberalitate. Quapropter ij, qui bene de rebus
 sentiunt, beatiore iudicant eos, qui largiuntur, quàm qui reci-
 piunt. Atque hac ipsa causa cenet Arist. plus amare eos qui
 beneficia conferunt, quàm in quos sint collata, utpote maius
 inde bonum consequuti. Ita etiam à parentibus amari filios,
 plus quàm redament. Contrà qui receperint, citius recedere
 ab amicis, quàm qui largiti sint, quòd scilicet amissa utilitate,
 nihil illis restet in amicitia præter illiberalitatis memoriam:
 his verò restet semper suavis recordatio benefactorum. At di-
 ces, non ergo omnis largitio commendatur præ receptione, sed
 ea tantum quæ liberalis est. Multæ autem largitiones sunt
 pessimæ, quæque in summam miseriam ipsos largitores adi-
 gunt. Certè laudari dicique beata non potest, nisi ea quæ sit
 studiosa largitio. Neque dubium est, honestius esse recipere ab Prodiga-
 amicis, ne illis videaris intractabilis, & ex arte honesta merce- litis &
 dem, ut familiam nutrias, quam dando sicariis, aut meretrici avaritiæ
 bus, patrimonium perdere. Sed oportet ut aliis omnibus in re- compara-
 bus, æqualitatem comparisonum servare conferreque stu- tio.
 diofa cum studiosis, & prava cum pravis, eritque ita generatim
 atque omninò, beatus dare quàm recipere. Nam & liberalis
 qui largitur, beator est multò, eo qui recipit mercedem iu-
 stam, & prodigus est minùs malus, quàm avarus, ut idem
 Arist. multis argumentis probat cap. 1. quarti Ethicorum ad
 Nicomachum. Quorum hæc sunt præcipua, quòd prodiga-
 litas prodest multis, avaritia nulli: quod curari facilius potest,
 idque multis de causis, & quia propinquior est liberalitati, cum
 habeat communem cum ea voluptatem dandi, & dolorem re-
 ciipiendi, & quia ipsa seipsam curat, consumens suas facultates,
 sine quibus largitio cessat. Avaritia verò pecunias cumulans,
 seipsam auget, curatur etià ætate prodigalitas; avaritia crescit
 senectute. Itaque prodigalitas his causis minùs mala esse pro-
 batur, quàm avaritia. Quod quidè ut exactè consideretur aliqua

indiget animaduersione. Non enim omninò, neque semper ita habet. Nam sunt vtriusque vitij multi gradus. Et siquidem prodigus, qui sua omnia, sibi que necessaria distribuit, etsi non omninò indigus, deterior adhuc qui talibus largitur sua & aliena, aliena scilicet rapiens, vt det quibuscumque; omnium pessimus, qui consumptis iam propriis, rapit aliena, tribuitque indignissimis. Porro avarus est, qui non largitur ex suo pro modo suarum facultatum, multò autem magis, qui penitus largitur nihil; magis adhuc, qui retinet sua & aliena: omnium pessimus, qui sibi etiam denegat necessaria ad victum & aliena quacunque ratione arripit, atque omnia congerit. His ita positis, constat quosdam prodigos deteriores esse quibusdam avaris. Si tamen pares paribus gradus cõponas, stant adhuc argumenta quibus efficiebatur, prodigum minùs malum esse, quam avarum, atque adeo beatiùs esse dare quàm accipere, quia in bonis melius, in malis minus malum est. Euenit autem mox dubitare ex dictis, si liberalitas rationem habere debet suarum facultatum. atque ea cura deposita vitiosa largitio sit, quo pacto consultum esse possit cuiquam, vt vendat omnia quæ habet, & det pauperibus, quod tamen scimus Dominum consuluisse cuidam (Marci 10. & Lucae 18.) atque adedò in initio nascentis Ecclesiæ ab omnibus solitum fieri Hierosolymis? tamen si enim hi conferebant in indigentes & dignos, tamen suarum facultatum rationem non habebant, cum darent omnia. Quod tamen necessarium esse ad veram liberalitatem indicauimus. Multò meliùs ad hæc intuenti videri possit consilium Tobie, qui cap. 4. ad filium dixit, *Ex substantia tua fac eleemosynam, & noli faciem tuam auertere ab illo paupere, ita enim fiet, vt neque à te auertatur facies Domini. Quomodo potueris, ita esto misericors. Si multum tibi fuerit, abundanter tribue, si exiguum tibi fuerit, etiam exiguum libenter impartiri stude.* Hic cõsiderare oportet conditiones simpliciter liberalis largitionis aut commutationis. Qui largitur enim, primam rationem habere debet sui, secundam eius cui tribuit. Sibi quidem cauere, ne auferat necessaria; alteri prospicere, vt tribuat vtilia. Ratio igitur quam suarum facultatum habere debet liberalis, eò redigitur tota, quam sibi sint necessaria, quæ largitur. Cui ergo nulla bona necessaria sũt, omnia potest largiri sine vlla prodigalitate, modò rectè collata sint. Porro qui commutat, id solum videre debet. quid pro quo det, dans enim quod minus, pro eo quod magis eligibile, vel simpliciter, vel saltem sibi errare non potest: imò quanto excessus maior, tantò prudentiùs ager. Tobias igitur sapienter consulebat filio, ne omnia, sed pro modo suarum facultatũ largi

Liberalitas bea-
tissima.

largiretur, vt pote patrifamiliàs futuro, vxorìque ac proli necessariò prospecturo: sapientiùs autem multò Dominus adulescenti, qui ad cœlibatum, & statum nullis indigentem vocabatur, vt se ab omnibus expediret, & primum perfectæ virtutis faceret gradum, pauperibus tribuendo. Eorum etiam qui in initio nascentis Ecclesiæ, prædiorum pretia ponebant ad pedes Apostolorum, est eadem ratio. Nam etsi vxores habebant, & filios, transferebant tamen ad aliam viuendi formam, ad communionem scilicet bonorum, in qua nulla esse poterat indigentia, vt nunc etiam qui cœnobia ingrediuntur. Porro vtri-
que, & hi, inquam, qui relictis rebus sequuti sunt Dominum, commutabant bona hæc vilissima, & maximè caduca pro optimis & æternis, quæ verissima sapientia est, & beatissima liberalitas.

CAPVT LXXXIX.

Cap. 3. epist. 2. Petri, ita scriptum est: *Adueniet autem dies Domini ut fur, in quo cœli magno impetu transibunt, elementa verò calore soluentur, terra autem, & quæ in ipsa sunt opera, exurentur.* Deinde (paucis interpositis) *properantes in aduentum Domini, per quem cœli ardentes soluentur, & elementa ignis ardore tabescent: novos verò cœlos, & nouam terram, & promissa ipsius expectamus.* Hoc idem videtur esse quod Ioanni reuelatum est 21. Apocalypsis, vbi inquit: *Et vidit cœlum nouum, & terram nouam. Primum enim cœlum, & prima terra abiit, & mare iam non est.* Quod idem reuelatum antea erat per Esaiam cap. 65. his verbis: *Ecce enim ego creo cœlos novos & terram nouam, & non erunt in memoria priora.* David quoque in Psal. 101. dixit: *Opera manuum tuarum sunt cœli, ipse peribunt, tu autem permanes, & omnes sicut vestimentum veterascent, & sicut opertorium mutabis eos, & mutabuntur, tu autem idem ipse es, & anni tui non deficient.* Dominus quoque in Euangelio dicit: *Cœlum & terra transibunt, verba autē mea non transibunt.* Multa alia sunt oracula, quæ nobis indicant mundū hunc, quem conspiciamus mutandum esse, atque formam aliam longè præstantiorem subiturū, tunc scilicet, cum cessabunt ortus, & interitus rerū cessantibus motu, & tempore. Plerique nolunt intelligere, mutandas esse naturas & formas corporum cœlestium, & elementarium, sed morū cum quiete commutandum, & tempus cum æternitate, manentibus tamen eisdem formis, & essentiis, atque ob has tam insignes

De mundi
fine egres-
sia.

mutationes quas subibunt, dici mutanda faciendaque noua. Itaque permanfura in illa æternitate, Solem, Lunam, & Astra, & hos ipsos in quibus nunc sunt orbes, nullas autem circumuolutiones eorum futuras. Veniunt autem in hanc sententiam, primùm quidem, quoniam non videtur esse necessarium, hōs cœlos, & hæc elementa deleri, vt creentur alia denuò, sed si quàm maximè oporteret, satius esse, hæc reddi speciosiora, adicique illis decorem manente substantia. Cùm præcipuè dictum sit ab Eccles. c. 3. (quod cum Platonico dogmate maximè consonare antea indicauimus.) *Didici, quod omnia opera, quæ fecit Deus, perseverent in perpetuum.* Cùm ergo cælum, & elementa ab initio facta sunt ab ipso Deo sine vlla causa secunda, videtur oportere, vt perseverent in æternum. Deinde Petrus dicit cœlos ardore esse soluendos, terram autem, & quæ in ea sunt exurenda. Cœlorum autem substantia non est vstionis, neque verò alterius alterationis capax. Alioqui quid prohiberet multò iam antea exarsisse, si eorum cavitates plena est igne, & illi adeo rapidè mouentur, & Solis fulgor eum vndecunque attrahit? multò minus intelligi possit cælum præ ardore dissipandum, si quis ponat eum Ambrosio, Isidoro & Basilio, cœlestia corpora ignea esse, ne autem ardore soluantur prohibere aquas, quæ supra cœlos sunt. Nam si ardore soluenda sunt illa corpora, nihil sunt minùs, quàm ignea. Ardor igni non potest esse alienus, neque corruptius magis quàm aquæ frigus. Perinde ergo sit dicere, ignea corporea calore soluenda, ac si diceret aquam frigore absumendam. Quin potiùs oporteret corpora illa pertinere ad aquam, & frigore esse concreta modò: nam quæ concreta sunt frigore, soluntur calore, quæ calore humore. Non videtur ergo consentaneum, cœlestia corpora calore, neque vlla alia virtute elementari corrumpi posse, sed vt Aristot. sensit, ac nunc omnes consentiunt esse incorruptibilia & inalterabilia ac proinde si quis ortuum & interituum rerum futuros finis est, sistenda priuandaque motu, ea figura qua deprehensa sint, in æternum permanfura, non tamen mutanda secundum substantiam, & naturam. Nihilominus maius aliquid mihi sonant illa oraculorum præscriptorum verba, mutandos cœlos, vt opertorium ipsos perituros, soluendos, nouos creandos. Quapropter si quæ ratio inueniri possit, quam propositis argumentis pari probabilitate obiciamus, in ea certè acquiescere æquum est. Videtur autem ex hypothesi probabilissimum esse, mundum hunc corporalem, quem conspiciamus, perituum aliquando esse, ac pro illo alium longè præstantiorem denuò creandum. Scilicet, hæc series ortuum,

Cœli
quomodo
igne solu-
endi.

tuum & interituum in æternum duratura non est, sed cessatura aliquando, cessurusque motus quieti, & tempus æternitatis. Alienum enim omnino à ratione est, corpora natura mobilia, quæque naturali impetu feruntur, ut cœlestes orbes in æterna violentia contineri. Nihil enim Philosophis certius quàm nullum violentum esse æternum. Cœlum autem cum naturaliter feratur circulo, præter naturam, & violenter detineretur. Neque minor inferretur violentia elementorū naturæ, si ea quodque quali nunc sunt natura durarent. Et si enim corporibus suis ordine dispositis, naturalis succederet quies, esset tamen necesse, statim & illum ordinem & quietem interturbari actione mutua virtutum elementarium, nisi essent actiua passiuæ proxima sine vlla actione: quod nihilominus rationi repugnat. Quid enim posset eas illis inducias firmare, nisi à maiori virtute illata violentia? neque enim satis sit (ut quispiam fortasse putet) sublata esse lationem, utpote motum primum ut tolleretur alteratio. Est enim latio prior alteratione, nulla causa, quàm ob admotionem efficientis & recipientis. Si autem esset ordine posita, non solum propè essent, sed & contigua. Essent itaque omnia violenter deterga, & actione orbata, qui nihil absurdius, in illo præcipuè felicissimo ævo, in quo oporteret omnia esse pulcherrima & propriam perfectionem consequura. Verisimilius ergo multò est, corpora hæc cœlestia, & elementaria quæ ad hanc velut rerū genesim optimè cōparata nūc sunt, exacto toto tēpore, & eleuatis successiuis mutationibus quasi toto iam negotio peracto, velut defuncta munere suo finire atque alia pro illis longè pulchriora, & æternam illam requiem naturaliter expetentia, & secundum se tota inalterabilia, creari denud, quæ immutabilibus, & æternis subseruiāt, ut priora hæc nascentibus, & intereuntibus deseruiūt modò. Videtur itaq; inuenta optimaratio, qua quæ nunc sunt deleantur & illis eleuatis creentur pro eis alia, ut scilicet ad tam diuersos status res etiam diuersæ accommodetur. Neque obstat esse hæc corpora à Deo creata, ut deleri possint, non enim ab vlla naturali causa, sed ab ipsomet Deo qui creauit delēda dicimus: neq; sanè in nihilum (non enim hoc dignū censent Dei bonitate) sed in alia essentialiter perfectiora, in quibus horū ipsorum perfectiones mancant eminenter demptis mobilitate cœlestium, & corruptibilitate elementarium, quæ imperfectionis sunt. Velut autē mutatio naturalis formæ in aliam perfectiorem, non vocatur interitus, sed ortus, ut cum ex embrione sit animal, ita neque mutatio quæ diuina virtute fit in substantiā præstāciore, vocari debet annihilatio, sed creatio, alioqui limum ex quo Adā crea-

Cœlestia
corpora
his pul-
chriora
futura

Opera
Dei nisi
ut diuina
solui non
possunt.

tus est, annihilauit Deus, & costam Adæ ex qua Eua. Ita igitur dissoluere quæ fecerat non est à bonitate diuina alienum, mutando scilicet in potiora, in quibus priorum perfectiones manent eminenter. Alioqui necesse esset in æterno illo, & scælicet æuo Equos esse, & Leones, & Vrsos ac reliqua animantia, quorum species æternæ sunt; etsi ortu, & interitu singulorum seruantur, sed omnia huiusmodi habent firmam æternitatem præcipuè in exemplari, deinde & in aliis rebus perfectioribus, in quibus sunt, ut trigonus in tetragono. Ita ergo animantia reliqua erunt in homine, & priora hæc corpora illis posterioribus, omnia autem in exemplari diuino. Hoc est quod mihi sonant illa verba Pauli ad Romanos, *omni creatura parturit usque adhuc*, hoc est, in potentia est ad aliam perfectiorem naturam. Quod non solum soluendos esse cælos, sed ardore soluendos Petrus dicit, aliquantò videretur difficilius, & ob eas obiectiones quas antea scripsimus, & ob eam quæ tetigimus modò. Nimirum quæ à Deo ipso per se ac sine causa secunda cõpacta sint, nõ posse ab alia causa solui, sed solũ ab eo ipso à quo sint coagmentata. Quæ igitur Deus ipse composuit ut cœlestia corpora, haud quaquam dissoluet ignis, usque; alia causa ipso Deo minor. Certè ita est, virtutem diuinam apponi necesse est, ut deleatur quod Deus ipse fecit, nõ igitur ignis delere, aut dissoluere cælos poterit sua vi, sed diuina, quam Deus illi tunc, ad id ministerium exequendum apposuerit. Velut damnatorum corpora torquebit nõ corrumpens, ac multò magis, ut nunc torquet animas damnatorum. Nimirum corpore hoc natura violentissimo utitur Deus ad actiones, quæ omnes naturæ vires excesserant, aut igitur hoc modo ignis dissoluet cælos, aut orbis mutationem inchoabit, totam hanc corruptibilem corporum molem exurens, interimque Deus sua virtute demolietur cælos, ut videatur tota mundi machina cõflagrare. Diciturque ita verè, per synecdochen, totus mundus igne perire, quia vrendus omnibus cõbustibilibus, mutationem recipiet. Complebiturque tunc quod Psalmo quadragesimo nono cecinit Dauid dicens: *Deus manifestè veniet, Deus noster non silebit. Ignis in conspectu eius exardescet, & in circuitu eius tēpestas valida*. Solũ igitur superest, de hypothesi, ex qua fluunt hæc cum probabilitate dicere. An scilicet, futurus aliquis ortuum, & interituum finis sit. Futurum autem esse videtur, faciliè ex indicatis antea colligi posse. Indicatum enim est, mundum hunc æternum non esse, sed incœpisse aliquando, cùm antea non extitisset. Indicarum quoque eum esse vnicum totum, pulchrum, & perfectum, ferri- que totum in summum bonum, à quo creatus est. Creati verò mundi

mundi velut apicem & per quem in Deum feruntur omnia, esse hominem. Hunc enim esse propter Deum, & propter ipsam reliqua, atque animos hominum esse immortales. Ex his fit quod quærimus. Si enim mundus pulcher, ac perfectus est, necesse est omnia in illo esse mensura, numero & pondere, certis effecta. Nam neque magnitudo, neque multitudo actu infinita esse, neque intelligi potest. Quod autem infinitum potentia, deforme, & imperfectum est. Nam est id cui semper aliquid deest, constatque ea infinitas, ex nunquam finienda adiectione, squæ perfectioni est contraria. Nam perfecto, quæ tale, nihil deest, nihil adijci potest. Cum igitur humani animi à mundi exortu continenter creentur in corporibus, atque separati permanent, si generatio hominum nunquam esset cessatura, illorum esset futura multitudo potentia infinita, quo nihil imperfectius, neque magis inconcinnum. Cùm præcipuè, sit mundi pars, earum quæ cum corporibus habent aliquid commercij, præstantissima. Ad pulchritudinem ergo & perfectionem mundi spectat, esse certum numerum creandarum animarum, qui ubi perfectus erit, necesse est, aut easdem rursus redire ad corpora per palyngenesiam Pythagoricam, aut generationum naturalium esse finem: si autem generationum & motus, & temporis. Quantum igitur habet improbabilitatis illa Palyngenesia, tantum probabilitatis habebit finem habituram hanc rerum genesim. Sed ex ipsa humanæ animæ natura colligitur hæc ipsa assertio. Indicatum enim animam hominis id habere præcipuum præ formis corporum, quod est separabilis, idque singulare præ omnibus substantiis incorporeis, quod est etiam actus corporis. Itaque est pariter substantia incorporea sine corpore potens existere, ut Angelus Dei, & actus corporis, ut forma alia quævis. Igitur & cum est in corpore, potest separari, & cum separata, expetet uniri. non sunt igitur sine corporibus in æternum victuræ. Alioqui quod corporibus cœlestibus, & elementaribus timebamus, eueniret animabus, ut scilicet, æterna priuatione rei naturaliter expeditæ teneretur. Quod tantò longius à ratione abest, quanto vacuitas cum sensu miserabilior est quàm sine illo. Verissimum ergo est illas sua corpora aliquando resumpturas. Si ergo naturalis palyngenesia impossibilis est, superest, ut sit alia longè superior, quæ diuina virtute peragatur. Nō autem ut naturalis virtus proferet aliam post aliam regenerationem, quasi generationem pristinam ordine repetens (successio enim hæc im- potentia naturalis est) sed vnam totamque omnium simul efficiet palyngenesiam, tunc scilicet, cum perfectus earum erit

Genera-
tiones fi-
niendæ.

Anima in
æternum
victura.

Mundus
nouus.

ratio proportionis ad alias intelligentes substantias exiger. Si quando igitur animi omnes sunt sua corpora resumpturi, certe postquam separati sint omnes. Separati autem esse omnes, non poterunt, antequam finis sit nascendi. Necesse est igitur nascendi finis aliquando futurus sit, atque idè & mouendi, & temporis. Hinc autem fiebat, vt & cœli & elementa essent in alia corpora præstantiora abitura. Verè igitur tota hæc mundi moles peritura est: ac pro ea alia longè pulchrior creanda, nullis mutationibus idonea, sed domus æternitatis futura. Quapropter omnia oracula quæ æternitatem corporum, quæ nunc sunt videntur asserere, & immutabilitatem vsque ad mundi huius finem, intelligi debent. Quale est illud Psal. 148. *Quia ipse dixit & facta sunt, ipse mandauit & creata sunt. Statuit ea in æternum, & in seculum seculi, præceptum posuit & non præteribit.* Et illud Psal. 92. *Etenim firmavit orbem terra, qui non commouebitur.* Nimirum Ecclesia Catholica semper proclamat: *Dies illa in qua cœli mouendi sunt, & terra.* Itaque vsque ad mundi finem stabunt hæc qualia nunc sunt, nullam sentientia mutationem naturalem, tunc autem deleta, mutabuntur in alia noua & pulchriora.

C A P V T X C.

Aqua tepida ad vomitum inuita. c.

A Pocal. cap. 3. *Vtinam frigidus aut calidus esses, sed quia tepidus, neque calidus, neque frigidus, incipiam te euomere ex ore meo.* Res est Medicis omnibus notissima, & confirmatissima experimento, tepida omnia vetriculū subuertere, frigida verò aut calida retineri multò meliùs. Vsque adè, vt sola aqua quæ per sese nullam vim vomitoriam habet, ea solū causa, quod tepida bibatur, vomitum moueat. non omninò segniter. Huius rei causa est, quod tepidarum rerum tactus blandus, placidus, ac laxans est. Quod apertè indicant medicamēta, propriè, anodina, à soluēdo dolore vocata, quæ tepidi caloris sunt, quia immoderatiùs frigida, & calida vtraque mordent, frigida quidem, quia contrahendo exasperant, calida quia pungunt, & ad vtrorumque tactum contrahuntur partes; ad tepidum autem blandum & suauem, laxantur, atque extenduntur, non aliter atque animalia affixa, aut crusta recta, quæ videmus, quæcunque causa doloris accedat, siue mordens, siue pungens sese contrahere, perfusa verò tepida, seu ad Solis moderatum calorem, distendi. Ita faciunt spōte naturæ ventriculi partes. Cum verò primo occurſu cum quadam voluptate id accadat partibus mos ea tactus

tactus vertitur in tristitiam, & anxietatem, ob quam accidit abominatio, & vomitus. Nam ventriculus bene constrictus, atque corrugatus circa cibum, aut potum, continet illum sine molestia, & nullam offensam ab ea sentit. Si verò laxatur, dimittit, qui dimissus ponderi est ac molestiæ. Non aliter ac manus laxata eueritur ab eodem pondere, quod firmiter constricta facile sustentaret. Itaque eandem passionem afferunt ventriculo tepida, etsi aliqua vomitoria non sint facultate, quàm quæ sunt per sese, & propria potentia talia. Horum enim quædam, qui sunt laxantia, & emollientia, sunt etiam vomitoria, vt oleum & omnia quæ sine sale sunt pingua: quædã sunt malignitate quadam abominabilia, vt agaricus, Turpetum, & Elloborus, & succus Raphani. Vtraque verò etsi longè diuersa ratione, faciunt ventriculi in quem ingeruntur laxitatem saltem secundum fibras obliquas, quæ subseruiunt retentioni. Transuersæ enim & quæ seruiunt expulsionì constringuntur, insurgente virtute partis in id quod molestum ei est. Similem huic etiam passionem facit tactus rerum tepidarum. Fibras obliquas laxat per se ob blandum sensum, trauersas per accidens facit constringi ad exemplum, quod quia male continentur, grauat. Vt ergo famem non mouet sola penuria & succus ab habitu corporis excitatus. sed quæcunq; similem faciunt in ore ventriculi corrugationem vt acida: ita abominationem contraria ei appetitui in quo famem ponimus, efficiunt non solum quæ abominabilia per se sunt, sed & quæ quacunque ratione laxari illud faciunt, in quibus sunt quæ accipiuntur tepida, præcipue verò quæ liquida. His enim accedit fluctuatio, quæ non parum facit ad vomitionem. Ex hac calidorum, frigidorum, & tepidorum proprietate accepit Spiritus Sanctus allegoriam transferens ad hominum mores, dicensque: *utinam frigidus aut calidus esses, sed quia tepidus es, & neque frigidus, neque calidus, incipiam te euomere.* Quæ verba sunt Dei ad hominem improbum, possuntque Theologicos sensus recipere, mei verò muneris solum sit, ea Ethicè interpretari, vt id vnde allegoria accipitur sù interpretatus Physice. Cõstat nomine frigidi & calidi non intelligi contrarios affectus, inter quos si tepiditas, vt mediocritas quædam nihil admittens nimium. Nam vt in 2. lib. Ethicorum Arist. monstrat, virtus quæcunque atque adeo virtus omninò in mediocritate consistit, inter excessum, & defectum constituta: vitia verò consistunt in extremo. Si igitur calidi, & frigidi nomina extremos affectus significarēt, & tepiditas eorum mediocritatem videretur virtus præ contrariis vitiis vituperari, quod consentaneum non est. Ob hanc obiectionem plerique

Agarici
malignitas.

Virtus in
mediocritate
persistit.

plerique calidorum, & frigidorum hominum nomine, intelligi putat optimos, & pessimos: tepidos verò vocari remissæ cuiusdam, & imperfectæ virtutis homines, hosque vituperari plus aliis, non quòd vtrisque sint deteriores, sed quod sua mediocritate decepti, minùs soleant resipiscere, & ad perfectam virtutem aspirare. Placet hoc non paucis: mihi verò non satis. Nā præter quàm quòd manifestum, meliorè esse conditionem hominum, qui etsi perspecta virtute non sint, neque vendiderunt omnia quæ haberent, vt pauperibus largirentur, sequuntur tamen temperatum quoddam, & mediocre videndi genus, seruantque mandata, quàm eorum qui sunt manifestè improbi: sed & ad proficiendum, ac ad resipiscendum à peccatis, sunt illi quàm hi paratiores. Nam si naturales ipsorum vires consideres, constat tantò cuique esse difficilius bene agere, quantò plus criminibus assuevit. Quandoquidem habitus omnis facilitatem parit, ita operandi & contrarij difficultatem habitus quidem virtutis facilitatem bene operandi, & secundum rationem; vitiosus verò difficultatem, & quantò maior, tantò maiorem. Sin autem consideres auxilium quod diuinitus accedit, id quoque constat tantò desiderari maius, quanto homo pluribus, maioribusque peccatis est implicatus, vel hoc solum argumento, quòd ea auxilia morborum animi medicamina sunt, morbi autem maioribus maiores indigent. Tamen si ergo pessimi, & iniquissimi hominis iustificatio meritò sit Deo gloriosissima & cœlitibus iucundissima, vt scilicet medico & eius amicis reuocatio deplorati, eius tamen status nulli exoptandus, neque imprecandus est; vt pote periculosissimus, & ex quo pauci euadunt. Hæc igitur cum ita se habeant, & Dominus particula exhortandi vtatur, dicens: *utinam frigidus aut calidus esses*, necesse est nomine tepiditatis, significari dispositionem quampiam animæ, quæ mediocritatis, & trāquillitatis cuiusdam speciem præ se ferat, re vera autem sit vitiosissima, dicaturque tepiditas ob apparentem pacem, vituperatur autem omnium maximè ob verissima, & maxime latentia vitia. Quæ autem sit hæc dispositio, primò mihi videtur Aristot. explicasse 7. Ethicorum ad Nicomachum, continentis ac incontinentis, & temperantis, ac intemperantis rationes exponens, atque differentiam. Nimirum dicit intemperantiam, & incontinentiam (eadem est contrariorum ratio) circa eadem versari: nam speciatiim ac propriè acceptis his nominibus, versantur circa voluptates tactus, & gustus, neque quidem circa omnes tactiles, sed solum circa Venereas: itaque circa ingluuiem, & Venerem; translatiuè verò & latius patentibus nominibus, versantur

Continē-
tis & in-
continē-
tis ratio.

circa

circa omnem dolorem, & voluptatem, atque ut est incontinens cibi, & potus & lasciuia, est etiam incontinens irae, & cupiditatis diuitiarum, & honorum. In quocunque horum generum est perturbatio animi, & ipsum peccatum, & vitium per quod peccatur. Velut est ira, & vicio, & ipsum vitium animi, per quod homo sponte sua deliberat vlcisci. Non esse autem idem, iram & illud vitium, constat, quia multi etsi irascantur abstinent à vindicta, quia sunt probi. Est igitur virtus quæ obstitit iræ. Cum ergo ira & virtus illa non sint in eodem genere proximo, quia virtus est affectus in anima permanens, habitus scilicet, ira autem passio, constat præter iram esse vitium quoddam, illi virtuti contrarium, in eo qui irascitur, & cum deliberatione & sponte vlciscitur, aut vlcisci vult.

Cum tamen sint hæc tria, ira, vindicta, & illud vitium, constat malignitatem per se non esse nisi in illo vicio. Nam vindicta potest esse bona, ut vindicauit Moyses in fratres suos. Ira quoque: nam in satellitium rectæ rationis data est hominibus à Deo. Vitium verò nunquam potest esse bonum, quia est per se malum. Dicit ergo Aristot. temperantiam & intemperantiam versari circa actiones bonas, aut malas; continentiam & incontinentiam potius circa ipsas passiones, & perturbaciones siue animi, siue corporis.

Temperantia & intemperantia circa quæ.

Animi dico, ut circa iram, gaudium, & cupiditates diuitiarum, aut honoris corporis, ut circa carnis lasciuiam, seu prurium, & cupiditates cibi aut potus. Temperans enim est qui etsi irriteretur commoueatque, temperat à crimine: intemperans qui non temperat, utcumque habeat circa irritationem. Incontinens verò aut continens, potius propter perturbaciones dicitur. Est enim incontinens qui leuiter, & ob quæcunque irritamenta perturbatur, ut qui de quavis leuicula causa irascitur, aut prurit aut concupiscit. Itaque qui conspecta muliercula non se videtur posse continere, sed citra deliberationem mox irruit, ita verò aut irascitur, aut utcumque aliter patitur, incontinens est. Continens contra, qui talis est, ut minus etiam quam homines solent perturbatur, quæcunque occurrant irritamenta. Ex his definitionibus constat, continentiam & incontinentiam quodammodo non esse virtutem, neque vitium, quia per se non versantur circa actiones bonas aut malas, sed circa passiones, quæ natura indifferentes sunt. Præterea incontinentia, & contrarium nascuntur sæpe ex cuiusque hominis temperamento, aut compositione, denique ex natura, ob quam neque laude, neque vituperatio dignus est homo, ob ea autem quæ sunt vera vitia aut virtutes, meritis vituperatur quis, aut laudatur.

Continens & incontinens quis.

Verbi

Verbi gratiâ, culpa non est in ira, sed in vindicta. Ita verò fugienda est, quia est animæ perturbatio, cum qua perdifficile est, à vindicta velle abstinere. Per sese autem culpa est, in vindictæ cupiditate spontanea & cū deliberatione. Dixi verò incontinentiam quodammodo non esse vitiū, neque cōinentiam virtutem, quia quodāmodo etiam sunt. Sæpe enim illi naturali, siue impotentia, siue potentia, admiscetur aliquis voluntarij. Vt qui facile irascitur, non tamen omninò pœnitent leuiter admissæ iræ. Is enim iam non merâ habet incontinentiam, sed intemperantiæ etiam aliquid & vitij quatenus vult, & delectatur. Ita etiam continentia quæ non venit ex natura, sed hac repugnante, vsu temperata est, timore Dei aut amore, ea maxima temperantia, & eximia virtus est. Itaque signum incontinentiæ meræ, & quæ nihil habuit culpæ, est, mox à sedata perturbatione pœnitentia vera conceptæ perturbationis. Contrâ si quis incontinenter est iratus, postea verò illum perturbationis non pœnitent, ac multò magis, si quem iratus læsit, euidenti argumento est aliquid ibi fuisse vitiosæ voluntatis, & culpæ. Cum igitur quispiam iratus est, quātumuis vehementer, nullū tamen læsit aut non sponte, & cum deliberatione, & illū citò incontinentiæ illius pœnitent, in nulla culpa est. Quod apertè satis insinuant illa verba Psalm. 4. *Irascimini & nolite peccare, quæ dicitis in cordibus vestris, & in cubilibus vestris compungimini.* Quasi dicat, cū irascimini (id quod natura hominibus inest) nolite peccare, id est opere exequi, aut cum deliberatione velle, ea quæ in cordibus vestris dicitis cū estis irati, quæ scilicet, comminamini, sed ab iniuriis temperantes postea in vestris cubilibus, vbi sedari consuevit hominum animus, compungimini, & pœnitentiam agite conceptæ iræ. Ita enim ob naturalem quidē debilitatem egeritis incontinentes, non eritis autem in culpa. Ex his quæ dicta sunt, constat, temperantium, & intemperantium posse esse quatuor modos. Nam potest esse quis temperans simul, & continens, qui scilicet minùs perturbatur quàm homines solent, simulque à peccatis abstinere. Potest etiam esse incontinens, sed temperans, qui est ob naturale rituum, aut inueteratam cōsuetudinem eorū quibuscum vixit, vt domus, aut vrbs, aut gentis facilè irritatur, à committēdis peccatis abstinere, cū locum deliberationi passio concedit. intemperantium quoque sunt duo modi. Nam potest esse quis simul incontinens, & intemperans, qui quacunque occasione perturbetur, & quiduis opere exequatur, non primo solū imperu, sed etiam postquàm deliberandi tempus aliquod nactus est, neque cum facti pœnitent; potest etiam esse

Quatuor
modi tē-
perantiū
& intem-
perantiū,

esse intemperans, etsi non sit incontinens, qui scilicet, non
 atmodum permouetur, neque irritatur in occasionibus; im-
 perturbatus verò, & citra irritationem, nihilominus commit-
 tit peccata. Horum quatuor duos quidē constat studiosos esse,
 temperantes scilicet siue continētes etiam sint, siue secus. At-
 qui etsi multitudini videntur esse meliores longē, qui conti-
 nentes simul sunt & temperantes, reuera tamen non semper
 ita est, sed tunc solum, cūm continentia meditatione virtutis
 comparata est, aut, incontinentia culpa est contracta. Si enim
 tam continētia, quā incontinentia naturalis est, aut gentilis,
 melior multo est temperatus incontinens, quia longē maioris
 difficultatis est, cum ea incōtinentia temperare; difficultas ve-
 rò nulla sua culpa orta est. Duos alios constat esse vitiosos, &
 prauos intemperantes, scilicet quorum ij qui simul sunt, & in-
 continentes, vulgò videntur esse deteriores, reuera autem sunt
 tolerabiliore Reliqui enim qui scilicet sine incōtinentia sunt
 intemperantes, omnium sunt pessimi, idque multis de causis.
 Primū quidem, quia quò quis cum minori perturbatione, eò
 peccat cum maiori libertate, & deliberatione. Passio enim li-
 bertati detrahit, adeò vt nonnunquam in ipso primo impetu
 omninò tollat. Cūm igitur malignitas in libertate operandi
 cōsistat, malignior sit is, quā is, qui sine perturbationibus trās-
 greditur nihilominus rectæ rationis fines. Atque vt dicitur Ec-
 cles. 19. *Melior est homo qui minuitur sapientia, & deficiens sen-
 su in timore Domini, quā qui abundat sensu, & transgreditur
 legem Altissimi.* Is certè de quo dicitur Prouerb. 3. *Quasi per ri-
 sum stultus committit scelus.* Deinde, & quia est insanabilior, id-
 que etiam multis de causis. Primū qui nequitia in medela,
 vt idē Aristoteles loco citato aperte dicit, per se est hunc
 verò rarò facti pœnitet qui cūm peccauerit in perturbatus,
 in eadem voluntate persistit. Deinde, quia se non agnoscit
 propriam culpam, sed eadem causa, qua vulgò videtur minùs
 malus quā incontinens, sibi videtur etiam esse bonus. Adeò Peccato-
 vt dicat Arist. 2. magnorum Moralium cap. 6. in malitias corru- rum co-
 ptum esse principium, hoc est rationem & mentem, eoque gnitio.
 in prauis: rationem aliquam magni boni coniectare, velut Dio-
 nyfius, Phalaris, & Clearchus, haud dubiè immaniter peccan-
 tes, illustria facinora coniectabant. Neque enim per iram ea
 semper patrabant, sed plerunque per errorem talem; multi
 etiam mulieribus abutuntur non per amorem, neque verò ad-
 modum per pruritus, sed per licetiam, & corruptionem prin-
 cipij, quapropter neque peccata sua satis agnoscunt. Nam per-
 turbationes, vt ira, & lentigo, & reliquæ cupiditates, mani-
 festæ

Intempe-
 rantium
 vitia.

Peccato-
rum co-
gnitio.

Pessimi
qui.

Hypocri-
tae pessi-
mi.

festæ admodum passiones sunt, & ei qui patitur, & intuenti-
bus. Peccata verò sine perturbationibus latent, quia nullam
per sese sensibilem notam præstant, cum præcipue non finiunt-
tur in extrema opera. Hinc nascitur tanta illa difficultas agno-
scendi peccata, quæ Dauidem in illa verba fecit prorumpere:
Delicta quis intelligit? ab occultis meis munda me Domine. In hos
igitur quos omnium esse pessimos dicit Arist. optimè quadrant
illa verba capitis duodecimi Prouerb. *Via stulti recta in oculis
eius.* Quomodo igitur curationem quæret, qui se putat bene
valere; est itaque hic pessimus, & quia re ipsa malignior, & quia
incurabilius, deinde & quia inexcusabilis; non enim habet per-
turbationes quas causetur, sed ob solum legis & virtutis con-
ceptum, quasi nihil intersit ita, aut aliter agere imperturbatè,
ac proinde inemendabiliter peccat. In hoc genere sunt simu-
latores, & callidi, parati scilicet ad proditones fratrum vrbium
& regnorum, qui (vt dicitur Iob. 16.) prouocant iram Dei:
Nam vt dicitur Prouerb. 12. *Qui statim indicat iram suam fatuus
est* (nimirum vt Aristot. indicat cap. decimo septimi Ethicorum)
incontinens non potest esse prudens, qui verò dissimulat iniuriam
(vt scilicet vliscatur melius) *callidus est.* In hoc etiam gene-
re sunt hypocritæ qui speciem virtutis præ se ferentes, alios
primùm, deinde & seipsos aliquando seducunt. hos vocat
Sanctus Spiritus tepidos, quia neque boni sunt, neque con-
spiciuè mali, cum reuera sint omniùm pessimi. hos euomit Deus,
atque à se reiecit & indurat, traditque non rarè in reprobum
sensu Ergo inquit, *utinam calidus, aut frigidus esses,* hoc est, bo-
nus, aut apertè malus, & perturbationis plenus, vt iis sedatis
ageres pœnitentiam, ac resipisceres. *sed quia tepidus es.* hoc est
sub specie boni iniquus & impœnitens, & legis contemptor,
incipiam te euernere, velut qui tepida deglutierunt iuscula. Tu
autem Domine miserere nostri.

C A P V T XCI.

Deus
principiū
& finis.

CAPITE 21. Apocalypsis. *Ego sum α, & ω, initium & finis,*
quæ eadem verba repetuntur cap. vltim. additis his dua-
bus voculis, *Primus & nouissimus*, quæ ad Philosophiam
non videntur pertinere, sed grandius aliquod continere arcanū
fidei, quæ est Domini nostri IESV CHRISTI. Priora illa à
Deo prolata, rationē mihi videntur habere naturalem, & cōso-
nare

nare cum illis 16. cap. Prouerb. *Vniuersa propter semet ipsum operatus est Dominus.* Itaque est Deus vniuersorum principium & finis, quia ab ipso & propter ipsum facta sūt. Ab ipso quidem facta esse omnia super caput primum Geneseos, quod huius operis est primum, firmissimis, vt mihi videtur, argumentis est indicatum. Superest vt qui in principio, principium esse rerum ostendimus, iam nunc in fine, finem esse indicemus. Erunt autem nobis hęc positiones, quę illic sunt indicatę, nimirum mundum hunc vniuersum factum esse, neque ab æterno extitisse, factumque ab vno quodam principio quod æternum, vnicum, simplicissimum, idemque potentissimum, sapientissimum, & optimum, pulcherrimumque. His positis, fit, illum mundi opificem sui ipsius gratiā fecisse vniuersa, esseque & principium à quo omnia, & finem, cuius gratiā effecta sunt. Nam aut fecit mundum alicuius gratiā, aut temerè. Operari autem temerè non cadit in sapientem, fecit ergo alicuius gratiā. Id verò cuius gratiā aliquid fit, melius esse debet quam ipsum quod fit, vt sanitas quàm medicina, & habitatio quàm domus. Boni enim gratiā fiunt, quęcunque alicuius gratiā fiunt, à causa non errante, & ipsa ratio finis, est ratio boni. Igitur id cuius gratiā Deus fecit vniuersa, melius est vniuersis quę facta sunt, non factum autem nihil est præter ipsum Deum. Ipsemet igitur est finis, qui & principium. Dices fortasse, Deum cum sit summum infinitumque bonum, esse etiam sibi sufficientissimū, atque nullam boni accessionem posse recipere, ac proinde nullius gratiā operari, cuius enim gratiā operetur, qui nulla re indiget: atque si quàm maximè alicuius gratiā, certè non sui ipsius, cum nihil possit sibi comparare, sed gratiā aliorum, vt fortè rerum ipsarum quę fiunt, vt scilicet sint, quia res ipsas esse, quàm non esse, melius est illis. Itaque sit finis finiendi ipsum esse, sicut rei cuiusque generatio finitur in eius formam. Ita est profecto: res factę sunt vt sint, sed hinc rursus efficitur, quod, asserimus. Nam cur Deus voluit eas esse; annon quia melius erat, quàm non esse igitur vt illis benefaceret. Sed cur voluit benefacere? an non quoniam bonus? igitur postremus rerum faciendarum finis, vt effector benefaceret, secundum quod bonus est. Is autem finis est in ipso principio, sua gloria. Deus igitur ipse est finis vltimus rerum omnium. Dico vltimus, quia singularum rerum sunt singuli fines proximi, nam res ipsę sunt alię propter alias, postremò verò omnia deuoluuntur ad vnum finem. Porro eisdem argumentis quibus effectum est, vnicum esse rerum omnium principium, omniaque ab vno fluere efficitur vnicum etiam esse finem: nimirum ex vnitæte & perfectione

vniuersi. multò enim magis dissoluit vnitatem & perfectionem
 multitudo finium vltimorum, & qui non ordine feruntur
 in vnicum, quàm principiorum. Esse enim & perfectio rei ex
 fine magis pendet, quàm ex vlla alia causarum. Necesse est igitur,
 siquidem mundus est vnus, pulcher, ornatus (vnde & nomen accepit) perfectus, vnicum esse rerum vniuersarum finem.
 Vnicus autem, omnium non potest esse vlla rerum effectarum.
 Nā aut ipsius esset alius finis, aut nullus. Si nullus, ea res esset
 facta temerè, quod non minus est absurdum, quàm ita esse facta
 omnia. Sin esset alius, is alius esset vltimus finis omnium. Si
 enim est finis proximus eius, quod est finis aliorum omnium,
 est simpliciter vltimus omnium. Ille igitur, aut esset res creata,
 aut ipse Deus; si creata, redit eadem dubitatio, & in infinitum
 ibitur. Necesse est igitur stare in fine increato, qui est ipse Deus.
 Si igitur alia omnia facta sunt propter hominem, ipsum hominem
 necesse est factum esse propter Deū, atque ordine quodam
 extitisse alia propter alia, postremò verò omnia propter
 Deum, vt prata irigua propter pabula, hæc propter pecora, hæc
 propter hominem, hominem propter Deum. Igitur si mundum
 oportet esse perfectum, & vnum, oportet etiam ab vno principio
 fluere, & in vnum finem ferri. Non potest autem differre ille
 finis ab illo principio. Nā cū indicatum sit seorsum, neque
 principium, neque finem posse esse creatum, fieret vt essent duo
 æterna. Indicatum autem est antea, quod & nunc ponitur, quod
 æternum, esse vnicum & simplicissimum: necesse ergo est idem
 esse vniuersorū principiū & finem. Sed & ipsa forma aspectabilis
 mundi, ob ipsam rerum necessariam concinnitatem, hoc
 idem indicat. Velut enim ipsum mundi corpus, quod conspici-
 mus, perfectissima figura, hoc est, circulari, est, & incessanter
 circumuoluitur, ita necesse est ipsam rerum seriem, non in re-
 ctum ferri, sine fine, vt quæ imperfecta sunt, sed circulum imi-
 tari, finiri que vnde cœpit. Nam quod huiusmodi, est perfectum
 & infinitum. Perfectum quidem, quia finitum suo ipsius prin-
 cipio, infinitū verò, quia nullibi intercisum, & pendens, vt quod
 recta producit. Indicatum verò antea est multis argumentis,
 caput quod de Philosophia Pythagorea inscripsimus, in hac
 vniuersitate rerum, quæ a b æterno fluxit exemplari, quod pe-
 nes Deum est ipse Deus, concinnitatem habere perfectam, &
 ad se singula, & inter se, Arithmetica, Geometrica, Physica, &
 Metaphysica entia, ex eaque concinnitate nasci mirabile quan-
 dam perfectionem, quæ est ipsa forma & ratio vniuersitatis.
 Eloquamur igitur iam, vt in libri calce decet, apertè principia
 & causas totius vniuersitatis, & rerū singularum. Cū sint ge-
 neratim

Homo
 propter
 Deum fa-
 ctus.

Quinque
 causarum
 genera.

neratim quinque causarum genera, efficiens, materia, forma, finis, & exemplar: vniuersitatis totius creandæ materia nulla fuit ex qua, siquidem ex nihilo est facta, nunc autem immanens materia sunt eius partes: efficiens verò, & finis, & exemplar, est ipse Deus. Forma quidem eius non est Deus (etsi aliquibus veterū id quoque visum est) forma enim, essentia, & quod quid erat esse rei, est, mundus verò non est Deus. Neque verò est anima mundi quam Plato inuexit, censens mundum animal quoddam esse perfectissimum, & sapientissimum. Nam ne animal quidem est, vt Aristot. multis firmissimisque argumentis ostendit, & omnium iam Philosophorum communis sententia est. Sed illa appetitissima omnium ad omnia coaptatio, & ordinantissima concinnitas, quæ facit ipsam verè vnā ac perfectā, ipsa illius forma est. Est verò non accidentalī, vt lignorum, & lapidum dispositio talis est forma domus, sed substantialis, siquidem vniuersitas vna substantia perfecta est, vocarique potest illa, vniuersalis natura, quæ ad eò est ipsum mundi esse, vt quin mundus deficiat deficere illa vnitas, & coordinationis appetitus nō possit. Hinc fluunt omnes motus, & quietes, ac denique omnes naturales actiones & passionēs, quæ communes æquē omnibus rebus sunt. Moueri scilicet, & quiescere, vtrumque expedit ad retinendam continuitatem, & rerum ordinem: velut quæ cuique rei sunt propriæ, fluunt ex cuiusque rei peculiari natura, velut calefacere, aut calefieri, refrigerare, aut refrigerari, durare, aut durari, mollire, aut emolliri, trahere, aut trahi, repellere, aut repelli, aut quiduis aliud eiusmodi facere, aut pati. Itaque vniuersitatis totius hæc sunt causæ. Singulæ autem res ab vniuersitate discrepant: primum quidem, quòd eorum plurima habent materiam ex qua fiunt, non immanentem, quod vniuersitati repugnat. Nam cum vniuersitas constet ex omnibus rebus creatis, nihil potuit esse ante ipsam quod in eius creationē infunderetur, alioquin siens desineret esse vniuersitas. Quare vel ipsa ratio vniuersitatis exigit, vt facta sit ex nihilo. Aliarum verò rerū, artificiales quidem omnes siue homogeneæ, siue heterogeneæ, fiunt ex materia immanente, & nulla (nisi per accidens, vt si sit ex arca mensa) desinente. hac in parte quodāmodo similes vniuersitati, vt lectus ex cedro, mensa ex nuce, arca ex pinu, statua ex ære, domus ex lateribus, lignis, tegulis & calce: naus ex tabulis, trabibus, & ferramentis. Naturales verò, omnes quæ heterogeneæ, habēt materiā vtrāque aliā ex qua desinentē, vt animal sit ex semine aut ouo desinentibus, & ex carne, osse, neruo, medulla & pelle, manētibus, arbor ex nucleo desinente radice, cortice, ligno, fibrisque, manētibus. Ipsæ verò homogeneæ quæ

Materia
immanē-
tiz & de-
sinentiz.

summè tales sunt, actu immanentem nullam materiam habent, nisi fortè potentia : fiunt verò aliæ ex aliis desinentibus, vt ex arena lapis, ex lapide rursus arena, accedente, & recedente humore. Discrepant etiam vniuersitas & res singulæ, efficiente & fine. Quòd vniuersitatis solus Deus est effector primus & proximus, & finis vltimus & proximus, quia inter Deum & vniuersitatem nihil potest interesse. Cùm vniuersitas sit omnia præter Deum. Singulorum verò sunt aliæ causæ effectrices, & aliæ finales proximæ, nisi fortè hominis, qui hac ratione videtur conuenire cum vniuersitate (ipse non alia ratione potius microcosmus nuncupatus) quòd propter solum Deum effectus est. Dico autem secundum speciem. Nam in singulari cuiusque generatione fuit proximus finis, speciei productio. Itaque Deus est prima & vltima causa omnium, proximus verò effector vniuersitatis, finis tamen & vltimus simul & proximus vniuersitatis, & solus hominis secundum speciem. Quod ad formam attinet nullum est discrimen. Nam & vniuersitatis, & rei cuiusque forma est sua ratio, & ipsum rei esse. Exemplaris causa eadem est vniuersitatis & rerum omnium secundum speciem, vt hominis, equi, & bouis, putà Deus : singularum verò generationum non est causa vlla exemplaris. Neque enim α , ignis fecit β , ignem ad exemplar, sed naturaliter in nihil intuens. Homo quoque ab homine fit sine exemplari, sed naturaliter. Nam tamen si intuitus rei cuiuspiam, faciat id quod gignitur simile, vt de virgis Iacob differentes recepimus, causa non est in imitatione, vt cùm transcribitur aliquid ab exemplari, sed in similitudine quam cogitantis anima induit, vt illo loco explicauimus. En finis totius Philosophiæ naturæ, cognitio scilicet causarum, quæ omnes cùm ad ipsum summum Deum deuoluuntur, ipso existente, totius vniuersitatis & rerum in ea omnium α , à quo primo fluunt, vt à principio & exemplari, ω , in quem finem feruntur, constar, quàm recta via tendat, imò quàm proximè accedat naturalis contemplatio in Dei Optimi Maximi contemplationem. Qui, vt est mundi totus, fuerit mihi huius operis principium, sitque finis.

INDEX RERVM, & Verborum.

A

A Blactationis tempus.
fol. 411. & seq.

Abortus quando fiant. 99

Abyssus. 310

Aceti in nitro soluti vis.
300.

Accipitrum natura. 285

Achores. 112

Adamas. 238

Adami statua lutea. 62

Adamus sine morbo crea-
tus. 20

Adultera maledictio. 85

Aëris motus circularis. 304

in Aëre nihil gignitur. 41

Aëris materia proxima. 41

Aer pro cælo. 27

Aëris temperies. 41. & seq.

Equalitas. 333

Aqualitas Arithmetica

& Geometrica. ibid.

Equilibratas. 396

Æstus consideratio. 268.

& seq.

Æstus noxa. 212

Æstitui calores unde. 129

Æternitas quid. 31

Æterna quæ Platoni. 43

Æternum unum solum.

36.

Æternum pro longo. 67

Agarici malignitas. 431

Albugo. 209

Alfonsi regis tabula. 280

Alexipharmaca. 305

Alopecia. 113

Alteratio duplex. 66

Amyli utilitas. 197

Anacreontis mors. 212

Angelica salutatio. 50

Angeli quid sint. 203

Angelorum apparentia. 66

Angelorum cursus. 182

Angelorum motus & locus.

204. 206. & seq.

Angeli creatores Platoni.

322. & seq.

Animalium cognitio. 272

Animalium differētia. 101

Animales motus. 214

Ff 3 Ant

I N D E X.

<i>Animalium morbi.</i>	209	<i>differentia.</i>	123
<i>actiones & passiones Animalium.</i>	120	<i>Anni climacterici.</i>	69
<i>Animalium gradus.</i>	403	<i>Anni partes. 83. earum cum diei partibus comparatio.</i>	
<i>Animalia perfecta sanguinea.</i>	62	<i>ibid.</i>	
<i>Animalium nullum immortale.</i>	399	<i>Anni decretorij.</i>	406
<i>Animalia ex crementis.</i>	20	<i>Annorum supputatio.</i>	280
<i>Animalia ante semina.</i>	35	<i>Annus magnus.</i>	180. 226
<i>an sola Anima creata.</i>	45	<i>Antipathia naturalis.</i>	395
<i>Anima an ex Dei substantia.</i>	ibid.	<i>Antipode.</i>	127
<i>Animarum transmigratio.</i>	58	<i>Appetitus peccati.</i>	214
<i>Anime motus in morbis.</i>	59	<i>Apis taurus.</i>	82
<i>Anima immortalis. 60. ex quo. 61. quid. 79. quorum principium. 63. Natura gemina. 95. inorganica. 56. omnia quodammodo. 80. quando imperfecta. 66. antiquior corpore. 67. an sanguis. 59. quomodo in sanguine. 61. vis. 62.</i>		<i>Apologus de lignis regem per tentibus.</i>	57
<i>Anima quomodo causa vite.</i>	64	<i>Apoplectici.</i>	212
<i>Anime due Philoni.</i>	59	<i>Apolophones Philosophus. 160.</i>	
<i>Anima assistentis refutatio.</i>	66	<i>Aqua principium frigidorum.</i>	24
<i>Animam qua forma prece- dant.</i>	78	<i>Aqua generationis mater. ibid. duplex. 28. 175. congregatio aquarum.</i>	29
<i>Anime hominis & brutorum</i>		<i>Aqua maior terra.</i>	ibid.
		<i>Aquarum dulcedo. 89. differentia.</i>	309
		<i>Aqua cur fluxilis. 24. fecunda.</i>	ibid.
		<i>Aque motus.</i>	25
		<i>Aqua per ignem facta fluxilis.</i>	ibid.
		<i>Aqua salsa nocumenta. 192</i>	
		<i>Aqua sale iniecto curata. 193.</i>	
		<i>Aqua salsa fecundissima. 193</i>	

I N D E X.

<i>Aqua supra firmamentum.</i>		<i>nantarum & Medicorum</i>	
28.		179.	
<i>Aqua frigida potus.</i>	302. &	<i>Atheorum argumenta & eo-</i>	
<i>seq.</i>		<i>rum solutio.</i>	292. 295. &
<i>Aqua, & terra globus.</i>	29	<i>seq.</i>	
<i>Aqua creatio.</i>	ibid.	<i>Atheorum reprehensio.</i>	296
<i>Aquila.</i>	284	<i>Athlanticum mare.</i>	261
<i>Aquilarum genera.</i>	285	<i>Anaritie contraria.</i>	...
<i>Aquilo.</i>	117. & 226	<i>Auguriy exemplum in sa-</i>	
<i>Arborum ortus.</i>	223	<i>cris.</i>	152
<i>Ardea.</i>	283	<i>Aurifera prouincia.</i>	240
<i>Aristotelis laus.</i>	14	<i>Aurium consideratio.</i>	293
<i>Aaron.</i>	283	<i>Aures purgantia.</i>	302
<i>Ars naturam imitatur.</i>	22	<i>Aues in qua aeris parte vo-</i>	
<i>Arcturus.</i>	244	<i>lent.</i>	41
<i>Artis & natura progressus.</i>		<i>Anium tēperamentum.</i>	ibid.
22.		<i>siccitas.</i>	40
<i>Asclepiadis mors.</i>	212	<i>Aues ignea.</i>	ibid.
<i>Astra ignea. 29. in signa fa-</i>		<i>Aues rapaces.</i>	285
<i>cta.</i>	30	<i>Aues infasta.</i>	286
<i>Astrorum creatio. 30. vis.</i>		<i>Auster.</i>	116. & 226
172. distantia.	175	<i>Auster cur calidus.</i>	618
<i>an Astrorum substantia sit</i>		<i>Authoris edita volumina.</i>	6
<i>tenuior coelo.</i>	253	<i>Authoris protestatio.</i>	ibid.
<i>Astris nihil cum fortuna.</i>		B	
178.		B <i>Alnea quibus interdi-</i>	
<i>Astra non necessitant.</i>	ibid.	<i>cta.</i>	142
<i>de Astris praclara.</i>	252. &	<i>Baptismus abortiuorum.</i>	403
<i>seq.</i>		<i>Basiliscus.</i>	342
<i>Astrologia diuinatrix quid.</i>		<i>Beatitudo in quo sita.</i>	422
172.		<i>Bezaer lapis.</i>	395
<i>Astrologia iudicariae repre-</i>		<i>Binarium rerum princi-</i>	
<i>hensio.</i>	176. & seq.	<i>pium.</i>	398
<i>Astrologia agricolarum,</i>		<i>Binariy imperfectio.</i>	104
		Ff 4	Bo

I N D E X.

<i>Bonum.</i>	46	<i>Callyonimi piscis natura.</i>	
<i>Bonus non invidet.</i>	16	210. & seq. eius forma. ib.	
<i>Boreas.</i>	246	<i>Caligines quæ.</i>	231
<i>Bruta cur presentiant.</i>	168	<i>Calidum effluuium.</i>	143
<i>Bruta libertate carent.</i>	214	<i>Calidi metaphoricè qui.</i>	436
<i>Bruta quomodo rationabilia.</i>	215. 277	<i>Calor duplex.</i>	144. effectrix
<i>Bruta quomodo intelligent.</i>		causa. 24. vis. 145. differentia. 146. auxilia. ibid.	
& seq. & 273. 275. &		<i>Color Solis.</i>	26. 44
seq. quo à nostra ratione differant.	276	<i>Color cœlestis.</i>	174. & seq.
<i>Brutorum anima.</i>	59	<i>Coloris causæ tres.</i>	128
<i>Brutorum opera.</i>	— 79	<i>Caluities.</i>	113. & seq.
C		<i>Caluitiei non obnoxij.</i>	ibid.
		<i>Canitiei causa.</i>	331
		<i>duobus modis homo fit Calvus.</i>	114
C <i>Abalislæ.</i>	50. eorum	<i>Capparidis virtus.</i>	331. ortus.
reprehensio.	51	ibidem.	
<i>Cadmia lapis.</i>	240	<i>Caricarum vires.</i>	200. cataplasma
<i>Cebetis de anima sententia</i>			ibid.
93.		<i>Carmina Phrygia.</i>	147
<i>Cælum & terra facta sunt</i>		<i>Castor.</i>	55. astutia. ibid.
nō à ipsis se, sed ab alio.	13	<i>Castori qui similes.</i>	ibid.
<i>Cælum quid.</i>	27. quando factum.	<i>Causarū genera quinq;.</i>	439
	28	<i>Causarū externarum vis.</i>	67
<i>de Cælo multa.</i>	252. & seq.	<i>Causæ primæ fecunditas.</i>	15
<i>Cælum incorruptibile.</i>	254	<i>Causæ procatartica.</i>	372
<i>Cœli interitus.</i>	255. 426	<i>Causonis generatio.</i>	303
<i>Cœli motus.</i>	173	<i>Catacumbæ Nili.</i>	287
<i>Cœli regularitas.</i>	31	<i>Cathocus.</i>	138
<i>Cœli & aëtri differentia.</i>	30	<i>de Centro.</i>	299
<i>Cœli innouatio.</i>	320	<i>Characteres nihil inferunt</i>	
<i>Cælum crystallinum.</i>	29	morbo nec sanitati.	54
<i>Cernorum industria.</i>	182	<i>Colore rubeo cur sanguis morietur.</i>	

I N D E X.

<i>vetur.</i>	408	<i>Conceptio qua die perfecta.</i>	
<i>Coturnicum natura.</i>	290		97
<i>Coturnicum nocumenta.</i>	<i>ibid.</i>	<i>Concoctio à quo.</i>	24
<i>Coturnicum cibus.</i>	<i>ibid.</i>	<i>Concupiscentia non est pec-</i>	
<i>Coturnices hieroglyphicè</i>		<i>catum.</i>	218
<i>quid.</i>	<i>ibid.</i>	<i>Copernici reprehensio.</i>	305
<i>Chaos.</i>	264	<i>Congressus matutinus.</i>	82
<i>Chaldeorū reprehensio.</i>	363.	<i>Conservatio rerum.</i>	54
177		<i>Contagia.</i>	115
<i>Chile.</i>	246	<i>Continui dimissibilitas.</i>	10
<i>Chimiste.</i>	238	<i>Continetis & incontinetis</i>	
<i>Chimicus ortus</i>	237	<i>ratio.</i>	432. & seq.
<i>de Chiromantia.</i>	154	<i>Cōtinens & incontinens quid.</i>	
<i>Chiromantia examen.</i>	183.	433	
& sequent.		<i>Contagia.</i>	115. & seq.
<i>Chiromantici Astrologis</i>		<i>Contrariis sublati genera-</i>	
<i>vaniores.</i>	<i>ibid.</i>	<i>tio tollitur.</i>	19. & seq.
<i>sine Cibo quousque vita du-</i>		<i>Contraria quæ.</i>	393
<i>ret</i>	97	<i>Contrarietas omnis ad unum</i>	
<i>Ciborum differentia.</i>	63. 66	<i>reducitur.</i>	433. & seq.
<i>Cicatrix depilis.</i>	III. rubet.	<i>Conservatio rerum.</i>	54
<i>ibidem.</i>		<i>Cordis motus.</i>	33
<i>de Circulari motu.</i>	304. &	<i>Cor vite radix.</i>	224.
<i>sequent.</i>		<i>Cor primo gignitur.</i>	34
<i>Circuncisio.</i>	96	<i>Ciriza quid.</i>	328
<i>Cynocephalus cur sacrificij</i>		<i>Corpora cœlestia quorsum.</i>	
<i>nota.</i>	96	19	
<i>Colochintidos natura.</i>	196.	<i>Corporis partes trina.</i>	396
& sequent.		<i>Corporis frigus.</i>	144
<i>Cogitationis principium.</i>	65	<i>Corporis exsiccatio.</i>	65
<i>Cognoscentis & cogniti si-</i>		<i>Corruptibilia non aterna.</i>	
<i>militudo.</i>	80	9	
<i>Cometa.</i>	30. <i>Cometa annis.</i>	<i>Corruptibilium cōmunis na-</i>	
46.		<i>tura.</i>	94

I N D E X.

<i>Coruscationes.</i>	319	<i>Damones quas res fugiant.</i>	241.
<i>Corni nidificatio, & de eius pullis multa praeclara.</i>	281	<i>Damones quibus alliciantur.</i>	93.
<i>& seq.</i>		<i>Damones quibus fugentur.</i>	95.
<i>Creata sex diebus.</i>	21	<i>de Daemonibus.</i>	70. & seq.
<i>Creata an erunt aeterna.</i>	321	<i>de congressu Daemonum cum mulieribus.</i>	23
<i>& seq.</i>		<i>quale semen Daemonum.</i>	73
<i>Creata duplicia.</i>	397	<i>Dare an beatius quam acci- pere.</i>	421. & seq.
<i>Creare quid.</i>	16	<i>Deus principium & finis.</i>	436. & seq.
<i>Creare duplex.</i>	ibid.	<i>Deum esse probatur.</i>	291
<i>Cucurbita deserti.</i>	196	<i>de Deo opiniones.</i>	ibid.
<i>Cultura vis.</i>	197	<i>Dei thronus.</i>	40
<i>Cutis vitia.</i>	105	<i>Deus inalterabilis.</i>	ibid. po- tentia infinitus. 14. quibus delectari dicatur. 91
<i>causa.</i>	106. & seq.	<i>Deus liberrimè agens.</i>	324
D		<i>Deus quid ante mundum fa- ceret.</i>	15
D <i>Amones cur dicantur</i>		<i>Dei nomina.</i>	86
<i>filij Dei. 69. an mu- lieres ament & congre- diantur.</i>	70. & seq.	<i>Deus causa libera.</i>	32
<i>Damones an sint corporei.</i>		<i>Deus indefinibilis.</i>	86. Om- nipotens. 296
	91.	<i>Deus omnia eminenter con- tinet.</i>	295. & seq.
<i>Damones an generare possint.</i>		<i>Dij gentium.</i>	76
	71.	<i>Deleteriorum diuersitas.</i>	406
<i>Damones nulla voluptate cer- porali fruuntur.</i>	72	<i>Dentes cur nobiscum non na- scantur.</i>	329
<i>Damones quos inuadant.</i>	142	<i>Deriuatua.</i>	54
<i>quibus illudant.</i>	ibid.		
<i>Damones Dei Simiae.</i>	156		
<i>Daemonum responsa.</i>	157		
<i>Damones religantur.</i>	224.		
<i>includuntur.</i>	208		
<i>Damones non sentiunt.</i>	92		

I N D E X.

Dextri definitio. 39. *perfe-*
ctio. 217
Diaphanum quid. 266
de Dieta multa. 361. & *seq.*
 & 375. & *seq.*
Diei naturalis partes. 82
Dies decretory. 69
Dies climacterici. 122
Distillandi ratio. 221
Diarrhœa maligna. 202
Dionysius Areopagita. 160
Disciplinarũ adiuumenta ex
sacris literis. 6
Disciplina quæ principes 391
quæ ministra. *ibid.*
Diuinantium dispositiones.
 167.
Diuination non est merè natu-
ralis. 155
de Diuinatione opiniones.
 148.
Diuinationum genera. *ibid.*
Diuinationo populo Dei inter-
dicatur. 152
de Diuinatione per somnia.
 149.
de Diuinatione multa. 148.
 & *seq.*
Dolores cur die tertia grauif-
simi. 85
Draco disruptus. 406
Dualitatis natura. 397. &
seq.

E

E *Brietatis ex antiquis*
commendatio. 134
Efficiēs causarum prima. 38
Efficiens aeternum. 36
Elegiaci qui. 331
Elementorum confusio. 22
Elemēta quādo creata. *ibid.*
Elementa actu nullibi. 23
Elementorum impuritas. 22
 220.
Elementorum nomina. 22.
motus 23. *dinersitas.* 222
forma. 23
de Elementis. 219. & *seq.* &
 304.
Elementis sublati tollitur
mixtio. 19
Elephantia. 105. & *seq.*
Elephas cur viso colore san-
guineo irritetur. 407. &
seq.
Ens & vnũ conuertibilia. 12
Entis analogia. 87
Ente quæ priora. *ibid.*
Epidimie causa. 120
Epilepsia 138. *signa, mani-*
festatio. 140
Epileptici quando magis af-
ficiantur. 573
Epoches. 316
Equi natura. 284
Esse pulchrũ ac perfectũ. 13
Esse ex quibus. 40
Essentia

I N D E X.

<i>Essētia rerū indiuidua.</i>	215	<i>potest.</i>	15
<i>Est dupliciter dicitur.</i>	86	<i>Farina triticee vis.</i>	197
<i>Esthiomenum.</i>	224	<i>Fascinatio.</i>	336. & seq.
<i>Euruchi.</i>	124	<i>Fatum.</i>	167
<i>Excrementa quando esse debeant copiosa.</i>	110. quid sint.	<i>Fatuorum diuinationes.</i>	167
	230	<i>Febris.</i>	120
<i>Exercitatio post satietatem mala.</i>	377	<i>Fellis vires.</i>	210
<i>Exercitationis utilitas.</i>	376	<i>Fel terra.</i>	196
<i>Exēplar mundi eternum.</i>	43	<i>Fermentum.</i>	94
<i>Exemplar hominis.</i>	44	<i>Ferri natatio.</i>	197
<i>Existētia sine essentia nulla.</i>	14	<i>Festum Purificationis.</i>	103
<i>Exorcista. 50. eorum vis.</i>	90. 138.	<i>Ficum vires.</i>	200
<i>Expiationum inuentio.</i>	140	<i>Finis omnium Deus.</i>	238
<i>Expurgatio à partu.</i>	100. 99	<i>Firmamentum quid sit.</i>	27
<i>Extasis. 168. exempla. ibid.</i>		<i>de Fluminibus.</i>	308
F		<i>Flumina aurifera.</i>	238
		<i>Fluuiantium aquarū vis.</i>	198
		<i>Fluxus & refluxus maris consideratio.</i>	260. & seq.
		<i>Fontium generatio.</i>	309. & sequent.
		<i>Fontium aestus.</i>	313
		<i>Forma nomina.</i>	348
		<i>Forme plures in vno. 61. earum esse. ibid. Animam precedunt. ibid. Actū aut potentia semper.</i>	20
		<i>Forma & finis & efficiens idem.</i>	38
		<i>Fœtus variatio. 70. & seq. similitudo. 80. exempla. ibidem.</i>	
		<i>Fœtus formationis tempus.</i>	99.

Frigore

I N D E X.

Frigore sublato calor tollitur 19
Erigidi metaphoricè qui. 426
Fulmina. 242
Fulgur. 25
de Fundamentis terra. 256
Furor diuinus. 170 *amatorius.* 344
Fusilium nulla mentio in creatione. 20
Futura nunquam. 64
Futurorum cognitor solus Deus. 156

G

G *Agates lapis.* 338
Galenus delusus. 59. *de incarnatione.* *ibid.*
Galli gallinacei natura. 279
& seq.
Ganges aurifer. 238
Gaudio mortui. 372
Gelu. 244
Gemmarum nulla mentio in creatione. 20
de Gemmis 237
Generatio in quo. 130
Generatio à simili, & dissimili. 17. *quæ ad materiã referantur.* *ibid.*
Generationis animalium triplex modus. 17
Generationis pater & ma-

ter. 24
Genita non necesse est interire. 63
Generationis tempus. 76
materia efficiens. 77. *ibid.*
& 82.
Generatio ad femora referatur. 85
Generationem antecedit corruptio. 350
Generationes finiendæ. 439
Genealogia Christi. 363. *& sequent.*

Generum per oppositum diuisio. 399
Geomantia. 188
Gigantum ortus. 70
Gigantes cur pessimi. 74
Glaciei consideratio. 270. *& sequent.*
Grandinis generatio. 242
de Grandine. 270. *& seq.*
de Grauitate, & lenitate. 233. *& seq.*

H

H *Armonia cœlestis.* 176.
 280.
quædam Herba nascuntur sine semine. 18
de cœlesti Harmonia contra Pythagoram. 286. *& seq.*
Habitus & natura differentia. 216

Hebraicæ

I N D E X.

<i>Hebraicarum vocum usus</i>	sa.	24
<i>in sacris.</i>	50	
<i>Hebdomadarum principium.</i>	122. 31	
<i>Hemitritæi curatio.</i>	49	
<i>Hepatis egectio.</i>	203	
<i>Herodius.</i>	283	
<i>Heroes.</i>	70	
<i>Hiene, & ex ea remedia.</i>		
210.		
<i>Hierosolymorum excidium.</i>		
366.		
<i>Hirundinis stercus.</i> 209. & seq.		
<i>Homo ex terra.</i>	16	
<i>Homo ex elementis. ibid. cur ultimò creatus.</i> 34. <i>an sola anima.</i> 215. <i>cur natura iners.</i>	52	
<i>Hominis ortus quid imitetur.</i>	98	
<i>Hominis & Dei cōtrarietas & similitudo.</i> 212. & seq.		
<i>Hominis differētia propria.</i>		
214.		
<i>Homo ex quo primum.</i> 222		
<i>Hominum communis ortus.</i>		
<i>ibid.</i>		
<i>Homogeneorum forma in homine.</i>	62	
<i>Honoris gradus in Rep.</i> 390		
<i>Horologia artificiatæ.</i>	31	
<i>Horus Apollo.</i>	96	
<i>Humiditas materialis cau-</i>		
	sa.	
<i>Humores quomodo nutriant.</i>	60.	
<i>Humoris crySTALLINI agitatio visum impedit.</i>	140	
<i>Hydromantia.</i>	188	
<i>Hypericon.</i>	142	
<i>Hypocrita pessimi.</i>	436	
I		
I <i>Bicum natura.</i>		282
<i>Idea.</i>		42
<i>Idiomatum origo.</i>		52
<i>Iecur cuius rei symbolū.</i>		95
<i>Iesu nominis efficacia.</i>		58
<i>Ignis an sit & quando creatus.</i>		22
<i>Ignis an sit elementum.</i>		145
<i>Ignis motus.</i>	23. 26	
<i>Ignis anima mundi.</i> 23. <i>generationis pater.</i> 24. <i>per omnia fusus.</i>		<i>ibid.</i>
<i>Ignis est spiritus ille incubans aquis.</i>	24. & seq.	
<i>Ignis unde alimentum capiatur.</i>		25
<i>Ignis necessitas</i> 25. <i>natura insensibilis.</i>		<i>ibid.</i>
<i>Ignis usus quādo cœperit.</i> 25		
<i>Ignis nullibi separatus.</i> 26. & seq. <i>Solem sequitur.</i> 27. 303. <i>quomodo nutriat & urat.</i>		<i>ibid.</i>
<i>Ignis diuini amoris symbolum.</i> 27. <i>duplex.</i> 49. 144		<i>in</i>

I N D E X.

<i>in Igne animal non gignitur.</i>	<i>tas.</i>	319
41	<i>Influentia coelestes.</i>	175
<i>Ignis semper calidus.</i> 63.	<i>Initia rerum tria.</i>	21
<i>aeternus.</i> 64	<i>Insomnia.</i> 162. & seq.	
<i>Ignis vsus in sacris.</i> 95. im-	<i>Insufflationis utilitas.</i> 142	
<i>putribilis.</i> 121	<i>Intelligendi modus.</i> 138	
<i>Ignobilia primò creata.</i> 22	<i>Intemperantes 72. eorum vi-</i>	
<i>Ignorantia.</i> 416. & seq.	<i>tia.</i> 424	
<i>Imaginationis vis ad morbos</i>	<i>Intestini ieiuni concretio ex</i>	
<i>tollendos</i> 59. <i>ad forman-</i>	<i>inedia.</i> 97	
<i>dum fœtum.</i> 79	<i>Intestinum cæcum.</i> 396	
<i>Imbres æstate largiores quàm</i>	<i>Ira cur data.</i> 433	
<i>hyeme.</i> 243	<i>Iris semen.</i> 19	
<i>Immortalitatis argumentũ.</i>	<i>de Iride multa</i> 74. & seq.	
67. 277.	402.	
<i>Immunditiei vitande præce-</i>	<i>quomodo Iris generetur.</i> 75	
<i>pta.</i> 104	<i>an Iris ante diluuium fuerit.</i>	
<i>Impij cur prosperentur.</i> 297	74.	
<i>Inanimatorum motus.</i> 229	<i>tres Iridis colores quomodo</i>	
<i>Incantationes.</i> 49. 55. & seq.	<i>fiant.</i> 75	
<i>Incubi.</i> 70	<i>Iubilæi consideratio.</i> 121. &	
<i>Incorruptibilia nõ ab æterno.</i>	<i>sequent.</i>	
10. 11. 12.	<i>Iudaorum opinio de sapien-</i>	
<i>Indivisibilitatis perfectio.</i>	<i>tia.</i> 45	
255.	<i>Iurisprudentia & Medi-</i>	
<i>Individuatio.</i> 351	<i>cina comparatio.</i> 389. &	
<i>Infans sine doctore quo idio-</i>	<i>sequent.</i>	
<i>mate loquuntur.</i> 52	<i>de Iustitia eiusque partibus.</i>	
<i>Infantis nutriendi ratio.</i> 412	334.	
<i>Infantiũ in multitudine quo-</i>	<i>Iustitia partes tres.</i> 333	
<i>modo.</i> 10. <i>actũ impossibile.</i>	<i>Iustus nimis quis.</i> 334	
<i>ibid. in successione.</i> <i>ibid.</i>	L	
<i>Infinito nihil maius.</i> 10	L <i>Ac ex quo & quomodo</i>	
<i>Inflammationum maligni-</i>	<i>generetur.</i> 223. & 412	
	Lac	

I N D E X.

<i>Lac sugere quandiu puer debeat.</i>	411	<i>Luminis consideratio.</i>	265.
<i>Lacrymari quibus lethale signum.</i>	397	<i>& sequent.</i>	
<i>Lamiarum cum Damonibus familiaritas.</i>	72	<i>Luminis definitio.</i>	268
<i>Lapis Lazuli.</i>	238	<i>Lumen gloria.</i>	269
<i>Largitio liberalis.</i>	423	<i>de Luna multa.</i>	368. & seq.
<i>Laseris ortus.</i>	18	<i>Luna plenitudo.</i>	369
<i>Latini dicunt mundũ fuisse creatum, non factum.</i>	13	<i>Luna lumen.</i>	ibid.
<i>Leguminum noxa.</i>	117	<i>Luna macula.</i>	32
<i>Leonis natura.</i>	281	<i>Luna hieroglyphicè quid.</i>	
<i>Lepra 105. & seq. iudicium.</i>			371.
<i>ibid. exploratio. 108. vestigandi & vivendi ratio.</i>		<i>Lunaticorum consideratio.</i>	
<i>114. curatio.</i>	198		368. & seq.
<i>Lex naturalis quid.</i>	279	<i>Lux.</i>	467
<i>Lex maris</i>	203	<i>Lux an omnis à Sole.</i>	33
<i>Liberalitatis contrariũ.</i>	394	<i>Lux ante Solem.</i>	31. 33
<i>Liberalitas beatissima.</i>	424	<i>Lux causa vite.</i>	33
<i>Liberum arbitrium.</i>	65. 214	<i>Lucis creatio.</i>	28
<i>Libri plumbei.</i>	241	<i>Lucis definitio.</i>	265
<i>Ligna cur supernatent.</i>	26.	<i>Lucis divisio.</i>	ibid.
	400.	<i>Lux non est substantia.</i>	266
<i>de Ligno vite disputatio.</i>	62	<i>Lux accides corporale.</i>	ibid.
<i>de Ligno à Mose in aquas misso.</i>	88	<i>Lycanthropia.</i>	138
<i>Lingua usus.</i>	51	<i>Lymphatici.</i>	151
<i>Localis motus primus.</i>	173		
<i>Locorum naturalis ordo.</i>	234		
<i>Logos quid.</i>	277		
<i>Loquela inuentio.</i>	52		
<i>Lumen cœleste an causa.</i>	173		

M

<i>M Aiz.</i>	232
<i>Magi Marfi.</i>	58. 55
<i>Magorum confutatio.</i>	51
<i>Magorum princeps Zoroastres.</i>	50
<i>Magi cibos quosdam cur interdicant.</i>	ibid.
<i>Manna consideratio.</i>	288

I N D E X

- sequent.*
Manna diuersitas. 289
Manus consideratio. 188
Mas perfectior fœmina. 37
Mare fœcundissimum. 24
Maris æstus. 260. & seq.
Mare cur non crescat. 308
& seq. cur agitur. 311
motus causa. 262. *termini.* *ibid.* 263
Mare Sodoma. 193
Marcor. 224
Materia prima. 346
Materia immanentia & desinentia. 349
Materia mera potentia. 14
Materia sine forma nec est, nec intelligitur. 14
Materia æterna Platoni & Pythagoræ. 8
Materia propter formam. 7. *imperfecta.* *ibid.*
Mathematici Italia pulsi, 176.
Mathematicorum vituperatio. *ibid.*
Maturatio. 227
Medicina pars Ethica. 375.
de Medicina. 378. & seq. & 202.
Medicina est necessaria. 381. *varia de Medicina opiniones.* 379
Medicina & Iurisprudentia collatio. 392. & seq.
Medicorum honor. 379
Medicina subiectum & finis. 388
Medicorum præmia. 380
Melancholicorum genera. 405.
Melancholici cur tristes. 134
Melancholia remedia. 135.
vis. 139. *ad animi morbos translatio.* 217
Mellis vsus, ortus. 94
Meninx. 332
Mens. 60. cur dicatur oculus. 414
Menstrua. 76. quibus sistantur. 77. fluant. ibid. & sequenti. & 149. tempus. 77. malignitas. 341
Mensura quid. 353
Mercurius fures facere creditur. 179
Metalla quid. 231
Metallorum generatio. 18
de Metallis. 235. & seq.
Metallorum genera. *ibid.*
Metallorum mistio. 239
Metallorum sol causa efficiens. *ibid.*
Meteorologicorum utilitas. 250.
Mictu quandiu carere contingat. 332
G g *Michaëlis*

I N D E X

- Michaelis Archangeli pì-* speciem. 21
ctura. 367 *Motus animalium duplex.*
Microscopus. 44 61
de Mineralibus multa. 235 *Motus difficultas & facili-*
& seq. tas.
Mineralium nomina & ge- *Mulier propter virum.* 35
nera. ibid. 38. non ex semine. 39
Miraculorum ratio. 192 *Mulier quando concipere*
Miraculosa curatio. 199 desinat. 76. & seq. excre-
Monarchia. 364. translatio. mentosa. ibid.
366 *Mundi exordium scire cur*
Montium & collium inae- omnes cupiant. 8
qualitas. 300. *de Mundi ortu Philosopho-*
Monstra. 161 rum sententia. 8. & seq.
Morborum etas. 69. circui- *Mundus ex rudi materia.*
tus. 35. symptomata. 164. ibidem.
curandi ratio contagia. *Mundi aeterna emanatio.*
115. & seq. ibidem.
Morborum superstitiosae cu- *Mundi creatio per reuelat-*
rationes. 48 tionem habita. 9
Morbi patrij. 118 *Mundus ex nihilo.* 14. 20.
Morbi à demonibus quo- an totus in instati. 19. 31
modo curandi. 135. & eternus à parte post. 9
sequent. *Mundi ortus probationes.*
Morbi diuini. 202 9. & sequent.
Morbi ex peccatis nascun- *Mundum esse ab aeterno cõ-*
tur. 385 tradidit. 11
Morbundi prophetant. 170 *Mundi partes duplices.* 9.
Mortis necessitas. 64 304
Morum differentia unde. *Mundi mensura.* 257
186 *Mundi necessaria depen-*
Motus contrarij inter qua. dentia à quo. 12
19 *Mundi partium diuersitas.*
Motus celeritas non mutat 42

Mundi

I N D E X.

<i>Mundi pulchritudo.</i>	257	<i>Necromantia confutatio.</i>	
<i>Mundus iussione factus.</i>		190. & sequent.	
14. 15. eius perfectio. ibi-		<i>Necromantia exemplum in</i>	
dem. etates. 12. firmitas.		<i>sacris.</i>	153
227. cur non prius fa-		<i>Neccessaria non omnia.</i>	367
ctus.	16	<i>Nervi cuius instrumenta.</i>	332
<i>Mundus intelligibilis.</i>	45	<i>Nimbi presagia.</i>	417
<i>Mundus aternus & fa-</i>		<i>Niuis generatio.</i>	242
<i>ctus.</i>	47	<i>Nympha virginea.</i>	126
<i>Mundus enigma dicitur.</i>		<i>Nomina an effectricia.</i>	48
314. disputationi datus.		<i>Nomina ab Adamo impo-</i>	
321.		<i>sita.</i>	60
de <i>Mundi fine egregia.</i>	425	<i>Nominis octauo die impo-</i>	
& sequent.		<i>nendi ratio.</i>	67
<i>Mundus nouus.</i>	430	de <i>Nominum significatione.</i>	
<i>Munditiei vis.</i>	118	48. & seq.	
<i>Musices vis.</i>	135. eius in	<i>Nomina an suis rebus re-</i>	
<i>sacris usus.</i>	170	<i>spondeant.</i>	48
<i>Mutationis multiplicis</i>		<i>Non ens entis principium.</i>	
<i>causa.</i>	176	181. 14.	
N		<i>Nubes.</i>	230
<i>Abuchodonosoris me-</i>		<i>Nubium numen.</i>	249
<i>tamorphosis.</i>	405	<i>Nubium eleuatarū signum.</i>	
<i>Nabuchodonosoris morbus</i>		419	
<i>tunc.</i>	406	<i>Nubis & nebula differen-</i>	
<i>Nascuntur non sata antiq.</i>		<i>tia.</i>	230
<i>opin.</i>	18	de <i>Numeris & mēsuris.</i>	355
<i>Natalitia ex mari orta.</i>	41	<i>Nutritio quorum sit.</i>	64. 65
<i>Natura nihil frustra.</i>	21	<i>Nutritionis necessitas.</i>	62
<i>Naturalia in scripturis sa-</i>		& sequent.	
<i>cris & miraculis multa.</i>	6	<i>Nutritio quid.</i>	62. 63
<i>oto opere.</i>		O	
<i>Nebula.</i>	230. & seq.	<i>Culinatura.</i>	174
<i>Necromantia.</i>	181	<i>Oculis medentia.</i>	210
		Gg 2	Oculo

I N D E X.

<i>Oculorum fabrica.</i>	293	<i>Passiones corporum dupli-</i>	
<i>de Oculis multa.</i>	413	<i>ces.</i>	105
<i>Oculus metaphoricè quid.</i>		<i>Pediculorum generatio.</i>	118
414.		<i>Peccatum.</i>	216. & seq.
<i>Oculorum vires ad mala</i>		<i>Peccatorum medela.</i>	436
<i>inferenda.</i>	343	<i>cognitio.</i>	ibid.
<i>Oculis medentia.</i>	210	<i>Pelei & Thetidis connu-</i>	
<i>Oineles ortus.</i>	22	<i>bium.</i>	223
<i>Oliuarum ubertas prædicta.</i>		<i>Perfectum imperfecto prius.</i>	
181.		37.	
<i>Oleum quomodo noceat aut</i>		<i>Pestis prænunciationes.</i>	161
<i>prosit ulceribus.</i>	620	<i>Pessimi qui.</i>	436
<i>Operatio à natura & esse.</i>		<i>Phantasmata.</i>	139
12.		<i>Phlegmon.</i>	120
<i>Ophyasis.</i>	113	<i>Philosophiæ naturale desi-</i>	
<i>Ophthalmiæ contagium.</i>	343	<i>derium.</i>	315
<i>Orbis regiones.</i>	127	<i>Philosophorum ignorantia</i>	
<i>Orbis totus habitabilis.</i>	128	<i>de ortu mundi.</i>	13
<i>Orchis herba.</i>	339	<i>Philosophorū de mūdi exor-</i>	
<i>Ordinis resolutiui utilitas.</i>	8	<i>dio opiniones.</i>	8. & seq.
<i>Organorum consideratio.</i>		<i>Philosophorum secta.</i>	315
180. & seq.		<i>Philonis de hominis creatio-</i>	
<i>Orphei cithara.</i>	58	<i>ne sententia.</i>	145
P		<i>Physiognomia ars.</i>	185
P <i>Ally nigri usus inter-</i>		<i>Physiognomiæ consideratio.</i>	
<i>dictus.</i>	142	184. & seq.	
<i>Palyngenesia.</i>	216	<i>Physica cur ignorentur.</i>	319
<i>Panis.</i>	132 & seq.	<i>Physicorum utilitas.</i>	ibid.
<i>Paralysis obnoxij.</i>	332	<i>Phrenitis.</i>	278
<i>Parsimonia utilitas.</i>	375. &	<i>Phibysis duplex.</i>	203
<i>seq.</i>		<i>Pilorum temperamentum.</i>	
<i>Partum iuuantia.</i>	283	42. <i>materia.</i>	406
<i>Partus multiplicitas.</i>	410.	<i>Piscium temperamentum.</i>	
<i>& seq.</i>		42.	

Pisces

I N D E X.

<i>Pisces an sub terra.</i>	124	<i>Et unum à quo mundus.</i>	
<i>Platonis Et veritatis de</i>		13.	
<i>mundi ortu discrimen.</i>	9	<i>Principia rerum tria.</i>	17.
<i>Platonici à demonibus de-</i>		360	
<i>lusi.</i>	72	<i>Principium rerum quod op-</i>	
<i>Plantarum generationis mo-</i>		<i>timum.</i>	36
<i>dus triplex.</i>	17	<i>de libro Problematum Arist.</i>	
<i>de Plantarum seminibus</i>		<i>authoris iudicium.</i>	166
<i>questio.</i>	ibid.	<i>Prodigalitatis contrarium.</i>	
<i>Plantis que aque noceant.</i>		394	
194.		<i>Prodigalitatis Et auaritie</i>	
<i>Plumarum temperamen-</i>		<i>comparatio.</i>	423
<i>tum.</i>	42	<i>Propheta.</i>	169
<i>Pluuiam que prenuncient.</i>		<i>Prophetarum ad vaticinan-</i>	
164.		<i>dum preparationes.</i>	170
<i>Pluuiarum consideratio.</i>		<i>de Providentia multa.</i>	279.
228. Et seq.		<i>Et sequent.</i>	
<i>Poli mundi.</i>	244	<i>Pruine generatio</i>	242
<i>de mundi Polis.</i>	127. Et seq.	<i>Psitacorum regio.</i>	246
244.		<i>Pueri fascinationi obnoxij.</i>	
<i>Portenta.</i>	159. Et seq.	343	
<i>Possibile quid.</i>	15	<i>Puerperarum vacuatio.</i>	102
<i>Possibile Et necessarium</i>		<i>Puella quinquemestris.</i>	101
<i>idem in æternis.</i>	ibid.	<i>Putei.</i>	248
<i>Potentia prior actu.</i>	58	<i>Puteorum æstus.</i>	313
<i>Potentia sublata tolluntur</i>		<i>Putredine orta.</i>	21
<i>omnia.</i>	36	<i>Putrescentie Analoge.</i>	22
<i>Potionum genera multis.</i>		<i>Pynites lapis.</i>	240
132.		<i>Pyromantia.</i>	188
<i>Potu que utantur.</i>	42	<i>Pythagorica symbola.</i>	95
<i>Presfice.</i>	331	<i>Pythagoricorum dogmatum</i>	
<i>Presentionis ratio.</i>	162. Et	<i>examen.</i>	352. Et seq.
<i>seq.</i>		<i>Pythagorice harmonie con-</i>	
<i>Primum, æternum simplex,</i>		<i>futatio.</i>	286
		<i>G g 3</i>	<i>Pytha</i>

Pythonissa.

19

Ru. & vis.

339.142

Q

Quadragenarij numeri
ratio in foetu. 98. &
sequent.

Qualitates elementorū for-
mae. 23

Qualitates astine & pas-
sive. 19

Quantitas discreta & nu-
merus idem. 10

Quaternarij vis. 70

R

Rabiem que animalia
patiantur. 275

Ratio an brutis. ibid.

Raymundus Lulus. 349

Recidiva malum. 107

Renes minguntur interdum.
203

Repletionis mala. 376

Resolutio. 220

Resurrectionis probatio.
429

Resuscitatus ab Eliseo. 194.
& sequent.

Roma anis clamore seruata.
161

Rubens color sanguinem
mouet. 408. *feras incitat.*
ibid. & sequent.

S

Sacri libri cur scripti. 5
de Sacris libris anti-
quorum iudicium. ibid.
eorum utilitas. 6

Salicis semen. 18

Salis vsus in sacris. 90. &
sequent.

Sal cur terris aspergatur. 192

Sal hieroglyphicè quid. 194

Sal cuius rei symbolum. 94

Salis pactum. ibid.

de Sale copiose. 400. & seq.

Salina vis contra venenata.
342

Salsugo. 193

Samuel an verè suscitatus.
190

Sanguis non est pars viuen-
tis. 59

Sanguis alimentum est. ibid.
natura frigidus calorem
seruat. ibid.

Sanguine abundantia. 76

Sanguinis differentia. 61

Sanguinis & anima sympa-
thia. 61. *contactus.* ibid.

Sanguinis intuitus quibus
noceat. 407

Sapiētia ab eterno. 44. *quid*
278. quis eius capax. ib.

Saporum contrarietas. 395

Sara sterilisas. 76

Sarce

I N D E X

<i>Sarcosis uteri.</i>	126	<i>communio.</i>	326
<i>Satyrion orchis.</i>	338	<i>Sensus custodes corporis.</i>	
<i>Saulis morbus.</i>	143		328
<i>de Scientia opiniones.</i>	318	<i>Sensus an sine motu.</i>	403. &
<i>eius appetitus.</i>	319	<i>sequent.</i>	
<i>Scientia naturalium an ne-</i>		<i>Sensus & motus ab eodem.</i>	
<i>cessaria.</i>	5		404.
<i>Sibile quid.</i>	15	<i>Septenarij ratio in vita.</i>	97
<i>Scire reminisci Platoni.</i>	9		121
<i>Scabies. 107. remedia.</i>	105	<i>Sermo quomodo narutalis.</i>	
<i>Scripture inuentio.</i>	53		52
<i>Scyphus auguratorius.</i>	158	<i>Sermonis & scriptura com-</i>	
<i>Semen quodammodo omnia.</i>		<i>paratio.</i>	53
80.		<i>Serenitatis presagium.</i>	417
<i>Seminis differentia. 85. vis</i>		<i>Serpentis astutia.</i>	50
<i>ibidem ex quo & quomodo.</i>		<i>Servi peccatores.</i>	216
223.		<i>Seseli herba.</i>	283
<i>de Semine quid Pythagoras.</i>		<i>Sbdoma interitus.</i>	366
35		<i>Socrates.</i>	315
<i>Seminalis vis in lacryma</i>		<i>Siccitas.</i>	40
<i>plantis.</i>	18	<i>Simultatum contrarietas</i>	
<i>Senes calefaciendi ratio.</i>		<i>quomodo ad unum reuo-</i>	
144		<i>cetur.</i>	395
<i>Senes cur comprimant labia</i>		<i>Somniorum interpretatio</i>	
<i>introsum.</i>	330		164.
<i>Senectutis descriptio, & eius</i>		<i>Somni utilitates.</i>	82
<i>excellens declaratio. 327</i>		<i>Somniabundi.</i>	168
<i>& seq.</i>		<i>Sol cur nō primus creatus.</i>	31
<i>Sensus an sine mente. 274.</i>		<i>Sol an calidus.</i>	129
<i>& sequent.</i>		<i>de Sole multa .129. & seq.</i>	
<i>Sensus ad stellas accommo-</i>			174
<i>dator.</i>	71	<i>Solis lux quousque pertingat</i>	
<i>Sensus est presentium. 279</i>			33
<i>Sensus sensibilis, & organi</i>		<i>Solis accessus & recessus.</i>	
		<i>G g</i>	4 128

I N D E X.

<i>Terra magnitudo.</i>	354	<i>bentia.</i>	<i>ibid.</i>
<i>Terra vacuitas.</i>	27. <i>globus.</i>	<i>Vestium infectio.</i>	116. <i>putredo.</i>
	124.		118. <i>usus.</i>
<i>Terra caua.</i>	30. <i>solidior in</i>	<i>Via lactea.</i>	32
	<i>centro ibid. cur partim</i>	<i>Vini ortus.</i>	20
	<i>latens, partim detecta.</i>	<i>de Vino multa.</i>	132. & <i>seq.</i>
	232. <i>submergenda rota</i>	<i>Vinum cur latificat.</i>	134
	233. <i>immobilis.</i>	<i>Vini natura.</i>	133
	298. & <i>seq.</i>	<i>Vini robur.</i>	145
<i>cur Terra à mari non obrui-</i>		<i>Vinum senibus interdicitur.</i>	
<i>tur.</i>	259		145
<i>Terra & aqua consideratio.</i>		<i>Vinum ulceribus aptū.</i>	619
	235. & <i>seq.</i>	<i>Vir ante fœminā quare.</i>	36
<i>Terræ motus prædictus.</i>	161	<i>Vir est gloria Dei.</i>	39
<i>Testes.</i>	85	<i>Viragines.</i>	77
<i>Tonitrui consideratio.</i>	241.	<i>Virginis exploranda ratio.</i>	
	& <i>sequent.</i>		125
<i>de Tonitrui causis.</i>	<i>ibid</i>	<i>Virginis aperiēda ratio.</i>	126
<i>Tristitia.</i>	372	<i>de Virginitate multa.</i>	125.
			& <i>sequent.</i>
		<i>Virtus infinita incommuni-</i>	
		<i>cabilis creatura.</i>	47
V <i>Acuū vulgo quod.</i>	226	<i>vera Virtus unde.</i>	416
<i>Vaticinia unde.</i>	139	<i>Vita quomodo in sāguine.</i>	60
<i>de Vaticiniis multa.</i>	147. & <i>seq.</i>	<i>Vite longitudo.</i>	189. <i>produ-</i>
		<i>ctio.</i>	69
<i>Vena azygos.</i>	396	<i>Vitalis facultas in primo</i>	
<i>Veneri motus unde.</i>	74	<i>principio generationis à</i>	
<i>Ventorum materia.</i>	235	<i>quo.</i>	34. <i>ubi.</i>
<i>de Ventis multa.</i>	245. & <i>seq.</i>		61
<i>de Ventorum naturis.</i>	618	<i>Viteligo</i>	105. <i>à lepra diffe-</i>
<i>de Ventorum temperie.</i>	247	<i>rentia.</i>	112
<i>Verbum omnium Idea.</i>	44	<i>Vitia duo an uni virtuti</i>	
<i>Vesica</i>	498. <i>carenia.</i>	<i>contraria.</i>	394. & <i>seq.</i>
	42. <i>ha-</i>	<i>Viuentium consumptio.</i>	63
		G g	5
			<i>Vlcerum</i>

I N D E X.

<i>Ulceri exacerbatōis causa.</i>	<i>Volatilia aquea.</i>	40. & seq.
& tempus. 84. 85. locus.	<i>Voluntas duplex.</i>	213
111. malignitas. 20. curationis.	<i>Voluntatis libertas.</i>	ibid.
200	<i>Vomitūs utilitas.</i>	378
<i>Ulcera quid desiderent. ibid.</i>	<i>Vomūm incitantia.</i>	430.
<i>an olco vngenda. 620.</i>	& seq.	
627.	<i>Urbs intelligibilis Philonis.</i>	
<i>Ulini semen.</i>	45. 46. eius reprobatio.	
18	<i>Vieri gestationis exacta</i>	
<i>Umbilici & hepatis prima</i>	<i>consideratio. 409. & sequent.</i>	
<i>formatio.</i>	34	
<i>Unguiniū materia.</i>	406	
<i>Unitatis perfectio. 104. 225</i>	<i>Vulnerum dolores tertio die</i>	
<i>Vocum significatio.</i>	54	
	<i>grauissimi.</i>	83

F I N I S.



SIMILITVDINVM

AC PARABOLARVM QVÆ

IN BIBLIIS EX HERBIS ATQVE

Arboribus desumuntur, dilucida explicatio:

In qua narratione singula loca explanantur,

quibus Prophetæ, obseruatâ stirpium na-

turâ, conciones suas illustrent, diuinâque

oracula fulciunt,

LEVINO LEMNIO,

Sacrarum Literarum studioso,

Auctore.



3

Paschasij Oenij Heicrucini in Authoris
& operis commendationem
Carmen.

VEntur o quotquot Medicus clarissimus auro
Sacrauit Genium constat habere libros.
Hic tamen imprimis docti suffragia cœtus
Promeritus, nullo fine superstes erit.
Res magnas, res difficileis, res denique sacras
Eruit eximium candide lector opus.
Author enim sylvas inter reptando salubres,
Cœlestis Sophia largiter hausit aquas.
Quando vel arboribus, vel humi serpentibus herbis
Accessit prisco tempore tantus honos?
Ecquis crediderit sacri tot mystica Verbi,
Clausula sub extremo cortice sensa tegi?
Si non assiduo diuina Pallados usu
Lemnius occultas explicuisset opes.
Nullos inuoluet posthac Labyrinthicus error
Flexibus ambigui, multiplicique via.
Seu per odorato vestitos gramine colles,
Seu per frondosum te inuat ire nemus:
Non secus, ac Theseus Ariadnes fila sequutus,
Quò te cunque feres, hoc duce tutus eris.
Si incunda igitur, si quaris idonea vita,
Hanc prope in syluam ferre subinde gradum.
Fatidica stirpes, leno quasi Copia cornu
Pascendis animis pabula lata



EXIMIO SVMMÆQVE

virtutis ac dignitatis Viro D. Thomæ Thieldio, D.
Bernardi in confiniis Antuerpianis ad Schaldam,
Antistiti cum primis reuerendo, Leuinus Lemnius
Medicus Zirizæus sacrarum literarum studiosis
S. P. D.

Quum mihi nuper amplissimè depradicaret virtutis
tue decus, & mentis præstantiam, Antistes specta-
tissime, Iacobus Susius, vir, præter antiquæ nobilitatis in-
signia, omni disciplinarum genere excultissimus, cœpit
illico animus noster in tui nominis amorem ac veneratio-
nem incitari. Quis enim erga illum non afficiatur, qui in
pacificandis optimatum dissidiis, in dirimendis sopiendis-
que controuersis hæreditariis, de fundis, ac suburbanis
prædiis singulari pollet dexteritate ac prudentia? Quis
non unicè illum diligit, veneretur, suspiciat, qui institutis
erectisque aliquot palæstris literariis, artes ingenuas ac
liberales disciplinas fouere non desinat? qui rebus tam
exulceratis, tantisque opinionum dissidiis distractis ac di-
uulsis sana consilia adhibere curat, ac propositis premiis,
doctos quosque ad concionandi munus exstimulare, quo fa-
melica ac dissipata multitudo salutaris doctrinæ pabulo sa-
turetur, mentesque arida ac siticulosa verbi Dei irrigatio-
ne reuiuiscant ac reficiantur. Nullum præfectò excogitari
potest opus, quod plus solida laudis promerceatur, & quod
humana generi sit utilius, magisque frugiferum aut salu-
tare. Quocirca excogitatum est à me argumentum, vir
præstantissime, tuæ dignitati aptum, tuoque tam salutari
instituto accommodum, quo omnibus innotescat laudatissi-
mus tuus iste conatus, ac longè latèque propagetur nominis
tui honos, tuoque exemplo complures ad illustrandam fo-
uendamque

uendamque religionem Christianam, ac sincerum Dei cultum stabiliendum exstimulentur. Eo autem magis gratum acceptumque Amplitudinis tue munusculum hoc literarium fore confido, quod tale quiddam à nullo hactenus tractatum sit, ipsaque rei narratio non minus habeat utilitatis quàm oblectamenti. Tametsi non defuturos ominor, qui ubi conspexerint Medicum tractare argumentū Theologicum, confestim exclament, Ne sutor ultra crepidam, tum id, Quam quisque norit artem, in hac se exerceat.

Quod Medicorum est

Flor. lib. 1.
epist. 1.

Promittunt Medici, tractant fabrilia fabri.

Verum hæ voces non sunt tanti, ut ab harum rerum tractatione non deterreant, quam par sit ut omnes qui Christo nomen dederunt, ea consecutentur, quæ maximè salutaria sunt, illiusque doctrinam cum primis illustrent. Quod præter alios spectasse obseruo virum illustrem Ioachimum Hopperum Iurisconsultum, Hispaniarum Regi Philippo à consiliis secretioribus, in enarrando Decalogo. Quamobrem non decet id mihi fraudi esse, quam sacrosancta religio à Regibus etiam atque magnatibus (quorum plerique non semper res prophanas tractant) exulta sit ac propagata, diuinòque afflatu in commentarios redacta. Documenta sunt Abrahamus, Isaac, Iacob, Moses, David, Salomon, Esdras, à quibus primùm profluxit ac dimanauit cultus & doctrina coelestis, ac cum scripto, tum viva voce posteris per manus tradita. Eo autem minus vellicari, aut arrodi meretur nostra hac lucubratio, quod pro dimidia parte sit professionis Medicæ. Siquidem ad Medicum potissimè spectat herbarum tractatio, etsi quæ ex his sumitur Metaphora, Similitudo, Exemplum, Comparatio, non alienum est ab eius professione dilucidè ea explinare. Quum autem professores sacri minus fere exercitati esse soleant in herbarum cognitione, ac vix vulgatas passimque obuias herbas cognitæ, perspectasque habeat, fieri nequit, ut omnia exactè atque

atque ad amussim perspiciant aut interpretentur, suâque dignitate singula exornent, destituti notitia stirpiû, aut minus explorata earum natura. Quocirca boni consulet æquus rerum aestimator nostram hanc qualemcunque industriam, cum ea tractem quæ magna ex parte ad Medicum spectât, quem natura inuestigatio, cui sedulo incumbit, ad contemplandas etiam res diuinas erigit, ad Opificis notitiam eiusque amorem atque admirationem inflammet. Spero autem candidum Lectorem minus alierum futurum erga opusculi huius autorem, ubi eius gustu se expleuerit, ac nonnihil fructus ac commodi ex illius lectione conceperit. Hac enim commendatione Genium consequi libri solent, ac plausibiles esse, summâque auiditate à studiosis expeti, præsertim ubi viri alicuius excellentis patrocinio in lucem prodeunt. Quæ res hoc apud me effecit, Antistes cumprimis obseruande, ut passus sim hoc nostrum commentariolum tuis auspiciis cuique nominis fauore in vulgus efferri, multorumque iudicii ac censuris subiici. quod vnum nonnunquam viros quilibet eruditos ad lucubrationum suarum editionem retardare solet ac remorari. Quis est enim ea dicendi peritia imbutus, eaque rerum cognitione instructus, ut censores passim tam rigidos Aristarchos, tam oculatos non pertimescat ac reformidet? aut quis sua scripta omnibus approbare, omnique ex parte calumniâ abs se depellere posse confidat? præsertim in argumento quod detegit vitiat errorêsq; hominum qui ferè salutaria monita respiciunt, eôsq; ne aut odio prosequuntur, aut vellicant, qui illis ad virtutem, ad decus, ad probitatem, ad sinceram religionem sunt incitamento. Quod ipsum nusquam non deplorât sacri vates. iis locis quæ illustranda suscepi, qui in eo toti sunt, omnêque suam operam atque industriâ conferunt, ut cum omnes, cum illos potissimè officij sui commonefaciât qui Ecclesiastico munere funguntur, ac diuinis ministerijs sunt addicti, quo subditis absolutum virtutis ac pietatis exëplar exprimant, summoque stu-

dio enitantur, ac rationem ineant, quæ collapſa atque incli-
nata Religioni medelam adferre queat, eamque erigere at-
que inſtaurare. Illorum enim intereſt ac munus delegatum
expoſcit, ut denias balantesque ac diſſipatas oves ad Chriſti
ouile dirigant, atque ad ſaluberrima cœleſtis doctrina paſ-
cua reducant, ut egenis ac calamitoſis, omnique præſidio de-
ſtitutis ſubueniant, atque illis aliquid ſolatii, nōnihil ſubſi-
dij adferant, ut ingenuos ac bonæ indolis adoleſcētes, in qui-
bus elucet ac ſe profert aliquod viuida erectaque ac gene-
roſe mentis indicium, liberalibus diſciplinis inſtitui curent,
quo aliquando Patria uſui ſint atque ornamento: ut virgū-
culis maturis ac coniugio aptis dotem conferant, ne qua pu-
dicitiam expugnari contingat, ac publice ut mercenarias
proſtitui. Hac enim ratione obtinebimus ne paſſim tot exiſtāt
validi erroneſ ac graſſatores nocturni qui aliena inuadant
ac deprædentur, nec tot contaminatæ integritatis puella, quæ
in luſtris ac fornicibus extra legitimam vitæ ſocietate, cor-
poris ſui viſum omnibus præmiſcæ concedunt. Quod de-
decus fœdæque vitæ conſuetudo ne inter Chriſtianos ino-
leſceret, in fragile millum ſexum in ſua beneficia ac munifi-
centiam liberaliter contulerunt veteres illi Eccleſiæ proce-
res, qui quod cæteris virtute morumque integritate præluce-
rent, ac ſubditorum uſibus commodisque ſedulo proſpice-
rent, Epifcopi, Præſules, Antifites vocabantur, atque a pa-
terno pioque affectu ac propenſione in gregem ſuæ fidei ac
tutela commiſſum, Abbates ac Cœnobiarchæ; ſic ut digni-
tati & honori ſollicitudo & cura cōiuncta eſſet. Conſopiebāt
illi tumultus ac diſſidia quæ in magnū Reipublicæ detrimē-
tum erant euafura, reſarſerunt laceratam ac diuulſam ci-
uium ac popularium concordiam, omniaque reddiderūt trā-
quilla ac pacata: mitigabant Regum ac Principum irri-
tatos animos, qui ſiniſtris parumque auſpicatis nonnullorū
conſiliis inflammati, grauiora quàm pro æquitate, onera ſub-
ditis inferre meditabantur. Quale exemplum editum eſt in
Roboam Salomonis filio, qui cum in paternam hæreditatem

sciens atque inauguratus imperio, iuuenum potius quam senum consilio acquiesceret, florentissimum regnum abs se diuulsum alienauit. His ac plerisque aliis praeclaris virtutibus enitueret veteris Ecclesiae ministri, atque iis se potissimum exercuerunt in quibus situs est praecipuus Charitatis fructus, totiusque pietatis ac religionis summa consistit, ut Iacobus Apostolus palam testatur. Nam erigere operosa palatia, magnisque sumptibus extruere porticus, pauimenta, xystos, ambulacra, peristylia, conuiuari lautius, ac magnifico splendidoque ferculorum apparatu, aut denique exquisito cultu opes profundere, subleuādis tenuioribus destinatas, alienum prorsus esse decet ab illorum conditione, natura, moribus, quorum professio atque institutum frugalitatem ac moderatum rerum usum exigit, ab omni luxu, pompa, fastu, ambitione, strepitu, aliaque mundana ostentatione remotum. Hae vir humanissime libere quidem, ac amanter ac sincero affectu à me amplificata sunt, quò plerique exstimulentur, ut Spartam suam exornent, suamque minam aut talentum auctione conduplicent, illi, inquam, qui in clarissima luce hominum versantur, ac velut in totius orbis theatro constituti omnium ora atque oculos in se conuertunt. Sic enim futurum confido, ut qui nunc multorum animos abs se habent auersos atque alienatos, sibi magna veneratione ac reuerentia deuotos deuinctosque expe-
 riantur. Est enim virtus vitaeque integritas fauoris ac beneuolentiae, totiusque humanae societatis conciliatrix. Quade re cum nuper in amoenissimo tuo secessu serio simus philosophati, praesente clarissimo ac Senatorij ordinis viro Nicolao de Voocht Iurisperitissimo, ac multa ultro citroque agitata sint, non visum est opera pretium diutius huic argumentum inherere. Deus Opt. Max. cui, Christi fiducia, vota precesque nostras deferimus, te diu nobis seruet incolumem, ac tuos conatus promoueat, magnaque incrementa ac progressus conferat. Zirizaa ex Museo nostro Nonis Maij, Anno M. D. LXVI.

*Amplissimos Reges ac sacratissimos vates
herbarum cognitione exactè fuisse imbutas,
desumpta ab iis tot Metaphoræ ac Parabola
declariant, quæ hîc spectanda exhiben-
tur.*

CAPUT I.

Pæstâtissimos Reges ac magnanimos illustres quæ He-
roas in ipso etiam armorû strepitu tumultûque bellico,
studiosè olim excoluisse rem Herbariam, ac stirpiû co-
gnitione cum primis fuisse delectatos præter veterû historias,
Bibliorum codices abundè testantur. Cum enim harum rerum
inuestigatio, amœnissima varietate exornata sit, nec minus
habeat utilitatis, quàm oblectamenti, non visum est Regum
amplitudini, nec imperatoriæ maiestati indecorum, huiusmo-
di occupationibus distineri, præsertim vbi ab vrgentissimis ne-
goriis, ac functionibus publicis respirare, atque aliquid sibi la-
xamenti impetrare licuit. Hac enim cùm animi, cùm corporis
cultura non minùs celebris facta est illorum memoria, non
minùs illustratus nominis splendor & magnificentia quàm
rebus aliis præclare gestis, aut hostibus vel subactis, vel ad in-
ternectionem deletis. Sic Mithridates Ponti, atque vndeiginti
regnum Rex propter eximiam herbarum notitiam, & singu-
lare antidoton contra venena morbosque omnes contagiosos
præsentaneum, illius nomine insignitum immortale nomen
est consequutus. Lyfimachus Eupator, Gentis Illyricorum rex
Artemisia Mausoli Cariæ regis vxor, multique alij præter bel-
li gloriam, herbarum cognitione illustres sunt. Marcus Cu-
rius Imperator Romanus post deuictum Pyrrhum Epirotharû
regem, Lucius Cincinnatus, Marcus Valerius Corvinus plan-
tarum amœnitate allekti procul à strepitu & ambitione ciuili
ruri consenuerunt. Salomon verò regum amplissimus, qui præ-
ter immensas opes eam consecutus est à Deo Opt. Max. sa-
pientiam, ac rerum cognitionem, vt nullus regum illi sit com-
parandus, in herbarum notitia mirificè excultus, exactèque
versatus legitur, ac disseruisse non solum de piscibus, alitibus,
quadrupedibus, astris, sed de arboribus etiâ & stirpibus à cedro

Reges
herbarum
cultores.

Libani usque ad Hyssopum qui egreditur è pariete, hoc est, à minutissima herba ad procerrimas, celsissimásque arbores usque, omnia habuisse cognita & explorata. Sunt præter Salomonem proceres aliquot vatesque Hebræi, qui passim varietatibus suis herbarum nomina effectusque interserunt, ac comparationes ex iis mutuuntur. Cum enim stirpes aliæ aliis rebus adhiberi soleant, ac nonnullæ alimenti usum præbeant, aliæ medicamenti, pleræque utrumque, nonnullæ noxiæ sint ac naturæ infestæ, aliæ salutares morbisque expugnandis accommodæ: ex iis Propheta appositissimas similitudines, scitæque & concinnas cõparationes desumunt, quibus conciones exornant, ac fidem narrationi adstruunt. Cum autem multa sint in humanioribus disciplinis ac politioribus literis, totâque philosophia humana quæ hominum animos affatim oblectant, illorumque mentes exemplis ac morum integritate imbuunt, cum nulla ad hæc perficienda maiorem vim atque efficaciam obtinet, quam ea quæ sacri vates, quorum nemo non diuinitus afflatus, concionibus adhibent, aded ut quiuis vel in naturæ operibus vel diuinis contemplationibus mediocriter exercitatus, facillè perspexerit, quàm non sit sterilis & ieiuna illorum narratio, quàm non prorsus infœcunda illorum doctrina, sed utilis, salutaris, fructuosa. Si quidem scriptura sacra à cœlesti parte diuini Spiritus afflatu promanans, mentes hominum suauissimo pabulo pastuque salùtari reficit. Quod ipsum David rex indicat, desumpta peramœna similitudine à viridante floridoque prato ac saluberrimis aquis, quibus armenta maximè pinguescunt & saginantur. *Dominus regit me. nihil mihi deerit in loco pascue ubi me constituit, super aquas refectio- nis.* Sic cū sibi gratularetur ac plauderet, quod Dei munere in diuidenda hæreditate, vberissima pecora, solumque ac fundum maximè fœcundum sortitus esset, *Funes, inquit, ceciderunt mihi in præclaris.* Solebant enim olim funibus extentis metiri iugera, suosque limites cuique assignare ac patiri prata: quod apud nos nunc decempeda perficitur. Huius generis cū innumera exempla in veteri nouoque instrumento se proferant, non solum in vulgato vitæ usu & consuetudine, sed ex natura rerum quæ nihil non suppeditat, deprompta: operæ pretium visum est ista eruere, atque auido lectori spectanda exhibere, quo illi innotescat, quantus scientiæ ac sapientiæ thesaurus reconditus sit in arcanis literis quæ non tam dulcia, quàm salutaria hominibus proferunt. Nec sanè quisquam ex vllis Philosophorum aut Rhetorum Poetarumque scriptis tam vberem & copiosam doctrinæ frugem, tam salutare animæ mentisque pabulum

pabulum est percepturus, quam ex vberissimo atque inexhausto diuinitatis fonte, illorūque oraculis quæ diuino adflatu sunt prodita. Quod si cui libeat attentè considerare atque intimè excutere diuina eloquia, quantāque vñ sint sapientia, qui tam salutaria documenta nobis prodiderunt, mentēmque ac voluntatem Dei mortalibus indicant, dilucide perspecturus est, quid diuina prophanis præstent, & quā sint res æternæ ac solidæ caducis ac momentaneis præstantiores. Sacros verò vates præter exactam diuinitatis cognitionem in naturæ reb. exquisitæ versatos, nec vllius disciplinæ fuisse rudes, vel illud argumento est, quod ex intimis atque arcanis naturæ similitudines & comparationes desumant, denique ab animantibus, herbis, arboribus, elementis, igni, terra, aquis, aëre, fluminibus, riuiis, fontibus, cisternis, Oceano, astris, geminis, lapidibus, à fulmine, pluuia, rore, æstu, frigore, flatibus, grandine, niue, gelu, glacie, à satis & semente, à sale, à fermento, à sagena, verticillo, nassa, retibus, ab humoribus qui corpori humano subsunt, vel ab eo promanant, sanguine, lacte, semine, menstruis, à partiente & partu, à scoria, ferro, auro, argento, aliisque innumeris Tropos ac figuratas eloquutiones, Metaphoras, seu translationes, parabolas, collationes, exempla, Schemata, hoc est, ornamenta verborum & sententiarum, & quæ quasi aliquo gestu orationem illustrent, narrationibus suis accommodant, quibus multum lucis atque intelligentiæ, plurimū dignitatis ac splendoris concionib. adferunt, mentesque ac animos socordes atque oscitantes, suiue oblitos ad veritatis cognitionem incitant atque inflammant: improbos adducta ex iis rebus similitudine, à maleficiis deterget, atque ad virtutem, ad solidam sceleritatem, ad Dei metum & fiduciam extimulant, illisque, omni adhibita industria, diuinitatis notitiam infigunt: probos verò & qui vitæ integritatem conseruant, stabiliunt, vtque perseuerent atque in suscepto negotio persistant, sedulo exhortantur: obiter, quod & Paulus præcipit, inordinatos, intractabiles, incompositos officij sui commonefaciunt, ac salubri placidāque monitione increpant: pusillanimos, & morientes solantur, imbecilles ac labantes fulciunt, collapsos erigunt, lenitate & clementia vtuntur erga omnes, lenti ad iram, ad vindictam ac violentiam tardi, medentur iuxta Esaia ac Christi vaticinium contritis fractisque mentibus atque animis deiectis, morientis, afflictis salutarem medelam adhibent: prædicant captiuis remissionem & indulgentiam, obsecratis visum: ita vt diuinæ lucis efficiantur capaces, calamitosi solatium,

Sacra prophanis potiora.

Propheta omnium rerum cognitione instructi.

Deus blaudimentis allicit
1. Thess. 5.

Esaia 61.
Luc. 4.

vincitis ac diaboli tyrannide oppressis relaxationem ac libertatem; eaque omnia elegantissimis parabolis & collationibus in suis passim scriptis perficiunt. Cum autem nemo non Prophetarum, inter quos multi regia maiestate existunt, harum rerum specimen exhibeat, atque etiam Iesus Christus, quique eius nomine apostolicæ legationis munere funguntur, in eodem doctrinæ genere versentur, operæ pretium me facturum sum arbitratus, si obiter commonstrem quanta sit eruditio, quàm recondita sapientia, quæ rerum cognitio ac naturæ investigatio, quantus ardor propagandæ religionis, atque expulsa omni superstitione & idololatria proferendi cultus diuini in iis hominibus qui diuino spiritu cœlestique afflatu imbuti tam salutaria non prodiderunt, accita ad orationis decus & ornamentum vniuersa rerum natura: quod ipsum patefacere iam meditor.

*De conditione & natura Mandragora, quam à
Lia sorore eblandita est Rachel.*

C A P V T II.

Gen. 1.

Mandragoræ duæ species.

INter herbas virentes ac floridas, quantum innumeras naturæ ac rerum omnium conditor Deus in vsum hominum è terra produxit, Mandragora non infimum locum obtinet, nec prorsus ignobilis est. Cuius cum in sacris Bibliis extet mentio atque in deliciis habita sit in edendique vsum experta: de hac instituti argumenti sumetur exordium. Constituuntur huius stirpis duæ species: quarum vna est foliis lactucæ æmulis, sed angustioribus, saturati vmbrosique viroris. Pomum verò emergit è centro imoque stirpis medietullo, quod herbaceo stylo incumbit, auellanae nucis, nonnunquam iuglandis aut castaneæ magnitudine. Hæc species fœminæ nomine insignitur. Mas verò speciosa magnaue foliorum amplitudine ac pompa luxuriat, lacteo vitore perpolita. Pomum verò quod ex passis patulisque quaquaversum foliis è media stirpe prodit orbiculatum ac circinata rotunditatis, oui gallinacii vitello aut luteo prorsus affine est, odore, non sine granitate quadam soporata, iucundo, radice crassa, pilosæque ac bifida, atque in humanæ coxendicis aut cruris formam bifurcata. Qua occasione circumforanei quidam impostores ex huius

huius & brioniae radice imagunculas confingunt humana specie, atque utrumque sexum emolliuntur, ac credulae turbae persuadent ea forma ac specie è terra enatas. Nonnulli serio praedicant vitalem fuisse subterraneum hunc foetum, atque ex locis quibusdam funestis eruisse, quibus supplicio affici solent fontes ac facinorosi, qua persuasione rudi atque imperitae plebi imponunt, atque huiusmodi impostura argento illos emungunt. Belgae Mandragorae poma *Declappelen* vocant, quo nomine & radicem designant, quod mentem amatorio quodam fascino in errorem pertrahant, & quodam modo incantent. Huius pomi fuisse auidam Rachaelem, summoque eius desiderio occupatam sacri codices referunt. Cum enim triticeae messis tempore Ruben in rus digressus Liae matri artulisset Mandragoras, Rachel sterilis ac sororiae fecunditatis aemula, eas sibi concedi offerrique postulavit. Lia exasperata importuna interpellatione, poma illi denegavit: tandem sopita altercatione hac lege ac conditione res transacta est, ut Lia subsequente nocte mariti concubitu frueretur (nam id alternis vicibus, duabus sororibus vni marito dedicatis perfici solet) Rachel vero potiretur Mandragoris, quas ea mente atque animi intentione à sorore eblandita creditur, quo amabili ac gratioso cum patriarcha Iacobo congressu, esu illius pomi, conceptui effici posset idonea. Cum enim invidia in sororem permota sterilitatis probrum à se depellere atque amoliri cuperet, exposulavit cum marito, quod sterilis degeret, cum soror numerosa prole ferax esset & fecunda. Iacobus indignatus se perfunctum maritali munere profiteretur, ipsumque ne culpam posse nec ignaviae argui, ceterum fecunditatem ac conceptum Dei donum esse, illiusque arbitrio negotium istud perfici. Ceterum an Mandragora foetificandi vim mulieribus conferat, atque utero retinendi seminis efficaciam conciliet, in dubium vocari posset. Cum enim soporifero effectu praedita sit, & impensè frigida, haec qualitas ad tale quiddam praestandum prorsus inefficax censei solet & inidonea. Quod tamen ita dilui posse video, ut in frigidis humidisque regionibus, atque in utero humecto & algido tale quiddam perficere nequeat, sed in torrido aestuantique & exusto. Sic in Africa, Hispania, Iudaea, Mauritania, Numidia, Aegypto, in quibus ferè regionibus mulieres adustos arentesque habent uteros ac feruidos, tum squalidos ac strigosos: non incommode hoc pomum adhiberi posse crediderim. Si quidem eius esu corpus ad temperiem reduci posse existimo, cum post amplexum

Pomum
Mandragorae blaudimentum
amoris
Gen. 30

plexum & congressum maritalem soluto in somnum corpore, vterus retinendi vim seminis asciscat, nec id in fumos ac fuliginem euanescat, vt in calido atque æstuante vtero assolet, in quo vtriusque semina minùs coalescunt aut vniuntur, sublata omni posteritatis spe. quod multis vsu venisse obseruauì etiam in Belgica, quæ ob plus satis calidam vteri intemperiem effortæ extiterunt, tamen si mariti sedulo illis suam operam præstarent, suòque officio alacriter fungerentur: quin & viri ex frequenti illorum concubitu aliquando pudendarum partiù vitia contrahunt à fæluginosa atque acri mordacique vligine, quæ genitali virùs infert ac contagione inficit. Huiusmodi mulieribus quæ fere sunt indomitæ libidinis ob ignitos vrentesque locos, poma Mandragoræ inoffensè, imò magno commode exhiberi possunt, cum pepones, cucumeres, cucurbitæ, melones, portulaca, lactuca, solanum, aliæque refrigerantia, quibus intensus ille feruor ac vitiosa vteri qualitas retunditur, & quò minus concumbenti deleteria sit, cohibetur. Scio equidem multa esse stirpium genera apud Belgas & Septentrioni obuersas regiones, quibus cum subsit noxia vis & perniciosa, valetudinem deteriorem efficiunt ac depopulantur, nisi illorum effectus in destruenda naturæ temperie coerceatur. Sic omnes herbæ quæ frigida qualitate imbutæ sunt, pipere, zinzibere, & grano paradisi, quod nonnulli inter species cardamomi statuunt, conduntur, quibus refrenatur illarum malitia, & obtunditur hebescitque ferocia. Sic fungi, boleti, tubera, aliæque excrementa terræ Italici ac Transalpinici innoxia sunt: Cisalpinici verò ac Belgici nocentissima ac venenata, nisi condimentis caloricis mitigetur venenosa illorum qualitas, adde quòd in calidis regionibus, quæque Sole affatim illustrantur, & incallescunt, omnia melius maturescunt, quæ vis efficit vt illa feracula vt pote libidinis incitamenta à delicatis ac gæconibus in deliciis habita, atque in excitandæ tétiginis vsu expetita, minus incommodi corporibus inferant. Cæterum Mandragoræ odoris fragrantia ac suauitate recreasse olim Hebræos, Epithalamium siue Canticum Salomonis indicat, sic vt existimem in Iudæa illam in ratione expetitam, ac manibus contractari solitam, quòd suauis quodam odore imbuta sit non sine vi somnifica & soporosa, quæ lassos & languidos recreat: vt ferè esse solent qui amoribus dediti sunt, aut aliquem depereunt tantquam amatorio philtro incantari. Mihi verò quid de Mandragora accidit, obiter enarrabo. Cum autem æstiuis mensibus (nam eo tempore poma Mandragoræ se proferunt) semel atque

De Mandragoræ
pomo historia.

que iterum in museo nostro amabilem ac speciosum eius stit-
 pis fructum negligenter collocassem, ita somnolentus sum ef-
 fectus, vt ægrè sopor excuti posset. Cum autem obnixè oble-
 ctarer somnolentiæ, illamque excussisse conarer, ægrè id obti-
 nui, nec rationem tanti veteri inire potui: tandem cum qua-
 quauerfum dimouissem oculos, obtulit se à tergo pomum Mā-
 dragoræ, quo amoto atque in alium locum translato, factus
 sum alacrior, atque torporem depuli, omnemque oscitantiam
 discussi. Cæterum ab hoc suauolenti miræque odorato pomo
 quod gratiam fauoremque gestanti apud amasium conciliat,
 sponsus caprat occasionem expatiendi. Cum enim vernis æsti-
 uisque mensibus omnia frondeant ac nitescant, ac Mandra-
 gora stirpesque aliæ odorem suauiter in auras diffundant,
 Sponsam extra limen & conclaue euocat, quò relicta vrbe
 ruri atque in suburbanis prædiis se oblectet, ac tot passim
 florentibus herbis & arboribus, nardo, viola, liliis, malo
 punica, Mandragoris, ipsaque florescente vite se reficiat. Cum
 autem singula quæ è terra emergunt verno tempore fron-
 descant, ac florum cum amœnitate, tum fragrantia homini
 blandiantur, tum ipsa vitis præ cæteris fragrantissimum odo-
 rem expirat, ac naribus suaves halitus effundit: profert hæc
 sub finem veris flosculum minutum & stellarum festucis ra-
 mentisque orbiculatis oblitum, vel lichen, vulgo vinea, co-
 lore subspiceo aut flauescente, eximixque suauitatis, quo in
 asterisci formam deciduo, confestim specimen racemorum ex-
 hibetur. Odor huius flosculi cerebrum & cor mirificè recreat,
 sic vt mihi gratissimum sit florescente vite sub vinea pergulata
 ac pampinis concamerata fornice ac testudine prandium cœ-
 namque absolvere, aut cum æqualibus eruditis fabulis tem-
 poris tædium fallere. Huius autem flosculi odor, tanti effe-
 ctus prædicatur, vt venenatas bestias abigat, adeò vt serpen-
 tes, colubri, bufones hunc perferre nequeant, sed remotissi-
 mē ab eo se subducant. ergo circa florescentem vitem non
 solum salubris est & peramœna ambulatio, sed etiam secura
 & tuta: licet enim in herbido thoro ac viridante gramine de-
 cubere, ac sub arbore patulis diffusa ramis opacum frigus
 captare, atque æstum propulsare, vel apricatione Solis radiis
 incalescere & illustrari, nullo metu aut trepidatione serpentū
 qui aliquando latenter in herba delitescunt, atque improvisè
 obrepunt, hominique terrorem incutiunt. Dum autem sponsus
 (quo nomine Christus à Ioanne Baptista designatur, qui erga
 suam Sponsam nempe Ecclesiam, cœtumque illi fidentium

unicè afficitur) nusquam non speciem, & venustatem decoremque Sponsæ amplifcet, atque è diuerso Sponsa mutua compensatione illi paria faciat ac vices repēdat, quidquid præclarum est, & admiratione dignum in natura vniuersi, cælo, sideribus, montibus, syluis, nemoribus, campis, herbis, flosculis, ex quibus suavis odor emanat, arboribus quæ non minùs salubres quàm spectabiles & speciosos fructus proferunt, vino generoso ac saporis eximij quod ex lectissima vite exprimitur: huc vterque congerit, ac similitudines appositissimas proutriusque dignitate producit. Sic nardo Sponsus comparatur, herbæ cum primis odoratæ, fasciculo myrrhæ, botro aut vuz Cypriæ ex generosissima vite decerpæ. Sponsus verò amicam lilio comparat ob eximium candorem atque odorem suauissimum, adeo vt si pedissequa & quibus stipari solet, Sponsæ conferantur, spinæ sint nulla specie, nulla formæ dignitate commendabiles, hoc est, & puellæ quæ illam comitantur velut hybridæ parumque ingenuæ, nihil habent amabile aut speciosum, nihil spectabile, aut vlla gratiosa venustate visendum. Huiusmodi metaphoricis ac figuratis elocutionibus scattet non solum hoc canticum, sed tota passim Scriptura sacra, ita vt amplissimus se campus aperiat, quo studiosus lector possit oblectari, tota mente ac cogitatione à naturæ præstantia, in Opificis admirationem erecta. Sumuntur in hoc Cantico elegantissimæ similitudines ab iis rebus, quæ syncopi atque animi deliquio collapsos erigunt, ac spiritus sopitos labantescque instaurant: vt sunt vinum odoriferum, fasciculi manuales & olfactoriola ex redolentibus herbis concinnata ac congesta. Sic sponsa cum lanquescit ac iam defectura videtur immodico sponsi amore, puellari clientelæ imperat vt aliquid fomēti adferant, vt odorata quæque naribus admoucant: *Fulcite me*, inquit, *malis*, *sustentate odoribus ne deficiam*. Sic enim nostrates, defectu animi periclitantibus, cinamonum, cariophyllos, acetum, sambucinum, ponia, citria, & quæ sub eodem genere comprehensa limones dicuntur, myrtum, saluincam, aliâque odorifera olfacienda exhibent, quibus passim Scriptura vtitur, ac salutarem doctrinam designat, quæ mentes languidas refocillat ac reficit.

Cant. 2.

*De manna cœlitus delapsa , tum
ea quæ Medicis in
usu est.*

C A P V T III.

QUod Hebræi in vasta illa ac siticulosa solitudine Manna Exod. 16.
Deut. 8. pasti sunt, non prorsus naturali causæ adscribi potest, sed Diuinæ potentia, quæ tamen naturæ vsa sit ministerio, vt etiã coturnicibus, gregatim in castra delatis, aut cum percussa petra, refocillando populo aqua profluere, lignoque aqua amara dulcesceret, tum etiam cum Euri violentissimo flatu rubrum mare exiccatum transitum Hebræis patefaceret, ad internecionem deleris insequentibus. Similis est ratio de farina multiplicata & adaucto oleo Helix & Helisæi precibus, de coruo illi adferente panem & carnes: quod etiam de Antonio & Paulo Heremita refertur de Angelo ministrante Helix panem subcinericem & aquæ poculum, quibus corroboratus quadraginta dierum ac noctium iter emensus peruenit ad montem Dei Horreb, in cuius spelunca tutus erat à Iesabelis tyrannide, quæ omnes prophetas in mortem crudeliter venabatur. Hæc atque alia admiranda quæ passim in sacro codice memorantur, Deus iussu nutuque suo perficere potuisset nulla adhibita materia, sed tamen vti voluit rerum naturalium (quarum ipse effector est & moderator) adminiculo ac velut instrumento, eaque ratione suis prospicere visum, atque afflictis mentibus solatia adferre. Quod etiam in Ezechia moribundo ac Dei sententia morti destinato obseruari potest, cuius apostema, admoto cataplasmate ex ficibus contusis quæ maturandi facultate polent, ad sanitatem perductum est: quo argumento declaratur, Joan. 9.
Marci 7.
Matth. 9.
Mar. 10.
Lucæ 18. morbis vrgentibus, non respuenda medicamentorum præsidia, sed ea, implorata Dei ope, alacriter adhibenda, quibus vita in aliquot annos producitur. Eodẽ vsus est medendi modo Christus in dispellenda cæcitate mendici, confecto collyrio ex luto & salina, eaque abluta extersaque in piscina Siloë. Similiter in discutienda surditate, digitos in aures inseruit, immissoque in linguam spuro, loquelam muto restituit. Cuius generis miracula aliàs solo tactu, aut verbo peregit, ab iis tantum stipulatus impe-

Num. 2.

Heaut.
scena 5.
actu 3.

impetrandi fiduciam, quam cum inter alios clamorus ille cœcus Bartimæus inter turbæ fremitus testaretur, confestim nullo adhibito visibili externoque signo, visum recepit. Cum autem Deus pro immensa erga genus humanum bonitate ac fauore, multis magnisque rebus munificentiā suam declararet, tum præcipuè inauditis stupendisque miraculis mirandam potentiam patefacit: quod inter innumera Manna demonstratam affluenter ex aëre in terram effusum, ut numerosissimam multitudinem satiaret. Dum enim fiemeret confusa multitudo sexcentorum millium, Deosque ac Moli obstreperet, quod ex Ægypto in tam vastam solitudinem perducti media conficerentur, Deus vespere incredibilem conturnicum vim & copiam in castra coëgit, manè autem ros undique diffusus est per castra, solique planiciem, cumque operuisset superficiem terræ, apparuit in solitudine minutum quiddam, rotundū, tenue, perinde ac si pruina esset constrata humi, similitudine seminis coriandri, specie bdellij, gustu saporeque similaginis, melle confectæ. Cum autem tam subita innouatio, atque insolita rerum facies admirationi esset turbulento populo, ac nonnullis stuporem incuteret, plerisque (ut quidam opinantur) contemptum & irrisum adferret, *Manhu*, inquiunt, quid est hoc? Similis est illa Chremetis ironia & subsannatio in Clitiphonem filium personatæ atque ementitæ probitatis. Sed ipse egreditur quàm seuerus: rem cum videas, censeas. Cæterum Manna quæ medicis in usu est, calida & humida abscessu primo, huic non prorsus dissimilis est, colligitur enim in calidis regionibus aëreum roscidūque mel, quod æstiuis mensibus, feruescente interdiu Sole, nocturno frigore in grummos coit, atque in ram enta conglobatur ex defluxu rotulenti humoris ac madore aereo omnibusque passim arboribus, herbis, lapidibus incumbit mellita ista colore flauescente, quæ singula agitata sacchari more liquefcit, ac palatum faucesque dulcedine imbuit: quo fit ut gulæ & faucium asperitatem leniat. Verum cum illi subsit medicamentosa quædam facultas, saccharo minus alit: ventrem autem ut cassia fistularis & Cylandracea emoluit, sed paulò clementius, quocirca tutò impuberibus seniculis, prægnantibus, pueris exhiberi potest, vnciæ pondere, obseruata cuiusque natura ac corporis constitutione. Mannæ autem vel melli aerei nomine insignitur, quoniam ex halitu ac vapore terræ, calore Solis sublato, ex aere defluit, atque æstiuæ noctes frigore concreta plantis insidet ea propemodum forma ac saporis dulcedine, qua in Bibliis Manna describitur, cuius esu multis annis pasti sunt Israëlitæ, ita ut assiduo eius

usu nauseam illis pareret, ac Dei donum fastidirent. Exemi ego aliquando vulgare hoc mannae genus aut roscidum mel ex plantarum foliis, cum antelucanis horis Academiae Louanienfis pomœria egressus, perquirendis herbis essem occupatus, desinente potissimum vere, aëre tranquillo ac placido, nullisque ventis incitatus. Diuenditur autem adulterinum mel aëreum ex Sena incrustata, saccharo confecta: verum ubi id ore volutum liquefcit, proditur dolus. colligunt quidem nonnulli circa aluearia, illaque loca in quibus apes mellificant ac faueum confingunt, excrementa quædam flaefcente colore, sapore melleo, quæ nonnulli existimant ex aëreo concretu coaluisse: cum nihil aliud sint, quam excrementiceus liquor & salina quæ à vespis fucis & culicibus prodiit. Si quidem insecta apum laboribus insidiantur, & mel exsugunt: quod obseruantes apes in illa insiliunt, ac turmatim conficiunt: quod indicat Virg.

Adulter
Manna.

Geor. l. 4.

*Prima fauis ponunt fundamina: deinde tenaces
Suspendunt ceras: alia spem gentis aduulos
Educunt fœtus, alia purissima mella
Stipant, & liquido distendunt nectare cellas.
Aut onera accipiunt venientum, aut agmine facta
Ignavum fucos pecus à præsepibus arcent.*

AEol. l. 4.

De Lactuca sylvestri.

C A P V T IV.

CUM Deus pro inexhausta sua bonitate erga homines afficiatur, omnibus modis illorum commodis prospicit ac saluti inuigilat, suamque munificentiam cumulate illis impendit, non aliud pro tam obuia ac benigna promptaque liberalitate ac gratuitis muneribus exigit, quam summum amorem ac venerationem solidamque fiduciam, qua illi innitimur, atque indubitatam certamque spem concipimus de eius promissis. Commonefacit Deus sedulo oscitante, ac socordes sui officij, suaque beneficia subinde illis in mentem reuocat, ne vel excidere contingat, vel obliuione obrui: atque huius rei causas certos ritus ac statas solennesque ceremonias instituit, non solum in veteri lege, in qua omnia de Christo eiusque regno typis adumbrata sunt, sed etiam in Euangelio in quo promissa exhibita sunt,

Exod. 12.
Num. 9.

Sacramē-
ta in quē
vsum ex-
hibita.
Baptismi
effectus.

sunt, atque omnia ad vnicum vsque apicem, vt Christus ex-
pirans testatus est, consummata peractaque. Sic signis quibus-
dā, certisque symbolis ac sacramentis quæ sub sensum cadunt
& reconciliationem testificatur. Siquidem Baptismus signacu-
lum fidei, ac primus in Ecclesiam aditus, Circumcisione, ac
maris rubri transitu abumbratus nos Deo consecrat, eoque
illi inferimur. In agni verò Paschalis esum surrogata est Sy-
naxis, hoc est, Corporis & sanguinis Christi communio, quam
palam exerceri voluit, atque in cœtu Christianorum publici-
tus peragi, ne vnquam intermoreretur aut exolesceret mortis &
resurrectionis eius memoria, sed continenter in mentem re-
uocetur insigne illud beneficium, quo genus humanum dia-
boli mortisque tyrannide oppressum, gratuito ac nullis meri-
tis libertati assertum est, atque impetrata per IESVM CHRIS-
TVM, pacificatorem omnium scelerum remissione, salutem
adeptum. Siquidem *Lex per Moysen promulgata, gratia autem &
veritas per ipsum Christum exorta est.* Exhibitum est olim huius
mysterij, quod in Christo expressum est, specimen quoddam
atque adumbratio, dum Abrahamus filium vnicum Isaac vi-
ctimæ destinat, dum Moses ex Dei præscripto, agni immacu-
lati ac masculi esum instituit, eumque vespendum cum agresti-
bus lactucis quæ insigni amaritudine sunt imbutæ, præscribit,
quò assidue in recenti memoria versaretur miseranda seruitus,
quia olim sub Pharaone oppressi sunt, excussoque intolerando
iugo, in libertatem restituti. Quocirca instituta sunt agni Pa-
schalis anniuersaria sacra, vt memoriâ sibi renouarēt eius diei
qua olim apud Ægyptios agni sanguine postibus illito à peri-
culo Angeli exempti sunt, quin primogenita Ægyptiorum
grassabatur, atque incolumes mare rubrum transierunt: quem
diem cum primis celebrem & sacrosanctum à transitu Angeli
qui illos intactos præterit, denique à mari rubro fœliciter ma-
gnoque successu emenso appellabant Phase, qui nobis dicitur
Pascha, Gallicè *passage*, apto appositoque ad huius æui decur-
sum vocabulo. quia nobis in hac mundi impedita ac vasta so-
litudine, ad immortalitatem ac cœlestem patriam sedesque
beatas sit transitus. Præcipitur autem edendus agnus cum
lactucis syluestribus, siue herbis amaris. Siquidem in huius
seculi curriculo omnia amara sunt, acerba, tristitia calamitosa,
& quæ plus aloës quàm mellis habeant. Sunt qui lactucæ no-
mine Seridis species designari credunt, & Intyba, hoc est, Ci-
chorium & quæ corrupta voce Scariola dicitur, Belgis à can-
dore *voute*, hoc est, Candida *Endivia*, ceruleo flore, eaque in
lascinias

Phase
quare in
lactucam.

lascinias dissecto spectabilis, hanc sabulo obrutam hybernis mensibus inter acetaria primis mensis inferunt. Hoc siquidem artificio tractata, amaritudinem exuit, atque eximiam candorem adsciscit, ut sunt interna brassicæ capitata folia. Commode autem magnoque successu adhibentur huiusmodi herbæ hepatis obstructionibus: habent enim amaritudinis ratione abstergendi vim, qua meatus recludunt, atque opilationes expediunt. Tertianas quoque febres expugnant, atque icterum seu morbum regium, discutiunt. fellis enim atque hepatis intemperiem, cui fere Iudæos esse obnoxios color mustellinus indicat, mitigant. Sunt autem istæ stirpes Virgilio decantatæ in Geor. *nec amaris intyba fibris efficiunt.*

Cichori ū
hepati sa-
lubre.

Geor.li.r.

Rursus,

*Forstā & pingues hortos quæ cura colendi
Ornaret, canerem, biferique rosaria Pæsti:
Quoque modo potis gauderent intyba riuis,
Et virides apio ripæ: totusque per herbam
Cresceret in ventrem cucumis.*

Geor.li.4.

Commendat hæc quoque Columella in hortulo, eaque excolenda præcipit tanquam alteram succidiam (sic enim proventum hortensem nominat Cicero.)

Lib. 10.

*Spargite quæque viros acuiunt, armantque puellas.
Iam breue Cerephilum, & torpenti grata palato
Intyba, iam teneris frondens lactucula fibris.*

De Senec.

Congeneres istisque sunt affines Chondrilla, Sonchos siue Cicerbita, & quæ vulgari voce dens leonis, & rostrum porcinum vocatur, hieracium, quæ omnia lacteo succo madescunt, ac flavescenti flosculo conspiciuntur, leporibus cuniculisque gratissimum pabulum. Si quidem earum stirpium esu minùs hydrope hæc animacula turgescunt, amaritudine exiccate humiditatem. Quocirca earum nonnullæ quæ non intensius amarescunt, ineunte vere ibi folia tenerescunt, acetariis immiscentur, in pratis obuiæ equino generi pabulationem suppeditant, aliæ lacte turgescunt, inuitis hortorum cultoribus erumpunt atque eruncandæ eruendæque sunt, ne salutare herbas strangulent. Cæterum lactucam illam siluestrem quæ Endiuæ nomine insignita est, in edendi agni Paschalis vsu adhibitam, velut condimenti loco, non facile mihi persuaderi potest:

Quæ ve-
ra lactu-
ca silue-
stris.

potest: cum ob insignem vrentemque amaritudinem quæ linguam vellicat, non sit esculenta, nisi cum primum emergit, nec adhuc spinis in dorso parteque auersa armata sit: vincit enim Endiuia vulgaris quæ germana est lactuca siluestris, amaritudine reliquas stirpes quæ succo lacteo madescunt. Quocirca medici nouellam ac teneram in vsum medicamenti adhibent, non adultam quæ aculeata est ac spinulis horret, cum vetustate amarescit: Intyba verò species cocto elixoque agniculo condimenti vice adhibitam protus crediderim, nempe Cichorium & Seriolam, ex quorum non solum foliis, sed radicibus etiam acetaria conficere Belgæ didicerunt. Si quidem radix ad sesquicubiti ferè longitudinē se porrigit, quam autumnino enatam in taleolas ac tesselas dissecant, vt rubram pastinacam, quam Carotam vocant, eamque ex aceto & oleo, insperso piperis polline, estant, vt etiam cucumeres, crithmum, rapistrum, vulgò *Raiponse*, compluraque alia quæ tempestiuè suaque anni parte hortus profundit.

De olea, oleastro, olina, oleo.

C A P V T V.

Apoc. 7.

Gen. 8.

Psal. 103.

VT palma quæ pōderi non cedit, victoriæ insigne, ita Olea pacis index: cuius rei specimen columba ex arca Noë emissâ edidit cum desinente diluuiio defluxisque ac subsidentibus aquis, oliuæ fruticem attulit, mitigatæ iræ Dei argumentū. Folio autem est hæc arbor salicis aut ligūstri, supernè viridi, auersa imâque parte qua terrâ spectat albescente atque incano vt alba populus, flosculo minuto, sed folioso, colore luteo, non sine grauitate odorato: fructifera verò est fœcundâque numerosis baccis, oblonga forma, atque ouali, quæ vbi maturescunt, atque nigrescere incipiunt, oleoso pinguique succo turgescunt, ex quibus oleum exprimitur articulis firmandis, fouendisque membris, tum mitigandis doloribus accommodum, agilitatem enim vigoremque vis præstat foris adhibitum potius, quàm in corpus admissum; eo si quidem corpora persusa non solum nitescunt, sed robur etiam concipiunt atque ad obcandos labores redduntur habiliora, quod indicasse Dauidem obseruo atque Deum ob huius aliarūque rerum munificentiam in immensum extulisse, Ipse est enim qui germinare facit fœnum & gramina iumentis, herbas in vsum hominum, panem vt vires augeat ac confirmet, vinum vt cor hominis latifcet, eleum vt corpus eo niteat ac vires concipiat. Quo spectat illud Plinij: Duo liquores

liquores corporibus humanis saluberrimi, intus vini, foris olei. Quin
 & Samaritanus quò Christus designatur, duo hæc fomenta Luc. 10.
 vulnerato adhibuit: vinum, quod abstergit & emundat: oleum,
 quod lenit, quod dolorem mitigat, quod vulnus ad sanita-
 tem perducit. quo indicatur Christum secus quàm sacerdotes
 Leuitasque officij sui negligentes, salubri doctrina afflicti ac
 sauciatis mentib. mederi, animique vulnera obligare, ac cica-
 trices ita obducere vt nullum vestigium appareat. Oleum au-
 tem intus exhibitum, aluum mollic ac lubricum efficit, aspe-
 ra quæque mitigat, venena paulò antè hausta retundit, atque
 hebetat, eaque innoxia facit, ac ventriculum ad vomitum in-
 citat, quo ferè noxia ac perniciofa quæque excutit, efficitque
 lubrica vi, ne venenatæ potiones venas subeant, mortemque
 inferant: qua facultate hoc etiam adfert commodi, vt præ-
 sumptum tumultuæ obfistat, & ne quis confestim ebrietati
 succumbat. Præter artis rationem faciunt qui ruptis, laxatis,
 contusis, collapsis ruinaque oppressis oleum vel butyrum ex-
 hibent, vt membra afflicta consolident atque instaurent, nisi
 omphaceum oleum, hoc est, immaturum, quod nondum ma-
 turescente oliua exprimitur. Nam id adstrictionis est particeps
 qua vi corporis partes hiantes ac dissolutæ coalescunt atque
 vniuntur. Butyrum verò & oleum maturum inter initia, inci-
 sa primùm vena, si ætas patitur, non incommodè exhibentur
 ad dolorem mitigandum, ac dissoluendum conglobatum con-
 cretũque sanguinem, in quem vsum potionem conficio ex-
 ramentis rubiæ internis ac nuce muscata: postmodum conso-
 lidantia propinari curo millefolium, rosas rubras antequam
 prorsus dehiscere incipiant, aut folia dilatare, myrti baccas,
 omnes symphiti, hoc est, consolidæ species, succinum mari-
 num, quod sperma Ceti, vocatur gnesiam ac germanam mu-
 niam, rhabarbarum ac nucem muscatam totam, eaque om-
 nia decocta in vino rubro stiptico ac astringentis naturæ: bac-
 cæque omni ferè nationi oliuæ dicuntur, ante maturitatem
 lectæ, cum adhuc viridescunt in muria asseruantur ad pellen-
 da ciborum fastidia, ac nauseam, acuunt enim appetentiam,
 atque vt amygdalæ amaræ ebrietati obfistunt. Sumuntur au-
 tem ab huius stirpis-fructu & floribus à scriptoribus sacri si-
 militudines concinnæ cum primis & elegantes. Sic Iob cum
 improbo cuique & facinorosæ præmaturum interitum denun-
 ciat, *Antequam, inquit, dies eius impleatur, peribit, & virtus il-
 lius arescet: cadetur quasi vna florens botrus eius, & velut olea
 proiciens florem suum: hoc est, ante diem, ac properata subitaque
 morte conficietur, nec ad ætatem maturam aut ad statutum*

Qomoda
ruina op-
pressi tra-
standi.

Potio cõ-
solidans.

Oliuarum
vsus.

Cap. 15.
& 17.
Similitu-
dines ex
olea.

legitimumque vite tempus est peruenturus similitudine desupra ab arboribus ac florentibus herbis, quæ incuntes vere spectatissime prodeunt, ac florescunt: sed quartum flosculi vel vredine percutunt, vel ab Aquilone seu Borea decutiuntur. Deus enim non finit nefarios diuturna prosperitate frui aut optatum successum consequi, adeo ut cum multum vitæ superesse possit, atque illud produci longius, præmaturam mortem illis accelerat. Sic legimus in Genesi acceleratiùs oppressisse homines diluviū quod moniti non respicerent, nec ad frugem se conuerterent, sed indies in deteriora prolaberentur. Et cum Deus Sacerdotibus & optimatibus Effraim minitatur atque inopinatum exitium denunciat ob religionis neglectū, in quē propter ebrietatem ac temulentiam etiam deuoluti sic in illos per Esaiā iram suam exacuit ac vaticiniū fulminat. *Va corona superba, flori decidenti & defluro, & erit flos deciduus & quasi temporarius ante maturitatem.* Quo indicat illos cum omni fastu & arrogantia, ut flores decussum iri, ut ficus primas & præcoces (quæ confestim deceptæ deuorari solent) & æstiuū fructus qui in hyemem asseruari nequeunt. Non dissimile argumentum amplificat contra Ægyptios, obita Dei nomine legatione Esaias: *Ante messem totus effloruit Ægypti populus, & præmatura perfectione germinauit, & præscidentur ramusculi eius.* Quo designat Ægyptiis tale quiddam obuenturum quale præcocibus fructibus ac primitiuis baccis ipsisque segetibus & vitibus quæ festinantiùs erumpunt, atque intempestiuē ac præter temporis rationem maturescunt. Citissimē enim huiusmodi fructus corrumpuntur, nec ad consequendum vsui sunt. Quo denunciat illorum in fœlicitatem non fore diuturnam. Per Oleam etiam aliasque arbores indicatur piorum successus, rerūque omnium affluentia, & præter hæc progressus & incrementa virtutum: quod ipsum omnibus testatum esse vult Dauid qui virum pium ac Deo addictum arbori frondosæ & fœcundæ equiparat, quæ non otiosa est & sterilis, sed fructuosa & fertilis, suosque ramos late diffundit, & fructus edit salutare, quibus non tam ipsa, quàm alij se oblectant ac reficiunt. Hieremias quoque idem argumentum amplificat atque improbis qui nulla habita Dei ratione humanis præsiidiis inniuntur, ac rebus caducis fidunt, omnia aduersa pollicetur: *Maledictus, inquit, qui confidit in homine, & à Domino recedit cor eius, erit enim velut myrica quæ in siticulosa ac ieiuna terra posita nullū bonum, nihil sentit commodi ex aeris clemētia. Fœlix & beatus qui confidit in Domino, in eoque omnem spem & fiduciam collocat. is arbori similis est quæ in irriguis locis consita est, suasque radices ad humorem diffundit, nec æstuum pertimescit, quo ferè excrescere solent quæ*

Cap. 6.

Cap. 28.

Cap. 18.

Psal. 1.

Cap. 17.

in arido solo sita sunt: & erit folium eius viride, frondosum, & tēpo-
re siccitatis fructum proferre non desinet. Commendatur huiusmo-
di Metaphoris fiducia in Deum, nec aliud desectendam men-
tem, aliud dirigendum cor; quam ad illum à quo omne bonum
promanat, & qui hominibus nihil non præstare sit paratus.
Hinc David Deo potius quam rebus fluxis, caducis, momen-
taneis innixus, secus quàm impij, Ego, inquit, sicut oliua fructifera
florebo in domo Dei, quoniam confido in misericordia eius. Rursus cū
indicat homini minimè otioso, & qui se in Dei eloquiis exer-
cet, vberem rerum prouentū, vxori numerosa prole fecundita-
tem, Beatus, inquit, qui timet Dominum, & ambulat, in viis eius,
prosperabitur manuum suarum labore, fœlix & beatus ipse erit. Vxor
tua, sicut vitis fecunda, in lateribus domus tue: Filij tui, sicut plā-
le oliuarū, in circuitu mensæ tue. Ecce sic beari ac ditiscere solet ho-
mo qui timet Dominum. Similiter apud Hieremiā Deus illum cui
vnicè afficitur, quo se oblectat ac reficit, oliuam pulchram vo-
cat, vberem, speciosam, fructiferam, hoc est, nomen eius apud
illum gratiosum est amabile. Huic Oseas consonat qui ex eo-
dem fonte oracula sua hausit, eodem spiritu cōciones suas per-
fecit. Et erit quasi oliua, gloria eius, & odor eius ut Libani. Quo de-
signat illos qui Deo indiuisse adhærent, illiusque placitis se
oblectant, fauorabiles esse, illique gratos & acceptos. Vt enim
suavis halitus & fragrantia, spiritus fouet ac recreat: ita Deum
reficit & oblectat odor hominis, qui salutarem illius doctrinam
amplectitur, ac Diuinæ voluntati se præbet obsequentem. Sic
Paulus quo ostendat illos apud Deū gratiosos esse & fauora-
biles, qui eius Euangelium propagant, ac fide alios instruunt,
Christi, inquit, bonus gratusq; odor sumus in omni loco. Et Patriar-
cha Isaac, Odor filij mei, tanquam odor agri pleni cui benedixit Do-
minus. Denique in Cantico Sponsa, Curramus in odorem vnguen-
torum suorum. hoc est id quisque efficere studeat vt pasci possit
ac refici salutari illius doctrina, quæ lassos ac labantes fulcit
ac recreat, non secus quàm suauissimus odor naribus oblatus
collapsos animique deliquio sopitos instaurat atque erigit.

Psal. 51.

Psal. 128.

Cap. 10.

Cap. 14.

Simile à
rebus
odoratis.

2. Cor. 2.

Gen. 27.

De Rhamno aculeato frutice.

C A P V T VI.

Rhamnus vbi adoleuit, validis robustisque quaquaversum
vallata aculeis, homini si manum incautius admoueat, in-
festa est: adhærent illi racematim exiguo minimoque petiolo
numerosæ

numerosæ baccæ colore croceo orbiculatæ, magnitudine vel myrti vel iuniperi sapore acidissimo, quas qui improviso decerpere tentant cæbro infixo aculeo ac mucronata cuspidè manû vulnerat. baccæ ubi dentibus linguaque atteruntur, vel premētibz digitis contredantur, croceo succo manus inficiunt: sunt enim flaccidæ & vliginosæ. Cùm autem tres sint Rhamni species, ista Zeländicis sabuletis, dumosive colliculis copiose innascitur. Oceani accolæ *Dunen* vocant, quæ vox corrupta an à Dumo ac dumeto deducta sit, nō ausim certò statuere. Sunt tamen arenosi isti, maritimique tractus passim multis densisque virgultis, viminibus, spinosisque ac semicosis fruticibus, atque aculeatis stirpibus tæcūdi, vt sunt Rhamnus, Rubus, Halimus, paliurus, oxyachanta, ca: dūus stellatus iringium Onomis siue resta bouis, præter insignes alias herbas, quas affatim ea loca supeditant. Bellonius qui Palæstinam ac Syriam peragrauit, existimat CHRISTO Seruatoris ferrum, seu spineam coronam illius capiti implicatam, ex Rhamno fuisse confectam, quodd in iis regionibus nulla alterius generis spina se proferat. Desumit autem Dauid ex spinoso hoc frutice appositissimam similitudinem contra factum ac tyrannidem, contra factiones & sæuitiam improborum qui innocentibus insidiatur atque infesti sunt, damnaque iosephē meditantur, quorum conatus & molimina irrita fore prædicat & inualida. *Antequam spina vestra, inquit, indurescant in Rhamnum, vllsque aculeo sinfigere possint, Dominus velut tempellare quādam exorta conteret, & conficiet vos, infringetque vias vestras, & robur imminuet.* Quibus verbis indicat illos fraudes, imposturas, technas, sycophantias, cædes, omniāque hostilia comminisci ac meditari, sed antequam vires illi suppetant ad perficienda quæ animo conceperint, conficientur ætate immatura, hoc est, priusquam adolescant ac vires ad inferenda incommoda sint consequuti. quibus verbis hæc quoque sententia subest, vt ex hac vitæ statione, in qua in tenuiores tyrannidem exercent, exturbandi sint, vt ex olla aut lebece eximi solent carnes semicrudæ, quæ non satis elixatæ esui sunt inidoneæ, cum vix calorem conceperit ab igne qui ex spinoso atque aculeato stridentique rhamno extruitur. Solent enim strues lignorum aut fasciculi ex paliuro, rhamno, iunipero, rubo, vepribus, ac sentibus confecti non solum manibus tractantium vulnus infligere, sed foco immissi crepitantibus flammis ac stridore quo dam horrendo assidententes territare: sic vt etiam fauillas scintillantes atque ignitas faculas in obuios quosque eiaculent. Hic itaque sensus ex prophetæ verbis erui debet. Quamlibet illi sæuiant atque

innocentes,

Psal. 57.

Locus
Dauidis
explica-
tus.

innocentes opprimere tentent: nihil illis ex voto aut animi
sententia successurum, sed inopinato ac repentino illorum in-
teritu insontes periculo eximendos. De Rhamno ac desumpta
ex hac stirpe similitudine nonnulla tractata sunt lib. 4. cap. 9.

De Cucurbita sylvestri, vulgò Colloquintida.

C A P V T VII.

COlocynthis seu agrestis cucurbita Medicis vsui est in ex-
pugnanda pituita, & bile tum flaua tum atra, quos humo-
res violenter & validè extundit non sine virium detrimento,
& reseratis venarum fibris sanguinis eductione, quocirca coër-
tetur illius ferocia mastiche, & aliis quæ ventriculo robur
conciliant. Fructus huius stirpis orbiculatus est, vbi maturuit,
candidus pilæ magnitudine, vel vt malum Medium seu citri-
um, quod ab auri colore *aurangium* vulgò vocât, si extima pu-
taminis pars flauescens cultro adimatur, eximæ nec prorsus
ferensæ amaritudinis: quod indicatur in Regum historia. Cum
enim Helisæi famulus in rus digressus herbas colligendo pul-
mento collegisset, inter alias cucurbitâ siluaticâ quam vulgus
Colloquin idam vocat ignarus quid esset, in ollam coquinariâ
côiecit, illisque edendû apposuit. vbi degustassent, *Mors in olla*,
conclamat, hoc est, venenû nobis exhibitum est. Helisæus non
imperitus rerû naturæ, confestim ipita ratione qua amaritudo
eximi posset, farinâ ollæ immiscuit: quo facto pulmentariû ef-
culentû perficit, abolito exotico atque alieno sapore quo erat
imbutû. Subest huic rei ratio Physica, habet enim farina polen-
taria eam vim, vt extraneum atque amarulentû sapore diluat
atque aboleat, præsertim ordeacea, ex qua polenta cõficitur tû
cremor. massaque polentaria, zythi aut ceruisæ materia, ma-
ceratis aqua frugibus, auena, orleo, ac lupi salictarij floribus
quæ triuali voce lupo dicitur, quo fit, vt quoniâ ceruisæ po-
tus ex istis ferè cõficitur, qui ex hoc liquore vuidi sunt, ac zy-
tho madidi, quod idētidē vsuuenit inferioris Germaniæ popu-
lis, lupulo & auena perfuncti dicantur. Cæterum quotidiano expe-
rimēto comprobatum habemus falsâ atque amarâ aquâ dul-
cescere admixta polenta siue ex ordeo confecto cremore qui
ex hac stirpe est concretus liquor, vt etiam lomentum ex fa-
rina sabacea, adeò vt duarum horarum spatio mitescat ac po-
culenta afficiatur, citraque offensam in corpus admitti possit.

4. Reg. 4.

Farina
quare cre-
morē pul-
mentis
eximat.

De Salice.

CAPVT VIII.

Salix nota arbor à saliendo nomen sortita quod celeriter affiliat ac confestim arborefcet, Belgis à simili etymologia *uigille* dicta, quoniam pròpta est ac voluntaria in crescendo. Cum autem huius stirpis plures sint differentia, ea Belgæ æstiu-
 nis caloribus cœnacula adornant: atque etiam virenti hac frō-
 de ac pampinis ægrotantium lectos velant, quæ Virgilio *glauca* dicitur, quod ad albedinem vergat: hæc siquidem gratum odo-
 rem in auras diffundit, atque aëris feruorem æstumque miti-
 gat. Ex hac Deus per Esaiam similitudinem cum primis ele-
 gantem desumit, qua pollicetur piis omnibus qui illi fidunt,
 rerum omnium affluentiam, vberem annonæ ac rei frumentariæ
 prouentum, prosperum in omnibus negotiis successum, nec so-
 lum externa bona & quæ corpori inseruiunt, se exhibiturum
 confirmat ac pollicetur, sed solida & æterna, quæque mentes
 quamlibet aridas & siticulosas vberissimo Spiritus diuini pabu-
 lo foueant, atque inexhausto Diuinitatis fonte perfundat, qua
 irrigatione mœrentes arētesque animi in optimam spem eri-
 guntur, atque vberissimos fructus amoris & charitatis erga Deū
 & proximum proferunt. Sic enim concionem suam orditur Va-
 res eximius, atque huius seriem prosequitur, *Ne timeas aut me-
 tu concutiaris serue mi Iacob, quem elegi: nam effundā aquas super
 sitientem & fluenta super aridam, perfundā spiritus meo semen tuū,
 & benedictionem super stirpem tuā, ita ut graminum more germi-
 neant, & quasi salices iuxta profuētes aquas. Vt enim stirpes in lo-
 cis irriguis consistat spectatissimè frondescent ac foliorum pō-
 pa luxuriant: ita animus humanus salutari doctrina perfusus
 ac Diuini spiritus fonte irrigatus, omniū virtutū splendore ni-
 tescit, ac solida viuidaq; fide fultus fusissimè ramos diffundit,
 ac solidis deoq; acceptis operib; exornatur, vt arbor fecunda
 fronde & fructibus, quæ alios etiam reficit ac fructibus satiat.*
 Iudæi abducti in Babyloniam, omni solatio destituti, suspēde-
 runt in salicibus citharas suas quibus modulari solent diuinos
 hymnos ac cātilenas gratulatorias Deo viuēti, omniaque que-
 runtur in tā tristi exilio, lamentosa, lugubria, funesta, amara, lu-
 ctuosa, ita vt nulla ratione induci potuerint, quò vllum læti-
 tiæ argumentum proferrent, scitè tractandis organis. Apposite
 in salicibus suspēdisse describuntur à Psalmographo instrumē-

Cap. 44.

Simile à
 fructuan-
 tibus ar-
 boribus.

Psal. 136.

ta Musica, cū hęc arbor sterilis sit & frugiperda, & quę vt polluti, semen ante maturitatē obiciat. his accedit quod amara sit, nec admodum spectabilis & amœna vti platanus, palma, cedrus, cupressus, terebinthus, quocirca huic arbori accommoda aptaque exilij cōparatio, & quod eius ramis citharę affixę sint. Vt enim salix amaritudine imbuta est, nec admodum speciosa aut aspectu grata: ita exiliū & transmigratione in Chaldæam fuit acerba, tristis, amara, calamitiosa Iudæis, eoque magis quod identidem recrudesceret dolor, & acerbitas renouaretur continēti recordatione Sionis & vrbis Hierosolymę, ipsiusque augustissimi templi, in quo sacris carminibus Deū soliti sunt honorare Tātus siquidem mœror illorum animos occupauit ob conculcatā sacratissimam religionē, atque abactos prophetas, urbemq; dirutam ac solo æquatam, vt nulla oblectamēta, nulla solatia admitterent, nec vllis blandimentis percelli potuerint, vt sacris Deoque dicatis cantionibus alienas profanasque aures demulcerent, cum ad irridenda sacra modulamina essent arrecti, qua petulantia victis dolor non sopiri, sed recrudescere cœpit ac redulcerari. siquidem vt habet Proverbium, *Musica in luctu, importuna narratio.* scitē itaque ab iis responsum,

Hierem.
Threno.

Eccles. 2.

Quomodo cantabimus canticū Domini in terra aliena, atque inter illos qui nostrę miserię & calamitati non indolescent, sed insultant ac subsannant eum cultum quem exhibere consueuimus Deo immortalī? itaque frustra fatigant nos, vt illos oblectemus citharis nostris. cum & nos, & Deum Hebręorum despiciant, ac de tantiis diſteris exagitent.

De Saliunca.

CAPVT IX.

SAliunca quam nonnulli Celticam Nardum existimant, pusillus est frutex non in eam altitudinem assurgens, in quam nostra *Lauendula*. Siquidem ab humo se nō attollit: quod Virgilius annotauit, ducta comparatione à nonnullis stirpibus in commendationem eius qui scitē calamum tibiāque inflare nouit, atque æmulo peritiorem pronunciauit.

Lenta salix quantum pallenti cedit oliua,

Eclog. 5.

*Puniceis humilis quantum saliunca rosetis:**Iudicio nostro tantum tibi cedit Amyntas.**Digeritur autem Saliuncula in fasciculos manuales & ol-*

factoriola, quæ subinde naribus admoueri solêt, vel instaurandis fouendisque cordis viribus, vel abigendis tetrîs odoribus ne spiritus contagione aliqua inficiantur. Est enim eximîæ suauitatis sic vt vestibus ac tegeticulis lodicibûsque interposita, gratissimo illa odore commendet, ac tineas blattasque abigat: quod etiam Belgæ moliuntur pseudonardo, siue *Lauendula*, quæ passim scatent excultique sunt apud Belgas horti, spicato ceruleoque aut cæsis flore, caloris tam intensi vt caput grauedine inficiat. Non defuerunt nostra memoria hospites & caupones quidam, qui aquam lauendulæ è turbine aut meta stillatoria, quam *Alembicum* vocant, ductam vino immiscerēt quod generosius videretur, minusque dilutū, & facilius inebriaret, quâ impostura id incommodi consequuti sunt, conuiuæ vt postridie acerrimo capitis dolore sint affecti, qui vix ullis remediis discuti aut mitigari potuit nisi adhibita somnifica portione, aut aqua frigida, vel sero lactis affluenter hausto. Cæterum Deus qui suis amplissima quæque pollicetur & præstat, ex hoc exili ac minuto fructice cōparationes desumit: *Montes & colles, inquit, cantabunt vobis laudes, & omnes arbores plaudent manu*, hoc est, omnes gratulabuntur & applaudent vestræ sc̃licitati, singuli vobis honorem deferent, & magnificè laudes vestras prædicabûnt, quod excusso iugo, Dei beneficio salutem sitis consequuti, atque illius munificentia ad amplissimam dignitatē euecti, tantisque donis ac muneribus exornati, finito tã tristi atque acerbo exilio, *pro saluinea, assurget tibi abies, pro spina pinus, & pro vrtica crescet myrtus.* Quibus verbis designat omnia istis futura incrementa, atque optatos prosperosque successus habitura, ita, vt pro minutis abiectisque herbis aut etiam noxiis spectatissimæ arbores ac fructiferæ sint emersuræ. Hæc autem, non solum ad externas ac temporalia bona, sed ad internas dotes, atque animi mentisque decus & ornamenta referenda sunt: vt pro ferocia, violentia, sæuitia, fastu, arrogantia, superbia atque animi elatione, quæ (vt Paulus testatur) nō dubia sint carnis opera, succedat clementia, humanitas, mansuetudo, lenitas, comitas, placabilitas, beneuolentia, benignitas, ac pleraque alia quæ inter fructus spiritus ab Apostolo referuntur, sic vt expulsa iniustitia, iniquitate, nequitia, æquitas, iustitia, probitas elucescant: pro luxuria, libidine, prodigalitate, pudicitia, moderatio, frugalitas, temperantia se proferrant: pro ignauia, desidia, torpore, somnolentia, alacritas, fortitudo, magnanimitas, infirmarum rerum contemptus & despicientia, præstantia virtutis substituantur. Sic inuerso rerum ordine pro vitiosis ac deprauatis affectibus vel

Isaia 55.

Galat 5.

vel potius perturbationibus quæ mentem à ratione, à naturæ & Dei legè auertunt: pax & tranquillitas animum placidè ac securè regat ac moderetur.

De herba Borith, quæ Medicis veteribus Struthion vocatur, Mauritanis Arabibusque scriptoribus Condisi, cui affinis recentioribus vocata Saponaria, & herba fullonia, Belgis zeep cruiidt, quod ut smigma eluendis maculis adhiberi soleat.

CAPUT X.

Cum populus Iudaicus paulò ante vrbis excidium iniquissimis esset moribus multisque horrendis flagitiis ac sceleribus contaminatus, sic vt ad summâ impietatis nihil esset reliqui, Deus eleganti similitudine illos perditos ac profligatos pronunciat, nec vllis quâlibet præsentaneis remediis ad saniorē mentem, ad integritatem vitæ, ad decus virtutis posse perducī. Cū enim à sacratissima religione, Deique cultu ad idololatriā defecissent, aliunde à Deo viuēti salutis præsidia conquerere cœperent, aliunde responsa petere atque oracula sciscitari, cum etiam hoc accederet ad impietatis cumulum, vt infantes non clanculariis insidiis conficerent, sed apertè ac passim in truiis, nulla iustitiæ reuerentia, nullo legum metu, adeo vt nihil se commississe haberēt persuasum, ac ne tantillum mali perpetrasse, aut siquid patratum est, ac scelus admissum, persuadent sibi à veritate deuī atque errore impediti, facillè abstergi atque elui posse maculas & sordes contractas cultu quodam alieno ac superuacaneo, qui Deo ingratus est & detestabilis. Quocirca cum Deus videret illos contempto suo præcepto, inanes spes fouere, ac fallaces rationes ac modo comminisci, quò se puros præstare conentur, iisque sibi plaudant ac sedulo persuadeant omnia salutaria consequutos: Deus, ne illi percat suus honor & magnificentia, exposulat cum populo suo, quod aliò se cōferat, alias cisternas ac serobes eruat, quòd aliò properet quàm ad fontem aquæ viuæ, quæ non cœnosa est, non fæculenta, non exitiosa, sed suauis & salubris. Sic autem instituit cum defectoribus expositionem, ita vt singulatim quemque illorum appelleret: Ego, inquit, te plantauitē electam & generosam, neque lectissimo semine, præstantissimis malleolis ac sarmentis consensui: qui sit vt in prauam, hoc est, alienam ac degenerem spuriamque vitē conuersa sis? Et quò ostendat nō facillè elui posse maculam, ut naxum aspersumq;

Caput secundum
Hieremias
explicatū.

Hier. 2.

animo labem. Si laueris te, inquit, niro, & multiplicaueris tibi herbam Borith, maculata tamen eris coram me iniquitate tua. Quo indicat tamen si in speciem primaque fronte excussisse sordes atque eluisse maculas videaris superstitioso quodam cultu quē tu ipse tibi fingis, & obscuras Dei gloriam, fictaque religionis umbra nunquam tibi persuadeas Deum tali ratione posse placari, aut plicari, aut te pristinum nitorem consequi, alia incunda ratio, alius excogitandus modus, quo posses niterescere, & factori tuo recōciliari, excutiēda prorsus ex animo idololatria, hoc est, adulterinus ac fictitius cultus, alteri quam Deo attributus, amplectenda vitæ integritas, extirpanda ē mente omnis nequitia, vni Deo firmiter inhaerendum, illique omni fiducia stabiliter innitendum, alioqui externis rebus cultūque cōmentitio ac superstitioso quē Deus non exigit nec præscepit sibi salutem atque animi puritatem polliceri, non solum inane est & superuacaneum, sed etiam damnosum & Dei maiestati iniurium, abstergit quidem atque emaculat sordes Struthion siue lanaria quæ lanceis vestibibus candorem adfert, cutem expoliunt ac lentigines nāuosque abolent smegmata, verū nihil excogitari potest tanta abstergendi vi ac facultate præditum, quod animæ tuæ sordes posset eximere quod plus satis inolitam penitusque infixam labem possit eluere. Qui enim morbum suum non agnoscit, ac salutarem doctrinam à fido medico oblatam respuit, insanabilis est & desperatus, cui medicinam adhiberi Hippocrates vetat, illoque dignior Christus deserēdos, præcipit, vbi omnem operam studiumque illis conseruandis impensum est. Cæterum Deus apud Malachiam se Angelum missurū pollicetur qui viam præparet, quo vaticinio Ioannem Baptistam designari Euangelium testatur, ac statim venturum Dominatorem, hoc est, Christum qui multa innouabit, multamque operam infumet corrigendis illorum vitiis formandisque moribus, quorum interest populum salubri sanāque doctrina imbuere. Ipse est enim quasi ignis constans, & quasi herba fullonum, & sedebit constans & emundans argentum, & purgabit filios reui, & colabit illos quasi aurum & argentum, hoc est, puros reddet, nitidos, terfos, expolitos adempta omni rubigine & scoria vitiōrum, vt in fornace aut officina argentaria expoliri metalla solent. Itaque primum visum est ministerio, abster sis sordibus, ornatum ac nitorem adferre, neque culpari possent tanquam contaminati sceleribus qui Dei munia obeūnt sacrilicæ functionibus destinantur, quocirca similitudinem desumit à rebus externis eamque ad animum transfert. Siquidem fullonia herba siue Struthion incredibilem vim obtinet in eluen-

Cap. 3.

Matt. 11.
 Marc. 1.
 Luc. 7.

Isa. 40.

dis maculis, atque imbuendis candore lanis: pollet enim vī absterforia adeo vt etiam pituitam ē capite eliciat, ac sternutamentum moueat tanta violentia, vt partum emortuum excutiat.

De Cocco vermiculo, Conchylio, Murice; Ostro.

C A P V T X I.

FRutex est pusillus exilibus ramis, folio aculeato, cui annascitur coccus seu granum tinctorium, quod colorem rubrū ac rutilantem exhibet aspectu gratissimum, oculisque amabilē. Cuius tinetura aut succo imbuta lana aut byssus, exuberantissimè mirēque splendido rubore illum inficit Inuenitur etiam in aquifolio vel acrifolio potiùs, qualis est arbor Belgis vulgaris, folio læuiore perpolito, quaquauersum aculeato perenni viore, vt cui nunquam folia decidat. Ex hoc grano Coccinea vestis nomen obtinet, cuius in Bibliis sæpe fit mentio, vermicula, muricata, qualis est rosas rubore perfusus, ostrina, quisquiliata quæ purpureo colore flagrat, atque anabili rubore collucet, oculisque blanditur, qui color Imperatorum ac regum paludamentis dicatus est, ac purpuratorum apud Romanos pallis ac galeris. Cap. 4.

Sic in Cantico sponsæ rubicunda labra, vitræ coccineæ comparantur. Sic puellæ Belgicæ venustatis studiosæ labella corallina & coccinea moluntur. Iosue defuncto Mose, dux Iudæorum constitutus, pallium coccineum gestasse legitur. Sic Christus in ludibriū affectati regni chlamyde purpurea indutus describitur. In Apocalypsi verò mulier illa scortatrix quæ domū suam patefacit omnium cupiditati, insedisse describitur bestię coccineæ, eaque mulier induta erat purpura, coccino, aurōque deaurata, & gemmis & margaritis, habens poculum in manu sua plenum abominationibus, & immunditia libidinis suæ. Et fronti inscriptum erat mysterium Babylon, Romanæ vrbis typus & figura, vt Hieronymus interpretatur: quibus insignibus fastum indicat, superbiam, arrogantiam, mentem sanguinariam atque innocentie cæde cruentam. Diuitem verò illum epulonem præter sumptuosas mensas atque apparatus ferculorum, indutum fuisse purpura & bysso historia Euangelica testatur, nulla humanitate, nullo pietatis in egenos & miseros affectu. Ex huius succi rubicundo colore desumitur apud Esaiā Cap. 1.

comparatio, atque instituitur concio contra illos qui innocentium Luc. 16.

tum sanguini inhiant, atque innoxios opprimere meditantur, eosque Deus ad saniores mentem reuocare, atque ut resipiscant, ut à sceleribus resiliant, amanter extimulat. quod si obtineri possit, pollicetur amnistiam, hoc est, omnium scelerum obliuionem, quamlibet horrenda fuerint enormia, adedò ut culpari sustineat, ac violatæ fidei, ruptrique fœderis crimen subire non recuset, nisi stet promissis, ac præstet quod sit pollicitus. Sic enim cum illis concionem instituit, *Abluite manus vestras sanguinolentas, mundos vos præstate, auferte malum cogitationum vestrarum ab oculis meis, desinite agere peruersè, studete auitati, subuenite oppresso, pupillos sublenate, viduis patrocini- mini. Si fuerint peccata vestra ut coccinum, sicut niue candidiora, & si rubra ut vermiculus, hoc est, purpureus & conchyliatus color, qui ex marina concha eximitur, velut lana alba erunt. Quò indicat quamlibet scelera vestra cruenta sint exde & sanguine innocentum, faciliè expiari posse atque elui pœnitentia ac fiducia in Deum, conceptoque emendatoris vitæ proposito. Cæterùm vestes coccineas seu muricatas ac purpureas, deinde & bombircinas quas Belgæ ob exquisitissimam lini lanæque texturam *Kessen* vocant & *bombazijn*, & præter hæc sericas & holosericas, quæ in Asiatica Scythia olim confici solent, in vsu fuisse Hebræis, easque ad decus & ornamento corporis, ad honestatem, nonnunquam ad luxum & pompam inanemque ostentationem adhibitas Bibliorum codices passim testantur. Vnde apud Ieremiam Israël insultat ac dira minatur, quòd deserto Deo à quo omnis salus dependet, se idolis prostituat tanquam adultera, alienis se oculis exponit, ornatumque exotico se comit ac pollit, ut illos in sui amorem alliciat. Cum (inquit Dominus) magna sit ubique strages ac vastitas, omnesque fontes in fugam versi, ad loca ardua atque hostibus inaccessibleia se conferant: Tu verò perditâ & vastatâ quid facies? Etiam si vestieris te coccino, & ornata sis monili aureo, & pinxeris sibi seu fuco oculos tuos, frustra componderis, despiciunt enim ac despuunt te amatores tui, nihil prorsus afficiuntur ornamentis politicisque tuis vestibus, sed in animam vitamque tuam sunt intenti. Ezechiel quoque Dei nomine non minus acerba denunciat Samariæ & Ierusalē, quos adulterij insinuat, quo nomine Idololatriam atque à Deo defectionem designat. Ut enim inexpiable scelus est & detestandum violatum coniugiū, hoc est, legitima & indissolubilis vitæ societas contraminata adulterio: ita etiam execranda res est idololatria, qua Deo viuenti suus honor, suū decus & gloria adimitur, atque in alium transfertur, eo autem in illos incandescit acerbius, quòd non solum in lucis vmbro-*

Idolola-
triæ adul-
tero cō-
puncta.

sisque

sisque vallibus gentilium more suas aras, statuas, delubra adornarent, magnaque pompa & vitulorum apparatus sacra sua peragerent. ita ut legitimus cultus videri posset, in eoque salutis columen consistere; sed quod accitis ac conuocatis etiam exteris in æde Deo dicata nefaria sacra perficerentur. Et quo (inquit) spectatoribus omnia magis augusta sanctaque viderentur, in illorum gratiam lausisti te & depinxisti stibio seu fuco oculos tuos, ornataque mundo muliebri sedisti in lecto pulcherrimo, instructa mensa ante te, super quam thymiama siue suffimen unguentumque meum posuisti, adhibito tanquam in solenni festo exultantium strepitu. Itaque is cultus qui mihi offerri debuit, exhibitus est idolis ac dæmonibus astante confusa multitudo ex gentibus conflata, qui eadem qua tu, fruuntur insania.

De Paliuro aculeata stirpe, cui sanguinarij comparantur atque insidiosj, quique ad inferenda damna prompti sunt.

CAPUT XII.

Cum nusquam non prophetæ vitia insectentur, illorumque Crabiem ac ferociam reprimant, qui hominibus infesti sunt, atque ad iniuriam damnæque inferenda prompti: horum nonnullos lupis, leonibus, pantheris, colubris, aliisque infestis belluis, denique vulpibus & mustelis insidiosis animalculis componunt: nonnullos aculeatis ac senticosis stirpibus assimulant. Sic Michæas vates deplorat extinctam religionem, pietatem proculcatam, cultumque diuinum prophanatum, omnes ab integritate collapsos, nec aliud, quam fraudes, sycophantias, technas, imposturas, insidias omniæque hostilia meditari. In hunc itaque modum scelera illorum amplificat, ac singulorum improbitatem exaggerat in immensum, à spinosis aculeatisque stirpibus desumpta similitudine: Perit ex terra sanctitas, exultat improbitas, & rectus atque integer, inter homines non est, omnes sanguine inhiant, & vir fratrem suum ad mortem venatur, & malum manuum suarum dicunt bonum, hoc est, suis erroribus blandiuntur. Princeps postulat, & iudex in reddendo est, hoc est, in omnibus acquiescit & obsequitur illius postulatis, nullæque habita aut obseruata iuris æquitate, sinit illum omnia pro arbitrio ac voluntatis imperio agere, vel tenuem plebeculam arrodere atque exactio-nib. opprimere, vel tyrannidem in tenuiores exercere. Qui optimus ex eorum numero, est quasi Paliurus, & qui probus & integer tanquam

Cap. 7.

Matt. 10.

Marc. 3.

Nusquam
tuta fides.

tanquam spina in sepimentis. Quocirca huiusmodi hominib. in imperio constitutis, cum rerum statum futurum indicat, ut delatoribus passim inquirentib. in ciuium vitam, mores ac studia, non satis tutum sit cuiquam fidere, aut sua arcana committere, ne familiari quidem atque intimè noto. Ingruente enim huiusmodi tumultu, atque habita de ciuium opinionibus quæstione, exploratisque illorum sententiis, labascūt multorū animi, atque amicos non solum deserunt, sed nonnunquā produnt. quod euenturum Christus etiā vaticinatus est. Itaque in tam dubia ac vacillante multorum fide. *Ab ea, inquit Propheta, quæ cubat in sinu tuo, custodi claustra oris tui, hoc est, ne vxori quidem mentem tuam patefacias, quia filius contumeliam facit patri, & filia consurget aduersus matrem, durus aduersus socrum suam. Et inimici hominis domestici eius.* In tanto rerum humanarum æstu, ac tam turbulento Reipublicæ statu, quo præsidio quisque se fulcire debeat, obiter commonstrat, *Ego autem Dominum respiciam, expectabo Deum seruatore meum. Exaudiet me Deus meus,* summā propter fiduciam erga Deum, & quòd totus in illo conquiescit, ab eo pendet, salutem sibi pollicetur ac præsentaneum auxilium contra potentiam, fastum ac superbiam, contra sæuitiam ac nocendi rabiem. Cum enim Deus mansuetus sit, placidus ac mitis, illi rabidi sunt, feroces, crudeles, inhumani atque ut sentes, tribuli, spinæ, atque arbores aculeis armatæ, quibus innocentibus damna atque detrimenta inferunt. Quæ obrem desumitur in hac Concione ab arboribus validis firmisque aculeis vallatis similitudo, quòd hominum improborum naturam & conditionem ad amussim exprimat. Siquidem paliurus, spina alba quæ mense Maio, candido ac suauiter olente flosculo passim in dumosis locis ac sepibus conspicitur, sentes, rubeta, Crespinus quæ pharmacopolis *Berberis* dicitur, foliis, floribus, baccinis vel acinis racemisque oculis bladiuntur, atque aliquem in eduliis vel medicamentis vsum habent, sed manibus tractantium noxiæ sunt, si incautius ac parum consideratè præhendas: ita fucati homines & fallaces in speciem blandi sunt, amabiles, sed qui arrepta vel obseruata leuissima occasione pungant ac vulnus infigant. Est autem Paliurus Theophrasto, Virgilio, Plinio, Dioscoridi, Columellæ decantata, sed non omnibus eadem facies exprimitur tamen omnes fateantur sepibus muniendis accommodam, quòd minacibus aculeis pecus atque homines qui hortorum fructibus insidiantur, arceat, non prorsus dissimilis oxyachantæ, siue acutæ spinæ, quòd mense Maio spectatissimè floreat, exiguo quidem & minuto flosculo, cui in medio rubicundæ quædam festuæ insident, sed quæ

quæ candore & suauitate eximia commendabilis fit, adeò vt nemo non apud nostrates hac fronde ædium vestibula exornet ramis in vrceis asseruatis, atque aqua indentidem irrigatis: vbi verdò arbos hæc deflorescere incipit, baccas exhibet, primùm virides, oblongas, maturitate rubentes, officulo intus lapidoso quod ambit membrana, intus pingui vinctoque sapore imbuta, quo vtimur in atterendis calculis, ac leniendo vesicæ meatu.

De Gith; quæ Græcè Melanthion, vulgò à nigrore Nigella dicitur, Belgicè Svvarre, Nardus ob odoris suauitatem, tum aliis stirpibus desumpta comparatio.

CAPVT XIII.

Esaïas quem aliàs testati sumus rerum naturæ peritissimū, Cap. 28.
in illustranda sua concione ac vaticinio, quasdam stirpes, earumque & flores & semina narrationi accommodat, nempe Gith siue Melanthion, Cuminum, Triticum, Hordeum, Miliū, viceam, speltam vel zeam, quæ vulgo notissima sunt, & cum armentis pabulum, tum hominibus alimentum suppeditant, Gith vulgò, Nigella passim in hortis obuia est, frutex cubitali altitudine, aliquando maiore pro soli vbertate, vt Zelandicis agris assolet, foliis fœniculareis, tenuiter dissectis, flore cæruleo, quo euanescente capitulum se exhibet in summitate papauera- ceum corniculare, ablongum membranarum septis ac loculis distinctū, cui semina includuntur nigerrima, porri seminis non absimilia, sed odoris fragrantissimi, quod olim panis crustæ inspersum, antequam is furno immitteretur, grato sapore illum commendabat, verùm is vsus nunc apud Cisalpinas nationes in dissuetudinem venit atque exoleuit, ipsoque semine Medici ad catarrhos discutiendos vtuntur, ad enecandos lumbricos ventri admodum infestos, ad dentium dolores leniendos, ad menstrua vrinæque ciendās, ad abolendas lentigines, næuos, maculas, tum fœda vitia quæ extimam cutem deformant. Cuminum Belgis nomen retinet *Comin*, vulgo semen, vulgarissimum, quo plebei in discutiendis flatibus, in sopiendis intestinorum doloribus ac torminibus, in hernia flatuosa reprimenda vtuntur, cui ego nigellam & lauri baccas commiscere soleo, & milij farinam, cuius etiam in hoc capite propheta meminuit. Hordeum, fruges nota, quinto generi gratissimum pabulum,

Cuminum.

Hordeū.

pabulum, quo etiam in annonæ penuria ac tritici raritate, plebecula utitur. Medici huius decocti cremore & ptisana utuntur in æstuosis febribus, ac pulmonis atque vocalis arteriæ vitis, præsertim cum ex falsa pituita, aut flaua bile illæ partes vel exasperatæ vel exulceratæ sunt, admixtis violarum aut buglossæ flosculis. Ex huius quoque frugis polêta aut maza Belgæ sapidissimum liquorem eliciunt, qui iis Ceruisia dicitur, colore ut Coctori visum est fuluo, croceo, luteo, flauescente, rubicundo, spiceo, præsertim ubi fæx & spumofum excrementum quo Belgæ in pinsendo pane utuntur, subsederit. Tunc enim gratissimum colorem adsciscit, ut vinum Creticum, vel illud exoticum quod *Bastardum*, vocant, ac saporem vinosum, qui non secus quàm vinum, tamulentiam excitat.

Triticum. Triticum, inter frumentacea præcipuæ nobilitatis, ex cuius farina, simila, similagine multiplicis differentiæ panis conficitur, syncerus, secundarius, nauticus, fursuraceus & aliquot adhuc genera quæ recensere superuacuum. Milium frumenti genus, cuius cum plures sint differentiæ, Sarmaticum, Indicum, Hispanicum, omnes apud Zelandos spectatissimè crescunt, Sarracenicum vel Indicum, grano vel rubro vel flauescente. Ex his nostrates & pulres & panem conficere didicerunt. **Vicia.** leguminis genus iumentorum pabulum est, ut lens, pisum, faba. Hæc obiter indicare visum est, quod prophetæ mens exactè ac dilucidè possit explicari, quæ in hoc versatur, ut declaret Deum nihil temerè aut fortuitò, nihil inordinatè aut confusè, sed omnia distinctè aut distributè, certaque ratione ac lege perficere, nunc pœnas infligere coercendis hominû sceleribus, nunc plagis & vulneribus mederi, afflicisque mentibus solatium adferre, quod aliquando maturius nonnunquam seriùs peregit, sic ut ultionem differat, ac lentè ad vindictam progrediatur, quod etiam in præstanda salute euenit: aliquando subitò potentiam suam utrobique exerit, ut expedire illi videtur, atque occasio se offert. Quocirca commonefacit vates illos qui Dei iudicia non satis pro æquitate interpretantur, ut modestè ac reuerenter de illius Maiestate & providentia sentiant, ut magnificè & sincere de illo loquantur, ne quid culpent, aut calumnientur in eius factis, cum vident, sceleratos rerum omnium prosperitate frui, pios calamitatibus atque ærumnis esse expositos, cum pro incredibili sua sapientia, atque inscrutabili consilio res mortalium rectè legitimè regat ac moderetur. Desumitur autem in illustranda hac concione appositissima similitudo de agricolarum studio & occupatione, ipsaque arandi ac serendi tritrandique ratione. Si quidem

quidem colonus tempestiua anni parte, subacta terra, atque æquata soli planicie, certo modo & mensura suum suis quæque locis, atque agrorum dimensionibus humo committit, obseruatōque ordine atque adhibita ratione telluris, aliam agri partem tritico & hordeo deputat, aliam pro frumenti aut leguminū natura nigelle, lupiuo, speltæ, milio designat, neque enim indiscretè & permixtè grana solo mandat ac sulcis committit, sed singulis discriminata iugera agrosque peculiare accommodat. Peracta autem satione arator non cessat nec conquiescit aut otiosus est, sed post sementem messi inhiat. quocirca antequā ad maturitatem deueniant segetes, frugesque cereales flauescere incipiant, aut maturitatem consequi, loliū, zizania inutilesque herbas eruunt extirpantque famuli, curat, ne fata strangulent, illisque alimentum depopulentur, quod tempestiuè metat atque annonæ prouentum maturè in horrea cōuehat demessa segete, eaque recondita, iam alius illi labor, alia opera peragenda oboritur, Siquidem trituræ atque excutiendis granis è loculis, illaque ex gluma, acere, paleis eximere ac purgatoria efficere meditantur: in quo opere delectum habet, ut singulatim cum iudicio quæque aggrediatur, nec vlla ratione confundi semina sustineat. Itaque alia cura adhibetur minutis pusillisque seminibus, alia robustis, alia tritico, hordeo, sili-gini, auenæ, farri, lupinis, phaseolis, viciæ, lenti, cumino, Gith. Sic cum agricola industrius omnibus laborem impendat, omniāque certa ratione & modo pro rei natura exequitur, sedulo operi insistit ac rerum suarum satagit, quo emolumentum vberemque fructum ex iustificatione percipiat. Ita Deus in hoc mundi theatro tantaque ac tam confusa hominum multitudine omnes ad frugem perducere tentat. Et quemadmodū agricola profcissa vomere terra occationi intentus est, & confringendis glebis, ut ferit, ut metit. ut triturat ac fustibus semina excutit, ut paleas vanni flabello ventilatas à granis secernit, ut arbores truncat ferroque coërcet ne luxurient, ac latius, quam par est ramos diffundant: ut denique inserit atque aliena arbore germen includit, solidoque docet mollescere libro. Ita Deus homines tractat ac suo arbitratu nonnullis damna ac detrimenta infert, seuerumque iudicium in illos exercet, alios calamitatibus exercet & explorat constantiam: nonnunquam malos tolerat ac manum à feriendo suspendit in spem emendationis vitæ. Nec est quod quisquam illi obloquatur aut obmurmuret cum singulari sua providentia omnia moderetur, illique constet consilij sui ratio. Quocirca si quid aduersi inciderit, aut infligatur, si morbi ingruant, si clades, calamitates, pe-

stes, aliaque vitæ incommoda infestent, omnia hæc à Deo inferri cogitemus, quò castigati ad illum confugiamus, illius opem ac subsidium imploremus, in illo omnem spem ac fiduciam consequendæ salutis collocemus. Quòd si prospera obueniant omniaque ex voto atque animi sententia decurrant, si affluant opes, si accrescant latifundia, si offerantur honores ac dignitates si res domestica bene aucta sit & stabilita, si corpus validum sit & inculpate constitutum, ad eundem omnes successum rerum nostrarum referamus, atque res prosperas & aduersas ab illo administrari habeamus persuasum, illiusque ductu & auspiciis omnia perfici. Quod non solum apud Esaiam Cyro Persarum regi in mentem reuocat, cui Dei virtute, idque in gratiam ac fauorem gentis Iudaicæ, res feliciter gestæ, subactæque nationes, sed nulli non mortalium testatum esse vult, Deum omnium rerum autorem esse vult, illique omnia attribuenda, quam vim & potentiam cum aliàs, tum potissimè apud hunc prophetam ipse asserit, cum inquit, *Ego Dominus & nullus præter me, formans lucem, & creans tenebras, faciens pacem, & creans malum: ego Dominus sapiens omnia hæc.* Quo indicat prosperos successu illius esse muneris: damna verò, detrimenta, aduersitates, vastitatem, pestem, famem, bellum, in vindictam scelerum ab illo inferri. Ipse enim efficit, vt qui ab illo dependet, illi fidunt atque innituntur, pacatè viuāt è diuerso vt ij qui sceleribus se contaminant, omni calamitatum genere diuexentur. Cæterum Dominus Hieremiæ quoque agricolæ officium assignat admotaque manu ori illius, *Ecce ego, inquit, dedi verba mea in ore tuo, Ecce constitui te hodie super gentes & super regna, vt euellas, destruas, perdas & dissipes, vt plantes & adifices.* Quo indicat illum munitum & vallatum potentia verbi sui virtutem habiturum ad extirpanda vitia, ad eximendos errores, ad euellendas ex animo enormes cupiditates atque inferenda semina pietatis, ad instillandam salutarem mentemque inflammandam solida fide in amorem ac venerationem Dei viuientis. Simile argumentum tractat Christus, cum desumpta à vite & palmitum similitudine, *Ego sum, inquit, vitis vera, pater meus agricola est, omnem palmitem in me non ferentem fructum, hoc est qui fidem suam non declarat per opera Charitatis, amputat, atque vt inutile sarmentum agni destinat, omnem verò surculum ferentem fructum purgat, amputatis resectisque cupiditatibus quo plus fructus proferat.* Ab hac non est aliena Pauli similitudo de oleastri in oleam insitione auulsis ramis ex natiuo oleæ trunco. Quo indicat alios à felici statu delapsos, atque à salute exci disse, alios ascitos esse & cooptatos in numerum fidelium,

Esaiæ 45.

Ioan. 15.

Rom. 11.

Pauli locus explicatus.

lium, nullo ipsorum merito, sed singulari Dei favore & gratuita bonitate, quam nisi agnoscant impensique beneficii sint memores, ac constanter in fide persistant, rursus excidendos pronunciat, atque ob ingratitude à Dei consortio alienandos, assumptis insertisque postliminio iis qui mutata vitæ consuetudine, excussaque mentis cæcitate & caligine, ad frugem, ad morum integritatem, ad veritatis cognitionem se conferunt, ac Christum à quo desciverunt, amplectuntur. Hac autem ratione Deus partim reprimat ferociam fastumque hominum atque insolentiam compescit, ne quis inani sanctimonie persuasione intumescat, sui que fiducia sibi blandiatur, aut calamitosus & abiectis insultet: partim fouet atque alit aliorum spem qui ab alienati à Deo, per fidem rursus sunt in patriam oleam inferendi, atque in consortium ceterumque fidelium assumendi.

*De Lentisco quæ Græcè Schinos dicitur,
& Illice.*

CAPUT XIV.

CUM habita esset quæstio in Senatu adstante confertissima populi multitudine, de prostituta Susannæ pudicitia, ac commisso adulterio, in quo illam deprehensam criminati sunt veteratores duo fraudulentis & mendaces, Daniel prudenti ac diuinitus immisso consilio explorata rei veritate, excussa que facti causa, in fontem mortis periculo eximit, ac patefacta calumpnia, suscipione criminis illam liberat. Cum enim ad supplicium raperetur pudica matrona, nullius sibi criminis conscia, & quæ ad Deum suam causam referret, Daniel Dei spiritu impulsus elata voce cõclamat, nullo suo merito illam morti adiudicatam, ac rei causam accuratiùs excutiendam. Itaque conuocato seniorum confesso & populi frequentia, calumniatores semotos asseruari iussit, ac separatim cõstitui, deinde accito altero eorum, sciscitatur sub qua arbore mœchus cum illa sit congressus: *Sub lentisco*, inquit, Daniel dira illi comminatus ablegat, atque alterum produci iubet, cui cum similis interrogatio proponitur de inuito congressu ac perpetrato illegitimo concubitu, *Sub Illice*, inquit: itaque vterque & mendacij & illatæ calumpniæ conuictus ex lege Mosi morte sunt mulctati. Cæterum ut lentisci natura obiter explicetur, arbor est patula, & sic satis procera, acinis rubentibus, maturitate nigris,

Dan. 13.

Deut. 9.

K k 2

quæ

quæ vt Terebinthus resinarum ac gummosum liquorem fundit, quem Medici *mastichem* vocant, Belgis eodem nomine cognitam, quæ vetustate coit in globulos candidos ac spissatur, catharos autem exsiccat ac fluxiones sistit, suffitu sincipiti ad motum, vel ramentis aliquot ore conuolutis, dentes mobiles ac vacillantes, atque vligine vitiatos firmat, ac gratum oris habitum efficit. Ex hac arbore cuspides conficiuntur ab Italis, vt apud Belgas ex Iuniperi & lauri sarmentis, extergendis polientisque dentibus accommode. Sic vt prouerbiali figura dicantur *Lentiscum mandere*, qui eius rei curiosi sunt, ac plus nimiam operam dentibus poliendis adhibent. Nostrates nunc ardeæ stellaris ex auro, argento, ebore, vngue, quam alitem *Putois* Belgæ vocant, ex pastinaca marina vulgo *Pilsleert*, ab aculeato telo sic dicta, à Galeo pisce Zelandis *Haye*, conficiunt verò ex lentisco confecta dentiscalpia, minas gingiuas vulnerant, sed condensant potius strictionis ratione. Hunc veteribus in vsu fuisse Martialis indicat,

In Apophoretis.

*Lentisco melius, sed si tibi frondeæ cuspis
Defuerit, dentes penna leuare potest.*

Alex.

Cæterum alter qui mendacij calore calumniam adornare atque obtegere meditatur, sub pruno, hoc est, ilice patratum scelus impudenter conflagit. Hæc inter glandiferas arbores refertur, foliis perenni virore, nec deciduis, cui fruticulo viscum innascitur, quo medici vtuntur in expurgandâ epilepsia, morbisque aliis qui ex turgidis spumosisque humoribus excitantur. Est vna ilicis species quæ coccum granum præbet, vulgò *Vermilion*, *Crameziin*, *Scaerlaken*, quo infectores vtuntur illustranda lana, bysso, ac bombice exuberantissimi ruboris calore. Eximitur non dissimile granum ex acrifolio arbore filiis quaquaversum aculeatis, læuore perpolitis, quæ cum apud Brabantos circa sepes & compita proueniat, raro in iustam magnitudinem assurgit Vidi tamen in municipio quodam Zirizeæ contermino magnitudine pruni arboris, eamque cultoris industria & crebra stolonum amputatione in summam proceritatem fastigiata, profert autem eunte autumnio baccas orbiculatas pisi magnitudine, insigni rubore perfusas, quales etiam exhibet ruscus quæ nostratibus *buxum* aculeata vocatur: tum taxus arbor quæ folio est laricis aut piceæ vel abietis, vt superioribus annis Londini mihi conspecta est, cuius vmbra apud Britannos non est mortifera, nec bacca lethifera: in Hispania enim illis venenari quiddam subesse prædicant, nec temere in alimentum assumunt, indigenæ, tametsi gallinas illis saginari

Aerifolium.

ne pinguescere nonnulli experiantur, exuta opinor natida, infirmitateque ferocitate.

De Hyacintho vesteque hyacinthina, vel à viola colore lanthina.

CAPUT XV.

Vittas, tegmina, simbrias, chlamydes, pallas, velamina, operimenta, stragula Hyacinthino, vel lanthino, hoc est, violaceo colore imbuta, ad decus & ornatū adhibita, ad oblectandos pascendosque oculos olim, ut etiam nostro seculo in deliciis habita Bibliorum codices passim demonstrāt. Sic Pontifici Iudaico eius coloris indumenta regali splendore præscripta sunt ex auro, Hyacintho, purpura cocco iterato, hoc est, bis tincto bysso, atque opere Phrygio, quo cultu ac nitore populus rudis olim officio continebatur quod esset in religionem propensior. Desumitur autem coloris huius appellatio partim ex Hyacintho spectabili gemma, aut lanthina, hoc est, violacea tinctura: partim ex amabili eius nominis flosculo qui exuberanti ceruleo purpurascit, qualis conspicitur in Amethysto gemma, in Cirsio, seu vulgari buglossio, aliisque herbis passim obuiis, quarum flores purpureo colore collucent, atque oculis suaviter blandiuntur. Insectatur autem nonnunquam Deus illorum luxum fastūque ac superbiam, qui operosis sumptuosisque huiusmodi tegumentis magnificentiam suam aliis inani ostentatione venditant, atque lanthina purpureoque amictu elati, infimos quosque despiciatos habent & fastidiunt. Nonnunquam ex his desumit cōcinnas Metaphoras ac similitudines, easque ad internas dotes transfert, ad animi decus meritisque ornāmēta accommodat. Talibus enim exemplis homines socordes commonefacit sui officii, & quid Deo præstare, qualem illi cultū exhibere, & quā sollicitē expulsa omni superstitione & idololatria, in ipsius religione consistere debeant accuratē demonstrat. Quod ipsum cum aliās tum disertē apud Ezechielem in hoc capite exprimitur. Primum enim in mentem illis reuocat quanta quāque immensa beneficia in hos contulit, qua vsus sit erga illos bonitate, quibus illustrauit tum animi tum corporis muneribus, quā salutaria præcepta tradidit, quā sacra religione mentes illorum cognitione Diuitiaris imbutas, instruxit. Deinde expostulat cum desertoribus atque ingratis, quod omnibus istis in probrum ac dedecus

Hier. 10.
Exod. 28.

Hyacinthus
gemma.

Cap. 16.

abusi sint, atque in profanum vsum, cultumque alienum ac nefarium transtulerunt, sic vt mentem, rationem, intelligentiam, animi præstantiam, acumen ingenij omnēsque vires non in illustranda illius maiestate, non in obseruanda tuendāque sacratissima ipsius religione: sed in erigenda stabiliendāque idololatria, in superstitiosis & commentitiis cultibus inducendis conferrent. Sic enim prosequitur concionem obiurgatoriam ad Hierosolymā conuerso sermone: *Cum, inquit, nuda esses, inopsegena, omnique subsidio ac solatio destituta, velut infans vocens in lucem editus, sordibus & sanguinolenta illuue inuolutus, cui nondum umbilicus praeclusus est, nec materni uteri inquinamenta abluta, ego prateriens, te conspiciatus in sanguine tuo volutatam, multiplici incremento, tanquam stirpem & germen terrestre te auxi: adeo vt sensim taciteque auctibus adolescere cœperis atque progredi, vt comi & poliri, mūdōque muliebri exornari possis, id esse tempestiuum vbera indicant iam prætumida, & germi-nantes densi vndique capilli. Et quanquam in hac ætate esles constituta, nuda tamen eras & deiecta, oculisque spectantium (contra quā illius sexus pudor aut decus patiebatur) expolita, quod ego dum hac iter ingredior conspiciatus, obseruaui te pubescere, atque in ea ætate constitutam, quæ esset amoribus idonea, & à procis atque amasis ambiri posset, tanquam nubilis maturaque viro, & cui sponsus designari debet. Ego verò expandi amictum meum super te, & velaui quæ parum pudenter & verecundè oculis spectantium exhibentur, ac decetius obteguntur, ac data fide initōque fœdere te mihi desponsaui, atque vnitam assumptamque in legitimam vitæ societatem abluī à sordibus, ita vt nulla labes, nihil inquinamenti tibi inhæreret: deinde vnguento delibutam ornaui veste variegata, calceauī hyacintho, torque, armillis, corona capitis illustraui. Tu verò tam insigniter compta, tam operosè culta prostituisti te alienis, omniaque ornamenta nostra nulli quā mihi consecrata in profanos vsus conuertisti. Quo indicat, vt mulierem impudicam adulterio, ita illam idololatria contaminatam, eumque honorem, & cultum, quem Deo impendi par erat, dæmonibus exhibitū, cum omnes cogitationes, vora, desideria, spes & fiducia in Deū essent referenda à quo vno dependet hominū salus. Tunc autem maximè Maiestas & amplitudo supremi numinis imminuitur, ac contumelia ignominiaque afficitur, cum illi adimitur, atque in alium transfertur, quod nulli præterquam ipsi attribui debet, hac enim ratione debita illum laude, iustoque honore fraudamus, & nos de setto sincero eius cultu ad perniciosum rapimur magno salutis nostræ detrimento.*

De Carice, Scirpo, Iunco, Palustri,
Papyro.

CAPUT XVI.

Carex Scirpi modo fruticat locis palustribus & vliginosis, formâ triangulari, utroque latere secandi vi prædicta, qua virenti fronde Belgæ & Britanni triclinia ac cœnacula adelsque sacras æstiuis mensibus consternunt, quod æstum propulserit, ac suauigratôque halitu resciantur. Scirpus iunco palustri affinis frutex est læuore perpolitus, orbiculatus, stilo enodi, nullisque geniculis aut internodiis distincto: fungosa intus candidaque medulla, quam nostrates in amenti aut crassioris filii modum exemptam in multos vsus accommodant. Siquidem in nuptiali Pompa ex hac ornamenta & supellectilem fictam & commentitiam confingunt, nempe calathos, viceos, discos, pectines, scopas, sedilia, crumenas amêratas, quales mulieribus vsui, cestus, seu cingula, zonâsque virgineas: multâque alia miro artificio ac concinno contextu elaborata conficiunt, quibus in gratiam sponsæ laquearia adornant, peractisque nuptiis pro apophoretis ac strenis singulis distribuunt. Quoniam autem huic stirpi culmus est leuis ac minimè geniculatus aut nodosus, prouerbio locum fecit, *In scirpo nodum querere*. Quod in hoc quadrat qui plus nimio anxij sunt & scrupulosi, quique frustra ac nullo fructu se fatigant. Belgæ fruticem hunc qui aliquando in mediocrem altitudinē assurgit, *Biesen* vocant, ex quo floreas nostrates contexunt, stragula, nassas, quallos, fiscellas, quoniam viminosus est flexilis, naturâque tam sequaci, ut quiduis ex hoc elaborari possit. Sunt passim obuij in sabuleti's Zelandicis ac colliculis arenosis, iunci non admodum proceri, cacumine aculeato, ita ut in ambulantium suris infesti sint, ac puncturas infigant, cuius fruticis frequens est apud nos plantatio in eum vsum excogitata, ut arenam & puluerulentam quæque æstu quodam ventoso agitata remouetur, ne agros & noualia sementi destinata obruant, quôcirca nostrates *Helm* vocant, quod ut galea caput, ita iste fruticulus agros muniat ac sœueatur ab arenæ impulsu. Ex iunci forma ac specie adulescentulæ quæ gratiosæ videri affectât ac teneritate cômendari, iuncea apud Terentiû dicuntur, quod etiâ nostratibus vsu venit, quæ ut gracili corpore spectabiles sint, se arctius pressiusque astringunt ac salê liguriunt. Hac enim ratione se reddunt iunceas, ne si qua

Carex

Scirpus

Prouerbium.

Iunci maritimi

paulò sit habilior, magisque opima aut obesa, athleta censeatur. Sic Chærea Terentianus cum miro affectu esset erga amicam, cui erat decora oris figura, color verus nec ascititius, corpus solidum ac succi plenum, in ipsòque flore ætatis constitutum, illud aliis quæ studet operosa cura gracilescere. itaque Parmenoni mentem suam aperit, atque indicat in quam oculos coniecerit, & qua potiri cupiat, cum præ hac omnes quotidianæ formæ illi vilescant ac sint despiciatæ. Siquidem, ut is ait,

Eunuch.

Act. 2.

Scen. 3.

Haud similis virgo est virginum nostrarum quas matres student demissis humeris esse, victo pectore, ut graciles sint.

Si qua habilior paulò, pugilem esse aiunt: deducunt cibum.

Tamet si bona est natura, reddunt curatura iunceas.

———— *Itaque ergo amantur.*

Papyrus
frutex.

Ut autem apud nos Scirpus, iuncus, arundo, typha palustris, ita in paludosis Nili aquis papyrns nascitur, ex hac olim in tenuissimas membranas dissecta chartæ confici solent, ut nunc in Europa ex linteolis minutatim contusis, atque aqua maceratis, quæ cum eundem cum veterum papyro usum & commoditatem obtineant, vetus nomen referuant. Assurgit autem papyri frutex nonnunquam in octo aut decem cubitorum altitudinem, ut arundo in Hispania, internodiis distincta, forma triangulari ea crassitudine quæ manum complicatam impleat, ex quibus ubi inarescunt, scipiones conficiunt læviores perpolitos, colore spadicio, qualis est castanearum extimus cortex. iis enim Patricij ingrauescente atque inclinata ætate se fulciunt ac gressum labilem firman. Exhibet se hac stirpe esculenti quiddam, ut in nostræ arundinis radice candida & geniculata, sapore mellito, sed expresso tantum succedentibus, reiecto cortice. Ex papyro olim lembos, scaphas, cymbas, aliaque navigia pice oblita construxisse Ægyptios, præter Plinium Esaias vates indicat, qui minatur terræ quæ trans flumina Æthiopie sita est, hoc est, Nili accolis qui per mare legatos mittunt in vasis papyri, hoc est, iuncis ac scirpeis navibus, ut inito fœdere ac coniunctis copiis cum aliis nationibus Israëlitas opprimant. Cæterum ut argumentum susceptum prosequar, desumuntur in Bibliis etiam commemoratis stirpibus concinnæ similitudines & Metaphoræ. Sic cum Iob disceptaret cum Satrapis aliquot, quibus visum est officij causa, atque humanitatis impulsu illum adire, quod tam afflictæ hominis calamitati condolerent, tantamque cladem commiseratione dignam deplorarent, multa inter hos ultro citroque agitata, atque in controuersiam vocata, de humanæ vitæ cursu, de Dei erga homines providentia, de afflictione hominum, quæ bonis non minus quam malis

Scipiones
ex papy-
ro.

Lib. 13. c.

Cap. 18.

Iob 8.

malis impendet, de prosperitate & successu rerū, quibus æque mali ac boni fruuntur, vnus adstantium, nempe Bildad. Sutes qui solitis rationibus ex natura rerum petitis argumenta sua fulcire nititur, conuincere tentat impios, infames, nefarios, facinorosos, improbos calumniatores, hypocritas, quique ficta & simulata religionis specie hominibus imponunt, ac Deo facum faciūt, non diu subsistere, illos quidem ad tempus spectatissime florere, verū qui ingruente Dei iudicio citissime exarescant & conterantur, vt Carices, vt scirpi, vt iunci, vt gramina virentesque herbæ aquarum irrigatione distitutæ. Impij enim in afflictionibus, periculis, calamitatibus, imminente morte, destituti fiducia ac solatio Dei labascunt, nec habent quo se fulciant, sed in desperationem ac diffidentiam deuoluuntur. Non difficile est Esaia vaticinium contra Ægyptios, quos ad egestatem redigendos pronunciat, ac primū mentem atque animum, deinde omnia illis adimenda, quorum vsu & cōmoditate negotiatio, piscatura, aliæque opificia subsistebant, atque vberimū quæstum præbere consueuerunt. *Arescent, inquit, aqua à mari, & fluuius exsiccabitur, exhaurientur & siccabuntur riui, calamus siue arundo, papyrus & iuncus inarescent, & omnes virentes herbae circa fluuios, ac riui ripam peribunt.* Quo maximam sterilitatem fore denunciat, ac nullam piscatorum frequentiam, nullos cōmeatus, nullum ementium concursura. Nonnunquam Deus successum piorum hominum, progressus & incrementa pietatis, omnem rerum salutarium affluentiam salientibus aquis & fluminibus, denique virentibus herbis, floridisque pratis & viridariis comparat. Atque Esaias fœcunditatē pollicetur, squallidis, incultis, siticulosis agris, eosque irrigandos saluberrimis ac scaturiendis aquis pronunciat, multisque speciosis herbis decorandos. Quo indicat aridas atque ieiunas mentes irrigandas verbo Dei, ac saluari eius doctrina, eiusque spiritu profundendas. Sic autem eius rei vaticinium prosequitur. *Latabitur deserta & inuia, & exultabit solitudo, & florebit quasi lilium, vertetur locus aridus in stagnum, & scaturient siticulosa aquis, in cubilibus in quibus prius dracones habitā, orietur viror calami & iunci.* Hoc est, Expulsis profligatisque vitiorum monstris, proferent se virtutes ac pietatis semina, emerget Amor & Charitas erga Deum & homines, erigetur in animis hominum Spes & Fiducia consequendæ salutis, sic vt mentes ante steriles fontæ atque irrigatæ verbi Dei scaturigine, ac fidei robore fultæ vberimos fructus proferre incipiant non secus, quàm ager benè cultus lætas segetes ac spectabiles herbas profundis.

Tobi locus explicatus.

Cap. 12.

Esaia locus explicatus.

Cap. 35.
Metaphora Esaia explicata.

De Absynthio.

CAPVT XVII.

Tres spectantur apud Belgas maritimos Absynthij species Pontificum, vulgò Romanum, quod in his colitur, non insuauis odore: Marinum in Oceani crepedine passim obuium. Vulgare insigni amaritudine, expugnandis vermibus cum primis efficax & præsentaneum, quod tamen in hortos translatum mitescit adeo, vt non solum sapor, sed foliis etiam color immutetur. Ex incanis enim & cinericeis virorem adsciscunt, nec odorem prorsus ingratum aut fastidiosum. Ex hoc amarissimo frutice Scriptores sacri passim similitudines desumunt, easque impiis accommodant. Sic cum Deus apud Hieremiam improbis tristitia, acerba, amarulenta minitur, ac calamitates denunciat, *Ecce ego, inquit, cibabo populũ istum absynthio, & propinabo aquam felle, & dispergam eos in gentes ignotas, & gladio illos prosequar.* Rursus ad prophetas mendaces qui Dei verbo abutuntur & adulterant verbum eius, *Ecce ego, inquit, saturabo illos absynthio, & potabo eos felle, quoniam à Prophetis Ierusalem progr. ssa est impietas, & pollutio diffusa est in totã regionem.* Amos autem vates cum inuehitur in pseudopphetas qui in specie blanda magis, quam salutaria proferunt, ac prætextu religionis, syncerum Dei cultum superstitionibus cõtaminant, deinde quod procures & optimates, quorum interest æquitati studere, atque administrare iustitiam, *Conuertam, inquit, iudicium in amaritudinem, & fructum iustitiæ in absynthium,* hoc est, deflecent se ab æquitate, nec rectè perfunguntur iudicis officio, quod prorsus amarulentum est & acerbum homini innocenti, qui ab iniuria vindicari cupit, ac subleuari, in æqua causa non opprimi. Insectatur autem Esaias pluribus locis huiusmodi iudices corruptos, qui dicunt bonum malum, & malum bonũ, qui ponunt lucem tenebras, & tenebras lucem, ponentes amarum in dulce, & dulce in amarum. Rursus alio loco illos exagitat qui muneribus obæcati opprimunt innocentes, quorum causam tueri deberent, illisque suum ius eripiunt. Sic enim insurgit aduersus huiusmodi nomophylaces, hoc est, legum conditores, *Va qui condunt leges iniquas, & scribentis iniustitiam scripserunt, vt opprimerent in iudicio pauperes, & vim facerent causæ humilium populi mei, vt essent viduæ illis præda, & pupillos diriperent.* Apud Ieremiam non missus acerbè in illos incan-

Cap. 2.

Ieremias
loca ex-
plicata.
Cap. 23.
Cap. 5.
& 6.

Cap. 5.

Cap. 10.
Ezech. 22.

Cap. 5.

desceit, Inueniuntur, inquit, in populo meo impij insidiantes quasi
 aucupes ponentes laqueos ac pedicas ad capiendos homines sicuti
 decipula & canea plena auib, sic domus eorum referta dolo &
 fraudibus, causam vidua non iudicant, pupillis non patrocinan-
 tur, & iudicium pauperibus eripiunt. Cæterum vbicumque in
 Scriptura Absynthij fit mentio, maximam atque acerbissimam
 calamitatem, animique tormentum subesse indicat. Sic in cla-
 de illa funestoque ac luctuoso Hierosolymæ excidio Ieremias
 cinium suorum personam sustinens quæritur se felle circum-
 fusum, & oppletum amaritudine, & Absynthio inebriatum.
 Quo indicat ad summum luctum atque angorem animi nihil
 esse reliqui, nec quid amplius posse adiacere. Non dissimilis est
 deploratio ac querimonia Dauidis cum in dubio belli euentu
 constitutus esset, ac illi ab hostibus periculum immineret. Sic
 enim ad Deum sua vota dirigit, *Deus repulisti nos, & destruxisti*
nos, & misertus es nobis: commouisti terram, & conturbasti eam,
obiecisti populo tuo dira, potasti nos vino compunctionis, hoc est,
 Spectacula oculis nostris obiecisti, quibus non sumus exila-
 rati, sed in mœrorem & mœstitiā, in anxietatem & mortis
 horrorem deiecti, vt ij quibus mortifero aliquo poculo, aut
 venenata lethalique portione vitalia perfusa obstupeſcunt. Ea-
 dem vsi sunt Metaphora Esaias, Ieremias, Ezechiel, qui pro-
 pinatum vini furiosi calicem describunt cū regibus, tum pro-
 miscuæ plebi, quo gustato in rabiem atque insaniam stupo-
 remque acti sunt, prorsusque orbari mente, ratione, iudicio, re-
 rumque gerendarum prudentia & consilio. Nec proſus cle-
 mentiùs tractatur qui meretricum consortio assueſcit, illarum-
 que blanditiis, fallaciis, illecebris, lenociniis capi se ac deliniri
 patitur. Quod cum à Salomone sit obseruatum, studiosè com-
 moneſcit filium incuntis ætatis inſcitæ, vt longè ab alienis se
 subducat, nec vlla ratione earum blanditiis mentem incantari
 ſuſtineat. *Fauus enim* (vt inquit) *distillans labia meretricis,* hoc
 est, sermo blandus & mellitus, eiusque fauces & guttur nitidius
 molliusque oleo: nouissima verò ac rei exitus amarus vt Absyn-
 thium, & lingua eius acuta vt gladius anceps. Siquidem omnia
 agit inſidiosè, ſimulatè, fraudulenter, atque incredibili astutia,
 venationi & aucupio intenta, omnes ingenij vires ad emungē-
 dum confert. Cæterum cum fellis & Absynthij nomine tristitia
 quæque, noxia, amara, reſta, calamitosa denunciari ſoleat, tum
 tale quiddam etiam in Apocalypſi designatur. Si quidem clan-
 gente tuba Angelo, cecidit de cælo magna ſtella, facis in mo-
 rem ardens, qua ira Dei accēſa in impios denotatur (erat autem
 ſtellæ nomen Absynthium) eaque delapſa in terram, fluuiorū
 partem,

Cap 51

 Pſal. 49.
 Dauidis
 locus il-
 luſtratus.

 Cap. 51.
 Cap. 21.
 Cap. 25.

 Prou. 7.
 & 8.

Cap. 8.

partem, & aquarum fontes : conuersa est tertia pars in absinthium, multique hominum in aquis interierunt, quòd amaritudine imbutæ essent. Vt autem naturalis syderum concursus aspectusque, & (vt vocant) constellatio astrorum fœnalis aliquando est & noxia, magnamque stragem hominibus & brutis animantibus, satisque ac sementi infert : ita vis ista celestis exitialis fuit humano generi, magnaque detrimenta intulit, vindicta Dei in reprobos inflammata.

De Carduis, Spinis, Vepribus, Tribulis, Rubis, Lappis Sentibus, & quibus hæ stirpes in Scriptura accommodari solent, & quid designent.

C A P V T X V I I I.

Stirpes istæ quæ spontè ferè atque inultis colonis nusquam non erumpunt, nihil propemodum commodi hominibus adferunt, sed aculeis infestæ sunt, ac sementi efficiunt. Quocirca cum Deus maledictionem Adamo transgressori atque ærumnas vitamque laboriosam impendere denunciat, *Maledicta terra, inquit, in opere tuo, in laboribus comedes ex ea, in sudore vultus tui vesceris pane tuo. spinas & tribulos, sentes & carduos germinabit tibi, & comedes herbas terra.* Sic Deus accensus furore in populum Israëliticum, qui nulla grati animi argumenta erga ipsum proferebat sub vineæ nomine dira illi minatur, quòd post tantam culturam, pro sapidis vuis labruscas produxerit. *Ostendam, inquit, vobis quid facturum sim vinea mea auferam seminem eius, & erit in direptionem, diruam maceriem eius, & erit in conculcationem, & ponam eam desertam, non putabitur, nec fodietur, & ascendent opprimentque eam sentes, vepres, & spina.*

Osee 10. Qua figurata loquutione indicat se extremam impendisse operam fouendis erudiendisque Israëlitis salubri doctrina, mentisque illorum verbo suo continenter irrigasse, nec quidquam prætermisisse eorum quæ ad animorum cultum spectant, sed frustra insumpsisse laborem, nec quidquam se profecisse deplorat: quapropter illos pro desertis habet, ac patitur ruere in omne probrum ac dedecus, in cupiditates ignominiosas, & fœdas, in mores improbos & vitiosos, sic vt mens illorum inculta, nullisque ornata virtutibus vitiis vndique scateat. vt solum neglectum & cultura destitutum, herbis noxiis. Rursus alio loco sterilitatem illis denunciat, ac rerum penuriam, nullasque

Esaiz & Osee locus explicatus.

lasque futuras fruges aut annuos prouentus, sic vt terra maledictioni obnoxia, humus situ & squalore obsita non aliud quam spinas, vepres, ac tribulos profundat. Sic quocunque loco fuerint, mille vites æstimatæ, mille argenteis ibi in vepres & spinas locaque senticosa vertentur, adeo vt in vniuersa terra nullus ager victum suppediret, sed tota regio in solitudinem eamque vastitatem sit redigenda, vt fruges vel alimenta, vt ciuilia defutura sint, omniaque in agris horrida se proferant, squalida, siticulosa, inculta, omni nitore atque amabili viriditate destituta. Paulo autem inferius atrociora magisque horrenda impiis obuenturâ denuntiat. Sic enim contra Idumæos, hoc est, Dei & Ecclesiæ hostes vaticinium instituit: *Conuertentur eius flumina & torrétes in picem, & humus eius in sulphur, & erit terra in picem ardentem, nec extinguetur in sempiternum, & solabitur in perpetuum, nullo per eam transiente, ulula, ericium, noctua, ibi & coruus, quæ alites & animalia hominum consortia fugiunt. Nobiles eius erant absque regno, & principes ad nihilum redigentur*, hoc est, nullus erit Reipublicæ status, nulla politia, nullus principi honor aut dignitas, nulla imperij maiestas, nullus ordo vel consularis vel senatorius, sed mera inter plebem & optimates confusio oppressis legibus, ac iuris æquitate sublata: cum hoc etiam accedat ad malorum cumulum, ac miserandam rerum faciem, vt Regum palatia solo sint æquâda, omnesque ædes splendide atque operosius ædificatæ diruentæ sint, atque ad nihilum redigendæ, sic vt hominum frequentia vacuæ feris & alitibus lustra & latibula præbeant. Sic enim hæc cum isto, tum aliis locis amplificat, ac regionis vastitatem exaggerat in immensum: *Et orientur in domibus eius spine, vretica, sentes, cardui, vepres, & paliurus in domibus eius*, vt ferè conspici solet in ruinosis palatiis, belloque diratis arcibus. Et erit inibi latibulum draconum, & struthionum statio, & occurrent in desertis iis locis inter se dæmonia, onocætaurus, Syluani, pilosique Fauni & Satyri, nocturnæque Striges ac Lemures, in iis etiam habitaculis residebit Lamia, nidulabitur bubo, vultures & rapaces milui. Quarum rerum commemoratione horrendam vastitatem ac solitudinem, ruinasque celebrium locorum oculis obiiicit, eoque funesto spectaculo acrius percellit hominum animos, quòd nulla in florentissima regione spectabitur negotiatorum frequentia, nullus populi concursus, nulla commeantium turba, nulla nundinatio aut mercatura, sed tantum monstra, harpyiæ & Chimææ se oculis spectantium offerent, immanesque belluæ & nocentes feræ, quarum aspectus vel fortissimo cuique terrorem ac trepidationem incutit.

Esa. 5.

Cap. 31.

Esa. 34.

Esaie locus interpretatus.

Esaie 13. Sopho. 2.

Dæmon se
in mōstra
transfor-
mat.

In has deformes horrendasque bestias se nonnunquam dæmones & mali Genij transformant, variisque aspectis ac præstigiis pauidas mentes territant, præsertim illas quæ cognitione Dei non admodum imbutæ sunt, illiusque verbo fultæ. Huiusmodi etiam imagines monstruosas ac simulachra inaudita animo menteque concipiunt melancholici, maniaci, phrenetici, deliri, ebrii, febricitantes, aut conscientia scelerum furiis agitantur. Istis enim variæ rerum species, & absurda phantasmata animo obuersantur affecto cerebro, ac spiritu animali tetris densisque vaporibus offuscato: sic ut illis ex vitiosa capitis affectione mentem, rationem, iudicium, memoriam eripi contingat ac perturbata imaginatione confusè de rebus obuiis iudicare.

De Ficu, Carica, Grosso.

C A P V T XIX.

Ficus apud Belgarum etiā extremos atque Oceanī accolæ aliquando bifera, hoc est, bis in anno fructifera, quæ æstate feruida fructus prorsus maturos profert. Sic annos redempti orbis 1540. desinente mense Iulio cum Imperator Carolus eius nominis quintus peragrata Belgica Selandiam, tractusque maritimos perlustraret, ac Zirizeam inuiseret, oblata sunt illi melones inusitatae magnitudinis, miræque saporis & succulenti, ac ficus turgidæ admodum maturæ, ut Cæsar rei nouitate delectatus (quod tale quiddam in frigida regione non speraret) assereret ne in Hispania quidem melius potuisse maturescere, verum id nobis non est perpetuū, quod aliquando æstiuis mensibus calor languidus sit, & remissior, quàm ut possit huiusmodi fructus ad maturitatem perducere. Fici arboris fructus duplicis est differentiae. Nam Caricæ ficus sunt tempestiuæ, quæ ab arbore eximuntur antequam prorsus siccescant, deinde exiccatae in fiscellas ab Hispanis reconduntur. Grossi primitiuæ ficus sicciores, & intempestiuæ quæ non maturescunt, vel seriùs maturitatem assequuntur, unde ferotinæ dictæ. Cum autem ficus flore destituta sit cæteris florescentibus arboribus, ista grossos producit. Sumuntur autem ex hac stirpe eiusque fructu similitudines & exēpla in arcanis litteris cum primis elegantia. Sic cum Christus vaticinatur Iudæis obuēturas calamitates, & deuastandam Hierosolymā ne quem dies Domini inopinato opprimat multis exemplis ad excubias ac vigilantiam omnes extimulat, sumptaque similitudine à germinante ficu, quibus indiciis aduētus Domini

Ficus siu
Ficus du-
plices
profert.

Caricæ.

Grossi.

Matth. 24.

Marc. 13.

Domini obseruari possit, commonstrat. Vt enim cum huius arboris rami tenerescunt ac frondescere incipiunt, suiisque grossos parturiunt, instare astatem indicant: ita proditioes, pestes, bella, fames, terræ motus initia sunt dolorum atque in foribus esse iudicii diem testantur. Cæterum ficus maturandi ac leniendi facultate pollere Esaias etiam commōstrauit. Siquidem cataplasma illum confecisse legimus ex contusis ficibus, atque Ezechix regis apostemati admouisse eoque præsidio illum sanitati restitutum, sic vt Deus singulari suo beneficio, quo Regi vita in quindecim annos prorogata est externam medicinam adhibuit, quæ illius munere corporibus humanis efficax est & præsentanea. Nahum propheta cum omnia humana præsidia inualida pronunciat atque infirma, nec vllas munitiones, turres, propugnacula contra Dei vim subsistere, ficibus maturis illa cōparat, quæ leuissimo motu atque agitatione arboris decidunt. Itaque Assyriorum genri sic insultat, *Omnes munitiones tuae sunt ficus cum grossis suis, si concussa fuerint, cadunt in os comedentis.* Quo indicat omnes illorū vires, robur, potentiam corrumpere atque ad nihilum redigi extenta exporre&que manu sua. Deus autem per Oseam ex suauissimis huiusmodi fructibus sumpta similitudine expostulat cum populo Israëlítico, quod à tam amabili propēsoque Domino descuerit, atque Idololatria se cōtaminauerit. Sic enim fauorem erga ipsum, animique propensionem exprimit. *Tāquā vna in deserto inueni Israel & quasi prima ficulnea poma.* Quo designat non secus se affici erga Israël, quā viator lassus ac siticulosus afficitur erga lapidam & situlentam vnam quæ ex insperato se obtulit in vasta aliqua solitudine ac loco sterili, an præmaturo ac præcoci ficus fructu, quo nihil illi ad reficiendas vires obtingere potuit gratius magisque acceptum. Atqui cum tanto illum amore complectatur, eoque se oblectet vt fructu aliquo delectabili, ipse non respondet amore mutuo, sed ad Beelphegor, hoc est, Priati idolum rapitur, illiusque abominando cultu se contaminat. Sumuntur autem ex ficu eiusque foliis & fructu innumeræ passim apud Prophetas similitudines, quibus nonnunquam vbertatem rerumque omnium affluentiam designant; priorumque successum & incrementa: nonnunquam sterilitatem, rerumque necessariorum inopiam atque improborum interitum. Sic Christus execratus est ficum frōdosam quidem, sed minimè fructiferam, qua denotauit fucatam quandam speciem & ostentationem religionis operibus solidis fructūque fidei destitutam. Similiter Michæas vates sumpta metaphora à terra horrida & inculta atque ab arboribus spoliatis suis fructibus, vt

Cap. 38.

Simile a
natura
ficu.

Nahum 3.

Cap. 9.

Osee 10.
cus expli-
catus.

Matt. 21.

Marc. 11.

finita

finita messe, peractaque vindemia assolet, in hunc modum deplorat præsentis sæculi statum, in eaque se incidisse tempora queritur, quæ nullos probos aut integros exhibeant: *Va mihi qui factus sū sicut qui colligit in autumno racemos vindemia, non est botrus ad comedendum: precoquas & maturas ficus desideravit anima mea, periit sanctus de terra, & rectus in hominibus non est.* Quo designat profligatam esse iustitiam & æquitatem, exulare pietatem, extinctam religionem cultumque Dei, inundasse impietatem, omnia passim plena esse crudelitatis & nequitie. Sunt autem huius generis multa in sacris literis obuia, quæ hic congeri possent, sed non visum est lectorem iis excutiendis defatigare.

Ioëlis 1.
Esai. 34.
Hier. 5.
& 8.
Amos 4.

De Palma arbore eiusque fructu, & quid in Scriptura sacra illis designetur.

C A P V T X X.

Palma victoriæ index.

Apoc. 7.

Psal. 91.

Cap. 29.

Cap. 5.
Palma electa quid.

Palma arbor est trunco valido ac procero, folio arundinaceo, gladiolo affini; fructus fert sapore dulci, Græci *dactylos* vocant à digiti forma, Latini *palmulas*, quibus medici vires instaurant exhaustis & extenuatis. Humorem enim nutritivum quem *radicalem* vulgo vocant, fouent, ac corpori arido alimentum conferunt. Cæterum cum hæc arbor oneri renitatur, nec prementibus vrgentibusque cedat, hoc insigne incertaminibus victori decerni solet, quod inuictum animi robur palmæ naturam referat, ac sit rei fortiter atque animose gestum symbolum ac trophæum. Sic martyres qui inuicto infractioneque animo aduersus Tyrannorum sæuitiam substituerunt, amicti stolis albis, palmis, manibus gestasse leguntur in victoriæ argumentum. Similiter qui iustitiam colunt & æquitatem, qui Dei hostibus se intrepidè opponunt, palmæ aliisque speciosissimis arboribus sunt similes. Vnde David, *lustrus ut palma florebit, ut cedrus in Libano, multiplicabitur.* Cum enim impij, ut herba, confestim arescant, tum pietatis cultores, ut palma, diutissimè vigent & subsistunt, ac fructus suaues proferunt: denique ut Cedrus celsa arbor & odorata, nulloque ævo putredini aut cariei obnoxia, gratissimam umbram ministrat. Hoc ipsum designat Iob, cum rectè administratæ iustitiæ sibi conficius, confidenter pronunciat, *In nidulo meo moriar, & sicut palma multiplicabo dies:* quibus verbis pollicetur sibi vitæ diuturnitatem, annosque florentes ac senectam viridem magna cum animi tranquillitate. In Cantico verò Sponsi comæ & cæsaries palmæ

palmae elatae assimilantur, quæ comparatio desumitur à tenello termitæ ac cauliculo, ipsoque germine quod è palma producit, vel ab ipso inuolucro atque integumento ex quo fructus emergit, qui *Phoenixbalanus*, *Coriota*, *palmula* vel *ductylus*, dicitur, qui color phœnicus, hoc est, spadicius subest, sic ut designet illum rutilanti esse capillo, eoque firmo nec deciduo, cum palmae folia non defluant. Huiusmodi autem coloris crines spectantur in Pannoniis, hoc est, Hungaris & Austriacis, quorum capillitium ferè fuluescit atque aureo colore perfusum est. Cæterum cum Deus indignanter ferat populum suum vitiiis occæcatum & obstupefactum obsurdescere ad omnia salutaria monita, ac nullis afflictionibus, nullis calamitatibus expurgisci ac resipiscere, nec ullis plagis induci posse, ut à Deo inferri has plagas agnoscat, sed in res fortuitas eas reiciat, atque in ordinarium naturæ cursum referat longè acerbiora magisque atrocía illis obuentura denunciat, ita ut præter bruchum & locustam, erucam, rubiginem, quæ fruges vitiant ac depopulantur, vineas per Iohelem extindendas pronunciet, Cap. 1. omnesque spectabiles ac fructíferas arbores extirpandas, ita ut nusquam alimenta suppetant, nusquam vlla frugum spes affulgeat, quibus fames posset sedari. Sic enim prodigiosam sterilitatem terræque vastitatem adesse indicat, atque ingruente præsentanea clade, somno vinoque sopitos excitat, *Expurgiscimini ebrii, flete & ululate omnes qui bibitis vinum in dulcedine, quia periit in ore vestro. Posuit vineam in desolationem, ficum decorticauit (ablato enim cortice arbores emoriuntur) vitis exaruit, & ficus elanguit malegranatum, palma, & malus omnesque arbores exaruerunt.*

De Hebeno, & aliis quibusdam exoticis, quorum in Scriptura fit mentio

CAPUT XXI.

Quanta olim fuerit in Tyro totius Asiæ emporio celeberrimo negotiatio, quæ hominum frequentia, qui mercium apparatus, præter illustres Historicos, Ezechiel vates amplissime describit: recenset enim singulatim multorum regnorum ac prouinciarum mercimonia rara & exquisita, quibus explete solent negotiatores hanc urbem, quod omnibus facilem aditum, accessumque commodum præberet, nulla natio hunc locum non frequentabat, eratque commeantium incredibilis

Cap. 27.

L I concursus,

concurfus, antequam ab Alexandro Macedonum rege in ruinam eſſet reducta, quod futurum hoc capite Ezechiel vaticinatus eſt. Inter innumeras autem merces quas hic recenſet vates, Hebenum, ebur, refinam, ſtaſtem, calamum, baſamum, corallū, cryſtallum, & præter pretioſiſſima aromata, aurum, variasque gemmas commemorat. Hebenus lignum eſt nigerrimi coloris adeò ponderoſum, vt etiam in tenuiſſimas laminas diſſectum in aqua demergatur nec fluitet. Quia autem duæ ſint huius arboris ſpecies, vna Indica, altera Æthiopica: ex poſtrema elaboratam vidi fiſtulam incuruam ſeſquicubiti longitudine, eleganter nitore expoliatam, vt ferè conſpici ſolet Gagates, duritie lapidoſa ac pluſquam buxæ: vbi contrectaui, non ſatis diſcernere potui, an in lignum aut ſaxum, an etiam duriffimum cornu referri deberet. Eſt huic affine exoticum lignum gentili nomine *Gaiarum* appellatum, quod in ſcobem ac ramenta limæ attritu reductum, atque in aqua ad tertias decoctum ſalubriter exhibetur morbidis fiſcoſiſque corporibus, & qui labe venerea ſunt contaminati. Vſus ſunt autem magno ſucceſſu aqua fœniculi in qua huius tritura macerata eſt, ad diſcutiendas oculorum caligines ac glucomata ſiue ſuffuſiones. Ad ſudores verò prouocandos huius decoctum exhibeo cum ſumaria, Calthæ floribus, melyſſa, ficubus atque ad exigendos varios, ac puerorum exanthemata in extimam cutem euocanda. Ebur adſtringendi ſpiſſandique eſt natura: quocirca peſtines qui ex hoc conſciuntur capilloſum deſluuium prohibent & caput confortant. Quoniam autem eximij ſit candoris, præſertim vbi dentes primū ex elephantis mandibulis eximuntur, ideo Sponſa in deſcribendo Sponſi corpore, ventrem illi eburneum attribuit, propter candorem & puritatem, ſapphiris diſtinctum, quo caſtitem deſignat: ea enim gemma caſtos commendat. Sponſæ verò collum turri eburnæ aſſimilatur, quod candidum ſit, firmum, & erectum, nec obſtupo capite progrediatur. Hieremias autem Nazaræos Deo conſecratos ebori componit, quod vetuſtate rubefcit. Sic enim deplorat illos ita deformatos, vt agnoſci nequirent: *Candidiores Nazarai eius niue, nitidiores lacte, rubicundiores ebore antiquo, Sapphiro pulchrior, denigrata eſt ſuper carbones facies eorum.* Ex quo coniecit in quā calamitatem erant deiecti. Myrrha quæ ex arbore deſtillat Terebintho altiffimi, corpora à putredine aſſeruat. Staſte liquor refinofus & ſtillicidium myrrhæ eiſque pinguedo quæ vulgo Styraſ liquidæ creditur, cum Medicis etiam in vſu ſtyraſ calamita Thus Deo dicatum ſuffimen à fumanti vapore vbi igni iniicitur. Gutta thymiana ammoniacum ex arbore in arenam deſluit,

Hebenus.

Eboris
natura.

Cant. 5.

Thren. 4.

Myrrha.

Styrax.

Thus.

Gutta.

defluit, vnde nomen sortitum Cyrenaicus vel Syriacus, hoc est, concretus succus, quem *Benzoi* vocant, ad suffitus & odora-
menta præcipui effectus & olfactoriola in peste, vt ziberum,
ambra, seu succinum Orientale, muscus, Casia cinamomo affi-
nis effectūque par, quæ cor recreat, animique deliquio oppres-
sis affectūque par, quæ cor recreat, animique deliquio oppres-
sos erigit, vulgo *Caneel*.

Aloë concretus liquor ex arbore smaragdini coloris, quam Aloë.
nostrates ex Hispaniis allatam laquearibus affigunt, ac bien-
nio amabili virore absque vlla aquæ irrigatione conseruant.
Expressus ab hoc frutice succus putredini obsistit, ac vermes *Lignum*
enecat, morbosque contagiosos impugnat. Lignum quoque *aloës*.
aloës quod *Agalochum* vocat, asphaleto non dissimile Hebræis
etiam in vsu fuisse constat, quoniam halitus suauitatem com-
mendat, vt lignum Rhodium. His omnibus iam memoratis,
vt etiam balsami nobili lachryma, scriptura decus & virtutis
præstantiam designat ac suauem gratumque halitum saluta-
ris doctrinæ, qua mens hominis assatim perfunditur. Sic cum
David Salomonis nomine Christi splendorem, amplitudinem,
magnificentiam, maiestatem amplificat, *Myrrha*, inquit, *gutta*,
& *Casia in vestimentis tuis à domibus eburneis*. Quo indicat gra- *Psal. 44.*
tissimum esse odorem & fragrantiam quæ ab ipso promanat, ac
longè latèque se diffundere, ita vt omnes mortales reficiat ac
recreet. Tale quiddam obuium est in Cantico. Sic Sponsa mi-
rificè delectata suauissimo Sponsi colloquio. *Labia eius*, inquit, *Can. 5. 3.*
lilia distillantia myrrham primam & electam. Quo designat ser-
mones eius & eloquia plena esse gratia & veritate, quæque
pios fulciant atque ab omni vitiorum corruptela conseruent,
impios verò amaritudine imbuant, atque illos vel conficiant,
vel ad pœnitentiam impellant, metaphora sumpta à myr-
rha, quæ tamen mirè odorata sit, insigniter tamen est
amara.

De Terebintho.

CAPVT XXII.

Terebinthus arbor in Syria ac Palæstina spectabilis & Terebin-
amœna, folio ferè lauri, flore oleæ coloris puniceo, thi natus
baccis primum herbaceis, mox rubris, maturitate nigris, fun-
dit hæc arbor æstiuis caloribus Terebinthinam resinarū præ-
stantissimam, mirè odoratam, adeo pellucidam vt fundum po-
culi in quo asseruatur, conspici queat. medetur hæc vulneribus

ac dolores mitigat, intus verò humorum collectiones discutit ac calculos atterit, meatusque vrinarios peruios præstat, ac saniem omnesque purulentas concreciones in stillicidio vlceroso, cui ferè ficosi obnoxij sunt, expurgat, atque expeditum facilemque decursum perficit. sumuntur ex hac arboe ac ple-
risque aliis insignes comparationes & similia. Sic Esaïas post illatam cladem Israelitis aliquid consolationis afflictis mentibus adfert, illosque in spem emergendi erigit, qui à calamitate sunt residui, *Multiplicabitur, inquit, quæ derelicta erat in medio terra, & aabuc in ea decimatio, & cōuertetur, & erit in ostentatio- nem, ut Terebinthus & quercus quæ expandit ramos suos, semē sanctum erit, id quod steterit in ea.* Quo indicat tale quiddam obuētum populo Iudiaco, quale arboribus quibus Aquilonio hibernoque frigore folia decidunt, aut ictæ fulmine, vel turbine conuulsæ extinctioni videntur proximæ, tanquam omni vitali succo destitutæ, cum tamen aliquis vigor non nihil insiti humoris illis subsit, quò ineunte verè ac recurrentis anni amœnitate reuivescunt ac postliminio frondescere incipiunt. Itaque denunciatur Israelitis excidium ac vastitatem, qua vix decimus quisque superfuturus sit, sic tamen ut non omnia penitus in nihil sint redigenda aut extirpanda funditus, sed futuræ sint aliquæ reliquæ, atque homines aliquot à clade residui, qui tamen visi sunt internecioni dari, sublata omni emergendi spe, reuiuiscunt tamen, ac verbi Dei semine fulti in pristinum statum ac dignitatem reducentur, non secus quàm stirpes aliquot speciosæ ut tilia & terebinthus, quæ brumali frigore concussæ exaruisse visæ sunt, rursus nouo vere repubescunt ac pullulare incipiunt, sæcundæque stirpe spectatissimæ se propagant. Cæterum æterni patris sapientia Christus Terebintho multisque aliis speciosissimis stirpibus se comparat, & quam auide quisque illius doctrinam amplecti debeat, obiter com-
monstrat. Sic enim Sapientia sui cōmendatrix omnibus quibus propria salus curæ est, se approbat. Ego ex ore altissimi prodi præmogenita ante omnē creaturam, ego feci ut in cælo oriretur lumen indeficiens, quasi cedrus exaltata sum in Libano. & ut Cupressus in Sion, quasi palma in Cades, ut plantatio rose in Hiericho, ut platani expandi ramos iuxta aquas, in plateis ut cinamomū & balsamū odorem diffundi, quasi myrrha electa, quasi storax, galbanum, onyx, hoc est, blattæ Bizantinæ, seu onyx & stacte, suauem odorem ex-
piravi, Ego quasi Terebinthus expandi ramos meos, & rami mei honoris & gratia. His omnibus & si quid ampliùs huc congeri posset, amplissimè cōmendatur Dei patris Sapientia Christus, quò certatim omnes eò se conferant, atque ab hoc vberissimo fonte

Esa. 6.

Esaïæ lo-
cus expli-
catus,

Ecclesi. 24.

fontē aquā viuam, hoc est, salutarem doctrinam depromant, nec aliō diuertant, aut ad cisternas dissipatas se conferant, hoc est, aquas turbidas & cœnosas quæ arida corda non refocillant aut reficiunt, sed potius veneno imbuunt, vt testatur apud Ieremiam Dominus. Cæterum de Cedri & Cupressi natura & viribus superuacuum est multa hic referre, cū apud Dioscoridem, & Plinium, compluresque alios copiosè earum natura & vires explicentur, hoc tantū indicasse sufficiat multiplices desumi similitudines in arcanis literis ex harum arborum radicibus, trunco, ramis, foliis, floribus, semine, ab earum specie & decoro aspectu, ab odore & fragrantia, à durabili æternaque ligni materia, ab vmbra salubri quā viatoribus lassis præbent, à suauissimis fructibus quos in hominum vsus proferunt, quibus passim designatur decus & virtutis præstantia, dignitas & excellentia piorum hominum mentisque integritas & mores inculpati, qui profunt omnibus, nocent nemini. Nonnumquam indicant fastum improborum & superbiam, animi elationem, arrogantiam, timorem, ferociam. Sunt enim celsissimæ arbores, summæque proceritatis, atque in immensum fastigiatae, quarum pleræque humilibus infirmisque arbutis detrimenta inferunt, vt opulenti tenuioribus Vt autem Deus cōcitata aeris intemperie altissimos montes & procerissimas arbores fulmine deiicit, vt iuxta David, *confringit cedros, quercus, ilices, robora*, ita superbos & elatos, fastusque turgidos qui se aduersus Deum erigunt, atque hominibus sunt infesti conuellit, deiicit, cōminuit. Quò spectat illud Esaiæ. *Dies Domini exercituum super omnem superbum & excelsum & arrogantem, quem humiliabit super omnes cedros Libani sublimes & erectas, & super omnes quercus Basan*: quo declarat Deum minimo negotio fortissimas quasque munitiones & propugnacula deiicere, opes & potentiam elatorum hominum comminuere, nec quidquam tam validum esse ac firmum quod contra illius vim possit subsistere. Quod ipsum etiam Zacharias populo suo inculcatum esse voluit, ne temere fidant humanis præfidiis, cū nullæ munitiones quantumuis vallaræ illi possint obistere, sed confestim exporrecta eius manu cedant ac collabuntur. Quocirca in hunc modum tanquam per facialem (*Arault* nostri vocant, qui Principis sui nomine vel pacem vel bellum denunciat) figuratè Israellem alloquitur, illique dira minatur. *Aperi Libano portas tuas, & absumet ignis cedros tuas, vlula abies* (quo designat potentia inferioris proceres,) *quia cecidit cedrus*, quoniam magnifici vastati sunt. *Vlulate quercus Basan* (quo denotat duros & intractabiles) *quoniam succisus est salus munitus*. Simili cladi

Cap. 4.

Cap. 11.

Cap. 34.

subiicit pastores qui superbia elati imperabant plebeculæ cum austeritate & potentia, quod Ezéchiël aliàs deplorat, denique perfectos & optimates populi, qui tanquam leones sæuitiam ac tyrannidem exercuerunt in subditos.

*De Myrica, siue Tamarice & erica, quæ vulgo à solitudine
& loco arido Heyde vocatur, ex qua Belgæ
extergendis pauiementis scopas
conficiunt.*

CAPVT XXIII.

Bucol.
Eclog. 4.

Erica.

Heyde.

Cap. 17.
Hier. lo-
cus expli-
catus.

Psal. 1.

Hier. 47.

MYrica quæ Tamarice, humilis est pusillusque, apud nos frutex, quod Vigilius etiam obseruauit, folio scabro scabinæ non absimili, flore purpureo, concretu muscoso, quo apes impense delectantur. Huic affinis Erica, sed improcerior, flosculo ex candore purpurascens, quo passim scatent solitudines Brabanticæ, à quibus, quoniam nihil preciosi profundunt, herba hæc nomen sortita est. Belgæ siquidem loca squalida strigosa senta, atque situ horrentia, nulla consita arboribus, nullis frequentata hominibus, raris ac prope nullis culta ædificiis, aut exornata villis, Heyde vocant, quasi dicas solitudinem & desertum solique vastitatē, ingruente enim aëris tempestate, exortaque pluuia, tonitru, fulmine, coruscatione, ne minima quidem domicilia aut gurgustia se offerunt, in quibus possis diuertere ac delitescere, nihil autem in iis locis spectatu visuque dignum quaquauersum dirigit oculos, nisi humiles abiectique frutices & squalore obducti à quibus Prophetæ passim similitudines desumunt, si quando hominibus calamitates & tristitia quæque obuentura denunciant. Sic Hieremias, *Maledictus qui confidit in homine, & ponit carnem brachium suum, & à Domino recedit cor eius.* Quibus verbis detestatur illum qui in re corporea ac fragili spem & fiduciam suam collocat, & in periculis aliunde potius, quàm à Deo subsidium ac salutis præsidia conquirat, *hic enim myrica erit similis in deserto,* quæ ex aëris temperie & clementia nihil boni aut cōmodi consequitur, sed in terra horrida, ieiuna, striculosa, falsa constituta, non diu subsistit, *Benedictus verò & felix qui confidit in Domino;* erit enim vt arbor circa riuos aquarum plantata, quæ continenter humore irrigata, radices & ramos longè latèque diffundit. sic vt folium eius semper existat viride, & tempore siccitatis fructum ferre non desinat. Rursus cū Deus excidium imminere denunciat Moabitibus qui ex Iudæis oriundi, nempe Loth

Abraham

Abraham fratre, infestissimi illis hostes erant Fugite, inquit; & saluate animas vestras, eritis enim quasi myrica in deserto. Quod illos commonefacit, vt mature se ex suis stationibus subducant; vt salutis suæ prospiciant, vt celeri fuga vitæ suæ cōsulant, quoniam eorū ciuitates deuastandæ sint, ac futuræ desertæ, nullisque habituræ incolas, tum ciues spoliandos omni honore ac dignitate, nulliusque futuros existimationis aut nominationis, sic vt non pluri æstimandi sint, quàm Myricæ in vasta solitudine.

De Resina, Belgicè Hers.

CAPVT XXIV.

Resina est omnis illa Oleagina pinguedo & gummosa concretio, quæ incalescente Sole, ex pino, picea, abiete, larice, lentisco, Terebintho profluit, apud nostrates etiam Cerasus & prunus mellei coloris resinam profundunt atterendis calculis idoneam, populus quoque alba, quæ vulgò *Abeelboom* vocatur, succini modo gummosum liquorem ex hiante cortice exhibet. Terebinthina ex omnibus principatū obtinet, proximum locū fortitur Lentistina, hoc est, *mastiche*, cui succedit pinea & abiegna, picea, strobilina verò & Colophonia postremū locū occupant. Est autem Resina duplicis differentiae, vt & pix, liquida & sicca quæ ad nos ex Noruegia aduehitur: illam *Hers* nostri vocant, Hispani *Herpens*, alteram nempe concretam à speculi nitore, quoniam pellucida est & splendet, *Spiegheleære*. Harū vis effectusque est dolores mitigare, vulnera astringendi glutinandique vi cicatrices obducere, præsertim resina Terebinthina, cuius vires & effectus Ieremias Metaphoricos ad animi vulnera transfert, quæ verbi Dei lenimento sanescunt ac sanitatē consequuntur. Itaque in hunc modū expostulat cum Israëlitis: *Nūquid Dominus non est in Sion, aut rex eius non est in ea? Nunquid resina nō est in Galaad, autem dicus nō est ibi? Quare igitur non est obducta cicatrix populi mei? & cur valetudo eius tam segniter procedit?* quasi diceret, Obuia est hæc parataque medela quæ mentem animumque lacerum sanat, sed filia populi mei, salutis suæ oblita, non adhibet remedia vulneribus suis sordidis & purulentis, non admittit salutaria verbi Dei fomenta & cataplasmata, sed putrescit in vitiorū suorū sordibus, nec vomicas suas exercitato expertoque Medico, nempe Deo detegit, aut curādas offert, penes quæ præsentanea sunt remedia medendis exulceratis mentibus adhibito vino & oleo consolationis & misericordiæ, vt

Resina
quid.Resina
multæ
species.Hier. 10.
cus expli-
catus.

Luc. 6.

Christi parabola indicat de Samaritano, cuius ipse typum gerebat & viatore saucio ac vulneribus confecto quo designatur genus humanum astu & malitia Satanæ, integritatis & innocentiae integumentis spoliatum omni vitiorum afflictum & desperationi proximum. Cum autem Deus in scelerum vindictâ vulnera nobis infligat, hoc est, in medias, calamitates, clades, infortunia nobis immittat, vult ut ab eodem instaurandæ valædinis præsidia petamus. Qua de re extat suavis cum primis & consolatoria apud Hieremiam concio, in qua Deus indignè ac dolenter fert quòd homines aliunde quàm ab ipso salutis ac sanitatis præsidia cōquirant & venentur, quod idololatriæ, superstitioni, ac ridiculis vanisque cultibus dediti, deserto tam liberali ac munifico Domino, tyranno fallaci, insidioso, noxio se dedant.

Cap. 2.

Hier. locus explicatus.

Quocirca non sine causa ad hunc modum cum suo populo expostulat, *Nunquid solitudo factus sum Iſraeli, aut terra serotina, quæ vel nihil prorsus vel malignè aliquid profundit? Cur ergo populus meus à me deficit, & se reuersurum negat?* Similitudine desumpta à solo sterili & infœcundo, ab agris ieiunis, aridis, siticulis, squalidis, qui sementi inidonei sunt, nec vllas fruges aut fructus in vsum aliquem effundunt, cum longè absit hæc sterilitas a cœlesti patre rerum opifice, apud quem est omnium quæ excogitari aut mente concipi possunt, copia & abundantia, summa vbertas, & affluentia, nulli non obuia & exposita sic ut liceat si visum est amplè & inculpatè illius munificentia frui, illius exornari muneribus, ita ut omnibus modis culpandi sint, qui à tam munifico Domino desciscunt, cum nulla subſit legitima defectionis causa, nec quidquam in eo possit desiderari. Quocirca rei indignitate permotus, adducto alio exemplo, scelus exaggerare pergit. *Nunquid, inquit, obliuiscitur virgo ornamentis suis, aut sponsa fasciæ pectoralis suæ? quæ redditur oculis spectantium commendatior? nulla certè ratione tam exit sui negligens, ut tale quiddam in animum induxerit, At populus meus, nulla habita dignitatis suæque salutis ratione, oblitus est mei diebus innumeris.* Cæterùm cum Deus saluberrima ac maximè salutaria remedia afflictis mentibus adhiberi velit, insultat Ægypti populo, quod sinistra parumque appositæ medicamenta vulneribus applicat, quibus exasperatur potius malum, quàm miteſcit. Proinde commonſtrat unde petenda: *Ascende, inquit, in Galaad, tolle resinam virgo filia Ægypti, frustra multiplicas medicamina, sanitas non erit tibi.* Erat autem Galaad vna ex sex oppidis, in quam ut in asylum & perſugium se recipiunt qui fortuitò atque impru

Galaad
Leuitarū
ſtatio, &
homici-
darum
aſylum.

imprudenter, nulla destinata malitia alicui vitam eripuerant, eaque ciuitas Leuitis & Sacerdotibus assignata erat, apud quos vigeat lex & verbi Dei ministerium. Siquidem vt Malachias ait, *Labia sacerdotis custodiunt scientiam, & legem ex ore illius requirunt, quoniam sit Angelus Domini exercituum*, hoc est, Dei legatus & interpres, cui incumbit docendi munus & doctrinæ studium. Quocirca propheta huc afflictum conuocat, atque à Deo eiusque ministris petendum auxilium demonstrat, alioqui non solum irrita fore remedia aliunde conquisita, sed etiam damnosa, quod iis vsuuenit qui in alium, quàm in Deum defigunt oculos, aut conualescendi spem collocant. Sic idem Vates contritæ & conquassatæ conuulsæque Babylo- ni, quæ est velut scelerum quædam officina, resinam adhibendam conclamat, si forte sanetur. Sed cum salutaria monita respuat atque auersetur, cum ad Dei verbum eiusque monita & vellicationes obsurdescat, vt insanabilem ac morbo deplora- to implicitum omnes certatim deserunt, atque aliud se confe- runt. Qua metaphora indicat Hieremias Concionatores sa- cros ad Dei ministros nulla non remedia adhibuisse sanandis eius vulneribus, medendis animi vitiis, atque extremam im- pendisse operam eximendis mentis erroribus: sed non succes- sisse curationem, omnemque medendi operam frustra insum- pram. Quocirca visum est illam relinquere suæ cæcitati, & subiicere Dei iudicio, à quo illi miseranda clades & acerba ca- lamitas, concitatis in illam hostibus ferocissimis, imminet, quod Christus etiam Iudæis euenturum denunciât, qui tot prouocati beneficiis, in Prophetas ac Seruatorem, eiusque asse- ctatores immaniter sæuierunt.

Num. 35.
Deut. 19.
Ios. 20.
Cap. 2.

hier. 50.

Matt. 19.

De vite, seu vinea, cuius partes atque appendices, sarmenta, palmites, malleoli, pampini, clauiculi, vel capreoli, vna, racemus, botrus, acinus vinaceus, seu acinorum granum: & quàm appositè horum pleraque Concionibus ac vari- ciniis adhibentur.

CAPUT XXV.

Cum multæ passim in sacris Bibliis ad stabiliendam veri- tatem, ac rei dubiæ vel obscuræ faciendam fidem Para- bolæ, hoc est rerum notissimarum similitudines narrationibus adhibentur, cum nullæ magis vel vaticinia, vel conciones illu- strant

- strant, quàm quæ ex vite eiúsque sobole desumuntur. Primum enim se offert insigne illud vaticinium Iacob Patriarchæ de Messia, qui ex Iudæ semine oriundus salutem & reconciliationem, reditumque in Dei favorem & gratiam mortalibus attulit. *Non auferetur sceptrum de Iuda, nec dux de femore eius*, hoc est, non desinet nec abolebitur imperium, donec veniat qui mittendus est, nempe Sospitator ac salutis auctor Iesus Christus, *Et ipse erit expectatio gentium*, hoc est, ad illum gentes se conferent, illius doctrinam amplectentur, illi fident atque innitentur, illius imitabuntur vitam, mores, & studia, *Ligans ad vineam pullum suum, & ad palmitem vitis asinum suum. Lauabit in vino stolam seu indumentum suum, & in sanguine vna pallium suum*. Quo crucis & effusi sanguinis mysterium exprimitur, cuius virtute expiati sumus, atque à diaboli mortisque tyrannide per resurrectionis efficaciam in libertatem asserti. Tale quid designat Esaias, cum inquit, *Erit in illa die radix Iesse, Qui stat in signum populorum, ipsum gentes conquirent & deprecabuntur*. Alludit ad erectum vexillum aut signum aliquod, quod eminens cõspici possit, quale nauræ Baken vocat, id quod velificantes interdum continenter oculos defigunt, ut noctu in Cynosuram aut polum arcticum, quo cursum inoffensè dirigant, nec vspiam impingant, aut diuersi rapiantur. Cæterum cum vitis aspectu sit amœna, pampinorum ac foliorum pompa, clauiculorum amplexu, vuarum turgescentium vbertate, in statu connubiali vxor numerosa prole fœcunda huic stirpi comparatur, cum David inquit, *Vxor tua sicut vitis abundans, quæ longè latèque palmites diffundit, in lateribus domus tue*. Sapientia verò sui commendatrix, Ego, inquit, *quasi vitis fructifera, gratissimum undique odorem diffundo*, hoc est, suauissima eloquia & salutarem doctrinam omnibus profero, quo refici possint, tanquam succulenta ac sapida vna. Quisquis enim huius sermonis amplectitur, prosperos successus est habiturus, magnæque in virtute progressus & incrementa. Quam fœlicitatem Deus per Oseam præclaris aliquot metaphoris Isaëli & quisquis in gratiam cum Deo redierit, pollicetur: *Sanabo*, inquit, *contritiones eorum, & diligam illos spontaneè*, quo indicat libertatem, & spontaneam gratitatemque peccatorum veniam, *Quia auersus est furor meus ab eis*. *Ero quasi ros Israëli, & germinabit quasi lilium aut rosa, & erumpet radix eius ut arbores Libani, & propagabunt se rami eius, & erit quasi olina gloria & decor eius, & odor ut Libani*. *Et germinabunt quasi vinea, & augebunt ut triticum*, quo etiam affluenter fruentur. Horum commemoratione omnium rerum affluen

affluentiam ac prosperitatem indicat, ac florentiam fore Reipublicæ statum, nec quidquam etiam defuturum eorum, quæ ad internum animi decus, mentisque ornamentum spectant, iis verò qui munificentia diuinæ immemores, deliciis ac voluptatibus dediti sunt, ac luxuria diffuunt, contraria omnia euentura Esaias denunciat, nempe vineas extirpandas, nullam fore vindemiam, defuturum vinum iis qui se inter pocula cantilenis, ac Musicis instrumentis oblectare solent, ac plus nimio lasciuire atque insolescere, illam denique subsequuturam cladem & vastitatem, ut populus quo ciuitates maximè illustrari solent, ad nihilum ferè redigendus, sic ut pauci futuri sint residui. Nam tale quid illi euenturum prædicit, quale decussis oliuis assolet ex olea, & racemis peracta vindemia. Ut enim in huiusmodi stirpibus non ita omnia decerpuntur, quin aliquid restet: ita ex ingenti clade quam perpassi sunt, exiguus aliquis numerus erit reliquus. In eodem argumento versatur per Hieremiam Dominus qui improbos non solum vastandos pronunciat, sed etiam fame ac rerum omnium inopia opprimendos adeò, ut desint vix vitibus, & non sint ficus in ficulnea, sic, ut decidentibus foliis nihil ex his sperari possit. Quo designat nulla fore sedandæ famis solatia, quibus corpus possit subsistere, nulla afflictæ mentis fomenta quibus possit fulciri: denique illos ad vnum omnes, sicut ficus, & vvas & colligendos ut nullæ restent reliqui: quemadmodum si finita messe aut peracta vindemia nihil supersit spicilegij, nulla racematio. Ut autem maturescerent vix sapida sunt & succulentæ, palatùmque & fauces sapore grato reficiunt: sic doctrina sana & salubris, sermo graciosus & suavis mœurs hominum fouet ac refocillat. Quocirca Moses doctrinam perniciosam & noxiam improborum hominum commercia eorumque vitam, mores & studia vix venenatis comparat quæ animos hominum noxia ac prauo succo imbuunt, mentesque bene institutas à Dei cultu & religione auertunt: *De vite*, inquit, *Sodomorum vinea eorum, & suburbanis Gomorra: vva eorum vva fellis, & botrus amarissimus, Fel & virus draconum vinum eorum, & venenum Aspidum insanabile*: hoc est, sermo illorum tam pestilent & venenatus est, ut confestim inficiat & perimat. Quò spectat illa apud Oseam subsannatio, in hos superstitiosa doctrina imbuti, ac cultu pernicioso dementati, respectant ad Deos alienos, ut ebriosi ad vini pocula & lagenas, *ipsi*, inquit, *respiciunt ad Deos extraneos, & diligunt vinacea vuarum*. Comparat enim illorum vesaniam qua rapiuntur ad idololatriam, temulentotum conditioni, quia semper ad calices & pateras vinique

nidorem

Cap. 24.

Hier. 8.
Cap. 48.Hieremiæ
locus explicatus.

Deut. 32.

Mosi locus explicatus.

Cap. 3.

Osee locus explicatus.

Esaï. 17.

Cap. 49.

Hierem. 10.
cus expli-
catus.Isaïe 7.
Esaïe me-
taphora
expl.

nidorem oculos ac nares habent intentas, ac conspēctis potissimis, vel temulentorum sodalitio exultant ac gestunt. Ceterum cum in vineæ mentionem incidimus illud obiter indicandum, Prophetas vitis vuarūque & aliarum stirpium nomine nunc rerum abundantiam ac fertilitatem, nunc inopiam & penuriam, nonnunquam populi raritatem vel interitum, aliquando frequentiam, & qui ex paucis in numerosam stirpem sunt propagandi. Sic Deus apud Hieremiam elegantī Metaphora Idumæos ita spoliandos pronunciat, ut nihil ex illis sit reliqui, adeò, ut hostes futuri sint illis paulò clementiores, quàm ipse: *Si te, inquit, vindemiatores aggressi fuissent, reliquissent forte racemum*, hoc est, non prorsus te expoliassent, aut omnibus tuis bonis exuissent. *Et si fures, nocturnique oppressores, ades tuas inuassissent, rapuissent quod visum illis fuisset sacrum*, non tamen omnia fortè conuastassent, sed passi fuissent aliquid superesse. *At ego, ait Dominus, ita spoliaui Esau, ita abdita quæque detexi, ut excussis omnibus angulis, nihil celari poruerit, nec vlla supellex sit relicta.* Cùm autem prorsus otiosa sit & detestabilis Deo superbia & fastus ex rerum affluentia ac prosperitate ortus, qua dulci fortuna ebrii insolescunt ac ferociunt, illam tamen acriter contundit ac reprimit, & tales quamlibet multos prosternendos pronunciat, ut segetes quas messorēs pleni vluis exporrectisque brachiis vellunt, atque in manipulos complicant, sic ut etiam ij qui ex paucis futuri sunt reliqui, colligendi sint, ut spicæ finita messe. interim plerisque superfuturos pollicetur, allata alia similitudine, ut vux in viribus, & oliuæ in olea. Quemadmodum enim nusquam tam exactè perficitur vindemia, quin aliqua supersit racematio, nec tam diligens oliuarum excussio, quin vel sub foliis aliquid delitescat, vel in cacumine aliquid se proferat: à clade & vastitate aliqui superfuturi sunt qui in spem misericordiae sunt reseruandi, *In die illa, inquit, attenuabitur gloria Iacob, & pinguedo carnis eius emarcescit. Et erit sicut congregans in messe quod restiterit, (ut in spicilegio assolet omnibus manipulis sublatis) & brachium eius spicas leget, interim, relinquetur in eo velut racematio, & sicut excussio olea, vel duarum, vel trium oliuarum in summitate rami, & sicut quatuor aut quinque in cacumine arboris.* Quo indicat opulentos atque optimates fastu & arrogantia turgidos deliciendos: ex tenui verò plebecula nonnullos superfuturos, quemadmodum exacta vindemia aliquot botri aut acini, quibus tenuiores se fouent ac recreant.

De Hyssopo.

CAPUT XXVI.

HYSSOPUS hortensis herba eodem etiam nomine Belgis cognita condimenti vice iuri innatat, quod eximij sit odoris, ac sapore non ingrato, sicut elixa quæque non minus salubria efficiat, quàm lapida, nam pectus & pulmonem expurgat, capitisque pituitam extergit, quocirca in expugnando pleuresi ac morbo quouis laterali singularem effectum obtinet. Quæ ratione visum est Deo herbam hanc solemnî sacrificio adhibere, cum vel leprosi lustrandi sunt, aut scelus aliquod piaculare expiandum intincto Hyssopi fasciculo in sanguine passerulorum vel vitulorum. Quocirca David adultærij atque homicidij scelere contaminatus, aspergi expiarique Hyssopo cupit, quò abster a omni macula animi mētisque puritate nitescat, respexit is ad veteris testamenti ritus & sacrificia, quæcunque enim purificabantur iuxta præscriptum legis Mosaicæ, sanguine cum lana coccina & Hyssopo aspersa, puritatem sunt consequuta. Quæ omnia umbram quandam & figuram exhibebant, vt Paulus ad Hebræos testatur, Christi cuius sanguine omnia nostra scelera expiata sunt. Cæterum cum Hyssopi mentio incidat in libris Regum, ac Salomon disseruisse memoretur de arboribus à Cedro Libani vsque ad Hyssopum quæ erumpit à pariete, non videtur mihi nostra designari quæ non est exilis & minuta herba, sed aliquando spicato purpureoque flosculo in sesquipedalem magnitudinem assurgit. Quocirca Adiantum siue capillum veneris illum intellexisse interpretor, cirratis crispisque foliis, quæ nisi murorum aspergines persequitur, & quoniam rutæ foliis affinis est, hanc Belgæ *Steenruy'e* vocant, hoc est, murariam rutam. Hunc *Trichomanes* affinis insdem semper locis proveniens quæ recto stylo eoque iunceo assurgit mediij digiti longitudine, foliis minutis, utroque latere distincta serie, concinnoque ordine digestis, virore perenne, utraque herba eisdem habet effectus, atque vt Hyssopus tussiculosis & anhelantibus pulmonisque vitiis medetur. Vocantur autem nunc polytrichi nomine, nunc celtitrichi, ab effectu quo capillum confirmant, & nigredine imbuunt, illumque crispum & densum perficiunt. Quoniam itaque exiguus est humilisque fruticulus, vix palmari altitudine, atque è parietinis erumpit, hunc pro Hyssopo designari arbitror. Nam hic illius dicti sensus. A celsissima quauis

Hyssopi effectus.

Leuit. 14.
Num. 19.

Psal. 50.

Exod. 24.

Cap. 9.

3. Reg. 4.

quavis arbore ad minutissimam herbam quæ parietinis innascitur, omnia illum exactissimè habuisse explorata.

De arundine quæ Græcis Calamus, Belgicè Riet vocatur, eiusque differentiis, de lino, stipula, quisquiliis & plerisque aliis, ex quibus similitudines desumuntur.

C A P V T XXVII.

Arundinis plures sunt differentiæ, vna species est laeuore perpolita, enodis, nullisque distincta geniculis aut internodiis, quæ Typha palustris vocatur, qualis Christo pro sceptro regali in manum tradita, in affectati regni ludibrium. Est huic stirpi sceptri regalis aut imperatorij forma, cuius cacumen duarum ferè palmarum altitudine, ac crassitudine pollicari, densa compactaque lanugine stipatur, quam si manu aut digitis demulceas, holosericum aut villosam quandam congeriem contrectare te credas, quæ tamen post dies aliquot dissoluuntur in pappos, atque in diffusam lanuginem euanescit. Alia in locis humectis atque irriguis passim conspicitur, quæ *Canna palustris* aut *Donax* vocatur, culmo geniculato, terete, fistuloso, lanuginosa in cacumine congerie, eaque diffusa non compacta. Scætant hæc passim vrbanae fossæ quæ mœnia ambitu muniunt, & in pomæriis paludosa loca ac stagnantia. Plebecula apud nos æstiuis mensibus radicem huius stirpis certatim eruit, quod habeat esculenti quiddam non sine nauseosa quadam dulcedine, quæ qualitas efficit vt apostemata ad suppurationem perducant, ac spicula spinaeque atque aculeos corpori infixos extrahant. Quoniam autem arundo nutati est cacumine, aurâque leuissima hinc inde impellitur, ob id illi assimulantur inconstantes, mobiles, lubrici, vacillantes, volubiles, & qui in dictis factisque, atque in omni vitæ actione non satis sibi constant, aut in sententia firmiter persistunt, nempe arundine magis volubiles. A quo vitio cum Ioannes Baptista esset alienissimus, Christus in laudem eius constantia, & quod illius doctrina ac de Messia testimonium veritati forent consentanea, prolixam concionem habuit, qua persuasum esse voluit promiscuæ multitudini, illum arundini vento agitatæ prorsus dissimilem, vt qui nusquam vacillet, aut aliud stans, aliud sedens loquatur, vel leui momento à paulò ante probata sententia dimoueatur, sed constantem esse stabilem, veracem, & cuius verbis nulla subit vel leuitatis vel inconstantia suspicio,

Matt. 27.
Typha
palustris
quid.

Canna
palustris.

Arundinis
radix es-
culenta.

Luc. 7.
Christi de
Ioanne
præconiū.

suspicio, quocirca æquum esse, ut quiuis magnificè de tanto præcone sentiat ac loquatur, illudque non ex vulgata hominum opinione, sed ex rei veritate æstimet. Cæterum ut reliqua persequar, ex Arundinis conditione desumitur Prouerbum, *Scipioni vel baculo arundineo inniti*, de eo qui spem suam ac fiduciam collocat in illo qui non solum non fulcit aut præsidio est, sed etiam nocet, ac detrimenta infert. Eadem vititur Metaphora Esaia teste Rapsaces in obsidione Hierosolymæ, qua inuictum Deoque fidentem Ezechix regis animum labefactare nititur, omnibusque machinis ac minis ad deditionem sollicitare Apud Ezechielem quoque Dominus eadem vsus similitudine insultat regi Ægypti, illique internecionem minatur. Cum enim Israëlitas illius præsidio innixos fulcire studuit, *ipse velut baculus arundineus confractus*, & sibi vulnus inflixit, & illos fœde laceravit, lateribus humerisque vndique dissolutis ac perforatis. Quo indicat omnes illorum vires attritas & collapsas esse, omnéque belli robur conuulsum & dissipatum. Sic enim Deus, ut David testatur, increpat feras arundines, hoc est, hastatos ac lanceis armatos milites conuellit, labefactat, prosternit ac delicit, Metaphora desumpta à longis firmisque arundinibus, quales etiam brachij crassitudine spectamus, quas in acie vibrari solent, atque eminens cuspidem hosti obicere: quod nunc Turcas in Palæstina factitare audio ab iis qui ea loca religionis ergo frequentant. Similem cladem Deus stirpi Hieroboam intulit, atque Israëlitas idolorum cultui deditos concussit more nutantis in aqua arundinis, eosque euulsit è terra vberè & fœcunda quam a progenitoribus Dei innere erant consequuti. Quo desigant illos ad nihilum reductos, atque opibus, potentia, honore, dignitate spoliatos. Ut autem Deus desumpta ab arundine similitudine, inani fiducia inflatos, & qui rebus caducis momentaneis innituntur, nonnuquam conuellit & delicit: sic è diuerso fragiles, imbecilles, pusillanimos, vacillantes, mœstos erigit, consolatur, fulcit, animumque ægrotum ac labantem salubri doctrina fouet, instaurat, reficit. Quo referri debet insigne illud vaticinium apud Esaia de Christi lenitate & mansuetudine, quæ afflictas quasque mœtes in spem salutis erigit. *Ecce seruus meus quem elegi, dilectus meus in quo sibi complacuit anima mea. Pone spiritum meum super illum, & iudicium gentibus annuntiabit, non cõtendet neque clamabit, neque audiet quisquam in plateis vocẽ eius, arundinẽ comminutã nõ confringet, & linum fumigans non extinguet, nõ erit tristis nec turbulētus, & in nomine illius gētes sperabũt.* Duabus hisce metaphoris, nempe arundinis conuassatæ seu confracti

Cap. 36.
4. Reg. 18.

Cap. 29.

Psal. 67.

3. Reg. 14.

Esa. 42.
Luc. 4.
Cap. 42.
Matth. 21

Esa. 61.

Esa. 10.
cus ex-
plicatus.

confRACTI calami, & lini fumigantis declarat, quanta Christus erga contritas afflictiſque mentes mansuetudine & clementia, quam ſalubri doctrina in ruinam inclinatos erigat, labentes fulciat, mœrentes ſoletur, imbecilles & vacillantes in fide inſtauret, & ſi quid aliunde acceſſerit damni atque incommodi, reſarciat, adeo vt plagas menti illatas leniter tractet & placide, nihil agat vi, minis, terrore, ſæuitia, vt nonnulli feroci & turbulento ingenio, qui lapſos ſublata omni reſpiſcentiæ ſpe, ſæuius tractant, quàm mansuetudo Chriſtiana exigat. Similiter nec linum fumigans extinguet.

Quæ ſimilitudo deſumitur è lychno penſili, ſiue ellychnio, vel ſtupa, vulgo *Lement* quod oleo imbutum, flammam alit nonnunquam ſubobſcuram & fumidam minùſque luminofam, vbi vel pinguedo deſit, vel parciùs illa fouetur: itaque hac comparatione designat fidem modicam, debilem, vacillantem, inclinatam, quæ tamen non priuſ extincta ſopiràque eſt, licet aliquando ſit extinctioni proxima, quam Chriſtus, & quiſquis eius miniſterio fungitur, nec extinguit, nec opprimit, ſed tantisper dum aliqua pietatis ſcintilla emicet, & ſubſit menti vel exiguus igniculus, nutrit, fouet, exſuſcitatur, atque animum Spiritus ſancti ſtabello accendit & illuſtrat, vt diſcuſſa omni caligine lumen fidei & pieratis perſpicuè eluceat, ac longe latèſque in vſum proximi ſe diffundat. Ita autem Deus doctrinam ſuam quæ eſt velut fomētum animæ, mentiſque pabulum, temperat & moderatur, ne quis nimia ſeueritate poſſit ab inſtituta profeſſione reſilire, atque ab Eccleſia alienari, nec etiam lenitate & mansuetudine nimia, tanquam molli educatione corrumpi, ac ſeueritate quadam oſcitante ac ſupina ad omnem virtutem obtorpeſcere. Siquidem iudicij ſeueritate in officio continentur impij, imbecilles lenitate & mansuetudine. Sic in Euangelio quo cuique ſalus depuncitur. *Dulcia permixta amariſ*, hoc eſt, conſolationes minis & amara dulcibus, hoc eſt, minæ conſolatione mitigatæ. Per fumum, & vaporem nebulas, per fœnum feſtucas. paleas, ſtipulas, fauillas, pulueres, quiſquilias aliâque reiectamētâ deſignatur, in Bibliis cum homines, tum res viles, leues, inanes, futiles minutæ, nihili, nauci, nulliùſque momenti vel pretij, & quæ plus detrimenti, quàm commodi adferunt. Ex his variæ & multiplices ſimilitudines à ſacris ſcriptoribus ſumuntur, quibus narrationes ſuas exornant. Sic Deus impios vt paleas diſſipandos pronunciat, exurendos vt ſtipulas, vt puluerulentas quæque diſcutiendos, vt quiſquilias aliâque venti ludibria diſpellēdos. Quò ſpectat illa apud Iob ſententia. *Lucerna impii-*

Doctrina
Chriſti
quid mēti
praſtet.Quiſqui-
liæ quid
designēt.Pſal. 1.
(2p. 24.
Pſa. 17.
Iob 21.

rum extinguetur, hoc est splendor eorum gloria, honor, decus, magnificentia obscurabitur & exolefcet. *Et erunt improbi velut palea ante faciem venti, & sicut fauilla quam turbo dispergit*, hoc est, repentinò funditus comminuentur. Sic Isaias tritुरandos pronunciant Moabitas, & quicunque Dei verbo obfistunt, ut teri solent palea in palustro, & non minore negotio absumuntur, quam ignis deurit stipulam aridam. Non minus atrociaminatur iis quibus consuetudo peccandi in naturam abiit, & vitiis suis iam domesticis atque assuetis occaluerunt. *Si mutare potest Aethiops pellem suam, & pardus varietates suas*, hoc est, tegmen maculosum illi natium, & vos poteritis benefacere cum malis estis assueti. Quocirca ego vos dissipabo tanquam stipulam quae vento rapitur in deserto. Simili clade perituros denunciat apud Esaiam illos qui cultus adulterinos stabiliunt, & omne praesidium ac fiduciam in idolis constituunt: *Eritis*, inquit, *sicut quercus defluentibus folijs, & sicut hortus absque aqua. Et erit fortitudo vestra*, hoc est, Deus ille ficulneus, cum innixi estis, *ut fallilla stupea, & opus vestrum quasi scintilla, & succendetur utrūque simul*, nec erit qui extinguat, hoc est, Omnis illa pompa ac spectaculum fictae religionis abolebitur incendio, ut purgamenta lini & stupea congeries accensa face deflagrant. Cæterum ut reliqua persequar, Amos propheta acriter insectatur negotiatores frumentarios, quod cum granaria habent onusta frugibus, in annonae penuria famelicam turbam deglubunt, ac praeter stateras dolosas, trutinamque accisam ac parum æquā qua populares defraudant, tenui plebeculae pro sincero tritico quisquilias, paleas, glumam, acus, hoc est, peripsemata seu purgamenta furfuribus deteriora obtrudunt, ac carius diuendunt ac fallaci astu, inopia reddunt sibi obœratos atque obnoxios, ut non diuciti, etiam si merces vilius prostant. Quoniam nemo debitorum Graeca fide, hoc est, prompta numerataque pecunia emptionem cum creditoribus transigit. Quod si cui libeat hanc prophetæ Satyram excutere, quam contra hos instruit, qui plus nimio quæstui inhiant, magnoque inopum detrimento pretia rerum intendunt, dilucidè perspecturus est, quàm graphicè atque ad vinum nostræ ætatis homines suis coloribus depingat, & quid Deus illis minetur, qui pauperes absorbent, atque egestate oppressis victum vitæque subsidia subtrahunt. Verum iis missis, sermonem referamus ad Metaphoræ, quæ ex inutili ac volatili hac congerie desumuntur ad illustrandas res veras ac solidas. Deus cū apud Hieremiam verbum ac doctrinam suam cum primis salutarem, efficacissimam in erigendis pascēdisque famelicis mentibus prædicens tritico

Cap. 6

illam comparat, quod solidum alimentum corpori præstat, ut illa animæ, doctrinam verò inanem, superstitiosam, adulterinam, fucatam, instabilem, fallacem, noxiam, infrugiferam somno ac paleis, *Quid tritico*, inquit, *cum sacramentis & paleis*, hoc est, quid vanitati cum veritate? quid somno inani ac fallaci cum re vera, certa & indubitata? quid densissimis tenebris cum clarissima Euangelij luce? Paleæ etiam metaphora Ioannes Christi præco vitur cum acriter instigat socordes ad amplectendam salutem: adesse enim Messiam qui accepto in manu ventilabro, *expurgabit aream suam, & congregabit triticum suum in horreum: paleas verò exuret igni extinguibili*. Quibus verbis indicat pios recipiendos in æterna tabernacula post exactos huius æui labores: impios verò æternis incendiis destinandos. Ut autem Ioannes magna seueritate commonefacit populum officij sui, & hortatur ad resipiscentiam adhibitis parabolis de securi arbori admota mox excindenda, de secernendo tritico à paleis: ita Christus cui semper fuit odiosa ac detestabilis hypocrisis, hoc est simulata sanctimonix species, fictaque pietatis vmbra, adducta trabis & festuæ similitudine, acriter castigat illos qui plus nimio sunt oculati in alienis vitiis ac minutissimos errores curiosius obseruant, eosque exaggerant in immensum, cum vitiis suis maximè blandiantur, eaque ita exrenuent, ut in nihilum recidere patiantur. Quò autem huiusmodi vitiosi affectus & complures alij, nempe philantia, hoc est cæcus amor, sui que fiducia & fastus, arrogantia animi elatio, proximi despectus, odium, ira, vindictæ cupiditas hominum animis eximantur, sacri vates ac sapientiæ professores mentes illorum ad modestiam sui que cognitionem ac naturæ noticiam reuocant, ut obseruare condiscant æui huius breuitatem, & quam sit inanis, fugax, fragilis, caduca, euanida vita mortaliū: & cum innumeris malis exposita, tum angustis artibusque finibus terminata, breuissimis spatiis circumscripta, sic ut ab iis appositè spiritus ipsaque vita qua homo subsistit, somnium censeatur, fumus, vapor, halitus qui confestim euanescit, atque in aëra diffunditur, vmbra, bulla, fœnum & herba citè arefcens, flos & folium mox deciduum & ut Iob ait, ventus qui per aëra voluitur. Quibus metaphoris designant sacri vates gloriam, decus, magnificentiam, & quidquid est humanæ sapientiæ, quidquid fortitudinis & prudentiæ, vanum esse, fluxum, caducum, ruinosum, nisi stabili atque æterno Dei verbo fulciatur, nisi cœlesti virtute sustentetur. Hæc omnia scripturæ testimoniis abunde stabiliri possent, sed opus in immensum cresceret. Quocirca quædam in margine designasse

Mat. 3.
Simile
tritico
&
paleis.

Mart. 7

Jacob. 4.
Psal. 36.
67. 101.
103.
Iob 8. 14.
13. 7.
Esa. 9. 45.
Osea 13.
Esa. 40.
Iacob. 1.
1. Pet. 1.
Eccl. 14.

gnasse sufficiat, quæ studioſo auidóque lectori, ſi perquirere velit, omnium ſpecimen ſunt exhibitura.

*De Cucumere, & plerisque aliis herbis, quarum in
Bibliis fit mentio.*

CAPUT XXVIII.

Cucumis vel cucumer notior eſt quàm vt deſcribi debeat. Exod. ix.
Hunc autem & pleraſque alias herbas Hebræis atque
Ægyptiis fuiſſe vſui Bibliorum hiſtoria commonſtrat. Cum
enim Moſes vexaretur à populo Iſraëlitico, vulgus promiſ-
cium flagraret deſiderio carniū: *Quis, inquit, dabit nobis
carnes ad edendum?* recordamur piſcium quos in Ægypto co-
medimus. In mentem venerunt cucumeres, pepones, porri, ce-
pæ, & allia. Iſtis autem non ſolùm plebei j vtuntur, ſed etiam
patricij partim in obſoniis & condimentis, partim in acetariis
cum oleo, aceto & pipere ad acuendam cibi auiditatem. Erexe-
runt olim in vinetis & cucumerariis caſas & tuguriola, quod
etiam hodie Galli & Belgæ faciunt, in quibus cuſtodes excu-
babant, ne quis alienos proventus inquaderet, peraſta autem
vindemia, ac ſublatis cucumerum aceruis, ſubducebant ſe ex-
cubitores, ac gurguſtia deſeruerunt, nulláque amplius con-
ſpecta hominum frequentia. Ab hac ſolitudine deſumit ſimili-
tudinem Eſaias contra Ieruſalem, quam pronuntiât deſolan-
dam ac redigendam in vaſtitatem, vt vix tenne veſtigium ſu-
perſit, futura ſit velut in deſerto vineto & cucumerario tugu-
rium. Et erit, inquit, filia Sion, vt umbraculum in vinea, & ſicut Cap. i.
tugurium in cucumerario & ſicut ciuitas obſeſſa qua vaſtatur. Ba-
ruch autē ſtatuas, delubra & ſimulacra idolorum non plus ter-
roris incutere ait, quàm tugurium in cucumerario. Nam quale
eſt, inquit, formido aut terriculamentum in cucumerario nihil cuſto-
diens. Tales ſunt iſtorum *Dij lignei, aures & argentei, aut qualis eſt
in horto Rhamus aut ſpina alba cui auicula inſident.* Alludit ad
Priapi ſtatuaſ quæ in hortis collocari ſolet ad abigendos tor-
rendoſque nocturnos fures. Quod huiuſmodi verſibus indicat
Horatius qui Baruch verbis prorsus conſonat, ac pari irriſione
vulgi ſuperſtitionem exagitat.

*Olim truncus eram ficulnus, inutile lignum,
Cum faber incertus, ſcamnum faceret, ne Priapum
Maluit eſſe Deum: Deus inde ego furum auiumque
Maxima formido, nam fures dextra coërcet,
Obſcenóque rubes porrectus ab inguine palas,*

*Ast importunas volucres in vertice arundo
Terret fixa, vetatque nouis confidere in hortis.*

De Iunipero.

C A P V T XXIX.

Cap. 4.
3. Reg. 19.

VT Cucurbita umbraculum & velut opus topiarium Ionæ præbuit, atque à Solis æstu liberauit : sic iunperus Helix ex itinere lassio ac defatigato umbram exhibuit. Cum enim vates hic profugus cessisset furori Iesabelis, ac loca deserta peragraret, sub quadam Iunipero cœdedit. Hoc siquidem arbustum cum densius frutificetur, ad arcendum Solis calorem non est incommodum. Quocirca mœsto & delassato fuit is secessus molesti itineris solatium, cum autem is paululum respirat inædia tædiôque confectus, finem vitæ sibi imponi cupit. Cæterum cum somnus (vt sic constitutis assolet) obreperer, ac ille paululum obdormisceret, ecce aderat genius, & illum ad cibum capiendum inuitauit, oblato pane cinericeo, & aquæ poculo, quo refocillatus rursus iter ingressus prouenit ad montem Oreb, in cuius spelunca noctem illam securè peregit tutus ab insidiis illorum qui furibundæ mulieris mandato Dei prophetas ad mortem rapiebant. Quæ documento cuique esse debent, Deum in vitæ huius stadio miris modis suos exercere, verum non prorsus destituere, quos tametsi calamitatibus premi patiatur, nonnunquam tamen illos opprimi sustinet. Iob cum ex tanto opulentia & felicitatis gradu in extremas calamitates esset deiectus, deplorat se irrideri ac subsannari à sordidis infimæque sortis homuncionibus, qui præ egestate atque alimentii inopia victum in syluis venabantur, ac Iuniperi rubique baccis, atque herbarum radicibus famem sedabant, vt conspiciamus hodie validos vagosque nebulones quos nostri à liguriendis ollis (nam encenia festaque Genialia passim confectantur) *Pot boeuen* vocant, radices Iringiorum, dauci, pastinacæ syluestris eruere, atque acinos rubique mora ex sentibus & virgultis decerpere.

Helias
profagus.

Cap. 30.

De Labruscâ.

C A P V T XXX.

Labruscâ vitis est syluestris, vnam proferens gustatu peracerbam, quæ non maturescit. Hunc fructum quoniam

niam nihil gratum palato proferat, Deus moribus & naturæ hominum deprauatæ apud Esaiam accommodat. Cum enim Cap. 5. formandis colendisque Iudæorum mentibus nihil non operæ, nihil non laboris impendisset, omnis labor & industria frustra insumpta est. Quantumvis enim studiosè atque accuratè vineam suam excoluerit, nihil effectum est, nec vuas vllas lapidas produxit, sed labruscas, hoc est, acerbæ & immaturas vuas. expectauit ex tam diligenti cultura iudicium, æquitatem, mores inculpatores, vitæ integritatem, gratitudinem erga tam sedulum atque industrium cultorem: sed vice versa, prolata sunt Esa. 17. acerbissima quæque, iniquitas, iniustitia, virtutum neglectus, odium, ira, indignatio, ingratitude erga tam munificum animi mentisque cultorem. Eandem vocem accommodat impiis quibus Deus in obliuionem & contemptum deuenit, quorum irritum fore conatum indicat, ac frustra illos laborem insumpturos excolendis vineis. Sic in die, inquit, plantationis tuæ labrusca proueniet. plantabis plantationem amœnam, sed germē alienum conseres, hoc est, tametsi amœna plantaria humo commiserit ex generosa vite desumpta, sic vt omnia tibi spem optimam polliceantur opimæ vindemiæ, vbi aduentare incipiet maturitatis tempus, pro suauissimo fructu labruscas percipies. Similiter in segetibus quæ maturius ad messem deuenisse tibi videbitur, peribit tibi speratæ annonæ prouentus. eo siquidem die quo demetendæ erunt fruges, ac messi insistendum, alieni subito irruent ac depopulabuntur segetem, nec quidquam in horrea conuehes eorum quibus tam sedulam curam impendebis. De his paulò fusius superius quædam enarrata sunt.

De Mentha, Ruta, Anetho, Cumino, quæ Christus parabolis adhibet in insectanda Phariseorum auaritia, & fucata Religionis sanctimonia.

CAPUT XXXI.

Herbæ istæ in crebro vsu sunt apud omnes cum plebeios tum patricios, ac passim in compitis & triniis prostant venales. Quoniam autem olitores visi sunt aliquem quæstum ex iis consequi, Pharisei decimarum exactionibus etiam hæc grauare cœperunt, atque aliquid lucri ex iis corradere. Quocirca cum CHRISTO inuisa esset simulata Reli- Matt. 23.
Luc 11.

gionis species, atque auaritia Scribarum detestabilis & odiosa, & insectatur illos acriter & seuerè qui omnia ad compendium suum rapiunt, ac minutissima quæquæ consecretantur, cum illa quæ multum habent momēti ad summam pietatem & in quibus consistit columen Religionis, negligent, nec ad ea magnopere sint intenti. Sic in extorquendis decimis adeo sunt superstitiosi, vt è vulgaribus oleribus mentha & anetho quæ Belgæ *Du* vocatur, decimas exigant, cum pro nihilo dicant iudicium, misericordiam, fidem, quæ virtutes illos commonefaciant ne quem afficiant iniuria, vt egenis subueniant, ne quem fallant periurio, sed cuique fidem seruent. Itaque iis neglectis quæ sunt in Religione præcipua, suum negotium agunt, suumque quæstum ac commodum plus satis spectant in maximis cæcutientes, in minimis mirè oculati.

De Sinapis vi & natura, cui fides ac Dei verbum comparantur.

C A P V T XXXII.

Quo omnibus innotescat ac persuasum sit, quàm salutaris sit doctrina Euangelica, quæ mentes hominum in Deum eiusque notitiam erigit, ac fide solida, imbuunt Christus multis variisque parabolis ex rebus passim obuiis desumptis, nulli nō mortalium ad hanc amplectendam autor est & instigator. Comparat autem regnum cœlorum, hoc est, doctrinam Euangelicā quæ fidem alit ac fouet semini, margaritis, fermento, sagenæ siue ferriculo, grano Sinapis minuto quidem illi & exili, sed quod vi efficaci & adurente torpētē linguam vellicet ac parlato languescenti saporem gratum exciter. Sic omnes nationes huius semine comminuto, attritoque matutaria vel trusatili mola affuso acero vel omphacio condimēti vice vtūtur. Quē admodum autem Sinapis minutissimum semen solo commissum vbi adoleuit, in stupendam proceritatem assurgit, ac longē lateque ramos diffundit adeo vt alitibus & vmbraculum & nidulandi commoditatem præbeat: ita verbum Dei & fides minimè otiosa, tametsi in speciem humilis videtur & exilis, se tamen sensim propagat, atque vt fructifera frondosaque arbor, vires, incrementa suscipit. Rursus vt Sinapis mus, hoc est, caraplasma ex cōtuso sinapis semine, membris stupidis vel letargo, vertigine, apoplexia, paralyti, epilepsia oppressis morum sensūque excitat, atque inulceratam nonnihil cute, sanitati restituit. Quocirca ardor & acrimonia Sinapis, saporque feruidus & ignitus,

Matt. 13.
Luc. 13.
& 17.
Marc. 4.

Par esse
aus ver-
bi Dei &
sinapi.

ignitus,

Ignitus, qui non sine narium vellicatione lachrymas elicit, ac caput sternutamento à pituita expurgat, appositè verbo Dei assimilatur, quod etiam mentes concutit, vrit & inflammat, atque animos languidos & oscitantes ad pietatis studia incitat atque accendit, & nonnunquam poenitentiae lachrymas extundit. Cum sollicitudinem ac curam rerum terrenarum, qua ferè discrucari solent anxiae mentes, Christus animis hominum eximit, lilia nos contemplari vult non hortensia, quibus cultus adhiberi solet, sed agrestia ac sponte nata. Itaque horum exemplo in munifici patris fiduciam nos excitat, qui nobis de pabulo & com meatu affluenter prospicit ut alitibus: de victu, de nitore cultuque vestium, ut liliis agri, quae tam nitidè tamque operosè exculta sunt, ut ne Salomon quidem Regum amplissimus conspici potuerit vel cultior vel ornatio, etiam cum in summo splendore esset constitutus. Quamobrem Christus summo studio inhiare nos vult doctrinae Evangelicae, ac rerum caelestium contemplationi insistere, adeo ut nihil nobis defuturum polliceatur earum rerum quae in hac fragili vita & caduca necessariae sunt, ut etiam ultro ac spontanea Dei liberalitate sint accessurae.

Matth. 6.

*De hedera quae arboribus ac parietibus tenaci
amplexa adheret.*

CAPUT XXXIII.

Hedera quae Ionæ Prophetæ aduersus Solis æstum vmbra-
culum præbuit (quamquam alij Cucurbitam satis appo-
sitè verterunt) ab hærendo nomen sortita est, quod natura sit
sequaci, omnibusque se affigat. Hinc Persius;

Cap. 4.

In proœ-
mio.

Heliconidasque & pallidam Pirenden

Illis relinquo, quorum imagines lambunt

Hedera sequaces.

Cum autem hæc arbor Baccho poëtarum præsidii sit consecrata
ut olea Mineruæ, ob id poëtæ hac coronari solent, quemadmo-
dum lauro victores.

Hedera
Baccho
sacra.

Sic Virgilius,

Pastores hedera crescentem ornate poëtam.

Et cum Augustum orbis domitorem suo poëmate celebra-
ret, allegoricos petit, suo quoque carmini locum esse in-
ter eius triumphos, ac patiatut hedera qua poëtæ exornari
solent,

Eclog. 7.
Laurus
victoris
sacra.

solent, inter lauros Imperatoribus victoriosis dicatas, nonnullum locum obtinere.

Eclog. 8.

*A te principium, tibi desinet. accipe iussis
Carmina cœpta tuis, atque hanc sine tempora circum
Inter victrices hederam tibi serpere lauros.*

Lib. 2.

Cap. 9.

Hedera
cur Bac-
cho sacra.

De re
rustica.

Hedera
vino obfi-
sit.

Cucurbi-
ta.

Cum autem superstitiosa gentilitas Bacchi orgia, hoc est, sacra Liberi patris tertio quoque anno (vnde *Trieterica* dicta) solenni ritu celebraret, ex hac virente fronde sceta & coronas confecit. Sic in libris Machabæorum Antiochus Iudæos cœgisse legitur, vt detestatis patris legibus, contemptisque diuinis institutis bacchantium more hedera redimiti orgia celebrarent, & qui id facere recusaret, morte plecteretur. Quod autem hæc arbor quæ perpetuo frondet, nec vnquam foliis destituta est, Baccho sacra sit, hinc ortum puto, quod ebrietati obstitat, ac discutiendis capitis doloribus ex temulentia contractis sit accommoda, foliis etiam aut ramusculis foris capiti admotis, sic, vt videri possit huius arboris vmbra Ionæ vati non incommoda, vt quæ capitis grauedinem ex æstû & lassitudine contractam discutiat. Mira autem describitur à Catone vis & natura Hedere. Si enim poculum ex ligno eius conficiatur & vino impleatur, si id dilutum sit atque aquæ mistum, continuo vinum effluit, atque internè per lignum diffunditur. Tanta est enim inter hac *antipathia*, hoc est, discordia, vt alterum alteri admisceri non sustineat, sed vasculum hederaceum vinum respuat. Cæterùm an hedera fuerit quæ Ionam ab ardore Solis tutata sit, & quam indignanter tulit exarescere, radice à verme erosa nonnulli interpretes, tum etiam Augustinus ambigit: cum Cucurbita in eum vsum sit accommodatior, quam vox Hebræa designare videtur, quod amplissima folia proferat, atque clauiculorum amplexu in sublime nitatur, opusque topiariarium citissimè perficiat, sub quo captare opacum frigus atque æstum, solisque ardorem propulsare liceat. cum enim infrigidantis sit naturæ, feruido cœli statu foris corpus à calore ruetur: intus etiam atque in corpus admissa intemperiem ex æstu contractam mitigat, vt acetaria ex cucumere, melone, perpone, citrullo, lactucis, atriplice, portulaca confecta, quæ primis mensis inferri solent, atque etiam eorum nonnulla uariis admoueri, quo spiritus collapsi recreentur.

De Moro arbore, & fructu eius.

CAPVT XXXIV.

Morus arbor Belgicæ nationi notissima æstiuis mensibus in vsum refrigerandi expetita caudice est vel trunco valido, cortice vbi adoleuit, scabro, nec vlllo læuore perpolito, ligno intus colore buxæ & subflauo, foliis in expansæ manus modum dissectis, sicui non absimilibus, fructu oblongo, ouali granoso, primum candido, cum pubescit, rubro, maturitate nigricante arborum omnium postremò floret, nec in folia floresque se expandit nisi ver stabile sit, quasi nolit vllam hyemis iniuriam aut aëris inclementiam perpeti, at quæ omnium primò fructum maturum & esculentum edat. Inficit Morum manus sanguinolento colore vbi maturit: eluit exergetque maculas ac næuos immaturum, hoc est, album ac nondum rubicundo colore perfusum, sic vt nihil necesse sit aquam aut quid aliud extergendis manibus adhibere, sed succum tantum mororum quæ adhuc virescunt. Fructus huius arboris salubriter expetitur in refrigerandi vsum, æstiuis præsertim mensibus, quibus potissimum viget, idque in prima mensa atque ante cibum assumptus, nam peracto prandio aut cœna in corpus admissus putrescit, ac morbis ex corruptione excitatis seminaria ministrat, vt Cerasia, pruna, corna, persica, vix recentia, &c. quæ ante cibum refrigerant, sitimque sedant, ac calidam hepatis intemperiem mitigant ac reprimunt: nec verò grauati post cibum admittere soleo, modò horum fructuum succus deglutiatur non admissò in corpus cartilagineo illo stamine quod à pediculo cui fructus adhærescit per morum se porrigit: sic enim vino exhilaratis fumos reprimat, vt poma succulenta, punica, arengia, limones, & mala citrea quæ absoluto prandio hoc efficiunt, vt quis minus ebrietati succumbat, & mens illi minus fumo ac vapore vini obnubiletur. Sic enim naturali ratione non videri possit alienum, nec valetudini contrarium quod Horatius cecinit,

— Ille salubres

Ætates peragit, qui nigris prandia moris

Finiet.

Alioqui si affluentius deuorantur mora, vt à lasciuis ac petulcis puellis assolent, substituendum est, *Incipiet.* Conficitur ex mori arboris fructu, tum ex eo qui ex Rubo colligitur

- Mora
quando
edenda.

medicamentum aut *ἐλεεινός* quod *Diamoron* vocatur, reprimendis vuluæ ac tonsillarum fauciumque tumoribus aptum. Adimi autem aliquando hæc solatia ac naturæ formenra improbis qui vel Dei munificentiam non agnoscunt, aut eius donis abutuntur, David passim testatur, inter hæc alias quoque vitæ delicias complexus. *Consumpsit*, inquit, *bruchus & locusta fruges illorum, grando vites, & pruina moros eorum*. Sæpius enim contingit aëris inclementia atque intempestiuo gelicidio florescentes vineas, moros, segetem, oleas ita confici, ut nullus prouentus ex illis percipiatur. Cæterum cum in Mori mentionem incidimus, obiter enarrandum quod in Machabæorum historia scriptum est. Cum enim Antiochus Syriæ rex Iudeis esset infestus, atque omni armorum genere illos oppugnaret, duos & triginta Elefantos, in illorum dorso turribus ligneis erectis, armatoque milite instructis, in aciem produxit, & quod belluæ efferatæ in pugna essent ferociiores, obiecerunt illis rubicunda velamina mororum atque vuarum rubentium succo perfusa, nam sanguinolento colore exasperatur elephantes, atque in hostem sunt atrociores maiorque impetu feruntur.

Psalm. 77.

2. Mach. 6.
Historia
ex libro
Machab.Elephanti
rubro colore
effe-
rantur.

De Sycomoro, & Caprifico.

CAPVT XXXV.

Sycomori
descri-
ptio.

Luc. 19.

Math. 21.

Luc. 17.

SYcomorus vtriusque partis nomen exprimit adscito à ficu & moro nomine, cuius fructus est Sycaminos. Arbor adscribitur à Dioscoride & Plinio amplissima, ficus similitudine, foliis moro proximis, quæ fructus edit ignavi gustus, inspidos & immaturos, quos non ramis ut ficus, sed caudice ipse gerit, caprificis similes, & qui non maturescunt, dulciores tamen præmaturis ficibus quas *Crossulos*, vocant, nullius granorum congerie præbuit hæc arbor Zachæo qui Christi viuendi erat audus, suggestum. cum enim statura pusillus esset, in Sycomorum se subduxit, velut procul à sordidis ac caducis rebus, ut illi Iesus esse conspicuus, sic, ut in Zachæo typus sit expressus gentium, quibus factus est adiutus in cætum concessumque fidelium per fidem in Christum, cuius quanta sit vis & efficacia, ficus arefactæ portentosum ostentum declarat, cuius exemplo Christus exstimulat Apostolos, ut illam in mentibus suis foucant, eaque pollicetur tantum accessurum roboris & potentia, ut si Sycomoro im-
parent

perent vt eradicetur, & in mare se transferat, illorum iussis obsequuturam, tum etiam, si visum sit, montem loco dimouere, atque id exigat profectus Euangelij, confestim atque absque mora perficiet quod facere iussus est, modo adsit in Deum fides minimè vacillans, eamque vim habeat quam granum Sinapis: quod tamen si minutum sit, tamen attritum exerit acrimoniam suam, ac nares vellicat, totumque corpus excitato sternamento concutit: itaque apposite fides & doctrina Euangelica huic grano comparatur, quod mentem hominis inflamment, atque in Dei amorem ac venerationem rapiat, qua de re superius. Cæterum vt ad Sicomorum oratio recurrat, Esaïas acriter insurgit in populum Ephraim & Samariæ incolas, quod superbo atque elato animo Deo insultarent atque illuderent. Cum enim illos cladibus ac calamitatibus afficeret quod ad resipiscentiam reuocaret, contemptui illis fuit Dei manus, & pro ludibrio habita: sic vt nihilo facti sint emendatiores, vt pueri insolentiores qui à parente flagris cæsi, obstinatè persistunt, ac se deteriora facturos pollicentur. Cum autem plagæ illos ad sanio rem mentem reuocare deberet, facti sunt obstinatiores, magisque præfracti, calcitrosi, refractarij. Sic enim allegoricòs ac figurata locutione ludibrio habent illatas clades, incèdia, ruinas ædibus suis immittas: *Lateres ceciderunt & collapsi sunt quadrato lapide eoque expolito edificabimus. Sycomori succise sunt. Cedros substituemus*, quasi diceret. Exiguum est, nullusque momenti damnum ac detrimentum quod perpeffi sumus minimo negotio paruisque sumptibus refarciatur, imo omnia magnificentius instaurabuntur ac spectabilius, pro lateritijs marmoreas ædes erigemus, pro Sycomoro, hoc est, vulgari passimque obuio ligno, Cedrina laquearia erigemus, omniaque operiosius perfici curabimus. Quamobrè cum obsurdesceret ad Dei vellicationem ac monita, omniaque illis essent non sine irrisione despiciata, Deus irritatus scelerum continuatione, extenta manu atrociora illis inferre meditatur, quod moniti atque acerbe castigati non referrent pedem atque ad percussorè confugerent. Huius arboris mentio etià sit apud prophetà Amos qui cum neque propheta esset nec ex propheta oriundus, nullisque artibus liberalibus institutus, sed rusticis negotijs ac pastorali vitæ assuetus, adscitus est à Deo in prophetici muneris functionem, illique mandatum est vt contra Hieroboam Regem & Amasiam Sacerdotem horrendum vaticinium fulminaret, cuius conatibus cum obsisteret Amasias, Amos primùm excusatione se purgat, quod cogatur hanc functionem obire, tamen nec propheta sit, nec propheticis institutis ab incunabulis imbutus. Quocirca cum hoc onus illi à

Matth. 17.
Marc. 11.

Cap. 6.

Esaïa locus explicatus.

Cap. 7.

Amos locus explicatus.

Psal. 77.

Deo sit impositum, illi potius quàm Regi & Sacerdoti obsequendum. Amasias instat & suadet, ne pergat vaticinium in Regem proferre, sed in Iudæam se subducatur extra Israëliticis limites, suæque vitæ fuga consulat, ne illum ad vincula, mox ad supplicium rapi contingat. Amos exerte ac palam vocationem suam tueretur, nec in animo sibi esse testatur, ut eam deserat, aut ab imperata legatione sit discessurus. Itaque Amos ingenuè fatetur se non esse Prophetam, nec Prophetæ filium, sed armentarium, sed bubulcum, aut pecuarium qui Sycomoros vellicet, hoc est, Caprificos decerpat & colligat. *Verum abduxit me (inquit) Dominus Deus, quemadmodum etiam David de postfoetante ad regni solium euectus cum sequeretur gregem, & dixit ad me: Vade Prophetam ad populum meum Israëliticum.* Itaque neglecto Regis & Amasie Sacerdotis mandato vaticinium suum liberè exequitur, atque utrique internecionem denunciatur. Qua fiducia etiam vsi sunt Apostoli. cum interfectum illis esset à Phariseis, additis minis ne omnino loquerentur, neque docerent de nomine IESU. Petrus enim & Ioannes confidenter, sed citra contumeliam responderunt. An iustum sit in conspectu Dei vestris potius iussis obtemperare, quàm Dei, vos qui legis præcepta tenetis, iudicate, non enim possumus quæ vidimus & audiimus, non loqui.

De Mâlo Punico, vulgo Granaet appelen.

C A P V T XXXVI.

Arboris
mali puni-
ci de-
scriptio.

Malum Punicum à Punica Carthaginensi regione, & à corticis colore nomen obtinet *Granata*, quod mala rubentibus granis scateant. In illa Hispaniæ parte quæ *Britica* dicitur, nunc *Granata*, à Mauritanis auorum nostrorum memoria occupata, (nam illos Ferdinandus Arragonum rex expulit) frequentissima. Arbor est non admodum procera, folio angusto, nitidi, leuioris, expolitique viroris, flore qui Citius puniceo, siluestri qui Balaustrum dicitur, rubicundo, pomo quod duro cortice seu tegmine, aut putamine coriaceo integritur, *Sydon*, *Græci, malicorum*, Latini vocant, perficiendis coriis idonea astrictionis ratione, & quod atro colore illa inficiat, granis intus exuberantissimi ruboris, succulentis, & angulosis numerosa congerie arctissimè in se compactis, aut velut septis aut loculis, tenuique ac flavescenti intus membrana

distinctis, sapore aliquando dulci, mitigandæ siti idoneo, aliquando acido ac vinoso hepatis refrigerando accommodo, & cum astrictiois sit particeps, cohibendis, cruentis ac dysentericis fluxionibus. Sistent enim acida poma omnium profusiva, ac partem affectam corroborant. Mali Punici in sacris Bibliis frequens mentio, eoque designatur decus & ornamentum virtutis, vitæque integritas, tum etiam dulcia, puraque ac casta eloquia. Sic Sponsus conuocans sponsam suam ac blandimentis verborumque lenociniis alliciens, *Dabo tibi*, inquit, *poculum ex vino condito*, hoc est, aromatibus cōfecto, quale nostrum *Hypocraticum mustum*, hoc est, succum suauem mali Punici recentem expressum quo nihil palato gratius, hoc est, refocillabo te suauissimo meo colloquio, reficiam te salubri doctrina, & spiritali comparatione te exhilarabo. Rursus alio capite. Cum Sponsus incredibili amore sponsam amplectatur, hoc est, mirè afficiatur erga Ecclesiam suam Christus, cui sponsæ aspectus, oculi, genæ, palpebræ sint visu gratissimæ, *Vi fragmen*, inquit, *mali punici, ita & genæ tuæ*, hoc est, Sicut dimidiatus cortex mali granati contracti aut dissecti, qui fragrantissimi ruboris grana spectanda exhibet, sic malæ tuæ quæ non enormiter extumescunt, aut sunt inflatæ aut indecoræ protuberant, sed decenter constitutæ, amabili ac gratioso rubore perfusæ. Quo castitas designatur, modestia, pudor, probitas, quibus rubicundus color attribuitur. Deinde paulò inferius, *Emissiones tuæ*, siue propagines, aut plantaria tua, paradisus malorum Puniceorum, cum pomorum fructibus, aliisque fragrantissimis herbis quæ quod proximè assistant, omnia efficiunt suauiora, magisque odorata. Quibus designat gratissima quæque, omniaque mentis solatia, ac fomenta quæ nunquam satiant, & quibus animus maximè reficitur. Cum autem in hoc Cantico Sponsus & Sponsa singulis ferè momentis vtro citroque suauissimo colloquio se reficiant, quo languorem qui amoris inesse solet, excutiant, alter alteram identidem ad inuicendos hortos inuitat, quod spectent an vineæ florescant, an mala Punicea germinare incipiant, an aliqua ex floribus oblectamenta possint concipere, non enim patitur alter ab alterius amplexu se diuelli, sed indiuulsè sibi mutuò adhærere cupiunt, atque alter alterius suauissimo colloquio ac consuetudine frui. Quoniam autem mala Punica seu *granata*, miris modis oculis blandiuntur, ac gustum saporemque suauissimum salubris succi exhibent, ideo Deus præcipit ad horum similitudinem confici orbiculata poma, ac tintinabula foraminosa in formam mali Punici, in quibus se spectandum exhibet rubicundum

Granata
acida dysentericæ
apta.

Cant. 8.

Cap. 4.

Cap. 6. 7.

Exod. 18.

39.

3. Reg. 7.

4. Reg. 25.

2. Par. 3.

Hier. 52.

Agg. 2.

Ioëlis 1.

dum illud granorum blandimentum, quò in mentem reuocaret obliuioſis Iudæis durum legis corticem, ſed poſtmodum coruſcante Euangelij luce ſubſequuturum ſuauiſſimum Euan-
gelicæ doctrinæ ſuccum.

*De Citro, ac Malo Medico, Limonibus & Aurangibus
vulgo, Araçin appelen.*

C A P V T XXXVII.

Malum
Medicum.

Citrea
mala.

Citrus li-
gnum Se-
thim.
Exod 35.

Non deſuit etiam genti Hebrææ cùm in oblectamen-
tum, tum condimenti vſum malum Medicum, ſeu po-
mum citreum, cuius generis ſunt vocati, *limones & auran-*
gia, aureo croceoque colore, quorum pleraque orbiculata
ſunt, nonnulla oblonga atque ouali forma, præſertim citrea,
& quæ *limonis* nomine paſſim innotescunt, eximij odoris, &
quæ cor mirè recreant ex horum corticibus in laminas,
aut etiam ſaccharo in cruſtatis conſciuntur tragemata ac bel-
laria, quæ non ſolum palato grata ſunt, ſed cor etiam reſi-
ciunt ac vires inſtaurant. in quem vſum etiam huius arboris
flores melle condiuntur, antequam prorsus dehifcunt, aut ſe
in folliculos expandunt. Spiritus enim extenuatos erigunt, ac
tabidis aridiſque corporibus fomenta miniſtrant. Eſt alia ab
hac arbore *Citrus*, etiam vocata, ſed quæ huiusmodi mala aur-
rea non proferat, ſilueſtri Cupreſſo aut Cedro non abſimilis,
ſic vt nonnulli exiſtiment ipſiſſimam eſſe arborem quam li-
gnum *Sethim* Biblia vocant, ex quo conſci præcipit Deus tra-
bes, menſas, cõtignationes, tabulata, laquearia, tigna. Eſt enim
lignum à carie ac teredine vermiculiſque alienum, nec vllò
æuo corruptioni obnoxium. Vbi autem aſcia perpolitum eſt
ac dedolatum, criſpanti venarum diſcurſu picturatum conſpi-
citur, vt apud nos veſtes polianthicæ ac variegatæ, ſiue poli-
miticæ, hoc eſt, vario & verſicolore filo contextæ, quod in
vulgari cameloto, atque etiam in byſſina, ſericæque textura
perſpicimus, quæ *Damaſcena* vulgo appellantur. Spectantur
apud nos ex hoc ligno elaboratæ menſæ ductiles ac verſatiles,
tum vt nunc paſſim conſciuntur in hoſpitum inopinatum
aduentũ emiſſitiæ & extractabiles, quo plures accumbant,
ſpectabili ac peramœna colorum varietate, læuore perpoli-
tæ, quorum nihil non natium eſt & genuinum, nec vllò pi-
ctoris

floris pigmento fucatum. Quocirca existimo Deum ex hoc splendido aque incorruptibili ligno voluisse construere ea quæ vñ erant Sacerdotibus in templo, sic vt arca fœderis & quidquid in sacris Hebræorum spectabile erat, ex Cedro & Citreo ligno confectum fuerit. Cùm enim rebus externis afficerentur Iudæi, omnia in illorum sacris splendida esse voluit, sumptuosa, magnifica, arque operosius elaborata, quò omnia essent angustiora, maiórque religionis cultúsque diuini veneratio, ac populus meliùs in officio contineretur.

De Croco.

CAPUT XXXVIII.

CROCUS radice bubosa ac cepicea in capillamenti exilitate spargit folia iuncis multò tenuiora, è quibus flosculus emergit, tamen si is aliquando ante folia conspiciatur, cerulei coloris, in cuius medio velut crocea stamina ac filamenta se proferunt fragrantissimi odoris, adeoque intensi, vt cerebro vi soporosa officiat. Cor verò Crocus ita recreat, vt digito annulari sinistrae manus astrictus confestim ad Cor petret. tanta est illi cum corde societas, vt vel foris vel intus adhibitis absque mora per arterias illuc perferatur, quo fit vt corporis venustatem adferat, & colorem floridum conciliet, modò ne sit immodicus eius vsus. nam immoderatus risum perpetuum homini excitat, & (vt tradunt medici) nimio gaudio hominem conficit, si trium drachmarum pondere exhibeatur. Cum itaque tantopere Croco hominis cor afficiatur, non sine ratione Sponsæ hortulo ac viridariis Crocus odoratissimis aliis herbis interferitur, vt sic fragrantiam suam tanquam in vnum fasciculum coactæ inter se conferant Cyprus, nardus, crudus, calamus, & cynamonum cum præstantissimis Libani arboribus herbisque cum primis odoratis. Quibus designatur decus atque omnium virtutum ornatus. oratio quoque Ecclesiæ & piorum hominum, qui suauissimum odorem Dei auribus effundunt, sic vt oratio ad Deum feratur, iuxta Dauidem, *Tanquam incensum & sacrificium in odorem suauitatis*. Cæterum cùm Crocos succos, liquores, lintea, vestes, lanam, colore vel luteo vel flauo vel fuluo imbuat, aut si exuberantius affusus est, rutilanti, rubentique ac rubicundo, fit vt isti colores rebus in quibus apparent, atque se proferunt, ex Croco nomen sortiantur. Sic Medici in æstuosis febribus & feruida hepatis intemperie lorium obseruant croceum, vel luteum, vel flauum, vel crocatum: quòd festucas

Dioscor.
lib. 1.

Cant. 4.

Psal. 40.
Eccl. 45.

Ex Cro-
co colorū
nomina.

Caltha
flos lu-
teus.

Thren. 4.

festucas & filamenta Croci referant quæ ad rubedinem deuen-
gunt, ac rubenti colore perfusa sunt, ita intensior est color
crocatuſ & croceus qui crocum ipſum æmulatur, quàm flauus
aut luteus, aut quem à Citreo pomo Citreum vocant, nam
iſti colores dilutiores ſunt. Sic Caltha vulgo *Calendula*, ab auri
fulgore luteo & ſubcroceo colore ſpectatur, ſic viola lutea &
muraria quæ Mauris *Chieri*, dicitur. Sic vnguentum quod Croci
colorem æmulatur & eum recipit, Crocomagina vocatur &
Crocinum. Sic Oxycroceum à croco & aceto nomen obtinet.
Quod verò ad veſtes attinet croceo colore, tum coccineo ac
purpureo imbutas, multa eius generis in ſacris litteris obuia
ſunt, quemadmodum etiam apud alios Scriptores paludamentum
Imperatorium coccineum legitur, Hyathinum & veſtis
Crocata crocei coloris, Belgæ *Rouvaens*, vocant à Rotho-
mago Galliæ ciuitate, vbi lana eo colore inficitur. Sic etiam
Jeremias lamentatur redactam eſſe in nihilum Ieruſalem, om-
ne decus & ornamentum ciuitatis ſublaturum, nec in ea quid-
quam eſſe ſpectabile, aut viſenda ſpecie, ſed omnia deforma-
ta: inductam extremam calamitatem, ſordes, miſeriam, inopi-
am. *Qui*, inquit, *delicate ac voluptuoſe veſcebantur, atque*
delitiis affluebant, in via conculcati ſunt. Qui nutriebantur in cro-
ceis, hoc eſt, crocei coloris velamentis, vel rubenti coccino,
amplexati ſunt ſtercora.

*De Myrto qua apud omnes nationes nomen retinet,
& de Myrto ſylueſtri.*

C A P V T XXXIX.

Myrti de-
ſcriptio.

Cap. 2.
Eſther
oleo myr-
tino uſa.

3. Eſdr. 4.
2. Mach.
10.

MYRTUS arbuſcula, aut potius apud nos frutex, & vir-
gultum perpetuò virens, Veneri dicata eſt, ac ſacrata
coniugio in quo exigitur caſtitas & concordia. folia proſert
oleæ aut liguſtro anguſtiora ſaturati viroris, baccas nigras
Iunipero affines ſapore vinoſo, ex quibus etiam ex molliſſimis
eius foliis oleum exprimitur: quo Eſther delibuta Regi Af-
ſuero in matrimonium aſſumpta eſt. Conſcitur etiam ex
baccis vinum myrtites quod pollet vi aſtrictoria, ac ſtoma-
chum diſſolutum confortat. id etiam ruptis atque ex alto de-
lapſis commode exhibetur. Huius arbuſti ramis Hebræos
adornare ædes ſuas ac veſtibula in Enceniis, hoc eſt, ſolenni-
tate feſtorum quæ celebrari ſolent ob templum poſt Perſæ-
rum exilium inſtauratum: in *Scenopegia*, hoc eſt tabernaculo-
rum

tum festo à fingēdis tabernaculis nomen sortito Scriptura passim testatur. Sic Neemias urbis ac templi legisque instaurator præcepit populo reduci ex captiuitate atque exilio in Hierusalem, vt velut in publica lætitia ac triumpho conferant se in montes ac syluas, atque ex nemoribus adferant Oliuæ, Cupressi, Cicti, palmarum ac Myrti ramos, quo conficerent ex viuenti fronde vmbracula, passimque inter se exilarescerent atque essent Geniales. Hic mos etiam Belgis vulgaris est, si quando solennis aliqua annuæque pompa exhibetur, aut Regem vel Principem inaugurari cōtingit, aut parta ex hostibus victoria, longæque obsidione liberata Ciuitate triumphus per vicos ac compita agitur. Id etiam Troianos factitasse absoluta longa urbis obsidione, pulsisque (vt iis persuasum erat) Græcis Virgilius testatur.

Nos delubra Deum miseri, quibus ultimus esset

Aenci. 2.

Ille dies, festa velamus fronde per urbem.

Cæterum Esaias (quem aliàs testati sumus in illustrandis vaticiniis stirpes, herbæque suis narrationibus accommodasse) illos pronunciat felices fore, omniæque illis ad prosperitatem ac successum oprabilem futura adiuuēto, qui Deo fidunt, eiûsque bonitati & clementiæ inuituntur, ita vt nihil incommodi sit accessurum, ad eò vt quæ nocitura videbantur, rebus mutatis, fructum non exiguum sint allatura, quod sic indicat, *Pro saliuuca assurget abies à proceritate dicta, & quod in sublime abeat. pro vrtica mordaci & cōtempna herba, vulgo Netel, Myrtus, suauis, speciosus & odoratus frutex* Quo designat pro noxiis infestisque fruticibus fœcundos, amabiles, salutare, frugiferos substituendos, hoc est, pro vitiis virtutes, pro seruitute libertatem, pro exilio reditum regressumque in cœlestem patriam. Rursus cū ostendit se non de futurum afflicto ac desperationi proximis, sed in extrema calamitate, clade, angustiiis subuēturum, *irrigabo, inquit, scaturigine aquarum terram aridā ac siticulosam, ronam in deserto abietem, vlmum, cedrum, myrtū, cupressum ponam in locis incultis ac squalidis pinum & buxū, arbores quæ perenni sunt virore, & quibus folia non defluunt.* Quo Deus indicat, se præter naturæ ordinem, præter spem atque hominum opinionem, rebusque deploratis ad futurum populo suo, sic vt in regione deserta speciosissimæ arbores se proferant, hoc est, hominum mentes ieiunæ ac siticulosæ florentissima virtutum germina sint allaturæ. Paulò inferiùs idem argumentum prosequitur, ac pollicetur consolationem ac mentis tranquillitatem, futurum enim esse vt instauretur Ecclesia, ac cœtus di spersus sit colligendus, ac pristino cultu ac

Cap. 55.

Esai. 41.

Esai. 60.

nitore postliminio illustrandos, quod hoc tropo confirmat: *Gloria Libani ad te veniet, abies, pinus, buxus simul ad decus & ornatum sanctificationis tue.* Quibus verbis indicat non solum Ecclesiam ædificandam eximiis arboribus, quas sylua Libani suppeditat, sed quidquid in hominum societate excellens, magnificum, heroicum est, huc allatum iri, non solum plebeios atque infimæ sortis homines, quos minus despicit Christus, quàm sublimes, sed Reges & principes, satrapas atque heroes in hanc societatem conuocandos. Cæterum cum myrteti apud Zachariam Prophetam mentio incidat oblataque inter hæc Prophetæ visio, de illo pauca differam: nam omnia ad amulsum exequi nimis quam operosum, & ingenij nostri captum superat. Sortiuntur ab herbis atque arboribus nomina sylvarum ac nemora quod huiusmodi stirpibus consita sint, ab arundine Arundinetum. Vnde in libro Sapientiæ, *Fulgebunt iusti, & tanquam scintilla in arundineto discurrent*: hoc est, Sanctorum fulgor & claritas impios, ut stipulas crepitantibus flammis deiret. Palmeta quæ palmis scatent, Myrteta loca myrto & vrbano & siluestri fecundissima. In hoc autem vireto exhibitæ est Zachariæ visio quam populo indicat, quod prophetia visioni coniuncta maioris apud illos sit auctoritatis ac ponderis, atque acrius oscitantes socordēsque mentes stimulet. *Vidi, inquit, noctu, & ecce vir insidens equo rufo, hoc est, spadiceo colore, vulgo (Castaenne bryn) & ipse stabat inter myrteta in profundo & post eum equi rubri, varij, & albi: & dixi, Qui sunt hi? & respondit vir qui stabat inter myrteta (quo Christum designari puto, qui Ecclesiam obscuratam ac deformatam vitiis emendatam cupit) isti sunt quos misit Dominus ut perambulent terram.* Quibus verbis commonstrat in valle huius mundi umbrosa atque opaca, in qua mali bonis permisti sunt Deum singulari sua prouidentia curare res humanas, atque hominum commodis consulere ac prospicere, ipsamque Ecclesiam per Christum & Apostolos aliōsque verbi Dei ministros, qui in tanta ac tam confusa hominum multitudine ac diuersitate, suis quique officiis funguntur, ut illis partitus est Deus, erigere, demandata illis prouincia ut tacitè explorent quid rerum gerant in terris, in quo statu consistat res mortalium, sic ut ea cura pastoribus incumbat, ac munus delegatum sit ut salubri exhortatione, (quod Paulus Timotheo præcipit) additis minis extiment homines quod respiciant atque ad Deum unde profugerunt, se conferant, quod ipsum si obtineri possit desituras afflictiones, nec futuras diuturnas nec perpetuas. itaque Prophetæ obiecta populo sua hac visione ad respicientiam ipsum

prouocat

Cap. 7.

Myrtetum

& ex eo

Allego-
ria.

Cap. 3.

Zachariæ
visio quid
designet.

pronoeat, sic enim futurum ut Deus illi factus placatior, pœnas atque vindictas remittat, omniâque in pristinum statum restituat. Hæc de myrto amabili atque odorato arbusto sufficiant. Est huic affinis myrtus nemoralis, cuius baccis turdi, *linsters* Myrt. sylvestris vulgo, & merulæ *meerlen* impensè delectantur, ita ut earum caro saporem baccarum referat odoratum, sit ficedulæ unde nomen adeptæ vulgo *Sneppe* ficibus saginantur. Huic sylvestri myrto affinis est frutex aut virgultum Pseudomyrtus odore Pseudo-myrtus. non sine gravitate iucundo, cuius folia, & frutices exiccatos vesti bus interferunt, quo grato odore perfundantur. Refertur etiam inter sylvestres myrtos. Ruscus foliis quidem myrti, sed Ruscus. latoribus mucronata cuspidem munitis, sic ut incautiùs attrectata digitis aculeum infigat, ut vespæ inhærent foliis nullo petioli appendice baccae pisi magnitudine, myrteis minores, corallino rubentique colore perfusæ, cuius radice utimur in ciendo locio, & atterendis calculis.

De Pino.

CAPUT XL.

Pinus arbor etiam Belgico solo assuescit, sed non assurgit in ullam proceritatem, folio existit tenui, rotundo, aculeato. Fructum seu nucem nihil necesse est describere, cum passim obuia sit, ac nucleus in alimentum & medicamentum usum omni nationi veniat, *Pomum* Belgæ vocât, cum nux sit, sed quæ Li. Satur. in hostem emissâ ac capiti illis illum prosterнат. Vnde extat Cap. 6. apud Macrobiū locus vrbani Casellij Iurisperiti, Lapidatus à populo Romano Vatinius cum gladiatorium munus ederet, obtinuit ut Ediles edicerent ac proclamari per præconem iuberent, ne quis in arenam nisi pomum mitteret: forte iis diebus Casellius consultus à quodam an nux pinea pomum esset, respondit, *si in Vatiniū missurus es, pomum est*. Tanto ac tam acerbo odio flagrabat populus in perniciosum ciuem, ut illum extinctum potius quàm saluum cuperet. Cæterum Prophas pinum atque aliàs memorabiles herbas cõcionibus accommodare, aliàs demonstravi. Elaias enim in detestandis stultis Ethicorum atque idolorum simulachris miro artificio plerasque arbores narrationi accommodat, ac cõmonstrat quanta cura ac sollicitudine ea studeant effingere atque elaborare, fabrique nulli vsui sunt, nec ullam salutem conferunt, adeo intenti illi rei, ut lima, malleo, calenti foco iis efformandis

ad lassitudinem se exerceant, ac sicculosi efficiantur antequam opus perficiant. Artifices verò lignarios (vt concionem prosequitur,) normam & perpendiculum, amulum adhibere, securim, ferram seu iuncinam, circinum & si qua alia sunt instrumenta tornandis poliendisque lignis idonea, sic vt pars eorum succidat Cedros, ilicem, quercum, pinum, ex quarum assulis segmentisque ac scandalis ferra dissectis ignem excitet coquendis panibus atque eduliis, aut vt iis incalecat: ex reliqua arboris parte sculpsit Deum, & incuruatus adorat illum. Hæc Propheta Esaias toto hoc capite prolixè enarrat, ac semel atque iterum repetit, quo homines meminerint, vnde petenda auxilia, cui incuruanda genua, ad quem manus, oculi, corda erigenda, nempe ad Deum, cui soli honor & gloria, & qui per Christum seruato-rem nostrum Spiritu suo abundè nos imbuir, & contra omnia aduersa reddit inuictos.

*De Buxo, errore vulgari Palma
dicta.*

CAPVT XLI.

Matt. 23.

Miris modis hallucinari contingit plerosque in herbarum & arborum cognitione. Si sunt qui Anethum vulgo *Dille*, quam Christus concioni adhibet, *Anis* credant, cum *Anisum* sui generis sit, & Belgis nomen retineat, semperque proferat discutiendis flatibus aptissimum, sic vt Anethi foliis vtamur in condimentis, in oleraceis, in carniū elixatū liquamine, verum non illius semine: at Anisi semen & fœniculi in condiendo instaurandoque liquore Ceruisario, in placentis, in bellariis, in pomis assis salubrem vsum obtinet. Sic Abies arbor celsa ac procera, ita vt hinc nomen sortiatur, quod abeat atque assargat in immensum, non est populus alba vulgo *Abeel* dicta, vt nigra populus *popelier*, sed arbor Prophetis sapius in concionibus ad populum erudiendam adhibita, si quando fastum deprimunt, ac superbiam elatosque ac sublimes deprimendos prædicant, ac etiam deiectos erigendos. Abies perpetuò virescit, foliis pinnatis pectinū modo resectis, flore croceo, specioso atque amabili. Huic picea, vt larix, pino, prorsus assimilis, ex qua mali nauium & antennæ eriguntur. Conspicitur huius generis arbor in immensum fastigata in Cœnobio Anachoretarū quos *Carthusianos* vocant, Ziricæ contermino quæ

Abietis
descri-
ptio.

quæ fructum profert pino non absimilem turbinata specie, sed qui nucleum exhibeat non esculentum. Cæterum vt ad Buxū deueniam, in magno errore versantur qui buxum palmam esse existimant, cum ab hac per omnia dissideat, nisi quod vtraque perpetuò viret, nec foliis spoliatur. Hunc errorem ex eo exortum opinor quod nostrates hac fionde vtantur die ante Paschæ solemnitate octauo, qui Dominica Palmarum dicitur: nam eo tempore apud Belgas reliquæ frondosæ arbores considerantur. Spectatur hæc arbor in singulis ferè apud nos hortis foliis myrti exiguo, concauo, subrotundo, læuore perpolito, perenni virore, flore herbaceo, odore graui, & quem non solum animantes, sed etiam homines auertentur, ligno autem duro ac ponderoso, ita vt in aqua demergatur, colore pallido ad flauum inclinato, sic vt ij qui colore mustellino sunt ac giluo, minùsque amabili, buxco vultu esse dicantur. Non desunt qui huius arboris scobem ramenta lima attrita morbidis corporibus exhibeant, & lucem veneream, seu morbum Gallicum iis expugnare tentent, eaque pari effectu censeant cum ebena, seu Guaiaco ac ligno Indico, qui mihi toto cælo errare videntur. Lignum enim Indicum odoratum est, succo oleoso ac resinato imbutum, sapore non ingrato: at Buxus arida est, exsucca, tetro virosoque odore, sapore insuauis, & qui venenosæ qualitatis sit particeps, si modo gustare libeat. Conficiuntur autem ex tornatili hoc ligno ac rasili materia pectines, pugillares, manubria, foratiles fistulæ, capuli, pyxides, trochisci, in quem vsus quâ in medicamento accommodatior. Noui enim sacrificium quendam apud nos, sed non admodum firmi cerebri, aut mētis sanæ, qui cineres buxi deustæ atque in palmarum consecratæ quem ritu Romana Ecclesia dominica Palmarum obseruat, cuidam adolescentulo ebibendos propinaret aqua lustrali immerfos adhibito inani ac ridiculo quodam exorcismo, ad dispellendas, vt adstantibus persuasit febres, & vermes exigendos non multò post febris quidem depulsa, sed adolescens morte sopitus est, sic vt autor fuerim meis ciuibus, ne quis tale quiddam iterum attentaret. cum buxæ frondes delictiæ sint & exitiales corporique humano noxiæ ac perniciosæ quod odor grauis etiam & virosus indicat, & sapor abominabilis atque amarulentus, quem palatum respuit atque auersatur.

Color buxi.

Buxi natura.

Rei gestæ narratio.

Iam verò vt sulceptum argumentum prosequar, hoc est, desumptas à Prophetis similitudines explicem, demonstrabo obiter Buxum etiam adhibitam concionibus, eamque arborem scitè atque appositè suis narrationibus Propheta accommodasse. Cum enim huius arboris lignū cornea sit ferreæque duritie,

Cap. 3.

Hier. 10.

Esaia 10.
cus expli-
catus.

Cap. 17.

Hier. 10.
cus expli-
catus.

Psal. 50.

sic ut si quid illi insculpatur, non facile oblitteretur aut exole-
scat. Dominus præcipit Esaia ut peccatum Iudæorum qui
Ægyptiis fidebant, amplificet atque exaggeret in immensum,
omnibusque palam faciat, quam fœde à Deo descuerint, &
aliunde potius, quàm ab ipso salutem sint venati: obiter hoc
illi dat in mandatis ut ita describantur eorū scelera atque as-
seruentur in monumentis publicis, ut ne vnquam in obliuio-
nem possint deuenire. Sic enim velut irritatus sceleris indi-
gnatione, *Nunc ergo, inquit, vade & scribe hanc Prophetiam super
buxum, vel in tabula aut pugillari buxæo diligenter & accuratè
exaratam, ut sit in diem usque nouissimum in testimoniū & usque
in æternum, hoc est, istud effice ut tam accuratè hoc scelus obli-
gnetur, ut sit indelebile nec vlla vetustate contingat oblitterari
aut exolescere, sic ut illorum oculis possit continenter obici,*
& aliis in memoriam reuocari elapsis iam aliquot seculis, om-
nibusque testatum esse illos detestabiles esse ob patratum sce-
lus, edito exemplo atque exhibito specimine, ne alios quoque
eo impietatis deuolui contingat. Ieremias quoque simili uti-
tur Metaphora, & proclamat: *Peccatum Iudæ scriptum esse stylo
ferreo, ungue adamantino, exaratum in tabula cordis eorū, & in cor-
nibus ararum seu altarum eorum, quibus continenter astant, & in
quibus ipsi & filij eorū sacrificia peragunt. Stylo ferreo & cuspidè
adamantina scribitur, (nihil enim adamante durius, sic ut
acutissima instrumenta exigat, quo perpoliri possit) quod inde-
lebile esse vult; nec annorum decursu interire, sed perpetuò
subsistere, nec villo æuo obscurari. In Cornibus ararum, tan-
quam in vestibulo primòque aditu & ingressu templi, ut sem-
per habeant in recenti memoria, ut continenter versetur ob o-
culos. Sic David: Et peccatum meum cōtra me est semper, hoc est,
oculis iugiter observatur, mentique assiduè incumbit, sic ut
nunquam has furias & ærumnas, has animi carnificinas excu-
tere possim, nisi scelus pœnitentia expiatum sit, ac Dei mise-
ricordia expunctum ac deletum. Iob etiam tot calamitatibus
pressus, tantæque mole ærumnarum obrutus, concepta emer-
gendi fiducia, ab huiusmodi rebus desumpta similitudine,
cupit id quod dicturus est in omne æuum perdurare, esse enim
indubitatum certumque ac fixum, nec si quidquam ambigere
aut desperare, quin felicem atque optatum successum res sit
habitura. Quis, inquit, mihi tribuit, ut scribantur sermones mei?
Quis mihi det, ut exarentur in libro stylo ferreo, & plumbi lamina,
vel certe sculpantur in saxo vel siliice: quo perpetuò extent,
omniūque animis possint infigi, omniūque oculis obici.
Scio enim quod Redemptor meus viuit, certòque persuasum ha-
beo*

beo me in nouissimo die de terra surrecturum, & in carne mea visurum Deum Seruatorem meum, quem visurus sum ego ipse, & non alius, reposita est hac Spes & fiducia in sinu meo.

Quibus verbis præter veram corporis resurrectionem (quæ Iobi locus ut in Christo peracta, ita in nobis, hoc est, eius membris explicanda est) hoc agit apud amicos qui illi plus attulerunt molestiæ quàm solatiij, ut omnibus testatum sit se aliquando ex iis malis ac miseriis emerfurum, tametsi enim à Deo afflictus sit atque in nihilum redactus, tamen certam se habere spem, eam concipere fiduciam, ut vindex & instaurator suus Deus hanc cladem ac calamitatem in quam deiectus est, à se auferat, & erecturus sit ex sterquilinio in quo voluitur in pristinam dignitatem, sic ut res ex luctuoso ac funesto initio lætam Catastrophem seu exitum sit habitura non sine numerosæ prolis accessu, ac rei familiaris amplissimo prouentu. Quæ res indicat Iobi historiam non esse commentitiam aut fabulosam, sed veracem & cui fides derogari non debeat, sic ut ex re gesta proponatur nobis patientia ac malorum tolerantia, ut testatur Iacobus Apostolus & illo prior Ezechiel.

De Nuce.

CAPVT XLII.

Cum Sponsa (quo nomine Ecclesia & pij cuiusque anima quæ Christo insita est, designatur) omnes confectetur & capter odorum suauitates quæ è speciosissimis fructibus emanant, hoc est, nulla non requirat oblectamenta virtutum quibus reficiat: descendit in hortum nucum, ut longè latèque prospectet atque inspiciat, an vineæ florescant, an mala Punica germinent, an se poma proferant in conuallibus. quibus Metaphoris indicatur, omnium virtutum chorus. Intelligi autem hic debet non nux auellana vulgo hæc note, ex Corylo, sed iuglans, quæ est arbor procera & ramosa, foliis non sine grauitate quadam odoratis laris & oblongis, fructu multis inuolucris ac tegumentis munito, calloso foris atque herbæco cortice ut Plinius eleganter describit, intus cōpactilicarū loculo. Sunt enim huic nuci bifidæ putamini carinæ, nucleis verò quadripartita distinctio lignea interuiresciente membrana. Nux autē hæc Basiflica vocatur, hoc est, regalis, quod à Regibus è Perside in Europam translata sit, cōmuni nomine *Iuglans*, quasi Iouis glandē dixeris, quod eam primus hominibus Iupiter monstrauit.

Nucis arboris, descriptio.

Eduntur hæ nuces salubrius, minorique incommodo recentes & succulentæ, quam aridæ. Nam ranceſcunt vetustate, & capiti grauedinem inferunt, vnde Græcis nux *καγιον* dicitur, quod capiti noxam inferat. Ex hac Medicamen Diacaryon Medicis in vſu eſt, quod è nucibus confectum faucium vitiis adminiculatur reprimendis ratione. Virides autem decerpæ antequam putamina obdurescant, melle & ſaccharo condiuntur, diùque aſſeruari poſſunt, roborando ſtomacho vtilis, atque ori palatòque non ingrata, ſic vt menſis inferri poſſint, etiam inter bellaria vt cortices Citri aliàque tragemata, hoc eſt, delicata quæque edulia quæ ſecundis menſis atque alio cibo ſaturatis apponi ſolent. Elicitur etiam ex nucibus virentibus necdum interno cortice induratis in turbine ac mera diſtillatoria aqua ad multos vſus efficax, nempe ad peſtis contagia, ad faucium ac palati vlcera ac puſtularum eruptiones ad eluendas maculas, nauos lentigines in facie: quod etiam præſtat aqua quæ ex vitis ſarmentis verno menſe inciſis profluat, qua de re nullum veterum mentionem feciſſe memini. Cæterum cum nux Regis foris ligneo ſit duròque cortice, atque intus ſuauem ſapidumque nucleum contineat, appoſitè nec incommodè illi accòmodari vita humana, vel potius Chriſtiana poteſt, atque Eccleſiæ decurſus. In hac enim nubila ſerenis, dura mollibus, aſpera lenibus, acerba mitibus, dulcia amaris, ſolatia caſtigationibus ipmiſta ſunt. Durum aliquando eſt & operoſum. Nucem frangere quod ipſum ſi dentibus tentes, periculum imminet ne ſi imbecilles ſint illos frangas. Quod ſpectat illud Plauti, *Qui è nuce nucleum eſſe vult, frangat nucem.* Quo denotat, illi qui dulcia deguſtare velit, amara deguſtanda, qui aliquid còmmodi ſectetur aut aliquod malorum ſolamen conquirit, ne laborem fugiat, nihil non faciat ac patiat, non ſalubria aſſequi poſſet.

Virtus
aquæ nu-
cum.

Nox ad-
uerſitatis
& proſpe-
ritatis
ſymbolum.

Gurgul.

*De Pomis in genere, quibus Sacri vates ſimilitudines
deſumunt.*

Præcocia
poma
quæ.
Serotina
poma
quæ.

C A P V T XLIII.

Pomorum differentiæ & ſpecies apud Belgas innumeratæ ſunt, ſic vt ſuperiorem noſtra ætas vincat. nam inſitio & inoculatio

inoculatio plurima genera peperit. Inter hæc sunt præcocia quæ præmaturè maturefcunt, sed fugacia, vt omnes fructus verni & æstiu qui afferuari nequeunt. Hiberna verò & Autumnalia in multam hyemem, imo in ver inlequens illæsa intactâque seruantur. Horum alia dulcia, alia acida, acerba, austera, vinosa, mitia, diluta, aquosa, alia varij mistique saporis. Præbent autem hi fructus amabiles nulli non hominum oblectamenta, atque oculis, palato, naribus blandiuntur, vt etiam pyrorum infinitæ differentiæ, sic vt si quis vllius generis mala conspiciat, contrectet, odoretur, degustet, mirè hoc blandimento afficiatur, sic vt etiam eo conspecto in mentem veniat Dei munificentia, qui tanta rerum varietate nos cumulatiſſimè instruxit. Inter poma referuntur quæ orbiculata sunt, nam pyra ferè oblonga sunt & turbinata forma. Horum differentias enumerare non est huius instituti, cùm omissis Cotoneis, mespilis, citriis, aurangiis, persicis, & volemis, sic dictis quòd manus volam impleant, Punicis, Armeniis, &c. Hoc tantùm admonere visum est, Deum his deliciis homini indulgere partim in alimenti vsum, partim in sanitatis conseruandæ tutelam, eumque nonnunquam adimere hæc vitæ solatia, si quando erga illius munificentiam sunt ingrati. Desumitur apud Amos prophetam elegans Metaphora ex pomis æstiuis quæ citò quidem maturefcunt, & vt res nouæ, homines afficiunt, sed quæ confestim putrescunt, nec afferuari possunt. *Ostendit, inquit, mihi Dominus Deus vicinū, hoc est, corbem seu canistrum pomorum æstiuorum, & dixit, Quid tu vides Amos, & dixit, canistrum pomorum,* (quibus designat fructus præcoces & primitiuos.) *Et dixit Dominus ad me, Finis super populum meum.* Metaphora pomorum quæ non possunt diu subsistere, indicat imminere populum interitum, instare corruptionem vt pomis maturis, quæ si diu afferuantur, putrescunt, vt sunt pruna, cerasa, persica, corna quæ perennare non possunt, aut in hyemem perdnare, sic vt appositissima similitudine pronunciet, maturos esse vt consumantur, atque intereant, aut proximos esse internecioni: cò enim peruenisse illorum nequitiam, atque vt æstiuos fructus maturuisse, vel desituri sint, nec amplius possint subsistere. Idipsum vrget Apocalypsis, ac Babylonix hoc est, qui Ecclesiam contaminant, extrema minatur, atque auferendas pronunciat omnes eius delicias, decus, magnificenciam, splendorem. Inter alia autem, *Recesserunt, inquit, animo tuo desiderata poma, & præclara quæque & omnia pinguis perierunt à te, nec amplius illa inuenies.* Quo indicat omnia quibus oblectare se solet, & palatum reficere, ablata esse, pom-

Cap. 8.

Amos locus explicatus.

Cap. 8.
Apocal.
locus explicatus.

pam, strepitum, ferculorum apparatus, bellaria, ac mellita repotia, in quibus suauissimi fructus mensis inferri solent, ut poma sapida ac succulenta, pruna, Persica, aliæque secundæ mensæ deliciæ.

De Quercu, & aliis Glandiferis arboribus.

C A P V T XLIV.

Multa sunt in sacro Codice stirpium genera quæ seriatim recensere immensi esset operis atque infiniti laboris. Quocirca boni consulat æquus lector, si non omnia ad amissum sum exequutus. Cum autem Prophetæ arbores concionibus adhibent, non modò satinas quibus hortus excolitur, sed etiam sylvestres quæ ferè urbanis sunt proceriores, earum nonnullas obiter attingam. Sunt etiam nostris regionibus cognitæ fagus vulgus vlmus. Quercus, Robur, Ilex, Acer, Suber, cuius cortice suffulta sandalia & calceamenta frigus & aquam arcent, aliæque glandiferæ arbores quæ olim ante inuentas fruges alimentum hominibus suppeditabant. Vnde prouerbum, *Stultum est inuentis fru gibus gande velle*. Prophetæ per has arbores, validos & robustos designant, qui inopes opprimunt, ac tenuioribus sunt infesti, quos tamen Deus minimo negotio conuellit ac deiicit. Ipse enim tangit montes, & fumigant, ipse Cedros, in immensum fastigiatas, prosternit, & cōfringit, sic ut vix tenue vestigium tanti fastus appareat. Sic Deus apud Amos, *Ego exterminavi à facie eorum Amorrbæum, cuius altitudo ut altitudo ac sublimitas Cedrorū*. Quod designat & denotat fastum, superbiam, arrogantiam ac Dei contemptum. Similiter Zacharias mentem eripit fastuosis, & tanquam rebus desperatis ad lamenta, eiulatus ac fletus prouocans, *Vultate, inquit, quercus Basan, quia succisus est saltus munitus, ac magnificencia vastata est*, hoc est, ablatum est omne robur, omnis vis & potentia, omnis munitio qua substiterunt, appositè illis quernis arboribus comparat. Ut enim maxima duritia robori & quercui est, ita ut eorum nonnulla vix findi queant, vel cuneis vel securi, vel ferra dissecant: ita ut isti muniti ac vallati opibus ac numerosa clientela, ad eas opes ac dignitates honoresque, ut sublimes arbores, euecti sunt, ut nunquam deprimi potuisse viderentur; verum Dei potentiæ nihil obstat. Superius fufius de iis tractauimus.

De Rosa, & ex illa desumptis Metaphoris.

CAPUT XLV.

Rosa apud omnes nationes flos spectantissimus, miræque odoratus Cor, Cerebrum odoris suauitate recreat. Intus verò adhibita, affectarum partium dolores mitigat, & confortat astrictionis ratione. Succus tamen aut earum delutum clementer ac placidè aluum proluit, flauam bilem expurgat, iecoris obstructioni auxiliatur, in quem & sum conficitur apud nos *Rhodopharmacum*, hoc est, Syrupus rosaceus solutius quocumque aëre aëria noxam aluum deiicit, & biliosa excrementa quæ febres tertianas excitant, expurgat. Huius amabilis floris multæ spectantur differentiæ. Vulgatissimæ sunt quæ albescunt, quibus succedunt rubentes & muricatæ, hoc est, quæ purpureo colore collucunt, inter quas flagrantissimi ruboris, *Milesia*. Sunt etiam, vulgo *Prouinciales*, colore qui Belgis, *incarnat*, dicitur, quod viux carnis colorem referant, ac subfloridum aut rutilantem. Sunt etiam *Damascenæ*, sunt musculatæ minutioribus flosculo candido, odoris eximij, vt *Cynorhodus vrbani* & *negelnter*, quæ Plinio videtur Rosa Græca & *lychnus*, alia à *Coronaria*, flore roseo vel subrutilo, minuto, odorato, quæ dos etiam foliis aculeatis inest, secus quàm vulgaribus rosis, quarum folia inodorata sunt. Cum autem Rosa nimis sit fugacius, nec quod citius marcescat, aptissime huic vitam humana fragilis, caduca, & momentanea comparari potest, cum omnis splendor eius, gloria, decus, magnificentia, fastus, superbia, quæ omnia vt flosculi citissimè euanescent. Notantur autem in scriptura sacra qui lusum fouent & odoratis rebus abutuntur. Sic enim compellant se lasciuui homines ac deliciosi, qui à morte nihil hominis superesse sibi persuadent. Cum etiam nostra imbecilla sis aut brevis, & vt fumus & umbra euanescat, agite, fruamur bonis presentibus, & utamur rebus nature: dum iuuentus adest. Vino pretioso & unguentis non impleamur, & non sinamus elabi florem temperis, hoc est, nempe frustra patiamur præterire amœnissimam æui partem, transigenda. Coronemus rosis antequam marcescant, nullum præteritum aut viridarium sit quod non pertransseat luxuria nostra, ubi que relinquamus signa lætitiæ, nemo velstrum exors sit in sollicitudinem nostræ, quoniam hac est pars, hac est sors & conditio nostra,

Rosa vires.

Rhodopharmacum.
Rosarum differentia.

Lib. 2.
Cap. 4.
Cynorhodus odoratus.

Sap. 2.

Sapientia locus explicatus.

Hac,

Hæc, inquit Sapiens, cogitauerunt & errauerunt, excauauit enim illos malitia sua. nec Dei arcana cognouerunt, itaque illorum concepitum improbat, quod non vsum rei spectent, sed luxum & prodigalitate rerum naturæ, nulla habita Opificis ratione.

Ecclesiast.
locus ex-
plicatio.

Eccles. 29.

Eccles. 39.

Eccles. 30.

Cæterum apud Ecclesiasticum comparatur animæ puritas, candor, integritas, decus, & virtutis præstantia Rosæ aliisque odoratis stirpibus. Sic Sapientia æterni patris sui commendatrix, Ego, inquit, quasi Cedrus exaltata sum, quasi palma in Cadès, & quasi plantatio Rosa in Hiericho. In iis enim locis erant præstantissimæ. Rursum cum ad amplexandam Sapientiam exhortatur, Audite me diuini fructus, hoc est, Pij filij, & quasi rosa plantata super riuos aquarum fructificare, fructificate, ut lilium flores erigite. Paulo inferius cum Simeonis Pontificis laudes prosequitur, easque amplificat in immensum comparatione desumpta à naturæ rebus, Ipse est, inquit, quasi stella matutina in medio nebulæ, quasi Luna plena cum suis diebus lucescit, hoc est, vel tota, vel media sui parte à Sole illustrata: quasi flos rosarum vernis diebus, & quasi lilia apud aqua riuos, &c. Ex iis coniecito studiosè lector, quàm illi frigeant Metaphoræ, aut collationes qui ignorat herbæ aut fructus naturam, ex qua similitudo desumitur, atque ad ornandam conceptionem adhibetur. Cæterum cum inter scribendum id Horatii in mentem mihi venisset,

In ar.
Poet.

Omne tulit punctum, qui miscuit utile dulci.

Lectorem delectando, pariterque docendo, visum est vulgare quiddam de rosa adicere, quod iucunda seriis mista minus satient. Inoleuit apud Belgas ac plerasque alias nationes consuetudo, ut si quando lepidi sodales inter se conuiuia agitant ascitis inter hæc præstantioris formæ aliquot puellis stipulentur peracto symposio silentij fidem, ne fidos inter amicos sit qui dicta foras eliminat, eaque de causa, ut id ratum habeatur, sub rosa hæc peracta, dictitant. Vnde passim in cœnaculis rosa lacunaribus supra mensæ verticem affixa conspicitur, quisque sit secreti tenax, ne quid remerè effuciat, sed omnia reticenda meminerit. Ita si quid licentiùs, parumque recundè aut reuerenter dictum vel actum sit, aut si in Geniali accubitu inter se cātillent, iustitiant ac figant oscula, lasciuient, titillent, insolescant, ante digressum, omnia sub rosa transacta, contestantur interposita stipulatione silentij ac pacatione reticentiæ impetrata, ne quis disseminare audeat vel minimum eorum quæ in hoc sodalicio peracta. Quod spectat Prouerbum, Odi memorem compotorem, in eos qui liberius dicta posttridè in mentem reuocant atque affutiant, cum vino sint inscribenda, atque

Horat. lib.
1. Epistol.
rosa cur
mense affi-
gatur.

Prouerbiū
in fuitiles.

atque obliuioni danda quæ in conuiuiis incautiùs exciderunt. **Lacedæ-**
monij ex Lyncurgi præscripto in foribus primòque **moniorū**
 aditu atque ædium vestibulo inscripserunt, **H A C N O N** **institurū.**
GR EDITVR SERMO. Vnde autem hic mos receptus
 sit, vt Rosa in cœnaculis erecta silenda imperaret, quæ inibi
 agitari solent, Carmen istud graphicè exprimit.

Est rosa flos Veneris, cuius quo furia laterent,

Harpocrati matris dona dicauit Amor.

Inde rosam mensis hospes suspendit amicus,

Coniua vt sub ea dicta tacenda sciunt.

Est autem myrtus & rosa Veneri dicata. his enim herbis odo-
 ratis exornari debet Coniugium ac totus Genialis, in quo, ex-
 cluso tumultu ac dissidio, omnia decet esse placida, quæta, se-
 data, & si quid inciderit, silentio, inuoluendum. ob id Cupido
 Veneris filius Rosam Harpocrati silentij Deo qui digito la-
 bellum compescit, consecratam esse voluit, eoque munere il-
 lum decorauit. quo exhiberetur hominibus loquacibus Rosa
 velut silentij symbolum. Vt autem Harpocrates apud Græcos
 ita Angerona Deo apud Romanos silentio præfecta est.

Rosæ silē-
tij sym-
bolum.

De Zizania, & Lolio, aliisque herbis frugibus inimicis.

CAPVT XLVI.

Zizaniarum nomine designatur omnis inutilis, vitio-
 sa, noxia fruticatio, quæ sementi ac frugum incremento
 officit quæque sata strangulat ac necat, succumque quo nu-
 triuntur deopulatur, sic vt segetes aliæque herbæ salutes
 aut malig-næ emergant, aut prorsus suffocentur. Cum autem
 lolium tritico infestum sit, ac noxam inferat inter Zizania. hoc est,
 ea quæ extirpanda sunt, principatū obtinet Conspicitur au-
 tem in segetibus folio angusto. pingui, oleoso, hispido, seme-
 ne in spica exili, flosculo purpurascēte vt phoenix cuius me-
 minit Dioscorides, huic prorsus affinis, quæ lolium syluestre
 vel murinum vocatur, quod à muribus erodatur, est autem
 spuria atque adulterina tritici species, quæ aliquando à puro
 discerni nequit. Huic ferè sociari solet inter segetes Githago
 vel pseudomelanthium, siue nigellastrum, foliis porri prælon-
 go culmo, flore purpureo, semine in loculo papaueraceo, ni-
 gro, subrotundo, inodoto, farina intus candida si dentibus at-
 teratur. Lolium autem Theophrastus prouenire testatur ex
 tritici ac hordei correptis vligine seminibus, aut iis gelido im-
 bre

Quid Zi-
zaniorum
nomine
designetur.

Lolium
frugibus
noxium.

Phoenix
herba.
Lib. 4.
Melan-
thū adul-
terinum.

Iolio vi-
&itare.
Plaut.
In Milli-
te.

bre dilutis. Semen eius panibus admistum, capiti dolorem, oculis caliginem adfert quòd vaporosos humores in cerebrum deferat. Vnde manauit Prouerbiū in carcutientes, quique sunt caligantibus oculis, *Iolio uisitare*. Sic Plautus

Mirum est Iolio te uisitare tam uili tritico.

Quidnam? quia lusciosus. Verbero Ædipol, tu quidem cacus, non lusciosus.

Cæterum cum zizaniorum nomine nullæ peculiæres herbae designentur, sed omnes illæ frugum & herbarum pestes, quæ extirpandæ sunt, ne frugiferas herbas opprimant, Belgæ comuni nomine hanc inutilium herbarum congeriem *uuiet*, vocant, & *uuiet*, eruncare atque eruere, fundumque à noxiis fruticibus purgatum reddere. Quocirca ineunte vere antequam fata adolescant, maturè ac tempestiuè euellenda curant omnia frugum detrimenta. Virgilius autem obiter complectitur quæcumque Zizaniorum nomine comprehensa sint & satis noceant.

Geon.
li. i.

*Prima Ceres ferro mortales uertere terram
Instituit, cum iam glandes atque arbuta sacra
Deficerent sylua, & uictum Dodona negaret.
Mox & frumentis labor additus, ut mala culmos
Effet rubigo, segnisque horreret in aruis
Carduus, intereunt segetes, subit aspera sylua,
Lappæque, tribulique, interque nitentia culta
Infelix lolium, & steriles dominantur auena.*

Ouidius quoque agros & noualia culta præstari vult.

Li. i. Fast.

*Vi careant lolius oculos uitiātibz, agri,
Nec sterilis culto sugat auena solo.*

Matth. 13.

Hinc appositè Christus per Zizania, id est, agrorum pestes & vitia, doctrinam noxiam, perniciosam, in sinceram designat, denique improbos & perniciosos doctores qui hæresi pestifera mentes hominum imbutunt, ac peruersa subdolæque interpretatione, instigante diabolo, cœlestem ad salutarem Euangelij doctrinam deprimunt, ac falsa veris, vitiosa sinceris, dubia certis immiscentes Verbum Dei ac pabulum animæ inficere student & contaminare, quos tolerari quidem vult Deus in spem emendationis, & quòd moniti respiscant, non tamen prohibet, ut Chrysostomus ait, hæreticorum conciliabula dissipare, ora obstruere loquendi, audaciam concidere. Quòd spectat illud Pauli ad Titum, *Hæreticum hominem*, hoc est, qui pertinaciter inhæret prauæ opinioni ac destinata malitia pergit tueri falsa, post unam aut alteram monitionem, velut insanabilem deplorato, fugito, sciens quòd euersus est, quoniam ipse suo iudicio

Cap. 13.
in Matth.

Cap. 3.

iudicio damnatus est suaque culpa perit, quod minus in errore persistat. Et quamquam Zizania extirpanda nolit Christus, factiosos tamen & qui Reipublicæ tranquillitatem excitaris tumultibus perturbant, Magistratus imperio subiicit. Rom. 13.

De Libanotide Coronaria, quæ vulgo Rosmarinus dicitur.

CAPUT XLVII.

Cum Bibliorum interpretes non semper exacta herbarum cognitione sunt imbuti, viri alioqui linguarum peritia ad miraculum instructi, sit nonnunquam ut stirpium aliam pro alia substituant, ambiguitate vocis Hebrææ decepti. Sic non desunt (inter quos est Franciscus Georgius Venerus reconditæ eruditionis vir) qui Libanotida, hoc est, nostratam Rosmarinum Coronariam pro Hyssopo vertendam censeant, quæ vox à thuris odore nomen sortita est, quem fructicum aut virgultum Iudæi in fasciculos manuales coactum ac complicatum, scoparum more, conspergendis lustrandisque hostiis immolaticiis accommodabant. Nominis autem vicinitate decepti (nam Latinam vocem refert Esop) Hyssopum transtulerunt, cum ut isti censent, Rosmarinum fuerit interpretandum. Cum etiam Iudæi nostra hac ætate (ut audio) fructici huius fasciculo utuntur, ubi sacrificia sua peragunt, ac cæsi hostiis peccata expianda sunt, imbuto intinctoque hoc fructiculo animantium sanguini, quo adstantes conspergunt. Quod ipsum olim Ethnici facitabant (mutato à Iudæis expiandi ritu) ut Iuuen. Persius, Horatius passim testantur ramusculo Oliuæ, cuius rei exstat luculentissimum exemplum apud Virgilium qui pompam funebrem describit, qua Misenus Aolides, generosi hominis more effertur. Sic enim rem prosequitur.

Postquam collapsi cineres, & flamma quieuit,

Reliquias vino, & bibulam lauare fauillam,

Ossaque lecta cado, texit Chorineus aheni.

Idem ter socios pura circumtulit unda,

Spargens rore leni, dixitque notissima verba,

Hoc est manibus eius optimaquæ que precatus est, quo officio etiam nostrates mortuos prosequantur, ubi sepulchro inferri cōtingit. Nostri autē sacrifici ex veteri instituto in hunc usum manipulo utuntur eo cetis confecto, atque aqua sacrata adstantes conspergunt. Cæterum ut ad Rosmarinum referatur oratio, sciant passim omnium horti viuaci hac fronde, solio tenui

Lib. 7. c.
27. de Ha.
mundi.

Æneid. 6.

Aquæ cō-
secratæ
aut lu-
stralis
origo.
Aquæ
Rosmari-
ni vis.

Morbi
Regij re-
medium.

tenui, crebro, oblongo, crassiusculo, colore intus candido, superne viridi, suauiter odorato flore ceruleo, oleoso, ita ut si in vasculo distillatorio ex hoc aqua eliciatur, oleum innatare videas. Quod ego paralyticis & apoplecticis salubriter admodum soleo, ceruice ac nuca illo inuncto. Odor fructicis animum reficit: presentancam autem vim obtinet in expurgando morbo Regio, qui vulgo Icterus appellatur, perfusa extima cute flauo felleoque colore, sic ut hæc vis etiam ad animum transferatur vitiorum nexu ac maculis deformatum. Rursum morbum comitalem qui menti vim infert, impugnat, sic omnibus auctor sum ut in elixarum carnum liquamine cerebro eius usum admittant. Odor accensi fructicis pestis contagia fugat, atque ædes suavis odoris fumigio à vitiosis halitu tutas præstat. Conficitur ex eius floribus medicamentum, quod quoniam diu subsistit, *Conseruam*, triviales Pharmacopolæ vocant, cuius vis cerebrum mirè confortat, si nimio humore oppressum est, memoriam collapsam erigit, & ne quis morbo caduco, apoplexia, paralyti, spasmo corripitur, aut caligantibus oculis efficiatur, singulari vi ac efficacia instructa est. Cum autem thuris odor ac suffimentum Deo offerri solet, eoque homines illi litare, non alienum à ratione est Iudæos thurificis fructicum odoribus esse usos, ac Rosmarini ministerio (quæ singulari vi pollet in expugnandis cerebri morbis, ubi mentis sedes est, & herba grato odore imbuta est) sua sacra peregrisse.

De Amygdalo arbore, cuius passim in sacris Biblitis fit mentio, & de qua desumitur insignis Metaphora seu collatio à Salomone Eccles. Cap. 12.

C A P V T XLVIII.

A Mygdalus arbor caudice procero assurgit multis ramis aquaquaersum, ut nostras persica, brachiata, foliis salicis proximis aut lugustro, aut ut ea quæ Belgis *Persica*, & volemata profert, flosculo candido, foliis distincto, quæ tamen mense Ianuario aut paulò serius statu cœli adhuc frigido florescat, apud Ziritæos tamen fructus qui nobis *Amandel*, dicitur, præcoci partu maturescit. Vidi enim ante sesquiannum in nuptiali pompa generosi viri *Brunonis vviingaerds*, in quem

A mygdala
Zelandis
non denegata.

Socci

Socer Hieronymus à Seroskerka Zelandiæ Orientalis eis Scaldem Quæstoriâ dignitatem transtulit, Amygdala ex arbore recens decerpta ea maturitate ut cum Italicis, vel Hispanicis certare possent, sic ut effracto lignoso putamine, nucleum intus exhiberent candidissimum, denique succulentum, mireque sapidum, adeo ut Procures aliquot Bataui qui illuc acciti erant, obstupescerent atque incredibili admiratione afficerentur, cum spectarent in tã despiciata maritimi tractus regione tam speciosos fructus enasci. Muniti autem erant fructus amygdalini gemini tegumento atque inuolucro puluinari, primum cabycis, mox lignei putaminis, cui suberat nucleus membrana obductus, qui in aqua egelida aut tepescenti maceratus, membranam totam exiit, & se edendum zaccharo insperso exhibuit. Amygdalus non prorsus nostrati Persicæ absimilis, nisi quod huic folia maiuscula sint & flos puniceus, illi candidus, fructus Persicæ orbiculatus, carnosus, succulentus, sapidus, vinosus, foris lanuginosus, durâ intus ac scabra nuce, amygdalis prorsus affinis, nisi quod maiori læuore sit nux amygdalina, nec ita foraminosa: fructus amygdalini cortex nihil habet quod edi possit, sed tantum nucem ambit membranofum tegmen puluini forma, intus verò exhibet nucleum nunc amarum, nunc dulcem, quorum prior ebrietatem arcet præsumpta, exsiccandi ratione, nam humiditatem vini ac vaporem consumit, eumque prohibet ad cerebrum efferri. cæterum amaritudinis ratione, & quod incidendi extenuandique vi pollet, viscerum internorum obstructions amolitur, hoc est, hepar, lienem, renes à crassis humoribus expurgat, urinam prouocat, calculum atterit, ut etiam nuclei Persicorum, næuos, lentigines, maculas in facie cuteque extima eruit abstergerendi efficacia. Cum autem vulpes calidis & siccis tabescant, usu amygdalorum amarorum emoriuntur, nisi aquam confestim lambant, atque amaritudinem quæ vitalem succum illis depopulatur, mitigent ac diluât. Dulcia amygdala (quo comœatu Iacob patriarcha filio instruxit, cum famis tempore in Ægypto illos amandaret) corpus alunt ac saginant, pectus expurgant, tabidis conferunt, somnum placidum conciliant, delatis ad cerebrum suauibus ac soporiferis vaporibus: gummi verò eaque resinosa concretio, quam fisso per æstatem, hiantequæ cortice arbor exudat, astringit atque inspissat humores tenues, ac sanguinolentas excretiones cohibet. Ex hac speciosa atque fructifera arbore quæ præmaturè floret, atque albescente flosculo spectabilis est, desumit Salomon insignem Metaphoram in Ecclesiaste capite ultimo, adiectis aliis quibusdam verbis translatitiis tam ob-

Amara
Amygdala
quid
præstent.

Amara
amygdala
vulpi
noxia.

Gen. 43.

Gummi
amygdalinum.

Cap. 17.

obscuris & intricatis, vt non cuius sint explicabilia, & quæ Oedipo opus habeant coniectore, quibus tamen pro virili atque ingenij nostri tenuitate aliquid lucis adferre conabor. Toto autē hoc capite delumpta ex rebus nouissimis passimque obuiis collatione commonefacit hominem officij sui, vtque in ætate iuuenili salutis suæ inuigilet, cohortatur, antequam ætas ingrauescat, & corpus senectutis incōmodis opprimatur. Itaque Deus antē oculos constitui vult atque in eum mentem continenter defixam, nec vllō modo committendum, vt in virefcere illa in obliuionē deueniat, sed dū viget ætas atque adhuc in flore æui consistit omniaque mēbra suis officiis funguntur, Deum vitæ integritate ac moribus inculpatis demereri studeat. Eleganti autem periphrasi indicat, quo modo homo in ætate florida constitutus sensim deflorescat, atque vt lob testatur, conteratur, & velut vmbra aut fumus euanescat, sic vt singulis momentis detrimenta concipiat. atque in deterius rapiatur, omniūque membrorū vsu & functione priuetur. Accessu enim annorum (nam singula membra Salomō persequitur) caligant oculi, aures obsurdescunt, lingua titubat & efficitur impedita, nares odorandi facultate destituuntur, tremunt manus, labascūt pedes, deorsum incuruescūt, totaque corporis compages pedetentim dissoluitur. In hunc autem modum (vt auctoris verba eademrem) concionem suam prosequitur. *Memēto Creatoris tui in diebus iuuentutis tue, antequam veniat tempus afflictionis,* hoc est, antequam te circumuallēt senij incommoda & morbi, de quibus dices, *non mihi placent, antequam tenebrescant Sol & lumen & stella, & reuertantur nubes post pluuiam,* hoc est, caligo & nebecula oculorum cum lachrymosa lippitudine, quando commemorabuntur custodes domus, hoc est, costarum propugnaculum quod interna viscera munit ac tuetur, & nutabunt, seu vacillabunt, *viri fortissimi,* hoc est, pedes qui corpus librant ac fulciunt, & otiosi erunt, *molentes in minuto numero,* hoc est, cū edentulus eris, cibumque ægrè conficies mandibula: & tenebrescent videntes, hoc est, oculi, & claudentur ostia in platea, hoc est, via & meatus quo cibus in stomachum defertur in humilitate vocis molentes, & consurgent ad vocem volucris. *Et obsurdescēt omnes filia carminis,* hoc est, aures quæ sonorū modulatione affici solent. *Excelsa quoque timebunt & formidabunt.* hoc est, cū pedes labant ediciora loca non conscendent, vel aliquid ex alto delapsurum metuant. *In via florebit Amygdalus & impinguabitur locusta,* hoc est, pedes intumescent ob debilem concoctionem: nam locustæ ex porrectis pedibus saliant, quod senibus est denegatum, *Et dissipabitur Capparis, antequam rumpatur*

Cap. 14.

Locus Salomonis Allegoricus.

rumpatur funiculus argenteus, & vita aurea recurrat, & conteratur hydria super fontem, & confringatur rota super cisternum & reuertetur pulvis in terrā unde venit, & Spiritus rediat ad Deum qui dedit illum. Hæc partim Allegoria qua Salomon aliud dicit, aliud intelligit, partim Metaphora qua verba commoditatis gratia transferre per similitudinem à propria significatione ad aliena extimulat hominem oscitantem suæque salutis negligentem, ut Opificis ac Creatoris sui memor sit, illumque identidem ob oculos constituat, nec vnquam in obliuionem deuenire patiatur: atque id præcipuè in adolescentiæ atque ætate iuuenili quæ minùs prouida, segniter salutis propriæ inuigilat, suisque cōmodis prospicit, quod ipsum eò magis amplificat, quod successura sint deteriora, quibus id perfici non possit. Quocirca acriter stimulat mētes ignauas & socordes, ut ab ineunte ætate in Deum mentem habeant erectam; antequam senium ingruuescat, & accelerari contingat dies malos ac tempora, annosque plenos incommoditatis, molestiæ, afflictionis. Nam silicernio ac capulari seni omnia sordescunt vitæ oblectamenta, voluptates, deliciæ, tripudia, cantilenæ, risus, ioci, lepores, omniaque fastidiuntur edulia, cupediæ, condimenta, bellaria, nec ullis rebus quamlibet suauibus afficiuntur, quibus fere iuuentus occupari ac detineri solet. Hanc autem occasionem redimendæ salutis eò magis arripiendum prædicat, quod in ætate decrepita & inclinata animus vnà cum corpore flaccescat, mens obnubiletur, memoria, ratio, intellectus omnesque animæ facultates extinguantur extincta luce, insitoque naturæ lumine sopito. Etenim (ut ordine ac continuata serie Salomonis caput illustrem) senio confectis oculi excutiunt ac præter caliginem lippitudine viriuntur, ut Sol & Luna illis vix conspici possint. Tunc manus quarum in perficiendo opere vtimur agilitate ac ministerio tremulæ efficiuntur, atque ad opera manualia inutiles. Tunc pectus anhelosum est, ac spiritus propter costas subsidentes ægrè ducitur. Tam pedes qui corpus ut basis ac colūnæ fulciunt, labāt ac incuruescunt sic ut in ingressu scipionis adminiculo indigeant. Tunc dentes qui cibum molunt ac conficiunt, operaque mādibularum alimenta conterunt, imminutè officio suo perfanguntur, ut edentulis assolet. Tunc visus imminuitur, atque oculi qui velut ex cauernulis atque animi fenestris prospectant, deficiunt & obscurantur, aut conniuentibus ac collapsis palpebris earūque musculis minutim ac velut per nebulam vident, ut ij qui vix in platea obuium discernunt. Tunc fauces ægrè cibum deglutiunt occluso ob siccitatem gulæ meatu ac tramite, per quem alimenta in sto-

Caput
Ecclesia-
stæ 12.
explica-
tur.

machum deferuntur, dentibus etiam inualidis, exesīs, infirmis qui cibo elaborando atterendoque non gnauiter insistit. Tunc somnus tenuis est & exilis ob cerebri siccitatem, vt senex ad auiculæ sonitum expergiscatur. Tunc offuscatur vox, & stridet ariditate exasperante vocalem arteriam, prorsusque ad cantillandum est inidonea. Tunc ad leuissimum strepitum expauescit, totusque meticulosus ac pauidus semper aliquid sibi imminere, ac è sublimi delapsurum metuit, sic vt nō temere per compita, & plateas ingrediatur, nisi subinde respectet. Tum florescit *AMYGDALUS*; hoc est, Caput albescit canicie sic, vt eminus conspici queat, quemadmodum Amygdalus arbor quæ candidos in summitate flores producit, vt longissimè se spectandam exhibet. Tunc vox exilis erit, imminuta, ac stridula. Tunc leuissima, quæque illi erunt oneri, ita, vt ne muscam quidem perferat. Tunc peribit appetitus qui ferè Caparis condimento irritari solet, totumque rerum carnalium desiderium abolebitur. Hæc aliaque incommoda homini obuentura commemorat Salomon. ingrauescente ætate ac deuentura, antequam mutua animi concordia ac confœderatio, qua hæc conglutinata sunt, dissoluetur, & priusquā ex hoc corpore animus emigrare contingat in sedes illi destinatas. Quocirca homini has ærumnas in mentem reuocat, quod in ætate florida ac virenti in Deum defixos habeat oculos, illique suā vitam, mores, ac studia approbare studeat. *An. equam* (vt concionem prosequitur) *rumitur funiculus argenteus*: quod designat spinalis dorsi medullam, quæ ex Cerebri substantia argenteo splendidoque colore producta (vt etiam in brutis animantibus conspiciuntur) à basi occipitis, hoc est, capitis parte postica vno productu per quatuor & triginta vertebrae (qui & spondyli dicuntur) ad os caudæ quod ad anum definit, porrigitur. Cum autem istæ spinæ seu dorsi contextus cui costæ velut curuatae trabes adhærescunt, atque affixæ sunt, sic velut Carina, (nantæ ^{hiel} vocant) cui totius nauigij moles incumbit, tota vis, robur, fortitudo, munimentum humani opificij ac structuræ in spina eiusque medulla consistit, sic vt scire Salomon homini imminere interitum pronunciet, quando illam conuelli, vel rumpi, vel dissolui contingat, sub contracti argentei funiculi Metaphora, quod instante morte euenit. Cæterum quod sequitur, *Frangitur aut quassatur fons aureus*, ea figurata loquutione Cœlitæ fontem designat, à quo arteriarum riuus (vt ab hepate venarum propaggines) producuntur, qui & spiritus vitales, & rubicundum sanguinem secum deuehunt, membraque fouent & irrigant. Per Hydriam autem vel quæ conteritur iuxta fontem

vel

Amygdali
Metapho-
ra.

Spinæ
dorsi ca-
rinæ
nauis affi-
milis.

vel scaturiginem Renes intelligit & vesicâ meatusque vrinarios, qui ferè in senibus collapsi & in angustum contracti non præstant officium suum, sic vt accelerati interitus causam præbeant. Sequitur, *Et confringatur rota super isternam, vel conquassatur, & corruet currus fractis rotis in foueam.* Quibus verbis denotat Caput quod ferè moribundis inclinari solet, & in humeros deuolui. Est autem caput rotundum & globosum, quod vt rota versatilis quaquauersum mouetur dextrorsum, sinistrorsum, nunc in pronam, nunc in supinam partem, cui mouendi & sentiendi facultas attributa, ex eoque spiritus animales orti per corpus diffunduntur, ac motum sensumque nervis impertiunt: imminente autem morte caput primum ferè labescit ac corruit (vt in oculis perspici potest, qui omnium primò moriuntur, aut mortis indicia proferunt) ac totum corpus in præceps rapit, fractisque omnibus membris, vt axecurrus aut vehiculi, omnem corporis structuram in foueam deiecit. Hunc itaque subesse sensum Salomonis verbis, testantur subsequencia. *Nam tunc, inquit, puluis in terram ex qua desumpus est, & Spiritus ad Deum qui dedit illum, reuertetur.* Cæterum *Gen. 30.* vt ad Amygdalum regrediar, Iacob Patriarcha, cui post à videndo Deo Israeli nomen inditum est, à socero Laban parum ciuiliter aut pro æquitate rei tractatus, miro vsus est astu ac stratagemate, subdolo quidem ac fraudulento, nisi industriam interprereris atque ingenij dexteritatem, qua mercedem auaritiæ prætextu denegatam, atque hæreditatem fraude retentam ad se deriuaret, ratione Physica ad id perficiendū vsus: accepit enim virgas ex Amygdalo, Corylo, populo, castanea, easque decorticatas in aluco ac canali posuit ante ouium oculos, vt cum potum venirent, in earum conspectu conciperent, cum autem omnibus animantibus atque etiam fœminis formæ ac species rerum imaginatarum concipiuntur ex rebus obiectis, illæque fœtibus imprimuntur, factum est vt pedes fœtus ederent versicolores ac variegatos, maculisque distinctos, *Imaginatio cōceptū fugit. Num. 16. & 17.* sic vt Iacobus non pœnitendam sortem sit consequutus. Cæterum extat in Bibliis insigne miraculum de virga Aaronis Amygdali in morem spectabili florū ac fructuum amœnitate germinante, qua Deus perfracto populo voluntatem suam testatam esse voluit, palam facere omnibus, quem præfici velit diuinis ministeriis ac sacerdotis munere fungi. Absorptis itaque terræ hiatu, soloque dehiscente Dathan & Abiron vnacum primariis aliquot conspirationi contra Mosem & Aaronem consociatis, qui se diuinis rebus ingerere tentabant nullo Dei mandato aut vocatione, cæsis interim ex promiscua ple-

be ac gregaria multitudine quatuordecim millibus & septingentis, demandauit Deus Mosi vt acciperet duodecim virgas inscriptis singulis virgis Principum nominibus inter quas erat Aaronis Leuiticæ tribus. Et posuit singulas Moses in tabernaculo testimonij: postridie ingressus Moses tabernaculum oraculi, vnde à Deo responsa peti solebant, inuenit germinasse fruticis in morem virgam Aaronis Leuiticæ familiæ, ac turgētibus gemmis flores emeruisse, qui foliis dilataris Amygdala protulerunt, proferens autem Moses virgas omnes de conspectu Domini, spectandas illas exhibuit vniuersis filiis Israël, qua re visa, acceperunt suam quisque virgam, Aaronis autem in signum rebellionis in tabernaculum relata est: quo sedato sopitoque murmure ac fremitu inconditæ multitudinis, ea virga exemplo sit, ne amplius contra Deum eiusque ministros insurgant. Historia hæc illustre documentum omnibus exhibet, nempe vt nemo sibi vsurpet aut vendicet vllam functionem, aut vltro se illi ingerat, nisi Dei iussu & vocatione accitus vel etiam communi consensu ac suffragio eorum quibus ea res per Dei Spiritum demandata est. quemadmodum Paulus ad Hebræos testatur Christum non sibi arrogasse cum honorem ac dignitatē, vt constitueretur Pontifex qui peccata aboleret effuso suo sanguine, sed hac perfunctum legatione iussu Patris qui illum constituit perpetuum Sacerdotem secundum ordinem Melchisedech. Cui itaque virga, hoc est, regendi docendique munus commissum est, ac delegata functio propagandi Euangelij, ille se acriter operi destinato accingat, suæque vocationi grauitè insistat. Atqui vt Aaronis virga prius arida, virtute diuina virescere incepit, ac præterea fructū salubrem proferre: ita quoque par est vt ministri verbi Dei germina virtutum proferant, ac salutari doctrina illos, quorum cura iis demandata est, imbuant, vt fructus bonorum operum per fidem in ipsis conspiciantur. Quod Christus sedulò inculcauit Petro ter ab illo stipulatus amoris confessionem, & pascendi gregis diligentiam. Videtur autem mihi admodum appositè ac conuenienter Nux amygdalina posse statui vitæ Christianæ symbolum, in qua vt superius de Iuglande diximus, aspera nitibus, amara dulcibus, dura mollibus ac suauibus mista sunt, nam per ligneum durumque putamen aduersitates, labores, ærumnæ, incommoda designantur, per nucleum dulcedine imbutum suauitas & solatium, dolorumque fomentum & mitigatio.

Documē
tū exhi-
storia Aa-
ronis.

Cap. 5.

Amydali-
na nux vi-
tæ Chri-
stianæ
symbolum.

De Platano eiusque natura, à qua similitudinem desu-
munt sacri scriptores.

CAPUT XLIX.

Platanus arbor est externa atque aduentitia, v̄mbrarum
gratia ex Asia in Europam aduecta, sic vt Plinius testatur
ad Morinos vsque Belgarum olim extremos Romani im-
perij tributarios esse delatam. Diffundit hæc arbor amplif-
simè ramos, cortice crasso, folio vitis aut Ricimi, hoc est,
eius stirpis quæ vulgò *Palma Christi* dicitur, ob folia in ex-
pansæ manus effigiem articulata. Catapotia maioris etiam
nomine cognita, quòd semen cui inest, vis purgatrix, pillulis
quæ Græcis *Catapotia* dicuntur, ab orbiculari forma, sit inclusū.
verum Platano, quàm huic frutici folia paulò minora sunt,
longo pendicolo, hoc est, petioso quo folium aut fructus de-
pender, rubicundo, flosculo paruo ac pallido, baccis rotundis
atque orbiculatis, scabris ac lanuginosis. Præbet hæc arbor,
quòd patulis sit diffusa ramis, ac quaquauersum exporrectis,
scenas & v̄mbracula, vt apud Belgas fagus, vulgo *Buecken*, la-
xatis ac deflexis expansisque in omnem partem cultoris indu-
stria ramis, eaque elegantius *Tilia* seu *Philyra* Belgis *Linden*,
cuius apud Brabantos *ramosa* illa arboris propago, & natura
& arte exulta v̄mbram exhibet, & exclusio Solis æstu opacum
frigus adfert, sic vt subsidentes mirè afficiat frondosa cōcame-
ratio, ac lassos languidosque suauiter reficiat. Non desunt qui
cum *Tiliam* hæc præbere commoda videant, ac salubri v̄mbra
astantes recreare, *Platanum* existiment. Alij fagum, quòd *Vir-*
gilius cecinērit,

Tyrrhæna patula recubens sub tegmine fagi

Syluestrem tenui Musam meditaris auena.

Verum magno errori inuoluti sunt, cum illis nulla in folijs cū
Platano sit affinitas. Arcēt quidem illæ arbores, vt *Platanus*, So-
lis ardorem, ac caput ob densam foliorum pompam ab æstu
tuentur, sed non conspicitur ea species & forma foliorum in
nostratibus, arboribus, non emanat ex frōde ea suauitas & ex-
piratio quæ salubri halitu proximos afficiat. Est enim *Platanus*
ea vi imbuta, vt venenata quæque arceat, ac Serpentes longè
abigat, adeo vt vespertilionibus hæc arbor aduersetur, nec fa-
cile sub ea nidulentur, eiusque v̄mbram ferre sustineant.

Li. 12. c. 2.

Palma
Christi si-
ue Ricia-
mus her-
ba.

Fragus

Tilia

Eclog. 4.

Platan-
vis & na-
tura.

- Quocirca sacri scriptores hanc etiam narrationibus suis accommodant, ex eaque similitudines desumunt. Sic Sapientia sui commendatrix, atque in enarrandis propriis encomiis occupata, commemoratione excellentium arborum, indicat se omni virtutum genere exornatum, ita, ut sibi adsit decus, honor, dignitas, amplitudo, sublimitas, fauor, gratia, venustas, quibus doribus suos sectatores etiam illustrat, faretur se frondescere ac fruticare, ut Platanum arborem speciosam, quæ irrigata aquarum affluentia augetur, atque incrementa suscipit. Arbor enim hæc impensè humore delectatur, ac sitibunda est aded, ut vini irrigationem non respuat, quod ipsum factitasse Hortensium Macrobius refert, quò viuacior esset ac magis spectabilis. Ut autem Platanus ramos ac propagines longè lateque diffundit, ac tam gratam vmbra exhibet, ut Xerxes Persarum rex totos dies illa se oblectaret: ita sapientia quæ ab Altissimo promanat, omnes qui eò confluunt, ac sub eius vmbra se recedunt, suauissimo Diuinitatis afflatu fouet ac recreat, illorum curâ ac tutelâ suscipit, illosque ab omni iniuria atque incômodo defendit. Sic orat Dauid, *Sub vmbra alarû tuarum protege me.*
- Et Hieremias plorabundus queritur se hoc solatio destitutum populi Iudaici personâ sustinens. *Spiritus oris nostri Christus Dominus captus est in peccatis nostris, qui diximus, In vmbra tua viuemus in gentibus,* hoc est, illius præsidio facti, subsistemus & tuti erimus ab omni insultu. Cæterùm cum sint in Palæstina ac Syria totoque illo fœlicis Arabiæ tractu amœnissimæ summæque proceritatis arbores ob soli vbertatem atque aëris temperiem, Propheta ex rebus obuiis ducta similitudine, Regum atque Imperatorum magnatumque splendorem, magnificentiam, sublimitatem, potentiam, maiestatem celsissimis arboribus ut Cedris comparant. Et si qui aliis sunt paulò inferioris notæ Principes vel Satrapæ, quorum non tanta est potentia, ut cum summis certare possint, aut cum illis paria facere: sed tamen aliquo numero censeri possint, & quibus obigit non pœnitenda dominatio, non Cedro sublimi atque immensæ altitudinis arbori, sed Abieti vel Platano aliisque minus proceris aut speciosis arboribus comparantur. Itaque Deus apud Ezechielem amœnissima vritur Metaphora in describenda amplitudine ac sublimitate Pharaonis quantoque vritur successu ac prosperitate quid incrementi florentissimo Regno accesserit, quos progressus acceperit, sic ut pronunciet nullum Regem illi parem, nec quemquam illius magnificentiam adæquare: illum tamen ex tanto fastigio ac gloria minimo negotio detectum iri, quemadmodum celsissimæ arbores securi deiici solent

Xerxes
platani
vmbra
delecta-
tus.

Psal. 16.

Thren. 4.

Magnates
celsis ar-
boribus
compara-
rantur.

lent ac conuelli. Sic enim Propheta narrationem prosequitur, qua Deus superbo elatoque Regi, cui ut nunquam Deus in mentem venit, ita eius populo fuit infestus, exitium minatur: *Factum est, inquit Ezechiel, verbum Domini ad me. Fili hominis, dic Pharaoni Aegyptiorum Regi & populo eius. Cui nam assimilatus es in magnificentia tua? Ecce Assyrius Cedro similis est in Libano, pulcher ramis, frondibus umbrosus, tanta proceritate & altitudine ut inter condensas frondes sit cacumen eius, aqua nutritiuerunt eam. Abyssus seu terræ profunditas qua radices aluntur, in altum illam euexerunt, quumque extendisset ramos suos, hoc est, vires & potentiam assequutus esset Pharaonis dominatus, in ramis eius fecerunt nidos omnia volatilia cœli & sub frondibus eius genuerunt, omnes bestię saltuum & sub umbraculo illius habitabant plurimarum gentium cœtus. Qua Metaphora indicat Pharaonis imperio multas nationes esse subditas, illique tributarias ac vectigales. Eratque pulcherrimus in magnitudine sua in dilatione arbustorum suorum, hoc est, propagando imperio, ac dilatandis proferendisque finibus. Erat autem eius radix iuxta aquas multas, quæ affluenter illam irrigabant. Quibus verbis designat opes illi accreuisse in immensum ob negotiatorum frequentiam, atque vltro citroque commeantium turbam. Cedri non fuerunt altiores in paradiso Dei, Abietes non adæquauerunt summitates eius, & Platani non sunt æquatæ illius frondibus. Qui indicat nullam provinciam ei parem, nec Iudæam quæ sanctissima religione exornata est, nec vllas alias nationes quæ Dei cultum amplectuntur, illi conferri posse. Ob tantam autem, inquit, pulchritudinem, & eminentiam æmulata sunt eam omnia ligna voluptatis quæ sunt in paradiso Dei, hoc est, inuidia quadam, & æmulatione moti sunt finitimi qui Deum colunt & venerantur. Vrit enim aliquando pios felicitas & successus impiorum, ita ut improborum prosperitas illos propemodum vacillare faciat, atque à studio recti dimoueri. Quod ipsum testatur David, cum inquit, *Mei autem penè moti sunt pedes, penè effusi sunt gressus mei, qui zelau super iniquos, pacem peccatorum videns.* Huius quoque rei indignatione motus Hieremias cum Deo disceprat, & quodammodo cum illo expostulat, quod via impiorum prospereatur, & benè sit omnibus qui præuaricantur & iniquè agunt. In eodẽ argumẽto versatur Abacuc, & cum Deo propemodum iuratur, *Quare respicias contemptores & taces, conculcantes impio iustiores se?* quasi diceret, Cur conniues? cur dissimulas, & quodammodo mussas ad scelera & iniquitates improborum?*

Ezech. 12.

Locus Ezechielis explicatus.

Secessus impiorum pius aliquando vrit.

Cap. 12.

Cap. 1.

Cap. 32. Iob quoque indignatur impios in tantam felicitatem euectos, ut reliquos habeant contemptui. *Quare*, inquit, *viuunt impii, subleuati sunt & confortati diuitiis? Domus eorum securae & pacatae, & non est virga Dei super illos*, &c. Hæc autem tametsi in se-
 cium inter felicitates referenda videntur adeo ut piorum ani-
 mos fatigent, & velut in lubrico constitutos ad ruinam pro-
 pmodum impellant, exitus tamen declarat, quam sint fallacia,
 incerta, momentanea, caduca, fluxa, temporaria, quibus illi
 fruuntur, cum Deus subito & repente omnia euertat, ac in ni-
 hilum redigat, ut ne vestigium quidem tanti fastus & poten-
 tiæ appareat, quod etiam alio loco indicat Dauid, *Adhuc pu-*
ssillum, & non erit peccator, & quares locum eius, & non inuenies.
 Et paulò inferius, *Vidi impium superexaltatum & eleuatum sicut*
Cedros Libani, & transiui, & ecce non erat, quasiui & non est inuen-
tus. Quo denotat improbos in maximam sublimitatem attol-
 li, sed ex florenti reum statu, ex quieta possessione deturbari,
 illorumque pompam ac strepitum euanescere ut fumum, sic, ut
 ne posteritas quidem in ullam regni partem aut hereditariam
 possessionem admittatur, sed euertatur florentissima familia &
 aboleantur ædes & palatia splendida, à quibus ferè Reges &
 magnates nomen sortiuntur. Exempla quotidie suppeditant
 Belgarum aliquot proceres gestamine Regio decorati, quorum
 opes, decus, magnificentia defluerunt, & nominis celebritas
 extincta est, quòd in tanto splendore in quo erant constituti,
 nulla habita sit Dei ratio, nec suam felicitatem Supremo nu-
 mini acceptam referre studuerint. Quò spectat hæc Ezechielis
 Metaphora, qua Deus Regi amplissimo interitum minatur, eò
 quod cor eius elatum esset contra Deum sic ut aliis præda sit
 futurus; atque ad internecionem delendus, ipsis etiam confæ-
 deratis in eandem calamitatis sortem deiectis, quibus acce-
 dunt multa alia detrimenta quæ Ezechiel hoc capite multis
 Metaphoræ amplificat. Huic prorsus affinis est illa apud Isaiam
 Dei comminatio contra fastum, superbiam, tyrannidem, crude-
 litatem, sæuitiam Regis Babylonis, super cuius interitu etiam
 lætatae sunt Abietes & Cedri Libani, ut propheta disserit. Qua
 Metaphora indicat Duces ac Satrapas, omnesque illius iugo
 oppressos exultare atque exhilarescere ruina atque interitu
 Tyranni sæuissimi. Comparatur ille ob magnificentiam ac
 splendorem Regni, Lucifero sideri argentei ac clarissimi splen-
 doris, qui Planeta nocturnis horis atque inclinata iam die,
 Solem subsequutus, Vesperugo & Hesperus dicitur, Belgis;
Auentierre, de quo Virg. *Ite domum satura, venit Hesperus, ite ca-*
pella. Matutinis autem atque antelucanis horis, primoque dilu-
 culo

Psal 61.

Dauidis
locus ex-
plicatus.

Esaiæ 10-
cus expli-
catus.

Eclog. 1.

culo Solem præcedens Lucifer vocatur Phosphorus, denique ab amabili venustate ac splendore, lucidoque colore Venus, à qua & dies nomen sortitur. Cui rei hæc subest ratio, quòd Veneris stella ratione epicycli moram ac retardationem faciat in signorum spatiis, quo fit vt tardius progressa, post occasum Solis appareat, velut itineris eius comes, mox tamen maturans iter, ocyore ambitu vtitur, ac transiliendo se eripit à necessitate moræ, iustumque cursum perficit, ac Solem matutino tempore præcedens radianti splendore cælum illustrat. Huic syderi cum Rex Babylonius memoratur assimilis, successu rerum magnatum elatus, suæque fragilitatis oblitus diuinos honores sibi deferri passus est, oppressaque Dei religione, ac profligatis eius cultoribus pro numine coli voluit, cuius insolentiam ac superbiam, læsæque Maiestatis crimen indignè ferens Deus, illum ex sublimi imperij solio deturbauit, omnique gloria ac decore spoliavit (quemadmodum Angelum Satanæ qui Diuinitatem affectabat, Deoque primas sedes ambiebat) & ea ignominia affecit, vt etiam sepulturæ honor illi sit denegatus, illata etiam nū memorabili clade regno Babylonico, eiusque incolis, atque indigenis vndique prostratis, quæ ruina ac tam magnifici Regis interitus passim prouocauit populares & finitimos, qui eius pompam ac strepitum vel inuiti spectare ac venerari soliti sint, ad dicacitates, scommata, dicteria sic, vt mortuo cadaueri insultarent, quòd opulentissimus Rex qui solo nutu omnes territabat, ex tanta sublimitate ac fastu in tam acerbam ac feruilem conditionem sit præcipitatus adeò, vt non sit inferendus sepulchro more Regio, sed (vt Hieremias Ioachimo Regi Iudaico minatur) sepultura asini sit humanus. Quo indicat corpus, vt asini & equi, feris & alitibus palam obiciendum. Quò spectat illa Esaïæ Ironia & insultatio. Omnes principes nationum dicent, *Detracta est ad inferos superbia tua*, hoc est, fastus, strepitus, magnificentia, voluptates, deliciæ desierunt: *concidit cadauer tuum. Subter te sternetur tinea, & operimentum tuum erunt vermes*, hoc est, corpus demortui nullo erit oblitum unguento aut aromate, vt Regibus assolet, quòd à putredine corpus conseruetur: sed à lumbricis ac vermiculis arrodetur, vt infimo cuique cerdonum contingit. *Quomodo de cælo cecidisti Lucifer qui oriebaris manè ante coruscantem Auroram? Corruisti in terram qui vulnerabas gentes, qui dicebas in corde tuo: In cælum conscendam, supra astra Dei exaltabo sedem meam, & sedebo in monte testimonij in lateribus Aquilonis. Tu verò in sepulchrum detractus es in perfundum lacus.*

Cap. 22.

Esaï. 19.

Esaïæ locus explicatus.

Ambitio ruinæ obnoxia.

Quo denotat cum vita, opibus, potentia exutum, & morte absor

absorptum, qui humanæ conditionis oblitus se efferre supra humanam conditionem studuit, Deique honorem sibi vindicare. Quæ rerum vices documento sunt Regibus ac mortalium cuique, vt se contineant intra limites, ac meminerint eas esse vices rerum humanarum, vt minimo momento summa in imum aliquando deuoluantur, eoque magis si homo fastu ac superbia intumescat contra homines, & cristas erigat aduersus Deum. Sic Paulus infelicem ac funestum exitum denunciat homini illi sceleroso ac perdito qui effertur supra solum Dei, & se extollit supra omne quod dicitur Deus, aut numen religiosè colendum, & à quo cuiusque salus & incolumitas dependet, adeo vt in templo Dei sedeat ostentans se ipsum pro Deo, & exercens palam sæuitiam ac tyrannidem in Christo Iesu: quem Deus suo tempore conficiet potenti spiritu oris sui, atque euentura falsaque diuinitatis specie instantem abolebit claritate aduentus sui, quo detegetur omnis impostura, & euanescet (multis obstupescens, qui eius fraudulentis prodigiis & portentis dementati erant) vt fumus eius doctrina, & fucata fictaque religionis ac pietatis species.

*Ex frutice, virgulto, surculo, termite, malleolo, palmitate, germine, gemma qui & oculus in arboribus ac ple-
risque aliis, desumptæ similitudines, quibus Propheta
vaticinia illustrent.*

C A P V T L.

Frutex.

Frutex appellatur quidquid ab radice multiplici caudice ac ramoso se profert, sed quod ad iustam arboris proceritatem non assurgit. Virgultum est è terra emergens fruticosa virgularum cogeris, quæ compluribus ramulis ac limosis surculis constat, nec vt herba emoritur. Hæc aliquando excollitur vt arboreseat. Surculus est germen quod ex ramis simplex & indiuiduum oritur, qualis nobis in ramusculorum summitate ad insitionis vsum accommodatur, *Inte Belgæ vocant, quo efficitur, vt*

— Aliena ex arbore germen

Includas: vdoque doces inolescere libro.

Virgil.

Georg. 3.

Est autem Surculus in arbore, velut succrescens soboles & propago, vt in familia nepotum & agnatorum successio.

Vnde

Vnde, *Surculare*, hoc est, adnascentes arboribus surculos adimere. Malleoli & palmites à sarmentis, hoc est, prælongis vitis virgulis porriguntur, nouellæ sunt vineæ germinationes, inter quas sunt pampinarij, qui nihil aliud quàm pampinis ac foliorum pompis luxuriat. quibus nihil speres quàm ostentamenta stirpis: vt ficus Evangelica Christo detestata. Ioan. 8. Sunt enim stolones & inutilis fructificatio resecanda ferro, ignique destinanda. Qua Metaphora Christus impios atque improbos designat. Alij palmites fructuarij sunt, à quibus insequente æstate fructus speratur, nam ineunte vere palmites concepto humore, velut animati, protuberare incipiunt, ac velut parituri extumescere, sic vt gemmæ in iis se proferre incipiant. Quod Cicero indicat. In vitibus primo vere existit tanquam ad articulos sarmentorum ea quæ gemma dicitur, vel oculos, quod extumescat. Vnde *Gemmare* vites dicuntur ac turgescere in spem futuri fructus. Indicauit id etiam Virgilius,

Malleoli
Palmites.

Gēma in
vite quid.

— *Iam venit æstas*

Ecl. 7.

Torrída, iam lato turgent in palmitē gemma.
Germen est id quod ex ipsis arborum surculis primo vere exit, ex quo mox folium producit. Sic vere nouo germinare dicuntur arbores & pubescere. Ex qua re post ver aduentare æstatem coniciamus: vt etiam indicat Christus sumpta similitudine à ficu germinante ac proferente grossos suos, quæ Metaphora superiùs explicata est de ficu. Termes auulsus est ex arbore, ramus foliis vestitus & fructibus onustus, præferim ex Palma & Olea, de qua Paulus Apostolus similitudinem desumit contra illos qui fastu tumidi ac sanctimonix specie inflati alios despiciunt, ac concipiunt de se opinionem quàm pro humana fragilitate maiorem. Hæc præfari vitum est Lector candide, quò plus lucis adferret plantarum cognitio, ex quibus concinnæ similitudines & Metaphoræ desumuntur, neque enim solùm ex arboribus, herbis & fruticibus sacra historia similitudines mutuatur, sed etiam ex earum partibus & appendicibus, radice qua alimentum alliciunt, trunco per quem diffundunt, cortice quo muniuntur, ramis, fronde, foliis, flore quibus exornantur: fructu, semine quibus propagantur. Sic Esaias, vt rem aggrediar, cum de Christo, eiusque ministerio vaticinatur, atque illum oculis hominum spectandum exhibet, describit tam salutarem summi patris legatum nulla specie, nulla formæ dignitate fuisse, sed abiectum, despicatum, ita, vt nullus propemodum illo afficiatur, aut illum vt gratiosum hominem ac fauorabilem complectatur. Similem dicit

Germen.

Matt. 24.
Termes.
Rom. 11.

Cap. 53.
Ioan. 16.
Rom. 10.

Isaia lo-
cus expli-
catus.

dicat Christum virgulto aut surculo qui emergit ex terra arida, ieiuna, squallentique ac siticulosa sic, vt nullam spem pollicere posse videatur hominibus (nam coram Deo nihil illo sublimius) vt in vllam sublimitatem possit euehi, suamque propagare doctrinam, aut vlla ratione efficere vt aliquam spem de eo quisquam concipiat instaurandæ salutis, vel aliquid magni ab illo sperare, adeo vt cum multi abiecti hominis specie offenderentur eò res deuentura videatur, vt vix decimus quisque fidem sit habiturus tam magnificis promissis eorum qui illum prædicant, ac testatum orbi volunt Christum esse Seruatorem, salutisque humanæ vindicem, & assertorem. Cum enim in eo nihil fuerit spectabile aut visenda specie (nisi deuicta morte, adhibito resurrectionis triumpho, ac consummato salutis humanæ mysterio) profecto non mirum cuiquam aut absurdum videbitur tam paucos amplecti eius professionē eiusque doctrinam arripere, cum vix dignum deputent in quem designant oculos, ac spectare sustineant, & abiectior sit quàm vt eius consuetudine ac familiaritate vti cupiant. Longum autem esset omnia persequi quæ in hoc capite Esaias commemorat de propagatione regni Christi, propterea lectorem ad huius Prophetæ interpretes relego Hieronymum, Rupertum Tuitensem, Adamum Salsboudum recentiores, & si qui alij in illustrandis Esaiæ vaticiniis fuerunt occupati. Omnium autem Christianorum interest locum eius Prophetæ accuratè eruere, in eoque idemtidem immorari, ac singula meditando excutere: quoniam in eo nobis proponuntur quibus maximè illustratur Christi & humilitas & gloria, & quid nobis contulerit, quantaque passus sit, vt excussa seruitute ac tyrannide diaboli, in libertatem damnatos assereret. Reuocat nos ad Christi exemplum Paulus Apostolus rigidus Christianæ religionis assertor & propugnator, atque hortatur, vt ita simus affecti, sic animati, vt Christus Iesus, qui cum esset in forma Dei, non se rapinam arbitratus est, vt esset equalis Deo, sed seipsum exinanivit, vt assumpta serui forma, factus sit homini similis, & in forma repperit ut homo, factus obediens usque ad mortem Crucis, ignominiosam, quapropter Deus illum extulit in summam sublimitatem, & donauit illi nomen quod est supra omne nomen, vt in nomine Iesu se flectat omne genu, cælestium, terrestrium, & infernorum, hoc est, nulla vis, nulla potestas tanta sit quæ non submittat se illius imperio. Sic Paulus vt etiam Esaias duplicem Christi naturam complexus est, humanam qua obnoxius fuit & expositus calamitatibus & miseriis hominum, & diuinam ob consequentem imperium, quo deuicta morte & diaboli tyrannide,

Philip. 2.

Pauli lo-
cus illu-
stratus.

Matt. vlt.

nide, extinctoque peccato, mortales omnes in libertatem
 afferuit, sic ut nemo non illi assurgat, nemo non caput incli-
 net, nemo non genua incuruet, ubi tam sacrosanctum Iesu
 nomen vel proferri vel inclamari audit. Cæterum ut in ar-
 gumento suscepto progrediat, cum Esaias nusquam non Chri-
 sti gloriam illustret, atque illius regnum, hoc est, Euangelicam
 professionem propagandam prædicet. Consolatur afflicto &
 mœrentes qui se destitutos omni præsidio existimant, ut con-
 cepta spe & fiducia in Deum mentem erigant. Futurum enim
 indicat (assumpta Metaphora surculi vel fruticis) instauratum
 in spiritale Dauidis regnum per Christum, omnesque pios qui
 se desertos credunt, propugnatorem habituros & vindicem,
 excussoque tyranni iugo, libertatem assequuturos, quod hoc
 raticinio confirmat: *Egredietur, inquit, virga, seu virgultum
 vel surculus, ex radice Iesse & flos subsequente fructu ex caudice
 eius. Et requiescet super eum Spiritus Domini, Spiritus sapientie &
 pietatis, & replebit eum spiritus timoris Domini.* Quo indicat
 Christum omnibus donis cumulatissimum, quibus suos in-
 struit ac locupletat. Eandem similitudinem paulò post repetit.
*In die illa radix Iesse, quæ inclinatis rebus Iudaicis propemo-
 dum extincta videatur, ut aridus truncus, instaurabitur &
 erigetur, ita ut omnes nationes tamquam in scopum oculos
 habituræ sint defixos in Christum, qui stat erectusque est in
 signum ac velut vexillum populi, atque illum requirent, eò se
 conferent, illum certatim gentes deprecabuntur.* Cæterum ex
 radice quæ humorem è terra elicit, ac vitalem succum per ra-
 mos undique diffundit, sumuntur in Bibliis similitudines per-
 elegantes, quas partim rebus prosperis ac secundis prophe-
 te accommodant, atque ubi successum pollicetur Deus, vel
 etiam incrementa virtutum, partim rebus deploratis appli-
 cant, cum scilicet improbis extinctionem atque interitum de-
 nunciant. Sic Iob cum floreret opibus & potentia, ac fruere-
 tur rerum omnium affluentia, omnesque procures illum pas-
 sim honore prosequerentur, *Radix mea, inquit, erat humo-
 re perfusa.* Metaphora sumpta ab arboribus aqua salubri irri-
 gatis, quæ non arescunt, sed florum & frondium pompa spe-
 ctabiles sunt. *Et ros morabitur in messe mea.* Quo denotat
 omnia felicissimè successisse, nec quid detrimenti aut iactu-
 ra accessisse rebus suis. Cum autem radix fundamentum
 sit quo arbores fulciuntur & alimentum percipiunt, Deus
 quod Oseam pollicetur respicientibus, atque iis qui illi fi-
 dant, vberima quæque, opesque stabiles & diuturnas,

Ero,

Cap. 11.

Esaiæ lo-
cus illu-
stratus.Ex radice
stirpium
desumptæ
similitu-
dines.

Cap. 29.

Cap. 14.

Ero, inquit, quasi ros Israël, & germinabit sicut rosa aut lilium, & rumpet, hoc est, dilatabit, diffunderque se radix eius, & propagabunt serami illius. Quo designat non facile morituram illorum felicitatem, sed ut validas arbores, stabilem fore & diuturnam. Salomon autem cum inanem atque euanidam impiorum spem indicat, qua frustrandi sunt voris suis, nec sunt

Prou. 12. consequuti ea quæ animo conceperunt, *Desiderium*, inquit, *impij, nocumentum est pessimorum*, hoc est, ea cogitant ac meditantur, quæ interitum adferunt: *Radix autem iustorum proficiet*, hoc est, pullulabit fructumque salutarem proferet. Vnde Sa-

Eccle. 24. pientia radicatam se dicit, seu firmas defixisse radices, ac propagatam in populo honorifico, sic ut assurgat in immensum, ut Cedrus & Cupressus, hoc est, longè latèque diffundat virtutes suas, quibus sui studios obumbrat, ac saluberrimo hauritu fouet ac recreat. E diuerso cum Deus interitum minatur improbis, ac confirmat, non fore stabilem aut diuturnam illorum potentiam, quantumuis illa vallata sit & munita, Radicem illorum eruendam pronunciat. Quò spectat illud Iobi,

Cap. 5.
Iob 15.

Ego vidi stultum firma radice, & maledixi ac detestatus sum pulchritudinem eius. Cui & illud consonat, Cunctis diebus suis superbit impius, & numerus annorum & tyrannidus illius incertus est. Non ditabitur nec perseuerabit substantia eius, nec mittet in terram radicem suam, hoc est, non erit diuturnus: *ramos eius arefaciet flamma, & auferetur spiritus oris eius ab eo.* Hæc omnia indicant omnem fastum, strepitum, superbiam ad nihilum redigenda. Non mitiora denunciat David homini scelerato ac nefario qui rebus fluxis ac caducis fides, innocentes opprimit.

Psal. 51.

Destruet te, inquit, Deus in æternum, & euellet de tabernaculo, & radicem de terra viventium! Quo indicat illum radicibus extirpandum, ac funditus eruendum, sublata omni spe propagandæ familiæ, nam extincta radice nulla amplius est posteritatis spes. Eadem Metaphora Christus vsus est, cum os obrutur Phariseis, & discipulos libertate discendi offensos placat,

Matth. 15.

Ioan. 15.

Omnis plantatio quam non plantauit pater meus cœlestis, eradicabitur. Quo indicat, omnē doctrinā aut institutionem vitæ quæ innituntur Christi solido fundamento, & quæ plus habet superstitutionis, quàm veræ pietatis, extirpandam. Solent ferè in

1. Cor. 3.

nihilum redigi & aboleri quæ humanis consiliis, nec adhibito Deo statuuntur, omniaque dissipari atque obolescere, quæ non Scripturæ immobili auctoritate fulciuntur, vel ad ostentationem & quæstum excogitata sunt. De Germine, hoc est, rudimento virentis plantulæ incunte vere, par est ratio. nam ex eo desumuntur similitudines vel in bonam, vel in deterio-

re partem. Sic vinea Domini exercituum Israël est, ut Esaias testatur, Et viri Iuda germen eius delectabile. Rursus eodem capite in deteriore partem, Radix impiorum sicut fauilla erit, & germen eorum ut puluis ascendet, hoc est, improbi peridentur, nec in villam magnitudinem assurgent. Rursus cum idem Propheta consolatur populum & pollicetur gratiam Senatoris non defuturam, In illa die, inquit, eris germen Domini magnificentia & gloria, & fructus terra sublimis seu honorificus. Quo ostendit plurimum ornatus ac dignitatis accessurum iis qui in fide persistunt, ac salutem Christi fauore & munificentia consequuturos. Quò spectat illa exultatio qua sibi tacite ac velut in sinu plaudit ac gratulatur homo pius, quod tot tantisque donis sit cumulatus. Sic enim omnia sua dona ac munera quibus affatim ornatus est, ad Deum cum gratiarum actione referens, Gaudens, inquit, gaudebo in Domino, & exultabit anima mea in Deo meo, quia induit me vestimentis salutis, & indumento iustitiæ circumdedit me, quasi sponsam ornata monilibus suis. Sicut enim terra profert germen suum, & sicut ortus semen suum germinat: sic Dominus Deus germinare facit iustitiam & laudem coram vniuersis gentibus. Quibus verbis indicat se omni virtutum genere exultum, atque id Dei beneficio, cui vni debetur laus & gloria. Ut enim terra fertilis & fecunda virentibus herbis exornata testatur Dei erga inferiora hæc magnificentiam: ita iustitia, pax, tranquillitas, ac cæteræ virtutes quibus mentes humanæ exornatæ sunt, declarant summam Dei erga homines beneficentiam & amorem, sic ut merito hæc Dei munera nos ad gratitudinem prouocare debeant.

Esa. 5.

Cap. 4.

Esa. 61.

Hier. 33.

Palmites vitis qui se longè lateque diffundunt, explicant, dilatant, atque vmbracula contra Solis æstum præbent, fecunditatem, honorem, dignitatem, magnificentiam, decus, amplitudinem, successum in Scriptura designant. Sic Dauid eleganti allegoria vitis & palmitis, Hebræorum res secundas commemorat, quas calamitates postmodum sunt subsecutæ. Sic enim cum Deo sermocinatur, Vineam de Ægypto transtulisti, quo designat populum Iudaicum, eiecisti gentes, & plantasti eam, hoc est, curam adhibuisti illis excolendis & instituendis. Qua vitis extēdit palmites vsque ad mare, vsque ad flumina propagines suas, hoc est, exporrexit imperij terminos. Vt quid deripuisti sepem eius, & vindemiant eam omnes qui hac iter faciunt, hoc est, diripiunt, conuellunt, lacerant, dilaniant potētia populi

Palmites
quid designant.

Psal. 97.

Cap. 5.

Cap. 17.

populi Iudaici, quodd destituti sint protectione tua, tuoque praesidio orbat. Idem argumentum tractat Esaias, à vinea ac palmitibus desumpta similitudine. Extat autem insignis locus apud Ezechielem exhibita parabola Aenigmatica, qua declarat Deus producta in concionem Aquila praegrandi ac rapaci, qua Regem Babyloniae regno Israelitico inhiantem designat, cui talia insignia attribui solent, ac vinea frondosa, multisque palmitibus exporrecta, nihil stabile esse aut diuturnum, nec temere hominum potentiae fidendum, esse enim Regum ac Principum foedera, amicitias, pacta, societates infidas, florentissima regna ruinae obnoxia, illa enim Deum dissipare & excindere, ut vineam foliorum ac frondium pompa luxurientem: exigere autem humilia, abiecta, despicata. Quod ipsum in postrema capitis parte his verbis indicat, *Et scient omnia ligna vel arbores regionis, hoc est. superbi, elati, sublimes Reges, quia ego Dominus humilio lignum sublime, & ex alto lignum humile, & siccaui fecique exarescere lignum viride & succulentum, ac frondere ut viridem arborem, lignum aridum. Ego Dominus loquutus sum & facia.* Quo indicat erigere se humiles & despicabiles, atque è sublimi deturbare arrogantes. Quod ipsum agnouit Diua Virgo, & cantico illustri testatum voluit omnibus, Deum clementia uti erga illos qui eum reuerentur: deiicere autem illos & profligare qui animi fastu contra Deum & homines insolent, diuites famelicos pati, esurientes autem affatim saturare & implere bonis. Paulò post idem argumentum profertur Ezechiel vaticinio fulminato contra Ioatham, Eliachim, & Sedechiam periurium & foedifragum. Sic enim primò illos suis depingit coloribus, & indolem illorum exprimit, mali scilicet, corui, ut habet prouerbum, *malum ouum. Quare mater tua leana inter leones cubauit: in medio leunculorum nutriuit catulos suos, & eduxit unum de leunculis, leo factus est, didicit praedam capere, homines deuorare, eo capto è gentibus non absque vulneribus, nec sine sanguine, ita ut victoria non fuerit incruenta. Mater frustrata sua expectatione & sperans alterum è leunculis suis, Ioachimum scilicet, & leonem, hoc est tyrannum, constituit eum, qui incedebat inter leones, & factus est leo, ac didicit praedam capere, atque homines deuorare, didicit viduas facere, ciuitates depopulari, atque in desertum redigere, qui etiam vinculus catenis abductus est ad Regem Babylonis. Quò autem magis exaggeret rei atrocitatem, atque amplificet Regis crudelitatem, quae etiam illi ab utero materno adfuit, repetit capitis initium, vsus Metaphora Physica in hunc modum, *Mater tua quasi vinea in sanguine**

4.c.1.

Cap. 19.

Ezech. 11.

Prouerb. in improbos.

Granni descriptio.

guine tuo super aquas plantata est. Quam Metaphoram & quæ subsequuntur, nemo nisi Physicus & qui in re Medica sit exercitatus rectè interpretari poterit. Alludit enim ad infantis gestationem in utero. nam rubicundo ac sanguinolento sanguine foetus alitur, ac sensim incrementa capeffit, itaque indicat matrem à qua credulitatem suxit, mirè foecundam esse, & sanguine in quo foetus voluitur, redundantem, ut vineam fertilem in locis irriguis: eoque evenit ut materno sanguine affluenter pascitur & saginatus vires validas & robustas conceperit. Quod indicat, cum inquit: *Fructus eius & frondes eius creverunt in aquis multis*, hoc est, humorum in utero abundantia. *Et facta sunt illi virgæ solidae in scepro dominantium*. Quo designat imperatoriam dignitatem regalem pompam ac strepitum. *Et vidit altitudinem suam in multitudine palmitum suorum*. Quo indicat illius potentiam ac magnitudinem longè exsuperatam & exaltatam staturam eius inter comantes frondes. Quo designat illum longè superasse magnificentia sua vicinos reges & Satrapas, ac latius propagasse ditionis terminos. *Cum autem in tanto regni fastu ac strepitu constitutus coepisset alienari à Domino Deo suo*, ipse ut speciosa ac diffusa vitis, avulsus est, & emarcuerunt atque arefactæ sunt virgæ arboris illius, eaque vinea transplantata est in desertum loco arido & siticuloso. Quo designat exilium & captivitatem, in quam abductus est, ac priuatus honore, dignitate, dominatione, magnificentia Regia. Quod iis verbis indicat, *Non est in ea* (nam persistit in vineæ Metaphora) *virga fortis, nec sceptrum dominantium*, hoc est, nulla est imperij maiestas, nulla magnificentia, nulla autoritas quæ illum extra contemptum possint vindicare. Hactenus de palmitibus ac vitis propagine, à quibus Christus etiam similitudinem desumit atque homines qui illi per fidem insiti sunt, ac bonorum operum fructum proferunt fructuosis palmitibus assimilant. Improbos verò omni ornatu destitutos, nulloque fidei ac Charitatis succo imbutos, aridis & infrugiferis, qui ut inutiles frutices & sarmenta igni destinantur. Qua de re vberius in capite de Vineâ, ubi Ioannis Evangelistæ locus explicatur. Cæterum Rami qui multiplices ex caudice atque arboris trunco, velut erectis brachiis se diffundunt, simili Metaphora ut palmites concionibus adhibentur. Designantur autem hac voce robur, potentia, firmitas, incolumitas, decor, & ornatus familiæ, totiusque posteritatis propagatio, ac soboles, denique consanguineorum affinium cognatorum, nepotumque series. Hic Sapiens cum illi felicitatem ac florentes annos

4. Reg. 23.
Hier. 52.
& 59.

Sedecias
in Baby-
lonem ab-
ductus.

Cap. 24.
Ex Ramis
Metapho-
ra.

Ecc. 1.

Rom. 11.

pollicetur qui Sapientiam amplectitur, *Radix sapientia*, inquit, *timere Deum*, & *rami eius longiui*, hoc est, in multos annos illi vita prorogabitur, & longū habiturus est æui decursum. Extat autem insignis apud Paulum Concio Metaphorica de ramis auulsis ex olea, & in illorum locum aliis insitis in qua solidis

Pauli lo-
cus ex-
cussus.
Rom. 4.
Gal. 3.
Iacob. 2.

argumentis ac demonstrationibus Iudæos non ita excisos ac diffraictos ostendit ac conuincit, vt sublata sit omnis recuperandæ salutis spes: sed illos denudè inferendos, si fidem amplectantur. Si enim *primitia*, inquit, *sancta*, & *conspersa sacra est*. Si *fermentum sanctum*, oportet & totam messem statui sanctam, undique imbuta est & *radix sancta*, & *rami sancti erunt*. Si Abraham primus credentium pater fidem amplexus est, & illi imputatum est ad iustitiam: quid vetat & nepotes ac posteros stirpis suæ authorem exprimere, ac fidem eandem amplecti, vt superius fusius à nobis explicatum? Cæterum, vt comantes

Cap. 15.

ac longiùs exponecti rami aliquando felicitatem denotant, ac rebus lætis ac secundis adhiberi solent: ita nonnunquam illos rebus aduersis sacri Scriptores accommodant, eoque nomine calamitates obuenturas denunciant, nec improbos diuturna prosperitate vlturos, quod huiusmodi verbis indicatur apud Iob, *Cunctis diebus suis superbit impius, sed nec ditabitur, nec perseverabit substantia eius, nec mittet in terra radicem suam, ramos eius arefaciet flamma*, hoc est, omnia cedent in deterius, & abolebuntur, etsi videantur ad tempus florere improbi, suosque ramos diffundere, omnia tamen sublapsa confestim dilabentur. Idipsum Sapiens obuenturum pronunciat

Cap. 4.

generationi peruersæ, cum inquit, *Adulterine plantationes non dabunt radices altas, nec stabile fundamentum collocabūt*. Et si rami tempestiuè suoque tempore germinauerint infirmiter positi, à vento concutientur, suisque sedibus commouebuntur. *Constringētur enim rami inconsummati*, hoc est, imperfecti & qui nondum iustum robur ac firmitatem sunt consequuti, & *fructus illorum inutiles, acerbi ad manducandum*, nec ad vllum vsum

Eccles. 15.

idonei Quo indicat, vt ex orationis serie intelligi potest, nec progenitores, nec filios, nec nepotes vsui esse Reipublicæ, nec aliquid cōmoditatis aut subsidij adferre rebus humanis: quandoquidem vt concionem prosequitur, *Ex iniquis, & nefariis, progenitoribus prognati filij, testes sunt nequitie aduersus parentes*.

Ex adul-
terio pro-
gnati in-
tausti.

In Ecclesiastico seu concionatore prorsus idem argumentum tractatur, quod instituitur contra adulteram quæ alteri quàm viro legitimo corporis sui vsu concessit, seseque mœcho subiecit, ac præbuit (vt Plautus ait) vsurariam. Quod crimen ita exaggerat vt primū declararet illam publicitūs infamia notandam, & proles quas putat hæredes posse constitui, patri pu-

tatiuo, nullo honore, nullaque dignitate habēdas, quibus etiam hoc incommodi arque infelicitatis accessurum pronunciat, ut huiusmodi proles non figant radices, nec rami earum fructum proferant, hoc est, non propagabitur vlla posteritas, nec erit illis vlla sobolis spes. Cui sententiæ ista eius authoris cōsonet, *Nepotes impiorum non multiplicabunt ramos, & radices immunda super cacumen petra, siue in summa rupe, se extendent.* Quibus verbis indicat (ut Christus de semine concionatur quod incidit in loca aspera ac petricosa) illos impuros non posse radices figere nec in vllam spem posteritatis emergere, sed mox vbi quid ex corū stirpe exortum sit, emarcescere atque in nihilum redigi. Tale quiddam etiam Esaias exprimit, cum inquit, *Ante messē totus effloruit, & immatura perfectio germinauit. Et præscinduntur ramusculi eius falsibus, & quæ relictæ fuerint, abscinduntur.* Qua Metaphora declarat impiis omnia prosperè succedere ad tempus aliquod, accelerari iis auronam, messem præmaturè adesse, fructus prosperè maturescere: verum cum iam omnia maturuisse visa sunt, ac fructu fruituri videntur, segetes, rami, sarmenta, palmites, propagines exscinduntur, hoc est, tota felicitas, successus, prosperitas corrumpit, ac vana spe illius sperata vindemia, messisque desiderio, atque auidè expectata iam flauescente segete frustrantur. Flos ex quo fructus speratur, gaudium est & amœnitas seu blandimentum arborum, quod veranīs mensibus oculos hominum & oblectat, ac suauī odore nares reficit. Herbarum autem aliarum aliis temporibus florescunt, nunc vere, nunc æstate, nunc autūno: nōnullæ etiam hyeme, vbi cœlum clementius est, nec omnia gelu rigescunt. Indicatur nō solum in sacris literis, sed etiā apud alios scriptores floris nomine quidquid præstanti excellētiq̃ specie est. Sic prima indoles, adolescentia, inuentus ætas florida & pubescens, floris nomine designatur, cum etiam decor, & species, venustas, pulchritudo, blandities, ac pleraque alia fugacia in homine, & quæ cito enanescent, nec stabilia sunt aut diuturna, licet ad tempus spectatu grata ac peramœna. In eodē significatu adhibentur cōcionibus foliū, herba, omnisque nitor & herbescēs viriditas tum fœnum, stipula, ac pleraque alia quæ citò languescunt, nec diu subsistunt. Sic Paulus doctrinam inanem, fucatam, adulterinam, in frugiferam, superstitiosam, noxiam, damnosam, ligno, fœno & stipulis comparat. Qui enim huiusmodi doctrinā minus saluari imbuti sunt, nec solido fundamento innituntur, primum omnium ingruente tentationum procella labascunt, corrumpunt, nec prorsus in aduersitate subsistunt, ut nec arida nutrimenta ac fomites contra ignis vim. Cæterum floris nitor spectabilis in Scriptura passim accommodatur rebus caducis, fragilibus momenta-

Eccle. 40.
Matth. 13.
Matth. 5.

Cap. 8.

Metapho-
ra ex flo-
re.

1. Cor. 3.
Pauli lo-
cus expli-
catus.

- neis, ruinosis. Sic Iob, *Homo natus de muliere repletur multis miseriis qui quasi flos egreditur*, hoc est, se expandit, se dilatat, sed conteritur, & *fugit velut umbra*. Cui illud dauidis affine est, *Homo sicut fœnū, dies eius sicut flos agri sic efflorebit*. Quibus verbis indicat rem mox perituram quamlibet speciosa sit, aspectūque amabili & gratiosa. Quo autē sua cuique fragilitas identidem ob oculos versetur, atque ex aduerso verbi Dei vis & efficacia Esaiaē elata voce exclamandū præcipitur. *Omnis caro fœnum, & omnis gloria eius quasi flos agri. Exsiccatum est fœnum, & cecidit flos, quia Spiritus Dei sufflauit in eo*. Verē fœnum est populus, exsiccatum est fœnum, & cecidit flos, *Verbum Domini manet in æternum*. Quo palam facit omnem pompam, fastum, strepitū, splendorem, magnificentiam, denique quidquid in homine excellens est, & magnificum, seu externa seu interna species, scilicet, prudentiam, ac scientiæ coniunctam sapientiam, & si quid aliud humanæ menti insitum est, flatu Dei euanescere. Quapropter nemo rebus tam caducis & momentaneis inniri debet, aut illis fidere, sibi que inaniter harum rerum possessione blandiri, sed fulcire se verbo Dei quod stabile est, firmum, diuturnum, & mentes hominum solida, ac saluari doctrina imbuir.
- 1. Pet. 7.** Reuocant nos ad æternas has opes Petrus & Iacobus Apostoli, **Iacob. 1.** ac sectanda præcipiunt non fluxa, non temporaria, non euanda quæ tanquam flosculi ad Aquilonis flatum, aut Solis ardorem emoriuntur, sed cœlestia, ad quæ, Christo duce, eiusque verbo perducī nos cōtingit. Plures sunt eius generis aquæ Prophetas Metaphoræ, atque ex foliis floribusque desumptæ similitudines. quarum commemoratione ob oculos ponit mortalium res fragiles & caducas, prorsusque instabiles, quibus tantopere intumescunt homines. Sic Esaia fastum ac superbiam Ephraim, quorum nomine designat omnes iisdem vitiis obnoxios foliis ac floribus mox euanescentibus, ac defluis cōparat. Sic enim illis interitum minatur. *Va corona superbia, ebrius Ephraim & flori decidēti. Pedibus cōculcatur corona superbia ebriorū Ephraim, & erit flos deciduus exultationis eius, & sicut fructus temporaneus & præcox*. Vt enim nec fructus nec præcociā poma diu subsistunt, ita nec illorum felicitas diuturnam prosperitatem est habitura. Nahū quoque propheta declarat eadem similitudine nihil tam speciosum ac spectabile, nihil tam blandum & amabile, quod Deus non concutiat ac conterat, ubi exarserit in nefarios atque improbos ira illius, sic vt flores & germina elatorum hominum discutiantur. hoc est, omnis illorum pompa & splendor ad nihilum redigatur, quod iis verbis indicatur, *Infirmatus est Basan & Carmelus, & flos Libani elanguit*, hoc est

virtus, robur, potentia ruinosa est, omnis pitor, decor, species, venustas deflorescit ac deformata est. Floribus succedunt fructus, & semina, de quibus quoniam similitudines desumuntur, hoc obiter indicandum. Semen quobus modis ut & fructū, vi deo usurpatū in sacris literis, pro tribu atq; illustri familia vel profapia, pro sobole ac totius posteritatis propagine, pro successione hereditaria, pro stirpe, genere, cognatione, quæ omnia pollicetur Deus in humanæ vitæ decursu optatum felicemque successum habitura, vbi qui mandatis eius obsequitur atque morum integritati insistit. Quod indicat David in Psalmis, cū inquit, *lunior fui, etenim senui, & non vidi iustum derelictum, nec semen eius quarens panem. Semen illius in benedictione erit, & iusti hereditabunt terram. Semen verò seu generatio impiorum peribit*, Sic Elephās, vnus disceptantium cum Iob, commendat Dei castigationem, eaque sic eruditi hominem pronunciat, ut totū se cōmittat eius arbitrio, eiusque volūtati se subiiciat, quod sciat se castigari vel ad emēdationē, vel ut exploretur illius cōstātia qua ratione cōsequitur homo, ut omnia illi prosperē succedat, & accedat opima benedictio. *Spectabis*, inquit *multiplex semē tuū & progeniem tuam*, hoc est, proles, nepotes, & posteros, & herbam terra nūmerosam. *Ingrederis in abundantia sepulchrum, sicut infertur aceruus tritici in tempore suo*, hoc est, generosi hominis more & magnificē te efferri contingeret comitante magnā procerum multitudine. Rursus quoniam semen herbis ac arboribus inest, atque id similem speciem producit, seque ex alia in aliam stirpem propagat, Propheta quoque isto in concionibus illustrandis vtuntur. Designat autem semen successum, vberem prouentum, annonam fructiferam (benedictionem, beneficentiam, vberimos fructus. Ita cū Deus apud Esaia pollicetur scēlicitatem ac rerum omnium affluentiam qui illi fidunt, illiusque mandatīs insistunt, *Dabitur*, inquit, *pluuia semine tuo vbiunque seminaueris in terra, & pānu frugū terra erit vberrimus & pinguis. Pascetur in possessione tua agnus spatiosē, & tauri tui & pulli asinorum qui operantur vel colunt terram, commistum smigma*, hoc est, hordeum purumque pabulum comedent, *sicut in area ventilatum est*. hoc est, ventilābro vanoque accuratē expurgatum à paleis. Quibus verbis designat rem familiarē amplissimē augendam, omniaque ex voto atque animi sentētia successura. De fructu par est ratio. nam & herbarum arborumque fructus in Bibliis designat vbertatem rerum, abundantiam, fertilitatem, beatitudinem, prosperum successum, opera bona & mala, inopiam, annonæ charitatem & penuriā, iusticiam, vitæque integritatem, impietatem, nequitia,

Semen in Bibliis quid designet.

Psalm. 36.

Cap. 5.

Semē Rirapium.

Cap. 30. Esaiæ 10. cus excussus.

- Cap. 10. mores improbos: quæ etiam frumenti ac frugum nomine designantur. Sic Oseas cum ad optimam frugem, ad decus, probitatem, iustitiâ exhortetur homines suæ salutis oblitos, qui rebus improbis assuescere cœperunt *Seminate verbis*, inquit, *iustitiâ, & metite in ore misericordiâ*, hoc est, Misericordia, clementia, bonitas vobis cordi sit, & in ore versetur, *in nouate vobis nouale, dum tempus inquirendi Dominum*. Quo suadet immutandû vitæ institutum, quo possint vitam, mores, studium approbare Domino Deo. Etenim hætenus, vt Propheta inquit, *arastis, impietatem, iniquitatem messuistis, comeditis frugem mendacij*. Qua Metaphora indicat nihil illos aliud quàm fraudes, sycophantias, perfidiam, imposturas, dolos machinari, quibus innocētes opprimūt. Quocirca monet vt excussis atque extirpatis vitiolis fruticibus ac zizaniis in exulto nouali puræ mentis, probitate, māsuetudinē, iustitiâ, humanitatē inserât. Quod etiam apud Hieremiâ accuratè Dominus præcepit. *Nouate vobis nouale, & nolite serere super spinas*, hoc est, reddite corda vestra exulta optima semēte integritatis iustitiæ, innocētiæ, bonitatis, extirpatis spinis ac sētibus nequitie. Hac enim ratione omnia prosperè homini succedūt. Quod Deus apud Esaiâ palâ testatur insigni cōsolatione, qua pij hominis mentē in sp̃e ac fiduciam erigit consequēdæ salutis. Sic enim securitatem rebus & afflictis ac desperatis denunciat. *Dicite iusto, quoniâ bene illi erit, quoniam fructum adinventionum seu manuum suarum comedit*. Quo illū cōmonefacit vt securo sit animo, bene speret, optimâ sp̃e cōcipiat: quoniam ingruēte calamitate & afflictione famis aut belli, fructur securè rebus quas sua manu, suoque labore à Deo optimo maximo sit consequutus. *Impio verò, vt idē ait, male erit, quoniâ secundum opera manuum eius rependitur illi* Cæterum fructus pro sobole etiam & posteritate sumitur ac liberorū propagine. Quod munus David Deo acceptū refert, cum inquit, *Ecce hereditas Domini filij merces fructus ventris*. Quo indicat populū propagationē Dei donū esse. Rursus cum Deus sub Davidis nomine Christi regnū fore sempiternū pollicetur, *lustrauit Dominus David veritatē, & nō frustrabitur eū, de fructu ventris tui ponā super sedem tuam*. Illuc producā & germinare faciam cornū David: parauit lucernam Christo meo. Inimicos eius induam confusione. Super ipsum autem effloreat sanctificatio mea, vel diadema meum. Quibus verbis amplificat fortitudinem, decus, magnificentiam imperij, quod longè latèque sit propagandum, & sub Davidis typo Christi Seruatoris regnum spirituale, eiusque Ecclesiam, hoc est cœtum fidelium, nunquam extinctum aut oppressum iri, nec vlla vnquam vetustate,


vila temporum iniuria abolendum: quamlibet sæuiant ini-
mici, quantumvis doctrinæ Euangelicæ insultent, illamque
lucem extinctam cupiant, atque omnes machinas ad illam
opprimendam admoueant. Quò spectat illud; Christi de in-
concussa fide, & inexpugnabili solidaque professione nominis
eius, *Et porta inferi non praualebunt aduersus eam.*

Quisquis enim tam immobili ac tam firmo fundamento ni- Matt. 16.
titur, non est quòd metuat se ab illo posse dimoueri aut diuel-
li. Quòd Christus etiam aliàs testatus est, similitudine addu- Matth. 17.
cta ex viro prudente ac sagaci, qui ædificium suum construit
non in fluida arena aut fundo palustri & vliginoso, sed in soli-
do saxo, aut firma rupe, ne ingruentes tempestates, fulmina,
tonitrua, imbres, venti, flumina & concursus aquarum totam
molem conuulsam dissipent ac discutiant. Qua similitudine Fiducia
in Deum.
designat illum qui fidem solidam ac viuidam, non vmbrati-
lem amplexus est, eamque factis exprimit, in concusso infra-
ctoque animo subsistere aduersus imminentes tempestates quæ
nullis non momentis homini Christiano impendent. Quam
securitatem Dauid etiam illi pollicetur qui Deo confidit, il- Psal. 91.
liusque præsidio totum se committit, atque omnem suam spem
ac fiduciam in Dei misericordia per fidem collocat. Hac enim
ratione fit vt ab omni quantumvis exitiosa peste & periculis
tutus sit, & securè subsistat, seu illa noctu, hoc est, tacitè & la-
tenter ingruant, vel interdiu, hoc est, palam & aperto Marte
grassentur. Quòd Altissimus, cui fides, vmbra alarum suarum
illum muniat, suaque protectione tutum præster.

F I N I S.



Ordo Capitem.

- CAP. I.**  *Mplissimos reges ac sacratissimos vates herbarum cognitione exactè fuisse imbutos, desumpta ab iis tot Metaphora ac parabola declarant, quæ hîc spectanda exhibentur.* fol 1
- 2 De conditione & natura mandragora, quam à Lya sorore eblandita est Rachel. 4
 - 3 De Manna cœlitus delapsa, tum ea quæ Medicis in usu est. 9
 - 4 De lactuca sylvestri. 12
 - 5 De olea, Oleastro, Oliua, oleo. 14
 - 6 De Rhamno, aculeato frutice. 17
 - 7 De Cucurbita sylvestri vulgo Colloquintida. 19
 - 8 De Salice. 20
 - 9 De Saliunca. 21
 - 10 De herba Borith, quæ Medicis veteribus Struthion vocatur, Mauritanis, Arabibusque scriptoribus cognita, cui affinis recentioribus vocata Saponaria, & herba fullonia, quod ut sinigma eluendis maculis adhiberi soleat. 23
 - 11 De Cocco vermiculo Conchylia, Murice, Ostro, ac colore purpureo. 25
 - 12 De Paliuro aculeata stirpe, cui sanguinarij comparantur atque insidiosj, quique ad inferenda damna prompti sunt. 27
 - 13 De Gith quæ Gracè Melanthion, vulgo à nigrore Nigella dicitur, Nardus ob odoris suauitatem, tum alijs stirpibus desumpta comparatio. 29
 - 14 De Lentisco, quæ Gracè Schinos dicitur, & Illice. 33
 - 15 De Hyacintho, vestè quæ hyacinthina, vel à violæ colore

Ordo Capitum.

colore Ianthina.

35

16 De Carice, scirpo, iunco, palustri, papyro.

37

17 De Absynthio.

40

18 De Carduis, Spinis, Vepribus, Tribulis, Rubis, Lappis, Sentibus, & quibus hæ stirpes in Scriptura accommodari solent, & quid designent.

42

19 De Ficu, Carica, Grosso.

44

20 De palma arbore eiusque fructu, & quid in scriptura sacra illis designetur.

46

21 De Hebeno & aliis quibusdam exoticis quorum in scriptura fit mentio.

47

22 De Terebintho.

49

23 De Myrica siue Tamarice, & Erice, quæ vulgo à solitudine & loco arido Heyde vocatur, ex qua Belgæ extergendis pavimentis scopas faciunt.

42

24 De Resina.

53

25 De vite seu vinea, cuius partes atque appendices, sarmmenta, palmites, malleoli, pampini, claviculi, vel capreoli, vna, racemus, botrus, acinus vinaceus, seu acinorum granum. Et quàm appositè horum pleraque Concionibus ac vaticiniis adhibentur.

58

26 De Hyssopo.

59

27 De Arundine, quæ Græcis Calamus, eiusque differentiis: de lino, stipula, quisquiliis, & plerisque aliis, ex quibus similitudines desumuntur.

60

28 De Cucumere & plerisque aliis herbis, quarum in Bibliis fit mentio.

65

29 De Iunipero.

66

30 De Labrusca.

ibid.

31 De Mentha, Ruta, Anetho, Cumino, quæ Christus parabolis adhibet in insectanda Phariseorum auaritia, & fucata religionis sanctimonia.

67

32 De

Ordo Capitulum.

- 32 De Sinapis vi & natura, cui fides & Dei verbum comparantur. 68
- 33 De hedera, qua arboribus ac parietibus tenaci amplexu adheret. 69
- 34 De More arbore & fructu eius. 71
- 35 De Sycomoro & caprificu. 72
- 36 De malo punico. 74
- 37 De citreo ac malo medico, limonibus & Aurangis. 76
- 38 De Croco. 77
- 39 De Myrrho qua apud omnes nationes nomen retinet, & de Mylto sylvestri. 78
- 40 De Pino. 81
- 41 De Buxo errore vulgari Palma dicta. 82
- 42 De Nuce. 85
- 43 De Pomis in genere, è quibus sacri vates similitudines desumunt. 86
- 44 De Quercu, & aliis glandiferis arboribus. 88
- 45 De rosa & ex illa desumptis Metaphoris. 89
- 46 De zizania & Lolio, aliisque herbis frugibus inimicis. 91
- 47 De Libanotide Coronaria, qua vulgo Rosmarinus dicitur. 97
- 48 De Amygdalo arbore, cuius passim in sacris Bibliis fit mentio, & de qua desumitur insignis Metaphora seu collatio à Salomone Eccles. cap. 12. 93
- 49 De Platano eiusque natura, à qua similitudinem desumunt sacri scriptores. 101
- 50 Ex frutice, virgulto, surculo, termite, malleolo, palmitate, germine, gemma, qui & oculus in arboribus, ac plerisque aliis desumptæ similitudines, quibus Prophetæ vaticinia illustrent. 106



INDEX RERVM ET MATERIARVM.

A

ex **A**RONIS Historia documentum. 100.

Abietis descriptio. 82

ex Absynthio simile. 40

Acrifolium. 33

Adulterio comparatur idololatria. 26

ex Adulterio prognati infans. 14

Allegoriæ ex Myrthete. 80

Aloc. 48

Aloe lignum. ibid.

Amarorem pulmentis quaratione farina eximat. 19

Ambitio ruinæ obnoxia. 105

Amygdala amara vulpi noxia & quare. 95

Amygdala amara quid præstent. ibid.

Amygdala zelandis non denegata. 94

Amygdali Metaphora. 98

Amygdalina nux vitæ Christianæ symbolum. 100

Amygdalinum gummi. 95

Amos locus, Verum abduxit me Dominus Deus, &c explicatus. 73

Amos locus, Ostendit mihi Dominus Deus vnicū pomorum æstruorum, &c. explicatus. 87

Apocalypseos locus, Recesserunt animo tuo desiderata poma, &c. explicatus. ibid.

Apostemata maturat arundinis radix. 60

Aqua nucum qua virtute. 86

Aquæ Lustralis origo. 93

Aquæ rosmarini vis. ibid.

Arboris mali Punici descriptio. 74

A rebus odoratis simile. 17

Arundine mobilior, proverbium. 60

Arundines radix esculenta. 60

Asylum homicidarum Galad. 54

B

Baccho hedera sacra, & cur. 69

Baptismi effectus. 12

in Belgas vuidos proverbium. 19

Buxeus color. 83

Buxi natura. ibid.

de Buxo rei gestæ narratio. ibidem.

C

Caltha flos luteus. 78

Canna palustris. 60

Carex graminosa fruticatio. 37

Carice

Carice. 43
 Cerebrum viciatæ imagina-
 tionis causa. 43
 Christi doctrina quid menti
 præster. 62
 Christi de Ioanne præconi-
 um. 60
 de Christo prophetia. 56
 Cichorium hepatis salubre. 13
 Citriis lignum Sethim. 79
 Cynorhodus odoratus. 89
 Color Buxcus. 83
 Colorum nomina ex Croco.
 78
 Conceptum fingit imagina-
 tio. 99
 ex Croco colorum nomina.
 78
 Cucurbita. 70
 Cumini vires & natura. 29

D

Davidis locus, Adhuc pu-
 fillum & nō erit pec-
 cator, &c. explicatus. 104
 Davidis selectissimæ similitu-
 dines de salutati hominum
 pabulo. 2
 Davidis locus, Deus repulisti
 nos, &c. illustratus. 41
 Davidis locus, antequam spi-
 nx vestræ, &c. explicatus.
 18
 Dæmon, se in monstra trans-
 format. 44
 Descriptio arboris mali pu-
 nici. 74
 Discrimen inter verbum Dei,
 & nugas hominum. 64
 Dissenterix granata acida
 apta. 75
 Doctrina Christi quid menti
 præster. 62

E

EBoris natura & ex eo si-
 mile. 48
 Ecclesiastici capit. 12. expli-
 catum. 97
 Ecclesiastici locus, Ego quasi
 Cedrus exaltata sum, &c.
 explicatus. 90
 Effectus par verbo Dei & si-
 napi. 68
 Effectus Baptismi. 12
 Effectus herbarum varij. 2
 Elephanti rubro colore effe-
 rantur. 72
 Eryca, heyde. 52
 Esaia locus, Arescent aquæ à
 mari, &c. explicatus. 39
 Esaia locus, Ecce servus meus
 quem elegi, explicatus. 61
 Esaia locus, Nobiles eius e-
 runt absque regno, &c. ex-
 plicatus. 43
 Esaia locus, Lateres cecide-
 runt, & collapsi sunt, &c.
 explicatus. 73
 Esaia & Osea locus, Osten-
 dam vobis quid facturus
 sim vineæ meæ, &c. expli-
 catus. 42
 Esaia Metaphora, Lætabitur
 deserta & inuia, explicata.
 39
 Esaia locus, Nunc ergo vade,
 scribe hanc prophetiam su-
 per Buxū, &c. explicatus. 84
 Esaia locus Egredietur virga
 de radice Iesse, &c. explica-
 tus. 108
 Esaia Metaphora de regis Ba-
 bylonis sæuitia, explicata.
 104
 Esaia locus, Omnes princi-
 pes nationum dicent, ex-
 plicatus.

plicatus.	105	Gutta.	48
Esaia Metaphora de Messie,		H	
explicata.	58	Harpocrates filij Dei.	91
Esaia locus, Multiplicabitur		142.	91
quæ derelicta erat, &c. ex-		Hebenus.	48
plicatus.	50	Hedera vino obstitit.	70
Esaia locus, de Virgulto aut		Hedeta Baccho sacra & cur.	
furculo explicatus.	108	69	
Ezechielis caput 16. paraphra		Hederæ natura.	68
sticè enarratum.	36	Heide, erica.	52
Ezechielis locus, Factum est		Helias profugus.	66
verbum Domini ad me, &c.		Herbarum effectus varij.	2
explicatus.	103	Herbarum cultores olim fue-	
Ezechielis locus, Mater tua		runt etiam reges, & qui.	1
quasi vinca, &c. physicus.		Hester oleo Myrtino vsa.	
113		78	
F		Hyacinthus gemma.	35
Ficus fructus duplices pro-		Hyacinthus herba.	ibid.
fert.	44	Hieremiæ locus, Peccatū lu-	
Ficus inusitata magnitudinis		dæ scriptum, &c. explicatus.	
oblata Carolo quinto, Cæ-		84	
sari in Zelandia.	ibid.	Hieremiæ locus, Maledictus	
Fiducia in Deū quo designe-		qui confidit in homine, &c.	
tur.	17	explicatus.	16. 52
ex Flore Metaphora.	116	Heremiæ locus, Nunquid so-	
Fructus pro hærede sumitur.		litude factus sum Israeli,	
118.		&c. explicatus.	54
Fructus stirpium quid desi-		Hieremiæ locus, Nunquid	
gnat.	117	Dominus non est in Sion,	
Frutex quid.	106	explicatus.	53
in Fuitiles prouerbium.	90	Hieremiæ locus, & si fures æ-	
		des tuas inuasissent, expli-	
		catus.	58
G		Hieremiæ loca diuersa expli-	
Galaad Leuitarum sta-		cantur.	40
tio & homicidarum		Hieremiæ cap. 8. & 48. expli-	
Asylum.	54	catum.	58
Gemma in vite quid.	107	Hieremiæ caput secundum	
Gemmare quid.	ibid.	explicatum.	23
Germen quid.	ibid.	Hyssoi effectus.	59
Grossi.	44	Hordei natura & vires.	29
Gummi Amygdalinum.	95	Hortatio vt quisque suū mi-	
		nisterium exequatur.	66
		Idolola	

Idololatria adulterio comparatur. 26
 Imaginatio Conceptum fugit. 99
 Impiorum successus pios aliquid quando vitit. 105
 in Improbos prouerbiū. 12
 Iobi locus capite octauo de humanæ vitæ cursu, &c. explicatur. 38
 Iobi locus, Scio enim quod redemptor, &c. explicatus. 85
 Iunci maritimi. 37
 Iunco scirpus affinis. ibid.
 L
Lacedæmoniorum institutum de silentio. 91
 Lachryma ex vitis sarmentis. 87
 Lactuca Hebræis in vsu & quæ. 13
 Lactuca siluestris vera quæ. ibid.
 Laurus Victorix sacra. 69
 Leuitarum statio Galaad. 45
 Lignum Aloes. 48
 Loca diuersa Esaïæ explicata. 32
 Locus sapientiæ, Cūm ætas nostra, &c. explicatus. 89
 Locus Pauli de fœno & stipulis explicatus. 115
 Locus Ezechielis, Factum est verbum Domini ad me, &c. explicatus. 103
 Locus Pauli, Si enim primitiæ, &c. explicatus. 114
 Locus Salomonis, Memento Creatoris tui, &c. allegoricus explicatus. 96

Locus Mosi de vite Sodomorum, &c. explicatus. 57
 Locus Pauli, de oleastri in Oleam insitione explicatus. 32. & 114
 Locus Pauli, Qui cum esset in forma Dei, &c. explicatus. 108.
 Lolio visitare prouerbiū. 92

Lohum frugibus noxium 91

M

ex **M**achabæorum libris Historia. 72

Magnates celsis arboribus comparantur. 102

Mala Citrea. 76

Malleoli & palmites quid. 107

Malum medicum. 76

Mandragoræ duæ species, & quæ. 40

de Mandragoræ pomo Historia. 7

Mandragoræ pomum blandimentum amoris. 5

Manna adulterina quæ. 11

à Matura ficu simile. 45

Melanthiū adulterinum. 41

Metaphora ex ramis. 113

Metaphoræ ex flore. 115

Milij natura & vires. 30

Myrrha 48

de Myrtheto Zachariæ visio. quid designet. 80

Myrthetū & ex eo allegoria. ibid.

Myrthi descriptio. 78

Myrthus syluestris. 81

Mora quando edenda. 71

Morbi regij remedium. 94

N

Natura & vires Cuminī, Hordel, tritici, milij &c.

I N D E X.

& viciorum. 29. 30.
 Natura Terebinthi. 49
 Nuces viridæ conditæ. 86
 Nuclei etymologia. 85
 Nuclei arboris descriptio. ibid.
 Nucum aqua qua virtute. 86
 Nusquam tuta fides. 28
 Nux amygdalina quæ Christianæ symbolum. 100
 Nux aduersitatis & prosperitatis symbolum. 86

O

ex **O**lea similitudines. 15
 Oliuarum vsus. ibid.
 Oratio sacrificium Christianum. 113
 Origo aquæ consecratæ. 93
 Osee locus, ipsi respiciunt ad deos extraneos, &c. explicatus. 57
 Osee locus, Tâquam vvas in deserto, &c. explicatus. 45

P

Palma elata quid. 46
 Palma victoriæ index. ibid.
 Palma Christi herba. 101
 Palmites & malleoli quid. 107
 Palmites quid designent. 112
 ex Papyro scipiones. 38
 Papyrus frutex. 38
 Phase quare institutum. 12
 Phoenix herba. 91
 Platani vis & natura. 101
 Platani ymbra delectatus Xeres. 102
 Poma præcocia quæ. 86
 Poma serotina quæ. ibid.
 Potio consolidans ruina opus. 15

Prophetæ omnium rerum cognitione fuerunt instructi. 3
 Prouerbum in impios. 112
 Prouerbum Plauti de Nuce. 86
 Prouerbum in scirpo nodum quærere. 37
 Pseudomyrtus. 81

Q

Quisquilæ & alia reiecta, menta quid significant. 62

R

ex **R**adice stirpiû desumptæ similitudines. 119
 ex Ramis Metaphora. 113
 Reges olim fuerunt herbarum cultores, & qui. 1
 Resina quid. 53
 Resina terebinthina. 41
 Resinæ multæ species. 53
 Ricinus herba. 101
 Rodoparmacum. 89
 Rosa cur mensæ affigatur. 90
 Rosa silentij symbolum. 91
 Rosarum differentia. 89
 Rosæ vires. ibid.
 Ruina oppressi quomodo tractandi. 15
 Ruscus. 81

S

Sacramenta in quem vsus exhibita. 12
 Sacra prophanis potiora. 3
 Semen stirpium quid designet. 117.

Q9

Semen

INDEX RERVM.

Semen in Bibliis quid designet.	ibid.	Thus.	48
Sycomori descriptio.	72	Tritici natura & vires.	30
Simile à vexillo erecto.	56	Tyranni descriptio.	118
Simile à fructuantibus arboribus.	20		
Simile à sinapis cataplasmate.	67	V	
Simile à sinapis vi ignita.	68	Verbo Dei, & sinapi par effectus.	68
Simile à tritico & paleis.	64	Viciorum natura & vires.	30
Solida spectanda.	116	Victoria Laurus sacra.	69
Solomon Herbarum fuit studiosus.	2	Virgultum quid.	106
Spectra qui sibi observari fingunt.	42		
Spina dorsi carinæ navis assimilis.	98	X	
Spruyte.	110	Erres delectatus umbra Platani.	102
Stacte.	48		
Styrax.	ibid.	Z	
Surculare quid.	106	Zachariæ visio quid designet.	80
Surculus quid.	ibid.	Zedechias in Babylonem abductus.	9
		Zizaniorum nomine quid designetur.	91
T			
Ermes quid.	107		
Týpha palustris quid.	60		

FINIS.

DE GEMMIS

ALIQUOT, IIS PRÆSERTIM,
quarum D. Ioannes Apostolus in sua
Apocalypsi meminit. De aliis quo-
que, quarum vsus hoc æui apud om-
nes percrebuit, Libri duo: Theologis
non minùs vtilis, quàm Philosophis,
& omnino felicioribus ingeniis per-
iucundi, è non vulgaribus vtriusque
philosophiæ adytis deprompti.

*Authore FRANCISCO RVEO,
Doctore Medico Insulano.*

*AUTHORES IN HIS
libri citati.*

Aëtius.	Ioannes Menardus.
Albertus Magnus.	Marbodeus poeta Gallus.
Antonius Ludoicus.	Marfilius Ficinus.
Apuleius.	Nicolaus Florentinus.
Aristoteles.	Numenius.
Arnoldus à Villa noua.	Paulus Ægineta.
Auerrois.	Petrus Aponensis,
D. Augustinus.	Petrus Crinitus,
Aulus Gellius.	Plato.
Carolus Bouillus,	Plotinus.
C. Plinius.	Rases.
Dioscorides.	Solinus.
Galenus.	Theodorus Cyrensis
Gregorius Pictorius Vil-	Episcopus.
lingensis.	Theophrastus.
Hallyabbas.	Thomas Aquinas.
Hermolaus.	Vincentius in Speculo
Hieronymus Hungestus.	naturalis historiæ.
Iamblichus.	

LIBRI PRIMI CAPITA.

- | | |
|---|---|
| 1. <i>Lapidum & Gemmarum generationis causse.</i> | <i>Gemmarum proprietates occulta.</i> |
| 2. <i>Quid sint & unde vim sortiantur.</i> | 3. <i>De ratione & causis virium in Gemmis.</i> |

LIBRI SECUNDI PARS

prima de Gemmis XIII. in D. Ioan.

Apocalypsi memoratis.

- | | |
|---|----------------------------|
| 1. <i>De Iaspidis differentiis & viribus.</i> | 7. <i>De Chrysolytho.</i> |
| 2. <i>De Sapphiro.</i> | 8. <i>De Beryllo.</i> |
| 3. <i>De Carchedonio.</i> | 9. <i>De Topazio.</i> |
| 4. <i>De Smaragdo.</i> | 10. <i>De Chrysopraso.</i> |
| 5. <i>De Sardonyche.</i> | 11. <i>De Amethysto.</i> |
| 6. <i>De Sardio.</i> | 12. <i>De Hyacintho.</i> |
| | 13. <i>De Margaritis.</i> |

PARS II. DE CÆTERIS

aliquot Gemmis & lapidibus.

- | | |
|----------------------------|---|
| 14. <i>De Carbunculis.</i> | 21. <i>De Chelidonio.</i> |
| 15. <i>De Adamante.</i> | 23. <i>De Ætite.</i> |
| 16. <i>De Achate.</i> | 24. <i>De Magnete.</i> |
| 17. <i>De Alethio.</i> | 25. <i>De Hamate.</i> |
| 18. <i>De Torcoide.</i> | 26. <i>De Succino.</i> |
| 19. <i>De Corallio.</i> | 27. <i>De fictitiarum à veris Gemmis differentia.</i> |
| 20. <i>De Carneolo.</i> | |
| 21. <i>De Cyaneo.</i> | |

His subiicitur

Paschasij Balduini Canonici Phalempinensis ac Franc. Rucum Epistola erudita, qua super his duobus Rucii libri iudicium continetur primum: deinde de Hebraica Gemmarum nominibus, de quarum admiratione, usu, abusu & viribus tractatur.



D E GEMMARVM ORTV, LIBER PRIMVS.

*De lapidum & Gemmarum generationis
causis diuersis.*

CAPVT I.



Numquenque lapidem ex altero maximè duorum elementorum, terra scilicet vel aqua, constari omnes rerum naturalium peritos, tam in confesso est atque naturali rationi peruium, vt nullus, ni vel Leberide cæcior, addubitauit. Poixò qui lapides non perspicui sunt, ex terrea crassiorèque quadam substantia, humido tenaci perfusa, generationis materiam mutuati sunt. Qui verò pellucidi visuntur, ex aqua præsertim consistunt, cui subtilis quædam terrea nec obscura materies immixta est, vt & in crystallo ac beryllo glaciei speciem planè referentibus videre est. Quanquam & hæc intelligi velim, non quòd duo reliqua rerum principia, ignem dico ac aërem, ab illorum mixtura separem. Apud principes namque philosophos complures conuenit, omne mixtum ex quatuor elementis constare. Verùm enimuerò ita quæ diximus accipienda sunt, vt alterum illorum, terra nimirum vel aqua, in quouis lapide præcellere intelligas, etiam si aliter Plotinus sentire videri possit, de quo alibi fusiùs egimus.

Quod autem ad effectricem vocatam causam attinet, duplicem eam vtriusque philosophiæ principes numerarunt: altera namque supremâ, altera verò inferior. Princeps causa est Deus ipse Optimus Maximus, rerum omniû creator & seruator, in quo, cum quo, & per quem sunt omnia, & sine quo (diuo Ioanne Apostolo teste) nihil factum est. Quem & Aristoteles Ens entium, supremâque vocabat intelligentiam, asserens omne opus naturæ opus esse intelligentiæ. Illum itaque Deum vt omnium rerum creatorem ita singulorum primariam & simpliciter necessariam causam, vt etiam lapillorum gemmarumque, Christiani omnes

Non perspicuorum lapillorum causæ. Pellucidarum Gemmarum causæ.

Lapillorum causa efficiens duplex.

omnes norunt. Quandoquidē sapientis est oraculum *Qui vult in æternum, creauit omnia simul* : quod equidem bifariam interpretatum inuenio. Quibusdam quòd dicitur simul, non ad instās referentibus, verū ad instans propositi diuini, vt scilicet sit sēsus, quòd Dominus Deus decreuit ab æterno omnia creare. Ita enim librū D. Augustino relatum, qui de mirabilibus sacræ scripturæ inscribitur, habere reperio. Simul itaque Deus vniuersos lapides singulasque Gemmas creauit, dum videlicet vnica solāque sua voluntate multiformem quarumuis specierum ac indiuiduorum diuersitatem fieri voluit: in qua voluntate vnica simplicissimāque singula simul fecit, quæ ab eorum ortus principio per tempus dispensare non desinit. Quamuis & hīc accedere possit germanior forsan intellectus, cui philosophi hi complures & non obscuri, ipsa quoque ratio subscribunt: scilicet quòd Deus omnia simul creauit, dum omnium formarum ac rerum futurarum rudimentum, principium ac seminarium quoddam materiæ primæ, ante generum, specierū atque indiuiduorum discretionem, infundit. Illa siquidem materies, diuisionis adhuc & productionis expers moles erat quædam informis, omnium tamen formarum seminio ab ipso creatore perfusa: vnde tandem aliquando, & iis mediis quibus supremus opifex ab æterno præcitat & vult, perfecta rerum productio & fœtura extimularetur. Ideoque & hi admittunt omnia quidem simul esse creata, non autem simul esse facta. Confirmat & id sententiæ diuus ille Augustinus super Genesim, adserens, quod quæ à natura generantur, secundum rationes seminales in materia consistentes, producuntur: quod & multo copiosius disseruit tertio de Trinitate capit. 9. vt scilicet inaudias materiam in se habere, & quasi fouere cunctarum formarum rationes seminales sibi à primæua constitutione ingenas initalve: ex quibus tandem, agentis actionem, promodo, expertis, educantur extimulenturque formæ naturales, elementorum commixtionem essentialiter consequentes, vt & hinc quæ in potentia materiæ tantummodo inerant verè, & (vt dicunt) in actum ab agentis actione producantur. Verum de his alibi fusius. Nunc verò hæc de principe illa causā & Gemmarum plasmatore sufficiant. Quæ tamen cunctis sat esse queant: quia tamen pulchrum, decorum atque vtile est homini haud vsquequaue indocto, nosse quibus secundis mediisque causis, vnde cuncta de quibus disceparur, originem capeffunt, non pigebit hoc loci aliarum quoque inferiorum causarum commemorasse. hoc namque pacto fiet vt absolutior de his nostra sit traditio. Quamquam enim

Simul
creata
omnia,
quomodo.

Causæ inferiores
secundæ,
vel mediæ.

Deus omnium sit caussa immediata, quædam tamē solus, & citra alicuius coagentis admissionem, efficit, ideoque (vt aiunt Theologi) eorum caussa est tota. Nonnunquam, sua liberalissima bonitate, cooperantes alias secum adsciscit affouetque caussas, & hoc propter connexionem vniuersi : tamen vt nulla alteri aduersetur. Proinde (vt inquit Bouauentura libro secundo, quæstione secunda, circa finem) quia diuina voluntas non cognoscitur, nec ipsa ab actione excludit operationem caussa creata : nec etiam ab earum cognitione humanam capacitatem arceat. Ideoque bonum & perutile est, sese exercere in cognitione causarum creaturarum. Ante hunc item multis seculis Pindarus asseruit, quod quicquid intra se terra occultat, & vltra cœlū positum est, homo contemplatur. Nec id infructuosum putes : quoniam, diuo Paulo autore, inuisibilia Dei à creatura mundi per ea quæ facta sunt, intellecta conspiciuntur, sempiterna quoque eius virtus & diuinitas. Verū vnde digressi sumus, pedē referre libet. Prætermisissis itaque nunc superioribus causis, in sequentium duorum capitum gratiam, non vulgarium philosophorum placita narraturi dicimus, quod à primario illo omnium principio, inferior humiliorque Gemmarum caussa dici potest, facultas cælestis orbis moti, ab ipso Deo transfusa, pro ipsius orbis diuersarum partium varia positione, quam astrorum periti aspectum apellant. Porro quid sit cœli orbium, planetarum, syderūve aspectus, situs siue configuratio, non est huius instituti : quamobrem Mathematices peritis relinquo. Hoc vnum præfatus quod pro variorum aspectuum ratione & materici multiiuga præparatione diuersas in subiecta hæc corpora cœlum creditur transfundere virtutes. Qua de re philosophi illi propinquiorens sensibilesque causas scrutati, cœlo ipsi extenso vim illam mineralem lapidificam tribuendam censuerunt, mediātē vel immediātē, vt dicunt, hoc est intercurrente alia caussa, vel non. Mediātē quidem quod tamen corpora cœlica loca non rarō mutant, apparet tamen sedes eas lapidificas facultatem illam, semel ac efficacissimo cœli conatu conceptam tam contumaciter retinere, vt lapides per multum æuum gignendo, iam dictæ potentie fidem propalam testentur.

Adamantes sibi similes parer. c

Hinc fieri arbitror quiddam mirabile & silentio minimè premendum. Relatum mihi iam pridem est à domina quadam fide digna, quod Domina Heuerensis è Luxemburgorum illustri genere oriunda, duos habeat seruetque hæreditarios Adamantes, qui alios crebrò, tanto naturæ miraculo producant, vt eos quicunque statis temporibus intueantur,

conferunt, id est congenerem sibi prolem eniti, palam iudicent, cuius causam, si quidem in naturæ tam raro opere nobis philosophari licebit, putauerim esse, quod vis illa cœlestis parentibus tenaciter insinuata (quam adamantificam quis nominauerit) aërem circumfufum in aquam primum congruamque substantiam, demùm in Adamantem gemmam duquerit transformaueritque. Quòd ne iusto plus admiretur quispiam; auctor est Teophrastus esse lapides qui pariant: nimirum quod virtus illa cœlestis tenaci materiæ, vti præstruximus, semel transfusa subiectæ contumaciùs cohæret substantiæ: quæ videlicet quò vehementiorem cœli actionem experta est, eò pertinacius hanc retinere intelligitur.

Instrumentalis Gēmarum causa.

Vicina autem & coniuncta seu instrumentalis lapidum causa duplex annumeratur. Vel enim calidum quoddam est, (si elementis corpora substantialiter fieri statuamus:) aut caliditas, (si solas in mixtis qualitates asseruari sentiamus) in materia terrea persistens, & humidum tenax per terræ molis tenuissimas quasque partes diducens, digerensque: hac ratione singulorum elementorum, terræ præsertim & aquæ portiones tam aptæ & ad amussim confundens atque conglutinans, sed & ab omni excrementosa fæce despumans, vt pro lapidis Gemmæve forma producenda materiam ipsam rectè præpararet. Aut demum ea causa frigidum quoddam est, siue frigiditas, in aquea substantia terrestris & siccæ materiæ actionem perpeffa consistens, sua constrictione (frigidi namque est constringere) omnem superabundantem humorem adeo exprimens, vt etiam impendiò induret, adeoque tantum eius relinquat, quantum ad decentem partium connexionem sit necessarium, vt & hinc immutandæ formæ materia disponatur excolaturque. Qua de re non diffitentur philosophi illi, quòd quamuis lapilli hi à frigido coaluerint, à calido tamen, citra alterius humoris appulsum, liquari contumaciter recusant: quod videlicet tanta in illis humidi sicci que naturalis commixtio, germanitas & necessitudo vt suo omni ex parte cōtrario affici renuant: nec non nisi familiaris qualitatibus illo affecti, ad externæ qualitatibus actionem conniueant. Quamquam non deesse compertum habeamus qui duo tantùm elementa tecipiant, ac frigidum vt à natura, ita ab omni actione secludant, qui debile calidum Gemmarum causam constituunt, de quibus aliâ s:

Quid sint, & unde vim sortiantur, Gemmarum proprietates occultæ.

C A P V T I I.

Cui virtus occulta dicatur.

Duz proprietatis causæ.

AVtor est Galenus in simplicium pharmacorum libro, quod Gemmæ vires habeant partim secundum substantiæ totius proprietatem, partim secundum qualitates effectrices, hoc est manifestas: quas cum potentiis hic emanantibus ea medicinæ pars, quam Græci, *φάρμακον ὁκρῶν*, Latini medicamentum appellant, in primis contemplatur: cuius considerationem præfens institutum non amplectitur. Porro substantiæ totius proprietatem philosophi vocant occultam, quod substantia virium, quibus stupenda illa munia absoluntur, humanæ rationis fugiat captum: ut ne summis quidem viris illarum aliquam penitus assequi contigerit aliter quàm multo usu. Nimirum quod omnis proprietatis vera ex methodo cognitio colligenda sit, ab eius causis proximis evidentibusque, quæ bifariam discriminatur: vel enim ex mixtionis modo, vel ab ipsius formæ specificæ ratione. Porro commixtionis modus miscibilium, mixtura & conglutinatione perficitur, quæ exactè peruestigari humana diligentia nequeat, vel eo maximè nomine quod infinita sit illorum commiscendorum proportio. Eius verò quæ speciem adfert formæ rationem, vel ideo imperscrutabilem intelligere est, quod ipsam prodire autumant, partim quidem (ut præstruximus) ex potentia materiæ, formarum rudimentis seu seminiis à primæva constitutione perfusæ. Partim autè (ut magnæ philosophorū illustriam turbæ placet) ab ideis in mēte diuina cōsistentibus (quas diuus Augustinus primordiales vocat) id est, ab ipso Deo, hinc ab anima mundi (si Platonice cōsentimus) & aliis inferioris ordinis cælicis corporibus, in elementa primum influētibus: deinde & per ea media ad formam iam pridem in seminatam & cœu inchoatam (tamquam scilicet mentis alicuius & voluntatis diuinæ ministris) disponentibus: cuius præparationis absolutam considerationem, humana etiam quatumvis diligens aut sublimis sagacitas non assequatur. Cùm itaque reconditarum illarum facultatum causæ humano sensu nequeant prehendi, nemini dubium esse suspicor, quin omnibus peruium, quod nulla illarum proprietatum rationabili hoc est, per rationem humanam deducto inuentoque experimento, sed casuali duntaxat

taxat euentu comperta exploratæque dici possit : vel omnino aliquo reuelationis modo , vti per somnia nonnunquam legimus contigisse. Quo modo scitum est syluestris rosæ radicem aduersus canis rabidi morsum , aquæ pauorem omnisque potus metum & graue fastidium adferentem , præstare. matre scilicet , cuius filius in Lacerania Hispaniæ finitima belligerans , morsus periclitabatur , per somnū (visa in fruteto illius radice sibi suauiter applaudente) præmonita : quam & deinde qua potuit diligentia filio misit , ex lacte potandam , filium obsecrans vt religioni parens matri obsecundaret biberetque. Quo vnico simplici que remedio , miles ille præter omnem expectationem seruatus , occasionem præbuit cognoscendæ eius radice occultæ contra illum affectum facultatis. Est igitur mixti latentis occultæ proprietatis , facultas quædam per ea , vnde ipsum essentialiter consistit , insita : perque priuatas operationes , multo vsu periculose solo , vel aliqua reuelatione , citra rationem cognita. Quod demum mixtionis ac conglutinationis meminimus , illud obiter lucidioris doctrinæ gratia his quoque connectere libet (forsitan enim tantæ diuersitatis occasionē scisciteris ac libenter audias) quod tam discrepantis mixturæ & coaptationis causam philosophi sunt arbitrati esse quandam cœlestem subiectæ materiæ partes , varias licet propria virtute permiscentem : adeoque vel vario huius permutationis tenore , eam materiam ad nouam formam decenter apparentem , in quam tandem ad amissam dispositam & excultam mirificæ illæ transfunduntur virtutes , formas cōsequentes specificas. Porro hac dicendi consequutione eò tandem deuenimus , vnde earum quæ in Gemmis sunt proprietatum facultatumque reconditarum causæ , quas antè præstruximus , nobis sese vltiò ac præter expectationem diligentius perscrutandæ , ac in conspectu reuocandæ , insinuent. Celebris est itaque philosophorum sententia , quod omnis causarum turba ab vna eademque principe pender , ducitur atque conseruatur , ad quam & propter quam , ceu ad communem omnium finem , causæ omnes sua munia tanquam communi quodam & insito consensu dirigant : deinde & omnia fieri desuper à summo bono , hoc est , Deo ipso : eademque & optima & ordinatissima. Proinde non irent inficias , Gemmas & earum virtutes à Domino Deo esse , eumque etiam solum cunctorum causam dici posse veram , alias autem causas improprie & ceu per analogiam nominari non diffiterentur. Veruntamen quamquam philosophis illis cognitum id & optime perspectum esset , nihilo tamen magis cōquieuit mira infatigabilisque illorum auditas

Quid mixti recondita proprietatis.

Omnium causarum vnica princeps.

ditas discendi, & in suis operibus creatorem admirandi contemplandique desiderium. Quinimò iusto quodam cœlesti ardore vigoreque ad propinquiores rerum causas seu videlicet primæ illi ac veræ utcumque instrumentarias animorum suorum penè diuinam atque perspicacissimam sublimitatem intenderunt. Hinc itaque, cum bono, mentem, hoc est, primam sapientiam, quam & boni verbum illorum quidam nominant, & cum mente, intellectum, totum utrumque mundum (intelligibilem dico & sensibilem) statuere sunt opinati. Quum verò bonum ipsum, mentem & intellectum vnum quid esse, ac vnica simplicissimaque substantia persistere adstruunt, vnicum esse rerum omnium & singularum principium profitentur, semper omnibus adstans, cuncta fouens, viuificans, excitans, complens & roborans, de quo sacer ille Orpheus ita cecinit:

Cuncta fouens atque ipse ferens super omnia sese.

Hinc & diuinus ipse Plato diuino Sole collustratus ita in Sophista ait: *Animalia cuncta mortalia plantasque & quæcunque terra ex seminibus radicibusve nascuntur, & quæcunque inanimata in terra consistunt, siue liquefieri possint, siue non, nunquid ab alio quodâ opifice fabricata quàm à Deo facta esse, cum prius non fuissent, dicimus? An multorum doctrinam sermonesque sectabimur dicentium ista, natura ipsa, gigni à causa quadam fortuita sine mēte hoc agente: vel cum ratione potius scientiaque diuina, qua ab ipso Deo sit orta?* Nos cuiusverò Christiana fide ac veritate edocti, primum hoc rerum omnium principium, singulari substantia, & tribus personis, conformi, simplicissimaque voluntate, vnitate, maiestate, æqualitate, ac omnipotentia comprehendimus & veneramur, Patremque vocamus, quem illi bonum simpliciter, Filium & verbum patris nos, mentem, primamque sapientiam, illi Spiritum quoque sanctum nos appellamus, quem illorum iuniores boni intellectum & amorem nuncupant, vel animam cuncta viuificantem & animantem alij. De quo Plotinus libro de intellectu cap. 2. ita inquit: *Quisnam est potissimum qui tradit animi sapientiam? hic profectò necessario est intellectus (inquam) qui non alias quidem intellectus sit, alias verò expers intelligentia: sed verus potius intellectus, qui hanc ob causam seipso sit pulcher. Sed nunquid hoc velut primo, nobis est quiescendum, an potius super mente n quoque progrediendum? nempe mens ipsa nobis in alium progredientibus prior occurrit quàm principium omnium primum, quasi in ipsius boni vestibulo constituta, omnia in seipso nuncians & significans, velut quadam ipsius boni figura. Deinde & eiusdem libri cap. 3. Eadem quoque (inquit) transferens ad*

Egregia
de Deo
Plotini
sententia.

univer-

*uniuersum, in ea similiter perueniet ad intellectum, cognoscens eum
 effectorem reuera totiusque artificem.* Hactenus Plotinus. Porro in
 intellectu mundum quendam intelligibilem haberi voluerunt,
 hoc est omnium rerum, idearum plenitudinem, sed & in men-
 te omnium iuxta & singularum creandarum, gignendarum ac
 producendarum, id est, futurarum rerum ideas, æterna simplici
 congeneraque substantia, solis relatiuis rationibus ab inuicem
 dispescitas, persistere, intellexerunt. Easdemque ideas principes
 esse rerum omnium causas arbitrati sunt, ab eisque ceu quos-
 dam actus pendere & esse animas omnes intellectuales, intel-
 ligentias, corpora, cœlestia, & quicquid in inferiori hoc mun-
 do est vspiciam. Proinde proximam creati mundi causam, item
 & cunctarum proprietatum, menti & intellectui, hoc est ver-
 bo Dei & Spiritui sancto detulerunt: quamquam ne ipsum qui-
 dem bonum ab hac creatione separarint, vt ex locis iamiam
 citatis & aliis non raris philosophorum autoritatibus patere
 liquidò potest: quemadmodum sacras etiam literas legere est
 Deo Patri per verbum & in Spiritu sancto, tanquam vni prin-
 cipio mundi creationem tribuere, *Qui fecisti* (inquit Sapia-
 tia) *omnia verbo tuo:* & Psaltes, *Verbo Domini cœli firmari sunt, & spi-*
ritu oris eius omnis virtus eorum. Verum enimvero omnibus ex-
 ploratum velim, Ideas illas in mente diuina nihil esse ab ipsa
 Dei substantia & præscientia, id est, omnium præcognitione &
 voluntate æterna discretum. Quem, inquam, Deum certum est
 non tantum singulorum generum, verum etiam specierum ac
 indiuiduorum omnium exactissimam propriissimamque & con-
 stituere & ab æterno præscire substantiam, compositionem,
 formam ac vires tum proprias tum communes, & si quid præ-
 terea illis insit. Vt & hinc accipias diuinas illas Ideas cuiusvis
 speciei ac indiuidui principes esse causas: non modò quod sint,
 verum etiam cuiusque earum potestatis tam communis quam
 propriæ. Cui & id mihi pulchrè arridere videtur quod pleris-
 que philosophis placere inuenio: nempe quod virtutibus cer-
 tis, id est, certam stabilemque rationem habentibus, non for-
 tuitis, sed efficacibus, potentibus, indeficientibus nihil frustra
 in vanumque ex sese mouentibus, moueantur vires in rerum
 omnium natura consistentes, sed de his in alio nostro opere
 fusius ac syncerius diis fauentibus disseremus. Porro à mente
 ipsa & intellectu illorum plurimi volunt effusam creatamve
 animam vnâ intellectualem, vniuerso orbi communem, philoso-
 quam idcirco mundi animam vocant. Eandemque sub mente
 illa mundi regina rectoricæ, toti mundo præesse, atque per
 eam totum diffundi: vt scilicet tanquam primæ illæ causæ mi-
 nistrans,

Ideæ quid
sint.

Diuinæ
Ideæ, id
est, Deus
ipse om-
nium re-
rū causa
princeps.

De anima
mundi se-
cundum
philoso-
phos ple-
rosque.

niltrans, cuncta per eam & sub eius imperio moueret, cogeret, foueret, moderaret, efficeret, primariæ illius causæ, Dei videlicet, ipsius præcepto parens obsecūdāsq; Quapropter & in animam illam mentem impressisse senserunt rerum omnium primarias principesque rationes seminales tantum ab Ideis diuinis nobilitate distitas, quantum ignobiliori subiecto ad obsequium infusæ hærent. Quas forsitan intellexerit quispiam rationem esse omnium producendarum rerum, ac mediorum, quibus Deus ipse eas producere ac proferre voluerit constitueritque cum facultate qua media illa promouere ipsa possit anima: si tamen similis quædam anima pro aliquo Christiano admitti debeat. Verum Philosophorū quorundam placita narramus, non approbamus. Illam præterea animam sentiunt per omnia in omnibus diffundi, & omnia menti obedientem, eique ministrantem promouere ac vegetare, vt & hinc non abs re dici possit instrumentum primum eorum quæ Deus ordinato communique euentu, hoc est, secundum naturam efficit: qua de re hanc animam à mente & intellectu primam vitam nuncuparunt. Cui quoque mentem, substantiam, ac rationem; intellectum verò vt esset intellectualis, impertiuisse in litteris fecerunt. Eam denique per omnia flatum spirare vitalem spiritalemque prodiderunt, dum suo scilicet spiritu per omnia penetrans omnia videt, tangit sentitque, & id quidem modo quodam suo, nostris sensibus longè impari, incognito & multis nominibus discriminato. quo denique vnico flatu spiritūque actu lucido, vi calido & omnis generationis fomites ceu scilicet interioris vitæ quadam propagine, atque veriùs tanquā diuinæ virtutis vehiculo semper vbique pullulare animam illam vniuersalem mundi existimarunt: cum & forsitan intellexerunt sub Deo ipso, principium esse intrinsicum, quo formarum in materia rationes seminales ad sui scaturiginem promotionemque moueantur ac emergant. Sed hæc missa sînt. Discaueo namque longiùs me fortassis euagatum vela ventis præmaturè cōcedere. Iam itaque quæ diximus paucis perstringentes addamus, Deum Opt. * Max. * Omnipotentem, summum denique bonum, ac liberalissima sua bonitate, rebus cunctis pro sola sua voluntate, harmoniam, concentum ordinemque, & à se & ad sese præstituisse: quem stabilem ac inconcussum eatenus esse vult, quatenus aliter non disponere decreuit. Harmonico præterea illo consensu, sibi omnium creatori ministrare voluit: primum quidem (quòd ad hunc materialem inferioremque mundum spectat,) secundum philosophos illos, ipsam mundi animam ac eius spiritum: deinde cœ-

Spiritus
mundi
philosophis.

Cuncta &
à Deo &
ad Deum
ex ordine
constituta
sunt.

* Sapientissimum.
* Clementia plurima.

lum

lum ipsum extensum orbibus, figuris, astris maximis, planetis, stellis & luminibus consistens. Illam itaque animam, hoc quoque cœlum, principij causæque sub cœlo formatarum generatarumque rerum & transfusarum proprietatum rationem quandam iniisse ideo philosophi illi putarunt, quòd ad mundi dispensationem, tamen non ex necessitate, vberissima tamen Dei bonitate, quadantenus admittuntur. Quod & Avicenna ipse in suis Metaphysicis sensisse videtur: *Quicumque stellarum & orbium. Ab iis enim ipsa etiam elementa, nonnunquam & artes quadam, similiter & res artificiosa accidentalis saltem vel externa causa quadam sibi denominationem vendicant.* Placet itaque philosophis illis formam & ex ea vim occultam omnis mixtis esse, primum quidem ab Ideis illis diuinis, id est, à Deo ipso omnium creatore & plasmatore, ministrantibus ei anima mundi (si Platonice consentimus adferimusve,) deinde & ipsis orbibus cœlicisque corporibus, planetis, syderibus, figuris, luminibus, & si quid præterea cœlo extenso similis rationis insit: post hæc & elementorum temperaturis cœlicis influxibus affectis, causis inquâ præparantibus, & materiam ad nouam formam coaptantibus. Habent itaque (iuxta philosophorum illorum sensum) virtutes illæ reconditæ suam originem ab expressis specificis determinatisque formis, à cœlo tamen materiali per vires præparatorias, in archetypo per Ideas ac formas exemplares. quæ omnes causæ ad cuiusvis rei generationem absolutam (quod ad communem ordinatamque Dei constitutionem pertinet) conuenire illis videntur. Vnde tandem id esse verum commonstretur, quòd iamiam dicebamus, quod Deus scilicet rebus omnibus pro libera sua voluntate, altissima ac præstabilissima bonitate, harmoniam, concentum & ordinem à se & ad sese quandam instituit, indeque rerum omnium cum prima causa, Deo ipso, sympathia, connexio, correspondentia consensuue. Diuinum de singulis decretum natura sequens, non inepte statuatur: hoc est, vt omnes vires creaturis rebusque artificiosis insitas, à Deo ipso (qui omnium est actus primus, & actionis omnis principium creaturis impermiscibile) ministrantibus eis iam dictis causis, quæ ideo secundæ vocantur, pendere ac esse intelligas. Quo tamen pro libera & omnipotenti sua voluntate (omissis quâdoque iis quorum meminimus mediis ac ministris) immediatè ex seipso ea facit, quæ vult, quibus quoque miraculis nomen est. Cæterum ex his luce meridiana clariùs parere mihi persuasi, diuersos in rebus effectus pendere non solum à materiæ varia alteratione seu præparatione, cœlo.

Proprietatum occultarum causæ vnde sint.

Effectuum varietas est partim ex materiæ præparatione, partim à cœlo.

tionem est mouens aliquid non mobile, similiter & alterans fit quoddam non alterabile, iisdem dico qualitatibus. Neque enim quod varios afflant influxus, est (ut plerique putarunt) quod qualitatis diuersæ participes sint, sed quod illa viribus à creatore donata sint multinguis. Cum namque instituta sint incorruptibilia illa cœlestia ut vigerent, regant & sub creatore tueantur, adferantque infima hæc multimodæ transmutationi obnoxia, æquum fuit ut multiformes eis impartirentur virtutes, quibus scilicet iuuent extimententque subiectæ naturæ vim: non profecto ut sibi simile quicquam producant, sed ut Deo pareant atque subministrent. Quod reuera præstare cœlica corpora Philosophi putarunt cum vi luminis, tum virtutibus propriis speciem totam consequentibus, per radios lumenque in inferiora hæc demissis. Dum scilicet cœlicorum corporum radii ad terram (quæ seu punctum ac centrum ad cœli ambitum & capacitatem existimatur) transmissi assumpta etiamnum forsitan quadam tenuiori & sibi cōsentanea elementorum, per quæ penetrant, substantia, arctantur: proindeque densiores effecti & potentiores, materiam ritè & ad portionem æquant coaptantque, & præinfusas in eam seminales rationes ad actum inuitant, donec ad formam tandem materia illa ad amissim, hoc est, prædiuinæ ideæ ratione disponatur, ut & hinc non paucis sensuabilibus philosophis (uti præscripsimus) visum sit atque receptum cœlum illud extensum cunctorum quæ hoc in inferiori mundo generantur, causam esse effectricem: quod tam rationi profecto alienum est, quàm si instrumentum, non autem artificis intelligentiam, operis alicuius formam artificialem efficere putarent. Quamobrem ut cœlica illa corpora ministratoriæ, vel si manibus instrumentariæ causæ speciem quandam à Deo iniisse eorum quæ stata naturæ consuetudine producuntur, primoribus illis & ferè diuinis Philosophis iudicentur, nunquam tamen veræ, hoc est, creatricis aut plasmaticis causæ rationem illis concesserint.

Cæterum pro Christiana nostra veraque philosophia hoc loci non pigebit subnectere verba diui illius Augustini, summi profecto & diuini philosophi & Doctoris nomen meriti, quibus Deam formarum omnium specificarum & proprietatum singularum autorem esse & causam veram principemque pro palam testatur. Inuisibiliū (inquit) *seminum creator, ipse creator est omnium rerum, quoniam quæcunque nascendo ad oculos nostros exeunt ex occultis seminibus accipiunt progrediendi primordia, & incrementa debita magnitudinis, distinctionemque formarum ab originalibus tantquam regulis sumunt.* Et mox subdit: itaque *Apostolus Paulus discernens*

nens interitus Deum creantem atque formantē, ab operibus creatura qua admonetur extrinsecus, & de agricultura similitudinē assumens ait : Ego plantavi, Apollo rigavit, sed Deus incrementū dedit.

Haecenus Augustinus. Atqui pro huius capitis suprema manu subnectendū duximus, quod proprietatis effectus bifariā discriminatur: aut namque utilis est: aut nocuus. Utilis censetur quo homini quidpiam inuitatur adferēve emolumenti, ut (verbi gratia) eius functiones aut vires conservet, vegetet, roboret, reparet, absoluat, & ab interuēctione vindicet. Vel etiam ad meliorem facilioremque vitam quicquam adferat utilitatis. Nocuus autem huic ex diametro contrariis indicatur. Deinde utilis inutilisve dicitur proprietas vel toti corpori, vel priuatim cuidam parti. Toti siquidem corpori venenato, singulis item sigillatim eius particulis, theriaca ex usu est, speciatim verò Hyacinthus, Granatus, Margaritæ, Aurum, cor sedesque virtutum. Corallium autē & Achates stomachum & ventrem solantur, & à noxijs caussis asserunt. simili modo Napelli vis deletoria toti iuxta ac singulis quibusque partibus inimica cognoscitur. Cæterum proprietatum quæ ab aduersis defendunt, quædam hoc moluntur noxium, ad se primum quidem conuellendo, deinde immutando. Qua ratione Amethystus umbilico admotus vini vaporem cum primis allicit, & Scammonium bilem reuellit. Alia verò quod flagitiosum est deturbant, ac tandem propellunt, veluti iam dictæ theriacæ cum alijs medicamentis aduersus venena valentissimis contingit quod & Smaragdo, lapidi Cyaneo & alijs nonnullis familiare esse perpetuo euentu conspicitur. Alia denique præsentē esse vel imminere causam aduersam certo indicio commonstrant, ut Electro atque Adamanti coram toxico madere contingit & Torcois vel fudi vel omninò ruinam aut maculam quandā efferre dicitur appetente periculo. Eorum rursus quæ viribus occultis nituntur, quædam ad actionē corporis extimulatione egent, quemadmodum pleraque pharmaca in actum (ut physicis vulgatum sermonem vsurpemus) reduci necessum est. priusquam ad opus proprium emergant. Alia verò citra omnem à corpore immutationem propria munia exercent, quibus exercendis sola debita applicatione opus est, quod scilicet vires suas actu, vel habitu saltem solam accidentalem potentiam constituyente nacta sunt: ideoque sola egent conuenienti ad obiectum admotione. Utque impediens nullum adsit. Qua de causa Corallium etiam si stomacho diutius adhæreat, nihil à corpore detrimenti admittit: pariter nec Sapphirus anthracem sanando vires vel tantillo perdit, quanquam & id ei quidam falsò adscribant.

Proprietatis utilis effectus.

De ratione & causis virium in Gemmis.

CAPUT III.

Cognitionem certè non obscuram ea quæ huic capiti in-
 ferenda sunt, cum iis quæ nouissimè disseruimus, habere
 videntur. vtriusque enim capitis idem se. è obiectum, eadem
 penè ratio, idem propè modum argumentum, vt & hic quoque
 bonâ eorum quæ præstruximus partem abiectam intelligi ve-
 lim: quam & adiecissim profectò nisi prolixitatis nimix *ὑπερβολῆς*, id est, repetitionis accersi metus fuisset. Institutum
 itaque adgressi dicimus præclaras multum in Gemmis excel-
 lere virtutes. Ideoque & in magna illas antiquitus fuisse maie-
 state tam conspicuum est, vt cum nihilo consultius facturum
 existimè, qui illarum dignitatem multis encomiis commèdare
 niteretur, quàm qui Solis lumè leuiculo quopiâ fulgore clarius
 efficere, aut luxuriatibus aliquot (longè tamè imparibus) picto-
 rum more coloribus illud assequi conetur. Sed enim tantarum
 virtutum tamque verè stupendorū muniorem causas persequi
 non omnibus ex æquo facile fuerit. Qua de re, paucis libet de
 illarū potentiarum ratione quædam recensere, non floccipen-
 denda fuerunt enim qui Gēmas viuere, & à sua anima speciales
 adeoque ferè diuinas functiones exercere crediderunt, quorum
 iudiciū receptū hactenus non est. Aliter Alexander ille Græ-
 cus sensit, namque quod illarum proprietates elementis vnde
 constituuntur referuntur acceptæ, nimirum quod hæ in mixto
 alia edant opera quàm extra ipsum, in quo qualitatem elemen-
 talem, id est, innatū temperamentum, tanquam instrumentū
 ad opus moueri ratus est. Cuius sententia; etiam si plerisque
 placeat, multis tamen non mediocribus philosophis vel ideò
 absurditatis expostulatur, quòd instrumentariæ tantū causæ
 recordatus, effectricem, quæ princeps est, prætermisissè videri
 potest. quā peruestigare præsentis est negotij. Hermes autem
 ill: Trismegistus Cælum Gemmis occultas proprietates trās-
 fundere perhibet, è quo gignendorum seu producendorum om-
 nium facultates tam singulares, quam vulgares in hæc inferiora
 transmitti non dubitauit asseuerare, duplici (vt inquit) modo.
 Aut videlicet nobiliter & ex amussi, quoties materia in quam
 cælum vim suam exercet, eius orbis ac luminis quandam spe-
 ciem seu cognitionem refert, ad quam scilicet quo propius ac-
 cesserit gignendus lapillus, in hunc felicius ac abundanti-
 us pro-

Alexandri
 Græci
 opinio.

Hermetis
 de Gem-
 marum
 viribus
 sensus.

pter materiæ symmetriam, connexiorem, atque consensum, cœlum fuisse operatum intelligatur. Sed & ideo multa admiratione dignas Gemmis esse proprietates inditas asserit, quod lumine & perspicuitate cœlo quadantenus patentiores demonstratæ, eius actionem perfectius admiserunt conceperuntque. Vnde scilicet tandem hominis spiritus effecti specificis pateant Gēmarum proprietatibus, qua ratione Topazium, Carbūculū, Adamantem, occultis gratiarum proprietatibus præditas esse cōfirmant: viri non pauci nec incelebres, ut non deuoratis tantū, sed & etiā gestatis suas exerere liceat cœlicas potentias, primum quidem in hominis spiritus, demū in humores & solidiores eius partes, quibus à peste ac venenis defendatur. Sed enim à cœlo hoc ipsum, quicquid recondita vi possunt, Gemmas accepisse, vel hoc argumento confirmant, quod magnos parua mole mirificosque promant effectus. Nulli namque elemento concessum volunt paruo corpore plurimum subito præstare, uti nec ignē pusillam magnam vnico impetu lignorum cōgeriem vrere, vel aquæ paucillum terræ plurimum perfundere. Quæ verò cœlica vi nituntur, ex haud multa materia (seu scilicet vim eam in non magnoperè reluctantiā obiecta, facili opera, diffundant) admiratione etiamnum dignas suas functiones absoluunt. Nimirum quod cōtrariis aduersantibusve causis nō agunt & à validissima cœlesti potentia in actionem extimulantur. Quo modo (ut physiologis quibusdā non vulgaribus placeat) Corallium, Carchedonius, Chrysolithusque Gemmæ, ab Ioue præsertim ac Venere id sunt adeptæ virtutis quo ab atræ bilis melancholiæve symptomatis vel ferentem adserere valeant. Deinde & Mercurio Achaten sacram perhibent, ideoque & facundiam inuitare, & homini contra venena amuletum esse testantur. Aduersus quæ etiam è Creta collectam dictamnum à Phœbo (qui Pythonem transfixisse fingitur) id est, à Sole omnis vitæ & propaginis fomite mutuata esse profitentur facultatem. Sed & herba Pentaphyllon cœlica vi palam prædita creditur non venenatis modo auxiliari potens, sed vnico folio diariam febrem si bis in dies singulos sumatur: ternis, tertio quoque recurrentem: quatuor autem foliis quartanam febrem pellere atque conficere posse laudata. Nec iniuria profectò, cum nempe febres hæ variis pugnent tum naturis tum intemperantiis, haud facile fuerit (si me non omnia fallant) explicare quā ob causam naturalem, vnico simplicissimoque hoc remedio, Pentaphyllo scilicet, tā dissimilis rationis affectus abigi queat, si non virtutem hanc cœlum ipsum illi impendisse causeris. Quid præterea Phœbo sacræ Pæoniæ, à comitiali morbo vel

Remedia
in febrim.

portantem vindicare posse præter cælum, concesserit naturalis sensualisque philosophus: Neque enim pauca reperias medicamenta quæ similis caliditatis, siccitatis ac modicæ adstrictionis conformes promant qualitates, quarum ratione tamen germanas edant operationes manifestas, aduersus tamen illum affectû tam præstabilia esse minimè experiaris. Sed hæc quorsum? nempe ut mirum non sit, quod philosophi illi arbitrati sint, cælum Gemmis occultas profundere potentias: cum præferim similes potestates in obscurioris substantiæ herbas palam sit illud insinuare creditum. Quid præterea? Nonne à veteribus obseruatum est quarundam arborum, Oleæ inquam, Populi albæ, & Salicis folia solstitiali tempore conuerti: fieri etiam ut ipso brumali die frondes quædam reuirescant? Ut & hæc Marcus Varro stupenda discrimina nominarit, quibus videlicet anni tempus discernatur, & ex foliorum versura solstitium, ex recens autem erumpente quarundam herbarum virore brumalis dies internoscatur. Quæ ne iustè quis miretur, non pigebit & hîc quoque contexere quæ M. Cicero ex Stoicorum placitis refert. *Probatum est* (inquit) *à Stoicis in ipsa bruma muscutorum iecuscula augeri, pulegium aridum florere brumali die, item inflatas rumpi vesiculas, & semina malorû quæ in iis mediis inclusa sunt, in contrarias partes se vertere. Ostreis & cõchiliis contingere*

Cõclusio.

ut cum Luna pariter crescât & decrescant. Vnde manifestum esse puto (vtri etiam præstruximus) quod & philosophis diligenter probatum receptumque inuenio, quod rebus supernis vis quædam insita est vehemens, quæ maxima ex parte cum inferioribus conuenit: indèque sympathia quædam & ceu consensus emergit, quo animantium motus tacitèque concentus cœlicis corporibus (in rebus quæ stata natura fiunt) concordare videntur. Quo nomine hæc quoque inferiora cœlicis suis numinibus adscripta reperio, Apollini namque Aries, Leo, Gallus, Crocodilus, Cantharus, à Chæremone Porphyriôque tribuuntur. Ex arboribus verò Palma, Lotus, Laurus Soli feruntur acceptæ. Nimirum quod coram intueatis. Loti folia prius quàm Sol emergat contrahi, & eo exorto sensim explicari. Mitto quæ de Heliotropio, & aliis non raris herbis, ut literis proditum est, ita re ipsa quiuis non negligens explorator proprio obtutu cernere potest.

Porro de lapidibus multa, nec tamen dissimilia à Philosophis Egyptiis ac Magis perhibentur, qui quosdam lapillos syderum imagines planè repræsentare adstruunt, quos & idè ab iis virtutes in sese concepisse crediderunt, & experimento comprobasse testati sunt. Quid namque philosopho naturali mirû existimare

Lotus hæc herba Nili est, non arbor.

stimare similitudinem Gemmarumque cum cœlo cognationem maiorem, efficere ut eius viribus obnoxius pateant, atque hinc valentiores emergant, cum maximè similitudo & extimulata tandem germanitas materici aptam præparationem, & cœlo obnoxium consensum non obscurè subindicet. A cunctis siquidem physiologis receptum est quod agentium actus sunt in patiente disposito (libet enim eorum vulgatam multum sententiam ad verbum referre) quodque singulæ similitudines sese natio quodam affectu appetunt. Verum ne hæc quidem absurda iudicaverit, qui monumentorum magicorū astrologicorumque non inuitus meminerit, hi quippe in rebus similitudinem non mediocre ad effectus naturales habere robur certa veluti hypothese statuere. Sed ut magica omittamus, quibus vel solo nomine multi terretur, astrologicum aliquod adferemus exemplum. Inter omnes astrorum peritiores convenit (quibus etiam Medicorum non vulgarium bona pars facto periculo subscribit) Leonis imaginem aduersus calculum amuletum esse: si tamen statò tempore, hoc est, Sole Leonis primum gradum occupante in auro sculpta, à collo portetur. Cuius rationem nemo, crediderim, aliam facillè attulerit saltem naturalem, quàm consensum appetitumque quendam rerum cœlestium cum congenæ figuratione, in conuenienti materia ab ista saltem harmonia mutuatum procuratūque. Propter què virtus illa cœli, quæ constituto illius configurationis tempore pollebat, à iam dicta parilitate, & materiæ, id est, auri, ad mensuram præparatione, in aurum iam dicta imagine figuratū allicitur, transfunditur, comineat: quæ proximum, gestantis scilicet, corpus sua vi afficit, quæ à calculo ipsum tueantur. Veruntamen nolim intelligas, philosophos illos, vel etià me sentire virtutem hæc esse imagini, sed auro tali effigie figurato & efformato transfusam, ut scilicet subaudias illos existimare quòd præparatio, quæ per sculpturam dictæ imagini fabricandæ necessariam, aurum cœlicis radiis & influxibus concipiendis abundè disponitur, efficit ut materia hæc patientior reddatur cœlicis affatibus admittendis, & (ut ait M. Vitruvius lib. 1. de Architect. cap. 6.) de latentibus cœli rationibus, artificiosis rerū inuentionibus, diuinitatis exprimere veritatem rerum peritus vix posse credatur, de quibus fusius supra disseruimus. Sed enim ne philosophorum illorum placita absurdiora putes, quàm ut humanam apparentemque saltem aliquam non habeant rationem. Maximè autem quo feliciora, sublimioraque ingenia oblectemus (non vero quod ita esse statuamus) annotanda in primis & hic nobis videtur Platonis illius celeberrimi,

Mundum
esse ani-
mal vñũ
sensit
Plato.

ni, & multorum non mediocrium philosophorum celebrata
vulgataque sententia, quòd scilicet mundus est animal vñum,
vna quadam anima intellectuāli (ea est de qua paulò antè dis-
ceptauimus) sub mente principe omnium creatrice vita, do-
natum, quæ (menti obsecundans) congenito suo spiritu per
omnia diffuso vniuersum orbem alit, fouet, moderatur. Cui
& id Maronis egregij illius non minus philosophi quàm poetæ
subscribit:

————— Omnia

*Spiritus intus alit, totamque infusa per artus,
Mens agit at molem.*

Vna in
omnibus
vita om-
nia inuicẽ
cõspirare
& com-
passione
quadam
communi-
care.

Pythago-
rẽ de Tri-
nitatẽ per
numeros
cõpẽdiosa
sententia.

Quibus non obscure ostendit naturã hanc transmutationi
obnoxiam à natura stabili ordinatriceque regi: singula etiam
artus & particulas esse quasdam mundani illius ac magni ani-
malis, eademque saltem communi vita viuere, adde & commu-
ni quodam spiritu in propria munia extimulari. Ideoque illo-
rum est consilium, vnam in omnibus vitam sub mente hac vi-
gere, quæ cuncti eius vi & imperio peragat. Ita tamen vt ad
suas functiones obeundas tum cœlicis tum nonnunquam etiã
rudioribus instrumentis vtatur. Quapropter & in hac commu-
ni omnium vita sentiunt singulas formas cùm inuicem, tum
per animam illam vniuersalem ad omnium vltimum finem,
hoc est supremum ipsum bonum, tandem conspirare, vt &
quæcunque fiant, mundi partes sint vel ad eas spectent, vt & ad
totũ. Quod & ipse Pythagoras suis numeris demonstrare con-
tendebat dum vnitatem omnem numerum cõstituire, dualem
primum atque ex vnitatẽ & binario ternarium, (id est Trini-
tatem quandam) comprehendi, deinde & in simplicem vni-
tatem alium omnem numerum resolui, multa ingenij
dexteritate differebat. Verũ vnde digressus est noster tan-
dem redeat sermo. Senserunt item & philosophi illi, quòd
citra substantialem proximamque causam non possit in hoc
inferiori mundo naturaliter produci substantia, nec sine vi-
uente causa viuens quippiam generari, deinde & duce quo-
dam communi diuersa quoque conciliari. Præinde & per
substantialem illum mundanæ animæ vbique præsentem
spiritum, omnia consensum, cuius nunc commeminimus,
participare volunt. Adde, quod & inter philosophos conuenit,
quòd lumen intelligentiæ est actus intelligentias quæ & supe-
riora lumine & spiritu non modò communi, sed & proprio age-
re. Quid igitur illis arduum fuit opinari spiritum illum vni-
uersalem, cœli vim materiæ ad eam ritè paratæ admoue-

re, vnde rationis eius seminalis virtus ad opus pridem à creatore infeminatum exsuscitetur. Præstat Chimericam illam animam, Christianis incognitam, philosophis in hanc persuasionem ductis relinquere, & attendere iis quæ ratio diuinis oraculis subnixa suadet, & quotidiana naturæ consuetudo commonstrat. Naturam autem sic operari videmus, vt cæli lumen non desit, & rationum seminalium elementis, id est, in ipsa materia, latentium per id excitetur fecunditas. Quemadmodum quippe prudens agricola terram sementemque, sic sua arte ac diligentia præparat quod speciem rei cuius in semine rudimentum aliquod à natura delitescere scit, cælum omnibus numeris felicius absoluat: ira & solertissimam prouidissimamque naturam, vel hominem artificiosum aurum lapidumve sic aptare posse putant, vt quæ in iis per creationem cœpta est virtus, vel insita, per naturam, vel artem eius quam proximè æmulam, ad perfectionem tandem extimuletur. Proindèque nulli iam mirum sit, quod philosophi illi senserunt, cælum & artem sese inuicem non rarò iuuare cœlicis concipiendis viribus, & materiis decenter apparandis, cœlestium motiones & situs obseruare docuerint, vel ideo saltem, quod hæc ad materiam pertineant, aliter vel aliter aptandâ. Nempe quod elemēta pro illorū motu, positione, propinquitate aut distantia qualitates euariant, quas non pauci rerum naturalium proximas effectricēsque causas existimant, vel saltem in hoc superioribus ministrare quod pro eorum mixtura & temperamento formam quamdam edant quæ ad specificam quamplurimum disponat. Vt & id sit euident quod superiore capite prætexuimus, Deum ordinem quemdam constituisse omnium rerum, & à se ad se. Quem Deū credi nō abs re potest, Cur proprietates occultæ rebus à Deo inditæ sunt, supra ea quæ ab vniuersali rerum naturalium confluxu quæque species & quoduis indiuiduum recepit, proprietatē quamdam humano captui, non ratione, sed solo experimento perueniam, ad hominis vsum, liberalissima sua pietate infudisse atque impartiuisse. Vt & vtilitatem inde homo capefferet, & tanti tamque reconditi operis admiratione illectus, ad Dei & Domini sui omnium creatoris contemplationem amoremque raperetur conuolaretque. Hic namque ordo vniuersi, & hæc rerum proprietatumque admiranda varietas, dum ab intellectu diligentius auidiusque introspectitur, illuminatis tandem mentis oculis, principium suum, quod est bonum ipsum, id est, Deum, refert, incomprehensam sublimitatem, ac maiestatem simplicissimam, sapientissimam, potentissimam, benignissimamque virtutem atque bonitatem esse. Sed institutum

tandem absoluamus, forsitan enim longius palati discessimus. Itaque tamen Trismegistus ille non absurdè videri possit sensisse, quòd cœlum lapillis vires abditas impertiat, proximæ tamen earum causæ non meminit, quam inter Philosophos conuenit in materia consistere, & inde suas promere functiones. Qua ratione patet, cœlum ipsum materiale, ac extensum non esse principem proximamque, vel si mauis, coniunctam causam earum, quæ in Gemmis latent potentialium. Quamobrem cum superius ostenderimus, reconditarum virium causas à nulla fieri complexionali qualitate: sed nec ab aliquo elemento, aut forma elementorum temperiem primariè atque essentialiter consequente, voluit Albertus ille Magnus cum numerosa non mediocri literaturæ ac iudicij virorum turba, quòd species, seu substantialis Gemmarum forma sit delitescens, quæ ex iis experimur, facultatum causa effectrix, atque immediata. Quamquam nec illi forte negarint substantiali illi formæ vim aliquam adici cœlestem, quæ vel seipsa, nonnunquam autem Gemmarum adiuta temperaturis elementaribus præcipuè illi causæ suffragetur. His autem non de nihilo subtexendam videtur, quòd quæ gemmæ naturæ purissimæ nascuntur, & ab omni sorde defecata, nullum artis præparationem ambiunt, nisi ut ritè corpori admoueantur & nihil obstat. Quæ verò terra aut crusta obductæ, pretiosum intro condunt thesaurum & gratam pulchritudinem, mangonum officio, abiecta crusta, & virtutibus & illecebris diffundendis idoneæ redduntur. Neque etiam tibi persuasum velim Gemmas æqualiter suis functionibus corpora quauis etiam humana effigere. Quandoquidem pro corporum cum cœlicis orbibus & afflatibus, vnde vim lapilli mutuati sunt non modicam, maiori vel minori consensu, aut eorum corporum conueniente, vel aduersante temperamento & innata proprietate, efficacius, aut segius Gemmas operari contingit.

Alberti
Magni de
propri-
etatum ef-
fentiali
causa sen-
sus.

Non in
quauis
corpora
Gemmas
æqualiter
operari.

DE GEMMIS XIII. QVAVM

D. Ioannes in Apocalysi meminit.

LIBER SECVNDVS.

A R G V M E N T V M.

I A C T I S instituti nostri fundamentis, ab ipso secundi huius libri limine prætexendum videtur, quòd D. ille Ioannes Apostolus *Apocalypseos*, id est, Reuelationis libri cap. penult. dum ciuitatis sanctæ Hierusalem de cælo descendens, ac Dei claritas illustris structuram describeret, tredecim Gemmarum non sine magno sacramento (quod ne in aliena messe metamus, in præsentiarum præmittimus) commemorat. Quas non pigebit, ex ordine eo loci seruatò, hinc quoque recensere. Neque enim videtò qua meliori ratione Dominus omnium Deus nobis monstrauerit, diuinas quasdam Gemmis inesse naturas & proprietates, quàm iis ipsis cæli muros, hoc est, eius virtutes, vel (si mauis) Christi Iesu cum duodecim eius Apostolis, Ecclesiæ videlicet capitis & columnarum amplitudinem, maiestatem, cumulatam denique nobilitatem & inuincibilem virtutem per Gemmas designando. Sunt itaque omnes eæ: Iaspis, Sapphirus, Carchedonius, Smaragdus, Sardonyx, Sardius, Chrysolithus, Berillus, Topazius, Chrysoprasus, Hyacinthus, Amethystus: nouissimas verò fecit Margaritas. De singulis autem his hoc libro primum ex ordine differere consilij est.

De Iaspidis speciebus & viribus.

C A P V T I.

I Aspides plura ab auctoribus enumerantur fastigia. Ea tamen quæ apud Indos nata Grammatias, aliis Polygrammos vocata est: quæque virens, Smaragdo quadantenus similis pellucet (vt & hinc sola substantiæ crassitie ab hoc desciscere ferè videri possit) supremam obtinuit maiestatem. Ab hac verò diuersa multum Cypria visitur, colore glauco, substantia pingui, Gallis Iaspis alba dicta. Persica æri similis, Æriza nominata, conspicitur. Thermadontiata autem Iaspis, cærulearum optima est. Cappadox ex purpureo cæruleum refert in materia opaca, ideoque non fulget Phrygia ruboris non-nihil

Thetel.

Iaspis quæ
optima.Iaspidis
vires.

nam admittit, Thraica Indicæ amula, Chalcidica turbulenta ac variæ multum substantiæ, omnium minimè iucunda. Cunctarum vulgò præstantissima est, quæ purpuræ quippiam complectitur. Secundum habet locum quæ roseum quiddam nacta est. Tertiâ obtinet dignitatem, quæ Smaragdum: quartâ, quæ Autumnale matutinum serenique cœlum imitatur. Est & quædam Iaspiachates seu Iaspidem & Achatem quoque complexa, vires vitrarumque perstringere credita. Sunt & aliæ (auctore Vincentio) peregrinæ Iaspidis species ex Thetel enumeratæ. Nam inuenitur (ait) in Iaspide scutam habens in collo, & cuspidem in manu, & sub pedibus serpentem, qui habeat contra omnes inimicòs virtutem. Item & alius in quo sit homo habens fasciculum herba in collo, cuius virtus sit omnes discernendi morbos ac sanguinem restringendi: quem Galenam in digito gestasse referunt. Deinde & cruce signatū viridē reperire est, ne quis submergatur, efficacem. Hactenus ille. Hic itaque ferè indigitauimus optimam principemque Iaspidem, virentem illam & Indam, quæ (quod præ cæteris amuletum esse credatur) Polygrammos nuncupata existimatur, quæ tamen celeberrima asseritur, si ex viridi purpureum quiddam complexa, alba præcingatur linea. Vnciis vndecim magnam vidisse Plinius testatur, indeque arte consculptam Neronis thoracatam effigiem. Porro quod ad vires attinet, omnes pro singulari aduersus perniciosissima quæque venena amuleto toto Oriente deferri, idem Plinius in scriptis reliquit. Verumenimverò eam quæ Grammatias dicitur, alba insignem linea præferunt, quæ si geminata candidam efferat crucem, à nonnullis firmiter prædicatur ferentem adeò contra aquæ iniurias adferere, vt & hunc à submersione vindicare, Gal. medicinæ vsui illas esse confirmat, quòd suo adhæsu stomachum firment, quem ventriculi os esse idem auctor dixit, illiusque rei se periculum fecisse profiteretur, torque videlicet ex Iaspide à collo ita suspenso vt stomacho è directo responderet. Affirmatque sibi coram exploratum esse sculpturæ expertes nihilominus prodesse, quàm si dracone radiato figuratæ fuissent: quales Nechepsus rex insculpi instituit, vt idem Gal. refert. Adde quod Iaspis mulieribus menses cohibet, drachmæ pondere deuoratus sanguinem sudoremque compescit, hydropem & febres arceat, oculorum aciem suo virore reficit, Venereorū petulantem appetentiam retundit: partum proprietate quadam occultiori moderari creditur. Sunt qui ab aduersis casibus gestantem liberare, phantasma pellere, conceptioni aduersari, & oculos ab omni sorde purgare Iaspidem dicant.

De Sapphiro.

CAP II.

I Oui Phœboque antiquitus sacram sapphirum in duo partiuntur præcipua discrimina. Sunt namque quæ Orientales seu Indæ, sunt & quæ Podiæ, à loco scilicet suæ generationis, appellantur. Inuenio quoque illam & Syrtitem, ab inuentionis loco vocari. Quamquam non eam putauerim esse, cuius Plinius meminit libro 37. hist. natural. cap. 10. his verbis: *Syrta (inquit) in littore Syrtium, jam quidē & in Lucania inueniuntur, è melleo colore refulgentes, intus autem stellæ continent languidas.* Tamen si namque nomine & originis loco conuenire videantur, color tamen huius Syrtitis, è melleo croco refulgens, manifestius reclamationem quam ut à quoquam suspicari deceat hanc Syrtitem esse sapphirum. Sapphiri namque cœlesti colore conspicui sunt. Porro earum quæ apud Medos repetiuntur, supremam sibi maiestatem vendicarunt, quæ serenissimi vernique cœli colorem efferentes, cæruleæ conspiciuntur, & ceu transfusas nubeculas (immixta etiamnum leui quadam purpura) repræsentant: ut videlicet sulphuris primum accensi colorem referant, aureis insuper punctis colluceant scintillantque, ita tamen ut visus aciem materiei crassitie retundant, ut & admotarum rerum imaginem speculi instar minimè reddant. Sunt itaque hæ optimæ sapphiri. Multæ tamen aliæ visuntur quæ quo magis ab his vel substantia vel colore descuerint, coviliores censebuntur. Inter quas tãquam subcandicantes quasdam nubeculas ostentant, præferuntur, ut ab optimis primum sibi locum occupauerint. Supremam olim Sapphirum auctoritatem habuisse, ut apud diuos gratiam ipsa perhibet antiquitas. Tam quippe Diis, Phœbo maximè gratam hanc Gemmam causantur, ut tum præcipuè sua huic sacra placuisse creditum sit, cum inter hæc Sapphirum (tamquam videlicet concordie signaculum) etiam si non citra fastum superstitionemque, ostentarent. Qua de causa Pontificibus in primis, deinde etiam regibus, summis denique viris, præ cæteris dignam, obpropemodum diuinas illius facultates philosophi iudicarunt. Vener eos compescere affectus creditur, ideoque castis præcipuo vsui esse perhibetur: deinde animi in Deum propensionem, deuotionem, pietatem, constantiam, pacis ambitionem, deorum munera opimaque (quod ad hanc vitam spectat) beneficia inuitare conciliareque fertur: ut vel hinc ecclesiasticis præsulibus omnium maximè dignam rude etiam vulgus profiteatur. Addunt & contra iracundiam, & inuidiam, fraudes

Sapphiri
differenciæ
& nomi-
na.

Sapphiri
descrip-
tio.

Sapphiri
vires.
Supersti-
tiosè cre-
dita.

& tristitiam pellere. Aded scilicet contra effrenes animi mores efficax est credita. Verum hæc ad animam pertinent.

Corporis præterea incrementum mollixi, solidas principesque fouere & asseruare partes, cordis oculorumque vires reficere, horum excrecentias & pustulas inhibere, ruptas quoque membranas cogere Galenus & Dioscorides auctores sunt. Addunt & aduersus scorpionum ictus & intestinas exulcerationes bibi, venenis etiam pestiferis resistere & contra veneficia omnia, adde etiam & incantamenta præsidio esse, febrientes cordis venis pulsantibus admota iuuare, sudorem arcere, sanguinem continere, carbunculis abscessibusque calidis, pestiferis præsertim, mirum in modum aduersari tradunt. Commentitium puto quod à plerisque dicitur Sapphirum Carbunculo extincto viribus destitui. Sunt & qui falsò iactent sensisse Dioscoriodem quòd Sapphirus araneam in pyxide repositam occidat, si diutius supra animantem pendula admoneatur.

Mitto præterea quæ de hoc lapillo superstitiosorum Magorum præstigiola vanitas nugatur.

De Carchedonio.

C A P V T III.

CArchædonium è Carbunculorum esse generibus Plinius inter Latinos Philosophos locupletissimus testatur. Quamquam & hic præmonitum te velim, fere omnia tam Græcâ quàm Latina Apocalypsis exemplaria Calcedonium habere: cum tamen de hoc nomine vocato lapide nihil apud auctores classicos inuenerim: de Carchedonio autem multa. Vt & hinc non ab re putem scriptorum incuria vtraque exemplaria iam olim vitiata esse, quæ præstruere visum est ne sacri textus veritatem ac dignitatem neglexisse videretur. Porro Carchedonios putant imbre diuino generari. Luna plena maximè reperitur. In Nasamoniis montibus nascitur, deinde & apud Thebas in Ægypto: verum quàm prædicti obscuriores ac magis fragiles, venenosi & morientis carbonis haud absimiles. Neque etiam desunt viri non incelebres qui iuxta Basileam Argentinamque clasas multum & insignes Germaniæ ciuitates quosdam Carchedonios reperiri adstruant. Præterea auctor est Symphorianus Campegius in Lotharingia quoque Carchedonios oriri miræ magnitudinis, & si ferro percutiantur sonoros, quos & vi præditos, scribit aduersus raucedinem, vocemque clarificare. Ego verò absolutissimo Carchedonio cum

Carchedonij generatio.

Carchedonij descriptio.

Lotharin

Lotharingo collato, hunc non putauerim (tanti viri pace dictum sit) esse verum Carchedonium. Quandoquidem optimus colore conspicitur medio inter Berryllum & Hyacinthum. accedente etiam leuicula quadam & subardente purpura, ut & proinde facilis sit suspicio coiisse Berillum cum Hyacintho. Ideoque Carbunculis pallidior & subobscurior visitur, quamquam & Sole vel igne acrior excitetur. Dicunt etiam Carchedonios umbra purpureos ostendere, sub dio verò flammeos videri & soli expositos scintillare. Qui autem à Lotharingis passim circumferuntur, rubri semper æqualiter conspiciuntur, tantum abest ut prædictos gratia & proprietatibus assequantur. Quamobrem spurium potius Lotharingum Carchedonium esse iudicauerim, vel omnino ignobiliorum eius quamdam speciem. Præterea commune omnibus Carchedoniis inuenio, quod ceram signandam suo contactu ita quidem liquefaciant, ut eius adhærentem partem conuellant Carchedonij (ut in omni Gemmarum genere) Masculi acrius, foeminae languidius fulgent. Sculpturae contumaces esse Carchedonios inuenio. Cæterum facultates eis tribuunt non obscuras contra Cacodæmones, & atræ bilis symptomata, hoc est tristitiam timoremque. Neque desunt qui victoriam ei promittere audcant qui illum secum gestauerit. Fertur & festucas calfactus trahere. Præcipua autem dignitatis sunt mares qui stellas intus ardenteis ostendant, vel cœlesti hoc schemate diuinis ferè eius vires attestante.

Mas &
foemina.
Carche-
donij vi-
res.

De Smaragdo.

C A P V T I V.

Viridium Gemmarum iucundissima primaque habita Smaragdus. Nullus namque color oculis æquè placuit, quod horum acies virore maximè demulceatur, ut & ea propter viridaria visus & animi recreandorum gratia petantur. Ideoque fit ut nullis lumina nostra lapillis quam Smaragdis plus oblectamenti cōsequantur. Nihil quippe cum herbis de viriditate meliori ratione certauerit, cum etiam quarundam virorem non rarò Smaragdus superet. Porro optima apud Scythas in altissimis montibus ac in metallis aureis nascitur, unde non sine magno discrimine ac negotio solet adipisci. Gryphis alitibus ferocissimis in iis auro nificandis, in illas tutantibus ab Arimaspiis vnico in fronte media oculo insignitis, viris armatis eò auri & Smaragdorū cupiditate nimia consuetis occidere. Cæterum quantum reliquas virentes Gemmas Smaragdi superant, Scythicae

Smaragdi
genesis.

Arimaspi.

Scythicæ cum substantiæ puritate, tum viriditatis illecebra reliquas sui generis species antecellunt. Secundâ verò sibi dignitatē Bactrianæ vendicant, ab his autem Ægyptiæ. Quamquam & in Britannia maiore (quam nunc Angliam vocant) reperiri non ignobiles, auctor est Albertus Magnus. Post generosissimas itaque quæque pro sui puritate & viroris constanti per-

Optimæ tinacia, superior aut inferior æstimanda fuerit. Porro præclarissimâ Smaragdus virenti iucunditate amœnissima prætata proximè repræsentat, solaque præ omnibus aliis intuitum vber-
 tim explet, & multo labore hebetatam oculorum aciem reficit: ut vel hinc apud sculptores maximam inierit gratiam. Quinetiam è longinquo sese efferunt Smaragdi, quod vicinum circumfusumve aërem suo inficiant tinctu. Tamen si vero duodecim eius enumerantur omnia fastigia, principis tamen & absolutissimæ descriptionem hinc adnotasse sat nobis fuerit: ea siquidem cognita reliquas pro suis metiris meriti ac æstimare haud difficile fuerit. Selectissima itaque Smaragdus ea est quæ viridissima, lucidissima ac purissima existens, suo quidem virore oculos constanter explet, satiatve: ita vicinum aërem proprio tinctu inficiens, ut neque Soli neque umbris seu lucernis cedat: quin potius perpetuo contumacique virenti fulgore semper irradiat, sui semper præbet conspectum, substantia pertinaci ac durissima. Porro Smaragdorum quæ planæ ac læues sunt, speculi speciem referunt, & imagines rerum admotarum supinæ repræsentant. Ideoque in scriptis est, Neronem gladiatorum certamina Smaragdo conspexisse. Vires huic adscribunt præstantissimas aduersus venena omnia: ut & hinc octo granorum hordei pondere in polline deuorata, venenatos à morte vindicare potens iampridem explorata sit. Affirmans etiam serpentis oculos diffuere, si optimam Smaragdum diutius intueantur. Comitiali præterea morbo vel à collo pendulam vel annulo gestatam, seu amuletum generosum prodesse, Hemittitæumque sanare confirmant. Iam verò apud omnes conuenit lapidem hunc rerum venerearum impatientem esse. Ut etiam Albertus ille Magnus adseuerare non dubitarit, Regi Hungariæ cum vxore rem habenti, Smaragdum quam annulo portabat, in tres diuulsum fuisse partes. Proinde palam esse creditum comperio, ad castitatem non mediocrem hunc lapillum habere proprietatem. Addunt denique & ipsum memoriam fouere, visum recreare, opes augere. Mitto quæ de lapillo hoc superstitionum magorum nugacissima impostura mentitur. Porro qui non vsque adeò virent, vino & oleo abluti (auctore Plinio) emendantur.

Smaragdi
vires.

De Sardonyche.

CAPVT V.

Sardonychas olim Romanis in magno fuisse pretio autor
 Seti Demonstratus. Porro numerosa specie visuntur, quarum
 India parens est, celeberrimæ habentur. Post has Arabicis lau-
 dem detulerunt, circuli præclaro candore, nec tamen nimis
 gracili, verum in vmbonibus nitido. Optimæ autem iudican-
 tur, quæ colore constant veluti carnibus humanis vngue in-
 terfuso (qualem audio vulgus incarnatum vocare) utroque
 secius colore utcumque pellucido atque languido, ceu scilicet
 quis rubricam visu transmittere intelligat affuso etiamnum
 colore utcumque glauco. Itaque Indicæ præstât. Colorum quo-
 que varietate suâ ostendunt dignitatem, ut vix in alia Gemma
 depingenda naturæ diuina sagacitas magis reluceat. Ex his
 namque generosiores, radice tanquam à basi quadam nigri-
 tante (quam quis non iniuria, è nigro ad cœruleam desciscere
 crediderit) Onychas primum quadantenus repræsentant: hinc
 imitante Sardium subrubente zona præcinguntur, à qua dein-
 de linea alba in gyri modum ambiuntur. Tandem, verò lata
 atque diuersa intercapedine in ampliorem, nec minus artifi-
 ciosum, ac candidum circulum meant. Postrema omnibus iis
 zonis, veluti basis quædam altera substernitur, quæ ut Arabi-
 bus nigerrima est, ita Indis cerea, vel cornea conspicitur, quasi
 videlicet in candido pingui vnguis humanus transfundi, acce-
 dente etiam subobscura quadam nubecula, existimetur. Ideo-
 que nemini mirum esse debeat, si quis Sardonychas ex Sardij,
 Sarde & Onychis coitu fieri suspicetur, cum Sardonychas pa-
 lam sit trium illarum Gemmarum referre colores ac substan-
 tias. Præferuntur quibus candidæ, vel purpureæ zonæ sese ex
 ordine, citra alterius rei intermixtionem, recipiunt, & albi-
 cantes circuli, immixta leui purpura, cœlestis arcus anhelatio-
 nem quandam referunt. Melleæ verò & fœculentæ reiiciuntur,
 cum iis etiam quibus circulus aliquis sese quidem diffundit,
 non autem recipit. Aduersus venerea pollere, & animi fastum,
 item nocuos effectus arcere creditur.

Onychæ
delinea-
tio.

Probatio.

Potentiæ
Onychû.

De Sardio. CAPVT VI.

Sardium à Plinio Sardam vocari inuenio, tametsi non
 desint viri non incelebres qui ab hac Sardium multum
 S f discriminari

reminiscor, substantia quidem non mediocriter tenui, multum autem pellucida, colore tamen ex flauo in pallidum languido, immixto etiamnum aqueo quodam virore, adeoque filicis foliorum viriditatem repræsentare. Solæ autem hæ præcellentium Gemmarum limam admittunt vsuque atteruntur Topazij laus non vulgaris profectò, quandoquidem vires ei aduersus sanguinis eruptiones tribuuntur, ideoque vulneri admodum sanguinem è vestigio compescere, iracundiam præterea ac venerea cohibere crediunt. Nec desunt qui factò periculo audeant affirmare, quòd manus Topazium habens, ab aqua bulliente citra iacturam eripi possit, ut quæ aquæ feruorem vsque ad eò temperet, ut ab ea omnem bullam mox pellat & calorem nocuum. Mirum verò quòd vires pro Lunæ augmento, aut decremento euariet, ut & hinc lunaticos iuuare perhibeatur. Sunt qui hunc lapillum stultitiam pellerè, delirium auertere à momentanea morte ferentem vindicare, & phrenitidi obnoxiiis amuletum esse prædant.

Facultates.

De Chrysopraso.

C A P V T X.

Chrysoprasum & Chrysoprasium Plinius scribere videtur. Nam lib. 7 c. 8. Topazii genera discriminatim narraturus in hunc modum scribit: *Duo eius genera faciunt. Prasoidem atque Chrysoprasum similem Chrysopraso.* Nec ita multò post subdit: *Vitioris turba est Prasius, cuius alterum genus sanguineis pontis abhorret. Tertium virgulis tribus distinctum est candidum.* Præfertur his Chrysoprasius porri succum & ipsa referente, sed hæc paululum declinans à Topasio in aurum. Eiusdem verò lib. c. 5. Beryllorù discrimina descripturus, *vicinum* (inquit) *genus huic est pallidius, & à quibusdam proprii generis existimatur, vocaturque Chrysoprasius.* Item & eius lib. c. 11. *Colos* (inquit) *appellauit Chrysolithum aureum, Chrysoprasum herbaceum.* Puto tamen vel scriptorum, vel typographorum oscitantia Chrysopraso, & prasius pro prasus substitutum esse, vel hac ratione quòd vtranque assensu porri succum referre, cui Chrysoprasus & prasus voces longè melius respondent: sicuti & ibidem his pro is, & Chrysopterin pro Chrysopteron reponendum censeo, ut scilicet in hunc modum Pliniana lectio castigetur. Et duo eius genera faciunt Prasoidem atque Chrysopterin similem Chryso

Chrysopraso, & demum vilioris turbæ est Prasus (nisi tamen prasus vocem adiectivum quoddam esse censeas) cuius alterum genus sanguineis punctis abhorret. Tertium virguis tribus distinctum est candidum. Præfertur his Chrysoprasus porri succum & ipsa referente. Palam enim est Plinium eo loci Chrysoprasum tribus Prasi generibus conferre, eundemque præstantiorem haberi velle. Sed hæc missa.

Emendat
tor Plin-
iana le-
ctio II. 37.
c. 8.

Chrysoprasus itaque lapis porri viriditate ad aurum inclinante conspicitur: ideoque herbaceum colorē imitatur. Optimus itaque est qui aureis guttis conspergitur. Mirum quod lumini tam importunum scribunt quidam, ut genuinum decorem per solas tenebras ostendet. Vires ei tribuunt contra scæram auri sitim. Cordis vires reficere, & oculorum imbecillitatem finire creditur.

Descriptio.

Virtutes.

De Amethysto.

C A P V T X I.

PRæcipua inter violaceas Gemmas Amethysto laus & autoritas: eius autem plura enumerantur fastigia. Porro Indicæ supremam sibi vendicarunt maiestatem: post has verò Arabicæ, Armeniæ, Ægyptiæ & quæ in Galatia reperiuntur. Infimæ omnium quæ in Thaso aut Cypro gignuntur. Singulæ tamen violas utcumque referunt, fulgent quoque, sculpturæ, ut si quæ aliæ faciles. Absolutissimam purpuram Indicæ repræsentant, inter quas ex quidem præcellunt quæ veluti ex carbunculo irradiantis in murice rosei, cuiusdam nitoris iucundam anhelationem effundunt. Quarum, quæ blando quodam aspectu tanquam ignitam eiaculantur scintillam, generosissimæ atque efficacissimæ putantur. Neque etiam hic adnotare pigebit quod accedunt quidem Amethysti omnes ad vini ruborem, verum eo non adepto in violaceum finiuntur, ut purpuræ videlicet fulgor usque adeo igneus non sit: sed ut vini colorem euariet. Quamquam inueniam & Amethystos quosdam ad Hiacynthos deficere, alios verò ad vinum magis: nullæ tamen vinosi coloris expertes omnino laudantur. Quæ verò ad crystallum ceu subalbida quadam ac leui purpura desciscunt, cunctis ignobiliores habentur. Veneris gemmam coloris luxus & illecebra vocari fecit. Aristoteles autor est amethystum umbilico admodum

Delin-
ctio.

Probatio.

vini vaporem primum ad se trahere, deinde eum discutere proindeque à crapula & ebrietate ferentem vindicare. homini præterea contra topica amuletum esse comperio. Addunt & alij malas illum arcere cogitationes, & præcox sælixque ingenium efficere. Ad hæc vigilantem & principibus gratum reddere eum à quo portetur. Sunt qui grandinem auertere & omnia prospera inuitare illum tradant. Mitto hîc quæ de hoc lapillo superstitiosi impostores credulis nimium auribus insuflant, tanquam videlicet Christiano instituto indigna, qualia ferè sunt etiam quædam ex iis, quæ partim paulò ante, partim etiam & in aliis huius libri capitibus, è certis tamen autoribus, retulimus, cuius te vel ideo monitum cupimus, ne quæ egregio illi censori, aut alij similis farraginis homini calumniandi ansa relicta videatur. quæ ea venia à nobis prodi esse iudicauimus, qua ab aliis prodita fuisse vidimus, quanquam omnino prætergressi simus quæ præstigiosam illam Magiam plus redolere cernebantur, quàm Christianam eruditionem deceret admittere.

De Hyacintho.

CAPUT XII.

Delinea-
tio.

HYacinthus à sui nominis flore nomen habet: cuius namque colorem quàm proximè repræsentat. Est itaque Hyacinthus colore quidem fuluo, ab Amethysto (Plinio teste) differens quòd quæ in hoc emicat viola, in illo dilutior conspicitur, ut quis scilicet ab Amethysto ad aurum immixta etiam leui quadam, sed subobscura purpura, deciscere dixerit Hyacinthum. Triplicem eius inuenio differentiam. est enim qui ad rubrum plus inclinat, ignique purpurascit magis, cui nonnulli primam adiudicarunt authoritatem. Est & alius, è fuluo croceum repræsentans, quique igne obscurior redditor. Tertium è fuluo ad cœruleum non ingrati præ se fert anhelationem, inde sapphirini nomen habet, cum alij supremam maiestatem adiudicant, vel hoc nomine quod Hyacinthi Sapphirique naturas complecti, ex utriusque tinctura videatur. Hic præ omnibus aliis aëra sentire perhibetur, sereno scilicet cœlo ceu gratulabundus, impensius superbiens, nubilo autem aut omnino obscuro iniucundior, humiliorque apparens. Probantur qui nec obscuriores nec clari-
ores,

Genera.

Probatio.

sunt, quique igni admoti utcuque purpurascunt. Mirum quod temporum constitutionibus quique affici videantur ut cœlo placido pelluceant : ingrato verò tanquam eius iniurias ægrè ferentes, tristi aspectu compareant, ut vel hinc cœlestis illum esse naturæ, non abs re quis asseueret. Probatissimus quisque frigidissimus ore sentitur, & sculpturæ contumax vix tandem cedit. Porro quod ad facultates spectat, pertinaci frigiditate corpora densare atque reficere, somnum conciliare, virtutes, cordis præsertim tueri, à populatim sæuiente peste, cum manifesta sua qualitate, tum recondita quadam proprietate gestantem adserere, creditur. Ideoque pro amuleto collo suspenditur è regione cordis, ut cutem contingat. Nec desunt qui Hyacinthū cōfirmant diuitias augere, & animi alacritatē efficere; prætereà & à fulguribus portantem defendere.

Pro
tasi*De Margaritis.*

CAPUT XIII.

OMnibus certè notiores sunt Margaritæ, quàm ut earum delineatione opus esse suspicer. Porro quod ad earum originem attinet, varia est autorum sententia, cuius tamen diuersitatem dissimili earum genesi acceptum tulerim, non autem illorum, aut ignauia aut oscitantia, nec enim video cur cuiquam mirum videri debeat, si pro diuersa cœli constitutione illarū generatio variet. Quid nāque prohibet aliter nasci eas quæ ab Erythræo mari, quæve à Taprobane & Toidis, vel etiam ab Arabia petuntur littoribus? secus autē quæ è Paria vicinisque Austrinis vel etiā Occiduis Septentrionalibusque Oceanis ab edoctis vrinariis solertissima petuntur arte. Proinde Plinium rerum naturalium peritissimū nullus inscitia aut negligentia insimuladum cēseo, quod de Margaritarum natalitiis aliter scripserit quam Austrinarum, Occiduarumque nuper inuentarum regionum lustratores literis prodidere, quorum monimenta prætereo ne prolixior fiam. Sat namque nobis in præsentiarum fuerit apud omnes conuenire, Conchas pro sua ætate ac magnitudine maiores, pro roris verò (appetento genitali tēpore) cōcepti puritate vel obscuritate generosiores vel ignobiliiores eniti. Qua ratione vberiore has cum cœlica natura, quā cum æquorea cōsensum & cognationē obtinuisse manifestum puto. Flouescere deinde has vel igne, vel omnino senecta, atque etiam crassescere, læ-

Genesis
margarit-
tarum.

uoremque sensim deponere omnibus in confesso est. Inuenio præterea & concham præuisa manu apprehensura, sese continuò comprimere, utpotè suas operituram diuitias, gnaram scilicet quòd harum causa impetatur, inimicam quoque manum si forte cōprehenderit, amputare: iustissima (vel Plinio autore) tantæ temeritatis, luxus & auaritiæ pœna. Est & præterea apud Vogesum in Lotharingia montem amnis Margaritarum ferax: verum non vsque adeò splendidæ sunt. Mirum tamē quòd quæ per genesim gratia in eis desideratur per columbas refarcitur: quæ scilicet deuoratas puriores tandem eas cum fæcibus reddunt restituuntque. Præferuntur quæ cādidiissimæ, lucidissimæ, rotundissimæ, leuissimæ & minimi ponderis sunt, maximè autem si natura perforatæ sint. Porro præcipua margaritis laus est, quòd siccitate innata corporis redundantias absumunt: ut vel hinc vires, spiritus, cor & principes corporis partes recreet. Ideoque contra cardiacos & melâcholicos affectus plurimum celebrantur, magnoque vsu commendantur. Adde quòd à vulgaribus pestiferisque morbis defendunt, & diarrhœis magnopere conferunt, hac tamen ratione, ut vel in polline vel alio quouis modio insumantur. Oculorum præterea abundantem humorem finire, ideoque & visui prodesse, oculis scilicet quàm tenuissimo earum puluere immisso, traduntur. Neque enim solo gestatu quidpiam illis posse reperio, quàm inexplebili humano luxui arridere.

De Carbunculis.

C A P V T X I V.

Posteaquam de tredecim illis, quarum sacra Apocalypsis meminit, Gemmis, sermoni coronidem imposuimus, pro nostri absolutione instituti, de aliis qui nunc passim in vsu sunt lapillis operæ pretium fuerit disserere, à preciosissimisque Carbunculis ordiri. Carbunculos itaque (ab igniti carbonis colore ita vocatos) inter ardentes igneasque Gemmas supremam sibi vindicasse maiestatem, apud omnes conuenit. Porro in numerosas diuariantur species: sunt namque Garumantici, Indici, Æthiopici, Alabaudici nominantur, singuli scilicet à suæ generationis loco. Persuasum autem habeo, præsentī huic nostro argumento abundè facturum me satis, si Carbunculorum quatuor genera explicauero. Itaque verissimo generosissimoque, imò & Imperatoribus dignissimo propriè

propriè vocato Carbunculo, Balagium, Rubinum, ac Granatum Gemmas vulgarissimas annumerabimus: hæ siquidem inter ardentes ignem à certissimo Carbunculo propriùs præsentant. Porro selectissimorum carbunculorum multiplicem inuenio differentiam. Quidam enim colore vehementer igneo in modum ardentis prunæ translucent, ita tamen ut extremus earum igniculus in Amethysti violam desinere videatur, sed & per tenebras lumen diffundunt non iniucundum: sunt & alij qui pinnato fulgore pellucunt. Alij alba præcincti venula, qui coloris præstantia atque illecebra nullis aliis cedant, quibus etiam familiare esse perhibent inter ignitas prunas ceu mortuos languidosque comparere: supereffusa autem aqua, carbonibus extinctis, è vestigio priori gratia ceu rediuiuo colore gloriabundos resplendere: tanto naturæ miraculo, ut hinc Carbunculi genus hoc præcipuum nonnulli reputent. Hunc Carbunculum Apyrotum nuncupari Apyrotus. comperio, quod ignem non videatur sentire. Demum & hunc sequitur qui Sandrastos quibusdam, aliis Garamantites vocatus est. Hic ex India vel Arabia, qua, meridiem spectat, petitus superiorum splendore atque igneo colore nobilis, aureas insuper guttas continent velut stellantes: intrò quidem semper, numquam tamen in facie conspectas, hoc etiam ordine disseminatas, ut Hyades cum guttarum numero tum serie iudicari valeant. Ideoque & hoc Carbunculi genus viri quidam non incelebres cæteros albis (quod aiunt) equis præire confirmant quòd præ aliis longè vberius cælestes complectatur virtutes, syderumque concepisse similitudinem videatur. Quæ de re & Chaldæis sacrum quibusdam æstimatum est. Gemmarum omnium charissimæ sunt Carbunculi, ut eadem sit earum cum reliquis comparatio quæ auri ad metalla quævis analogia. Lucundiores tamen existimantur quæ Amethystizontes dicuntur: quarum scilicet extremus igniculus in violam desinit ac purpuræ quamdam effert anhelationem. Porro in omni Carbunculorum genere, mares foeminis excitatiùs fulgent, foeminæ autem ceu pinguiore crassiùs nitent. Quòd autem ad vires attinet, Carbunculi singulis quibus Carbunculi vires. Gemmæ omnes aliæ præditæ sunt virtutibus commendantur, ut vel hinc omnium nobilissimi sint habiri. Soli siquidem eiaculato igne fulgoremve rutilo solem imitari vel hoc schemate palam conspiciuntur. Ut & hinc præ cæteris Phœbo dicati creditum sit, quem cunctis syderibus tamquam regem præesse adstruunt Philosophi. Ideoque & solum hunc lapillum suam in reliquos posse figuram imprimere, cum tamen

alius nullus in idem præstando sit, Aristoteles autor est.

Balagij
delinea-
tio.

Rubini
descri-
ptio.

Granati
delinea-
tio.

Probatio.

Rubini
vis.

Granati
vis.

Cæterum Carbunculis proximam sibi gratiam dignitatēque Balagius coloris iucunditate & illecebra fecit. Lapis quidem colore rubro & prælucido, sed qui superaffuso sublinguido quodam fulgore cramesinum vulgò dictum colorem quadantenus referat. Sequitur deinde Rubinus lapis ita vocatus, laudatus maximè si per tenebras in speciem blaudæ cuiusdam scintillæ micare videatur & simplicissima consistat substantia. Illis denique Granati succedunt longè obscuriore ac minus grato colore, tamquam videlicet opaca quadam vmbria vel nubecula Rubinum offundi iudices. Lapis certè non rarus, proinde & hoc æui in minimo pretio habitus. Porro harum Gemmarum ut quæque magis minusve ad verum Carbunculum accedit, commendatior aut ignobilior & clarioribus aut obscurioribus proprietatibus donata censetur. Balagio itaque similes ac Carbunculo facultates, sed imbecilliores tribuunt. Rubinum aduersus pestilentem aërem pro insigni amuleto portant & contra terrentia somnia. Granarum præterea melancholiæ aduersari & cor reficere credunt. Adulterantur autem omnes vitro rubore infectio: sed & elanguidos foliis bracteisque quibusdam rubicundissimis substratis excitationes reddunt, ut non sit facilè à spuris veras secernere. Scalpturæ verissimæ contumaces sunt. Adulteratæ cote deprehenduntur, quòd fragiliore ac molliore sint compareantque materia, sed & centrifuga scobe dignoscunt, ut nonnunquam etiam pustulis argenteis intus nitentibus.

De Adamante.

C A P V T X V.

Adamantis
descri-
ptio &
genera.

Maximam in rebus humanis sibi gloriam asciuit Adamas, multo quidem æuo solis Regibus & iis paucis agnitus. Nunc autem tum creber, ut omnibus benè in deliciis sit, & luxu. Est autem generosissimus Adamas colore ferro candenti haud absimilis. Fatiscit hircino sanguine, maximè si aliquot ante dies hircus petroselino, silere montano & vino sit educatus: plumbo item dissolui reperio.

Porro in sex Adamantem partiuntur genera. Indicus non in auro nascitur, sed quadam cum Crystallo cognatione, candore placido translucet. Huic proximus est Arabicus, minor tantum, nec alibi quàm in sincerissimo auro generatus. Incudibus

Incudibus & ferreis malleis vterque deprehenditur : ita nam-
 que iis vterque resistit , vt indomitus citra omnem iacturam,
 à ferro & incude sese explicet. Quinimò pusilla tametsi mole,
 ignibus etiam vastissimis iniectus medius pertinax atque il-
 læsus ita permanet , vt nullam prorsus ignis actionem admi-
 sisse (etiam si multos dies ibi perseveret) palam ostendat , vn-
 de & indomitam antiquis vocari Gemmam inuenire est. Est &
 alius Adamas Centros nominatus, milio magnitudine respon-
 dens. Alius deinde Macedonicus cucumeris semen æquans.
 Hunc sequitur Cyprius in sulphureum desciscens , qui licet à
 prioribus fulgoris languore deficiat , præcipui tamen in me-
 dicina vsus est Plinio. Postremus verò Siderites ferreo fulget
 nitore. Hunc ab antiqua peritum minera passim dici audi-
 to , atque idè ab inerti vulgò reliquis præferri. Sic vulgus
 ignauum suo ducitur sensu , vt crebrò vtilissima quæque pro
 optimis reponat. Hic namque siderites ictibus cedit & malleis,
 adèò videlicet ab Adamantis natura palam degenerans , vt vel
 hunc solam apud eos nominis gratiam vsurpasse credatur qui
 rebus externis contenti ad omnem veritatem oscitare con-
 suevere. Neque pigebit etiam secundò recensere , non sine ma-
 gno naturæ miraculo fieri , vt vis illa Adamantis indomita , qua
 scilicet suarum partium integram contra ferri ignisque iniurias
 connexionem pertinaciter tuetur , ab hirci sanguine calido qui-
 dem & recenti ita afficiatur , vt tandem conniueat & atteri pa-
 tiatur. Indèque seposito omni superbo , quo antea gloriaba-
 tur , fastu , malleis & incudibus cedat , vt sese in minimas
 etiam partes frangi , mangonum vsui , permittat , qui iis po-
 stea fragmentis nullam duritiem non superant. Porro maxima
 Adamantis quantitas auellanæ nucis magnitudinem & formā
 æquare perhibetur. Generosissimus itaque & selectissimus iudi-
 cabitur Adamas , qui iam narrata descriptaque inuisa natura
 præditus , crystallo paulo obscurior , ferrum candens nitore re-
 fert , cœruleoque quodam interfuso splendore , ita quidem re-
 fulget , vt flammæ solaremque quemdam radium transmi-
 ttere videatur : quasi scilicet vario translucentique suo fulgore
 quandam cœlestis arcus anhelationem repræsentet. Porro vi-
 res Adamanti ferè diuinas tribuunt Philosophi , efficaciores ta-
 men in auro , quamquam quibusdam placere inueniam ferreā
 quandam tenuissimam bracteam susterni debere. Contra ve-
 nena & incantamenta amuletum esse præsentaneum testantur ,
 qui Adamantum præsentè toxico madere confirmant. Idèoque
 pestiferis causis resistere creditur : negantque ferentem fasci-
 nari posse , adèò scilicet cacodæmonib. inuisus esse perhibetur.

Mira Ada-
 mantis ad
 hircini
 sanguinis
 vim dis-
 sensio.

Probatio.

proprie-
 tates.

Insaniam

Infaniam, metus quoque vanos, ac terrentia inter somnia accere fertur. Gemma reconciliationis prædicatur quòd hostilem demulceat furorem, & viri cum vxore necessitudinem foueat. Ab incubis & succubis eum adferunt qui adamantem portat. Vanum omnino & præstigiij quamdã præ se ferens imaginem eorum nugamentum puto, qui adamantem dicunt vxoris insciæ ac dormientis capiti suppositum statim prodere sit padica, necne. Vel hac ratione quòd ipsa à mariti confortio quasi fugibunda statim excidat, si quidem fideli toro iniuriam impudica fecerit. Adamante scilicet marito castoque toto indignam mulierculam hoc schemate palam ostendente.

Diffidium. Huic lapillò natura rerum omnium parens tale cum Magnete diffidium ingenuit, vt illo præsentem omnem vim trastrictam à Magnete direptam planè conspicias. Quin magis tractum ab hoc ferrum feroci quadam vi ab admoto Adamante reuelli cernere est. Vt & hinc multis visum esse suspicer Adamantem aliis Gemmis iunctum ipsarum ad se virtutem omnem trahere, quod non crediderim. Cæterum nunc reconditas illas verèque admirandas proprietates ad dæmonum imposturas demandabimus quòd earum causam naturalem nemo (vt puto) adferat exactam, vti censori nostro ac similibus viris parum circumspectis, nihilque suæ ignorantix condere volentibus forsitan videtur? Absit non ab hoc tantum vno, sed & à quouis alio verè docto & piè Christiano. Quinimò ea propter in Dei & Domini nostri omnium creatoris propensorem admirationem feramur, eiusque magnificentiam ardentiori studio ac necessitudine efferamus.

De Achate.

CAP. XVI.

Maximum tempus auctoritatem ademit Achatae, non quòd viribus minùs quàm antiquis polleat, sed quòd copiosior sit: qua enim occasione solet in rebus humanis elationem fastumque raritas adferre: eadem etiam multitudo, & crebrior familiaritas contemptum parere consuevit. Plinius auctor Pyrrhum Epirotarum regi Achaten habuisse, nouem Musis cum Apolline citharam manu tenente insignem: nulla arte, sed sola naturæ solertia ac virtute, sponte maculis ita discurrentibus, vt Musis quoque singulis sua redderentur insignia.

Porro tam est vulgaris Achates vt delineationem eius & genera scribere omninò superuacaneum arbitrer. Probatissimæ verò sunt perspicuæ, quæque leoninæ pelli similes sunt, vel etiam

etiam nigrae albis interfectae lineis. Mercurio sacram Achaten Probatio.
 rudis nimirum antiquitas credidit, eam praesertim quae apud In-
 dos nata est, ubi vario colore, guttis etiam phoeniceis confersa
 visitur. Ceterum omnem Achatem venenis, pestiferis, araneo- Virtutes.
 rum atque scorpionum ictibus, aduersari, prudentiam ac facun-
 diam praestare, ab aduersa fortuna tutari, visum fouere, cor re-
 creare, sitim ore contentam arcere adstruunt. Nec de iunqui-
 tum maxime efficacem scribunt, cum fetis leoninis inuoluta
 defertur, quod quam a vanitate quoque absit, iudex esto.

De Aleetorio.

CAPVT XVII.

Aleetorius lapis in ventriculo capi reperitur, obscuri cry- Genesis
& deli-
neatio.
 stalli similis & colore & substantia, nisi quod paulo cras-
 sior apparet, non excedens fabae magnitudinem. Probatur quae
 intus velut stagnantem ingesti cibi micam modicam nec vs-
 que adeo obscuram ostentat. Sunt quoque qui audeant affir- Probatio.
 mare caponem in quo Aleetorius sit absolutus, bibere num-
 quam: ideoque strenuis militibus ex usu esse creditur. Proinde
 Milonem Crotoniensem eius Genmae in ore contentae praesi- Virtutes.
 dio, nullo vnquam certamine superatum praedicant. Porro
 aleetorio vires tribuunt non incelebres contra pericula qua-
 uis. Praeterea Venerem ciere, homini constantiam, mulieribus
 viorum gratiam conciliare, ferenti quoque facundiam praes-
 tare, potens creditur. Sed & sitim ac cordis aestum arcere ore
 inclusa experimento non raro constat.

De Torcoide.

CAPVT XVIII.

Torcoidem tam in magno pretio esse ferè apud omnes Genera &
delinea-
tio.
 conspicuum est, ut multi suo tunc demum luxui aliqua ex
 parte satisfactum putent, cum praeclaram quandam nacti fuerint.
 Duo itaque sunt eius fastigia, a suae scilicet propagationis
 loco nuncupata. Inferior siquidem Hispanica: altera Indica
 seu Orientalis nuncupatur. Vtrique tamen consimili, crassa
 & minime perspicua substantia. Porro Hispanica colore utru-
 que virente, subobscuro adeoque ingrato conspicitur: ideo-
 que respuitur seu vilissima. Indica autem ex herbaceo, cya-
 neo quodam lactescente nitore gratiam gignit non vulgarem.
 Colorem igitur praebet seu in caeruleum ex viridi, lacteum
 quiddam perfusum imageris. Raro citra rimam venulamve
 reperta.

De Corneolo.

CAPVT XX.

Delinea-
tio.
Probatio.
Vires.

Corneolus Gemma est vulgaris minij colore, sublanguido tamen, seu videlicet in humanam carnem perspicuitas perfusa sit. Rheno frequentissima est. Probatur, quæ purissima iuxta ac nitidissima consistit substantia, colore carneo translu- cido. Sanguinem propalam cohibet, liuentes dentes suo polline emendat, omnem ab eis detergens sordem. Iracundum animum placare creditur.

*De Cyaneo Græcis, Cœruleo Latinis, vulgaribus
autem Lazuli vocato lapide.*

CAPVT XXI.

Magnam profectò auctoribus peperit obscuritatē, legen- tibus verò perplexionē, cœrulei seu Cyanei nominis di- uersa significatio: aliis scilicet sub hac voce cœruleam arenam cum Cyanea Gemma confundentibus: aliis autem solam eadē dictione metallicam arenam complectentibus. Plinius namque naturalis Historiæ lib. 3. cap. vlt. ita insit: *Cœruleum arena est, huius tria genera fuisse antiquitus: Ægyptium quod maximè pro- batur: Scythicum; hoc diluitur facile, cumque teritur in quatuor colores mutatur, candidiorem, nigriorem, crassiolem, tenuioremve. Prasertur huic etiamnum Cyprium. Accessit his Puteolanum & Hispaniense, arena ibi confici cœpta.* Dioscorides item lib. 5. cap. 97. sic habet ad verbum, *Cœrulei origo ex arariis metallis est. In Cypro copiosus ex arena literali, secundum quosdam sub cauatos specus maris inuenitur, quod & magis probatur.* Gale- nus verò simplicium pharmacorum lib. 9. inter metalla Cœ- ruleum reponit. Deinde Paulus Ægineta de Cœruleo, Dio- scoridis sententiam penè ad verbum refert: quam etiam Pli- nius, eo quo diximus capite, imitatus palam ostendit non de Gemma sermonem se facere, sed de metallico Cœruleo: quod ærofa quadam substantia, non tamen lapidea, consistere ad oculum videre est: ut vel hinc in confesso esse debeat, iis locis auctores illos Dioscoridem, Galenum Paulumque (dico) non de Cœruleo, lapide Cyaneave Gemma disseruisse, verum de metallico illo Cœruleo quo ad generosas imagines picto- res uti consueuere, Galli azuram vocant. Sed enim Plinius idem ille lib. 37. quæ Gemmis dicauit, ita habet. *Reddetur & per se Cyanos accommodato paulo antè laspidis nomine colore Cœruleo.*
Optima

Optima Scythica, dein Cypria postremo Ægyptia. Adulteratur maximè tinctura, idque in gloria regis Ægypti adscribitur, qui primus eam tinxit. Diuiditur autē hac in mare sœmināque. Inest aliquādo & au eius puluis, non qualis in Sapphirinis; Sapphirus enim & aureis maculis & punctis collucet, Cœrulea & Sapphiri rarōque cum purpura. Optima apud Medos, nusquā tamē pellucida. Quibus verbis statim ab ipso limine videtur Plinius vtrunque confundere. Cœruleū scilicet metalli cum Gemma cœrulea. Primū quidem vel hoc maximè, quod Scythicæ, Cypriæ & Ægyptiæ rationem habuerit, quemadmodum etiam superiore lib. 33. de arenoso Cyaneo singulariter agens Cyanej Ægyptij, Scythici & Cyprij meminit. Hinc reuera non mediocrē hos locos video imposuisse difficultatē viris etiā doctissimis; alius videlicet de vtriusque confusē Plinium intelligentibus, aliis de solo arenoso cœruleo hos torquentibus sermones, autorum insimulantibus damnantibusque tanquam hanc inter Gemmas arenam malè collocavit. Inter quos Hermolaus ille Barbarus, vir aliōqui peritissimus ac de re medica & Plinio optimè meritis (pace tanti viri, pro veritate tamen, dixerim) nescio qua iudicij adumbratione percussus, non veretur Plinium negligentia calumniari. Mihi verò (absit omnis arrogantia) Pliniana lectio rectiūs consultiusque hoc loco, idest, lib. 37. cap. 9. castiganda videtur, & in hunc modum suo auctori reponenda. Reddetur & per se Cyaneos nomine, accommodato paulò ante Iaspidi colore cœruleo. Vt his scilicet verbis & Iaspidi & Cyaneæ Gemmæ substantias conuenire quidem, sed colore alterum ab altero discriminari declaret ostendatque, vt & quis ex Iaspide Cyaneum lapillum ementiri posse intelligat si illi colorem cœruleum addat. Cui & id optimè adstipulatur quod mox subtexuit: *Adulteratur.* (inquit) *maximè tinctura.* Quod demum hoc loci Plinius non de cœrulea arena disserat manifestant hæc eius subiecta verba: *Inest aliquādo & aureus puluis, cum iis que sequuntur queque supra retulimus.* Nam & ea non arrosæ illi arenæ, sed Cyaneæ (vulgato nomine Lazuli vocatæ) Gemmæ ita ad amissim consentanea esse constat, vt nemini dubium (meo tamen iudicio) esse debeat, Plinium hoc loci de sola Cyanea Gēma agere, neque etiam facilè credendum fuerit tam celebrem autorem, ac rerum naturalium tam indefessum, acrem ac peritum indagatorem scriptoremque, vulgarissimam hanc Gemmam la-
tuisse. Neque etiam vel leuiter suspicandum puto quod agnitæ nusquam meminerit, cum præsertim diligentissimum sese naturæ mirabilium perscrutorem, præconem, promulgatoremque semper exhibuerit. Sed neque huic nostræ opinioni refra-

Castiga-
tur Pliniana
lectio
lib. 37.
cap. 9.

gatur quòd iam citatis locis Ægyptij, Scythici, Cypriique Cœrulei meminerit. Quid namque impedit vtramque, cœruleam arenam dico ac Gemmam Cyaneam, tribus iam indigeratis locis oriri? Sed enim lib. 33. cap. ult. Ægyptium maximè probari scribit secundo loco Cyprium, nouissimo verò Scythicum reponit: quibus accessisse adootauit & Puteolanum & Hispaniense. Vbi verò de Cyanea Gemma (quæ ei Cyanos per se vocatur) hoc est lib. 37. cap. 9. scribit, omnibus Scythicam præferri dicit. Dein Cypriam commēdat, nouissimam autem Ægyptiam æstimat. Ecce quàm hîc vltimam facit, illic primam effert, vt & hinc non de iisdem Plinium diuersis his locis scribentem intelligere debeas. Quinimò Sapphiram hunc capite cum Cyaneo lapillo postea complexus, ita infit: *Cœrulea & Sapphiri raro* (vbi etiam coniunctionem quo semouendam puto) *cum purpura, &c.* His ergo certè rationibus eò sum adductus, vt Pliniū illis locis non de arena Cyanea aut Gemma tantum, sed lib. 33. de arenoso Cœruleo, lib. autem 37. de Cyanea Gemma capiendum existimem. Quis enim (obsecro) tam inertis, aut in Pliniū, alioqui grauissimum autorem, tam infenso ingenio fuerit, vt ea quæ Cyaneæ Gemmæ (emendata licet lectione) Plinius propagalam tribuit, arroſæ illi arenæ quadrare inaudiat: quam nemo lapidea substantia vel puluere aureo gloriari rectè quidem dixerit? Potius itaque Lazuli vulgò nuncupatæ Gemmæ consentite hæc profectò videbuntur: cum ea substantia sit lapidea, Iaspidi scilicet germana, aureumque puluerem coram ostentet. Qua de re subinde vehementer mirari subiit, hoc loco Plinij sensum tot, tamque celeberrimos authores Plinianæ lectionis etiam studiosissimos hætenus (quod legerim) ita fuisse, vt vtrūque confuderint, magno humanæ conditionis detrimento: dum nempe apud omnes ferè seplasiarios arena pro Gemma in medicandis corporibus quàm ineptissimè vsurpatur. Sed hæc quorsum? eò nempe vt melioris doctrinæ gratia omnem de medio tolleremus implicationem, & aliquam Pliniano sensui adferremus restitueremusque lucem. Est itaque Cyanos Cœruleæve Gemma lapillus substantia quidem Iaspidi haud absimilis, colore Cœruleo. Probatur aureo puluere conspersa Vnde & stellatum lapidem dici inuenio, quòd stellis similiter lumini expositus aureo puluere scintillet. Præfertur quæ Cœruleum sui nominis præstantissimum (quem nostri Azurum vocant) colorem assequitur, consimili vnde quaque substantia & concremento. Lapis est sculpturæ non vsque adedò contumax. Vidi ego ex eo Cantharidem tam affabrem tamque graphicè constatam, vt eminus veram iudicarem: puluere nimirum aureo tam appo-

Descri-
ptio.
Probatio.

sitè

fitè, quod in animante fuluum natura fecit, imitante, vt eum lapillum ad id muneris procreatum quouis sanæ mentis non immeritò iudicasset.

Porro quod ad vires attinet. Aduersus melancholicos affectus eius pollen toties ablutus dum eius dilutum peregrinum nulum præ se ferat saporem efficacissimè ingeri, literis & experientia confirmatur. Melancholicum enim humorem per inferna deponit; non lotus verò, cum infernis superiora, non citra magnum laborem, commouet. Nec desunt qui pueris à collo gestatum nocturnos arcere pavores testentur. Oculorum aciem reficit atque demulcet. Collo appensus prægnantes ab abortu adserere perhibetur. Volunt autem appetente partu semoueri.

Proprietates.

De Chelidonio.

C A P V T XXII.

Chelidonium, vel Chelidonia (vtroque enim genere dicitur) lapillus est parvus perspicuus minimè, è iuenculariū Hirundinum ventre exsectus Mense Augusto, Luna crescente, reperiuntur optimi, magnæque ex parte bini, aliquando æstem singuli, in earum scilicet ventriculis aut iecuscalis. Dicentur namque (auctore Plinio) matres exclusis pullis hunc dare lapillum deuorandum. Inuenio & hîc quoque solertissimæ naturæ non suppressendum miraculum, nempe quòd illarum pulli per coniuncta rostra in sese reconditas has Gemmas prodant. Dicunt etiam & has debere erui priusquam primigenius pullus terram contingat. Quanquam ne hoc quidem sua vanitate carere putem. Hanc bisariam discriminari tradit Plinius, aut enim est rufa, aut nigra, vel potius ex pullo nigricans, hirundinū vel pauonum colore, minimèque pellucet, sed aspectu ingrata visitur. Sunt & earum aliquæ, parte quidem vna nigricantes, altera verò purpurascens nigris intercurrentibus maculis. Probatissimas esse comperio quæ substantia purissima ac simplicissima, & aureis guttis insigniuntur. Porro singulæ tametsi incultæ sint & pusillæ, magnis tamen virtutibus præditæ adstruuntur, vt & de ipsis rectè id occini possit:

Generationis locus.

Differetia. Probatio.

Vires.

Regnat in exiguo præcellens corpore virtus.

Rufam siquidem sub ala sinistra gestatam lunaticos, hoc est, comitiales, insanos, & languidos sanare perhibent. Præterea & facundiam, & apud homines gratiam, promouere confirmant Nigricantem verò similiter portatam testantur reges & principes conciliare, & cœpta negotia pro animi senten-

ria absoluere, omniumque gratiam inuitare. Eius verò ex aqua dilutum, oculorum aciem reficere dicunt. Neque superstitione vacare putem quòd rufam in panno lino mundo, nigram autem in croceo tantum inuolutas suis præstare potestibus nugantur, cui & id accedit quòd parentibus præsentibus erutis vires effluant.

Contra
Amstelre
dampm.

Hic magna mihi profectò incescit admiratio de viri cuiusdam de literis alioqui bene meriti, non leui oscitantia, qui in scholiis suis in Marbodeum ubi agit de Chelidonia autorem citaturus quòd Chelidonium Gemmam oculis ostenderet proficere, Plinium adduxit lib. 8. c. 27 & lib. 25. c. 8. 12. quibus in locis non de Gemma, sed de eius nominis herba palam est Pliniū differuisse. Siquidē, ut rem per capita ex ordine recenscamus, ita habet dicti iam c. 27. titulus: *Quæ animantia quas herbas ostenderint cerui, lacerti, &c.* Demū in contextu de Chelidonia agens ita infit: *Chelidonium visui saluberrimā hirundines monstrauere, vexatis pullorum oculis illā medentes.* Deinde lib. 25. ubi constat Plinium de herbarum viribus disceptationem ex professo instituisse, cap. 8. sic habet: *Animalia quoque inuanere herbas, in primis Chelidonium: hac enim hirundines oculis pullorum in nido restituant visum, ut quidam volunt erutis etiam oculis.* Capite denique eiusdem lib. 2. posteaquam Centaurium vtranque, maiorem scilicet & minorem oculos iuuare tradidit, ita subnectit: *Iam Chelidonia supradictis omnibus minè prodest.* Ex quibus luce meridiana clarius esse constat Plinij locos hos ab Amstelredamo nostro citatos non posse ad Chelidonium Gemmam torqueri, verum de similis nomenclaturæ herba tantum debere intelligi. Quæ idē annotauimus ne quis eius autoritate falsus, in similem errorem impingat.

De Arite.

C A P V T XXIII.

Genera.

Probatio.

Delinea-
tio.

Virtutes.

Arite quatuor genera refert Plinius, vulgato tamen nomine singuli. Aquilæ lapides vocantur. Vidi ego cinereo colore Ariten, alterum albo, tertium pullo. Sonitu dignoscuntur si quatiantur: tum enim in sese conceptum lapillum manifestè produunt. Lapis est cortice duro, scabro & minimè læui. Sunt qui aquilam in nido marem & fœminam habere asserunt, negantque illam sine eis oua parere: idēque solis iis quæ ē nidis eius alitis erutæ fuerint vim medicā concedunt.

Nihil

Nihil igne hic lapis deperdere creditur. Porro *Ætites* grauidis, quæ ob vteri imbecillitatem foetum agrè continent, brachio sinistro alligatur magno earum vsui, parturientibus autè brachio dextero admoueri debet: foeminis item alligata citra dolorem (notatu dignum) foetum dicitur extrahere. Nec desunt qui hanc velint statim à partu auferri; ne vterus sequax partum vitiet. Mirum quod furem prodere fertur si quis in pane conditum offerat, neque enim mansum, vel etiam cur ea decoctum quicquam, furem deuorare posse confirmant. Tritum & cerato exceptum comitiales strenuè iuuare comperio. Mitto quæ de hoc lapide præstigioli illi ac toto cælo aberrantes magis nugantur: neque enim vxorum furta deprehendere, vel futura præfagire hunc citra incantamenta posse crediderim. Quod ego quæ de furis prodicione prænotauì, referrem, si non autorum ridicula & non digna fide grauitas & fides reclamaret.

De Magnete.

CAPVT XXIV.

Natura, vt saxis vocem hominis obloquentem, immò & Echo resonantem dedisse videri potest: ita & Magneti sensum manusque tribuisse quodammodo non ineptè existinetur. Ferri namque indomita propemodum pugnacissimaque natura trahenti illi exemplo cedit, vtque propius accessit ab eo continetur & quodam veluti cõplexu cohæret. Sunt qui ab inuentore, ita vocato in India pastore, nomenclaturæ illius rationem adferant: quibusdam autem Siderites, aliis Hercules nominatur. Hic tamen si in Ida primum repertus sit, passim tamen apud Hispanos & in aliis quoque locis nascitur. Qui vero à Troade petitur, qui & albus pumici haud absimilis comparet, foemineus est, & non vsque aded efficacis potentia, ideoque respuitur. *Æthiopici* laus & præcipua commendatio, iis præsertim qui ad cœruleum magis inclinant, quales maximè in *Æthiopia* *Zimiri* regione arenosa reperiri inuenio. *Æthiopici* argumentum est, quod Magnetem quoque alium trahit. In metallis ferreis oritur. Hunc Germani atque Itali habent, ferrugineo tamen seu pullo magis colore: qui qua parte cœruleum propinquiùs refert, acriùs trahit. Autor est tamen *Diogenianus*, probatissimum Magnetem argenti aded similem esse, vt incautos facillè fallat, quem & ad maleficia præstantiorem esse testatur. Porro omnibus præfertur qui maximè trahit, & qui vsus *Hæmatiten* ferè repræsentat. Quod autem ad vire; Virtutes;

Nomina;

Genesis;

Probatio;

Virtutes;

attinet. Potus triobolorum pondere ex succo fœniculi hydro-
pici aquam detrahit: ferro item intoxicato vulneratis præsentî
remedio subuenit, oculorum medicamētis imponitur præterea
& ad epiphoras: adusta verò crematus tritusque sanat. Cōmen-
titiū puto quod de Magnete quidam nugantur. Nempe quod
in somnis ignorantis fœminæ capiti subditus, adulteram lecto
deturbat, fidelem verò probamque vxorem ad mariti amplexus
etiam dormientem, proleſtet. Vanum insuper nec è republica
esse iudico, quod quidam Magnetem furibus suo fumo atque
nidore vsui esse narrant: quasi scilicet ad furta lapis natus sit.
Hic subit vehementer mirari, admiratione non vulgari dignâ
huius lapidis tractricem virtutem, qua videlicet ferrum non so-
lum quod contingit coram, trahere, verum etiâ & suo contactu
similes in id transferre vires trahentes, vnde & aliud quodeun-
que congeneum ferrum conuellere possit, vt viderim non raro
plures acus hac ratione sese suspendere, tanquâ scilicet mutuis
sese manibus inuicem cōprehendissent. Quinimò non desunt
qui facto periculo affirmare audeant ferrum à Magnete in libra
posito tractū nihil Magneti ponderis adicere, ceu nempe ferri
grauitas vi lapidis absorbeatur. Porro tractricē hanc virtutē ab
vrsa cœlesti Magnetem mutuatum esse coniectant, argumento
quod acus hoc affricta libere in solaribus horologiis pendens
ad vrsam saltem minorem ferè moueatur, Magnetis potentiis
acum sequacē trahentibus: vrsa verò vtrumque acum & lapilli
in ea virtutem, ceu sibi affinem congeneamve, conuellente at-
que alliciente, eademque vi sidus hoc appetēte. Quod si ita est,
facultas illa Magneti cum ab initio perfusa est, tum perpetuo
vrsæ radiis & influxu vegetatur. Proinde si quis eorum quæ de
lapilli huius trahente potestate diximus, rationem experat, nō
inſcitè responderi possit virtutis eius causam esse cum lapilli
specificam formā, tum eius germanitatem cum ferri natura, &
eorum quidem ytriusque consensum cum vrsa illa cœlesti, cui
& obnoxior sit lapillus ipso ferro. Quibus & id adstipulari vi-
deo, quod solum ferrum Magnetis viribus parere palam con-
spiciatur, easque cōrumaciū retinere perpēdatur. Ad hæc, quod
(autore Plinio) vulnera asperiora sunt ferro, Magnete cōtacto.
Porro huic lapidi contrariam inuenio Theamedē Gemmā, om-
ne à se ferrū respuentem profligantemque. Est & Plinio genus
aliquod Magnetis, vitri liquorem alliciens. Lapillo item illi
cum alio discordia est non obscuris, siquidem alio illitus tra-
ctricem omnem facultatem perdere fertur. Dissidet etiā cum
Adamante, qui & iuxta positus illum trahere non sinit, quini-
mo conuulsum iam ferrum admotus illico reuellit. An autem
vires

Theame-
des lapis.
Discordia.

vires hæ occultæ mirificæque Cacodæmonum imposturis adscribi debeant: an potius inde auidius admirandus atque laudandus Dominus omnium creator Deus, ac per ea quæ in hoc lapide facta sunt, sempiterna eius virtus & diuinitas magis cognoscenda, & in mirabilibus suis operibus benedicenda, tuum esto iudicium Lector.

De Hæmatite.

C A P V T XXV.

Quando superiore capite Hæmatitis meminimus, non abs re quædam & hæc de eo recensere operæpretium videtur. Duo itaque Hæmatitis genera Plinius facit: alterum à Magnete cognominatum, sanguineo exterius colore, ideoque tritus is sanguinem refert, ferrum tamen Magnetis modo minimè trahit. Hunc pro vero Magnete à non paucis pharmacopolis damnofo errore venditari vidimus. Alterum autem Hæmatiten dicit idem Plinius venis rudentibus discerni, hoc est, ab optimo descivisse iudicari: ita enim Plinium intelligo. Hic siquidè Dioscoridî probatissimus est, non qui intermistas habet venas rubentes, sed qui puro colore (vt eius verbis utar) niger est, durus, in se æqualis, & nulla infectus sorde, nulloque zonarum excursu. Itaque duæ nobis præcipuæ hæmatitis species relinquuntur: altera exterius rubens, interius autem nigricans, vt Magnetis colorem quadamtenus imitari videatur: altera verò omni ex parte nigra. Quamquam nec me fugiat alia etiam à Plinio numerari illius fastigia, verùm duo hæc nostro instituto suffecerint. Neque enim de singulis Gemmis, sed de selectissimis vulgatissimisque differendum suscepimus. Porro quod ad vires attinet, oculis cruore suffusis mirè prodest, muliebre profluuium sistit, & cum mali punici succo iis qui sanguinem reiciunt confert. Vesicæ præterea utilis est & serpentium ictibus. Ex lacte oculos à lachrymis vindicat. Imò & ipsos procidentes ingenita vi continet cohibetque. Calfactoriæ & extenuatoriæ est facultatis.

Genera.

Probatio.

Virtutes.

De Succino.

C A P V T XXVI.

Variæ multùm de Succini ortu autorum sententiæ sunt. Prætermisiss tamen de eius origine & natura opinio-

nibus diuersis, sed & de eo ridiculis Poëtarum fabulis, in India atque Germania Plinius tradit nasci defluente medulla arboris è pinearum genere: quemadmodum è Cerao, gummi, & ex Picea, resina redditur. Erumpere namque humoris abundantia, succosumque primum esse, dein verò vel rigore vel tempore autumnii densari atque durari confirmant, & intumescantibus tandem marinis æstibus rapi, ac in littora nonnunquam transportati aduersa. Indeque succino nomen, quod pini arboris succus esse credatur, argumento quod attritum pineum refert odorem, accensumque tedæ modo nidore flagret. At liquidum primo stillare indicio quidem sunt quædam intus translucentia. Porro succinorum tria esse præcipua genera litteris proditum est. Primum, quod melleo colore conspicitur: secundum, quod Phalernum vinum: tertium quod candidum refert, quod & odore præstantissimum est. Præferunt quidam Phalernum, fuluum scilicet ac translucens consimili vndeque substantia & concremento, ea tamen lege vt non nimio ardore flagret, sed leuem tantum ignis ostendet anhelationem, non autem igneum fulgorem adsequatur. Apud multos autem album odoris illecebra commendat. Rude quidem primum & austerum legitur, tandem verò adipe lactentis suis incoquitur, deinde expolitur. Porro quod ad succini virtutes spectat, infantibus pro anuleto ligari, lymphationibus prodesse, ac lotij difficultatibus, inuenio. Præterea in poliline exhibitum albos menses, stomachi fluxiones, ventrisque profluvia sistere, cerebro didicimus experimento. Cor & cerebrum vel odoris præstantia propalam recreat. Ex melle teritur ad oculorum finiendas humiditates. Attritum & calfactum festucas, quisquilias & leuissima quæque allicit & trahit, præter Ocimi tamen surculos, quos auctore Plutarcho, reicit repellitque, vna etiam cum iis quæcumque oleo perfusa fuerint. Succinum septasizariorum officinis *charabe* barbaræ Arabum voce dicitur. Hoc genere & Lyngurium vel (vt aliis placet) Lincurium contineri, coloris, substantiæ & proprietatum congenæ germanitas, multis persuasit: forsitan enim fuerit secundi generis, hoc est, Phalerni ruborem referentis, species quædam ardentior. Fabulosum omnino esse suspicio est, quod plerisque Gemmarum perferutatoribus videtur, Lyncurium ex Lyncis animalis vrina arena mox à deiectu contexta, Solis deinde ardore concreta ac durata consistere.

Lyngurium.

De fictitiarum à veris Gemmis differentia & dignoscendi ratione. CAP. XXVII. & ultimum.

Non mediocrem fidei ac maiestatis partem Gemmis ademit de republica pessimè meritorum hominum pertinax avaritia & luxus. Quandoquidem inde factum est, vt tam subtili dolo ferè omnis generis Gemmæ adulterentur, vt à fictis veras dignoscere vix sit aliquis modus. Sunt quippe qui ex veris, ac vilioribus, alterius generis lapillos ementiuntur; vt iam vsus percrebuit multo contumacique igne Sapphiro Adamantem fingere, & tanta arte imitari, vt multis hic fucus non rarò imposturam faciat: vocantque album Sapphirum. Quibus longè perniciosiores sunt, qui nitro, vitro, ac aliis viliissimis materiis, adiecto coloris mendacio, optimas ita æmulantur, vt sua nequitia naturæ opus, sagacissimamque & inuincibilem artem, tantùm non assequantur, qui vtiptam à republica amandarentur: suis nãque id genus fallaciis tam huic quàm auctoribus, qui solerti studio & diligentia de verarum Gemmarum natura & viribus doctissimè disseruerunt, ita quidem imponunt, vt dum qui ementitas decepti, pro Germanis emunt, easque iis non esse præditas facultatibusprehendunt, quibus philosophi naturales donatas esse confirmarunt, & Gemmas, & de ipsis definientes auctores, vel vilitatis vel mendacij atque temeritatis damnent, vel etiam plerumque malè audiant qui certissimas absolutissimasque commédant. Vt itaque impostorum vitari queant scelestissimi fuci, paucis Gemmarum probandarum rationem persequi libet, vbi primum temonuerimus & has multo æuo senescere, proindeque & gratiam & vires sensim multis seculis deponere. Pelluentes igitur lapilli sereno ac matutino cœlo: omuino autem in horam quartam probari debent. Re namque compertum est iis horis ac aëris constitutione penitùs longè introspecti posse quicquid vitij habeant. Porro & pondere internosci comperio, quamquam & hîc diuersas multùm authorum esse sententias animaduertam, nonnullis enim placet generosas grauiores esse: aliis contrà sentientibus, eas scilicet leuissimas minimique ponderis esse, quod & facto periculo deprehendi, nec id citra rationem fuerit: vel hoc præsertim nomine, quòd fictitias cum ab ignobiliore adeoque & minùs efficaci gente, tum ex longè obscuriori ac magis terrestri substantia fieri palàm sit, quibus etiam Plinius adstipulatur lib. 37. cap. vlt. *Experimenta* (inquit) *pluribus modis constant. Primum pondere grauiores sentiuntur.*

Gemmas
tandè senescere.

Hora
probādis
Gemmis
opportuna.

Pondus
Generosæ
minoris
ponderis.

Post hac corpore: scititius pustula in profundo apparent, scabritia in cute & capillamento, fulgoris inconstantia, &c. Quibus coram

Bulle e-
mentitas
offendunt.
Fulgoris
inconstan-
tia.

perari. Cui & id suffragatur, quoque Margaritas præferri, quæ minùs graues sunt. Examinantur denique & corpore. Ementitis quippe bullæ in profundo comparent, quas & scabra cute & capillamentis, staminum tenuissimorum instar intercutantibus, conspicias: fulgore item inconstante atque iniuncto, nitore, videlicet priusquam aciem complectatur elanguido. Certissimarum siquidem splendor colore non in facie tantum (ut in adulterinis) & per omne corpus, quibusvis etiam forma & situ gratissimæ iucundissimæque visuntur, ceu scilicet ad sui decoris spectaculum blanda quadam oculos alliciant comitate: quod namque diutius inspiciuntur, hoc magis delectant, ac gratia non inefficaci obrutus explent. Laudatæ item limam non capiunt: ut vel hoc solo veras à falsis dispecere mangonum magna pars norit. Sunt tamè qui Smaragdum & Topazium excipiant. Deinde & ignibus propinquæ non spuria, illæscæ euadunt: excepto tamen Chrysolectro ignium rapacissimo. Adhæc duriores maximè commendantur, nimirum quod lapidi propria sit durities. Quod autem ad optimatum delectum pertinet, æqualibus cauas vel extuberantes postponunt. Oblongas quadratis prætulit antiquitas: verum nunc anteponunt quadratas, ut quibus angulosis minima olim fuerit auctoritas, nunc versa vice clarior sit gratia. Illas sequuntur quæ lenticulæ forma, deinde quæ triangulæ. Omnium verò nouissimæ æstimantur rotundæ, quamuis forsitan omnibus præferri deberent, si figuræ rationem spectes.

Argumē-
tum à li-
ma.
Experi-
mentum
ab igne.
Laudato-
rum ele-
ctio.

Epilogus.

Nostris verò his lucubratiunculis ad vmbilicum tandem perductis, postremò te quoque beneuole lector admonere visum est, nil tibi mirum esse debere, quod Gemmas quandoque masculino, aliquando autem fœminino genere scripserim, nimirum cum utroque genere, ac promiscuè illas collocari apud classicos auctores crebriùs legere sit. Cuius quidem rei vel vnicus mihi testis & auctor est idoneus Galenus ille Medicorum ab Hippocrate abundè princeps libro 9. simplicium pharmacorum.

F I N I S.

Clarissimo, ac eruditissimo viro Francisco Rueo Medico, Insulis artem Apollineam profitenti, frater Paschasius Balduinus, Canonicus Phalempinensis S. P. D.

Hac Epistola super his duobus Ruei libris iudicium continetur primum: deinde de Hebraicis Gemmarum nominibus, deque earum admiratione, usu, abusu, & viribus tractatur.

Perlecto libello, quem de viribus ac natura Gemmarum nuper elaborasti; non potui tibi non gratulari, optime Francisce, hoc à re argumenti genus esse tractatum, ac illustratum, tum quòd tuam professionem non dedeceret eiusmodi studiorum inquisitio, tum quòd nos quibus potissimum sacris operam nauare opus est, permolesta animi anxietudine atque labore leuaueris. Ea enim non nihil ad sacra pertinere nullus, reor, inficias ibit, cum tam sedulò ac seriò illis interferantur, ac ordine disponantur. Atque penitus ista exquirere, quia per varia prophanorum scripta disperguntur, atque ea mente ab eis explanantur vt ad temporale commodum proficiant, per otium nobis non conceditur. Sed & Pontificiis decretis plus nimio eisdem incumbere vetamur, cogimur quoque præscriptis diuinis sacras euoluere litteras. *Scrutamini Scripturas*, inquit ipse sacrosanctorum oraculorum conditor, quia vos putatis in ipsis vitam æternam habere, &c. Quòd verò Ioannis *Apocalypseos*, locum tibi potissimum delegeris, ibique traditum ordinem tenueris, ac deinceps æterarum Gemmarum quæ celebriores habentur, non omiseris elucidationem, maximè probo. Certissimum enim ac solidissimum locum qui in diuinis literis habetur, & qui tuo congrueret instituto, selegisti, vtpote cuius interpres & auctor idem esset de quo ambigere nefarium sit. Illa autem nomenclatio, quæ in Exodi libro digeritur cap. 28. incertior ob variam interpretum translationem, & diuersas scriptorum opiniones habetur. Si voces Hebraicæ perinde compertæ essent atque Græcæ, nulla eligendi ratio, nisi fortè quia hæ ad sacerdotium ornamentorum splendorem, illæ autem ad ciuitatis diuinæ cultum & ornatum pertinent. Nunc quia Hebraicus sermo paucissimis fuit agnitus qui externarum linguarum habuere peritiam, tum ob vetustatem, tum quòd solitariam Hebræorum vitam qui ab aliis Gentibus segregati, rarum commercii rarius vterentur. Græcus autem tam nobis familiaris, vt in quotidianum vsum nostrum

hebraica
nomina
Gemma-
rum.

Sapphi-
rus.
Iaspis.

nostrum tranſierit, merito quod ſic viſitatū habetur, præ altero
tibi in explanationis materiam ſumpſiſti, ne ambiguis funda-
mentis iactis totum quod ſuperſtrueretur vacillaret. Hebraei
ſiquidem maximè huius ætatis, tãta caligine in horum noticia
cæcitiunt, vt pluſquam talpas exoculatos credere fas ſit: niſi
fortè quorundam lapillorum Hebraica vox in externam lin-
guã deriuata antiqua veritatis veſtigia etiam cæteris nationi-
bus reliquerit, ac inde à primis auis ad nos vſque permanarit
illorum incolumis nomenclatura. Quorum præter Sapphirum
qui ipſis viuocè quoque dicitur, & Iaspidem Iasphe nomina-
tum, nullum crediderim hac ratione cognitum: tamenſi etiam
in Iaspide aliud interpretes nonnulli ſentiant, eundem in Be-
ryllum vertentes, cæterorum nomina ad linguam noſtram
translata variant, aliis alia ſuſpiciantibus. Vnde non ſatis com-
pertum habetur an idem Diuus Ioannes ſacris illis Gemis
antiquitas per Moſen proditis alludere, vel conuenire volue-
rit, quandoquidem in nominum deſcriptione cum interpreti-
bus antiquis non plurimum diſſentit, hoc eſt, tantum in Car-
bunculo, Achate, Ligurio & Onychino, quatū vice Chalcedo-
nium ſive Carchedonium, Sardonychen, Hyacinthum & Chry-
ſopraſum, conſtituit, vt non ſatis liquidum ſit de interpretum
fide, cum iam omnis illorū verſio in dubium à nonnullis vo-
cata ſit. Arbitror tamen illum non eoſdem lapidos adiciere
voluiffe cum onychis, qui apud Moſen inter duodecim Gēmas
memoratur nullam mentionem fecerit, quem plerique omnes
in eo nomine ab Hebraica voce ſcholam trãſlatum vocitant:
niſi fortè Sardonychen idem Ioannes pro illo ſtatuerit quod
Ioſephus facere videtur. Cuius onychini lapilli in tuo opuscu-
lo vix recordatus es, cum tamen præ cæteris in veteri inſtru-
mento eius mentio frequentius repetatur. Arbitror id conſul-
tò tibi accidiſſe, quod malignioris ſit naturæ, nec inter cele-
briores Gemmas ſupputetur, neque tantæ ſit dignitatĩ & vſus
vt curæ tibi fuerit illum enucleatiùs explicare. Quod idem in
Lyncurio, quem noſtrates Theologi aut Phyſiologi Ligurium
appellat, efficere viſus es niſi quòd ſuccini naturam demon-
ſtrans eius aliquantulum memineris. Porro cæterorum qui ſa-
cris libris cōtinentur, quos tamen Apocalypſis non habet, gau-
deo te non fuiſſe oblitū, quatenus non minus è re Theologica
fuerit hos noſcere quàm illos. Carbunculum & Achaten Exo-
dus liber cap. 28. atque Ezechiel nobis exhibent, Adamas quo-
que ab eodē Ezechiele cap. 3. & Zacharia vſurpatur, quamvis
hoc potius interpreti Latino quàm veritati tribuerim. Neque
enim Hebraicus ſermo permittit Gemmam omnium nobi-
liſſimam

Probatio.

lissimam intelligi: cum durities indicem tantum, non præ signis
 eminentia petatur, ut etiam sit è silice illic memorato. Intelle- Virtutes.
 xerim itaque pro illo aliquod saxi genus: quod etiamnum
 Græcus interpres ostendit, in petram eam vocem vertendo. Sunt
 qui in Exodo ac Ezechiele loco Iaspidis Adamantem collocent,
 tanta est Hebræorum oculis offusa caligo. Nec non sunt alij qui
 pro vitro, quod Iob c. 28. ab interprete positum est, vocem He-
 braicam Zecucith, in adamantem vertendam aurument. Idip-
 sum pene in omnibus Gemmis reliquis vsuuenit Hebræis ut
 subinde novam vel aliam pro alia excogitent: sic sunt cæci erro-
 rum magistri, quibus illæ diræ à sacro Psalte profusæ imputan-
 tur. *Obscurentur, inquit, oculi eorum ne videant.* Est quoque eodẽ
 cap Iob vocabulum, quod in corallium trahunt cum nusquam
 in sacris habeatur: id autem est pro quo, excelsa, traduxit inter-
 pres Latinus, minus consideratẽ vocem Hebraicam pro altera
 sumens. Inuenimus quoque alteram vocem, in eminentia, in
 eodem cap. versam, quam etiam volunt esse cuiusdam Gemmę Gabis.
 symbolũ, Gabis ea dictio scribitur. Hæc autem dixerim ut tuum
 consiliũ approbem, qui diui Ioannis Gemmis explanandis, re-
 liquas etiã vsu & dignitate celebriores non omittebas censue-
 ris, in quæ eas quæ sparsim in diuinis literis leguntur, tamen si
 clarũ non sit quæ sint, verisimile fuerit contineri. Non obue-
 nim tamen illud primum seculum, quo sacræ conditæ sunt scri-
 pturæ, hoc est, Moysis ætate, non vsque aded fuisse edoctum ut
 omnium Gemmarum pernouerit naturas & vires, cum inficiari
 nõ queamus illud tunc primũ omnem ruditatẽ exuisse, & per-
 spicuum sit ab ætate Plinij non parum immutatam esse earum
 Gemmarum æstimationẽ. & quibusdam non parum precij ac-
 cessisse, cum eo tempore primũ vel secundum dignitatis locum
 obtinerent vniones, nunc autem vix quartum sortiantur H-S.
 idest, sesteritiũ centies vna Cleopatrz Ægypti reginę Margarita,
 quæ summa non minus æstimatur ducentis & triginta qua-
 tuor millibus trecetis quoque & septuaginta quinque ducatis.
 Potuerunt itaque eo rudi seculo Adamantes & nonnulli alij la-
 pilli primæ nunc indicaturæ fuisse ignoti: & qui maximẽ tunc
 dignitatis fuere, temporis accessione, nobilioribus cedere cœ-
 perunt. Ecce quod me protraxit tuus de Gemmis lapillis ope-
 rosus labor. Cernis quis tandem Epistolæ finis erit, si cuncta
 examussatim pergam edicere quæ fecundũ hoc tuũ argumen-
 tum parere possit, si mysticas à singulis Gemmis significationes
 eruere parem: si duodecim fundamenta his lapillis ornata, por-
 tasque singulis Margaritas extructas, Theologorum more, ad Gemmarũ
admiratio-
tio.
 morum fabricã & sacramentorum expressionẽ trahere. Gemmarũ
pretium.
 Quem

Cōtra luxum in
Gēmnis
gestan-
dis.

Admira-
tio earum
rursus, &
gestatio
licita
quæ.

Quem hæc contemplatio, atque tam decori habitaculi adumbratio, ad vitæ purioris splendorem nō pertrahat? quis prauos mores ad rectitudinis lineam huius ciuitatis tam speciosæ desiderio non corrigat? quis tam obefæ mentis & hebetis ingenij, qui non ex iis perpendat, quanta munditie præpollere debeant ciuitatem tantis ornatam miraculis ingredi cupientes, cū nihil coinquinatū, vt palam diuus ipse Ioannes asserit, in illam recipiendum sit? Iam paulisper non pigebit animū attendere in eos qui horum lapillorum gestaminibus gaudent onerari, vel vt se ad exercitia spiritulia inde promoueant, quod in illis mirificis vestibus quas sacerdoti magnō apparatus legimus, factū credimus: vel vt eorum fulgoribus sese venditent apud vulgus ignobile gloriolam quampiam ex his captitantes, & quiddam diuinum sibi arrogantes, quod Tyrio regi impingit propheta Ezechiel, quem in medio ignitorū lapidum ambulasse sugillat: de quo paulō ante dixerat, *Et quod eleuatum cor tuum quasi cor Dei.* Et pōst, *Omnis lapis pretiosus operimētū tuum.* Eiusmodi homines quis nō fateatur degeneris esse animi, qui propriis ornatus priuati, hoc est, virtutibus denudati, exoticos & externos cultus asciscunt, tiaras, digitalia cingulos, & quid non frequentissimis lapillis infarciunt? perinde ac si illos vertendi essent, animi natia ornāmēta fastidientes. His hominibus si vel mentis mica inesset, cura diuersa, ea nimirū quæ omne factitium & cōmentitium aspernatur, in primis appeteretur, quas honestos mores illis ipsis lapillis designatos induere satagerunt. Excel- lens quidē naturæ opus & non exiguum miraculum est Gēmarum natura & vis, si spectetur materiæ temperamentum & quēdā lucis cum elemētari crassitie copulatio, & eo præcellen- tius quo durabilius: & tam est mirabile, vt ipsa natura suam totam vim in earum opificium collegisse ac effudisse videatur. Quamobrē has gestaturis, quia summopere intuentium oculos alliciunt, expedit, vt cuiusdā insignioris operis symbolum aut signum adsumant, quod mens haud in paucis naturæ gradibus illas antecellēs vegetior, & ad suæ operationis promptitudinem accommodatior reddatur: & ad æternam beatitatem, ad quā benignus cōditor illā destinauit, compendiosius perueniat. Hoc præcipuū horū lapillorū munus crediderim, quod si defuerit, indignum prorsus celsitudini humanæ gestamē poterit indicari, nec vnde corpus quod corrumpitur ornatū aucupatur, inde maius dispendiū animus cœlestibus natus incurrat, ne nimio lapillorum fulgetris addictus, lapideus etiā ipse animus reddat, ac proinde à sua conditione decidat: nec ab iis honoris subidiū querat, quibus ipse opinionem honoris elargitur. Hac
ratione

ratione agnoscant Reges & Pōtiffices, & quicunque horum ge-
 stiunt adiacenti luce gloriofiores apparere eorundē vires, illas-
 que ad animi vegetationē transferāt, vt in Sapphiro fit castitas
 & cœlestiū amor, in Carbunculo ardens charitas, in Adamante
 iustitiæ cōstantia, in Smaradgo facilis humanitas, & in cæteris
 simile aliquid quod menti virtutē tribuat, nec quid dā simiati-
 cum referant hoc est, ne sicut simia in purpura fastum quēdam
 ostentent & se ridendos præbeant. Nolim tamē salubres Gem- Vires na-
turales.
 marū vires attenuare, corporibus humanis oppidō quā pro-
 futuras, si cōmoda illis applicentur. Quas vires & proprietates
 vt reliquarum rerum, corpori humano cōducibiles, fuerit phy-
 sicorum vestigare: illa verò signa quæ mētem moucant, Theo-
 logorum: vt in eadē re tractent medica physici, & diuina Theo-
 logi, atque sic vnumquodque membrum in mystico Christi
 corpore, suo munere dignē perfungatur. Vides optime Franci-
 sce, tui libelli lectione me nō parum fuisse delectatum, qui tot
 verbis gaudium testatū reliquerim, & affectus hos velut ostro
 percitus vel potius numine afflatus ediderim, ne prorsus per-
 ditum laborem tuum autumes. Nam si eiusmodi fructus neuti-
 quam sequantur, frustra fuerat à sacris tuum argumentum pe-
 tisse: quandoquidem luce clarius est in his Gemmas esse me-
 moratas non vt corpori decorando seruirent, sed animi virtu-
 tibus vel conquirendis vel conseruandis proficerent: sed neque
 alioqui plurimum decuisset eundem libellum cuius *ieurour-
gounton*, dicare, quibus sacra tractate semper incumbit: sed ne-
 que me censorē statui oportuisset, cuius vires tantæ rei expe-
 diendæ impares sunt. Non pauca etenim è philosophorū ady-
 tis, nonnulla è Theologorum placitis in medium deduxisti de
 quibus certum ferre iudiciū difficile fuerit, quando nec sum-
 mas Philosophus possit omnibus his sufficere, & Theologus
 interdum conuiebit, nonnunquā dissimulabit, modò nihil sit
 oraculis cœlestibus ac ecclesiasticis dogmatibus repugnans.
 Eiusmodi sentipentorum nonnunquam narratorem, non as-
 sertorem suspicio, quod habeas non infimos auctores quibus
 acceptum feras quod expromis, & quibus te tuearis, cū libe-
 rum sit in plerisque vtramque partem fouere. De quibus nunc
 esset longiūs quicquam disserere, præsertim cū probè calleas
 quid intus habeam. Relinquo sua Astrologis apotelesmata,
 Theologorum turbam non modò refragantem, sed manibus
 pedibusque illò adrepentem interim dissimulo, de quibus nihil
 mihi libet nunc scribere, quando prolixior ipse fuerim quā
 putaueram, præsertim tibi occupatissimo, cuius seria interpel-
 lare, piaculi quiddam refert. Vale.

Alardus Rueus etiamnum puer , Patris
obseruantissimi libellum Lectori
commendat hoc Elegiaco.

*Qui legis inuisti conuiuia cruda Thyeste,
Discerptumque vagis curribus Hippolytum.
O Edipodemque oculis captum : structamque venenis
Medeam, regum bellaque ficta legis :
Qui legis Harpyias, Centauros, Gorgonas, Hydram,
Quid nisi monstra, precor, prodigiosa vides ?
Taliamque cruciant animum male sana facessant,
Quaeque virum sapiant perlege scripta Patris :
Hic vim gemmarum tractat quae cognita longè
Illarum vincit commoditate decus.*

Eiusdem ad patrem integerrimum
Epigramma.

*Ecce pater, volitant totum tua scripta per orbem,
Docta per aeternos scripta legenda dies :
Nempe tuo exemplo me nostrum nomen in auras
Spargere vis : tutum nunc pandis iter.*

A FD/152



UNIVERSIDAD DE SEVILLA



600708178

C 278562 52



F.D.
152